

DS
735
.A2
T4
v.29

國史上編卷之四十一

明肝郡鄧元錫纂

唐文武宣懿僖昭昭宣帝帝紀

文宗皇帝諱昂。初諱涵。封江王。穆第。二子母貞獻蕭皇后。始即位尊母妃蕭氏

為皇太后。中書侍郎處厚。韋同平章事。太和元年春。赦

改元。免京兆今年夏稅之半。賜九廟陪位者子孫二。夏。階立功將士。階爵始封諸侯王後。予一子出身。

李同捷反。詔發諸道兵討之。淮南節使王播入朝。進左

僕射同平章事。旱。錄京。畿繫囚。二年。春正月壬申地震。夏。河溢。州城越州海溢。秋七月彗星。出右攝提。京畿十七縣水。王延湊反。詔發諸道軍討

之。安南軍亂。逐都護。韓約。冬。給復棣州一年。稟。戰土創廢者終身。相處厚卒。中

書侍郎隋路同平章事。魏博軍亂。兵馬使開三年春。魏

博平。義成帥李聽討夏。滄景平。橫海節度使李祐克德

志紹擊走之。殺之。將陵給。魏博軍亂。殺史憲誠兵馬使吏侍郎

景德。棣四州。一年。魏博軍亂。何進滔稱留後。吏侍郎

宗閔。李同平章事。冬十一月壬辰朝獻太清宮。癸巳朝

享太廟。甲午。郊赦。是歲。雲南蠻陷雋

邛。二州。寇成。四年春正月。封子永魯王。帝第兵尚書僧

都梓州蜀州。孺同中書門下平章事。播卒。興元軍亂。使相絳薨於亂。

判官薛齊趙。山南東道節度使造討平之。夏。晉國公守

存約死之。司徒度平章軍國重事。疾損日三五日一入中書。詔錄

諸司刑獄。秋。行尚書右丞申錫。宋同平章事。太子。餓。賑

守司徒度表避位。充山南東道節度使。鄆州水。溺。居諸

民三百餘家。諸

道大水。詔發廩賑。

京畿淮南河

五年春罷朝會。

以積陰連句故

降漳王。漆巢縣公相申錫貶開州司馬。盧龍軍亂。

逐節使李

載義夏梓州江溢淮浙江

六年春罷元會。賑鰥寡。

蘇州地震

生白

夏給杭民疫死者棺。十歲下不能自存者二月糧。

秋立皇子永為皇太子。

錄罪囚遞降諸王出次授緊望州佐十六宅縣主吏部於選人

擇配文武常參官州府長官子為父後者賜勲兩轉

冬相僧孺罷。賑蘇湖民遭水

患者。七年春兵尚書德裕。

李

同平章事。

夏六月地震

相宗閔

罷秋。右僕射涯同平章事。旱。避殿減膳徹樂。出宮女千

人。縱五坊鷹犬。停工作。降死罪以下八年。

春二月朔日饒秋九月彗

出太微長丈餘大雨震殿

冬中書侍郎宗閔。

李

同平章

事相德裕罷。幽州軍亂。逐節使楊志誠志誠入朝下臺獄以被服僭擬流殺之史元忠

後莫州軍亂。逐刺史九年。春京師地震。夏相陷罷中

書侍郎餗。賈同平章事。四月大風拔木落舍秋門下侍

郎固言。李同平章事。尋罷。禮侍郎訓。李刑侍郎元輿。舒

同中書門下平章事。冬尚書右僕射覃。鄭權戶侍郎石

李同平章事。京師亂。相涯。餗。元輿。訓。金吾大將軍約。死

於市。注死鳳翔。皆以逆法族。閹仇士良魚志弘兼上將

軍。十一月戊辰開成元年。帝十年春正月朔日蠲赦改元

歲稅賜文武官階夏門下侍郎固言同平章事。秋七月

雨二年。春彗星出危長丈入女漸長闊至五丈餘分雨

上岐一指尾一掩房長六丈無缺在亢七度長八

夫西北行東指在張十四度詔一日膳料分供十日素服避殿徹樂降死罪流以下原之縱五坊鷹隼集禁京畿捕夏工侍郎夷行陳同平章事秋封敬宗皇子四人皇

子一人為王

早徙市錄繫囚

河陽軍亂

逐節使李涿冬京師地震星隕于興元是歲綿

州僚反

三年春正月相石遇盜傷避位出鎮

大風拔木

戶尚書

嗣復

楊

戶侍郎珪

李

同中書門下平章事

夏五月月犯心大星漢水

溢冬

十月有彗出于軫降死罪以下

皇太子薨四年春

正月彗星出于羽林長三丈已

竟天閏月

三月中書令晉公度薨葬裴文忠公

時閭豎擅威虐

天子擁虛器縉紳道塞度自度不復可有為治綠野堂與白居易劉禹錫為文章窮晝夜宴飲為樂開成二年以本官節度河東以老疾辭帝遣使諭意乃之鎮易定節度使張璠卒軍中立其子元益度遣使馳告元益懼束身自歸以病還東都薨年七十六贈太傅帝怪無遺表敕家人索之得半藁以儲貳未定為憂言不及私會

昌中加贈太師配享憲宗廟廷度貌不揚退然纔中人而操持堅正神守閑定機至立斷功名震於四夷汴宋觀察使言亳州聖水出飲者疾輒愈度判曰妖繇人興水不自作命所在築塞在中書時左右白失印聞者震愕度飲酒自如頃後白得之亦不應或問其故度曰此吏盜之印文券耳急則投之水火緩則復還其識量如此元和長慶來使外國者其君長必問度年歲狀貌何若蓋張之也事四朝以全德始終天下倚爲安危擬之郭汾陽云夏相覃夷行罷夏襄陽竹結實米可食旱澹景青陽云滅有聲如雷鎮冀秋太常卿鄆崔同平章事立敬宗子州蝗食稼野草盡

陳王成美爲皇太子

冬十月地震赦京畿死四已下十二月乾陵寢宮火五年春

正月帝崩

年三十三謚元聖昭獻皇帝廟號文宗

葬章陵帝爲諸王時深

知穆敬兩朝荒晏之弊及卽位勵精求治擢學士處厚

同平章事詔宮女非有職事者出三千餘人放五坊鷹

大省教坊冗食千二百餘員。罷遣鳳翔淮南所進女樂。
爲絳王舉哀。輟朝三日。誅妖妄僧方士挾邪疑衆者。敕
近歲貯錢穀別藏歸有司。凡宣索纂組彫鏤之物並罷。
禁中外官車服第宅侈踰制者。敬宗時。月視朝。纔一二。
帝復舊制。對宰相群臣延訪政事。久之方退。待制官雖
設未嘗召對。至是屢召見延問。時郭太后居興慶宮。寶
曆王太后居永安殿。而帝母蕭太后居大內。帝孝謹事
之如一。得珍異先薦郊廟。次奉三宮。已乃後進御。幸十
六宅宴諸王。治親親恩。決內官范文喜侯以聽朝暇。惟
諸王食物不精故讀書史。未嘗及聲伎遊畋。駙馬韋處仁著夾羅巾。帝謂

之曰。朕慕卿門地。以尚主。此巾聽他貴戚服之。卿毋爾爲也。於延英謂宰相曰。吏部不選才。獨循舊。此謂配官。其安得無濫。可釐革否。相對曰。令錄可。資望官宜循舊。召三銓謂之曰。比選令錄如何。對曰。以資。帝曰。資合得而才劣。則何如。對曰。與邊遠慢官。帝曰。嗟乎。以劣才治邊民。邊陲疾苦可知也。自大曆來。節度使多出禁軍。大抵以倍稱之息。貸錢億萬。賂中尉得之。未嘗繇執政。至鎮則重歛以償。至是相度相處厚。始簡堪將者奏用。中外翕然。以太平可冀。然帝性仁柔。雖虛懷聽納。未有能堅決者也。與宰相議事。已旋復中變。又闇於知人。相處

厚於延莫獨對。請曰。陛下不以臣等爲不肖。使待罪在位。所奏可輒中變。豈自上心出耶。抑得於橫議而奪邪。自上心出。乃示臣等以不信。奪於橫議。卽臣等亦何名執政乎。且裴度元勲舊德。輔四朝矣。實易直長厚忠實。經事先帝。陛下宜親之重之。委信之。臣陛下所親擢。卽不任宜先罷。無爲使大政旁落。趨沒堦頓首求罷。帝矍然慰勞之。復召問欲言。處厚諱復於君子小人之際。甚懇而力言。裴度可保任。帝嘉納之。時李同捷叛。詔諸軍進討。魏博史憲誠懷向背。陰與通。相度未之知也。以爲無二心。憲誠吏請事。詣中書。處厚召語之。曰。歸語汝使。

晉公於上前以百日保汝使我則不然俟汝使所爲奉

國典從事耳。憲誠懼不敢復與通。無何薨。

處厚字德載京兆萬年人

事繼母孝。憲宗初擢左補闕。相絳言帝王以納諫爲聖人臣以進諫爲忠。處厚不聞規納之言而擢之何也。帝曰處厚與路隋屢疏陳諫言忠。顧卿未知爾。繇是中外推其靖直。穆宗時累翰林學士。處厚以帝冲不悅學與路隋合六經要言爲書以獻。勸講讀。相二歲方奏事。暴疾仆遂卒。贈司空。處厚姿狀如處子。居家易良。至臨大節堅不可回奪。百僚謁事畏惕未嘗敢及私。而任官擇材往往隨所長。葉瑑錄焉。性嗜學。家讐正書至萬卷云。

憲宗時相吉甫當國。牛僧孺李宗閔皇甫湜舉直言對

策。陳闕失無諱。多刺譏。考官楊於陵韋貫之署上第。吉

甫憤恨持章至泣下。訴于帝曰。湜翰林學士王涯甥。涯

與覆策不自言行私。相埒庇不言爲阿黨。請黜之。憲宗

重失吉甫意。爲罷相。譴考官僧孺等十年不得調。因相與爲怨。當是時。吉甫主討王承宗。吳元濟之畫。爲李逢吉所沮。吉甫卒。裴度代相。持吉甫議益堅。因平淮蔡。而逢吉以議不合罷去。於是衡吉甫而怨度。宗閔壻蘇巢舉進士。有名。段文昌白發其私。時德裕爲學士。助爲言。宗閔得譴。故三怨交作。敬宗時。逢吉以結大閹王守澄得相。引牛僧孺竝相。益樹黨。而朝士競進者爭附之。出德裕浙西。十年不得遷。及是相。度薦德裕有相才。召爲兵侍郎。欲大用。會宗閔亦以宦官之助得相。惡德裕出之滑州。引僧孺復其政。相與排德裕之黨。逐之。相度不

能難。以老疾辭位。詔守司徒平章軍國重事。度請謝。以
使相出鎮。而宗閔僧孺愈益專。當是時。盧龍將楊志誠。
逐節使李載義。帝召宰相謀之。相僧孺不能辦。乃謬言。
范陽自安史來。非國家所有。劉總暫獻其地。朝廷費錢。
八十萬緡。無何而失之。今日之志誠。猶前日之載義也。
因而順撫之便。帝從之。載義跳身走京師。又拜太保平
章事。賜第優給。而以志誠爲留後。蓋政亂如此。視始對
策時。責相求治。如二人。顧日修中朝之怨。擿朋黨益急。
天子益厭之。會朝憂形於色。太息曰。天下何時當太平。
卿等豈有意乎。僧孺對曰。大平無象。今四夷不至交侵。

百姓不至流散。雖非至理。亦謂小康。陛下必別求太平。非臣愚所及。請避位。命出鎮淮南。而德裕召入兵尚書。始帝不悅於僧孺言者。頗言僧孺與德裕隙。害其功。以得召宗閔百計沮之。莫能得以爲憂。京兆尹杜棕說宗閔曰。德裕有文章而進。不繇甲第。每自嘆若使知貢舉。卽宿憾平矣。宗閔以知貢舉得士。卽爲羽翼者多。難之。曰。更思其次。曰。不則用爲御史大夫。宗閔許之。遣棕私以告德裕。喜過望。至泣下。而宗閔復中尼。及得相。入謝。帝首言及朋黨。德裕因得排其素所不悅者。先入之。帝嘗言殷侑經術似鄭覃。宗閔曰。覃侑經術誠可嘉。然論

議回辟不足聽。德裕曰。覃侑守經論事。人不欲聞。而陛下獨欲聞。幸甚。給事中楊虞卿結權倖自進。帝以爲言。宗閔曰。臣素知之。皆不與美官。德裕嘻笑之曰。給舍非美官。而何帝於是罷虞卿。而用覃爲御史大夫。宗閔大懊恨曰。事皆宜出安用中書。或諷之曰。八年天子聽其自行事可矣。宗閔愀然而止。已罷去。而二怨益深。先是帝患宦官強盛。密與相宋申錫謀去之。事頗露。中尉王守澄用鄭注計。度帝所心忌者。漳王。漳王帝弟也。賢而有人望。遣軍候誣告申錫陰謀立漳王。帝方浴。守澄故持童走浴室。扣戶入奏之。語驟甚。帝怒。命遣神策士

二百立屠申錫家飛龍使馬存亮叩頭爭曰謀反者獨
申錫奈何不當令南司議乎不且變矣守澄嗒然馳召
相相僧孺等入出告牒示之皆貽愕不知所對而守澄
立捕所告品官置獄禁申鞠之立誣服獄成議抵死左
散騎常侍崔玄亮率諫官十四人詣延英請對前叩頭
泣曰孟軻有言左右皆曰可殺勿聽卿大夫皆曰可殺
勿聽國人皆曰可殺然後察之寘於法殺一匹夫猶重
慎如此况宰相乎給事中李固言諫議大夫王質補闕
韋溫盧鈞等請以獄付外廷覆按僧孺曰覆按善人臣
願不過宰相申錫旣相矣卽立王何求請下覆按注恐

覆按詐得。乃勸守澄請貶黜無按。於是渾王降巢縣公。

流申錫開州。

注絳人以方伎遊江淮間。佞譎甚。億探人度隱輒巾令巾謁自屈也。遊襄陽節度使

李愬悅之。親用市權監軍王守澄以爲言。愬曰。有之。然其人才士。監軍試與語自知之。既見機。辨鋒發。守澄乃大喜。恨相見晚。及守澄入莞樞密。注日夜爲謀議。通賂遺權勢。薰灼侍御史李欵於閤內。奏彈之。旬日章數十上。相王涯本因注通守澄爲寢其事。而守澄匿注於石軍。軍將李弘楚說中尉常元素召殺之。因見帝請罪元素從之。注至。螻屈鼠伏。佞辭泉湧。元素不覺起執手。以金帛厚遺之而遣。已帝頗聞注爲守

澄謀主。竊權勢。問守澄曰。外議籍籍言有鄭注者在。中

尉所招權賂寧有之乎。守澄對曰。有之。彼其人才士。上

試召見。自知之。既見帝。釋然立以爲侍御史。朝野大駭。

會帝得風疾不能言。飲注藥而効。益大寵。時大旱。禱用

司門員外郎李中敏上疏曰。仍歲大旱。直以宋申錫之
誣枉被刑。鄭注之姦倖獲用。今獨斬注。雪申錫。天必雨。
不聽。會鄭注說李仲言介之王守澄。守澄悅。薦之。帝言
其善。易時李逢吉留守東都。欲自進。而仲言失勢。流象
州。說之曰。當今操權力者。皆齷齪不足事。吾聞
注好士。有中助可圖功。逢吉持仲言本儒者。又海內望
金寶數百萬。令賂遺之。以得進。族既見持。詭辨激昂。可喜。帝大悅。卽左右近臣見仲言
事辭。亦莫不洒然動容色也。當是時。李德裕旣相。逐宗
閔得政矣。而仲言則故嘗與從父逢吉謀逐李紳。危裴
度。擯已劔南者也。大患之。乃言於帝曰。仲言曩所爲計。
陛下盡知。今柰何。宣之禁。近乎。帝曰。人孰無過。仲言才。

獨不容其改過乎。對曰。臣聞惟顏子爲能不貳過。彼聖賢之過。但思慮未及。或失中者耳。若仲言。則惡根於心。此安能自還哉。帝諱守澄。薦乃倖曰逢吉。薦之。朕聽之。今不欲食言。對曰。逢吉故宰相。而薦姦邪。熒主聽。亦罪人也。帝曰。然則別除一官可乎。對曰。亦不可。帝顧問相。涯何如。涯始聞帝嚮仲言。草疏爭極憤切。未上。旣覩帝意堅。又與德裕忤。畏其黨盛。遂漫應曰。可。德裕驚。亟揮手止之。帝回顧適見。遂大疑德裕爲傾仄。不憚罷。於是仲言與注比。而譖德裕。且引李宗閔爲援。於是宗閔復相。出德裕鎮海。尋貶袁州。而仲言爲翰林侍讀。改名訓。

德裕本才高然亦怙權罷為山南西道節度使久見帝
乞留以為兵尚書宗閔言制命已行臣于何得自便復
出鎮浙西漳王保母杜仲陽坐宋申錫事放金陵詔德
裕作處至是王璠等奏德裕厚賄仲陽結漳王圖不軌
相隋救之帝怒以為黨斥德裕為賓客分司而以隋代
鎮尋以帝初得疾王涯呼德裕問疾不至又在蜀徵逋
負錢百姓愁困已訓求官兩省而宗閔不許怨之因又
貶袁州司馬

逐宗閔

京城訛言鄭注為帝合金丹須小兒心肝民間
驚懼鄭注惡京兆尹楊虞卿與李訓共構之云

語出虞卿家人帝怒下
虞卿獄宗閔救之遂貶

始天子忿宦官強盛元和寶曆

諸逆黨猶在意恨之顧在位臣類持祿養交無伏節死
難者獨內憂已訓注階守澄見而同得帝陰指間深語
則裂背扼腕進密書深逢之帝以為樸忠無阿私大悅
之恨相見晚於是二倖比而用事訓起流人一歲中連

逐二相。遂得相而鄭注官翰林。衣鹿皮裘。以隱淪自處。則以師友待之。又深疾朋黨。以舒元興起踈遠自進。孤立無爲黨。得召相而德裕宗閔前所爲立黨相傾者。日爲二黨。遷貶無虛日。班列一空。時諸閹以訓注本因守澄進職勸講。時召不宜疑。而訓注講至古閹寺事未嘗不感憤。申重激帝聽。帝見其言縱橫。以謂氣足任也。益信不復疑。待遇隆特。訓注遂以誅宦官爲已任。爲帝言當盡殺中官。次復河湟。又次清河北。開陳方略如指掌。繇是言無不從。聲勢烜赫。注多在禁中。時出休沐。賓客填門戶。賂遺山積。中外謂訓注倚宦官作威福。不知其

自結於帝與密謀也。方帝之立也，仇士良有力焉。王守澄抑之以有隙，訓注爲帝謀，擢士良分守澄之權。士良旣進，多譎智而守澄乃大困。已詆誣以陰重罪，遣中使就第賜之酖死。陳弘志時監興元軍於外，又爲謀召還，至青泥驛封杖決殺之。於是元和之逆黨畧盡。訓注必盡誅宦者，又傾仄訓，雖因鄭注進乎。及在執，心忌之，託以中外協執得行誅。出注鎮鳳翔，期至鎮同發。注出鎮，則與京兆羅立言、金吾衛大將軍韓約、御史中丞李孝本謀先期發，使注不得蒙其功。乃陽出郭行餘鎮，邠寧王璠鎮河東以行之。鎮各募壯士以待事。時相惟舒元

興與其謀王涯賈餗莫知也九年冬十一月乙丑帝御紫宸殿朝百官班定約前奏左金吾廳事後有石榴夜甘露降其上因蹈舞再拜宰相亦帥百官賀再拜帝命宰相往行視還奏露疑非真宜更遣驗視帝顧仇士良等帥宦者群往視之宦者聞甘露降殊喜各犇往請金吾觀出殿門而訓出懷中敕召行餘璠領所部往卽誅之璠股栗不敢前獨行餘拜殿下受命時二人部曲數百皆執兵立丹鳳門外以待訓召之入而士良等至金吾縱觀韓約忍色變流汗士良業恠之俄風吹幕起見所伏者兵甚衆則大駭走帝前告變訓大呼甲士急上

殿衛乘輿人賞錢百緡。未及上而宦者已舉軟輿迎帝。決殿後罽毼疾趨北入東上閣門矣。羅立言帥京兆邏卒二百李孝本帥御史臺從人二百皆登殿縱擊宦官而卒從人於技擊不習所死傷十餘人。訓知事不濟脫從吏綠衫衣之。亟乘馬馳出走。鳳翔王涯賈餗舒元興還中書士良等知帝豫其謀怨憤語不遜帝慙懼無以應。士良等命左右神策兵千五百人露刃出擊爲亂者殺金吾吏卒千六百餘人。諸司吏卒及平民酤販在中者又千餘人。是日也坊市中惡少乘亂大掠者久之。於是神策卒擒元興涯餗璠孝本立言等繫兩軍鞠之。涯

年七十餘。不勝楚自誣服。與約等謀大逆。明日帝御紫宸殿。朝百官。問宰相安在。今不來何也。士良抗聲對曰。王涯等謀反繫獄矣。因以涯手狀上。帝心知涯鍊不在事。悲憤不自勝。召左右僕射令狐楚。鄭覃示之曰。是涯手書乎。對曰。是也。乃以鄭覃李石同平章事。時李訓出走。道爲藍屋鎮將所殺。馘獻矣。則函其首。以先繫諸將相。從獻廟社。徇兩市。命百官臨觀。腰斬于獨柳下。遂並族數日間。殺生除拜。皆決於中尉。帝不預知也。鄭注將兵至扶風。知訓敗。還鳳翔。監軍伏甲斬之。屠其家。右軍獲韓約。斬之。士良等以討逆功。各進階。遷官有差。本訓

注佞利口似才而貪賴無遠畧又所繇進自宦官顧不
孚號正人協心力已難而獨以其私智小譎欲以戡百
十年倚深巖盤據不可拔之群凶豈不悖哉自是延英
論事士良等動引訓注脅天子摧折宰相天下事皆決
於北司宰相行文書而已中書惟空屋敗垣百物皆闕
而相石鎮靜方肅凝然如異時。江西湖南進官健衣糧
錢爲中書募召費相石言宰相若忠正無邪當爲神靈
所佑縱遇賊盜必不能相傷若內懷欺罔雖兵衛甚設
鬼得而誅之願獨循故事以金吾卒導從其兩道所獻
歸勿受從之。初訓注勅諸道各殺其監軍不克至是入

朝諸監軍乘驛疾驅前宣言必盡殺諸大臣以報忿京
賊訛言寇至民驚走百司奔散惟相在中書相覃謂石
曰耳日頗異盍少出避諸石曰吾與君備位宰相人望
所屬不可輕也且人言何必信第堅坐鎮之若宰相先
動爲民望者亂矣令禍亂果作卽避將安之坐視文案
沛然自如瞞乃定是日坊市惡少望皇城閉卽肆剽如
北露時矣當是時中外憤閹逆縱莫敢難獨藩鎮各據
上擅兵難動搖於是昭義帥劉從諫上書言涯等荷國
寵榮訓等志清內難兩中尉誣以反逆中外悼傷且令
實有異圖亦當委之刑官明正刑典豈有內臣擅興甲

兵恣行屠戮延及士庶橫被殺傷

乎臣欲身詣闕廷

面陳曲直恐弁陷拏戮無補國家

脩飭封疆訓練士

卒如姦臣難制誓以死清君側報國恩士良等懼進從

諫簡較司徒柔其心從諫復表讓曰臣前所陳繫國大

體如言可采則涯等宜蒙昭雪如不可采則賞典不宜

妄加安有死冤不申而生者顧冒荷榮祿乎因暴揚士

良等罪士良等惕息爲少戢繇是宰相粗能秉政而天

子倚之亦差用自彊明年春相楚從容言王涯等身死

族滅遺骸棄捐請收瘞帝慘然蹙額者久之命京兆收

葬士良潛使人發之棄骨渭水中相石爲帝言宋申錫

忠直被厚誣未昭雪也。帝流涕曰：「知之當時爲姦人所逼，兄弟幾不能相容。朕之不明，豈及悔哉？」尋令遇漢昭帝無此矣。命復其官封。於是相石時時爲帝言爲理不可速成也。今內外小人多疑阻，願陛下更以寬御之內。官中有公清奉法如劉弘逸、薛季稜者，宜褒賞以勸善。表盧鈞鎮嶺南，已爲帝言鈞除嶺南，朝士皆相賀以爲鎮南饒近歲厚賂比司，乃得鎮。今曠然一新，聽臣等簡用，宜顯褒欲調劑平闇心如此。帝每太息致治之難也。今卽位十年，震擾皆自取，當奈何？後豈及意乎？石欲強帝意，令無懾。前對曰：「陛下躬自克，幸甚。然人志氣雖賢，

聖必熟更嘗乃後定。何來震擾。天其固陛下之志乎。且責治忌太早。古之人孜孜養德。亦十年適成。豈謂晚哉。昔仲尼稱四十不惑。陛下春秋鼎盛。生長深宮。非起自民間。人情僞豈盡知。以臣主度之。陛下試自謂今諳事變。何如卽位時。帝意稍解。曰似有間。石因曰幸甚。陛下繼自今時親經史。觀治亂之故。更十年盛德必日新。致昇平非晚也。帝曰行之能至乎。對曰今四海一家。惟登拔才良。使小大任職。愛人節用。不加賦厚歛。則太平之術也。於是開成改元。詔賜京畿民一歲租。停方鎮正至端午四節進奉。以其直代百姓稅繒。天下非藥物茗果。

他貢獻悉禁。罷宣索營造。皆石將帝意行之。帝曰。朕務實惠及民。欲無爲空言。石以異時詔令。天子多自渝。故百司無所信。請置赦令。一通於宮中。時省覽無渝。大信於下。請臨勅十道黜陟使。與長吏奉行。又爲上言致治在得人。德宗多猜貳。而仕進之途塞。有奏請輒報罷。東省至閉闕者累月。南臺惟一御史攝官。故兩河諸藩競引士。士豪僞喜利者爭趨之。因用爲謀主。故藩鎮日橫。朝廷至爲貶食。元和間。進用日廣。彼疆宇甲兵如故。而低摧順屈者。士不爲之用也。帝曰善。天下之勢如持衡。首重則尾輕。其博選士。石用韓益判度支。已益以贓敗。

案罷之前謝曰。臣本以益曉錢穀。故任用。乃不保其貪。臣迷謬請死。帝曰。宰相但知人則用。過則棄。故人可官才也。卿所用人而不掩其過。此謂至公。何謝乎。他宰相所用。則強蔽其過。此大病也。當是時。朝廷幾振爲仇士良所惡。又以帝親倚石。不得間。乃伏盜親仁門側。陰射之。馬傷驚馳歸。復有盜邀擊之坊門。不中。斷馬尾。天子駭愕。京師大震。石因卧家固辭位。乃以使相鎮荆南。石字中王。襄邑王神符五世孫。於是鄭覃與陳夷行並相。後乃用楊嗣復。李珣參之。嗣復本宗閔黨。深心厚貌。復以黨相傾。如異時。寘社稷意外不問矣。嗣復內心傾外。以晏裕將之初欲援宗閔。恐覃夷行爲間。乃

託宦人諷帝自發之。帝於紫宸謂相曰：朕念宗閔久矣，不欲復授一官。何如？夷行曰：宗閔寶曆中，爲八關十六子朋比險妄，幾危朝廷。昔舜逐四凶而天下治，陛下奈何念之？覃曰：陛下用宗閔，臣請避位。嗣復乃從容進曰：事當適宜，不可以愛憎奪。陛下言是也。帝說，以宗閔爲杭州刺史。已而嗣復爲上言：陸渢并居田間，而上書論兵忠可勸以官。李珣趨和之，覃不平，詆以黨語甚急。於是嗣復從容起曰：臣聞左右佩劍，彼此相笑，黨孰與覃？未知覃顧謂誰爲黨？因頓首曰：臣位宰相，不能進賢，退不肖以朋黨獲譏，臣罪大矣。願乞骸骨。帝不降，罷會。已而覃爲帝言：陛下開成元年二年，政事殊美；三年四年，乃漸不如前。嗣復進曰：元年二年，鄭覃陳夷行用，故政美；三年四年，臣與李珣同之，罪乃在臣。因頓首曰：臣不敢復入中書。帝召還勞慰，乃起。謝曰：覃言政事一年不如一年，非獨臣應得罪，恐亦上累聖德。退三表辭位。帝乃直嗣復起之，而罷覃夷行。覃清儉，夷行耿介，竟爲嗣復以機辨深傾之，而罷帝。寬仁不斷，本深惡朋黨，而奸黨卒勝，終莫之能正也。每歎息曰：去河北賊易，去朝中朋黨難。

帝感中外多故，常忽忽不樂。諸宮中宴會，十減六七。時

徘徊眺望。或獨語嘆息。常曰。我觀貞觀開元時事。何時
何事。較今日卽氣拂吾膺。因鬱鬱成疾。謂宰相曰。朕每
讀書。耻爲凡主。然與卿等論天下事。則腸日九迴。每退
朝。獨飲醇酒。求醉耳。間坐思政殿。召學士周墀前問曰。
卿視朕可。方前代何主。對曰。陛下堯舜之主也。帝曰。朕
何敢望堯舜。所問卿者。獨謂何如。周赧漢獻耳。墀驚曰。
彼亡國主。安足較。而上嗾嗾若是。帝曰。赧獻受制彊諸
侯。今朕受制家奴。以此言之。殆不如也。因泣下霑襟。墀
亦伏地泣。不自勝。自是不復視朝。皇太子承者。王德妃
子也。妃無寵。而楊賢妃嬖。爲所譖死。而太子頗宴遊。昵

小人賢妃日夜毀短之。帝召宰相及官兩省御史議廢立。皆言太子少。卽有過可改。國本至重。幸垂三思。中丞狄兼謩給事中韋溫曰。陛下止一子。不豫教。使至是。豈獨太子之過哉。翰林及六軍使復表論。帝意解。事得寢。獨東宮宦官宮人坐流死數十人。無何太子暴薨。賢妃請立安王溶爲皇太弟。相珣不可。乃立敬宗第六子陳王成美爲皇太子。而帝乃大悔。嘗幸會慶殿作樂。有童子爲緣撞戲者。登高危盤舞。一夫來往走其下。如狂。帝怪問曰。是夫旁皇走者何。左右對曰。父也。危其子緣撞。恐或顛而然。帝泣然流涕曰。天性也。朕貴爲天子。顧不

能全一子。豈不痛乎。因罷樂感傷而疾劇。欲引宰相入。令奉太子監國。而大閹仇士良。陳弘志。以太子立功不在已。乃矯詔言太子幼且有疾。立穎王漣爲皇太弟。廢太子成美。復爲陳王。帝崩。士良說太弟。賜楊賢妃。安王溶。陳王成美死。乃卽位。是爲武宗。時上良等怨文宗甚。凡樂工內侍得幸者。畢誅逐。諫議大夫裴夷直上疏言。陛下繼統。宜敦行喪禮。早親大政。幸天下。乃未數日。屢大誅戮。驚率土視聽。傷先帝神靈。將人情何望。國體至重。使此輩無罪。固不可刑。卽其有罪。需旬時何晚。不報。武宗皇帝。穆宗第五子。母宣懿韋太后。開成五年春。卽位。追尊母妃。

為皇太后。彗星出夏大風嗣復罷。刑尚書琪崔同平章

事。以旱避殿理囚河北河秋。大風珪罷。門下侍郎德裕

李同平章事。冬十一月彗會昌元年春。正月己卯朝獻

星出東方太清宮庚辰朝

享太廟辛巳。故相嗣復珪貶遠州刺史。門下侍郎夷行

陳同平章事。夏六月星旁午散流關東蝗盧龍軍亂。將

行泰殺節度使史元忠。自稱知留務。閏月將張絳殺行

泰。自稱主軍務。冬軍逐絳。雄武軍使張仲武入幽州。十

一月大星東比流。光燭地。彗出營室。五詔河東振武軍

備回紇。回紇將盟沒斯降。是歲烏介可汗以二年春宋

二州地震。中書侍郎紳李同平章事。夏群臣上尊號。仁聖文

大孝。赦。賜文武官秋。相夷行罷。中書侍郎讓夷李同平

皇。帝。勅。階勳爵。

章事封皇子四人為王。十二月京師地震。幸涇陽較獵白鹿原。

三年春回紇寇雲朔河東將石雄擊破之得太和公主

以來。二月朔日。夏。昭義劉稹反。自稱留後。詔成德魏博河中河陽諸道兵討之。

中書侍郎鉉。崔同平章事相德裕進司徒秋忠武節使

王宰兼河陽行營攻討使冬安南軍亂四年春太原軍

亂將楊弁殺使相石討平之。二月朔日。秋。相紳罷鎮淮南。

右僕射棕。杜兼中書侍郎同平章事省冗官。千一百十四員昭

義平。劉稹誅給復澤潞邢洛磁五州一歲。免太原河陽及懷陝晉絳四州秋稅。相德裕守太

尉封衛國公冬幸鄴幸雲陽五年春群臣上尊號。仁聖文武

成功神德明道大孝皇帝是日朝赦相棕罷判戶部元

祿太清宮庚戌朝享太廟辛亥郊

通鑑卷之四十一

武雀同平章事作僊臺南郊義安太后崩王氏敬宗母禮官請降服

其遵易月以十二夏相鉉罷中書侍郎回李同平章事

秋七月朔日簡較右僕射肅鄭同平章事六年春二月旱錄

囚有星流大角如桃大色免今歲夏稅帝不豫光王怡

為皇太叔帝崩年三十二葬端陵謚至道昭肅孝皇帝廟號武宗帝在潛邸

時悒悒文宗之選悞少斷也而溥相嗣復珏不予其所

為聞李德裕賢心重之及即位嗣復珏相繼罷去而德

裕召相德裕既入謝首為上言人主之職在辨群臣之

邪正邪正勢不相容正人既指邪人為邪邪人亦指正

人為邪辨之難然臣竊以為無難也正人如松柏挺特

自立無依附。邪人如藤蘿。非附他物。執不能自起。故正
人一心事君。而邪人競爲朋黨。夫國之有黨。國之大患
也。先帝深知朋黨之患。而所用卒皆朋黨之人。良繇執
心不定。故奸邪得乘間而入。夫宰相何能人人皆忠良
哉。不皆忠良而爲欺。則主心疑。主心疑而旁詢小人以
察之。政無本矣。太宗玄宗德憲二宗。皆聖主盛朝。其始
一委任輔相。故賢者得盡其心。久則小人竝進。造黨與
眩視聽。而治亦寢淫不逮於往。至德宗末年。所聽任者。
惟裴延齡輩。宰相獨署敕充位。此永鑑也。夫輔相有欺
罔不忠者。當亟免退。忠而材者。屬任之。令政事常在中。

書則天下何憂不治。又言先帝於大臣好爲形迹。小過皆含容。不顯斥。積纖微不謹。馴致大而誅貶。願陛下終以爲戒。臣等有罪。卽賜面詰。小過容其悛改。大事斥逐。如此則君臣兩無疑間矣。帝曰善。已。帝從容言。或稱孔于其徒三千。亦黨也。信乎。德裕曰。此邪人熒惑之言。不可聽也。臣嘗謂其鯨驪兜與舜禹雜處堯朝。其鯨驪兜爲黨。舜禹不爲黨。何也。其鯨驪兜以邪心相比。周迭爲掩覆。互相從與。故爲黨。賢人君子忠於國。則同心。男於義。則同力。退而各行其志。壹不交以私。豈謂黨哉。周衰。四豪各有客三千。皆公死黨。以譎詐勢利相高。仲尼之

徒用仁義相切磨。群而不黨。議者欲以比之罔矣。臣不知所謂黨者。爲國乎。爲私乎。誠爲國。則趙盾隨會先發。後繼。不爲黨。房杜謀斷。相資。不爲黨。今所謂黨者。誣善蔽忠。附下罔上。晝夜合謀。引其類。以據美官。徼權利。不者。抑壓以退。仲尼之徒。有是乎。陛下以此察之。則情僞得矣。帝曰善。德裕御史大夫。栖筠孫。相吉甫子也。少卓犖。有大節。蔭補較書郎。穆宗時。擢翰林學士。帝以德裕名家子。有文章。甚顧厚之。會疏請戚里不得請宰相私第。與交通。爲李逢吉所扼。出觀察浙西南。方信機巫。雖父母遘厲疾。子棄不顧。養德裕召長老可告語者。諭以孝慈大倫。使歸相曉。敕棄不養者。寘顯法。俗爲立變。毀淫祠數千所。法嚴令具盜不得作。敬宗立。詔浙西上脂盂粧具。德裕言。臣准三月壬子赦令。常貢外悉罷進獻。此陛下恐聚斂之吏緣爲姦。而民益彫窳也。本道素稱富饒。近更李錡薛平之苛。加以亢旱。物力

大屈軍用徧急率歲經費常負逋十三萬有奇今所須脂盪粧具度用銀二萬有奇金百三十兩物非土產工難立辦願詔宰相使臣何以不疲人不歛怨不乏軍興而仰遵詔旨乎昔太宗時使者至涼州見名鷹諷李大亮獻之大亮諫止詔書嘉嘆玄宗時遣使抵江南捕鵠鵲翠羽倪若水言之卽見褒納皇甫詢造琵琶捍撥鏤牙簫於益州蘇頲不奉詔夫名鷹鵠鵲鏤牙簫微物也二三臣尚以勞人損德爲言今所需天鵝天馬獬豸盤緜文彩怪麗惟乘輿得御而廣需千匹臣竊惑之昔漢文身衣弋絛元帝罷輕纖服德仁慈儉稱之至今願陛下近師二祖之容納遠法漢家之恭約裁賜節減天下幸甚帝優詔停止泗州僧開壇度僧尼云爲天子誕月資福亳州僧得聖水云可已疾請禁止填塞語具異教考天子荒晏數游幸廢朝上丹表六箴以諷已入爲兵侍卽爲李宗閔所擯出節度鄭滑徙劍南西川作籌邊樓築拔義城作禦侮柔遠等城以扼蠻險蜀軍大實諸

貝邊

防中

已帝言文宗時令諫官言事毋著名如匿名書非

體也德裕曰臣頃在中書時猶不爾其後李訓鄭注教

先帝以術御群下。實始成此風。人主獨當推誠任人。有欺罔者。威以明刑。豈必挾詐哉。帝曰善。詔群臣言事。毋得乞留中。當是時。天子側席待德。裕爲政。德裕亦慨然以經畧天下自許。又智畧足謀任。言無不從。帝數出畋。抵暮夜乃還。德裕言。人君動法於日。故日出而朝。日入而息。傳言君就房。有常節。願深察右誼。比側聞五星失行。天示法戒。願節畋遊。以承天意。帝從之。會獵涇陽。諫官高少逸。鄭朗等切諫。爲改容謝焉。初。知樞密劉弘逸。薛季稜有寵於文宗。闔士良恨惡之。帝之立。非二人及宰相意。而士良譖以爲二人嘗不利於上。命賜死。遣中

使追故相嗣復。珏於貶所卽誅之。戶尚書棕聞之。矍然曰。天子新卽位。茲事豈宜手滑。奔往告德裕。德裕與同列上奏言。德宗疑劉晏動搖東宮而殺之。中外冤嘆。兩河不臣者。得以爲口實。後德宗悔。至錄其子孫。文宗疑宋申錫交通蕃邸。謫竄至死。旣乃悔。爲出涕。嗣復等有罪。當先卽訊。俟罪狀著白。後誅之。未晚。今遽遣中使卽誅。人情震駭。願開延英。賜對。得召見。流涕諫。帝命坐者三。伏不起。曰。臣等願陛下免二人於死。勿使旣死而衆以爲冤。今未奉俞旨。不敢起。帝乃曰。朕特爲卿等釋之。德裕卽趨下階舞蹈謝。乃還。二使而嗣復等再貶。二人

本宗閔黨而德裕爲力救得免其識體如此當是時閔仇士良以身佐命不得任而天子於相德裕如一人乃大恨思傾之會帝以受尊號肆赦士良乃揚言於衆曰宰相與度支議減禁軍衣糧芻粟矣兒曹必往訴意激禁旅士讐嫉相作亂德裕聞卽詣馳闕訴於帝帝怒立宣諭兩軍無此議且赦出朕意非繇相士良慙謝老奴妄聞當死乃得罷而任相益專帝外尊禮士良中忌惡之士良覺以老病乞骸許之其黨送之歸私第士良教之曰若曹事天子第無令得聞常以聲色珠玉徇馬媠快其耳目使無暇他及則可以得志矣必勿令讀書親儒生彼讀書親儒生見前代興亡心知憂懼則吾輩踈斥矣其黨拜謝去無何死其黨上變告發其宿惡搜其家得兵仗數千削官爵籍家時盧龍澤潞河東連作

亂回紇入塞內伺邊。天下勤於兵。德裕以比年將帥出師。敗相繼者其弊三。詔令下軍中日三四。而宰相不預聞。失政本。一。諸監軍各以意指揮軍事。將不得專軍師。無統。二。軍各宦者爲監。其牙隊皆選卒。而在陳者顧脆怯。不任戰。每戰。監軍秉信旗。乘高立馬。環牙隊。自衛少却。輒引旗先走。陳從潰。三。乃與樞密使楊欽義。劉行深約。監軍不得預軍政。

每兵十人。聽監軍取一人。自衛有功。隨例霑賞。

非中書進

詔。無他詔自中出者。規布堅定。號令嚴簡。將帥任軍者。得專其威令。故所向有功。而回鶻以多筭底定。盡具戎狄志。中始盧龍軍亂。殺節使史元忠。推牙將陳行泰主。

留務帝召相計。德裕曰：「河朔事執，臣所熟諳，方易帥時，衆心何能無觀望？危而朝廷遣使太速，故軍情遂固。若置之數月，不問必變矣。」請置之，勿遣使。而徐觀其變。旣而軍中果殺行泰，立張絳，復求節，亦置不問。雄武軍使張仲武遣使上書，請擊絳，自効。詔中書問狀。使者言行泰絳本遊客，羈人人，心不附仲武。故幽州將性忠義，通書習事，爲士心所歸。計軍中今已逐絳矣。問雄武卒幾何？曰：「軍士圍合千餘人。」德裕曰：「恨少。」少何以立功？對曰：「在得人，不在衆多。」幽州糧饌具在，媯及邊七鎮，今獨入據居庸關，絕其餉道，自定矣。」德裕度功可成，喜，乃止言。

行泰絳皆使大將表脅朝廷求節鉞。此河北宿仲故不可聽也。今仲武表起義討亂。與之節有名。乃命弊武知幽州留事。而仲武克幽州。已澤潞節度使劉從諫卒。弟子稹不發喪。請後朝議以回鶻未滅。邊猶警。討澤潞將國力不支。德裕毅然曰。澤潞事體與河朔三鎮異。河朔習亂已久。人心難化。故累朝置之度外。澤潞近處腹心。一軍素稱忠義。破朱滔擒盧從史。皆其功。異時無慮用儒臣爲帥。如李抱真成立此軍。德宗猶不許承襲。其後敬宗不恤國時。相無遠謀。劉悟死。因循以授從諫。至跋扈難制。今垂死。復以兵擅付豎子。朝廷又從而授之。則

四方視效。天子威令不復行矣。帝曰善。卿何道制之。對曰。稹所恃者三鎮。幽州初定。必不與交通。但得鎮魏。不與之同。不從旁沮撓。卽稹成擒矣。宜遣重臣諭鎮魏。以河朔自艱難來。列聖許其承襲。於澤潞事異。今朝廷加兵澤潞。不欲更出禁軍。獨委之兩鎮。但願立功効。自澤及後。昆愼勿聽游談者言。爲子孫謀。存輔車勢。自貽禍也。且徧諭將士。以賊平厚賞。兩鎮聽命。稹成擒矣。群臣交諫。帝曰。吾與德裕共之。保無後害。於是命成德王元逵。魏博何弘敬。充招討使。與河東劉沔。河陽王茂元。會討之。遣中丞李回。賜盧龍張仲武詔。令專禦回鶻。賜鎮

魏詔令早平澤潞。弘敬元達仲武陷廟謨震悚。具羣轡郊迎。立道左。不敢令人控馬。讓制使先行。兵興以來未有也。先是河北諸鎮有自請後者。朝廷必遣弔祭使先之。次冊贈使。又次宣慰使。往來計度。終已乃用兵。則稽半歲餘。而叛將得繕完爲備。至是卽下詔致討。威以大振。往河朔用兵。師行出境。利仰給度支。或陰與賊通。令解一縣一柵。居之以爲功。坐食轉輸。延引歲月。而兵頓德裕請宣指。令元達取邢州。弘敬取洛州。茂元取澤州。彥佐沔取潞州。期在平定。毋取縣柵爲口實。又善爲激發。諸鎮情見計得。而勵勦效命。彥佐發徐州。行後又請休士於絳。請濟師德裕。

曰彦佐顧望無急賊之意所請皆不許且賜詔切責令進軍翼城以天德防禦使石雄副之元逵數有功請進官賜敕獎以厲諸將而元逵密表弘敬顧望懷兩端德裕言忠武軍素號忠勇累戰功而邠寧使王宰年力壯可用請賜弘敬詔以河陽河東皆閬山險未能進而賊屢出兵掠晉絳卽晉絳殘今遣宰將忠武軍徑魏博抵磁分賊勢弘敬必駭懼他變此攻心之術也弘敬聞恐忠武兵入境立倉皇出師自將渡漳水趣磁州已德裕復以河陽兵力弱茂元習吏事而非將才且屬疾請以宰爲河陽行營攻討使代茂元徙石雄爲晉絳行營節使代彦佐劉沔與張仲武隙詔徙鎮以故相李石爲河東節使制之雄赴鎮卽引兵踰烏嶺破五寨而王宰克天井

關

於是劉稹日蹙願舉族歸命使相石以聞相德裕

言今官軍四合賊勢窮蹙故僞輸款以緩師勿聽也宜詔石勒稹云誠悔過面縛境上石當受降護歸闕不然誠不敢以百口保人仍望詔諸道乘時進討毋怠會河

東軍亂與棋通。

行營兵馬使王逢請益榆社兵。詔河東

出兵二千赴之。而河東兵闕。石召橫水

戍卒千五百人。使楊弁將詣逢。故事。土出征。人給絹二

匹。劉巧去鎮。竭府庫自隨。石初至。軍乏。以私絹益之。人

纔一匹。時歲已盡。軍士請度歲旦。行監軍

呂義忠不許。弁遂據軍府作亂。石奔汾州。朝議洶洶。請

罷師。德裕言。太原素號忠順。獨緣賞薄。爲賊所交煽。而

然。况反者千五百人。何能爲。何可舍也。詔使相石赴太

原。召兵已亂。遣中使馬元贇詣宣諭。且覘之。元贇受弁

賂。還於衆中。大言曰。相公須早與弁節矣。不若亂昌德

裕問狀。元贇曰。自牙門至柳子。列十五里曳地光明甲。

若之何取之。德裕曰。李相正以太原無兵。故發橫水兵

走榆社。庫中甲在行營。弁何能集兵甲如此。元贇曰。元

原勁悍人可爲兵。并召募致然耳。德裕曰：召募須有財。李相正以欠軍士絹一匹無從得，故致亂。并何從得財？元贇辭屈。德裕曰：從其有十五里光明甲，必殺此賊而進討，愈益急。河東平。

河東兵戍榆社者，聞朝廷令客軍取太原，恐妻孥爲所屠，乃擁監軍

呂義忠還太原，擒并送京師斬之。於是德裕言於帝曰：事固有激發而成功者。陛下命王宰趣磁州，而弘敬出師，遣客軍取太原，而戍兵得楊并，今王宰軍久不進，請徙劉沔鎮河陽，仍令義成以精兵二千拒萬善，處宰肘腋內，軍必致死矣。帝曰：善。會河陽帥茂元卒，相德裕言往懷州刺史

關河南帥常以判官攝事。割河南五縣賦隸河陽，事體舛午，不若遂以五縣置孟州。其懷州別置刺史，俟昭義平，割澤州隸河陽，則太行之險不在昭義，而河陽爲重。

鎮東都可高枕矣。於是邢洛磁三州以力屈詣元達弘敬降。德裕曰：「昭義根本在山東，三州降，上黨不日且變矣。」帝曰：「郭誼其無乃梟劉稹自贖乎？」德裕曰：「信如聖諭。」帝曰：「卽如是，宜先處者何事？」德裕曰：「往諸道討逆節，所得州輒自予。今邢降元達，磁洛降弘敬，脫請之，難於可否矣。請先以給事中盧弘正爲三州留後，成命下，則二鎮無辭。於是以盧鈞爲昭義帥，乘驛赴鎮，而弘正領三州。」鈞素寬得人，及赴鎮，人情洽而昭義遂安。無何稹將誼果殺稹及其族姓。函首降。帝曰：「今何以處誼？」德裕曰：「劉稹騃孺子爾，阻兵拒命，皆誼謀及力屈，又賣稹求賞，此而不誅，何以懲惡。」

宜及諸軍在境。并誼等誅之。於是詔給復昭義五州一

年。稱父子所增橫稅皆免。所籍兵遣還農。諸道將士加

賞。賚有差。而澤潞平。

元和後數用兵。宰相至不敢休沐。繼以火。乃得罷。德裕從容裁決。率

午漏下。輒還策沛然若無事。時河北三鎮使至京師。輒引見問慰。其可語者。訪以破盜方畧。及諸將能否情偽。咸得其要領。及歸。必面諭曰。河朔兵力雖強。要不能自立。須籍朝廷官爵威命以填之。歸語汝使。與其使大將邀敕。使求官爵。何如自奮忠義立事功。結明主知乎。繇是三鎮惕息不敢有異志。始德裕恐河北軍乏興置備邊庫。令戶部歲入錢帛二十萬。度支鹽鐵十三萬。及諸道所進助軍錢皆入焉。明年減三之一。以度支郎中判之。故沛有餘財。當是時國威再振。乃奏上尊號。詣郊廟奏告。詔進德裕太尉。封趙國公。德裕固讓曰。唐興太尉惟七人。尚父子儀功最高。然且不敢當。裴度勲德守司徒。至七

年不遷。臣守舊秩足矣。取辭。帝曰：恨無官可酬卿功。柰何乎？辭。德裕不獲命。乃言曰：臣先臣封趙。冢孫寬中始生。小字曰三趙。意傳嫡也。臣前幸益封。改中山。臣先世居汲汲衛地。願得封衛。改封衛。德裕以帝數討叛有功。慮且汰於武。乃上言：曹操破袁紹於官渡。止不追。曰：所獲多已。求多傷威。養繇基射柳葉。百步外百中。觀者教之曰：不如息也。若弓少撥者。前功棄矣。今陛下征伐無不得所欲。此亦養威少息之時也。願毋佳兵。帝曰：善。時天子雖並置他相。而倚毗獨德裕。用兵時。決策制勝。皆獨斷。他相不與也。至是上疏乞骸骨。又以星家言。災惑。

犯上相懇避位。帝輒慰留之曰：卿每辭位，使我旬日不得卧。今大事未就，奈何乎？去蓋得君如此。然德裕有相才本所乏者，度又秉政久，多徇憎愛，脩怨恩，先是始秉政爲帝言維州降將悉怛謀之寃也，以爲相僧孺讒賊所爲，而僧孺得貶，語具戎狄志。及是乃言曰：曩劉從諫據上黨垂十年，逆節見矣。太和中入朝，僧孺宗閔方執政，令忠於謀國，留之豈有後悔哉？顧加相銜，縱之去。成今日之患，竭天下財力，二年僅乃克之。此二人爲國謀不忠，宜加誅。會得河南少尹呂述書言：劉稹破報至，僧孺失聲嘆咤，持以聞。帝大怒，貶僧孺循州，流宗閔封州。

給事中韋弘質上書言宰相權已重不宜復典司錢穀。意以傾德裕德裕言傳曰賤人圖柄臣則國家搖。蕭望之爲漢名儒歲首奏日月少光咎在臣等宣帝以望之意輕丞相詔詰問貞觀中監察御史陳師合言人思慮有限一人不可兼衆職太宗怒以爲欲離間我君臣斥之嶺南夫令宰相有姦謀隱慝則人人得以陳論至制置職業人主之柄非小臣所得于今弘質受人教誘而言是圖柄臣也幸陛下昭其邪心遏絕之弘質坐貶官。德裕意欲政出宰相尊朝廷以肅下而深疾朋黨故憤切如此散騎常侍柳公權本與德裕善以他相薦擢集

賢學士德裕恚恩非已出立左遷宮僚給事中李中敏

才仇士良請以開府蔭子中敏判之曰開府階誠宜蔭子謁者監何繇有兒士良慙恚德裕惡其

與楊嗣復善奏出爲刺史帝聞太子少傅白居易名欲

召相卜之德裕素嫉之乃對言居易衰力不任朝請其

從父左司員外郎敏中文學不減居易而器識過之遂

以敏中爲翰林學士嗚呼書有之曰無有作好無有作

惡又曰臣無有作福作威言有作之爲害大也德裕柄

國爲名相不以此時捐愛憎以已然而驅逐異已以益

怨於好惡福威亦已作矣作已迫矣有無危乎帝自潛

邸時業惑志於仙旣在位作望僊觀於禁中作僊臺南

郊已方士趙歸真得幸諫官以爲言。帝謂宰臣曰。諫官論趙歸真事。卿等聞之乎。對曰。聞之。德裕前對曰。歸真以詭術出入禁中。爲敬宗朝罪人。不可近。帝曰。朕爾時亦識是人。不知名。獨衆稱趙鍊師。知爾時亦無大過。豈足深過哉。朕宮中屏聲。枝絕。宴飲獨欲聆道論。滌煩耳。至政務必卿等與共。平章雖百歸真。不能惑也。德裕曰。小人見勢則趨。旬日來。歸真之門。車轍滿矣。歸真亦以物論求退。薦羅浮道士鄧元起能僊。迎致之。與衡出道士劉玄靖。皆挾方術進。毀佛教。自詡。於是敕併省僧寺。而淫於方士。言益深。餌金丹。躁喜怒不常。問德裕以外。

事對曰。陛下威斷不測。外人驚懼。天下既平。願靖之以

寬。使得罪者無怨。為善者不懼。帝自五年秋有疾。而方

士以為換骨。且得僊藥益進。遂病。六年病不能興。諸宦

者密於禁中定策。下詔言皇子冲幼。立光王怡為皇太

叔。監國。更名忱。帝崩。即位。是為宣宗。宣宗皇帝。憲宗第

母孝明鄭太后。會昌六年春三月。即位。尊母妃為皇太后。相德裕罷為兵

侍郎。學士敏中。白同中書門下平章事。封皇子五人為

王。夏相讓夷罷。戶部侍郎植。馬同平章事。秋。肅罷。中書

侍郎商。盧同平章事。十二月朔日食。是歲雲南蠻寇安南。經畧使裴元裕敗之。大中

元年春。正月壬子。朝獻太廟。甲寅郊。赦。改元。復左降官死者官爵。賜文武官

階勲賜父老帛文宣王及封皇第四人爲王旱避殿減

膳錄囚徒罷教坊樂出宮女五百人相商罷門下侍郎

元式崔中書侍郎琮韋同平章事夏積慶蕭太后崩文宗

母祔光陵是歲張仲武及奚比部落戰相回罷貶前相

德裕爲潮州司馬二年春群臣上尊號聖敬文思和武光皇帝赦

宗子房未仕者予一人封子澤濮王夏五月朔相元式

出身賜文武官階勲爵罷兵侍郎墀馬同中書門下平章事太皇

太后郭氏暴崩是歲吐蕃來歸三州及七關三年春隕霜殺桑相植墀罷

夏中書侍郎鉉崔兵侍郎扶魏同平章事秋復河湟武

寧軍亂逐節使冬京師振武天德封皇弟惕彭王前相

李廌

靈武鹽夏地震

德裕卒崖州

涇原帥康季榮取原州及六關靈武帥朱叔明取樂安州邠寧帥張君緒取蕭關具

邊防志

四年夏霖雨錄囚徒蠲逋負相扶卒戶尚書龜從

崔

兵侍郎綯

令狐

同中書門下平章事盧龍軍亂

逐節使張直方

黨項羌作亂五年夏羌平封子潤鄂王瓜沙岷廓等州

來歸置歸義軍戶侍郎暮

魏

同中書門下平章事相龜

從罷

湖南饑

六年春

正月彗星出于觜參

禮尚書休

裴

同中書門下

平章事封皇弟惲棣王

淮南饑

七年春

有事于郊廟赦

夏中書侍

郎朗

鄭

同平章事八年春

正月朔日食旱

封皇子三人為王九

年春相休罷

宣武出鎮

秋旱減上供饋運蠲逋租發粟賑貸

相鉉罷

淮南出鎮

罷淮南宣歙浙冬至元日常貢代下戶租

稅浙東軍亂。逐觀察使李訥十年春工部尚書朗鄭同平章事。

秋封皇子二人為王。九月彗星出房冬相休罷工部尚書慎繇

崔同平章事。十一年春相暮罷夏容管軍亂。逐經略使王球秋

兵侍郎鄴蕭同平章事封子濰廣王。九月彗出房冬相朗罷。

十二年春戶侍郎瑑劉同平章事。自判度支相相慎繇罷。出鎮

劍南鹽州軍亂。監軍楊玄价殺刺史劉臯夏嶺南軍亂。逐節使楊發兵侍郎

孜夏同平章事。自鹽鐵轉運相相瑑卒。瑑與崔慎繇議政慎繇以為當甄別流品瑑曰

昔王夷甫相尚浮華妄分流品中原丘墟今獨當循名責實使百官各稱其識而先流品豈致理之道乎慎繇

無以對瑑病篤猶手湖南江西宣歙軍亂。湖南逐觀察使韓琮江西

逐觀察使鄭憲宣冬河南北淮南大米徐泗水兵侍郎

仲將同平章事。湖南江西平。叛將誅是歲南蠻寇邊十三年春大

赦。蜀度支戶部帝不豫。閣立鄆王淮為皇太子。崩。年五

十。葬貞陵。謚聖武獻文孝皇帝。廟號宣宗。初憲宗納李錡妾鄭生帝封

光王。十許歲時。遘重疾。見異光。蹶然起。正身端拱坐。乳

媼以為心疾。穆宗視之。喜撫其頂曰。英物也。賜王如意。

已外晦內朗。嚴重寡言笑。宮中皆目為不慧。文宗好誘

其言為戲笑。武宗豪尤不加禮。益自韜匿。群居遊。未嘗

發一言。故為宦者所利。因得立。及監國。見百官憂戚滿

容。裁庶務咸當。於是始知有晦德焉。既即位。誅趙歸真。

相德裕攝冢宰。奉冊退。帝謂左右曰。適奉冊者太尉耶。

每顧我使我。毛髮灑淅立。出鎮荆南。德裕位重有功勤。衆不謂遽罷。而遽罷。中外大震。所命相。左右無知者。嘗欲相蕭鄴。制且行。內樞密覆奏。鄴故判度支。今應罷否。帝疑閹佑之。卽出崔慎繇名。付學士院草制。而鄴罷。中尉馬元贊。以定策功有寵。相植因附之。叙宗姓交親。帝賜元贊寶帶。元贊以遺植。植服以朝。帝識之。收親吏鞫問。盡得其交通狀。貶刺常州學士蔣伸。嘗從容言。近日官頗易得。人思僥倖也。帝驚曰。卽如此亂矣。對曰。亂則未亂。但僥倖者多。致亂非難。帝稱善久之。曰。異日不復獨對卿矣。伸莫測所謂。尋拜相。嘗令相敏中爲萬壽公。

主擇壻也。薦鄭顥妻之。時顥已約婚盧氏媾親矣。深銜之。數毀短焉。敏中充招討黨項使。赴鎮泣言於帝曰。鄭顥不樂尚主。怨臣深刺骨。臣外出。顥必從中危臣。臣死無日矣。帝於禁中取小檉匣授之曰。視之。此鄭郎譖卿書也。朕信之。豈任卿至今日哉。敏中感涕不自勝。嘗詔刺史臨人官。毋得從外輒蒞治。必詣京面察其行能。乃遣相絢嘗徙其故人爲隣州。令便道之官。帝詰之。絢對曰。道近。省迎送費耳。帝曰。朕以刺史多非人。爲百姓患。苦欲一一訪問。知其優劣。行黜陟。令始行。直廢格不用。宰相可謂有權。時方寒。絢汗透重裘。

絢嘗謂人曰。吾秉政十年。最思遇然。

每延英奏事未嘗不汗沾衣也。

每臨朝宰相奏事無一人旁立者。威嚴

不可仰視。奏事畢。忽怡然問閭閻細事。間及宮中宴遊。

頃之復整容厲肅如初。曰。卿輩好爲之已。乃罷。樂聞規

諫。得大臣章疏。必焚香盥手已。乃讀。諫官論事。門下封

駁。苟當多。屈意從之。諫官負闕。中書奏請補。帝曰。諫官

要在舉職。豈必人多。第令如張道符。牛叢。趙璘輩數人。

朕日間所未聞足矣。敕待詔官與刑法官。諫官得次對。

在宮中常衣澣濯。非母后侑膳。不舉樂。歲小饑。輒憂形

於色。恭儉好善。卽左右近習。未嘗見怠惰之容。作雍和

殿於十六宅。數臨幸。置酒爲樂。飲盡歡。諸王疾常親至。

卧内存問。憂形於色。故事公主降。以銀裝車。帝曰。吾欲以儉約化天下。當自親者始。令依外命。婦以銅裝。仍詔公主執婦禮。如臣庶儀。母得輕夫族。預時事。鄭顥弟穎使視之。還問主安在。曰。在慈恩寺觀戲。帝怒。嘆曰。我怪士大夫不欲與我家爲婚。有以也。夫召公主責之。繇是貴戚守禮法。帝欲知天下郡國境土風俗及四方阨塞如衣冠族。帝欲知天下郡國境土風俗及四方阨塞。制置利害。命翰林學士澳纂爲書。曰。處分錄。欲知百官名數及銓法。命令狐絢凡吏部注擬。政府制授。具籍之。曰。具負御覽。置案上閱焉。以太宗所撰金鏡錄授翰林學士澳。使讀之。至亂未嘗不任不肖。治未嘗不任忠賢。太息曰。凡求致太平者。當以此言爲首矣。又書貞觀致

要於屏風。每正色拱手讀之。自寶曆來。閹寺權寵甚。帝雖爲所擁立。而剛明不惑。一裁之以法。有敕使過陝右。怒餅黑。鞭驛吏見血。觀察使以聞。謫配恭陵內園使。遇宰相不避馬。相奏之。帝詰責。對曰。供奉官例不避。帝曰。汝銜勅命。卽橫絕可也。何得私出。不避宰相爲乎。配南牙監軍王宗景以失律。杖配恭陵。爲著令。蓋用法明。勅如此。尤重惜官爵服章。於翰林最親。然遷官必慎資歷。曰。吾不敢以官爵私親臣也。有司具緋紫衣數襲。待幸賞。率終歲不用。事鄭太后謹。朝夕親其養。舅光鎮河中。入朝。問政。語汙鄙。帝不悅。留爲羽林統軍。太后屢言其

貧輒加賜。終身不任。賜壯令免稅。中書執奏。帝曰。朕初以光元舅。欲優之。乃不知其過。此人所難言。卿執奏幸甚。庶事皆然。朕豈憂天下哉。有始有卒。其唯聖人當其守之耳。有醫工得幸。敕鹽鐵使補場官。轉運柳仲郢言。醫工術精。宜即於醫官中遷補。若委以銅鹽。將何自課最。且場官賤品。非制。敕宜親。遷賜絹罷遣。教坊使祝漢貞。滑稽敏給。冠諸優寵。一日抵掌詠諧及外事。帝正色曰。養爾曹。祇供戲笑。豈及以政耶。尋坐流遣。樂工羅程。善琵琶。罪繫獄。衆工爲請。曰。程負陛下萬死。然臣等惜其絕藝。不得復奉宴遊。帝曰。汝曹所惜者。絕藝。朕所惜者。高祖太宗法耳。竟抵刑。終不私親。侍如此。念親民官爲政本。申未任。刺史縣令及刺史縣令有贓負者。不擬侍從官。若縣令必滿三考。乃聽遷之。令建州刺史于延陵辭之官。帝問之曰。建州去京師幾

何對曰八千里帝曰卿毋謂建州爲遠政鉅細何渠不

聞此階前乃萬里耳

宰相擬李遠刺杭州帝曰遠詩云長日惟消一局棋安能理人相陶

日詩人獨寄興爲高耳豈必實然乃得任

嘗較獵苑比遇樵夫問其縣曰涇

人也令爲誰曰李行言問爲政何如對曰性執有強盜

數人匿軍家索不與盡殺之及歸帖名寢殿柱間擢刺

海州入謝賜金紫取帖示之又獵渭上有父老十數人

聚佛祠問之對曰醴泉百姓也問聚祠禱何爲曰縣令

李君爽有異政消當罷詣府乞留故祈佛冀諧所願耳

會懷州刺史闕帝手筆除授重民治通下情如此聳語

相敏中言朕昔從憲宗靈輦行道遇風雨百官散惟山

陵使長而髯攀靈駕不去者誰耶對曰令狐楚有子乎
對曰考功郎絢也才器可任使卽擢知制誥已得相與
宰相論元和間循吏孰賢相_絢對曰臣嘗守江西聞觀
察使韋丹之賢也功德被八州沒四十年老稚歌思如
一日賢矣立以其子宙爲御史黨項寇邊欲擇帥難其
人從容與翰林畢誠論邊事誠援古據今陳方略較然
帝喜曰不意頗牧近在禁中卿其爲朕行誠欣然奉命
招諭黨項降之諸用才不次如此帝知黨項反繇邊帥
利其羊馬數欺奪誅殺之而反詔南山黨項羌宜於銀
夏境內給閑田令耕作爲生不受令乃誅若邊將貪鄙

致其怨叛。罪邊將無赦。自是選儒臣代邊帥。靖之。陛辭。面戒勵。乃遣。而黨項遂安。宰相以復河湟上尊號。帝曰。此憲宗皇帝意也。朕成先志耳。其議加順憲二廟尊謚。昭武功。故大中之政法紀修飭。民物阜利。人思詠不衰。謂之小太宗。始帝潛邸時。聞相德裕。怙才力專心惡之。及卽位。首斥去。而君臣務反會昌之政。故時有偏陂。

石惟

請政府自陳烏嶺五寨之功。求一鎮終老執政。以雄本德裕所薦。除神武統軍。雄怏怏而死。德裕爲相時。有薦丁未立清直任諫官者。不用。及是爲右補闕。訟言德裕功坐阿附。貶官。德裕相時。淮南節使李紳。按江都令吳湘獄。坐盜用官錢。疆娶所部民女。佑資裝爲賊。諭死。議者謂爲已甚。湘。吳武陵兄子也。德裕惡武陵。遣御史崔元藻。李調覆獄。駁之。德裕怒。貶二人。遠州司斥。不復更推按。如紳奏處死。及是。頌冤。德裕坐貶死崖州。德裕爲

相時所居第有院曰起草亭。曰精思。每計天下大事。輒獨處其中。左右侍御莫得近。故許畫精審。性不喜酒。後房無聲色。其沒也。見夢令狐綯者再。綯覺而懼曰。衛公精爽可畏。言於帝。還其喪。後追贈尚書左僕射。復衛國公。
帝少事佛。盡復會昌所廢寺。度僧尼。帝母鄭太后本太皇郭太后侍兒也。微時爲郭太后所苦。怨之。帝卽位。待郭太后禮頓衰。太后意怏怏。一日登勤政樓。欲自墮。帝聞乃大怒。而太后以是夕崩。帝不欲祔陵廟。禮院簡訂王皞以爲祔陵廟宜稱。帝大怒。命相敏中詰之。皞質言太皇太后汾陽王女孫。憲宗在東宮爲正妃。母天下五朝。豈得以曖昧之謗廢禮乎。敏中附帝意爲辯斥。皞竟不撓。相墀見之。舉手加額。嘆其孤立。尋貶句容令。帝

春秋高有二子。長鄆王漼。無寵。幼夔王滋。愛欲立之。以非次。故猶豫者久。群臣莫敢言。魏謩拜相。入謝涕泣言。今海內無事。惟未建儲副。使正人輔導之。臣竊以爲憂。帝默然。裴休繼以爲言。帝曰。建太子。則朕爲閒人。安所事朕。乃不敢復言。久之。欲御樓。肆赦。相絢曰。御樓費甚廣。湏有名。且赦不可數。帝不悅。曰。遣朕於何得名。相頓繇欲因。靡悟。帝曰。四海望陛下建儲之日久矣。今行之。雖郊祀可也。況御樓乎。時帝餌方士藥。躁渴。多諱惡。聞之色變。俛首不復言。旬日。慎繇罷。及寢疾。宰相不得見。以中尉王宗實懷二心。不可屬。屬內侍王歸長等三人。

使擁立夔王。於是三人相與計出宗實監淮南軍。宗實

受敕出左軍副元

音基

元實謂曰。聖人不豫踰月矣。中尉

何不入一見聖人而遽遠出乎。宗實悟入至寢殿。帝已

崩。東首。宮人環泣矣。宗實叱歸長等。責以矯詔。皆捧足

乞命。乃迎鄆王立爲太子。已卽位。取歸長等殺之。是爲

懿宗。

懿宗。宣宗長子。母元昭。懿太后。大中十三年秋八

月。卽位。始聽政。相鄴罷。兵部侍郎杜審權。同平章

事。相絢罷。司徒敏中兼門下侍郎。同平章事。是歲。雲南

蠻陷播州。咸通元年春。浙東亂。觀察使王式討平之。

夏。京師地震。相孜罷。禮尚書畢誠。同平章事。追復前相

德裕官爵。贈左僕射。有事于郊廟。二年春。相敏中罷。尚

書左僕射。杜悰兼門下侍郎。同平章事。三年春。相伸罷。

秋。武寧軍亂。尚書左僕射夏侯孜兼門下侍郎。同平章

事。嶺南西道軍亂。封皇子二人爲王。四年夏。有事于郊

廟。夏。相誠罷。兵侍卽楊叔同平章事。相審權悰罷。兵侍

郎曹確同平章事秋七月朔日燭冬昭義軍亂五年夏
兵侍郎蕭真同平章事彗出婁秋相攷罷兵侍郎路巖
同平章事六年春相真卒兵侍郎高璩同平章事卒兵
侍郎徐商同平章事冬晉絳二州地震太皇太后崩七
年秋八月書晦冬相叔罷八年春河中晉絳地震夏早
秋下邳雨湯懷州軍亂兵侍郎于琮同平章事九年春
彗星出婁夏麗劬反桂州陷宿徐濠州觀察使崔彥
魯刺史盧望回死之冬有妖星如匹練亘天化為雲沒
楚分盜陷和滁二州滁刺史高錫望死之羽林將戴可
師及盜劬戰却梁死之十年夏旱蝗商罷戶侍郎劉瞻
同平章事秋彗出大陵麗劬誅十
侍郎韋保衡同平章事秋魏愬軍亂相瞻罷冬禮尚書
判度支王鐸同平章事十二年春巖罷禮尚書劉鄩同
平章事十三年春相宗罷戶侍郎趙隱同平章事浙江
地震十四年春迎佛骨鳳翔雨土
州民產子一頭
四手秋七月帝崩年四十一葬崩陵謚昭聖恭惠孝皇
帝廟號懿宗
帝初立內樞密詣中書揖相宗杜
出斜封書授
之發視則宣宗大漸時宦官請監國奏也宣徽使楊公

慶繼至。曰。時宰相無名者。當反法處之矣。棕拱手曰。此非臣下所宜窺。封還之。謂公慶曰。上欲罪宰相。當於延英面承旨行。何卒倉乎。公慶出。謂兩樞密曰。內外一體。上新踐祚。當施德天下。何得遽贊成殺宰相乎。苦習以性成。中尉樞密。亦豈能自保。事得寢。帝奉佛。怠政事。於禁中設講席。誦經。手錄梵章。數幸諸寺。廣施與。好音樂宴遊。每宴水陸珍畢備。樂工善新聲。擢以爲將軍。相嚴侈陰賊。通賂遺。與相保衡。比而亂政。保衡尚同昌公主。公主。郭淑妃女也。妃寵。王出降。傾官中珍玩。賄資之。薨。帝哀甚。殺醫官二十餘人。逮親族三百人。相瞻與京兆。

尹溫璋以非辜諫。瞻罷鎮荆南。璋貶死振州。嚴保衡共

譖瞻云。與醫官通。庇之。再貶刺康州。

學士鄭畋當制惜其賢辭曰安數畝

之居。仍非已有。却四方之賂。惟畏人知。嚴是

又共譖相

大恨之。曰。侍郎乃表劉相也。貶梧州司馬。收流驩州。賜死。已嚴與保衡隙。保衡發其姦。罷鎮西川。

卒賜死。

嚴密奏三品以上賜死。令使者剔結喉三寸進為驗。後自罹其禍。所死處。則惕收死時榻也。

公主薨。保衡罪狀漸著。貶賀州。賜死。當是時。帝汰侈甚。

國用兵不息。賦歛繁急。關東連年水旱。州縣不以聞。百

姓流殍無所訴。浙東賊裘甫因作亂。懷州民訴旱。刺史

榜禁之。民怒。相與逐刺史。為亂。南詔陷安南。募徐泗兵

往赴援。又別發卒戍桂州。約二歲而更。留戍者五年矣。

以乏興不發代令更畱於是戊卒思歸不得怨憤推判
官龐勛爲帥起作亂州縣莫能抗而土崩之形成帝立
十四年而崩少子曾王儼爲中尉劉行深韓約所立生
十有二年矣是爲僖宗僖宗懿宗第五子母惠安王太
后咸通十四年秋七月即位冬
中書侍郎蕭倣同平章事十二月震電乾符元年春
中書侍郎裴坦同平章事夏坦卒中書侍郎劉瞻同平
章事無何卒初瞻貶無賢愚痛惜及召還長安市人率
錢顧百戲迎之瞻聞改期繇他道入瞻南遷時劉鄴附
於韋路頌毀之至是鄴懼延瞻置酒瞻歸而遂薨人以
爲鵠云兵侍郎崔彥昭同平章事鄴罷兵侍郎鄭畋戶
侍郎盧攜同平章事是歲雲南蠻寇黎雅二州發河西
河東山南東道東川兵伐雲南二年春有事于郊廟赦
夏太白晝見濮曹州盜起秋大蝗冬十一月震電三年
春旱天平軍亂平盧節使宋威爲諸道招討使夏雄州
地震烈水湧出秋九月朔日蝕冬京師地震四年春浙
盜陷明台州濮盜陷鄆州昭義軍亂簡較司徒王鐸同

平章事宛句盜黃巢陷鄆沂州天平軍帥薛崇先之夏四月朔日饒陝州軍亂江西盜陷江撫州雒州地震盜巢陷隋州鹽州軍亂逐刺史河中軍亂逐節使安南戍兵亂逐桂管觀察使五年春副招討曾元裕與濮盜戰申州敗之爲諸道行營招討使宋威罷江西盜陷饒信虔吉洪等州湖南軍亂逐觀察使夏相敗攜罷兵侍郎豆盧瑑戶侍郎崔沆同平章事是日雨雹大風拔木秋盜巢陷抗越州蔚罷中書侍郎鄭從讜同平章事盜巢陷福州六年春京師地震藍田山裂出水河東軍亂夏四月朔日饒盜巢陷廣安南秋陷潭澧澧州刺史李絢先之冬十一月兩日金出閩鐸罷門下侍郎盧攜同平章事盜巢陷江陵陷鄂宜歙池州荆南盜陷朗州刺史崔翥死之石門蠻陷澧州權知州事呂自牧死之桂陽盜陷郴州刺史董岳死之廣明元年帝七年春河東軍亂殺節使旱夏京師東都汝州雨雹大風拔木淮南將張濬及盜巢戰信州死之江華盜陷道州宿盜陷連州秋昭義軍亂殺節使盜巢陷睦發州渡江陷滁和汝州渡淮陷東都闍令玆爲諸道兵馬都指揮制置招討使闍復光副之巢陷驪州闍令玆爲汝洛晉絳同華都統盜巢陷潼關相攜罷縊死戶侍郎王徽工侍郎裴澈同

平章事盜巢陷京師僭號帝出居興元相豆盧瑑登沆
尚書左僕射鄴右僕射琮太子少師裴諗御史中丞趙
蒙刑部侍郎李浦京兆尹李湯廣德公主死之鳳翔節
使鄭畋徵鄰道兵討賊靖陵雨血中和元年帝八年春
帝出居成都赦劍南三川門下侍郎王鐸同平章事盜
溫陷鄧州鳳翔節度使畋及盜巢戰龍尾坡畋之畋爲
京城西面行營都統夏涇原節度使程宗楚朔方節度
使唐弘夫及盜巢戰咸陽畋之巢走灞上已復入京師
弘夫宗楚死之大風雨土門下侍郎畋兵侍郎韋昭度
同平章事秋星交流如織或大如杯碗盜陷台壽光處
州二年春鐸爲諸道行營都統承制封拜太子少師崔
安潛副之高駢罷司空畋同平章事荆南監軍朱敬玫
殺節使秋盜陷洪州盜巢將朱溫降以爲右金吾衛大
將軍冬荆南軍亂關中饑三年春李克用爲行營都統
鐸罷魏博軍亂殺節使都統克用及盜巢戰零口畋之
戰渭南又畋之復京師相畋罷爲東都留守司空鄭從
謹判度支崔澈同平章事秋晉州地震冬全椒盜陷滁
州浙江軍亂逐杭州刺史四年春舒州盜作亂盜巢誅
盜殺中書令鐸關中大饑武昌盜陷岳州光啓元年帝
十二年春荆南軍亂帝至自成都赦畋元盧龍軍亂殺

節使盜秦宗僦陷東都前奉國節度使叛附黃巢者也
義昌軍亂逐節使闕令孜攻河中河東帥李克用救之
寇同州刺史郭璋死之克用犯京師天子如鳳翔是歲
歸汀漳虔均等州陷于盜二年春帝出居興元兵尚書
孔緯兵侍郎杜讓能同平章事成都地震鳳翔女子化
爲男夏邠寧帥朱玟以嗣襄王煜入京師星孛于箕尾
秋星隕于揚州冬襄王煜稱帝尊帝爲太上皇盜全忠
昭滑州煜玟伏誅是歲漢常潭許泉興鳳岳鄂等州皆
陷盜三年夏鳳翔節度使李昌符反犯大安門不克走
伏誅盜全忠陷曹州刺史丘弘禮死之兵侍郎張睿同
平章事盜陷江陵荆南節度使張瓌死之是歲揚常衢
蘄州陷于盜文德元年帝十五年春盜全忠爲蔡州四
面行營都統三月朔日燭帝崩年二十七
葬靖陵謚惠聖恭安孝皇帝廟號僖宗
僖宗生失學

而蒙所事惟嬉戲飲食蹴鞠聞鷄蒲博擊毬諸戲自潛
卽時小馬坊使田令孜有寵擢知內樞密遷中尉政事
一委之呼爲阿父令孜多巧數每見常自懷珍果入與

帝偶飲帝與內園小兒狎賞賜動萬計府藏空竭令攷
說帝籍兩市商貨輸內庫陳訴者付京兆杖殺之宰相
而下鉗口不敢言蓋天子制置一出闕掌握而賊忠良
賣官爵鬻獄沮師蠹生民又其細矣然是時天下無慮
皆大盜據土爲方鎮天子不能難壯司獨以威重劫人
主陵奴朝士乃其視方鎮惴惴唯恐逾其意伺動靜爲
喙息故內外交重而交亂右補闕常濬上疏言陛下姑
息藩鎮太甚是非功過駢首並足致天下紛紛如此宜
稍振刑典以威四方令攷覽之志曰此疏流傳藩鎮寧
不致其猜恨貶萬州司戶賜死拾遺侯昌業疏刑政亂

極諫亦賜死而大盜王仙芝黃巢之倫不數載衡行於
域中黔首尺籍丁壯無賴者無慮皆逐將帥長吏起爲
椎劫至千里無鷄犬生民糜爛耗矣初濮鹽徒仙芝作
亂行營招討使宋威破走之即奏僊芝已死縱遣諸道
兵而僊芝乃益熾攻剽如故而兵始休輒復調人怨憤
思亂相攻言宋威衰病不任將崔安潛張自勉有威望
任將請易之而同相盧攜王鐸絀其議且請自勉以兵
授宋威節度畋以爲威自勉已有郤而更使相統是賊
之也退上書言自僊芝假擾崔安潛首請討之賊不敢
犯其境又以兵授張自勉解宋州之圍通江淮漕使不

輸寇手。今罷自勉。而以所將兵隸威。威復加詆誣。當何
以自明。若大寇忽至。又何以待之。即不聽。臣獨請以四
千人授威。餘三千人。使自勉。自將衛其境。猶愈也。攜持
不可。而威果敗。時盜賊蜂起。西川節度使崔安潛之
榜其上口。能告捕一盜。賞錢五百緡。同侶告捕。釋其罪。
賞如之。未幾。有捕盜至者。盜口。彼與我同。為盜十七年。
賜必中分。今賣我。死不惜。願與彼同死耳。安潛曰。汝知
吾有。榜捕彼來。則彼應死。汝賞矣。既為所先。復何辭。命
給告者錢。而副盜於市。自是盜相疑。逃散之。他境安潛
以蜀兵怯。募陳許州壯士。與蜀人雜訓練。得三千人。又
奏乞洪州弩手。教蜀人用弩。走九而射之。得千人。軍浸
以彊。而闔令孜與安潛內卻。見關東群盜日熾。陰為幸
蜀計。奏以兄陳敬瑄及腹心楊師立。王勣。羅元杲。鎮三
川。帝令四人擊毬賭之。敬瑄得第一。籌即以為西川節
使。代安潛。而師立已而宛胸盜黃巢陷鄆州。趨賴蔡與
鎮東川。勣鎮興元。

王僊芝合陷隨州西陷虔吉饒信州已自宣州渡江掠浙東從間道入閩趨建州陷閩中復剽嶺表據安南騰書求天平節度使下廷臣議咸請假巢節以紓難相畋欲因授嶺南節羈縻之相携方倚高駢使立功乃言口駢才略無雙又淮南天下勁兵處也集諸道討賊如拉朽奈何舍之畋曰巢之亂本於饑衆以利合故能興自江淮蔓延于天下今國家久平士卒不足用所在閉壘不收出不如釋之及歲豐而其下思歸衆且散衆散而巢乃枳上肉也今不伐以謀而怖以兵天下之憂未艾耳會駢請以公主嫁西戎得專意南方攜又議從之畋

以爲損國威。不可許。抗論相訴。謾帝以大臣爭口語。乃俱罷。時攜病風不能行。內挾令孜。外倚駢寵。遇甚厚。賄賂公行。豆盧瑑無他才。附之。崔沆時有啓陳。輒爲所沮。當是時。巢在南海。被瘴疫死者十三四。乃自桂編筏。浮湘水而下。陷潭州。山南東道帥劉巨容擊破之。俘斬十七八。賊渡江東走。或勸巨容窮追盜。可盡也。巨容曰。國家喜負人。有急則撫存將士。不愛官賞。事平棄之。或乃得罪已矣。無窮追爲矣。繇是賊復振。自采石渡江。圍天長六合。而高駢擁重兵不討。巢乃度淮。陷申州。掠潁。宋徐兗已遂陷。東都自戎起草莽間。轉掠度時。無長筭。遠畫四年之間。屠名城。陷王都。毒天下幾遍。古未前有。

也。巢犯京師。閹令孜請幸蜀。帝不懌。命令孜爲都指揮。制置招討使。將神策軍禦之。神策士皆長安富家子。賂宦官。竄名軍籍中。徼廩賜。未嘗更戰陳。聞當行。則父子聚泣。以金帛雇病坊人代行。不能軍。而巢入潼關。令孜罪狀相攜。以解負。攜雉經死。相畋鎮鳳翔。遣兵戍京師。以家財勞軍。以妻自所織絰衣戰士。巢入京師。帝出狩梁洋。畋謁帝斜谷。泣請死。帝勞慰之。請駕留。帝曰。朕不欲密通大寇矣。不能留。公謹扼賊無令西。勉建大勲。畋以道梗奏難通。請得便宜行。許之。遷西面行營都統。軍中得承制除拜。當是時盜巢入宮。僭大號矣。稱大齊皇帝。改元金

統盡殺。唐宗室。畋召將佐議拒賊。皆曰賊勢方熾。俟兵稍集圖之。畋哭曰。諸君勸畋始臣賊乎。因悶絕仆地。不能言。卧閤中。會巢遣人以僞詔至。監軍與之宴樂。作將佐而下皆哭。使者怪問之。幕將靳儲曰。以相公中風不能來。故悲耳。民間聞者皆泣下。畋聞。乃太息曰。吾固知人心未厭唐也。乃刺血爲表。遣使詣行在。召將佐諭以逆順。皆聽命。與刺血盟。完城壘。繕器械。蒐士練伍。密約隣道起同難。時禁軍分鎮關中者尚數萬。畋遣人招之。士畢至。軍聲大振。賊遣使齎僞詔來。召斬之。遣賊將來寇。設伏擊敗之。於是傳檄天下。徵兵合討賊。時天子走蜀。詔令

不通。天下謂朝廷不能復振。及得敗檄。遠近震聳。各治
兵應之。巢大懼。不敢西逼。駕當是時。微敗社稷幾殆。會
行軍司馬李昌言及襲之。失軍。詣行在。拜司空平章事。
昌言將兵屯興平。時倉庫竭。犒賞薄。昌言因激怒其衆。
遠軍襲府城。敗。登城謂之曰。行軍苟能戢兵愛人。爲國
滅賊。亦可以順守矣。以留務委之。即而相鐸召義武王
西赴行在。詔以昌言爲鳳翔節度使。而相鐸召義武王
處存。河中王重榮。晉陽李克用。合軍破巢。復長安。而京
師粗定。處存聞京師失守。不俟詔。即分麾下兵二千間
道至山南。衛衆與中外悚望。河中畱後王重榮
既降巢。而巢調發繁苦。重榮曰。始吾所爲。屈節者。以紓
患也。今調發苦亡無日矣。何以降爲。執巢使殺之。破巢
軍。獲糧仗四十餘船。與處存盟。引兵營渭北。討巢。忠武
帥周安業降巢。以夜召監軍楊復光宴酒。酣。安業語及本
朝。復光泣。良久曰。丈夫所感者恩義耳。公自匹夫朝廷
校擢爲公侯。奈何捨十八葉天子不事。事賊乎。安業亦泣。

曰此吾心也。今召公正爲此耳。因瀝酒爲盟。分軍八千人爲入都。遣八將將之。復光帥以擊賊。敗之。復鄧州。相鐸以都統高駢不急賊。憤請身自督軍。鳴邑流涕。帝許之。命充都統。而罷駢。鐸辟崔安贊爲副。以周岌王重榮爲司馬。以王處存李孝昌拓跋思恭分都統三面。以楊復光爲行營都監。與共計。復光曰。鴈門李僕射嘗與我共事。彼其人。常思奮不顧身。徇國家之急。今數召不至。與汴梁隙故耳。非忍於國家也。若論以上意。宜必來。鐸乃以墨敕諭克用。處存素善克用。又故有婚好。遣使者十輩敦譬之。克用將沙陀兵萬七千人趣河中。於是克用與忠武將龐從河中將白志遷以銳師前。反巢軍戰渭南。日三捷。義成義武軍繼之。賊大崩。巢焚官室遁。遂走死。瑕丘而諸將復長安。駕將還。李昌言自以襲司空。畋代之將。懼表軍情。猜疑不可。令畋扈過鳳翔。畋引疾。帝不許。畋入見曰。乘輿東還。供張頓待。仰昌言臣以宰相從。彼必且猜阻。非所以爲安也。乃罷政。畋雖當播越。謹法守閤。令收有干請。輒不得。內銜之以去位。至京師。差興復功。勤王舉義處存功第一。收京城破賊。克用功第一。詔克用同平章事。處存簡較司空。餘功賞有差。而令收顧大縱惡相。鐸欲去之。以爲鐸討巢久無功。卒用。

楊復光策召沙陀乃定。罷出鎮義成。楊復光慷慨喜忠義。善撫士。卒於軍。軍中慟哭累日。而令孜素忌之。聞其死。喜甚。擯其兄樞密使復恭。爲飛龍殿使。內常侍曹知慤有膽畧。巢陷長安。知慤時集壯士。據峩峨山。數遣人變服入長安。夜攻賊。賊驚。矍不得安。帝聞。大善之。除內常侍。令孜惡之。矯詔使邠寧王行瑜襲殺之。不能容如此。時帝甫還京師。荊棘滿城。狐兔縱橫。爲婁然不樂。御樓受巢俘。問所俘姪妾。若爲從。賊對曰。狂賊凶逆。國家以百萬之衆。失守宗祧。播遷巴蜀。乃以不能拒賊。責女子。置公卿將相何地乎。帝慙怒。戮之。時朝廷

號令所及。惟河西山南。劔南嶺南數十州。而閬令孜以建議幸蜀。收傳國寶。收列聖真容。散家財犒軍。自爲功。諷宰臣以爲六軍十二衛觀軍容使。天子不得有主斷。獨時語左右而泣。左拾遺孟昭圖上疏曰。治安之代。遐邇猶應同心。況多難之時。而中外可相貳乎。去冬車駕

西幸不告南司。遂使宰相以下。悉爲賊屠戮。夫天下者。高祖太宗之天下。非北司之天下。天子者。九州四海之天子。非北司之天子也。北司何必盡可信。南司何必盡錄錄。若天子與宰相判。無關涉於朝臣。渙若路人。是胸腹手足。既已不屬。其何以謂之人哉。亦殆已疏入。令孜屏不奏。矯詔貶嘉州司戶。遣人沈於墓。顧津聞者。氣塞。初解安邑鹽池屬河中。令孜請於上。舉自予。帥重榮以爲奪已利也。不聽。令孜惡之。徙鎮兗。不行。則命邠寧帥朱玫鳳翔帥李昌符攻之。重榮自以有興復功。顧見討而於李克用。最親。請爲援。克用方怨朝廷不理盜全忠

罪欲釋憾。遂罪狀令孜名清君側。犯京師。令孜劫帝如鳳翔。如寶雞。且入蜀。而相邁召孜。吕符迎駕還京師。孜昌符亦以令孜爲天下同忿疾。耻爲用。師驟至。帝竟入蜀。孜以百官留都下者。奉襄王煜監國。已稱帝。改元。而重榮克用復合兵討孜。孜將王行瑜誅孜。重榮殺煜。迎帝還鳳翔。初令孜在蜀募新軍五十四都。都千人。又南帝還鳳翔。才北司官萬餘員。而上供不至。賞賚不時有怨言。令孜大患之。請安邑解縣兩池鹽供用。自兼兩池使。池故隸河中。重榮論訴不已。乃徙重榮爲泰寧節度使。以處存代之。重榮不之鎮。表令孜十罪。令孜結邠寧朱玫。鳳翔李昌符使攻之。重榮求救於克用。克用乃上言。攻吕符與全忠相表裏。共滅臣。臣不得不自救。帝遣使諭釋。不聽。與重榮遂合軍壁沙苑。表請誅令孜。孜昌符與戰。敗績走。令孜奉天子幸鳳翔。明年。劫帝如寶雞。相朝臣不知也。翰林承旨杜讓能。太子少保孔緯奔

走從帝以綿爲御史大夫使還召百官皆以令孜在上
側辭不至而相邁合百官表罪狀令孜請行誅召致昌
符亟迎駕令孜恐以帝發寶雞入大散關去加王重榮
應接糧料使重榮稱令孜未誅不奉詔令孜自知不爲
天下所容乃薦楊復恭爲中尉自監西川軍依陳敬瑄
居襄王煝者肅宗玄孫也攻得之與俱還言於蕭邁曰
上播遷六年將士冒矢石百姓供饋餉六年戰死餓死
什七八僅能復京城上更以勤王之功爲敕使榮寵委
以大權使墜廢紀綱騷擾藩鎮召禍亂攻奉命迎駕不
蒙信察日以脇君吾曹報國之心竭矣力殫矣安能垂
頭弭耳受制於閹寺乎李氏子孫尚多相公盍改圖以
利社稷邁曰主上無大過正以令孜在肘腋致坐不安
席近初無行意令孜陳兵帳前迫以行足下盡心王室
獨宜引兵還鎮表迎鑾而已廢立重事不可干也孜出
宣言曰我立李氏一王敢異議者斬遂逼百官奉襄王
煝監國承制封拜使邁爲冊文不可使兵侍郎鄭昌圖
爲之得拜相罷邁爲太子太保邁移疾不出以其弟遽
方爲求樂舍避位往依之煝遂稱帝改元詔天下言上
已晏駕吾爲百官推奉已受冊李克用聞之大不平其
大將蓋寓因說曰鑾輿播遷天下皆歸咎於我不誅煝

攻我無以自明克用從之。燾詔書囚使者上表移檄進討之。詔復恭假子扈躍都將楊守亮將兵二萬出金州與重榮克用同討攻。攻將王行瑜戰敗與其下謀曰。今無功歸亦死。曷若與汝曹斬攻定京城迎駕取郊寧節鉞乎。衆從之。遂引兵歸長安。攻怒責之曰。汝欲反耶。行瑜曰。吾不反。欲誅反者耳。遂擒斬之。殺其黨數百人。裴澈鄭昌圖奉襄王奔河中。重榮詐爲迎奉執殺之。送溫首行在。有司請御南門獻馘受朝賀。太常博士殷盈孫曰。溫爲賊臣所逼。獨不能死爲負耳。禮公族罪在大辟。君素服不舉。溫已就誅。宜廢爲庶人。葬其首。其獻馘。輒賀。請俟攻首至行之。帝還都。相孔緯與故相邁卻劾邁。汗僞命與溫相鄭昌圖裴澈。即在所賜死。邁負大節風裁峻整。本以僞署避地去。而猶死於讒。史不白焉。哀哉。於是宦官方鎮迭相讐迄。

唐亡不解矣。帝在位十五年。疾大漸。皇子吉王保賢且

長矣。輿望必且立。閹楊嗣復劉季述立。帝弟壽王傑爲

皇太弟。迎入宮。帝崩。立之爲昭宗。

昭宗懿宗第七子也。母恭憲王太后。文德

元年三月即位夏追尊母爲皇太后秋陳敬瑄反討陳敬瑄是歲盜陷楊孟江陵漢許夔州○龍紀元年春兵侍郎劉崇望同平章事盜宗權伏誅○緋爲司徒讓能爲司空盜陷宣州宣歙觀察使趙錕死之冬盜陷棣州刺史張蟾死之陷常州刺史杜陵死之十一月有事于郊廟緋爲太保讓能爲司徒是歲鹽刺史蔡儔眉刺史山行章叛附盜盜陷蘇潤常州大順元年帝二年上尊號赦改元夏相濟及克用戰于陰地關敗績招討副使孫揆死之冬官軍潰於趙城瀋遁還足歲簡資宿戎雅蜀州各殺刺史節使叛附盜二年春緋濟罷兵侍郎崔昭緯戶侍郎徐彥若同平章事赦陳敬瑄詔王建罷兵不受命淮南饑夏彥若出三台入太微長十餘丈封子祐德王是歲盜陷成前宿壽州景福元年帝四年春赦改元中書侍郎鄭延昌同平章事夏讓能爲太尉冬星孛于斗牛是歲盜陷蘇揚楚鳳興洋州二年夏王建殺陳敬瑄及闔令孜彥入于太微盜全忠陷徐州武寧節使時溥死之討李茂貞茂貞犯京師殺相讓能戶侍郎崔胤同平章事是歲盜陷廬歙舒州乾寧元年帝六年春禮侍郎鄭綮同平章事罷禮尚書李磎同平章事罷中書侍郎徐彥若同平章事秋霖雨克用陷潞州昭義節使

康君立苑之是歲盜陷邵聞黃新州二年春戶侍郎陸
希聲同平章事越盜董昌僭號胤礽罷中書侍郎王搏
同平章事河東地震夏蘇州大雨雪希聲昭度罷王行
瑜韓建李茂貞犯京師殺太保昭度太子少師李璣綿
爲司空同平章事秋克用將兵移檄討三鎮爲邠寧四
面行營都統克用州誅王行瑜爵克用晉王戶侍郎孫
偓同平章事盜建陷利州刺史李繼昭死之是歲齊閔
逢通等州叛附盜三年春建陷龍州刺史田昉死之夏
河湓毀滑州盜陷光州刺史劉存死之盜董昌誅茂貞
犯京師帝加滑州亂罷戶侍郎陸展同平章事博罷秋
左諫議大夫朱朴同平章事中書侍郎崔胤戶侍郎崔
遠同平章事冬得同平章事是歲盜陷蘇州四年春
韓建圍行宮秋建殺宗室十有一王冬王建陷梓州劍
南帥顧彥暉苑之封皇子二人爲王是歲盜陷克沂海
密等州光化元年帝十年春赦茂貞夏立淑妃何氏爲
皇后秋帝至自華州赦政元星隕于北方是歲盜陷滄
邵衡永唐隋鄧華衢潞澤州二年春胤罷兵尚書陸
同平章事是歲盜陷沁貝蔡澤澤海道州保義軍叛附盜
全忠三年夏門下侍郎胤同平章事殺相博秋浙江盜
李遠罷中書侍郎裴贄同平章事盜全忠陷瀛莫祁

州、祁、刺史楊約矩之、闖劉季述王仲先作亂、居帝于少陽院、立皇太子裕、殺睦王、商、太白、晝見是歲盜殷陷桂、宜巖、柳象五州、天復元年、帝十三年、春、左神策將孫德昭等討亂、帝復位、季述誅、降封皇太子裕爲德王、盜全忠陷絳、晉州、封梁王、中書侍郎王溥、戶侍郎裴樞、同平章事、昭義軍帥孟遷儀、刺史張鄂、叛、附盜全忠、全忠犯京師、帝如鳳翔、鎮國軍帥韓建、靜難軍帥李繼徽、叛、附盜全忠、全忠犯鳳翔、樞罷、盜陷撫、吉州、二年、春、工侍郎常貽範、同平章事、浙西大雨雪、夏、光啓罷、工侍郎蘇簡、同平章事、三年、春、胤爲司空、同平章事、帝幸全忠軍、還京師、胤全忠殺宦官七百餘人、胤判六軍十二衛事、爵全忠梁王、雨土、全忠殺簡、光啓爲太尉、胤爲司徒、門下侍郎樞、同平章事、盜行密、陷密州、刺史劉康乂、死之、夏、全忠判元帥府事、爵王建蜀王、兵侍郎獨孤損、同平章事、全忠殺僕射潘、天祐元年、帝十六年、春、胤罷、中書侍郎崔遠、右諫議大夫柳璨、同平章事、全忠殺胤、遷都洛、兼判左右神策六軍諸衛事、日中見斗、封皇子五人爲王、大風、雨土、秋八月、全忠犯宮門、帝崩、年三十八、葬和陵、謚聖穆、
景文孝皇帝、昭宗體貌明粹、有英氣、以僖宗威令不振、

而朝廷日卑也。慨然有恢復前烈之志。聞復恭有援立功。而帝抑不用。政事多謀於宰相。相張濬。孔緯。勸帝舉大中故事。抑宦官。濬本因復恭進。復恭廢。更附田令孜。復恭再用。深恨之。帝嘗與濬從容論當今所急。以強兵振威權對。與帝意適合。於是募兵十萬衛京師。濬益以功名爲已任。每自擬謝安。裴度。李克用心輕之。私謂詔使曰。張公好虛談而無實用。傾危之士也。用之必交亂天下矣。時朱全忠與克用交怨。表請討克用。全忠本起盜賊。猾狡而克用討賊巢。復京師有大功。廷論歸之。濬銜其輕已。宣言曰。先帝再幸山南。沙陀所爲也。臣常慮

其與河朔相表裏。使朝廷不能制。今兩河藩鎮共請討。此萬世一時也。乞陛下付臣大兵。可旬月而平。復恭曰。先朝播遷。雖藩鎮跋扈。亦繇居中之臣措置失宜。使然。今宗廟甫安。始不宜更造兵端。帝曰。克用有興復大功。今乘其危攻之。天下其謂何。孔緯曰。陛下所言。一時之體。濬所言。萬世之利也。帝以二相言協。詎俛從之。曰。茲事一以聽卿。必毋貽朕羞。乃以濬爲河東行營都統。招討處置使。孫揆爲副使。濬奏給事中朱徽爲行營判官。徽曰。國家當罷亂後。而欲排強寇。耀兵。吾見其敗也。稱疾固謝去。濬發京師入辭。言於帝曰。俟臣先除外憂。然

後爲陛下清內患。楊復恭竊聽大疑之。已餞之長樂坡。屬之酒。濬辭。復恭戲之曰。相公伐鉞專征。遽作態耶。濬曰。今何渠作態。俟平賊還。方作態耳。復恭愈恨。恨忌之。濬師至晉州。朱全忠方連兵徐鄆。鎮魏。倚河東爲屏蔽。不出兵。兵未交。副使揆被執。死難。靜難鳳翔保大定難。四軍不戰走。而濬乃大困。克用圖晉州三日。宣言於衆曰。張濬宵人。直藉名宰相。不可俘也。又所將者。天子禁兵。奈何餓之。乃退五十里而軍。濬韓建得遁去。於是克用上表言。張濬以陛下萬世之業。邀一時之功。知臣與朱溫深讐。私相約結。必殺臣以快溫忿。臣今名在罪籍。

不敢歸陛下藩方。寄寓河中。進退惟命。於是連敗濬。綿。以解難。克用乃歸晉。當是時。王建奔蜀。殺陳敬瑄。田令孜於蜀矣。初黃巢之亂。帝爲壽王。從幸蜀。徒行疲乏。偃臥礪石上。令孜自後至。鞭扶之。使前。心銜之。僖宗疾困。令孜自署劍南監軍使。晝夜馳入蜀。欲依內兄陳敬瑄。以居。帝卽誅削官爵。流儋州。令孜不肯行。會王建表請討敬瑄。以贖罪。顏彥朗亦表請赦建罪。移敬瑄鎮以靖蜀。帝方憤藩鎮跋扈。欲以威制之。則大喜。以令孜所恃者獨敬瑄。乃徵敬瑄爲龍武統軍。敬瑄不奉詔。削官爵。詔建討之。三年不克。及是相濬有趙城之敗。朝議欲息兵。復敬瑄官爵。詔顧彥朗王建罷兵。而建已畧定閬。邛。蜀。黎。雅等州矣。不受命。進圖成都。建爲神策將時。父事田令孜。令孜登城謝道。舊故建泣謝。請復爲父子如初。是夕。令孜自攜卽節詣建。營授之。明日敬瑄開城迎建入成都。因令孜碧雞坊密表請誅之。帝不許。建使人告敬瑄作亂。令孜通鳳翔書殺之。表以聞。而復恭總宿衛兵專諸假子皆爲州刺史。爲監軍。王瓌者。

惠安太后弟也。求節鉞不與。瓌怒詬之。奏以爲黔南節度使。陰覆諸江中。帝嘗與宰相對延英。論叛臣。孔緯曰。陛下左右有將反者。帝矍然問故。緯指復恭曰。復恭陛下家奴。而肩輿至前殿。廣樹不逞爲養子。非反而何。復恭曰。欲收壯士心。輔天子耳。帝微哂曰。誠欲收心奉我。胡不假李姓。姓楊乎。復恭無以對。出緯守江陵。使人劫之長樂坡。斷旌節。盡斂其齎資。緯僅免。帝深恨疾之。出監鳳翔軍。對不肯行。勒致仕。群其族走興元。就兄子守亮舉兵反。於是鳳翔帥李茂貞。邠州王行瑜。華州韓建等。劾守亮納叛臣。請討擊破之。復恭守亮亡走閬。爲韓

建所僂。

茂貞獻復恭與守亮書云。承天門。我隋家舊業也。兒但積粟訓兵。用進奉何爲。吾於荆榛中立。

壽王。纔卽尊。輒廢定策國老。柰如此。誅二大閹。率出於負心門生何目天子也。閹悖逆如此。

方鎮而朝廷大命實制於河中。邠岐諸節鎮矣。時帝詔

茂貞節度山南西道。而茂貞欲兼得鳳翔。不奉詔。表悖

驚。帝不勝忿。欲討之。命相杜讓能專其事。讓能曰。茂貞

誅固當然。國家多難。鳳翔爲國西門。兵一構。國禍未可

量。願少寬以紓禍。帝曰。王室卑矣。詔令不出國門。朕不

能奄奄度日。受陵辱。卿爲我調兵食。朕自以兵屬諸王

討之。成敗不責卿。讓能曰。陛下欲消滌僭慢。強主威此

中外。大臣所當其力。臣何敢獨任。帝曰。卿元輔。休戚與

朕同。毋避難可也。讓能泣曰。臣位宰相。所爲未乞骸者。思得當以報陛下也。獨今非其時。恐他日蒙晁錯之誅。不能弭七國之患耳。今有言。臣何敢愛死。而同列崔昭緯者。陰爲茂貞地。內間之。諸動息必聞。於是茂貞從靜難王行瑜以拒師。阜王敗績。二鎮兵犯京師。以誅讓能爲名。讓能曰。臣前固言之矣。請歸死以紓難。帝泣下。不自禁。貶雷州司戶參軍。卒。賜死。而茂貞盡有鳳翔興元秦隴十五州之地。愈益橫。自是朝廷政令一稟於邠岐。南北司往往依二鎮邀恩澤矣。時相昭緯欲擅權。多忌嫉。帝嘗師李谿爲文以爲相。當宣麻。昭緯嗾知制誥劉

崇出班攬白麻哭沮之。王行瑜求爲尚書令。相昭度不可。曰：「太宗以尚書令登大位，自是此官不以授郭子儀。有社稷大功，終身避讓。行瑜何敢干焉？」會李谿召復相，於是昭緯遣人告行瑜曰：「向所爲沮公令公之命者，昭度也。今又引李谿與熒惑上聽，必復有杜太尉之事矣。」於是行瑜與茂貞建其表谿昭度姦邪不當相當罷帝不聽。而三鎮遂各將數千騎入朝，殺昭度谿而去。晉陽節使李克用、秦三帥、裨兵犯闕，賊宰臣大不道，請討。又移檄三鎮數其罪。軍河中，左軍使請幸邠，右軍指揮使李繼鵬、茂貞假子也。劫帝幸鳳翔。左右軍交亂，矢拂御。

衣帝以護蹕都頭李居實兵自衛。幸石門鎮樓焉。克用遣判官詣行在問起居。遣兵攻華州。韓建登城呼曰。僕於公未嘗有失禮。何見攻爲乎。克用讓之曰。公爲人臣。逼逐天子。公爲有禮。誰則無禮。兵方縱。會聞邠岐欲邀駕自重。則移兵營渭橋。而使將將三千騎詣石門。扈蹕已進。邠行瑜登城哭。謂克用曰。行瑜無罪。迫脅乘輿。皆茂貞建所爲。請移兵討之。行瑜願束身歸罪。克用曰。王尚父何恭之甚。僕受詔討三賊臣。公預其一。束身歸朝。非僕所得專矣。於是破誅行瑜。欲乘勝取茂貞。左右爭爲言。茂貞滅則沙陀不可復制。必存之。乃進克用爵。

晉王賜詔褒諭。且言不臣之罪。行瑜爲最。茂貞建知罪矣。貢獻相繼。願休兵。克用得詔。語詔使曰。朝廷疑我矣。不欲令建大功。然茂貞存。禍未已也。帝還都。詔克用久勞於外。必毋勤入朝。將佐咸疑。怒。蓋寓曰。天子還未安席。人心易搖。大王若引兵渡渭。竊恐都邑之或駭散也。人臣盡忠在勤王。豈必苛禮哉。克用乃表謝。引師去。帝奮誅崔昭緯。而上下始安。方晉師屯渭北時。茂貞建事朝廷甚恭。及軍罷。輒倨驕。帝自石門還。念宿衛單寡。無親臣。以宗室王在內宅親。多才智可倚。置殿後四軍。選補數萬人。使延王戒丕等將之。茂貞謂將討已。遂以爲

兵端復引兵逼京畿。覃王嗣周戰敗績。延王戒丕勸帝曰。必歸晉陽。晉王可爲歸也。請自鄜州濟河。幸太原。帝從之。中憚遁遠而悔。召韓建爲建所遮。留如華州。茂貞入長安。燔燒盡。而建奏睦濟韶通彭韓儀陳八王者謀殺臣。劫車駕幸河東。帝大驚。召建宣諭。建稱疾不入。令諸王詣建自陳。不得見。帝不得已。詔諸王歸十六宅。所置殿後軍悉罷遣。於是天子之親軍單盡。而十有一王皆遇禍矣。晉王克用聞之。歎曰。本用吾言。豈有今日哉。韓建天下廢物。爲賊臣弱帝室。不爲李茂貞所擒。必且爲全忠虜矣。將諸道兵復勤王。會王建克梓州。李茂貞

內顧不暇。逼乘輿而朱全忠營洛。表迎駕。韓建懼。奉帝
還長安。當是時。崔胤與王搏並相。南北司益相憎疾。胤
惡內樞密宋道弼。景祚修與帝謀去之。搏恐致亂。從容
言上曰。人君當明大體。無偏私。宦官擅權。誰不痛憤。顧
未可猝除。俟多難漸平。徐以道消息可也。願陛下勿輕
舉以速變。胤逆搏爲宦官游辭以緩難。及罷相。又意搏
排已。大恨之。遺朱全忠書。使表論搏而訟已。帝不得已
復相胤。而貶搏崖州。放道弼驩州。務修愛州。尋賜死。搏
明達有度。稱賢相。中外冤之。帝性剛。交困於外內。壹鬱
不自聊。縱於酒。責左右失常度。彌以湛營。夜獵苑中。醉

歸。殺侍女三人。明日午漏下。宮門不啓。闔劉季述故有擁立功。以見踈而恚。與中尉王仲先排闥入視之。得其狀。卽却走出。直視胤大言曰。上所爲如是。何以帝天下。必廢昏立明。則爲百官表。請太子監國。胤不敢違。黎明陳兵廷中。入扣閣。帝方坐乞巧樓。見兵入。驚墮牀下。將走。季述仲先持之坐。以所持釵杖畫地數帝罪。至數十未止。皇后出徧拜之曰。勿怖大家。若有罪。唯軍容之所處之。季述乃出。百官奏曰。此南司意。不得違也。陛下耆倦勤。願奉太子監國。后曰。陛下如軍容語。帝曰諾。宮監掖帝出思政殿。后以傳國寶授季述。立太子。而輦帝入。

少陽院居焉。季述液金鍵閉中錮之。宿兵守焉。太子即位。號帝太上皇。皇后皇太后。赦崔胤告難於朱全忠。使以兵清君側。季述亦遣人至汴。願輸唐社稷。全忠疑未決。李振入見曰。豎刁伊戾之亂。霸者之資也。金闥奴幽天子。公不討。何以令諸侯。全忠乃遣振至京師。與胤謀。時季述欲盡誅百官。乃弑帝。挾太子令天下。而神策將孫德昭。董從實。以乾沒督償急。恨二閹甚深。胤遣客割所服寶帶。陰遺之。謂之曰。能殺兩中尉。迎上復位。則富貴第一時。忠義流千古。慶之大者也。不者禍矣。於是二將邀別將周承誨與同功。以十二月晦。伏士安福門而

待旦日仲先朝德昭等馳斬之。叩少陽院呼曰。賊斬矣。帝疑未信。皇后曰。可獻賊首。德昭擲仲先頭入。乃毀扉出。出御長樂門。承誨馳左軍執季述至。胤先戒京兆集萬人。持大梃需事。帝詰季述未已。萬梃交下。死尸之朝支黨族者數十人。賜德昭姓名曰李繼忠。從實曰李彥弼。與承誨皆使相。而胤進司徒。當是時。軍國事帝一委崔胤。而胤欲盡除宦官。外籍朱全忠。李茂貞。以圖功。翰林學士韓偓謂胤曰。事忌已甚。此輩亦豈可盡除。必盡除。恐其黨迫切相爲死。他變生矣。帝召偓問之。偓對曰。東內之變。敕使孰非同惡者。顧處之當在初。今後時矣。

帝曰。卿於時何不言。惺對曰。陛下復位詔云。四族之外。餘無所問。夫人主莫重於信。此詔下。則守之宜堅。後所去者不少。直人之自危洶洶也。爲今計。莫若擇尤無良者數人。明其罪寘之法。然後撫諭其餘衆。擇忠謹者爲之長。有善則獎。有罪則懲。將自安。夫帝王之道。當以重厚鎮之。以公正御之。至瑣細機巧。此生彼應。終不能成功。所謂理絲而棼之也。今者朝廷大權業散在四方。豈可復藉之爲功。令外愈益重乎。帝深以爲然。而胤持益力。中尉韓全誨。張彥弘等。襲故事。怙黨援。猶不遵敕旨。使他閹監軍守陵。皆不行。李茂貞入朝。胤結之。令以兵

宿衛圖宦官。而全誨等厚賂之。與結約爲一。於是胤憤憤不能忍。獨委意朱全忠。令稱被密命。以兵迎駕如東都。當是時。全忠取河中。殺王珂。兼領宣武。宣義。天平。護國。四節鎮矣。全誨等度力不能抗。則勒兵劫帝如鳳翔。倚茂貞以抗難。索珍寶。火宮城以行。京朝官從者獨四人。而相胤及百官置京師。時京師無天子。行在無宰相。中外洶洶。明年帝在鳳翔。胤嗾全忠合四鎮兵十餘萬。進圍鳳翔。築五寨環之。歷三時不解。茂貞數敗。不能軍。所有地。與元泰鳳階成八于蜀。邠寧。鄜坊八全忠。乃大困十六宅諸王。餒死者四三人。公主夫人皆間日一食。

食又竭。米斗直錢七千。至燒人屎煮骸而衛士叩左銀臺門。遮全誨等罵之。茂貞窮急。乃遣全忠書請誅中官以贖罪。全忠許諾。於是執全誨彥弘。并內使二十二人誅之。又捕殺七十人。獻馘于全忠。奉天子出幸全忠軍。全忠得天子奉以還京師。胤率百官迎。即日制胤守司空平章事。兼官領使魏國公。全忠太尉中書令副元帥。廻天再造。竭忠守正功臣。晉梁王如故。盡誅內使第五可範等八百餘人於內侍省。追諸道監軍於外。盡籍其財產。君側清。而全忠執遂張。不可復制矣。嗚呼。何進誅常侍以逞。而曹操移漢。崔胤誅宦。容其心焉。而

朱溫篡唐。假威柄外藩。以內攘閹人。逆也。李克用歎之。

曰。胤外倚劇賊。內脇其君。權重則怨多。執也。

無日矣。論曰。初太宗制內侍省。不立三品官。與衣廩食。

七品以上員外。置千貲。然衣緋者尚少。玄宗之末。天下

承平久。藏帑充富。帝意欲日廣。賞賜爵位。舉不自愛惜。

宦官之盛。自此始。於是四方奏請。皆委高力士。先省覽。

小事。專決。雖洗沐未嘗出。寢息。發帷中。當是時。宇文融。

李林甫。韋堅。楊慎。矜。楊國忠。安祿山。之倫。雖以才寵結。

主心。然皆厚結力士。以能踵至。將相而楊君勛。黎敬仁。

林昭隱。尹鳳祥等。皆貴寵。與力士埒。蓋是時。力士累官。

驃騎將軍。封渤海郡公。宦宮黃衣以上。至三千員。衣木。

紫千人矣。其稱旨者。輒特拜三品將軍。門施榮戟。存殿。

頭供奉者。尤華重。持節。卿命使四方者。所至奔走獻遺。

之。出監方鎮。軍持權。操割。節度使。又出其下。於是甲舍。

名園上腴之田。為中人所名者。半京畿矣。肅宗來畏。倚。

為扞衛。尊輔國為尚父。顯元振以援立。建朝恩。為軍容。

至父子不相保。然猶未得常主兵也。德宗懲奉天之。

近衛空絕而左右神策天威等軍悉置護軍中尉中護
分典之於是六軍之柄一遷之宦人籍兩軍壯士爲假
子方鎮缺帥皆禁軍大將舉倍稱之息路中尉得之至
鎮則厚歛以償謂之倩帥而坊市有官市之擾白晝肆
奪無忌矣憲宗卽位中人劉貞亮與有坊而終身無寵
假獨吐突承璀最幸後中廢出監淮南軍相絳贊之曰
外人皆竊伏謬意不謂陛下能如是帝曰此家奴耳回
以其任驅使之日久稍假之恩若違法去之一毛耳何
謂難乎然未幾復召蓋自強之難如此文宗仁柔而耳
露之難禍及股肱武宗任相而北司握親軍在肘腋卒
莫之能動也宣宗以明法勅下閹寺稍戢嘗召翰林學
士常澳并左右問內侍權執近何如曩時對曰陛下威
斷非前朝比帝閉目搖首曰全未全未又與令狐綯謀
盡誅宦官綯恐濫及無辜密奏曰但有罪勿捨有闕勿
補自漸耗盡矣宦官竊見其奏怨朝士益深昭宗之世
崔胤請誅中官韓全誨等覘知之於帝前來哀帝曰無
是而詔胤有奏事囊封上中官益恐則求知書美人侍
左右刺之胤謀畢露而切帝幸鳳翔蓋唐自穆宗而後
八世爲宦官所擁立七君憲敬以弑殞文以憂憤至昭
而天下以亡禍始開元極於天祐凶悞參會黨類巖殄

而王室從之。譬猶灼火攻蠹。蠹盡而木焚也。豈不當是
哀哉。噫。梟狐不神。天與之昏。然當如爲妖孽何矣。當是
時。全忠威震天下。篡代成形。而相胤顧怙全忠以自縱。
從鳳翔還。帝所拔者相。盧光啓。蘇簡皆廢死。從幸近臣
陸扈等皆斥去。惟裴贇柔。孤立易與。則引與並相。天子
動息咸仰焉。帝欲用學士。僦爲相。僦薦王贊。趙崇。胤惡
其分已權。白全忠。紂之貶濮州司馬。僦入辭。帝爲流涕。
僦泣曰。是人非復曩比。臣得貶死爲幸。然胤貌事全忠。
中實與之卻。唯全忠亦心知之。胤欲握兵自固。謬謂全
忠曰。京師迫近。分岐。不可以無備。今左右神策無見兵。
請軍置四步將。將各將二百五十人。一騎將。將百人。爲

侍衛使公無西顧憂。全忠陽許之。時亂判六軍諸衛事。則徙家舍右軍中。日募壯士爲兵。毀浮圖。取銅鐵盡鑄之爲兵仗。而全忠陰令汴士數百人往應募。以覘命子友倫入宿衛。實制之。亂莫之覺也。會友倫以擊毬戲墜馬死。全忠疑亂所爲。大恨之。殺同戲者十餘人。遣兄子友諒代宿衛。而密表胤專權亂國。請行誅。詔罷爲太子少傅。全忠令友諒帥汴士圍胤第殺之。并其黨數人。市人爭以礮擊其尸。蓋恨之也。於是全忠表言邠岐逼。請遷都洛陽。而引兵屯河中以待示必遷。全忠表至。帝方御延喜樓。未下。則相裴樞已促百官驅士出東。從號哭滿路。罵曰。賊臣崔胤召朱溫來傾覆社稷。使我曹流離至此。全忠使張延範爲御營使。毀長安宮室百

司及民相廬舍。取其材浮渭沿河下。長安遂墟。帝發長
安至華州。民夾道呼萬歲。帝泣曰。勿呼萬歲。朕不復為
汝主矣。館與德宮。謂侍臣曰。鄙語云。紇干山頭凍殺雀。
何不飛去。生處樂。朕今漂泊。不知竟何所矣。因泣下。露
襟。二月至陝。以東都宮闕未成。留止陝。全忠來朝。辭赴
洛。督修宮。帝延入寢室。見何后與之宴。后出捧王卮飲
之。官人或附上耳語。謂建躡全忠足。全忠不飲。夏車駕
出。后退泣曰。自今大家夫婦。委身全忠矣。夏車駕
至洛陽。赦政元。全忠奏宮成。請駕臨幸。帝遣宮人諭以

徘徊俟變。怒遣牙將寇彥卿趣行。全忠迎於新安。自崔
胤胤死。六軍散盡。獨餘內園小兒二百餘。從帝東。全忠盡
殺之。豫選二百人。大小相類者。衣其衣代之。帝初不覺。
累日乃寤。自是帝左右使令皆全忠之人矣。既入宮。全
忠即以蔣玄輝王殷為宣徽南北院使。張延範為街使。
韋震為河南尹。召朱友恭。氏叔琮為左右龍武統軍。為
禁防。是年秋八月。帝暴崩於椒殿。李昭儀死之。太子祝即
位。尊皇后為皇太后。初帝之發長安也。遣間使以帛詔
告急于方鎮。令糾合圖匡復。曰。朕至洛。則為全忠所

制詔敕皆出其手。朕不得復通矣。於是李茂貞、王建、李繼徽合兵討全忠。全忠欲西師禦之。憚帝英武，恐變生，欲立幼君。易禪代，遣李振至洛陽，與玄暉等圖之。帝自離長安，憂不測，與何后日夕沈飲，或相對悲泣。玄暉選牙官史太等百人，叩宮門爲逆。帝方醉起，單衣繞柱走。太追弑之。昭儀李漸榮身蔽帝，呼曰：「寧殺我，曹勿殺大家。」亦殺之。玄暉矯詔，稱宮人裴貞一及漸榮弑逆，告中外而立輝王祚爲太子，更名祝於柩前即位。年十三矣。全忠聞之，陽驚哭，自投地曰：「奴輩負我，令我受惡名於萬代。」至東都，伏梓宮哭，殺朱友恭、氏叔琮，以爲解。友恭臨刑大呼曰：「賣我塞。」踰年，仍稱天祐不改元，示不成天下之謗，當如鬼神何。踰年，仍稱天祐不改元，示不成君也。天祐二年春二月，全忠弑昭宗皇子德王裕九人。初，劉季述立太子裕。季述誅太子匿右軍，得之。昭宗曰：「太子冲濡，賊彊立之耳。」何罪？詔還少陽院，已降封德王。全忠自鳳翔還，見裕，標字軒秀，忌之。密語崔胤曰：「大義滅親，太子爲賊所立，何得全？」胤從容言如全忠指。帝不許。它日以語全忠。全忠曰：「此國大事，臣安敢與知？」胤賈臣耳，比遷洛，昭宗間語蔣玄暉曰：「德王，朕愛子，全忠何

堅欲殺之。因泣下，齧中指血流。及是全忠使玄夏四月，暉邀德王九人宴九曲池，縊殺之，投尸池水中。

彗星出西北，長竟天。六月，殺相獨孤損、崔遠、陸扆、王溥。

及廷臣三十餘人。相柳璨性傾巧，曲意事全忠，腹心同列。裴樞、崔遠獨孤損皆朝廷舊人，意

輕之。璨憾焉。會星變，璨因疏素所不快者於全忠，曰：「此

曹皆怨望腹誹，宜以之塞災異。」凡朝臣繇科第進，以名

簡自將者皆與焉。初，李振屢舉進士不第，故深疾縉紳。

因言曰：「王欲圖大事，此曹皆難制，不如盡殺之。」曰：「此輩

常自謂清流，宜投之黃河，使爲濁流。」全忠笑而從之。於

是命裴樞等三十餘人於白馬驛，一夕盡殺之，投尸於

河。冬十二月，全忠弒太后何氏。全忠急傳禪，蔣玄暉、柳

璨等以魏晉來皆先封

大國，加九錫殊禮，乃受禪。欲次第行之，全忠怒曰：「我不

受九錫，顧不作天子邪？」玄暉曰：「唐祚已盡，天命歸王，無

疑。但晉燕岐蜀皆勅敵，遽受禪，彼得爲辭，不可不需。」

臣等欲爲王創萬代之業耳。全忠怒，王殷趙忠衡因譖

玄暉、璨、廷範與太后夜宴，焚香誓興復。全忠信之，遂誣

玄暉私侍太后，遂弒太后于積善堂，斬玄暉、璨上東門。

車裂廷範於都市。聚臨刑呼曰。負國賊柳璨。又明年。帝死其宜矣。蓋唐未亡。而佐逆諸臣畢受誅。


爲濟陰王。見弑而唐亡。


唐起高祖皇帝武德元年戊寅。盡昭宣帝天祐四年丁卯。二十

帝饗國二百九十年

論曰。文宗恭儉儒雅。出天性。而不明不武也。用圉於宦官。會昌當璧。用一李德裕。遂能振已去之威。成其功烈。故操術之得失可鏡也。宣宗察察精聽斷。而昧於大體。無仁恩。乃懿僖童昏繼之。蓋唐亡更五季。五十餘年。六姓十有二君。天下崩裂。大壞極亂。而後復。嗚呼。斯亦天人之會哉。若昭宗者。易所謂日昃之離者也。悲夫。







通史上編卷之四十二

明肝郡鄧元錫纂

唐后妃內紀

唐制皇后而下有貴妃淑妃德妃賢妃爲夫人昭儀昭容昭媛修儀修容修媛充儀充容充媛倣古九嬪婕妤美人才人各九合二十七人依古世婦寶林御女采女各二十七合八十一人擬御妻自餘六尚分典乘輿服御世改復不常開元時以后妃四星一爲正后今旣立后復四妃非古也乃置惠妃麗妃華妃準三夫人與六芳儀四美人七才人並而尚宮尚儀尚服各二人時參

用前號。大抵踵周官相損益云。於戲方國始基。天祚明德。作述作配。國以之興。及于昏德。豔嬖昌焉。爲鴟爲梟。國以之廢。依自古而來。而莫甚於唐。以今觀太穆文德。哲懿佐王於任。姒乎爭烈矣。而高祖龍飛。宮無正嫡。隱巢之禍。宮幄實內構之。一再傳而武帝楊張。以愛欲陷淫逆。流稽天。乘易昏之明。牽不斷之剛。險言惟耳。故受而不止。醜行雖效。終徂而爲好。以遂篡弑。而致播遷於褒姒有加焉。豈不痛哉。嗣是天子至生。不復立皇后。嗣主踐祚。始上冊尊母妃爲皇太后。以爲常。而唐代之母儀缺。然惜已惜已。太穆皇后高祖微時妃也。姓竇氏。

京兆平陵人。父周上柱國毅。母周武帝姊襄陽長公主也。后生而有髮垂及頸。三歲與身齊。武帝用姊子故愛之。養宮中。時突厥女爲后帝不禮焉。后尚少。密言於帝曰。今中國未靖而虜強。此爲國大援。一失好。將江南關中皆吾梗也。願抑情撫接。武帝悅。遇后加恩禮。帝崩。后哀毀同所生。隋受周禪。哭自投牀下曰。恨我生不爲男。不能救舅家禍。毅遽掩其口曰。毋妄言。滅吾宗。然甚奇之。盡二孔雀屏間曰。吾有息女。吾不妄許人。見采者請射。射中者請委禽矣。中者以十數。而毅私念必中。自乃聽。最後高祖入。請抽兩矢。射兩目。畢中。乃許昏。旣歸帝。

元貞太后老矣。羸有疾。而性嚴。諸娣姒皆畏憚。莫敢前侍。后前侍。怡謹盡孝養。至淹月不釋衣履。太后安之后。善書史。與高祖書相雜出。人莫能辨也。爲文多規誡。有雅體。高祖畜善馬。后聞之曰。天子方樂狗馬。而家畜之。此賈禍也。必獻之。不者且得罪。帝未之獻。果獲譴。後后崩。高祖計自全。獻犬馬。立晉擢。泣謂諸子曰。脫早如而毋言。擢久矣。高祖稱尊。追冊爲皇后。卽涿所葬園爲壽安陵。謚曰穆。後遷耐獻陵。始太宗生。有二龍之祥。后於諸子中。愛最篤。及卽位。帝過慶善宮。未嘗不悲涕也。時號慟。悲感左右。嘗幸几成宮。夢后若平生。旣寤。潸然不

自禁詔有司大發倉賑貧乏資后冥報焉上元中謚大

穆順聖神皇后

大穆有從父弟曰威沈遂有器局爲隋祕書郎諸兄以軍功位通顯薄威職閑

寬更笑之威亦笑不答蜀王秀辟記室威以秀行多不法謝疾去秀廢府屬皆得罪威歎完高祖入關召補大丞相府司錄參軍時天下亂禮典湮缺威嘗事文中子賈覽詳識造邦制度多所裁定帝指以語人曰今之叔孫通也授內史令論政事必陳古諷諭帝益親重之一日於臥內戲之曰昔周有八柱國吾與公家與焉今我爲天子公爲內史令顧不有命耶威大驚頓首前謝曰臣家在兩漢再世爲外戚至元魏有三皇后今陛下龍興復托肺腑屬臣誠慙誠懼懼不克帝大笑曰公乃以世后族夸我耶寢疾帝臨問卒哭之勸贈同州刺史謚曰靖威性儉素家不樹產業沒無餘貲遺令薄葬詔皇太子百官弔送焉

文德皇后其先元魏後也後爲宗室長姓長孫氏家河南洛陽父隋左衛將軍晟有文武才后仁孝節儉喜圖

傳。恒視古善惡。自鑒觀。矜尚禮法。歸文皇帝時。隱太子
巢王。鬻閹深構矣。時太穆父崩。諸妃日夜爲譖。愬后事。
高祖盡孝。內謹承諸妃嬪。折節爲哭。抑用消釋嫌猜。及
變作。帝授甲宮中。后親慰薦士。士以感奮。及正位中宮。
服御取給。好讀書。雖客櫛不廢。常與帝商畧古事。從容
獻替。裨益弘深。間及刑賞。用舍事。辭曰。詩有之。牝雞之
晨。惟家之索。妾婦人何外事得預聞乎。固問終不對。太
子承乾乳媪。以束宮什用少。請更造。后曰。太子患德不
立。名不揚。何患無什器乎。且是足訓儉也。不許。長公主
出降。敕有司資送。倍末嘉特進徵諫曰。昔漢明帝封皇

予曰。我子豈可以與先帝子等。裁令半楚淮陽。今奈何。
送公主齎資。顧倍於長主乎。帝默然入。以謂后。后太息。
曰。妾數聞陛下稱魏徵正直。竊不知其繇。今觀其引禮。
義。抑人主之私。社稷臣也。遣中使厚賜。且勗之。口願。
公常秉此心。毋轉移也。帝譴責左右。卽怒不可嘗。后陽。
助爲怒。請鞠訊。侯意解。徐爲開理。終不令有寃。下嬪生。
豫章公主。卒。后鞠視主如所生。媵侍病。輒出所御藥餌。
賜之。其仁如此。兄趙公無忌。於帝本布衣交。以佐命爲。
元功。出入卧內。帝欲委以政。后固請曰。不可。妾托體紫。
宮。貴已溢。誠不願私親復據朝權。漢呂霍前事明戒也。

帝不聽。自用無忌爲尚書僕射。后密諭令固讓。帝不獲已。乃聽。異母兄安業方微時。素無禮於后。后未嘗以爲言。擢將軍。坐法當刑。后頓首請曰。安業罪當死。然素遇妾無恩。論如法。外家將謂妾釋憾於兄也。得減死。嘗從幸九成宮。方屬疾。急變作。帝甲而起。后卽自起從。司宮諫止之。后曰。上震驚。吾何敢自安。疾稍亟。太子請大赦。度僧道爲祈禳。后笑曰。死生命也。非人力所及。赦令國大事。佛老異方教也。皆上所不爲。豈當以我故亂天下法乎。帝聞嗟咨歎之。群臣請曲赦。固爭而止。及大漸。與帝訣。時相玄齡以小譴就第。后曰。玄齡事陛下久。爲宗

晉爲國家腹心。非大故。願勿事也。妾家以恩澤進。無德而祿。易以取禍。願無屬以樞柄。妾生無益於人。死不可以勞人。願因山爲塋。無起墳。無侈棺槨。器以瓦木。約費送終。成妾志。又勸帝納忠諫。斥讒佞。省遊畋。作後就大德。崩年三十有六。后嘗采古婦人事。著女則十篇。戒司宮曰。吾錄以自簡耳。雜出無條理。必勿令至尊見之。及崩。帝發視。悲慟。示近臣曰。皇后此書。足垂世法。朕豈不知有命在天。而顧爲無益之悲哉。獨入宮。不復聞規儆之言。失一良佐。哀不能已耳。謚文德皇后。葬昭陵。因九嶷山爲墳。帝自著表志焉。

太宗賢妃徐氏。湖州長城人。生五月能言。四歲通詩論語。

八歲能屬文嘗擬楚聲賦小山詞曰仰幽巖而流盼撫
桂枝以凝想將千齡今此遇奎何爲兮獨往太宗聞召
爲才人禮顧之貞觀末數調兵討四夷又稍稍治宮室
妃上書諫曰陛下御極來二十有二載於此矣風雨調
順年比登稔無水旱之厄饑饉之災而猶推功損已讓
德不居億兆傾心并中未展此之功德足以咀嚼百王
羅網千代矣自頃年來方後兼總東有遼海之軍西有
崑丘之役士馬疲於甲冑舟車倦於轉輸且召募投戎
去留懷死生之痛阻風排浪往來有漂溺之危一夫力
耕率無數十之獲一船致損則傾數百之糧是猶運有
盡之農工填無窮之巨浪圖未獲之他衆器已成之我
軍雖除凶伐暴有國常規然黷武玩兵先哲所戒昔秦
皇并吞六國迅速危亡晉武奄有三方覆成禍敗豈非
矜功恃大棄德輕邦圖利忘害肆情縱欲使黎庶困弊
而然與是知地廣非常安之術人勞乃易亂之源願陛
下布澤流仁矜弊恤乏減行役之煩增湛露之惠又聞
爲政之本貴在無爲土木之功不可兼遂今壯關初建
南營翠微曾未逾時王革創制雖復因山藉水寧無架
築之勞損之又損頗有工力之費茅茨示儉木石終疲
和頤取人不無煩擾是以卑宮菲食聖王之所安金星

瑤臺驕主之爲麗。故有道之君。以其逸逸人。無道之君。以所樂樂身。願陛下時以使之。則力無竭矣。用而息之。則人斯悅矣。夫玩珍技巧。乃器國之斧斤。珠玉錦繡。寔迷心之酖毒。雖馳華於季俗。實敗素於淳風。故知漆器非延叛之方。桀造之而人叛。玉杯豈招亡之術。紂用之而國亡。作法於儉。猶恐其奢。作法於奢。何以制後。伏惟陛下抑志裁心。慎終如始。帝善其言。優賜之。帝崩。哀慕成疾。却藥餌不御。曰。上遇我厚。得先徇馬侍園寢。吾志也。卒。年二十。
高宗后王氏并州祁人。高祖女同安長公四陪葬昭陵。
主后從祖母也。以后幼婉麗。白太宗以爲晉王妃。帝卽位。册爲后。父羅山令仁祐。以特進封魏國公。母柳魏國夫人。而蕭姬爲淑妃。並寵。及武氏女。以先帝才人得召爲昭儀。陰賊工譖。愬而后。及淑妃寵皆衰。后簡重。不曲事上下。而母柳故貴。倨見內人。尚宮無浮禮。昭儀伺后。

所薄曲意下之。厚賂遺結之。故譖行。后淑妃竟廢。竟窮

慘毒殺之。而武昭儀爲皇后。事具高紀中。

后淑妃廢。天子頗念之。間

行至其所。見門扃錮嚴。進飲食。竇中惻然傷之。呼曰。皇

后良娣無恙乎。今安在。二人同辭曰。妾等以罪棄爲囚。奴安所得尊稱乎。流淚嗚咽。帝心動。亦泣。廢后曰。至尊

若念疇昔。使妾死更生。再見日月。乞署此爲回心院。帝

許諾。武后聞大怒。促矯詔杖二人百。斷手足。投酒甕中。

日。令二姬骨醉。數日死。殊其尸。初詔至。后所。后再拜曰。

陛下萬年。昭儀今承恩死。吾分也。至蕭姬所。姬罵曰。武

氏狐媚狼毒。讎覆至於此。願神天使武爲鼠。我爲貓。生

世。世扼其喉。語聞。后命六宮毋畜貓。而頻見二人被

髮。歷血如死時狀。爲祟。因勸帝幸洛陽。常從幸。不敢歸

安。其後武稱天后。中宗立。稱皇太后。已易姓革命。稱皇

帝。稱天冊越古金輪聖神皇帝。當陽卽尊。爲振古大變。

而凶譎淫虐。痛毒于宗室百官。事大變亟。詳具于帝紀。

中后并州文水人。父士護爲荊州都督。初娶相里氏。生子二。曰元慶。元爽。卒。娶楊氏。生三女。后其中女也。士護卒。元爽。元慶。及子惟良。懷運等。皆不以母祖母禮事楊。楊三女皆不以姑姊妹相比數。陵轢之。楊母子大恨。及后爲皇后。贈士護司徒。封周王。楊榮國夫人。時元慶仕爲宗正少卿。元爽爲少府少監。惟良爲衛尉少卿。少后抗疏請出元慶等爲外官。示天下無私。陽爲恭實。報之。已元慶爲龍州刺史。卒。而后姊子賀蘭氏在宮中。美。帝愛幸。欲以備嬪御。難於后。未發也。后大妒。欲死之。會東封。后賀蘭從。元爽惟良懷運。以州牧畢從。后謂帝妾家。

在太原。願臨幸。爲光重。帝進幸并州。造其家。惟良等獻食。則密使人毒。賀蘭食已。暴卒。則歸罪惟良。原連而誅之。改姓煥。絕屬籍。元爽緣坐。流振州。死。乃以韓國子敏之。奉士護祀。改姓武。襲周國公。敏之少而豔。然榮國榮國卒。坐淫縱。配流。乃還元爽子承嗣。奉士護後。及后革命。創武氏七廟。五代祖妣。皆追尊皇帝妣。皆皇后。又追封兄弟從父兄弟。皆王。於是大褒崇諸武。封承嗣魏王。元爽子三思。爲夏官尚書。梁王。后從父兄子十人並王。又封承嗣男延基。南陽王。延秀。淮陽王。三思子崇訓。高陽王。崇烈。新安王。而唐宗室盡殲。

承嗣累文
昌左相。性

輕暴忍禍聞左司郎中喬知之婢美善歌舞奪取之知之作綠珠篇寄焉婢得詩自殺承嗣怒使酷吏傳致殺之殘其家三思性傾諛善迎諸主意后所嬖人韓懷義及二張奴事之后喜見信任嘗曰我不知何等名善人獨與我善者爲善人不知何等爲惡人獨與我不善者爲惡人構大獄汗點善良破其家其後承嗣以不得皇嗣憤憤發病死三思坐誅武韋敗諸武屬誅徙者畧盡惟攸緒與平一以遠引得全攸緒武后兄子也恬澹寡慾好易莊周書賣十長安市得錢輒委去武后時爲千牛衛將軍封安平王攸緒不屑也棄去隱嵩山后疑其詐許之以觀其所爲攸緒優游巖谷冬蔽茅椒夏居石室后所賜服食器用王公所遺鹿裘素障屏不用買田耕作與常人齊中宗時召見勅禮官於兩儀殿設位行問道禮令不拜不名攸緒不敢當更冠帶趨立辭見必於班再拜已乃退加寵賜不受親貴候謁寒暄外不交一言尋還山平一后族子也博學通春秋隱嵩山修浮圖法屢召不應詔中宗復位召爲修文館直學士修起居注得太史監牒天文災異則以柳母黨權勢諫太平安樂

二主各樹黨相根毀則援書睦族詩協比離間諫宴兩儀殿以胡樂新聲過哀思諫皆不納睿宗立詔勞慰攸緒而平一貶蘇州參軍既謫而名不衰孫元衡相憲宗實方高宗時中宗妃趙死於后所謂和思皇后也睿宗妃劉德妃竇亦死於后所謂肅明昭成后也和思京兆長安人帝爲英王聘爲妃父瓌尚常樂公主高宗於公主始也遇隆厚武后意不喜誣妃呪詛幽內侍省瓌貶梧州主絕朝謁隨之官妃旣囚鍵閉固不啓但日給飼料衛者候突煙不出者數日啓戶視死久矣而瓌以壽州刺史與主預越王事竟族肅明在豫卽爲妃睿宗卽位爲皇后帝降號皇嗣復爲妃生寧王昭成在相卽爲孺人帝卽位進德妃生玄宗

中戶婢團兒爲太后所寵信。危皇嗣。則誣妃德妃。挾蠱道咒詛。后怒。並殺之。瘞宮中。景雲元年。與和思得並追謚。和思耐定陵。妃德妃。昭魂葬東都南。後耐橋陵。昭成以子貴。先耐睿宗室。開元二十年。奉肅明耐焉。中宗后常庶人。京兆萬年人。父玄貞。帝童昏時。謾言欲與之天下者也。故爲晉州參軍。以女故累豫州刺史。帝幽房陵。玄貞流死欽州。妻崔爲蠻酋所殺。子洵浩洞泚與焉。帝復位。后蠱帝意。得宣淫於內。紊朝政於外。隱然天后高宗時。見帝紀。而玄貞贈上洛郡王。迎喪葬京師。帝及后登長樂宮樓。望哭之。加贈酆王。廟曰褒德。墳曰。

榮先陵四子並追贈尚書從父兄溫。封魯國公。弟潛左
羽林大將軍。曹國公。后妹夫陸頌國子祭酒。少妹嫁號
王濟子捷。溫從弟濯並尚主。並駙馬都尉。已溫進同中
書門下三品。自封殖。引用支黨。然無他知能。凶焰訖不
如諸武時。熒惑留羽林。后惡之。潛從至溫泉。毒殺之。以
塞變。贈司徒。有富商抵重罪。萬年令李令質按如法。濯
爲居間不得。則愬令質賊無辜。帝召責問之。人爲之危
懼。令質從容對曰。濯於賊非親。但以貨爲之請。臣於賊
無怨。獨守陛下法。死不恨。帝顧釋不責。及后弒。帝發喪。
畏有變。敕溫盡總內外兵守省中。又以從子播捷從弟

瘡高嵩分領左右羽林軍。託圖讖言。帝氏當受命。欲復效則天時所爲。會玄宗兵起。入羽林。斬播瘡高嵩。梟以剝。后以誅死。旦斬溫。分捕諸帝子弟。無少長皆斬。

玄宗后王氏。同州下邳人。帝爲臨淄王。聘爲妃。而華陰楊姬入侍。爲良媛。帝爲皇太子。太平公主忌太子。深傾之。左右宮妾持兩端。爲中調事。纖芥必聞。楊良媛有娠。帝不自安。密謂左右曰。用事者不欲吾多男。卽產子。母禍矣。命挾劑入於曲室。自煮欲下之。夢有介而戈者。環鼎三。而藥三煮三覆。乃止不下。比生子。卽肅宗也。始生。卜云不宜養於母。命王妃養之。妃撫保如所生。已妃以

清內難預大計。爲皇后父仁皎官開府儀同三司封祁國公。后久無子。而武攸止女爲惠妃。多權譎。傾后。然后仁善撫下。素恩終無肯譖短者。久得無廢。弟守一娘與后雙生。得尚主襲祁公。則爲后禱祠。后以竟廢。無何卒。後宮思慕之不衰。帝亦悔焉。惠妃譖雖行。乃不果立而死。帝悼之。謚貞順。皇后久之壽。王妃楊氏召入爲貴妃。寵溢極而禍。皆具帝紀中。肅宗卽位。靈武。上皇在蜀。譖有司議皇帝母尊謚。謚良媛。爲元獻太后。寶應二年。太上皇崩。天子念王后鞠育恩。追復后位號。而元獻祔泰陵。始玄宗念武惠妃甚。其塋處曰敬陵。立祠。昊天觀南。

已念楊妃尤甚。以中使自蜀過馬嵬，必祭。已從蜀還，改
葬之，圖其形別院，飲食必祭。然易世後，並廢不祠矣。
肅宗爲忠王時，納常元珪女爲孺人，爲皇太子。進皇太
子妃，相李林甫構妃兄堅罪，誅之。意以危太子。太子請
與妃離婚。妃削髮居禁中。事佛爲尼。林甫又構杜良娣。
太子懼，立出杜良娣。於是太子內憂懼而病，病數月小
瘳，造於朝。鬢髮頽禿矣。帝見之惻然，立行視其宮。宮廷
宇不汎，樂器塵蠹，左右無嬪侍。帝愀然謂高力士曰：「兒
居處乃爾，將軍何渠不使我聞知乎？」命選掖廷衣冠子
入娪侍太子，得三人。濮陽吳姬與焉。太子幸之，寢忽魘。

不寤。太子蹴之覺。問之。對曰。夢神介而劒降我。決我脅以入。不能堪。燭之。文尚隱然。子生卽代宗也。生三日。帝喜。臨浴之。體孱弱。負姆嫌其陋。恐失帝意。不以進。更取它宮兒以進。帝視之。顧艷然不樂。命回輦去。姆乃叩頭言兒非是。所產兒狀異。不敢以見也。帝曰。非爾所知。趣取兒來。旣見。則大喜。抱向日視之。曰。福過其父。命盡出內宴樂治具。顧力士曰。可與太子爲竟。夕飲盡歡。一日見三天子樂哉。自是太子以吳姬有子。禮遇之。而吳姬彌謙敕。乃無何卒。天寶末。韋妃陷於賊。又明年卒。而張良娣立爲后。后鄧州向城人。徙新豐。祖母竇。昭成太后。

女弟也。玄宗幼失昭成母視姨。封鄧國夫人。夫人五子。子去逸。生良娣。中慧辯。專內。乾元初。拜淑妃。贈父尚書左僕射。弟清潛皆尚主。立爲后。與中人李輔國比。而干外政。譖殺建寧王倓。又數危太子。又與輔國謀徙上皇西內。已竟爲輔國所弑。矯詔廢庶人。語具帝紀中。代宗卽位。上所生母吳姬謚曰章敬皇后。耐建陵。后父令珪贈太尉。母李贈秦國夫人。兄澈鴻臚卿。澄太子賓客。湊太子詹事。並封縣公。令珪故郾縣丞。以坐事。后沒入掖庭。及澈湊同日賜官封。皆謙畏自將。澈後死。朱泚之難。帝悲悼。贈太子太傅。具帝紀。代宗時。泚滑帥相繼沒軍亂。湊持節宣慰。裁軍所衆欲度。朝廷所可行者。爲奏上而安。元載當國。又帝欲行誅。顧左右無可與計者。召湊圖之。得收載賜死。於是相王縉其

黨王昂、韓會、包佶等坐重辟，湊委曲白言，法有首從，宜未減。縉等得寬死。德宗初，爲太子賓客，爲福建觀察使，相竇參毀短之，且言湊風痺不任官。帝召還，見湊趨走自如，繇是不直參。京師饑，面授京兆尹，湊力行勤儉，未嘗以催科擾民。京師苦宮市強估物，湊見便殿，言臣待罪京兆，宮禁所須，第責臣可辦也。若不欲外臣與內事，宜擇中官中，長年謹信者爲市，令平賈和售，以息譴。又言諸離宮苑，諸司供課繁，宜蠲。帝多從之。初，京兆稱劇重，府史易湊貴戚子，未嘗更簿領，有疑獄，遮道取決。湊叩鞍視所指，槌盡中衆，大畏服。胥史非大過，不榜責。召延詰，服輒原之，而吏畏民安。文敬太子義童公主連薨，帝悼念，欲厚葬。湊候間徐言，今農事方興，上憂勞四海，願不以疲民。進兵尚書，及屬疾，不祈不嘗藥，家人泣以請。湊笑曰：「自古外戚令終者寔鮮，吾起出畝位三品，顯庸四十年，年七十以庸謹獲天年終，尚何求哉？」詔侍醫視疾，不獲已，一飲藥而卒。贈尚書右僕射，謚曰成。先是京畿樹樾夾道，後稀殘。湊尹京日，有司請樹榆補之。湊曰：「榆非人所陰也，易以槐。」及槐成而湊卒，行人指道槐，懷焉。唐興，后族退居奉朝請者，猶以事失職。而湊歷任中外，未嘗以罪過譴爲外戚表云。

代宗元

妃崔博陵安平人父响秘書少監母楊氏則貴妃姊韓國夫人也天寶中韓國寵冠戚里代宗爲廣平王玄宗選以嬪生召王偲妃挾貴倨爲妬悍及西京陷母黨皆誅滅妃從至靈武恩顧薄以憂卒而獨孤氏女嬖專內爲貴妃生韓王迥薨謚貞懿皇后帝念之甚殯內殿累年乃出塋以恩澤官其從父昆第三人而帝爲廣平王時吳興沈姬以良家子侍生德宗已沒于安史之亂求不獲德宗卽位具冊上皇太后尊號張含元殿具袞冕帝出自左序立東方群臣在位帝再拜奉冊欷歔感咽左右皆悲泣中書舍人高參上議言漢文帝卽位遣薄

昭迎太后于代。宜令有司擇日。分遣諸沈行州縣物色咨訪。迷皇帝孝思。冀上天允答。審知皇太后行在。然後遣大臣備法駕奉迎。帝乃以睦王述爲奉迎使。工尚書喬琳副之。候問至日。昇平公主前往侍起居。遣使者分行天下。明年二月吉。問至。旣審實妄也。故中官高力士有養女。頗能言中禁事。女官李貞一見疑。問之高。含糊不堅。而年狀差似后。后嘗削脯哺帝。傷左指。高亦嘗剖瓜指傷使者。馳以聞。帝喜甚。羣臣皆賀。迎還上陽宮。帝謂左右曰。吾寧高自知非是。懼後罪首實。詔貸之。

受百罔。冀得一真。終帝世。莫能得。憲宗卽位。有司言皇太后厭代。二十有七年。大行皇帝至孝。哀思罔極。建中時。發明詔。遣使者奉迎。舟車所至。罔所不逮。歲月推遷。

參訪理絕。請因大行皇帝啓殯日。詔群臣爲皇太后發
哀。肅張內殿。中人奉獻衣。置幄坐宮中。朝夕上食。上尊
謚睿真皇后。主祔廟。奉禘衣納元陵祠室。以發哀日爲
國忌。帝從之。德宗后王氏。帝爲魯王時。納爲嬪。生順
宗。卽位。冊淑妃。贈父遇楊州大都督。母鄭邠國夫人。已
立爲皇后。病篤矣。禮成而崩。塋靖陵。後祔崇陵。而賢妃
常氏總宮壺事。性敏淑。言動有繩矩。後宮師表焉。帝崩。
自表留奉崇陵園。元和四年薨。順宗后王氏。臨沂人。
祖難得累戰功。封瑯琊郡公。父顏衛尉卿。帝在藩。代宗
以賜帝爲孺人。生憲宗。帝爲皇太子。爲良娣。帝卽位。有

疾病。后侍醫藥。頃刻不離側。將冊爲后。屬帝不能言。而止。帝崩。憲宗卽位。尊爲皇太后。后柔繼謹畏。抑外家。訓厲內職。有古后妃風。崩。謚莊憲。祔豐陵。憲宗懿安皇后郭氏。汾陽王女孫。父曖尚昇平公主。實生后。選爲廣陵王妃。生穆宗。帝卽位。爲貴妃。群臣三表請立后。帝以后出元勳族。復正位。微漸不易防。持不下。穆宗立。尊爲皇太后。穆宗崩。宦官請太后臨朝稱制。太后曰。爾欲以天后俟我耶。我家世守忠義。非武氏比。太子雖少。獨可選重德爲輔佐。爾輩毋預政。卽國家尊安。吾何爲哉。自古未聞有女子爲天下主。而能致理者也。取制書手裂。

之太后兄太常卿釗亦密上牋請無徇群請曰且然者
臣請帥兄弟諸子納官爵歸田太后泣曰祖考之慶鐘
於吾兄矣敬宗立號太皇太后寶曆倉卒召江王嗣位
故文宗事后孝謹膳羞珍異先獻而後御武宗循行不
敢變也而頗喜畋遊角武力嘗入侍請於太后曰敢問
如何而可以爲盛天子矣太后曰吾聞之諫臣章疏宜
審覈度可_レ用用之卽拂意召宰相平之母拒直言母納
諛言以忠良爲腹心則盛天子矣帝再拜受教還宮索
諫草讀徃徃諫遊獵自是遊畋遂稀宣宗時暴崩以太
常王皞議得合塋景陵咸通中以皞議祔廟自德憲而

後天子未嘗生立后。嗣主立。乃上皇太后尊號。敬宗母王。越人。事穆宗爲妃。敬宗立。爲皇太后。易世居義安宮。稱義安太后。崩。謚恭僖。文宗母。蕭。閩人。事穆宗於建安。藩爲侍者。文宗立。爲皇太后。易世居積慶宮。號積慶太后。崩。謚貞獻。武宗母。韋氏。事穆宗於東宮。生武宗。薨。武宗立。追冊皇太后。以光陵因山爲固。二十年不徙。祔卽所塋。園曰福陵。封焉。主祔穆宗廟。宣宗母。鄭氏。丹陽人。或言本爾朱氏女也。方少時。相者異之。言當生天子。李錡反。冀非望。納之。錡誅。入掖庭。憲宗幸之。生宣宗。宣宗爲光王。后爲王太妃。及卽位。爲皇太后。太后不欲別處。

奉養大明宮。帝朝夕焉。懿宗立爲太皇太后。崩移仗西
內。謚孝明。塋景陵旁。圜武宗不立后。無皇子。獨賢妃王
氏。邯鄲人。狀纖頰。類天子。每收苑中袍而騎。以從。騁馳
出入。人莫能辨也。帝愛幸。欲立之。相德裕言其所從出
微。又未有子。恐不厭天下望。遂止。及帝疾病。顧之曰。我
死汝何如。對曰。從陛下九泉。授以巾。武宗絕。妃縊。六宮
矜悼。贈賢妃。塋端陵栢城中。懿宗母元昭后。薨。氏事宣
宗爲昭容。僖宗母惠安后。王氏事懿宗爲貴妃。昭宗母
恭憲后。王氏。列懿宗後。廷皆早卒。皆追冊上謚號。卽塋
處。自爲陵。惟主祔廟室云。昭宗皇后何氏。梓州人。帝

以壽王從僖宗入蜀納焉。卽位號淑妃。從狩華州。冊立爲皇后。劉季述脅帝禪太子。從幽東宮。已從幸鳳翔。李茂貞請帝勞軍。后從御南樓。朱全忠逼帝東遷。從如洛。蓋是時。天子屢奔播。威柄盡喪。左右皆悍盜庸奴。后侍膳服。無須臾去側也。全忠弑帝。立昭宣。陽尊爲皇太后。諸具前紀中。嗚呼。唐中葉後。天子不生。立后。至后乃得立。板蕩之際。曲調順劑。中權中慮。阡危者屢矣。竟蒙誣。蠟廢與宗社俱亡。豈不哀哉。

唐宗室王傳

初高祖娶太穆皇后。生四男。長建成。仲文。皇帝。世民。叔

玄霸季元吉生女一適臨汾柴紹。隋煬帝德爲淫虐。征遼。遼江都不顧反。天下怨叛。高祖以太原畱守。文皇帝從決大畫起兵。而急遣人召建成元吉於河東。召柴紹長安。建成與元吉間行赴太原。念追書急。兵且發。而隋郡縣連城且千里。間行恐不達。欲且投諸小盜以自完。計未定。中道與紹遇。喜問之。紹曰。不可。輕行稍疲苦。然易達投小寇。何遽完。脫渠知爲唐公子。執爲功。徒然死耳。不如行也。乃趣行入雀鼠谷。望太原樹。乃相賀更生。○高祖以大將軍開府置官屬矣。分所募卒爲左右三軍。建成爲隴西公。左領軍大都督。左三統軍隸焉。世民

爲敦煌公。右領軍大都督。右三統軍隸焉。紹爲右領軍府長史諮議。當是皆隋代王侑。知太原兵起。業遣人名捕唐公家戚屬矣。高祖從父弟神通亡入鄆縣南山中。與京師大俠史萬寶等。同舉兵。柴紹妻平陽主。則先入鄆縣莊。散家財。招亡命。構群巨盜起兵。兵七萬。號娘子軍。而高祖季女左親衛段綸妻。亦已起兵藍田。兵萬人矣。各遣使迎師。方草昧時。象雷雨之動然。滿盈蓋如此。初紹之赴太原也。謂妻曰。公舉兵。見招偕行。則不逢獨器。則及禍。且奈何。主曰。君第速行。我一婦人。易潛匿。當自爲計。則遣其奴馬三寶。高祖卽位。立建成爲皇太子。說西域商胡說羣盜起兵。高祖卽位。立建成爲皇太子。封世民秦王。元吉齊王。紹妻封平陽公主。紹以破寶。

德功封霍國公。當是皆。帝以唐始興。廣封宗室。威填之。而父昆弟。昆弟子。從父昆弟。若從父昆弟子。自勝衣而上十數人。畢以次封郡王矣。然獨以空名計食邑。終唐世任職事以官。高祖時。羣雄各擅土。稱帝王自命。唯河間王孝恭。平蕭銑。禽輔公祏。有方面功。餘皆太宗身百戰以神武平寇亂。而仁恩懷輯之。謀臣猛將。並列府屬。爲太子齊王所深忌。太子性簡弛不治。從博徒大俠出將兵。驕不恤士。討鄆州。招羣胡降之。已輒擄殺。劉黑闥反。宮僚以其瘡痍殘息。易與也。勸太子自將得爲功。因結山東豪俊以自固。從之。黑闥果敗走。而建成名捕其

梁魁必殺之爲快。而黑闥乃復振。元吉驚恐亦嗜殺淫。于畋漁色。討劉武周敗。保并州。度賊不可御。則給司馬劉德威以老弱城守。齎珍寶。攜妻妾。夜從壯士出亡之。京師并州陷焉。而秦王寬仁逮下。爲黎民所衆懷。高祖晚多內嬖。張婕妤尹德妃最幸。親戚分事宮府。太子齊王因深結妃。御傾秦王。而秦王猶若也。平洛陽。諸妃嬪從王求宮府服玩。祈兄弟祿爵。秦王以帑藏物先簿進。而官爵非有功不授。卻之大銜恨。淮安王神通從王戰疾力。王給洛陽附郭田數十頃。賜之。張婕妤父使婕妤請其地。手詔賜焉。神通持不與。婕妤膚慙言。敕賜妾父。

地秦王奪以與神通。不思是王之教。乃重於敕也。帝人怒。攘袂詬秦王。汝怙功無父。至於此。終莫能自明。蓋是時秦王死於毒。死於間。死於刺客而免者。數矣。府謀臣良將。又擯逐殆盡。王不得已。從宮僚計。自白上。蹙太子齊王於臨湖殿。兵焉。於是高祖立秦王爲皇太子而定。建成五子。元吉五子皆及禍。事具帝紀中。廬江王瑗者。高祖從父兄子也。陰與建成結。建成死。召之。則遂反。亦誅死。時東宮齊府人疑懼。更相告。太子命禁之。而靖後太宗卽位。追封建成息王。已稱隱太子。封元吉海陵郡王。已稱巢刺王。爲立後嗣焉。而下制詔言。宗室疏屬畢王。非制也。乃

勞百姓奉所親。謂天下何皆降封縣公。惟淮安河間等。

以功封者不降封。太祖八子於高祖從父也。武德初並

卒。無嗣。六王子於高祖從父昆弟也。其子從父昆弟子

也。並郡王。畢王瑋二子曰韶曰孝基。封孝基永安王。

韶子道宗。江夏王道興。廣寧王。雍王繪子贊。封河南

王。贊子道玄。淮陽王。卽王禕三子叔良長平王。德良

新興王。幼良長樂王。蔡王蔚子安西平王。安子琛。襄

武王。孝恭河間王。城濟北王。濟南王哲子瑗。廬江王

卿王亮子神通。淮安王。神符襄邑王。神通子道彥。膠

東王。世祖子高祖兄也。長澄次湛。叔洪並追王。二王

無子。蜀王湛子博。又隴西王。奉慈渤海王。武德初僕

射寂討劉武周。敗績。賊乘勝逼河東。江夏王道宗未冠

也。從秦王登王壁。城望之。道宗曰。武周席勝其鋒。未可

當。然鳥合不可以久矣。宜堅壁以頓其銳。王拊其背曰。

善。竟破賊。爲靈州總管。梁師都連突厥兵數萬圍靈州。

戰破之。突厥入居五原。遂出之。斥地贏千里。封任城王。

貞觀初。以右軍總管副李靖執頡利可汗。賜封六百戶。

吐谷渾寇邊。副靖出崑丘逢虜師直薄之。吐谷渾殊死

關道宗陰引千騎繞山出其後賊驚潰徙封江夏王坐
賊免以王就第遷禮尚書侯君集破高昌還道宗從容
爲帝言君集且必反帝曰何至是道宗對曰君集忌而
矜功智小言大每耻爲房李下官尚書尊重矣而鬱鬱
不平有無反乎帝不聽旣君集反帝笑曰果如公言帝
將討高麗欲先得遼海阨塞形便遣營州督張儉行視
之儉謝不能道宗曰臣請以百騎往行二十日留十日
覽觀山川二十日還足矣帝壯其意許之高麗兵斷其
歸路更走間道如明還帝喜曰賁育不過也賜金五十
斤絹千匹詔與李勣爲前鋒拔蓋牟城虜救至諸將請
浚溝保險須大軍道宗曰賊遠來而遽兵必疲我一鼓
摧之耳吾爲前軍當清道迎乘輿尚何持乎此耿弇所
謂不以賊遺君父也進擊大破之攻安市城圍毀道宗
失部分爲賊據詔不問在陣傷足帝親爲舐治求徽初
坐與房遺愛善流象州道病薨詔復爵邑國初宗室唯
道宗孝恭爲最賢淮陽王道玄武德初例王年十五
從秦王擊宋金剛介州先登討王世充最竇建德屯虎
牢王致師遣道玄伏而待敗走之轉戰汜水登南坂貫
賊陳出其背還擊賊皆披靡爲山東道行軍總管討劉
黑闥戰下博越泥淳徑前副總管史萬寶忌之持不進

曰吾被詔王兒子軍進退唯我今其輕敗道也不如結陣待即不利王利國道玄遂歿年十九萬寶潰走免秦王太息曰自兵興兒常從我每見我深入輒克慕之惜也遂至此哀哉因流涕久之贈左驍衛大將軍謚曰壯○河間王孝恭沈敏有識量高祖定京師拜山南道招慰使徇巴蜀下三十餘州擊朱粲破之俘其衆諸將曰此食人賊也請阬之孝恭曰不然今列城皆寇境若誅之後詎有降者乎悉縱之繇是所至輒下拜夔州總管進趙郡王及李靖以舟師破江陵平梁以行軍元帥破壽陽誅輔公祏事具帝紀中江南悉平孝恭欲以威重鎮遠俗乃築第石頭城陳廬徽自衛或誣其有異志召還爲宗正卿賜實封千二百戶孝恭既著方面功見絀於是自縱於奢豪置歌舞伎百餘自媮快而寬恕退讓終無矜伐色天子益親重之貞觀初爲禮尚書改王河間嘗謂人曰吾所居已侈非吾心當別營一區令相足乞事吾歿後子也才易以守不才不爲它人所利帝哭之慟贈司空謚元王陪塋獻陵子崇義晦崇義嗣王降譙國公累宗正卿晦營州督簡較雍州長史推擿姦伏無留隱高宗幸洛命居守曰關中事以屬公苟可利人者便宜行母以法令牽制故治有異績薨贈幽州督

初晦起觀閣下臨肆其人候晦曰庶人也禮不及然室家之私不願爲外人窺請從此辭晦驚遽徹觀○廬江郡王瑗武德時例王爲幽州督懦不任詔以右領軍王君廓爲輔行隱太子有陰謀厚結瑗太子死召之君廓內險賊欲陷瑗爲功謂瑗曰大王國懿親受命守邊擁勁兵十萬而從一使者召乎趙王前已屬吏太子齊王又誅勢何能自全因泣下瑗信之曰以命累公乃因使者勒兵反君廓得軍則禽瑗縶之瑗且死罵君廓曰小人賣我行自及已君廓爲并州督犯法亡突厥被誅淮安王神通首唱義應師者也初避吏鄆南山被疾綿數旬食盡子道彥羸服丐民間採野實以供忍饒不食父分食之辭以飽藏而侍已起兵及從平京師命神通爲宗正卿與宿衛封永康王徙淮安爲建德所虜歸從平劉黑闥遷左武衛將軍薨贈司空神通十一子王者七人道彥膠東王武德六年平陽公主薨將塋詔加前後部羽葆鼓吹太當議禮婦人無鼓吹高祖曰鼓吹軍樂也徃公主於司竹舉兵應義親桴鼓有克定之勲周之文殊列於十亂公主功參佐命非常婦人之匹也何得無鼓吹旌殊績乎按謚法明德有功曰昭謚公主爲昭馬三寶以平京城功拜太子監門率從平薛仁果

遷左驍衛將軍從柴紹擊吐谷渾先登斬名王封新興縣公嘗從幸司竹高祖顧謂之曰是汝建英碓處也爲唐衛青亦不惡累除左驍衛大將軍太宗爲廢朝謚曰忠貞觀中詔荆王元景等

爲諸州都督已下制世襲刺史尋以功臣議罷世襲又以諸王幼未知從政留京師教之罷出督語具封建志當是時高祖諸子獨韓王元嘉霍王元軌舒王元名賢元嘉刺潞州時年十五聞太妃疾泣不食居器毀甚太宗數慰薦之與弟魯王靈夔友愛如布衣終日燕見雍如也閨門修整少好學藏書至萬卷皆以古文字詳正同異秘府書莫及也元軌謙慎多才藝高帝崩毀甚外除遂疏布終身歷絳徐定三州刺史所至閉閣誦讀以

吏事委長史司馬帝嘗問侍臣朕子弟孰賢特進徵進
曰諸王臣不能盡知惟霍王與臣言臣未嘗不自失也
帝喜曰卿謂於前世誰比對曰經學文雅漢河間東平
比也乃至行卽曾閔不能過與處士劉玄平爲布衣交
或問王所長於玄平玄平曰無長問者昭愕請故玄平
曰人惟有短方見有長王無短焉於何見長哉吾何以
稱焉故曰無長其頌服如此刺定州州人有潛結虜爲
變者詔窮誅支黨王以州
外迫強虜必窮誅恐人人自危獨戮首謀以違制自効
帝喜曰吾固悔之王策之是也州人有王文操者與虜
戰而蹶子鳳賢共以身蔽父中創死而父全縣置不問
王遣使弔祭上其事詔贈官表閭王每朝疏陳得失多
裨正帝甚尊重之有大事驛問焉嘗從獵遇群豕命之
射豕斃又命之豕盡帝喜拳其背曰汝善射如此方天

下未定時得若顧不任將哉。顧今無所用耳。知太宗山
陵事。練故典。禮官自以爲不及也。使國令徵食邑租。令
諸貿易之。利數倍。王曰。令當匡
吾失。顧道吾求利乎。抑不聽。高祖在大安宮。太宗晨
夕使尚宮問起居。舒王元名甫十齡。保媼言尚宮品秩
高。見當拜。元名曰。我二哥侍婢耳。何拜。太宗聞之曰。真
吾弟也。及長。矜莊有遠志。未嘗問家人生產。窺其門。蕭
如也。高宗欲授大州寵之。辭曰。臣忝屬籍。猶然以州郡
爲仕進資。妨賢者路耶。時諸王爲刺史。家人怙縱暴百
姓。獨元名廉威。下肅然。而太宗子越王貞善騎射。涉文
史。有吏幹稱材。紀王慎刺襄州。治最。人立石頌德。與越
王齊名。世號紀越。貞觀末。齊王祐督齊州。又伏誅。太子

承乾結漢王元昌謀爲逆。太子廢爲庶人。元昌賜死。魏王泰以奪嫡降東萊郡王。當是時。釁孽交迫。帝懊恨。念三子一弟。所爲如是。至自投牀下。引佩刀欲自刺。賴大臣請立晉王治而定。語具帝紀中。吳王恪者。太宗第三子。母隋煬帝女也。地親望高。而恪善騎射。有文武才。天子以爲英果類我。甚愛之。方承乾廢時。欲立爲太子。屢矣。長孫無忌爭不可。曰。晉王嫡長而仁。可立也。帝曰。公豈以恪非已甥。薄之耶。恪在位。何渠知不保護舅家。無忌曰。奕者舉棋不定。則不勝。況建儲乎。臣區區願上爲社稷慮。臣何敢顧家。晉王乃定立。永徽中。房遺愛及高

陽公主。謀奉荆王元景爲帝。舉兵反。辭連恪。無忌以恪爲物情所向。欲因遂誅之。以除偏。劾元景。恪公主皆賜死。恪且死。呼天呼祖宗。拊膺怒罵曰。無忌擅威權。陷無辜。神天有靈。當族滅不久。無何。無忌以爭立武后。死黔州。故除偏安宗社乎。不如平心委運之。足祈天也。太尉過矣。迨高宗嬖武后而惑。太子忠廢死。太子弘暴薨。太子賢廢徙巴州。曹王明以黨太子。降爵死黔州。高宗崩。和帝立。后廢帝遷房州。殺故太子賢。已以穢德播宸極。中自慙。欲以虐濟之。遂大殺唐宗室。圖革命。越王貞。貞子琅瑯王冲。首發難。誅死。韓王元嘉。及子黃公。誤謀應。

越從死。霍王元軌從黔州道死。魯王靈夔流振州。白經死。舒王元名坐子亶爲酷吏所構。並死。當是時。宗室以越事株連。以告密羅織。死徙籍沒者甚衆。獨紀王慎得越王結約書。知時未可也。拒越不合從。將就誅而免。徙巴州。道死。號王鳳。范陽王萬得書。卒倉不能應。則白發其書。見擢。尋以告密誅。蓋高祖太宗子孫。若他宗室子。殆盡。皆削屬籍。改姓蝮。姓虺。惟幼弱者免。死流嶺南。而天皇三太子。澤許二王。及澤王七子。許王九子。皆及禍。卽孝敬章懷。本后所生子。太子重潤。本諸孫與焉。鳴梟之性。毀子及室。無顧惜。固如此。太子重潤。中宗嫡長子。

也。生東宮。高宗聞喜甚。爲赦改元。欲立爲皇太孫。爲開府置官屬。問禮官。對曰。禮有嫡子無嫡孫。晉魏立皇太孫。皆正位東宮。今有太子。立太孫。於古未有。帝曰。自我作古。不亦可乎。對曰。禮。君子抱孫不抱子。子可以爲王父尸。則昭穆同也。陛下肇建皇孫。爲萬世法。誠本支千億之慶。帝喜。命置師傅文學而下官。視諸王。然卒不補也。中宗失位。太孫廢。帝還爲皇太子。封邵王。譖者言王與女弟永泰公主。及主壻竊誹后陰事。后慙怒。杖死。神龍初。中宗復位。皇族死太后時者。復姓復屬籍官爵。還其柩。陪獻昭乾陵。還流徙者京師。初紀王慎有七子。長

續早死。次義陽王琮。琮有子三人。曰行遠。行芳。行休。武
后時。琮及二弟流桂林。第三人別流黔州。行遠行芳流
禺州。尋遣六道使行嶺外。掩殺唐宗室。琮及二弟死。桂
林行遠當捕戮行芳。幼當赦。抱持兄請代。則俱死。開元
中。行休行桂林。求義陽王屍。誅死。棄久矣。莫能得。哭布
席終夜。踞不起。以祈。假寐夢王所乘者舟中斷也。靈堂
鎖一夕。莖自屈。管上有手指迹。一奇二並。筮之曰。屈於
文尸出也。指示也。一奇二並。三殯也。先王告之矣。則之
野。見東洲中斷。悟所夢。舟爲州。趣走視之。發坎得三屍。
二弟在焉。而王一支亡。則大慟。踞席祈如初。夢王告之。

曰在洛南洲明日直殯南得焉蓋死而殊尸也其致毒如此。於是以殯歸塋昭陵。太子賢有三子。曰光順。曰守禮。曰守義。皆后諸孫。光順徙義豐。誅死。守義徙桂陽。死。而守禮及中睿諸子閉宮中。開元初。封守禮邠王。以天子從兄居閤中。與宣中岐薛諸王俱。每雨暘輒前知。惟之問其術不答。岐王以告帝。詰之對曰。臣無術也。天后時幽宮中。歲敕杖者數四。創甚。鬻無膚。欲雨骨先痛。晴輒前蘇。故知之。因涕泗沾襟。帝爲惻然。嗚呼古女禍稱女戎。有以也夫。和帝童昏失道。廢于母。弑于妻。子四人皆不得其死。終絕世無後矣。睿宗有五子。列第東都。稱

舍坊號五王宅。後賜第京師。隆慶坊亦號五王宅。既平王爲天子。而四王皆賢。寧王憲者。睿宗嫡長子。宋王成繼也。武后立。睿宗爲帝。得爲皇太子。帝降號皇嗣。冊皇孫。皇嗣爲豫王。王壽春郡。和帝立。進蔡王。固辭不敢當。大國。唐隆改元。進封宋睿宗。始卽位。以宋王長。又嘗爲太子。當立。而平王有大功。難之。宋王固請曰。天下大難也。時平則先嫡長。世亂則先有功。大誼也。臣死不敢居平王之上。而玄宗乃定立。申王成義有威重而寬。岐王範好學。攻書史。好儒。遇儒生無貴賤折節。王毛仲等本家奴。暴起。諸王加禮焉。獨接之自如。薛王業少失母。從

母賢妃鞠之成王事妃孝恭女弟二公主早卒撫所生
如子玄宗友悌自天性而寧王固以天下讓申岐薛又
皆賢帝時時從諸王宴飲興慶宮宴花萼樓或時宴諸
王宅無間雖當時讒邪交亂帝卒不爲動有鵠鴈千數
集麟德殿庭樹棲翔浹日魏光乘以爲天子友悌之祥
薛王疾帝爲莫藥燎其鬚其敦睦於前代無匹而寧王
益慎恭嘗按舞萬歲樓從複道上見衛士食而棄其餘
詔力士捕殺之王從容曰臣聞天子不窺人隱私今從
複道上望見而殺之將人人自危其無乃非政體也乎
且陛下所爲惡棄食者重食也食以養人今以餘食蔽

殺人之其無所以養人者傷人乎。帝悅。遽釋之。涼州獻新聲。召諸王臨觀。曲終。王從容曰。新聲哀。宮離而不屬。商亂而暴。君卑迫。下臣僭犯上。發於忽微。形於聲音。播於歌咏。見於人事。臣不願聽之矣。帝爲默然。時獻替如此。其後中岐薛三王相繼薨。惟寧王帝親待愈厚。始生日。必詣宅爲壽。如家人禮。日餉遺無時。王有疾。命醫遣膳。相望也。疾少損。帝喜甚。賜醫緋袍銀魚。薨。帝號慟失聲。已下手詔言。天下大兄之天下也。讓於我。爲唐泰伯。有高世之行。常名不足以當之。追謚讓皇帝。妃恭皇后。子汝陽王璣。述先志。固讓不聽。發引。雨。諸皇子涉泥途步。

送葬橋陵側曰惠陵。王既薨，涼州曲盛行，乃卒有播遷

之禍。人始追歎王爲先識云。史臣曰：睿宗有聖子，一受

命，追帝三贈太子，福流於胤嗣，盛哉。始寧王名成，隲

改名憲，申王改名攜，而岐薛二王，初文德皇后崩，晉王

避天子諱，去二名，日範曰榮云。幼，太宗憐之，令不出閤。豫王以天后幼子，不出閤。中宗

時，譙王失愛，乃出閤，以不出閤爲特恩。開元二年，有司

請循故事，出諸王爲刺史。於是宋王領岐州，申王領幽

州，岐王領濟州，薛王領同州，而邠王守禮領號州。州務具委

上佐，王獨領大綱。無何，復召還。蓋天子起臨淄王在位

雖日於諸王遊，懽乎然專於娛樂，不及政，而嚴群臣與

諸王交通之禁。當是時。惟寧王。莫語。未嘗及外政。亦未嘗與外人通。帝愈益信重之。其後帝多皇子。而鄆王嗣真。陝王嗣昇。最先封。帝方事邊功。則以爲安北。安西。大都護。藉親重。填之。然不出閤。節度使遙領。自此始。其後諸皇子。旣皆長。則附苑城爲大宮。分院而處。號十王宅。本慶忠。棣鄂。榮光。儀。賴。未。延。盛。濟。十二。土。日。十王。獨舉成數而名。諸王日於夾城入參上起居。家令進膳。引侍讀學士入授書。以爲常。府官屬列外坊。歲時通起居而止。後壽信義。陳豐恒。梁七王長。旣封。亦出居十宅。又後帝諸孫多。於宅外更置百孫院。如十宅居焉。宅宮女四

百人。院宮女三四十人。禁中置維城庫。月給諸王俸。太子諸王公主婚嫁。並供張於崇仁坊禮院。於十王宅親成焉。於是諸侯王不就封。如周漢不開府。不出刺。出柅。如高祖太宗時。獨出居宅院中。曰不出閤矣。而宗子屬踈者。輒以選授官。適之。林甫峴高。至相國。開元末。天子嬖武惠妃。而太子瑛。鄂王瑒。光王琚。同日賜自盡。天子信鬼神。而棣王琰。以婦故。獲罪誅。瑛久在儲位。瑒琚皆好學。有才識。琰死。非罪。天下傷之。

棣王妃蕭氏。以過置別室。而二姬爭寵。密咒

符璽琰履中。求媚焉。中官度帝所譎惡。譖琰為魘魅。自為忠。朝帝使人掩取履視之。信。帝怒責琰。琰頓首泣曰。臣罪死。然臣實不自知。臣與婦不相見者二年。有二姬爭長。恐此三人者所為。臣實不與知。及推訊。果如也。帝

忍未怠。因鷹犬坊以憂死。

而是時相林甫傾皇太子。太子幾殆。及安。

祿山反。天下承平。久中外無備。豫而震。河南北州縣多。

破陷。東平太守嗣。吳王祗募兵拒之。

嗣太宗子恪。

州縣不從。

賊者皆倚祗爲名。而皇子榮王琬秀整有人望。命爲征。

討元帥募河隴軍屯陝。高仙芝副之。以討賊。命下薨。祿。

山陷東京。天子召公卿而謀帥。太常卿張垆對曰。嗣號。

王巨剛果。通書史。任將也。召見對稱旨。命詣中書與相。

語。相國忠忌惡。且易之。授陳留譙太守。攝御史大夫。河。

南節度使代吳王祗將。明入謝。帝曰。卽真耳。何攝爲。詔。

兼御史大夫。統嶺南黔中南陽。時南陽帥魯炆戰數北。

貶果毅。巨辭行請於帝曰。脫吳能存孤城。足補過。則何如。帝曰。惟卿之所處之。巨遂趣南陽。至貶吳白衣從軍。是夕。稱詔復其官。已祿山陷潼關。天子幸蜀。命賴王璩為劍南節度使。御史大夫魏方進為置頓使。立之鎮。設儲待待。幸激濟江蜀中。猶全盛。舟以絳席籍。徹之曰。此可寢。奈何乎。蹴踏之時。行遽不及。授旌節。司馬請建大槩。蒙油囊以先。王笑曰。孤既為真王矣。安所用假節為乎。至蜀。踰月而罷。吳王祗既召還。不用大曆中。以宗室老為集賢院待制。時勳望大臣無職事者。居此。官給廩錢。署舍優焉。京師平。璩王巨拜太子少師。河南尹。東畿採訪使。其妃張后女弟也。內不睦。巨貶官。為盜段子璋所殺。賴王行至蜀。副使崔圓迎。拜馬前。數不為禮。圓銜之。帝至。圓奏罷居內宅。方帝

西幸時。下制云。親征。命宿衛士束裝待明發。則獨與楊妃姊妹。皇子皇女。皇子妃。皇孫幼在宮閤者。出延秋門。以去。皇子若妃主皇孫長在外宅者。不以告。委之。及聞變。乃間關走。隨駕西。而賊入長安。皇子姓畱不能從者。數十人並見殺。而諸王不出閤之禍。始於此。建寧王倓者。肅宗仲子也。玄宗西幸時。肅宗爲皇太子。以父老固請畱。從建寧王。畫乃決畱。自馬嵬北行。王居上前。後血戰衛上行。行未有所適。王決策之。平涼倚朔方師爲根本。皆尤功。帝卽位。靈武欲以爲元帥。李泌諫不可。乃命元子廣平王俶爲天下兵馬元帥。諸將咸屬。從喜。謝泌。

曰。吾心也。蓋忠勇如此。乃竟爲張良娣。李輔國所譖。慙

而誅。後代宗與郭侯泌語。建寧事而泣。欲厚加贈諡。泌請以岐薛故事。贈太子。帝泣曰。吾弟首決大策。成

中興功。何岐薛得望乎。又忠孝血誠。顧爲讒人所害。而灰尚存者。朕且以天下讓之。何太子也。乃引讓皇事。追

諡曰承天皇帝。玄宗西幸時。從房琯畫。以天下崩裂。非宗室王

親重出鎮之。不定。於是詔皇太子充天下兵馬元帥。統

朔方。河東。河北。平盧。四節度兵馬。復兩京。永王璘督江

陵。統嶺南黔中。江南西路。盛王琦督廣陵。統淮南河南

江南東路。豐王珙督武威。統河西隴右。安西北庭等節

度。鎮四方。會閩靈武卽位。琦珙未遣而罷。獨永王先遣。

東出師而反。而誅死。語具帝紀中。代宗立。吐蕃入寇。逼

郊畿。帝出居陝。射生將王獻忠以十六宅諸王出迎。吐蕃遇副元帥子儀於長安。請廢立。立豐王。豐王瑱者。玄宗子也。於帝爲諸父。大言曰。令公爲元帥。廢立在一言。不言何也。司馬王延昌前質責之曰。主上初立。未有失德於天下。今蒙塵王爲藩翰。當執節死義。何言之悖也。延昌爲司馬。當以聞。子儀命以軍筵行在。帝不加責瑒。語悖。乃賜死。吐蕃入長安。立廣武王承宏爲帝。幽王守禮子。吐蕃退。承宏亡走匿。得之。赦不誅。放華州。自是天子益忌憚諸侯王。廣十六宅居之。不出閤爲常。郡縣主不時嫁有華髮者矣。先是肅宗時代宗以廣平王爲天下兵

馬元帥汾陽王子儀副之。平兩京。代宗時。德宗以雍王
爲天下元帥。討史朝義。復東京。皆元子帥師。皆在師中。
與行謀。謂世亂先有功。重之也。而九節度師潰相州時。
帝命臨淮王光弼總大師。光弼謝不任。必請皇子爲元
帥。得震疊。命越王係。然不出閤。思明陷東都。係請行。不
聽。係帝愛子。故命。後死李輔國。見帝紀。大曆初。雍王正位東宮。回紇吐蕃
竝入寇。命鄭王邕代爲天下兵馬元帥。所謂昭靖太子
也。無何薨。元帥府以遂罷。不設。史思明反。命皇子彭王
僅領河西。兖王憐領北庭。湓王倓領隴右。杞王倓領陝
西。興王侶領鳳翔。大使以填之。田承嗣反。國無彊王。乃

悉王諸皇子。領軍鎮睦王述。領嶺南。郴王逾。領渭北。鄜坊。韓王洄。領汴宋。忻王造。領昭義。皆稱節度大使。餘皇子。幼並開府儀同三司。然不出閣。諸節鎮僭擅自如。德宗爲太子時。昭靖薨。帝命子昭靖子謨爲子。封舒王。已改名誼。建中中。長矣。李希烈反。拜揚州大都督。荆襄江西。沔鄂節度使。行營兵馬元帥。備官屬。往討。會涇卒反。京師命撫慰。則涇卒已陳闕下。攘斂矣。狼狽還。從出幸奉天。有撫軍功。而朱泚僭號京師。僞平章源休勸泚剪宗室以絕人望。宗室王死者七十有七人。異哉乎。唐以不出閣諸王爲四方填也。爲實乎。猶繫狸狎而使之搏。

爲聲乎。猶掩目捕雀。而猥云獲之也。以爲盜賊餌。則猶檻獸圈豚。以爲豺虎食。故不出閤之禍至烈也。自肅代時。天子厭苦兵。平盧將李懷玉逐其帥。詔懷玉留後。而以鄭王邈爲平盧節度。遙領軍矣。及時帝自奉天還。益憚兵姑息。方鎮愈益甚。李萬榮以宣武叛。則通王譔領宣武使。不出閤。授萬榮留後。吳少誠以蔡州叛。則虔王諒領彰義使。不出閤。授少誠留後。義武昭義軍自立後。則邕王諤領義武昭義使。不出閤。授張茂昭王虔休留後。蓋陽示不與節。若親王自領。然實不能難聽。擅王自寬。恐激之爲變也。姑息方鎮至於此。自是皇子孫不出

閹雖名主。郡王實於匹夫。不異無赫赫過惡。亦不能爲
帝室重輕。故順憲而下。皇子王者。卽賢善不著。史無稱
焉。而寄命於宦官。宦官握禁旅。總萬幾。日微伺十六宅
間隙。文致之。結信於天子。而天子易世。必戕所意忌者。
自爲忠貞。元初學士絳請建儲。帝許立鄧王寧有日矣。
雨不果。改卜秋孟。復雨又不果。至冬孟乃禮成而薨。所
謂昭惠太子也。其後議復立子。宦官吐突承璀主。豐王
憚。帝意屬遂王恒。自立之已。帝暴崩中。和殿莫能明。中
尉梁守謙。閹王守澄迎太子入卽位。是爲穆宗。而是夕
豐王憚及禍。敬宗亦暴崩。閹克明矯帝旨立絳王悟。絳

王悟者。憲宗第四子也。未發。而中尉魏弘簡。梁守謙。迎
穆宗子江王。溥入立之。是爲文宗。是夕。誅克明。絳王。悟
及焉。文宗立。痛兩世逆。變自中官。而閹守澄。怙定策功。
橫不能堪。欲遂誅宦官。與相宋申錫密圖之。而洩。守澄
用鄭注計。必先事誅之。使神策卒上急變。告申錫通漳
王相賂遺圖逆。漳王。湊者。穆宗第六子。帝弟也。地親執
偏。而岐嶷有人望。度帝所中忌。急申之。令倉卒難自明。
賴外廷爭。而申錫貶死。漳王降巢縣公。語具帝紀中。其
後帝旣立。子永爲皇太子。以楊賢妃譖。幾廢而暴薨。悔
之。又晚多疾病。以敬宗子晉王。普。幼韶悟。欲立之。未果。

薨。謚悼懷太子。而楊妃請立帝弟安王溶以樹恩。相王持禮兄弟不相爲入廟格之。敬宗少子陳王成美於帝穆也。得入廟得立。已帝追悼莊恪以譖死。殺妨工女倡。嘗譖毀者數十人。而遂病命。內樞密劉弘逸薛季稜召相嗣復珏入禁中奉太子監國。中尉仇士良與弘志以太子立功不在已也。則矯詔言太子幼且有疾。立皇弟。賴王瀍爲皇太弟。廢太子。復封爲陳王。帝崩太弟立。是爲武宗。是夕安王溶陳王成美及楊賢妃並賜死。明年殺弘逸季稜遣中使即貶所殺嗣復珏賴相德裕爭而免。語具帝紀中。先是豐絳二王死。穆文二帝爲不聞也。

者而諱之。爲輟朝。追贈諡。安陳二王死而武宗不衰。立六年。以餌方士藥。疾發不能言。旬日。諸大閹於禁中定策。下詔言皇子冲幼。立光王怡爲皇太叔監國。光王憲宗第十三子也。於次不得立。以韜匿不自見。爲武宗所不禮。爲群閹所利。故得立。是爲宣宗。宣宗在位久不立儲。長郾王湛出居十六宅。餘五王。愛內處大明宮。及大漸。屬閹王歸長等三人立夔王滋。夔王滋幼子。愛故立之。崩。大閹王宗實入。殺歸長等。迎郾王立。爲懿宗。懿宗長當立。帝猶豫不立。乃遺宗實定策。以爲功。故事。大居正而貴。斷也。懿宗八子崩。諸閹利少主立。普王儼爲僖。

宗自穆敬來十六宅諸王爲閹所坊制峻嚴無人理。文宗性仁善。又從十六宅起在位。中隱之時。往宅院張宴。樂與爲懽。怡怡穆穆。史以爲可洽風謠也。於是相德裕爲帝言。近代宗室不出閤。議者以爲幽閉骨肉。虧人倫。可閔。天寶建中時。聚處一宮。悉爲安祿山朱泚所魚肉。可痛。陛下誠聽其年高屬疎者出閤。除諸州上佐。使攜子女行。則百年弊法。一旦而更之。宗廟有靈與嘉焉。豈惟諸王。文宗喜曰。是朕心也。於是下詔聽諸王出閤。而帝終無斷不果。以所除官不決定而罷。武宗時。德裕至尊用。而天子不加意十六宅。莫得間。會黨項羌隸諸道。

者聚爲寇。乃白請出皇太子爲安撫大使。兼領諸道。禁
戢之。擇忠力大臣爲之副。庶還古撫軍。祖宗置元帥之
舊。詔遣堯王岐。宣宗作雍和殿於十六宅。數臨幸。置酒。
諸王疾。色憂。時親至卧內問焉。而不出閤之制。終株守
不能有改也。僖宗時。天下亂。黃巢入長安。閤令孜帥神
策兵五百。奉帝自金光門。跳身走興元。惟福穆澤壽四
王從。餘宗室王在長安者。爲巢所屠戮殆盡。而不出閤
之禍極此矣。巢誅。帝還闕。河中王重榮名誅。閤令孜復
犯闕。令孜劫帝如興元。入蜀。朱玫。李昌符。稱迎駕疾追
之不及。則奉嗣襄王煚監國。已立爲帝。嗣襄王煚者。肅

宗子襄王。價裔孫也。無何敗。誅死。事具帝紀。中僖宗崩。子幼。弟吉王保長而賢。衆望屬之。而閹復恭。確立壽王。傑爲昭宗。昭宗在十六宅時。痛恨閹。不倚信。獨倚相。而相非人不任。難。念宗室王在內宅。親可倚。覃王嗣周才可將也。令討李茂貞而敗。天子殺相。讓能以解難。具帝紀。已命通王滋判侍衛軍事。通王者。夔王滋改封也。命宗室王分將十二軍。巡警京師。又欲使出撫列藩。南北司恐不利已也。交䟽諫而罷。及李茂貞。韓建。王行瑜。三鎮連兵反。犯闕。晉陽帥李克用討之。誅行瑜。三鎮惕息。克用還鎮。天子置殿後四軍。使嗣廷王戒丕等分將之。而

茂貞乃復反。犯京師。戒丕勸帝如太原。道爲韓建所得。如華州。建畏諸王典兵。猝難制。則遣人上變。告諸王欲殺建。欲劫帝幸河中。帝驚懼。召建入慰諭。建稱病不入。敕諸王往詣建。自明建閉之室中。顧奏言。中外異體。不可以私見。今睦濟韶通彭韓儀陳者八王。忽詣臣。意不可測。久留臣所。無爲也。請勅歸十六宅。而罷所領兵。帝不許。則以兵環行宮。劫之。於是罷殿後四軍。罷諸王掌兵。會嗣延王戒丕。嗣丹王允。奉使如晉陽。還報。命建大忿疾。遽表言。漢七國。晉八王。皆竊兵權亂天下。比歲兵纏近輔。使陛下辱在下藩。則諸王爲之階。今戒丕等復

西使沙陀爲讒構請誅之帝持不下後三日建遂聞
季述矯制以兵誅諸王諸王被髮乘垣走抱屋極號曰
帝救兒救竟與其屬盡死以反聞乃昭宗九子爲全忠
所賊並死九曲池語具帝紀中史臣傷之曰運極不還
與唐俱殫悲夫高祖二十一王隱巢事臯上衛懷王
起年十四死捕吏追王荆王元景坐房遺愛虎追封
浣黎王漢王元昌坐承乾死鄧悼王元亨周王元
方皆幼薨徐康王元禮刺絳州有治行薨陪葬獻陵
子茂淮南王遙遙屏食死韓王元嘉事見上彭王
元則督遂州以奢僭免刺澧州折節改厲薨贈司徒陪
陵鄭惠王元懿歷兗鄭絳州刺史以經術斷獄務
寬平薨贈司徒陪陵世嗣王裔孫勉宗閔夷簡皆入相
霍王元軌事見上號莊王鳳歷號豫青刺史薨陪
陵子寓嗣無子中宗以鳳孫邕嗣薨子巨嗣天寶中爲
西河守坐資給柳勣支黨貶義陽司馬坐附楊慎矜免

官祿山反以張垧薦得將事見上。趙孝王元慶事母謹歷趙豫沁衛州刺史有治績薨贈司徒陪陵世嗣王。鄧康王元裕好學談名理刺五州遷兗州督薨贈司徒陪陵世嗣王。寄王元名刺五州賢子豫章王賈治江州最高宗以元名善教子詔褒美成武氏後復爵世嗣王。魯王靈夔及子范陽王諒武氏後復爵諒子道堅嗣道堅方嚴有禮法闔門肅如七為州刺史遷國子祭酒河南道採訪使以清毅稱入為宗正卿薨贈禮尚書子宇嗣改封鄒。江安王元祥與蔣號滕三王皆縱暴好狎侮官屬不願就為之語曰寧向儋崖振不事江滕蔣薨贈司徒陪陵子孫武后從子嗣降公。密貞王元曉刺號澤州薨贈司徒陪陵。滕王元嬰驕漁色黷貨薨陪陵。○太十三王太子承乾廢死贈常愍王孫適之相。楚王寬出後楚哀王蚤薨追王。吳王恪事見上。虎四子流嶺外追封鬱林王神龍中子成王千里從太子重俊攻宮門誅開元中孫信安王禕以朔方節度攻吐蕃拓地千里建振武軍拜忠王為時相所扼降刺史薨子峒嶧峒皆顯。禕弟祗嗣吳王。魏王泰見帝紀。世嗣王。齊王祐溺群小好弋獵長史薛大鼎諫不聽以輔王無狀免更用權萬紀萬紀剛急繩以法王

不悛。帝數責讓祐。萬紀說祐曰：「王上愛子，上欲王改悔，故責教王。」王引咎，飭躬。萬紀請入朝，言之。上宜解，祐上書謝罪。萬紀入見，帝言：「祐且自新，帝悅，厚賜萬紀，而譙祐未怠。」祐以萬紀見勞而責已，以爲責已益不平。爲悖虐，滋甚。萬紀暴之朝，詔臨訊，召萬紀。祐還京師，萬紀馳先行。祐與群小謀殺萬紀於道，支解之，發兵反。兵曹杜行敏執送京師，賜死。內侍省蜀倬王愔刺岐州，數游畋，非法責教不悛。帝怒曰：「禽獸可擾，鐵石可爲。」罷愔，顧不如削封戶，徙虢州。久之，還封戶，復馳弋，敗民稼，典軍楊道整叩馬諫，棒擊之。高宗怒，貶愔黃州刺史。擢道整匡道府，折衝都尉。會吳王恪得罪，愔以母弟廢，徙巴州。蔣王暉督安州，徙梁州，造器物服玩，多至四百乘。所經騷然，爲有司劾奏。高宗詔不問，遷箕州刺史。或告暉反，詔按驗。惶懼自殺，贈司徒。葬陪陵。子熯嗣王，死。武氏禪龍初，復爵孫紹宗嗣王，孫之芳以安祿山奏爲范陽司馬。祿山反，自拔歸京師。廣德初，兼御史大夫，使吐蕃見止，二歲乃得歸。拜禮尚書。越王貞事見上。開元四年，復爵從孫夔國公琳嗣。琳薨，爵不傳。越王幼子珍謫嶺表，數世不能歸。開成中，女孫元真始持四世器北還。永祚瑩詔嘉憫，敕宗正訪其兆，聽陪葬。紀王慎事見

上江王囂代王簡薨無後趙王福出後隱太子薨

葬陪陵無子曹王明母本巢王妃帝嬖之生明高宗

時詔出後巢王坐太子賢事降王零陵徙黔州都督謝

祐通殺之帝聞悼甚黔官吏皆坐免葬陪陵其後有嗣

曹王臯高八子太子忠廢為燕王澤王上金孝敬帝

弘章懷太子賢事見上原王孝早薨中宗四子太子

重潤譙王重福節愍太子重俊襄王重茂見帝紀○唐

五子寧王憲中王撝岐王範薛王業見帝紀及上事陪

王愔早薨高祖太宗子世嗣王睿而下皇子子皆降

郡王不嗣王○玄二十二王慶王琮諡靖德太子肅宗

立進奉大皇帝太子瑛鄂王瑤光王琒賴王璿永王璘

榮王琬見帝紀及上事夏王一武惠妃子生秀美帝鍾

愛無匹命之一儀王璿懷王敏壽王瑁亦惠

妃子妃生子女睥而薨瑁甫生寧王妃元抱養之居寧

邸中故址後封妃薨瑁請制服報乳養恩從之延王

璘陳王珪豐王珙事見上恒王瑒涼王璿

肅十三王越王係死李輔國見帝紀建寧王

倓張后諡承天皇帝衛王佖彭王儉亮王儼

涇王侏鄭王榮襄王僊杞王儉召王認

興王侶張后子愛謚恭懿太子。定王侗。宋王偁。○
代十九王鄭王邕。邕好讀書有行。薨。謚昭靖太子。睦王
述。丹王逾。惠王連。韓王迥。簡王遘。益王迺。
隋王迅。荆王選。蜀王邈。忻王造。韶王遒。
嘉王運。端王遇。循王遒。恭王通。雅王逸。○德
十王舒王誼。本昭靖子。取爲子。邕。王諲。本順宗子。帝孫
也。以愛故命爲子。謚文敬太子。通王諱。唐王諒。
肅王諱。資王諱。代王諱。昭王諱。欽王諱。珍
王諱。○順二十三王四子未封。薨。○憲十八王。○穆二
王。○敬五王。○文二子。莊格。大子永。蔣王宗儉。○武五
王。○宣十王。○懿七王。始唐宗室王。視帝子王祿。給頓
。倍二王。○昭九王。薄不足賴。率西外補官。官至宰相者九人。惟林甫姦幾
。天下中王賢。甘露之變。國倚以爲安危。社稷奠焉。此
如水火較著者。事具帝紀中。程知柔錄錄無發明。餘各
有所長。其在庶職。其各以才力效官者不數。而曹王臯

爲最云。

○李適之、恒山愍王孫，以左衛郎將累通州刺史，以辦治聞徙陝州刺史，遷河南尹，政不苟，穀洛歲爲暴，作上陽積翠月陂三大方，水不爲敗。天寶中，與林甫、金相見，傾罷，坐帝堅累，貶宜春太守，會遣御史羅希奭殺堅等，貶所過宜春，適之懼，仰藥自殺。

○峴，吳王恪孫，信安王暉子也，樂善下士，有吏幹，以門蔭爲高陵萬年令，魏郡守，入爲京兆尹，政務得人心，聲績茂著。玄宗幸溫湯，旬內豐供億以求媚，峴獨無所獻。帝異之，楊國忠忌其不附已，以雨災歸過京尹，出爲零陵守。至德初，肅宗召拜扶風守，兼御史大夫，擢京兆尹。於是與呂諲、李揆、第五琦、金輔政而峴資望最久，事多所獨決，閣輔國、宣敕下百司，百司莫敢覆峴極言其害。爲輔國所深銜，已糾侍御史毛若虛希旨用刑，亂國法，出刺蜀州。語具帝紀中。累遷禮尚書，代宗出居陝，峴辭商山走陝，從得復相，故事政事堂不接客，元載相爲中人傳詔者特置榻引升坐，峴敕吏撤榻，又奏常參官舉才任諫官風憲官者無限員，未踰月爲要近譖短，辭爲太子詹事，尋遷吏尚書，知江淮選，以簡較兵尚書刺

徵州卒信安王子三人。岷、嶧、峴。岷志行修立，官考功郎。以不附楊國忠，出守。與峴夾河典郡，皆以理行稱。從玄宗幸蜀，拜蜀郡太守。劾南節度採訪使，上皇在成都，軍誅夜亂，岷與陳玄禮等討平之。時峴以鳳翔守，肅宗兄弟同制，封公。當是時，岷爲戶尚書，峴吏尚書，嶧戶侍郎，兄弟同居長興里第，以兩國公門列十六戟，一三品門十二戟，時以爲榮。

○李勉，字玄卿，鄭惠王元懿曾孫。勉幼勤經史，長沈雅清整。從肅宗靈武，以監察御史劾大將背關坐。帝太息，以爲朝廷始尊者也。遷司膳員外郎。時關東獻俘百人，將卽死，有太息者。勉過聞之，對曰：「被脅耳，非反也。」立馳入見曰：「今元惡未珍，遭點汙者半天下，盡殺之，是驅天下資兒逾也。」使其中欲澡心自歸而無繇，宜招徠懷之。帝曰：「善。」立馳騎宥釋。於是自拔歸者踵至。累梁州都督。山南西道觀察使，前密縣尉王晔以勤幹聞，攝南鄭令，爲權幸所誣，搆處死。勉太息曰：「上方籍收宰爲民父母，奈何以讒搆殺良吏乎？」卽留晔爲請，得免。而勉追入爲太常少卿。晔後以推擇爲吏，有能名。天子欲柄用勉，李輔國恚，勉不下已。出郾州刺史。久之，觀察江西。時賊寇陷州縣，將吏內叛，勉僉力平定之。部人有父繫獄，以

木偶署勉名理之爲厭勝。驗治服。勉曰：是爲其父故。孝也。縱不誅，入爲京兆尹，兼御史大夫、魚朝恩領國子監，權寵震赫。前尹黎幹，諂事之，伺入監，每敕吏治數百人，具以餉。勉至，吏以請，執不可。朝恩銜之，出節度嶺南。異時，西南夷舶歲至者，纔四五。譏視苛謹，勉既廉潔，又不暴征。明年，至者乃四十餘艘。後召歸，至石門，盡搜家人所蓄，犀珍投江中。徙鎮滑毫，以舊德方重，不威而理。山東諸帥暴桀者，咸尊憚之。詔節度汴宋，未行李忠臣以汴將反，專汴。勉還滑。明年，忠臣爲麾下所逐，乃徙鎮德。宗立，就加同中書門下平章事。建中四年，李希烈圍襄城，詔汴兵出救。爲廷議通制而敗。希烈寇汴州，縣城守累月，而外援不至。潰圍，保睢陽。以簡輟司徒平章事。徵勉至闕，待罪。詔復位。勉自愧取充位而已。然自是益疏。居二歲而罷。勉少貧，客梁宋，途旅中有生疾且死，出白金口，君幸爲我葬。餘以奉君。勉許諾。旣葬，置餘金棺下。後其家來謁，勉其啓墓，出金付之。位將相二十年所得奉悉遺親黨。身沒無贏藏。在朝廷，鯁亮廉介，爲宗臣表禮賢下士。李巡、張參在幕府卒，每宴飲，設虛位饋次之。遣戍兵，親視其資糧。春秋存問其家室，故得人死力。

○李麟，懿祖裔也。父濬，歷潤、虢、潞三州刺史，以誠信號。

良吏麟博學善文辭舉宗室異能轉殿中侍御史累兵侍郎爲陽國忠所疾守河東政清遷祭酒上皇入蜀麟走行在遷憲部尚書遂得相時相相見素瑄相踵赴行在獨麟以宗室子留總百司上皇還京加中書門下三品封褒國公時張后挾李輔國共撓政它相畏其權皆附離取安獨麟守正不阿順罷爲太子少傅卒贈太子太傅諡曰德

○李夷簡字易之鄭惠王元懿四世孫始補鄭縣丞德宗幸奉天朱泚陽爲迎天子而遣使東出關至華追還所遣救襄城兵關吏不敢問夷簡曰泚必反帝越在外召天下兵未至若令泚多助是翼之也必驗之關吏馳及關果得符白關將駱元光斬賊使收僞符獻行在詔卽拜元光華州刺史而夷簡不問也舉進士調藍田尉遷監察御史元和時累御史中丞京兆尹楊憑驚而貪爲所糾貶臨賀尉賜金紫以戶侍判度支尋鎮山南旣得相李師道叛帝倚裴度以平賊夷簡自謂才不能當度求出外以僕射鎮淮南請老得分司東都卒夷簡致仕通顯以直道自閑未嘗以辭氣悅人歷三鎮家無貲產病不迎醫將終戒毋厚葬毋事浮屠毋立神道碑○曹王臯太宗子曹王明後也事母太妃鄭以孝聞安

祿山反奉母逃民間聞開走蜀謁玄宗授左領軍將軍
上元初旱歉祿不足共資請補外不許乃故冒輕法貶
温州長史攝州事州大饑發官廩數十萬石賑餓者掾
史叩庭請先聞臯曰人日不再食且死豈得待請哉卽
坐檀發死而衆生其利大矣乃自劾詔不問進少府監
州人侍御史李鈞與弟京兆法曹錡宦既遂不歸母窮
不自給臯行縣見之歎曰若二子者可與事君也與哉
劾之金錮死久之臯召還上書言治道授衡州刺史以
詆誣貶潮州方對獄時臯懼憂其母出囚服就理入擁
笏垂簷施施如平時及謫潮以遷告復還衡乃跪白母
告實母卒奉罷歸梁崇義反詔復官李希烈反遷江西
節度使受命不宿家抵鎮令將吏有功未申若懷謀力
願自效者聽自言江西牙將伊慎從希烈自歸臯壯之
使集兵繕舟師希烈遺慎七屬之甲詐爲書間焉帝惑
之中使就軍中卽訊臯抗疏爲論雪會希烈師來寇王
召慎激勉令破敵大克獲而臯所治戰艦選士二萬人
度可用攻賊蔡山柵柵固不可攻聲言西取蘄引兵循
淮沂江上賊聞以羸師保柵悉軍行江北躡之追且及
對壘矣則以舟師順流下攻蔡山柵立拔之賊還救不
及遂大敗取蘄平黃州帝狩奉天狩梁臯以天子處外

不敢居城府，出屯西塞山，徙郡縣市以憂國，而貢獻相望。遷荆南節度使，時朝廷仰食江淮，而西道出九江，至大別，與希烈接壤，臯轉戰數千里，大小三十二，取州五縣二十，未嘗敗北，師所過，士不敢伐桑棗，踐禾稼，國漕以通淮西平，請護母器歸東都，帝遣中人賜弔，令葬訖就鎮。初，江陵東北傍漢，有古坊廢不治，歲溢爲民患，臯修塞之，得其下良田五千頃，江南有廢州，規爲廬舍，構二橋跨江而流，人自占者二千餘家，繇荆抵樂鄉二百里，墟聚凡數十，不井飲，命鑿井以便人。貞元初，吳少誠檀蔡，徙鎮山南東道，割隋汝以益軍，練兵倚糧，市回鶻馬，益戰騎，歲時畋教戰，少誠畏之，臯性勤儉，能知人疾苦，參聽微隱，賞罰必信，所至常平，物估賤歛，貴出，豪舉不得擅其利，造戰艦，挾二輪鼓水進，駛於陳馬，所造作皆用省而利長，張柬之有園圃在襄陽，鬻將售之，扶風馬燹曰：「漢陽有中興功，遺業當百世保之，奈何取有之乎？」臯謝曰：「微君安所聞此言，立歸之。」卒年六十，贈尚書右僕射，諡曰成。

李嵩，淮安王神通玄孫也，少孤，事母謹。睿宗時，累衛尉少卿，母器柴毀，家人密親，未嘗窺其言笑。開元初，授以州刺史，爲政嚴簡，州境肅然，與兄弟昇、弟暈、尤、篤睦，昇

暈自東都省昌往來微行州人不覺也其清慎如此授
大常少卿累黃門侍郎兼太原尹太原舊俗有僧徒以
習禪爲業死不殮以屍送郊黃坑有餓狗千數恣食之
前後官吏不能禁昌申禮憲敕毋犯捕群狗殺之其風
遂革轉太常卿工尚書充使入吐蕃省金城公主轉兵
尚書昌風儀秀整所歷皆以威重稱卒贈益州都督
○李涵高平王道曾孫簡素恭慎累侍御史肅宗幸平
涼涵與朔方留後杜鴻漸草賤籍朔方兵馬倉庫儲蓄
詣平涼奉迎者也敷奏明辯除右司員外郎河朔平代
宗以涵忠謹遷左庶子兼御史中丞往宣慰會母憂起
復行使事外未嘗啓齒疏食水飲占席笑哭在疚也使
還請終喪服闋除給事中遷尚書左丞幽州亂充河朔
宣慰使還刺蘇州遷浙江西道都團練觀察等使德宗
卽位以涵和易無割割才除太子少傅充山陵副使以
右僕射致仕卒贈太子太保
○李戡襄常山愍王後少孤有勇力善挽強爲幽州都
知兵馬使寶曆中幽帥殺朱克融子竊據軍載戡數其
罪殺之簡較戶尚書兼御史大夫封武威郡王鎮幽州
盧龍李同捷據滄景載戡請討破平之太和中失軍帝
以平滄景功又恭順拜太保同平章事鎮山南移河東

所至暴橫。載義召其將李。軍暴中。國載義必行法戮之矣。罷防守兵。使兩卒司門。無敢犯者。加侍中。卒。

論曰。余次史。唐宗室王事。潛然異焉。曰。於戲。帝子孫王。至此乎。古封建親戚。以藩屏王國。未論。卽漢晉李諸王之禍。固適用自取也。武肅之際。繇女禍慘烈。玄三王繇惠妃。建寧越自張后。於宗室曷故焉。顧峻以不出閤。爲禁防。而以遺祿。山泚巢魚肉也。勵存者。委命於閹官。已併命於藩鎮。豈不哀哉。乃史猶以杜岐公。柳柳州之言。爲探本。猥以虞夏殷周。公天下之制。與秦政。居忍自擅。

挈短長輕重而偏較之也。謬矣。

論曰：... 宗室王... 日... 帝... 王...

...

...

...

...

...

國史上編卷之四十三

明肝郡鄧元錫纂

唐臣列傳

高祖既定關中。論功首尚書令秦王次僕射寂次納言文靖。以本深謀起太原。定天下。實文皇與文靖合而寂以官監於高祖。狎親。從關說故也。既卽位。寂以左僕射爲真相而竇威以太穆懿戚。蕭瑀以帝故人。守河池自歸。得爲內史令。掌樞機。然寂博徒。文靖麤險。好縱橫。其所繇於蕭曹絳灌異矣。故佐命不終。當是時。高祖念隋以主驕臣諂亡天下。知逢諛之爲禍酷也。第群臣以詹

事綱忠款。侍御史伏伽誠直爲第一。開忠諫之路。而太宗始入關。得照城尉房玄齡。一見如舊識。引爲腹心。玄齡薦如晦與瑋力。而二相有謨。馬邑郡丞靖。故與高祖。卻將行誅。太宗識其壯士也。爲固請以爲將。以爲大將。而著庸於方面。已秦王爲天策上將。開府置官屬。則開文學館。延四方文學士十八人。爲學士。恩禮優厚。與謨議論思得。預選者。時謂之登瀛洲。文事興焉。旣在位。召前府洗馬徵。前中允珪。爲諫大夫。召荏平人馬周。趣入見。立以爲諫大夫。並爲唐格輔。諸具帝紀中。史所稱應龍翔而雲雷興。震風薄而萬竅號。用之無方。取之有道。

斯氣之自然。豈足怪哉。嗣是豪雋矜奮英賢。盡力功施。
于後嗣。蓋至于永徽顯慶之間。用舊人圖政。而耆碩濟
濟也。陵遲至于天后。宣淫逆用。籠之以慶賞。繼之以刑
罰。使天下之人莫自必其命。而狄梁公大忠血誠。困辯
異權。全其身以濟君。徐司刑生德宅心。寧靜守氣。危其
身以庇人。漢陽沈幾。孚號衆正。與之協慮。不浹辰。反聞
周而復之乎。唐非太宗作人之效。斯爲烈哉。諸大者見
此謨。茲采其臣節著于編。

溫大雅

弘彥

太原祁人也。父君悠。有三子。長大雅。仲彥。博。

季大有。大雅孝友。有才辯。彥博聰悟。有口。大有端謹。皆

以學行稱。父友薛道衡。李綱歎以爲皆卿材者也。大雅事隋爲長安尉。以隋亂去官。高祖起太原。聞其昆弟賢。召之。引大雅爲軍府記室。大有爲太原令。大有從秦王擊西河。參行謀有功。還命與大雅同記室。掌機務。辭不許。旣高祖卽位。大雅與司錄竇威。主簿陳叔達等定禮儀。拜黃門侍郎。大有累中書侍郎。而彥博以幽州司馬勸其帥羅藝以幽州自歸。亦中書侍郎。嘗宴見高祖。以其兄弟並與樞。戲之曰。我起義。獨爲卿一門。亦豔之也。已大有卒。帝傷悼。而彥博以并州道行軍長史從衛將軍瑾討突厥。戰大谷。敗績。陷虜廷。突厥以其爲近臣也。

者而禮之。問國虛實。問軍多少。強弱。堅不對。遷陰山。苦
之事。聞天子壯其節。而隱巢之戚。大雅與決計。貞觀初。
進禮尚書。封黎國公。彥博自突厥徵還。簡較吏侍郎。封
西河郡公。已預朝政。彥博杜絕賓客。國家利害。知無不
言。卒之日。無正寢。殯別室。命有司造馬。贈特進。諡曰恭。
陪葬昭陵。初。大雅將改葬其祖父。筮者曰。必葬此地。將
福弟而害兄。大雅曰。若家弟並福。我含笑入地矣。歲餘
卒。始彥博與杜淹。陳叔達。竇威並事文中子。入唐。並掌
機密。隱巢譖慙急。高祖惑之。叔達以侍中苦諫。貞觀初。
拜禮尚書。勞之曰。武德時。知公有讜言。用相酬。叔達曰。

主臣。臣曩言爲社稷。非爲陛下。帝爲動容。淹事隱太子。得過與王珪流雋州。貞觀初。召拜御史大夫。奏諸司文案有稽失。請命御史就簡較。封德彝曰。設官分職。各有攸司。卽愆違。獨御史糾舉之而可矣。如淹言。瑣察非體也。淹默不復言。帝問淹。不論執何也。淹對曰。德彝所言。得大體。誠臣愚所不及。敢遂非乎。帝悅。威事見內紀中。

蕭瑀者。後梁明帝子也。封新安王。梁亡。以女兄爲隋煬帝后。見親。感末疾。不呼醫。口天假吾餘年。而疾不已。因得遂長逝矣。后聞責之曰。爾亡國之裔。而高爲怪語。是賈罪也。瑀乃復治疾。疾良已。拜內史侍郎。突厥圍煬帝。爲門。瑀前說曰。夷俗可敦與兵事。若走一介通義。成公主使。靖驗宜不戰而解。又衆藉藉。臆陛下平突厥。方復事遼東。故戰不力。願下詔赦高麗。專突厥。則人自奮。而突厥圍果解。師還。帝顧望瑀。乘國難相恐。辭也。

之出守河池郡。高祖入關，招之。瑀以郡自歸，封宋國公。拜民部尚書，遷內史令，委以樞筦。瑀曰：「孜孜自力，繩違覆，無憚避。」多見納用。嘗詔下中書，未卽行，帝讓其稽留。瑀曰：「隋季詔勅多違舛，至百司曾莫知所從。今國始基，安危繫命，令臣承詔旨，必覆審，使先後不謬，始下耳。」帝喜曰：「善。」瑀得給關內田宅，盡以分宗族。獨畱廟室奉先祠，進尚書右僕射、貞觀勅。房杜新得政，親用瑀，不無少望。封德彝以瑀薦，筦中書及議政有卻，而德彝工揣摩，爲容，房杜皆親德彝而踈瑀。瑀不能平，乘間切詆之。忤旨，會與陳叔達爭帝前，忿坐不敬，免官。帝終念之，從容謂玄齡曰：「瑀出守河池時，於剖心之禍幾矣，而幸全。武德中，太上皇有廢立之心，未決也。我不爲兄弟所容，實有功高不賞之懼。此人不可以厚利誘，不可以刑威懼。真社稷臣也。」又謂瑀曰：「卿守道耿介，古人無以過。」獨善惡太明，時有失爾，調劑之如此。瑀起拜謝曰：「臣蒙訓誡，許以守道，雖死之日，猶生之年。」十七年，與圖形凌煙閣。瑀終嫉玄齡等，斥以爲朋黨，無至心。陛下不諳知，但一反耳。帝笑曰：「人君當驅駕英材，推心委任，公言無已甚乎。」朕雖不聰，何乃頓迷藏否？至於此。瑀愈怏怏。帝積久頗銜之，未發也。會瑀醢信佛，請出家，旣而中悔，帝發怒。

敗商州刺史。已徵還。從幸玉華宮。遘疾卒。遣使弔祭。贈司空太常。謚肅。帝曰。易名之典。宜撫實。瑀執忠不移。貞也。然已褊。改謚貞褊。賜東園秘器。陪葬昭陵。德彝本名倫。諛佞善逢意。以恩禮始終。贈司徒。謚明方。隱巢時。瑀一心社稷。倫陽進忠款。而潛持兩端。陰附之。既死。迹露。改謚繆。

李尚書文紀。觀州蓆人也。少慷慨。尚風節。始名瑗。慕漢張綱之爲人也。改名綱。事周爲齊。王憲參軍。宣帝以猜故殺憲。召僚屬。誣證成其罪。綱矢死無撓辭。憲誅。露車載尸。故吏爭走匿。綱撫棺慟。躬瘞埋。哭拜已。乃去。隋爲太子洗馬。太子勇宴宮。臣庶子唐令則奏琵琶。又歌。娥媚娘曲。用爲歡。綱正色曰。令則職調護。乃自比倡優。進淫聲。請罪之。勇不悅。及廢。隋文召東宮官屬臨書。皆

股栗綱獨抗聲曰。廢立大事。中外大臣皆知其不可莫敢言。臣昧死一言。太子性本中人。可與爲善。可與爲惡。曩令陛下擇正人輔之。亦何渠至是哉。願以唐令則爲庶子。鄭文騰爲家令。惟祕歌鴈犬娛太子爲容。何得不至此。臣愚以爲此陛下之過。非太子罪也。因伏地嗚咽。不自勝。帝爲愴然久之。曰。綱責我是也。然我擇汝爲宮臣。而勇不親。得正人何益。綱曰。臣所以不見親者。繇姦人在側故也。陛下憊斬令。則文騰更選賢才輔太子。安知臣之終見棄乎。自古國家廢立。冢嫡鮮或不禍亂者。願垂三思。帝憮然罷朝。會尚書右丞缺。卽擢綱用之。爲

起迎謁。帝素聞其名。大喜。卽授相府司錄。封新昌公。卽位。拜禮尚書。典選。据正不諛。隨齊王元吉筦并州。竇誕宇文歆輔之。元吉縱左右攘奪。民愁苦。宇文歆諫不聽。數自發其狀。劉武周入太原。元吉棄軍奔京師。帝怒曰。歆可斬也。王少不更事。故以歆爲輔行。太原興王地。帶甲十萬。粟支十年。奈何乎。奪之。綱進曰。其實誕乎。王年少倨驕。誕不能諫。掩覆之。歆爭王之日淺。有關必諍。王

不悛。又以聞。此其人忠。可以忠爲罪乎。帝悅。引綱升御榻。勞之曰。微卿言。我幾濫刑舞工。安叱奴幸。以爲散騎常侍。綱諫曰。古均工樂胥。雖妙如師襄。才如子野。皆縱世不易業。不得於士齒。故魏武使稱衡擊鼓。衡先解朝衣。曰。不敢以先王法服爲伶人衣。今國家新造。功臣之賞未徧。賢才伏草野未用也。而先擢舞胡爲五品。使鳴玉曳組。趨丹地。何以示子孫。帝不納。又頻諫東宮。不見聽。遂求去。帝嬖罵之曰。卿爲潘仁長史。不耻。顧耻朕尚書耶。綱頓首曰。潘仁賊也。志殘殺。然臣每論諫。輒止。臣爲其長史。可無愧。陛下創業垂統。而臣有言。乃如水沃

后事東宮亦然。敢冒官乎。帝謝曰。知公正直。幸終輔吾兒。乃拜太子少保。尚書詹事。如故。太子縱飲無節。又信讒慝。疎骨肉。綱力諫不入。恒慙不自聊。固請老。解官。久之。太宗嗣世。立皇太子。難其傳。召拜太子少師。時綱老病足蹇矣。賜步輿出入。命太子引上殿。親拜之。太子攝政。命綱與玄齡。珪參朝政。綱辭色慷慨。有不可奪之節。大子嚴焉。無何卒。年八十五。贈開府儀同三司。謚曰貞。綱內行甚備。群五世同居。齊王憲既誅。女嫠居綱。自以故吏。存卹甚厚。及綱卒。女被髮號哭如親。喪。孫安仁。安靜。求徵中太子忠。廢出。卹安仁為左庶子。並拜。禮去。安靜為右衛將軍。天授中。繫獄。來俊臣問狀。安靜口正。以我唐舊臣。殺之可也。若詰其反狀。吾誰欺。遂

死

孫伏伽。貝州武城人。仕隋。以小史累勞。補萬年縣法曹。武德初。上書請納諫。爭禁貢獻淫樂。請選太子諸王僚友。帝立。召拜治書待御史。日以來諫者。時軍興賦歛重。伏伽請從其薄。以附民。東都平。赦而摘賊支黨。命配流。伏伽諫曰。臣竊讀陛下月二日詔。非直宥有罪也。抑欲與天下同更新。令世充建德所部更流徙。豈詔書意哉。書有之曰。殲厥渠魁。脅從罔治。今渠魁既宥。脅從何辜。且彼固吠非其主也。曩天下未平。當幾制變。不得已於法外斷置。有之矣。今四方已定。惟其法當與天下共守。

之可二三乎。帝敬納。太宗卽位。出馳射。伏伽諫曰。臣聞天子居則禁衛九重。行則出入警蹕。所以重社稷也。走馬射獵。直年少諸王事耳。陛下起諸王在位。猶然循舊。貫不改乎。非所以端拱穆清。刑後世也。帝悅。以爲諫議大夫。遷大理少卿。司農市木材。與民直倍。劾隱沒。下大理伏伽曰。頃緣官市貴。故民直賤。司農用與之倍。直以饒民。臣見其識大體。不見其罪。帝悅。拜大理卿。久之。出刺陝州。永徽中。乃老。始伏伽與張玄素皆爲隋掾吏。太宗嘗語及曩事。玄素愧汗不能容。而伏伽於廣坐。自陳說生平。不少諱。拜侍御史時。被內旨未下。歸卧家。無喜。

色。頃之。御史畢造門。子弟礪白。乃徐起見之。人以比吳
顧雍云。時安。貶胄爲大理卿。守法不阿意。語具刑法
志。遷尚書左丞。會僕射闕。帝委以令僕之任。又以胄敢
諫爭。令兼諫大夫。與魏徵更日侍直。論國政甚夥。帝每
歎以爲情深體國也。而奏上輒削草。故人無傳焉。嘗攝
尚書典選。頗抑文雅。尚法吏。人頗以寡學爲訾。至爲左
右丞守法。頌以爲武德來一人而已。卒贈尚書右僕射。
封道國公。以貧。宅舍陋。祭享無所。詔有司爲立廟祀之。
相玄齡徵與胄善。其歿也。至生平故處。輒流涕。胄無子。
以兄子至德爲後。至德乾封中亦爲尚書右僕射。預政
與左僕射劉仁軌更日受牒訴。有訴

牒入仁軌常以美言啗之至德必據理難詰不遽與奪
實有寃結者密爲奏辯之或問何也至德曰威福者人
主之柄何人臣敢預乎高宗聞而重之有老嫗欲詣仁
軌陳牒請至德至德覽未竟嫗曰本謂解事僕射乃不
解事僕射邪歸我牒至德笑授之時稱其長者
蘇世長雍州武功人性敏慧有口能以辯給濟其直十
餘歲時上書周武帝言事帝異其幼召問所讀書對曰
讀孝經論語問孝經論語何言最要對曰孝經云爲國
者不敢侮於鰥寡論語云爲政以德帝悅令於獸門館
讀書以父振及王事令嗣建成威縣侯世長家武功高祖
徵時客武功識之天下亂世長事主世充世充敗自歸
擢諫大夫帝獵涇陽而獲喜詔左右曰今日畋樂哉世
長曰不滿十旬未樂也帝色變已而笑曰狂態發耶世
長曰於臣則狂於陛下甚忠韋侍宴披香殿酒酣舉觴
叩視曰主臣此殿豈煬帝時作耶帝曰汝似直而詐豈
不知此殿爲我所營乎對曰臣實不知第見殿雕甍如
瓊宮瑤室竊以爲非興王之所爲耳昔侍陛下於武功
見所居宅屋塵蔽風雨時不謂不足今因隋宮室不營
足矣又增之豈所以易亂哉帝咨重其言世長嗜酒好
諧噱無威儀而辭悟超然正觀初使突厥與頡利爭

不屬朝廷。壯其節。擢巴州刺史。并敗溺死。子良嗣。自有傳。

張玄素。蒲州虞鄉人。爲隋景城縣戶曹。竇建德陷景城。將殺之。邑氓千餘人號泣請代。曰。此清吏。殺之無天。建德釋不殺。用之。建德平。授郡錄事參軍。太宗卽位。聞其名。召見。問政。對曰。臣觀隋氏所以亡者。獨自專自用。不用人。夫以一人之智。親群下之務。卽使得失參半。爲謬已多。况得者無幾。而失者過半乎。群臣下懼。唯言莫違。下諛上蔽。不亡何待。臣觀隋末器亂。其欲爭天下者。獨十餘人而止。餘皆保鄉黨。全妻子。待有道而歸之。乃知百姓非誠好亂。患人主不能安之耳。陛下誠垂意於安。

民擇群臣任職高拱而考其成。豈憂治哉。帝善其言。擢侍御史。會有詔脩雒陽宮。備巡幸。上書言。雒陽未有巡幸之期。而預脩宮室。非急務也。昔漢高啓七國土宇。後終構禍。突厥之親。何如七國。而陛下散處之中國。所宜先憂。臣竊見隋營宮室時。輦大木。率二千人而曳一柱。以木爲輪。木相摩而火出。則鑄鐵爲轂代之。日行一二里。轂破折。則數百人齎鐵轂隨易之。計一柱之費數十萬。此天下之所以亂也。陛下初平洛陽。隋氏宮室宏侈者。皆令毀之。曾未十年。復加營繕。何前日惡之。而今日顧效之也。陛下謂今日財力何如隋世。然且役瘡痍之

人襲亡隋之迹。禍必甚矣。帝覽之。召謂曰。如卿言。朕甚
於隋末。何如桀紂。對曰。若此役不息。亦同歸於亂耳。帝
歎曰。思之不熟。以至於此。命罷役。賜玄素絹二百匹。魏
玄成歎之曰。張公論事。有回天之力。可謂仁人之言其
利溥矣。累太子右庶子。時承乾在春宮。不說學。玄素上
書勸學。薦宮僚孔穎達。趙弘智。皆宿儒。宜數召見。增懿
德。時詔太子用庫物。不會承乾發取無度。玄素上書曰。
周武帝卑宮陋食。以靖海內。而太子贊有穢德。至踐祚
狂暴。宗祀以亡。隋所代是已。隋文雖席女資有天下。然
布德行惠。上下粗安。而太子勇以驕侈敗。今宮中山池。

其所築鑿。殿下所日見也。夫親則嫡子。貴則儲貳。自謂有萬世之安。庸詎知奸人間之。致慈父之隙。不可合哉。何使動靜有常。進止有度。近君子。疎小人。黜浮華。守恭儉。雖善間者。亦安所從入矣。今陛下本周典。王世子服御。不會以明有恩。甚盛惠也。而恩旨未踰六旬。用物已過七萬。驕奢之極。其究爲亂。惟居安思危。太子怒。令戶奴狙擊之。幾斃。承乾廢除名。已授潮州刺史。轉鄧州。永徽中。致仕卒。

馬周

字賓王

清河茌平人。少孤貧。嗜學。鄉人以其無細謹

也。薄之。武德中。補博州助教。不治爲刺史。噍讓去。客密

州密州守趙仁本奇其才。謂之曰：天子明聖，此君自見時也。厚爲裝齎之，令入關。過汴，爲浚儀令所絀辱。舍新豐逆旅，主人不禮焉。周命酒獨酌，悠然自得也。至長安，舍中郎將常何家。會詔百官言得失，何武人不學。周爲條時務二十餘事上之。帝覽奏，大驚，召何問。汝安從受此書？是所言通達國體，可相也。何謝曰：主臣此非臣所言。臣客馬周者，代臣具草耳。帝喜曰：客安在？曰：館臣所。帝大喜，立召見。未至，遣使敦趣者四輩。入見，與語大悅。之詔直門下省，拜監察御史。以何能得人，賜帛三百匹。周退，上封事曰：臣每讀前史，見前世所爲忠孝事，未嘗

不廢卷太息。思慕用之也。臣不幸蚤失父母。犬馬之養。既無所復施矣。念猶有可勉者。曰忠。是以徒步二千里。歸於陛下。蒙陛下不次拔擢。則固臣勉畢命之力也。敢竭區區。臣聞天子之德。莫大於孝。孝。教之本。政治之所從出也。伏見大安宮。在宮城西內。墻宇門闕。視紫極爲庳小。又東宮。皇太子所居也。而內大安。太上皇所居也。而外。雖上皇志在清儉。愛惜人力。陛下所不敢違。而中國四方蕃夷入覲者。見之。將何觀焉。願改築雉堞。門觀。從高敞。稱萬方之望。臣伏聞明詔。以二月幸九成宮。道路之言。云爲避暑。竊惟上皇春秋高。陛下宜朝夕問安。

視膳。今所幸宮。去京城三百里餘。非可以旦發而暮至也。萬一上皇思念陛下。欲一見顏色。不識陛下將何以赴之。且上皇留熱處。而陛下以避暑行。非所以教孝也。卽業不中止。願先示還期。以祛衆惑。臣聞孝莫大於嚴父。嚴父莫大於配天。國之大事。在祀與戎。孔子亦言。吾不與祭如不祭。是故祭所以追養而繼孝者也。自陛下踐阼來。宗廟之享。未之嘗親。竊揆聖心。詎不以乘輿一出。所費不訾。百姓奔走疲弊。故忍孝思。冀安便之乎。然一代史官。不書皇帝入廟。將何以貽示來世也。臣誠知大孝不在俎豆。而聖人訓人。必以已先。願親饗祠。以反。

本報始。臣伏讀詔書。宗室勲賢作鎮藩部。令子孫嗣守。非大故母黜免。誠欲其胤裔與國共其慶無疆也。竊以爲陛下誠愛之重之。必思以安之。豈必世官哉。夫以堯舜之父。猶有朱均之子。況以來許。何能皆賢。儻有童昏。間得嗣職。兆庶被其殃。國家受其敗。欲絕之乎。則子文之治。猶在。欲留之也。而樂厲之惡已彰。與其毒害於見存之百姓。必且割恩於已亡之一臣。則向所謂愛之者。適以傷之也。謂宜賦以茅土。疇其戶邑。必有材行。隨方器使。理之得者也。臣聞致理之道。在求賢審官。而爲政之基。必揚清激濁。孔子曰。唯名與器不可以假人。言

嶺舉也。伏見王長通白明達。本樂工與阜常槃提斛斯
收。獨習解調馬。所謂矇瞍之能。斲圉之技。獨可厚賜金
帛。使饒給而足矣。今超授高爵與政。外廷朝會之期。令
驕豎倡子。鳴玉曳履。與大夫士相後先。臣竊耻之。臣誠
知朝命既行。不可追奪。謂宜不列朝班。混預士品。帝深
納之。尋除侍御史。加朝散大夫。時天下安輯日久。土木
甲兵事稍興。又頗廣儲蓄。魏王泰有寵。月給賞賚。踰太
子周。疏陳儆曰。臣竊尋夏商周漢之有天下。傳祚相繼。
多者八百餘年。少者四五百歲。皆繇累業積德。恩結於
人心。豈無僻王。賴先德以免也。魏晉以降。迄於周隋。嗣

傳之主。輒受其敗。此繇創業之君。不務仁化。當其時。僅自保。無遺德可思也。今陛下以大功定天下。而德積之日淺。固當隆禹湯文武之道。節儉約已。勤施及人。使天下之民。愛之如父母。仰之如日月。畏之如雷霆。而後卜祚靈長。禍亂不作。子孫萬世。憑藉之基。始此矣。今百姓承器亂之後。比於隋時。纔十一二。而徭役相望。兄去弟還。遠者五六千里。無時暇休。陛下屢詔減省。而有司不得廢作。徒行文書。煩役自若。百姓咨嗟。頗以爲陛下不存養之。京師及益州諸處。營造供奉。器物并諸王妃王服飾。皆過靡麗。臣聞昧且不顯。後世猶怠。作法於涼。

其弊猶貪陛下少處民間知百姓疾苦前代禍敗又目
所親見然且如此况皇太子諸王生長深宮不更外事
者乎此聖慮所當憂也自古黎庶怨叛聚爲盜賊其國
無不亡滅人主雖悔未有能安全者也往貞觀初率土
罷儉一匹絹纔易斗米而天下帖然者百姓知陛下之
憂憐之故人人自安無動搖也五六年來頻歲豐稔一
匹絹且易粟十餘斛而百姓咸怨以爲陛下不憂憐之
多營不急之務故也百姓怨讟而土崩之漸始此矣夫
國家興亡不繇蓄積之多少而係百姓之苦樂請以近
事驗之隋貯洛口倉而李密因之積布帛東都而王世

充因之。西京府庫亦獨爲國家用。夫貯積固有國者惟正之供。豈顧不用哉。惟儉以息人。人有餘力。則天下樂輸將而國安。若人已勞匱而用之不息。則下民懷愁苦而國危。今平居竭民財力。一旦水旱風塵之警。狂狡竊發。豈直貯食晏寢之憂而已哉。語云。動人以行。不以言。應天以實。不以文。陛下勵精致行。何必遠古。但及貞觀初。而天下歌舞之矣。臣竊尋漢晉來亂。天下者何嘗不在諸王哉。非帝者之子孫。王則不善也。皆繇樹置失宜。不豫爲制節。而然耳。今此諸王。身食大國。何患不富。而歲別優賜。曾無限極。里語曰。貧不學儉。富不學奢。言自

然也。昔魏武過寵陳思。文帝卽位。峻防密禁。有同拘囚。何則。先帝加恩太厚。故嗣主疑而畏之。則武帝之寵陳思。適所以禍之也。誠宜制長久之法。酌滿損飽。使本支百世天下幸甚。他又言。今獨重內朝官。刺史縣令。頗輕其選。非治體。皆王體要機。城陽公主下嫁。卜婚期。繇曰。二火皆食。始同榮。未同戚。晝昏吉。詔許晝昏。周諫曰。朝謁以朝。思相戒也。講習以晝。思相成也。燕飲以晡。思相歡也。婚合以夜。思相親也。故上下有成。內外有親。動息有時。吉凶有儀。今先亂其始。不可爲也。夫卜以決疑。而以之黷禮慢先。又何貴焉。帝曰。善。周機辯明銳所敷奏。

動中事會。裁處精密。每奏上。帝未嘗不喟然稱善也。岑
文本。堂言馬君論事。援引事類。揚推古今。舉要刪煩。會
文切理。無一言可損益。聽之纚纚。令人忘倦。第爲肩火
色。騰上必速。恐年不久長耳。累中書侍郎。太子右庶子。
帝征遼。以中書令輔太子定州。還攝吏部尚書。病消渴。
連年。帝幸翠微宮。求勝地爲構第。詔尚食賜膳。上醫護
視。帝躬爲調藥。疾病取平生所上諫草焚之。曰。暴君之
過。取身後名。吾不忍爲也。卒年四十一。贈幽州都督。陪
葬昭陵。

子載。官吏侍郎。
典選。以平允稱。

劉洎。字恩。荊州江陵人。事梁主銑。以黃門侍郎畧嶺表。

道。

下五十餘城。未至而梁敗。因歸惠。累治書侍御史。時尚書省奏復稽壅。至彌年不下。洎疏言尚書萬機之本。貞觀初。未有令僕職。併務繁。而左丞。右丞。徵。彈。舉。無。回撓。而百司肅如也。比勲親在位。功勢相傾。卽欲自強。翬謗叢集。郎中惟事咨稟。尚書不得專裁。綱紀不振。固在於是。誠使左右丞兩司郎中。得剛勁不撓者爲之庶有振乎。帝曰。善。無如卿者。立拜尚書左丞。遷侍中。預朝政。帝敏博。善持論。每與公卿言。引古道相詰難。洎疏諫曰。帝王之與凡庶。聖哲之與庸愚。其上下至懸絕矣。以至愚而對至聖。以極卑而對極尊。卽降恩旨。假慈顏。凝旒。

虛襟以納其說。猶未或敢自盡也。况動神機。縱天辯。飾辭以折其理。引古以排其義。欲令凡庶何階對揚乎。且多記則損心。多語則損氣。心氣內損。形神外勞。非歛福弘下之道也。帝手書答曰。非慮無以臨下。非言無以述慮。比有談論。遂致煩多。輕物驕人。恐繇茲道。形神心氣。非此爲勞。今聞謹言。虛懷以改。皇太子初立。洎上書曰。太子宗祧。是繫善惡之習。興亡之幾。在焉。昔鼂錯上書。令通政術。賈誼奏計。務知禮教。此本務也。今太子孝友仁愛。挺自天姿。藝宮論道。宜弘四術。雖春秋鼎盛。傍躬有漸。而歲月易往。墜業難追。陛下誕敷膺圖。登庸歷試。

多才多藝道著於匡時。允武允文功成於纂祀。尚且雖
休勿休。日慎一日。求多聞於古昔。勞睿思於當年。乙夜
觀書。馬上披卷。而令太子優游棄日。不習典章。此臣所
未諭也。陛下歷該衆妙。獨秀寰中。猶晦天聰。俯詢凡識。
聽朝之隙。引見群臣。降以溫顏。訪之今古。以故朝廷是
非。閭里好惡。畢關聽覽。而令太子久入趨侍。不接正人。
不聞正論。又臣所未諭也。古問安而退。以廣敬。異宮而
處。以遠嫌。問者太子入侍。動移旬朔。師傳以下。無繇接
見。俱奉有間。暫還東宮。則拜謁既疎。欣仰不暇。何規諫
之得陳哉。願循前躅。弘遠規。俾太子得以時懋學。帝曰。

善。卽勅洎。文本周。日直東宮。及征遼。命簡較民部尚書。
輔太子監國。帝曰。卿今輔監國。係社稷安危。宜副朕倚。
毗至意。洎率爾對曰。願陛下勿憂。大臣有罪。謹按法行。
誅之矣。帝怪其語不倫。戒之曰。卿性疏果。不戒者敗師。
還帝不豫。洎與馬周入候。出爲大言。大臣忌忿之。入以。
告。帝大怒。以爲狂易。非少主臣。遂賜死。且死。從獄吏求。
箠扎。欲有奏。吏禁不予。而遂死。帝聞。頗悔。下吏獄罪焉。

高儉。字士廉。北齊清河王嶽孫。文德皇帝后母舅氏也。后。
父左驍騎將軍。生太尉無忌。及后。而早世。士廉迎女。
弟若甥。養之。識太宗於微。以后歸之。爲隋治禮郎。以。
歸于世。從交趾守丘和。保境自歸。當是時。太宗爲秦王。

收雍州矣以爲涼中親重之隱太子之亂與無忌與大計太宗卽位遷侍中封義興郡公坐事出督安州遷益州大都督府長史蜀人畏鬼惡疾父母病皆委去不扶侍
變袈裟禮僧引諸生講授經藝學較復興引李冰所導波江水故渠旁出以廣灌溉蜀郡以饒入爲吏尚書封許國公高祖
伐高麗攝太傅士廉明辨善容止每獻納縉紳屬目卒贈司徒謚文獻陪葬昭陵配饗太宗朝廷
唐儉字茂約并州晉陽人父鑒刺戎州於高祖有舊高祖守太原儉來謁從太宗游從容語天下大計與合意太宗喜白見之說高祖開府庫招豪傑收燕趙以長驅秦雍高祖喜懼授記室參軍武德初累中書侍郎獨孤
懷恩者高祖毋弟子也以工尚書屯蒲州討劉武周而貳儉使武周軍聞之密以帛書聞適高祖將幸蒲至中潭得奏大驚亟旋駕捕反者而懷恩就誅太息曰微儉幾陷虎口後白拔歸簡較黃門侍郎封莒國公以懷恩田產賜焉日儉愛我身繫于賊而急我脫我難拜禮尚書爲天策府長史貞觀初使突厥奉隋蕭后及楊政道以歸已復使說頡利白歸頡利聽其言罷軍矣李靖淹

擊之爲功，跳身亡，乃免。從獵洛陽苑，有群豕出莽中，帝一發四殪，一豕突前及馬，鑒僉急投馬搏之。帝拔劍斬豕，顧笑曰：「大策長史，不見上將擊賊邪？何懼之甚也！」對曰：「陛下以神武定四方，奈何逞雄心於一獸？」帝悅，爲罷獵。在官頗縱不事事，責授光祿大夫、永徽中，致仕。加特進，卒。年七十八。高宗爲輟朝，贈官諡曰襄。葬陪陵。張行成，字德立，定州義豐人，少師事河間劉炫，受經精勤不倦。大業末，察孝廉，爲謁者散從員外郎，入唐補宋州穀熟尉，累殿中侍御史，遷給事中。太宗嘗言山東關中人意有同異也，行成侍進曰：「天子以四海爲家，當兼合并包，於山東關中人而見，謂有同異，是示人以不廣也。」帝曰：「善。」帝臨軒，頗以兼行將相事自詡，行成疏諫曰：「陛下撥亂反正，遠邁周漢，何臣下敢望然？聖德含光，天道不言，何用臨朝較量？與臣下爭功能哉？」帝深納之。轉太子詹事，帝東征，皇太子於定州監國，定行成所生邑也。太子令有司祠其先人墓，寵之，行成以學行自尤。其鄉人魏唐卿、崔寶權、馬龍駒、張君勛等，太子悅，召見以年老不可勞，以政皆厚賜而遣。爲河南巡察大使，還稱旨，兼簡較尚書左丞。太宗幸靈州，欲以太子從，行成諫曰：「太子居春宮之日淺，宜命監國，對百寮，日決庶務，重

京師示四方以盛德、從行無爲也。帝曰：善。遷侍中高宗卽位，封北平縣公，以地震納規，以旱請避位。帝曰：公，我舊人，奈何舍我去乎？爲之流涕，行成不得已。起視事，無何卒。帝哭之哀，贈開府儀同三司，祭以少牢，賜東園秘器。諡曰定。

高季輔，德州脩人，少好讀書，擊劍，事母孝，能琴，兄事隋爲汲令。隋亂，盜殺令，季輔以其人格盜斬之。貞觀中，以中書舍人上五事，其一言：陛下德超邃古，平定天下，而刑罰未云措者，繇謀猷之臣不弘簡易之政，臺閣之吏昧於經遠之道，執憲者以深刻爲奉公，當官者以侵下爲益國，故也。宜擇溫厚脩絜之吏，使任尚書，敦朴素華，浮僞俾家識慈孝，人知廉耻。其二言：陛下身帥節儉，而管絃未息，丁匠不能給驅使，又和雇以重之，願愛其力，無使殫敝。畿內數州，土狹人衆，儲蓄少而科役多，均差役於江南河北，舒閒之處，令得休息。其三言：公勲戚之家，封邑俸稍足給私奉養，而出貸舉息，爭什之利，宜懲革其四。言：今外官卑品，皆未得祿，饑寒切妻孥交謫，卽夷惠不能全其操。雖巡察歲出，輜軒繼軌而侵漁不爲改也。宜稍加廩賜，使得仰事俯畜。然後責其廉，其五言：陛下友愛諸王，而帝子拜諸叔，諸叔

非禮也。王爵既同，家人有體，宜齊之以禮。奏上，賜錢一劑。曰：卿進藥石之言，以藥石相報，爲吏侍郎銓。人物各當其才，賜金背鏡，况其清鑒相高宗。卒，謚曰憲。

于志寧，雍州高陵人。周太師謹曾孫。大業末，爲冠氏長。棄官歸鄉里。入唐，爲天策府中郎、文學館學士。貞觀中，以中書侍郎行太子左庶子。志寧以承乾數虧禮法，志在匡救，撰諫苑二十卷進之。帝大悅，賜黃金十斤。遷詹事，會母老，免。詔起復本官，固請終喪。帝遣中書侍郎岑文本諭旨曰：太子之齒長矣，失教，煩公卒調護。志寧不得已就職。時承乾以盛夏農時，造曲室，昵閹官，令宿左右。志寧數強諫。承乾恚，遣刺客就殺之。客入其第，見志

寧寢處苦塊如初喪內感動而免承乾廢宮僚皆獲罪
獨志寧以強諫見褒高宗爲皇太子復授左庶子未幾
遷侍中進燕國公帝卽位洛陽人李弘泰坐誣告太尉
無忌詔致辟志寧日時方陽和萬物生育而行誅傷春
令請需時衡山公主旣公除當出降志寧曰禮女子十
五而笄二十而嫁有故二十三年而嫁春秋書魯莊公
如齊納幣杜預云譏喪未再朞而婚公主未移天禮服
斬願遵高宗令軌畧孝文權制詔公王待器畢成婚已
許敬宗逢武后意誣志寧黨太尉無忌降授滎州刺史
轉華州乞骸卒

論曰方玄武門伏甲海池泛舟時君父臣子之際岌岌乎殆哉及內禪尊養隆備矣而馬賓王徒步謁天子猶本孝廣忠摠忠勸孝終主於格心斯彞教之本哉張公之論事回天而以承乾故見廢于燕國犯顏色最苦幾身切于刺而廢王立武時乃以閔默見殃則所遇之勢異也好論議者猶然用相訾悲夫

郝處俊安州安陸人唐初父相貴以硤州歸國封甌山縣公刺滁州卒官故吏歸千緡爲賻處俊甫十歲讓不受處俊兄弟友睦事諸舅甚謹舉進士拜東臺御史高宗幸東都從道中召與語問曰我嘗疑秦法寬荆軻一匹

夫耳。挾匕首竊發。群臣荷戟侍殿陛。莫之敢撓。將習慢。然邪對曰。法已急。故耳。秦法持寸刃上殿者族。誰不畏。見族而敢動乎。故曰已急。故也。昔魏王操著令。京城有變。九卿守府寺。毋動。動者死。後嚴才作亂。徒黨纔數十人。攻左掖門。操登銅雀臺望。無救者。歎之。已有領官屬來前格戰者。操曰。必王太常也。王脩識幾變。能冒法赴難。盜以禽滅。已詢之。果脩也。故法不可急。亦不可慢。詩曰。不懈于位。人之攸暨。仁也。又曰。式遏寇虐。無俾作慝。義也。書曰。高明柔克。沈潛剛克。中也。帝曰。善。轉中書侍郎。監脩國史。帝爲言。許敬宗所紀史。多失實也。朕昔從

幸未央宮。仗過有橫刀伏草中者。先帝爲歛轡却避之。不發覺。謂朕曰。事發有數十人當死之者矣。今紀殊失實。處俊曰。先帝仁恩溥博。非一端。臣弟處傑預供奉。見三衛士有誤拂上衣者。悸請死。帝曰。左右無御史。無恐。朕不汝罪也。帝感動曰。此皆史臣所當謹書。於是勅史官刪史僞辭焉。上元元年。賜吏民酺。帝御翔鸞閣以觀分音樂爲東西。明使雍王賢。周王顯。各主之。聽角勝爲樂。處俊諫曰。臣聞禮示童子以無誑。恐詐欺之心生。以閑邪也。今二王富於春秋。志趣未有定。當推梨讓棗。奈何。令以音樂較勝乎。帝亟止之。晚年。帝欲餌方士所治

丹冀延年欲遜位天后皆力諫。語具。帝紀異教考中。卒年七十五。帝痛惜之。處俊資約素。土木形骸。然臨事敢言。自秉政在帝前。論議傳經義。諄諄規獻。得大臣體云。張文瓘。貝州武城人。幼孤。事母兄以孝友聞。高宗時累東臺侍郎。知左史事。時造蓬萊上陽合璧等宮。又征討四夷。文瓘引秦漢事。四夷造宮。室使天下士崩以諫。詔節減廐馬數千疋。遷兼大理卿。決遣疑事。四百餘條。畢明允。嘗有疾。繫囚相與齋禱。願張公疾速已。得出亭獄。遷侍中。因聞皆慟哭。以爲莫予白也。在中書。諸司奏議多紕駁。帝甚委重之。嘗卧疾。國有大事。帝必問宰司。與

文瓘議未日未也。必遣問。後發兵討新羅。文瓘力疾入
請見。口今吐蕃犯邊。兵在寇境。新羅雖未效順。亦未內
侵。若二虜並事。臣恐民力之滋不堪也。請息兵脩德以
安民。帝從之。卒贈幽州都督。諡曰懿。

劉仁軌。汴尉氏人也。少貧賤。好學。值亂不能安業。每動
止。畫地書空。寓所習。以通博聞。武德初。稍除陳倉尉。部
人有折衝都尉者。怡高斑豪奪。歷政莫能禁。仁軌誠喻
之。愈益橫。杖殺之。州司以聞。太宗怒罵曰。是何縣尉。輒
殺吾折衝。逮廷詰。不撓。奇之。擢櫟陽丞。貞觀中。帝將幸
同州。較獵。仁軌表諫曰。臣聞屋漏在下。知之者在上。愚

夫之計。擇之者聖人。陛下仁愛節儉。朝夕以百姓爲心。一物失所。納隍軫慮。今甘雨應時。秋稼極盛。青黃巨野。十收一二。盡力刈穫。猶未訖功。卽獲竟者。方擬樹麥。而令供畋事。修橋道。妨農。願少留萬乘。聽一介之言。太宗降璽書勞答。拜新安令。高宗時。累給事中。以按畢正義獄。爲李義府所深怨。出刺青州。會征遼。令浮海部饗運。以失船。命監察御史袁異式往鞫之。異式承義府旨。使自裁。仁軌曰。當官失職。國有常刑。公以法論之。無所逃。仁使自引決。快讐忿。所不能也。具獄上。除名。以白衣從軍。顯慶中。百濟反。守將劉仁愿被圍困。詔仁軌以方州。

刺史統熊津軍。并發新羅兵援之。仁軌請唐曆及廟諱以行。曰。吾欲頒大唐正朔於海表矣。竟平百濟。守已復。便宜留屯。有大臣之節。語具戎狄志。還擢右相。總章中。副李勣討高麗。咸亨中。伐新羅。皆有功。同中書門下三品。進爵樂城公。少府監裴匪舒多心計。奏請賣苑中馬糞。可得二十萬緡。帝以問仁軌。仁軌曰。利則利。然傳之後世。稱唐家賣馬糞。非所以爲名也。帝笑而止。造鏡殿。召見仁軌。入驚出走。問之。對曰。天無二日。土無二王。適見四壁有數天子。不祥孰甚焉。帝亟命剗去。時帝與天后共政。仁軌之意。蓋以諷。后臨朝。拜左僕射。爲東都留守。

守。仁軌辭疾。因陳呂后產祿禍敗以規后。璽書慰勉。改

文昌左相卒。

年八十五。璽并州大都督。陪葬乾陵。

李義琰。魏州昌樂人。博學多通。少舉進士。補太原尉。時英公勣為并州督。僚吏皆望風震懼。義琰獨面爭曲直。勣甚禮之。累中書侍郎。高宗欲傳位天后。與中書令處俊爭事。得寢。章懷太子廢。赦宮僚。慰勉令復職。皆舞蹈謝。義琰兼官庶子。獨引罪涕泣。宅無正寢。弟義璡為岐州。市材送馬。義琰曰。以吾為相國。甚愧。更營宮室。是速禍也。義璡曰。人仕為丞尉。即營第宅。兄何宜偏下。義琰曰。事難全遂。物不兩興。既有貴仕。又廣居室。吾懼獲戾也。竟不營構。而罷。以足疾乞骸。垂拱初。為懷州刺史。自以失則天意。患禍及。固辭不拜。卒於家。

杜景儉。冀州武邑人。舉明經。為益州錄事參軍。時隆州

司馬房嗣業方在州。得報徙州司馬。欲即視事。答人吏

立威。景儉曰。公受命。未有詔。奈何急數日祿為乎。詔少

選下。非晚矣。嗣業怒弗聽。景儉曰。公持咫尺報。真僞未可知。卽欲作威福。亂一府耶。敬業揚州之禍。類此矣。叱左右罷去。旣得報。果荊州也。人吏歌之曰。錄事意與天。通州司馬折威風。繇是知名。入爲司刑丞。治詔獄平恕。與徐司刑有功齊名。人所稱遇。徐杜必生者也。改秋官員外郎。按罪已輒釋。武后怒其不待報也。讓之。景儉對曰。日明詔。六品七品官。文辯定。聽待命于外。臣以爲奉詔也。宰相曰。詔爲司刑設耳。秋官何與焉。景儉曰。方布詔時。不異臺寺。故守之。后以爲守法。擢鳳閣侍郎。平章事。季秋時。后出梨華一枝示宰相曰。何祥也。衆皆賀以

爲德及草木。景儉獨曰。臣聞洪範五行傳。陰陽不相奪。倫。瀆之卽爲災。春秋傳曰。冬無愆陽。夏無伏陰。春無淒風。秋無苦雨。今草木黃落而梨復華。異也。臣等備位助天理物。而陰陽不和。敢請其罪。因下殿頓首請。后太息曰。真宰相也。坐申救。李昭德忤意。出刺秦州。尋復召。坐漏洩禁中語。刺并州。道病卒。

王及善。洛州邯鄲人。以父君諤死王事。襲邢國公。累左奉御。率孝敬宴宮官。命擲倒爲戲。及善辭曰。殿下自有樂官。臣奉令。恐傷殿下羽儀之任。高宗聞。賜絹百匹。垂拱中。累春官尚書。撫山東。督秦州。轉益州。以疾謝去。契

月作亂。武后以滑爲虜入河東路也。起刺滑。召見謂之曰。卿雖疾。可將妻子日行三十里。卧鎮之。及善旣拜命。后因問朝政得失。及善陳當世務甚具。后喜曰。滑潞事末也。中朝政本。卿不可遠行矣。拜內史令。來俊臣當極刑。后欲赦之。以及善爭而誅。召廬陵王復太子。贊之決。太子立。請太子出外朝慰人心。及善雖無術學。在官清正。臨事有大臣之節。張易之兄弟與內宴。無人臣禮。及善糾之。后不悅。謂之曰。卿年高。不宜更侍譙遊。但簡較閣中可也。及善歎曰。中書令日不得見天子。用留何爲。龍之鼓不許拜文昌左相。卒年八十二。

蘇良嗣諫大夫世長子也。高宗時爲周王府司馬。王年少不法。良嗣數諫爭。及以法繩府屬官。甚見尊憚。遷荊州長史。詔遣宦者采異竹江南。移植上苑中。所過縱暴。至荊州。良嗣囚之。立上書言狀。帝下詔慰獎。徙雍州。關內饑。盜作。良嗣政尚嚴。每盜發。三日內必禽獲。號稱神明。垂拱初。遷冬官尚書。拜納言。留守西京。尚方監裴匪躬索諸苑。言苑蔬果可鬻以佐費。良嗣曰。公儀休一諸侯相耳。猶拔園葵去織婦。未聞天子賣果蔬。與人爭利者也。事得已。遷文昌左相。同鳳閣鸞臺三品。時僧懷義怙武后寵驕。良嗣朝道遇之。懷義頗蹇恣。良嗣怒叱左。右批其頰逐之。僧義入泣訴于后。后曰。第出入北門。彼南衙自宰相所行。何可干也。後罷政。韋方質坐事誅。引逮之。后獨辨其非辜。良嗣入謝。拜下。老憊不能興。輿還第。卒。八十五。詔百官弔焉。

婁師德。鄭州原武人。舉進士。累監察御史。吐蕃入寇。請從軍。高宗說。假朝散大夫。從西討有功。累金吾將軍。簡較豐州都督。召拜相。武后以河源積石懷遠等軍。師出需營田。復命充使往。日以勞國可也。已還。知政事。屢出入行邊。充天兵軍大總管。卒。師德沈深有度量。喜愠不見容色。在位時。弟爲代州刺史。辭之官。濱行。師德謂之。

日吾兄弟榮重過矣念爲人所側目當何道自免乎弟
對曰請自今雖人唾某面拭之而已師德愀然曰此吾
之所以憂也人之唾汝是怒汝也拭之則逆其意而違
其怒夫唾不拭將自乾當奚爾愛之庸拭何爲與李昭
德同入朝師德體肥步徐昭德面顰之田夫師德笑曰
師德不爲田夫誰當田者薦狄仁傑輔政仁傑不知也
數短之武后謂仁傑曰師德賢乎對曰師德往爲將謹
守邊賢則臣不知也問師德知人乎對曰臣與其事久
未見其知人后莞然曰朕知卿乃師德所薦也亦可謂
知人矣出其奏示之仁傑慙出而太息曰婁公盛德我
爲所包容久矣吾乃不知吾不能窺其際矣師德總漕
要爲將相三十年恭勤忠樸無適莫心在邊率士屯田
積穀數百萬兵以饒給方酷吏殘鵠人多不免獨以功
名終

蘇環字昌容京兆武功人隋尚書僕射威曾孫也居母
喪毀舉孝擢豫王府錄事參軍歷朗嶽二州刺史來俊
臣貶州參軍不爲禮俊臣恨之及復用環連外徙不得
召轉揚州都督府長史州據都會饒珍貲前長史取貲
鉅萬惟環代單褻襪被而已徙刺同州歲旱饑兵番上
者不能赴環奏宿衛不可闕而兵苦貧宜增月賜及半

糧給之。又請却進獻。罷營造。諸不急務。時十道使括天下亡戶口急。民流徙。州縣爲庾蔽。環請罷十使。專其責於州縣。令州縣各豫立籍。天下同日閱實之。盡一月而止。歲一簡括。使姦無所容。武后鑄浮屠立廟塔。無虛歲。環以爲卽非國費。要須民財。民財竭矣。國無危乎。今天下僧尼猥濫。請併寺若舊僧常員。神龍初。爲尚書右丞。環明曉法令。多識臺省舊章。朝令政式。皆所刪正。中宗復位。鄭普思以妖幻得幸。環捕繫論死。帝后庇之。詔勿問。環廷爭。流思儋州。語具異。教考累尚書右僕射。封許國公。時大臣初拜官。輒上食。天子曰。燒尾。環獨無所進。及待宴內侍嘲之。環曰。宰相燮和陰陽。代天理物。今粒食踴貴。百姓饑餒。衛士有至三日不食者。臣不稱職。誠慙誠懼。何燒尾之有。帝崩。遺詔。帝后臨朝。相王以太尉輔政。宗楚客白。太后臨朝。相王有不通問之嫌。不宜輔政。環正色曰。增損制書有法。遺制乃先。帝意。何得改。楚客欲懼歸。帝氏不聽。環稱疾不朝。是月。帝氏敗。睿宗卽位。進左僕射而老。卒年七十二。贈司空。謚文貞。環治州課。常最爲宰相。陳當世利病。甚核。子頴。相玄宗。賢。事具文學博中。

肅安石。京兆萬年人。性方重。不苟言笑。武后時。官并州

司馬有善政。后手制勞問。歷德鄭二州刺史。政尚清嚴。吏民尊畏之。遷文昌右丞。同平章事。時二張及三思寵橫。安石數折辱之。嘗侍宴殿中。二張引蜀商宋伯子等與博塞。后前安石曰。商賈人。不當戲殿上。顧左右引出。生中失色。后以其辭正。改容慰謝之。后幸興慶官。欲趨疾道。安石曰。此版築所成。非自然之固。千金子且誠垂堂。况萬乘哉。后命回輦。封鄭國公。睿宗立。授太子少保。改鄭國公。太平公主有異謀。數因其婿唐駿邀之。拒不往。帝入飛語。請外廷皆傾心東宮。疑之。問安石。立折其謀。主構飛變危之。賴郭元振保護而免。罷留守東都。貶蒲州刺史。徙青州。安石在蒲。太常卿姜皎有請託。揮之。皎弟璦為中丞。以安石昔相中宗。受遺制。宗楚客常溫擅削相王輔政。語不糾正。諷御史舉劾。詔與常嗣立。趙彥昭等皆貶官。皎又奏安石護作定陵。有盜沒。詔籍贓。安石發憤。嘔血卒。大寶初。贈左僕射。鄭國公。謚貞文。

唐臨。京兆長安人。武德初。從隱邸。出為萬泉丞。縣有輕

繫囚十數人。春暮時雨至。白令聽歸耕。約耕已。自詣。令

不可。臨曰：脫囚逃。臨身任其咎，遣之。而囚畢如期自詣。
遷侍御史，方造朝。江夏王道宗越次與御史大夫語，臨
進曰：王亂斑道宗色變，曰：與大夫語耳，何至是。臨曰：大
夫亦亂斑，大夫爲失色，衆皆悚伏。已持節按交州，出冤
繫三千人，累遷大理卿。高宗親錄繫囚訊，餘司斷者輒
號訴稱冤，獨臨所處無一言。帝怪問故，囚曰：唐卿所處
本不冤。帝歎息曰：諒爲獄者當若是矣。歷度支、吏兵三
尚書。比來濟謫台州，李義府謫晉州，臨白遣許禕巡察
江南。張倫爲劔南巡察使，禕與濟善，而倫與義府有隙。
武后覘知之，謂臨遣所私督義府，過爲尅害，坐免官。後

起刺潮州卒。臨寬簡寡欲。第宅服器不治。而內行勅備。見妻子必正衣冠。嘗欲弔喪。令家僮歸取弔服。僮誤將他衣至。未敢進。臨覺之曰。今日氣逆不宜弔。又令人煮藥。失其劑。覺之曰。今者陰不宜服藥。其度如此。

李日知。鄭州滎陽人。武后時。官司刑丞。在官不楚撻而事集。稱曹有令史。受敕三日。忘不行。欲杖之。已而曰。我杖汝人必且謂汝能撻李日知。嗔汝受杖。不得比於人。人必其棄汝。竟釋不杖。吏感悅無犯者。時法吏爭嚴酷。日知獨平寬。嘗議免一囚死。少卿胡元禮執不可。曰。吾不去曹。囚終無生理。日知曰。日知不去曹。囚終無死法。

以狀讞。而后用日知議。囚免死。神龍初。爲給事中。事母孝。母嘗病。調侍數日。須髮爲白。母未及封而卒。比葬。制下。頓絕。久乃甦。景龍初。安樂公主館第成。中宗臨燕。從官各應制賦詩。日知卒章獨以規。詩曰。所願恒思居者逸。勿使人稱作者勞。後睿宗宴語及之。喟然曰。曩雖朕至親。不敢諫。非公挺直。何能爾耶。拜侍中。先天初。請老。不謀于家。報可下。夫人驚。怨之曰。家室如磬。子第名宦未立。何遽也。日知曰。仕過吾分。吾宜去。卽去。人心何厭。若求足。當何日足乎。居家不治田園。引賓客爲娛樂而卒。

徐有功。東海人。名弘敏。避孝敬諱。以字行。國子博士文

遠孫也。舉明經，補蒲州司法叅軍。政尚仁愛，不忍敲朴，民感之，更相約犯。徐叅軍杖者，衆辱之，比滿歲，不罰一人。累司刑丞。時武后畏唐宗室大臣謀已，於是酷吏周興來俊臣之倫用，而羅織之獄興，吏爭以周內窮詆爲功。后又慙官賞獎誘之，朝野惴惴不自保，獨有功以寬和爲平。數犯顏爭枉直，太后盛氣以昏，厲聲色質詰，刑死狼籍。侍衛立廷陛者數百人，皆縮頸不敢喘息，而有功神氣堅定，言論明切。后雖嗜殺，知有功正直，敬憚之。所開宥無慮數十百家。瑯琊王中遣家奴責息錢貴鄉與尉顏餘慶相聞，中誅死，人告餘慶豫冲謀，令俊臣鞠治，以反狀上。雖侍御史魏元忠亦謂餘慶爲冲督償通書當死也。有功爭曰：亦昌敕與

趙貞同惡魁首已伏誅。支黨未發者原之。餘慶赦後被
告。則支黨也。今以支爲首。是以生入死赦而復罪。不如
勿赦。生而復殺。不如勿生。非法也。后怒曰。何謂魁首。答
曰。魁者大帥首者元謀。趙貞是已。貞已伏誅。餘慶非支
黨而何。后意解。曰。公更思之。遂免死。有韓紀孝者。受徐
敬崇僞官。前物故。惟事使顧仲琰。請籍家。詔報可有功。
追議曰。律謀反者斬。身亡卽無斬法。無斬法則不得相
緣。所緣之人亡。則所因之罪減。詔從之。冬。官尚書裴行
本等七人以誣論當死。后貸之。俊臣尋引行本更驗前
罪。有功曰。俊臣違陛下再生之賜。不可以示信。得免死。
酷吏周興等讐視之。劾有功。附下罔上。故出反者。又罔
欺。當斬。坐免官。后意終重之。尋起侍御史。有功入見。伏
地流涕。不肯起。固辭曰。臣聞鹿走山林。而命懸於庖厨。
者。勢使之然也。陛下以臣爲法官。臣不敢枉陛下法。必
且死。是官矣。乞免臣官。貸臣死。后慰諭遣之。中外聞有

功復進。咸洒然色喜相賀也。有功既拜命。䟽言臣昔坐重劾。徼恩。謂永不瞻殿陛。猥蒙擢用。願以執法酬恩。今選曹擬補乖次。覩不知愜。使讟謗盈路。刑曹鞫斷。猶行酷法。亡惻隱心。三司及理。輒伸寃使。不速與奪。望淮臣按劾。不旬月。當可勝殘。時有詔。公坐流。私坐徒以上赦免。踰百日復發者。聽補論。有功爭曰。陛下寬殊死罪。已發者。原所以通改過之心。而啓自新之路也。故律。告赦前事。以其罪坐之。若無告。所犯終不自發。如許告。是令與律乖也。將恩詔雖下。而天下無一夫獲貸者矣。乃除其令。潤州刺史竇孝謹妻。皇嗣德妃龐母也。爲奴怖以

妖祟爲禱禳。因告龐厥詛。當死。意以搖皇嗣。有功明其
非辜。給事中薛季昶劾有功黨逆。當絞。有功方視事。令
史泣以告。有功笑曰。豈我獨死。餘諸人永不死耶。徐步
歸。就舍食。食已。掩扉卧熟寐。太后顧寬之。召入見。好謂
之曰。卿比按獄多失出。何也。有功對曰。失出人臣之小
過。好生人主之大德。后默然。龐得減死。而有功免爲民。
已復起司刑。少卿復爲皇甫文備所詆欺而免。無何。文
備坐事下獄。有功以平法亭之。或曰。彼掌陷君於死。今
生之何也。對曰。文備無死法。爾所言私忿。我所守法也。
吾不可以私害公。有功以守法故。坐大辟者三。夷然無

憂色。赦之。亦夷然無喜色。不以死生改其節如此。卒年

六十八。贈司刑卿。中宗卽位。加贈弔祭。開元初。天子思

有功賢。擢其子倫爲陵恭令。竇孝謀子光祿卿。希城等

請以已官爵讓倫。報有功。不許。而遷倫申王司馬。會昌

中。謚忠正。從孫秀爲關內覆囚判官。鞫訊多全活。御史

理冤獄。振雪者七十餘家。今子孫猶困。秀其忍以束薪

故求自便乎。因自劾去。宋謝而留之。無何。有訟判官獄

冤者。宋召問。則他判官也。宋欲別白旌之。秀曰。秀其忍

惜人之過。爲已功乎。其豈弟如此。宗城滿好禮著論。言

其比於古人。其漢張釋之乎。容曰。何如釋之。主人曰。釋

之所守者甚易。而徐公所行者甚難。釋之當漢文時。中

外無事。獨守法而足。徐公當革命之季。酷吏掩義隱賊。

崇飾惡言。而徐公守死明道。演殆者數矣。而不

變。詎不難哉。故徐公之賢。千載未見其比也。

王義方。泗州連水人。事母謹。淹究經術。性謇特。舉明經。詣京師。客有徒步疲于道者。泣下言父病革。欲往省。困不能自前。義方立解所乘馬遺之。問姓名。不告而去。貞觀中。補晉王府參軍。魏徵欲妻以其夫人之兄子。辭不娶。徵卒。娶之。或問其故。曰。前所爲辭。魏公者。不援上也。今感知已故妻之。以張亮抵罪。貶吉安丞。道南海。舟師持酒酺請福。義方獨酌水以祭。邛天矢言曰。有如行愆。諸已。義負前脩。必也。長鯨擊水。天乎覆舟。有如忠獲戾。孝見尤。當四維廓氛。千里安流。時方盛夏。風濤蒸毒。忽平流以濟。安吉介蠻夷中。俗荒梗。義方召首領。選生徒。

爲開陳經書。行釋奠禮。清歌吹籥。登降跪立之儀秩然。俗爲顧化。顯慶元年。擢侍御史。時李義府恃寵用事。洛州婦人淳于氏美。繫大理獄。義府屬大理丞畢正義。枉法黜之。納爲妾。事覺。義府逼正義自縊以滅口。時無敢白其姦者。義方欲奏彈之。度必且得罪。入白其母曰。義方爲御史。視姦臣不糾。則不忠。糾之則身危。憂上及於親。爲不孝。奈何。母曰。昔王陵之母。尚能殺身以成子之名。汝盡忠事君。吾死不恨矣。義方卽上言。天子置公卿大夫士。欲水火相濟。鹽梅相成。不得獨是獨非也。偏聽者暗。今義府擅殺六品。寺丞就云自殺。亦繇畏義府威。

殺身以滅口。如此生殺之威。不繇上出矣。此漸何可長也。請下有司。雜治正義死狀。卽具法冠對仗。叱義府下。義府顧望不肯退。義方三叱之。義府始趨出。義方乃跪讀彈文。帝方安義府狡佞。恨義方以孤士辱宰相。貶萊州司戶。歲終不復調。因客昌樂。聚徒教授。母喪。隱居不出。率門人員半千。何彥先爲行器。時松栢冢側。三年然後去。

尹思貞。京兆長安人。弱冠舉明經。補隆州叅軍。晉安豪蒯氏橫不法。官吏莫能制。徵思貞推按。盡摘發其姦賊。論殺之。遠近稱慶。三遷殿中少監。簡較洛州刺史。會契丹降。胡作亂。思貞善綏撫。境內獨寧。武后降璽書褒慰。累秋官侍郎。以張昌宗構。出刺定州。入爲司府少卿。時卿侯知一厲威嚴。鞠訊思貞。法明端。吏人爲之語曰。不

畏侯卿杖惟畏尹卿筆神龍初爲大理卿爭常月將獄
并三思御變大夫李承嘉逢三思意劾之思貞面質之
曰公爲天子執法乃德威福附姦臣除忠良自恣獨不
畏天子法耶承嘉慙無以應退人尤之曰公何無大體
而與承嘉交口語爲乎思貞曰石不能言猶時有言承
嘉怙權侮壓我我義不絀爭之當急時誠不自知言何
從出也刺青州政平境內蠶有一年四熟者黜陟使歎
以爲善政所致表奏之睿宗立徵爲將作大匠僕射竇
懷貞造金仙玉真觀調夫匠無藝思貞裁節之懷貞怒
詰議思貞曰公在端揆不能翼贊大化而盛興土木害
及烝黎反受小人譖廷辱士乎請從此辭拂衣歸闔門
待罪特詔起視事其年懷貞誅下制曰思貞碩儒耆德
剛不護缺清而畏知簡言易從蒞色難犯徵先生之體
要敷衽必陳折佞臣之怙權拂衣而去可御史大夫遷
工尚書卒年七十七贈黃門監諡曰
簡思貞前後刺十三郡皆以清最聞

論曰張行成高季輔豈不誠長厚君子哉雖時進諫而
雍容有體也亦適遇主未變其初心迨叱咤鳴晨羅織

刻覈之法用則忠智俱困矣。其惟徐卿蹈道依仁。以其
死生人論者。至以爲古今無兩。可謂至德也夫。

始高祖首納忠讜。而太宗虛懷盡下。於弘人最優。士競
奮於蹇諤。於時易爲忠矣。迨天以女戎間。唐李義府許
敬宗。握與樞爲正人。魑魅以无忌之親。遂良之忠。不免
焉。而天下以言爲諱者二十年。高宗未作奉天宮。嵩山
作萬全宮。藍田御史裏行李善感上書言。陛下封泰山。
告太平。比隆於三五。而比年不稔。饑殍相望。四夷交侵。
兵革歲駕。正恭默思道。禳災譴之時。而更廣宮室。勞役
不休。將天下何望。言雖不行。天下頌以爲鳳鳴朝陽。其

後武后營明堂。拾遺王求禮引商瓊臺夏瑤室爲人代畜功不報。契丹陷河北州縣。武懿宗將選。悞不能禦。而條滄瀛百姓脅從者。請行誅。求禮曰。郡無良吏。教習士御敵。城池又不完。爲賊驅迫而求全。豈背叛比哉。懿宗擁強兵數十萬。聞賊將至。抱頭却走。而移禍於細民。宜斬以謝百姓。軍乏典。相豆盧欽望請停京官九品兩月俸助興。求禮曰。公祿萬鍾。停可也。獨奈何困諸仰祿養廉之人乎。欽望不聽。奏上。求禮歷階進曰。天子富有四海。何待宰相奪九品職官俸。贍軍國用乎。秦漢虛天下事。遂何足効也。事得止。久視二年春三月大雨雪。大臣

以爲瑞。率群臣賀。求禮曰。宰相燮和陰陽而季春雨雪。

此災也。果以爲瑞。則冬月雷亦爲瑞。雷邪。賀者入求禮。

厲聲言。今陽氣憤升而陰冰激射。故雨雪爲災。今主荒。

臣佞。戎狄亂華。盜賊繁興。亦何感而天降之瑞。后爲罷。

朝。

求禮許州長社人。

神龍初。河南北十七州大水。制求直言。右。

衛叅軍宋務光上疏曰。水陰類。臣妾之象。恐後庭有干。

外朝之政者。宜杜絕其萌。太子國本。宜早定。又外戚太。

盛。如武三思等。宜解其機要。鄭普思。葉靜能。以小技竊。

大位。朝政之蠹也。宜斥遠。

宋務光西河人。

景雲中。安樂公主置。

官屬。補授繁濫。又營塔廟已侈。拾遺辛替否諫曰。古官。

不必備。以無僭濫。故士有完行。家有廉節。朝廷有餘俸。百姓有餘財。而天下治安。今陛下百倍行賞。十倍增官。使府庫空竭。清品混淆。亦胡取而爲此。夫君以人爲本。本固則邦寧。陛下夫婦母子。極富貴。至足矣。又以愛女之故。竭人之力。傷人之財。覆人家產。而莫之顧。三怨備矣。人心散矣。一旦有變。陛下獨提所愛。將安歸乎。睿宗立。罷斜封官千人。尋詔復。又復營金仙玉真二觀。替否以左補闕召。疏諫曰。臣竊觀往代帝王。用度不節。不時爵賞。不衷不當。而國破家亡者多矣。然猶可諉曰異代。回不如身逢。目見之爲親切著明也。太宗陛下之祖也。

撥亂建極。省官清吏。舉天下職司。無虛授。用天下財。無枉費。賞必待功。官必得才。是以不建塔廟。而福祿至。不度僧尼。而咎殃滅。陰陽不愆。五穀遂成。百蠻納款。享國長久。中宗陛下之兄也。居先帝之榮。忽先帝之化。徇子女之意。無能而祿者數千人。無功而封者百餘家。造寺蠹財者百巨億。度人免租者數十萬。故國家所出。日益多。所入日益少。奪阨羸之食。以養貪殘。剥寒餒之衣。以塗土木。人怨神怒。衆叛親離。禍及其身。取譏萬代。夫法太宗以爲治。泰山之安可致也。法中宗以爲治。累卵之危可娛也。自頃水旱霜蝗。未聞賑恤。而爲二女造觀。

用錢數百萬緡。陛下何不計當今之蓄積有幾。中外之
經費有幾。顧輕而用之乎。且陛下當帝氏用事之時。則
常日夕憂危。切齒於群凶矣。今奈何族帝氏之家。而不
去帝氏之惡。棄太宗之法。而不忍棄中宗之政乎。黃門
郎魏知古亦疏言。古之君人。必時視人之所勤。人勤於
力。則功築省。禮季夏之月。樹木長盛。無有斬伐。今爲公
王造二觀。其地皆百姓居室也。卒然迫逼。剔椽發瓦。令
其轉徙。扶老攜幼。呼嗟道路。乖人事。違天時。建無用之
作。崇不急之務。群心震搖。衆口藉藉。陛下爲民父母。心
何以安。願下明詔。順人欲。除功役。收之桑榆。其復不遠。

泰軍柳澤上疏言。臣聞藥不毒不可以蠲疾。詞不切不可以補過。景龍以來。內寵外嬖。因貴憑權。賣官鬻爵。天下岌岌。陛下卽位。用姚元之等。悉已停廢。今又收用。使善惡混併。反覆相攻。天下咸謂太平公主與胡僧慧範爲此以誤陛下。爲之語曰。姚宋爲相。邪不如正。太平用事。正不如邪。臣恐流遁致遠。積小爲大。會有詔選者。得言事。復上書曰。夫驕奢起於親貴。綱紀亂於寵倖。寵祿之逼。罪之階也。驕奢之淫。危之梯也。頃帝庶人安樂公主武延秀等。可謂貴寵矣。權倖人主。威震天下。然怙侈滅德。神怒人棄。卒於不保。豈非以愛之太甚。富之太多。

適爲禍乎。今諸王公主駟馬。訓戒宜在厥初。惟陛下黜
奢僭。進朴素。以畜其非心。使居寵思危。觀過務善。天下
幸甚。清源尉呂元泰上書言國家神器。一正則難傾。一
傾則難正。自頃帑藏虛竭。戶口亡散。不謂太平。邊兵未
解。不謂無事。水旱爲災。不謂年登。倉廩未實。不謂國富。
而營建佛寺。勞費無極。昔堯舜禹湯文武。惟以儉約仁
義立德垂世。晉宋以降。塔廟競起。而器亂相踵。則好尚
失所。人不堪命之効也。諸皆切時比事。爲世藥石。於實
直自見者遠已。其大者。自蘇安恒以危言撼武后。批復
唐之間。天下激發。定州人郎岌。許州叅軍燕欽融言帝

后淫亂于國政。宗楚客危社稷。各奮發其所以直言摩
上。故勇敢有倡也。

玄宗初載。中內勵精。尊憚耆舊。姚宋諸名德。踵武秉國。
而許謨爛然。臺省百司。骨鯁清忠之臣。輻輳並進。仇然
獻忠。而開元於有唐。號稱盛治。及承平日久。意欲侈縱。
左右大臣。皆身所拔擢。易之。忽忘所言。於是讒諂佞諛
之臣。入于左腹。醜正惡直。故臣格輔。憂讒畏譏之音作。
而公卿百執。闇然自媚。爲苟容。卒之天寶之亂。大臣希
烈。親臣均。均之倫。實首先佐逆。其宰臣奉寶冊。禪授至
白。蜀而嗣主素鄙厭之。罷棄不用也。靈武始造。鄴侯轉

移輿樞於內。李郭幹旋宣力於外。國以再造。而肅代寬仁。不斷奸慝。錯進閣豎。途用藩鎮。萌漸滋起矣。于時風尚。二氏熾然。房相國瑄。以清談疎脫。用潰于成事。王縉杜鴻漸之倫。以佞佛妨政。而治益下衰。國安危惟所任。詎不諒哉。

盧懷慎。滑州人。清儉識治體。以御史中丞。上時政䟽曰。昔唐虞三載考績。三考黜陟幽明。子產相鄭。更法布令。一年人怨。欲殺之。三年人德而歌之。令子產未踰年而死。誰謂惠利。故政必累時月而後成也。比州牧上佐。若兩畿令。或一二歲。或三五月。卽遷。曾不及課最。使未遷。

者傾耳而聽。企踵而望。冒進而忘廉耻。唯苟得之爲務。又何暇爲陛下宣風恤人哉。人知吏之不久。不率其教。吏知遷之不久。不究其力。媮處爵位。以養資望。雖明主有勤勞天下之志。然僥倖路啓。上下相蒙。此國之大病也。此病不革。雖和緩不治。臣請都督刺史。上佐畿令。任未三考。不得遷。若治行尤異。或加賜車馬。祿秩。降璽書慰勉。須公卿闕。則擢之以厲能者。其不職貪暴者。覺免。明賞罰之信。昔唐虞稽古。建官惟百。夏商官倍。此省官也。又曰。官不必備。惟其才。曰。無曠庶官。此擇人也。今京師諸司員外官數十倍。近古未有。求其代工。則庶務不

釐而歲費俸廩巨億萬。今民力敝極。河渭廣漕。曾不足
給京師。公私耗損。儻猝然有災。曠疆場之慮。租稅鮮入。
將何道以濟之。書曰。毋輕民事。惟艱。毋安厥位。惟危。此
慎微也。原員外之官。皆一時良幹。而不盡其用。尊以名。
不任其力。臣請才堪牧宰上佐。並以遷授。使宣力四方。
責其治狀。其老病不稱職者。廢省之。使賢不肖較然殊
路。此切務也。夫冒干寵賂。侮虐鰥寡。此爲治之大蠹。先
王迸遠之矣。今內外官有賊賊狼籍。剝削烝民。雖坐流
黜。旋卽牽復。還爲收宰。任以江淮嶺磧。粗示懲創。而彼
內懷自棄。徇貨撝勉。訖無悛心。明主之於萬物。當半分

而無偏施。遠州輒邑。亦何負聖化而當令罪人牧之乎。
况邊徼之地。夷夏雜處。憑怙險遠。易動難安。官非其才。
將丞庶流亡。起而爲盜。此大慮也。請自今諸有贓罪論
者。廢必削籍。毋收用。此旌別淑慝之誼也。諸開元大政。
皆懷慎白發之。及在位。自以才不及姚崇。國事皆推崇。
久之以疾乞骸。薦宋璟。李傑。李朝隱。盧從愿。可大用。而
卒謚文成。懷慎清儉。不營產業。雖隆貴得祿賜。隨散於
故人。親戚輒盡。妻子猶然寒餓也。旣屬疾。宋璟。盧從愿
往候之。見弊簣單席。門不具帷箔。會風雨至。舉席自障。
日晏。食蒸豆二器。酒數杯而別。已。執二人手曰。上求治。

榮稍倦於勤。將有憊人乘間而進者。公等志之。猶遠慮如此。及治器。家無留儲。老蒼頭請自鬻以舉喪。明年帝較獵鄆杜間。望見懷慎宅。環堵庳陋。家人若有行營者。馳使問焉。還對曰。懷慎大祥也。帝爲罷獵。賜縑帛。過其墓。碑表未有立。停蹕視。泫然流涕者久之。令中書侍郎蘇頌爲文。帝自書立焉。子二。奕以中丞死。祿山之難。謚貞烈。眞清整。刺陝州。政良。帝親提贊於廳事。褒焉。

張嘉貞。字孟。清河人。武后時。御史張循憲使河東。有疑事莫能決。患之以問吏。曰。妾所得有佳客。可與計事者乎。吏對言。前平鄉尉張嘉貞。衆以爲異才也。召見詢之。對甚辯。令草奏立具。奏上。稱旨。使還。帝問之。具對言。此非臣所解。乃臣客張嘉貞所爲也。請以臣官讓之。武后曰。朕無一官自進賢。願須卿官耶。立召見。拜監察御史。歷

梁秦二州都督、并州長史、以嚴辭稱。玄宗召還、慰勞之。嘉貞因自陳曰：臣少孤、與弟嘉祐相依爲命、未嘗頃刻離也。弟今爲鄯州別駕、遠、願內徙、得自近。帝爲徙嘉祐忻州。突厥九姓、新內屬、置天兵軍、卽以爲天兵使。明年大朝、或告其奢僭、賕賄者、按無狀。告者反坐。嘉貞曰：國家重兵利器、皆在邊、今告者一不當、輒罪之、恐塞言者路。後有悖將暴吏、終莫敢有告者。此異日之患也。天子嘉其忠、聽之。許內召。嘉貞因進曰：昔馬周起徒步、謁天子、血氣方壯、太宗亟用之、盡其才、甫五十而沒、何使用少晚、無及矣。陛下不以臣爲不肖、必試之。人壽百年、幾何能至。先朝露、歲溝壑、卽憐之無及也。帝曰：卿行矣。朕卽召卿。居久之、夜詔中書、朕嘗記有一風力臣。今北方大將、張姓、複名、忽忘之、誰其人乎。中書以朔方使張齊丘對。帝曰：是耶。非耶。夜且半、索邊大帥章、疏讀之、則嘉貞奏也。識之、立召爲中書侍郎。同平章事。居位三年、善敷奏、敏裁決、然頗強躁自用。論者恨其不裕。引苗延嗣、呂太一、員嘉靜、崔訓、與論議、而招權賄、時人爲之語曰：令公四俊、苗呂崔員。然清敕終不立田園、有勸之者、答曰：吾爲相、豈憂饑寒哉。若負譴去、雖富田產、不能有也。近世士大夫、務廣田宅、適以資不肖子爲酒色費、何益。

卒後十餘歲故所舉士韓宗以京兆尹見言於帝曰陛下待宰相皆進退以禮身沒子孫叙用而張嘉貞晚一子寶符獨未官帝惘然召拜兵曹參軍賜名延賞李元絃其先滑州人徙京兆萬年本姓丙曾祖粲以隋衛帥自歸封應公賜國姓元絃性彊直仕爲雍州司戶參軍時太平王勢震天下與民競礮礮而訟元絃判還民州長史頽改之不聽署判後曰南山可移判不可動改好時令遷潤州司馬以辯治得名擢京兆少尹詔決三輔渠時宗室貴王權豪皆旁渠立磴爲瀦塢專渠利元絃敕從史盡毀之分溉渠下田累遷吏侍郎及當國務峻涯簡桺奔競夸進者憚之時議廢京司職田爲屯田元絃曰軍國不同中外異制夫邊徼之地人間無役地棄不墾於是乎以閒人耕棄地省饋運而屯田爲益尚矣今百官職田非盡一縣弗可合也百姓私田皆自力耕不可取也必置屯田將公私相易而事煩又調丁夫治之調役則業廢於家免庸則賦闕于國恐得不補失事得寢元絃與杜暹源乾曜並相乾曜唯唯未嘗廷議可否杜暹少學術議論淺薄與元絃數辯爭帝前以皆罷卒贈太子少傅諡文忠元絃與父道再世爲相有清節未嘗改治第宅僮馬敝劣得賜物一賙給親族宋

環歎曰李公引宋遙之美黜劉冕之貪爲國相家無留儲雖李文子之德何如焉

杜暹濮州濮陽人自高祖至暹五世同居暹尤恭謹事繼母孝撫異母弟友以清約自將以監察御史覆屯磧西會安西與西突厥可汗更相訟詔卽按暹馳入突駒施帳索左驕無獲也賂之金暹固辭左右曰身在絕域不可逆狄人心受而埋諸幕下去出境移牒示其處歸焉突厥大驚亟追之已變磧不及拜黃門侍郎兼安西副大都護斬于闐王立君長而還

原乾曜相州臨漳人舉進士以侍御史黜陟江東公清有吏幹鄒王府吏犯法玄宗敕左右爲王求才長史太常姜皎以乾曜薦自梁州督召見神氣爽澈占對有序擢少府少監兼幽王府長史課最遷諫議大夫開元初累尚書左丞帝幸東都以京兆尹留守京師再入相建言形要之家任京職妨俊乂之路使沉廢外僚非王者公平之道臣三息皆京任請外補先百官帝悅從之子弼絳州司功掾鄭縣尉下詔曰乾曜身率庶僚旣遠其子又復下遷傳不云乎范宣子讓其下皆讓道之斯行仁豈遠哉繇是公卿子多出補乾曜性謹重歷官皆清慎恪敏爲相務寬平厚大故咎悔免焉

陸象先。蘇州吳人。父元方。相武后。清慎持大體。坐附麗李昭德。刺綏州。尋復召相。后嘗問以外事。對曰。臣備位大事。當面奏。諸耳目瑣碎。不敢聞。忤旨。罷。象先恬靜寡欲。議論高遠。景雲中。太平公主擅權。與相崔湜等謀廢立。象先知政事。獨守正不阿。語具帝紀中。太平誅。帝召象先。謂之曰。歲寒。然後知松栢之後彫。信矣。時案公主支黨急。象先密爲申理。所全活甚多。封兗國公。出爲益州都督府長史。寬仁不鞭笞。司馬以爲刑罰不可弛也。象先曰。居官理可矣。豈必刑哉。按察河東。有小吏犯罪。廷詰責而遣。錄事請杖之。象先曰。人情不甚相遠。吾言

之何渠不解。豈必校久之。相璟薦象先。問政體。寬不容非。以爲河南尹。象先嘗言天下本無事。庸人自擾之。苟清其源。何憂不治。世以爲名言。卒謚文正。

張廷珪。河南濟源人。慷慨有志尚。爲監察御史。按劾平直。武后稅天下浮屠錢作大象。疏力諫甚辨。見異教考有詔

市河南牛羊。市荆益奴婢。廣軍資。廷珪言。河南牛疫。十不一存。和買甚於抑奪。荆益奴婢。皆國家戶口。姦豪掠賣。永無免期。大不便。事得寢。開元初。應詔上疏曰。陛下神武超代。精誠動天。再掃氛祲。六合清明。明明上帝。宜錫介祉。而頃歲來。陰陽愆候。九穀失稔。萬姓阻饑。關輔

尤劇。臣竊思之。始皇天之意。恐陛下春秋鼎盛。神聖在躬。不崇朝而建大功。自藩邸而陟元后。或簡下濟。獨侈雄圖。輕虞舜而不法。思漢武以自高。故昭見咎徵。載加誘獎。欲大君日慎一日。雖休勿休。永保天和。以固邦本也。誠願約心削志。澄思勵精。考羲農之書。敦朴素之道。登庸端士。放黜佞人。屏退後宮。減撤外廡。場無蹴鞠之翫。野絕從禽之賞。休石田之遠境。罷金田之懸軍。惠恤惇嫠。蠲薄徭賦。自將波清四海。塵消九域。或謂天之網。戒不足畏。謂人之窮乏不足恤。將上帝憑怒。風雨迷錯。荒饉日甚。何以濟下。齊甿沮志。億兆攜離。愁苦勢極。何

以奉上此安危所繫禍福之源也。可不畏哉。帝以太常禮樂之司。不宜典俗樂。置左右教坊。典之。而頗好溺音。選樂工宮女數百人。爲梨園子弟。廷珪與酸棗尉袁楚客上書言。陛下春秋鼎盛。宜崇經術。邇端士。敦樸素。爲天下先。不宜悅鄭聲。好畋遊。以傷雅道。遷黃門侍郎。監察御史蔣挺以監刑杖輕。敕廷杖。廷珪言。御史清望耳。目之官。可殺不可辱。遣王琚行塞襲回紇。廷珪陳五不可。以爲中國步多騎少。盛夏長驅勞逸相絕。此其勢不敵。一出大將掩敵。不數萬不可出之。則廢農廣饋。則歲饑。二千里遠襲。其誰不知。賊斥堠豫防。將費師無功。三

狄人獸居。狄土磧漠。譬之石田。雖克無補。四。今天下無年。民饑莫振。而勤兵遠夷。將中國騷動。五也。又請復十道。按察使。巡視州縣。納之。已。遣使賁繪錦。詣外國市馬。廷珪言不宜勞遠人。致異物。忽必然之急。所居官有威化。後爲少府監。卒。贈工尚書。少與李邕友善。邕困蹟。屢表薦達焉。

韋湊。字彥宗。京兆萬年人。爲相王府長史。睿宗立。累太府卿。時詔改葬故太子重俊。謚節愍。及雪李多祚等贈官。湊上言。臣聞王者發號施令。能使三綱正。九疇叙。者以法天道。善善明而惡惡著也。太子重俊與多祚等竊擁禁旅。上犯宸居。破扉斬關。爲罪大矣。孝和皇帝親御玄武門。臨諭逆順。而太子猶據鞍自若。逆黨悔罪。反戈前執多祚。太子乃倉皇逃遁。向使同惡相濟。天道無徵。其禍豈有極哉。明日和帝引見群臣。雨淚自悼。臣內供

春、貴與、聞之、今禮葬賜諡、臣竊惑焉、臣聞禮、過位必趨、燒路馬、芻有誅、法、太子行不敢絕馳道、以廣敬也、稱兵宮掖、爲悖已甚、况更甚之、而何褒焉、以斬三思父子、嘉之乎、計三思以安君父可也、欲因自取、逾孰甚焉、以廢常氏嘉之乎、常氏於時、逾節未顯、於太子爲母、臣恐子無廢母之理也、君或不君、臣安可以不臣、父或不父、子安可以不子、晉太子申生之孝、僅諡曰恭、漢太子據受、過不能自明、曾孫卽尊、終易名曰戾、故太子之行、比二子、違甚、而謚爲節愍、使後世亂臣賊子、資爲口實、請更議、其多祚等罪、且云宥免、不謂昭雪、帝善之、而大臣重改議、唯罷多祚等贈官、景雲初、祚金仙諸觀、以農月廢耕、策、開元初、敕靖陵建碑、料大匠、湊以古園陵無碑、又時旱、勞費諫、皆爲止役、安西都護郭虔瓘、請募關中兵萬人、給騎、續食、擊突厥、默啜、湊疏諫、語具、帝紀中有詔尊孝、敬帝廟、號義宗、湊以爲禮祖有功、而宗有德、祖宗之廟、皆方制海內、德澤可尊、列於昭穆、百世不毀者也、孝、敬位止東宮、未嘗南面、無稱宗之禮、况其別廟、不列昭穆、稱宗何義乎、乃罷議、湊前後上書、論時政得失甚夥、多見採納、子見素、仁恕長者、性不忤物、典吏部、銓平允、天寶中、入相、與楊國忠相、唯諾、無能發明、與子諤從

幸蜀。六軍誅國忠。見素走。亂兵欲賊之。衆呼曰。勿傷常
相。公以獲免。子六人。皆至京。朝官孫顥。恭孝嗜學。通陰
陽。占綿。若易經。推演潛九。
終始之誼。甚深。至禮尚書。

楊瑒。華州華陰人。父琮。歷沔綏刺史。廉母清約相之。姆
饋孺子餅。陽受而棄之。垣瑒爲麟游令。竇懷貞營金仙
玉真二觀。檄畿內甞負逾人貲者。歛之以佐費。瑒曰。當
兇人橫恣時。孰當有負貲者。卽有之。必極窮弊。不任償
者也。拒不應。甞后表民二十二爲丁限。及敗。有司追趣
前課。瑒不可。曰。常氏當國。擅擢士大夫。赦有罪。數矣。今
仍不改。奚獨取已寬之人。重困之乎。非所以庇民。止不
課。累侍御史。京兆尹。崔日知貪。搆御史大夫李傑。絀之。

瑒廷辯以爲御史臺可廢。宇文融白簡脫戶括田稅執不便。語皆具帝紀中。出爲華州刺史。入國子祭酒。表大儒王廻質。尹子路。白履忠等三人。令教授國子。有詔廻質諫議大夫。子路太子侍讀。履忠老不任職。拜朝散大夫。瑒常嘆士大夫不能用古禮。因其家冠婚喪祭。摺舊典爲之節文。揖讓威儀。哭踊衰殺。具有儀。士大夫慕之。刺華州吏請立石紀德。不許。瑒曰。事誠益於人。得書名史氏足矣。若碑頌。獨遺後人作石。無爲也。蓋質厚如此。遷大理卿。以疾辭。改左散騎常侍。卒。贈戶尚書。諡曰貞。

嚴挺之名沒以字行華州華陰人少軒秀好學先天中
貴戚豪華以正月望然燈池門禁爲歡又追賜元年酺
帝御延喜門臨觀挺之疏諫言酺者因人所利合酺爲
歡者也諠不使靡敝故臣卜其晝若舉必書重慎之至
也今暴衣冠於上路羅伎樂於中宵繁鄭衛之音縱倡
優之樂非聖德所宜親夫誰何警夜嚴鼓通晨以備非
常至重也今重門弛禁巨猾多徒僅一夫駭叫憚將何
及且青春日長已極盤遊紫微漏永重窮歌樂將令有
司跛倚下人饑疲必且謂陛下近猶不恤何況於遠揆
之聖情寧不凜然元正首務大禮頻興百姓顚顚思觀
至治全王公貴人各承徽旨州縣坊曲競爲課稅損萬
人之次營百戲之資是本與同樂而覆遺之患也况去
夏霖淫經今亢旱農乏收成市價騰貴奈傾馳不急之
務擾方春之舉忽細微而成遠患哉帝嘉納焉侍御史
任正名特貴倨於廷中詬詈衣冠挺之以不敬讓之爲
所劾貶萬州叅軍遷考功典舉平允稍遷給事中會杜
進李元紘並相暹善挺之元紘惡焉出刺登濮州三州
所治有嚴威改太原少尹殿中監王毛仲持節抵太原
籍兵後累年牒太原取兵仗挺之恐有變不肯應以聞
毛仲敗死帝以爲忠召爲太府卿相九齡表爲尚書左

丞欲引與其政使往謁相林甫挺之不可終三年非公
事不造竟爲所扼而罷挺之重許與卽生死不易嫁故
人孤女數十人居東都鬱鬱不得志而疾自爲誌遺言
薄葬歛以時服子武節度劔南頗峻培歛然嚴重虜不
敢近邊


常陟卹公安后子也風格整峻始十歲拜溫王府東閣
祭酒有文善隸書丁父憂能喪外除杜門不出與弟斌
勸勵探討不捨晝夜求廣平見之歎曰盛德遺範盡在
是矣歷洛陽令轉吏郎中中書令張九齡引爲舍人掌
文誥遷禮侍郎貢舉士病主司取與專一場爲斷人不
得自盡也令舉人各通所長先試之後一日依常式覆
試片善無遺爲吏侍郎病選人冒名冒進案詰具得實
退數百員以其關待滯淹陟以門地踐清列頗簡倨而
誘納後進虛席倒屣也爲李林甫所忌留守襄陽久之
入考功爲右相楊國忠所媚貶桂嶺尉再貶平樂尉祿
山反陟弟斌陷賊國忠因構陟與賊通或勸之曰張燕
公爲二張所危匿陳氏以免儻詔下誰敢爲申覆者請
及今輕舟泛谿洞候事清徐出未晚也陟慨然曰我家
世積忠信我秉心無負揆之神理必不其然卽有是命
也逃將焉之會國忠誅而免肅宗卽位起吳郡守兼江

南東道採訪使永王璘反與淮南淮西二帥合盟討之
且上言李廣琛從永王非其志請拜綠江防禦使守丹
陽安其心會召赴行在陟立馳至歷陽見廣琛宣旨而
自以其私厚遺之即日赴行在白馬廣琛果召諸將諭
逆順毋相從死爲逾臣璘以敗散拜御史大夫拾遺柱
甫收相璘帝怒下陟及憲部訊陟人營救以見疎出刺
絳州累禮尚書守東京史思明逼河洛副元帥光弼議
守河陽令步率東京官屬入關詔令止永樂侯收復仍
召安陟早有台輔望天下亂負經濟羈中以被謗愬見
疑及是鬱鬱不得志歎曰吾道窮矣卒年六十五
李邕廣陵江都人少敏善屬文父善淹貫古今受文選
於同郡曹憲爲之注釋事而遺意書成以問邕邕默然
不敢對善察其意不滿謂曰試爲我補之邕附事見義
善大喜以爲不可奪也旣冠見特進李嶠言讀書未偏
願得一見秘書嶠曰秘閣萬卷豈時日能盡耶邕固請
乃假直秘書無何辭去嶠驚問曰已偏摘興篇隱帙詰
之辭應如響嶠大嘆服因薦邕文高氣直任諫官召拜
左拾遺御史中丞宋璟糾二張有反狀武后不應邕立
階下大言曰璟所陳社稷大計陛下當聽絀見者股栗
中宗立鄭普思以方技幸邕陳諫懇至語具異教者聞

元勳起刺陳州。邕素輕張說與相惡。會仇家告邕。曲登
社法。賊下吏論死。許昌男子孔璋上書言。前陳州刺史
邕剛毅忠烈。難不苟免。往者折二張之角。挫常氏之鋒。
雖身受謫。屈而姦謀沮解。拯孤恤窮。救乏賜匱。家無私
聚。而望賊下吏死在旦夕。臣聞生無益於國。不若殺身
以明賢。臣願以六尺之軀代邕爲之死。臣與邕初無生
平。臣知有邕。邕不知有臣。惟陛下寬邕之死。使與後功
臣雖瞑目。大願畢矣。疏奏。邕得減死。貶遵化尉。璋流嶺
南。起刺括州。興利除害。復坐誣得罪。天子識其名。詔勿
劾。後歷溫。滑二州刺史。上計京師。始邕蚤有名。重義愛
士。不問家人產。以養士。每自言曰。坐上客常滿。尊中酒
不空。吾事足矣。以故能得士。斥外久。入朝。人以爲古人
將。肩日有異。環阡陌聚觀。後進生。望風內謁。門巷填溢。
中人臨問。索所撰文章。以讒媚不得留。出爲汲。北海二
郡太守。邕豪引左驍衛兵曹參軍柳勣占休咎。遺勣馬
勣以罪下獄。相林甫素忌邕。吉溫令勣引邕傳致死罪。
詔羅希奭就郡杖殺之。時年七十矣。代宗時追贈秘書
監。杜甫作八哀詩。邕其一云。邕性豪。不能治細行。所在
政游自肆。人爭慕
何之。亦終以敗云。

論曰。人器能各有窮。君子之使人也。器之不窮。其所能。
玄宗任姚元之幹國。而以盧相鎮雅俗也。斯近之矣。於
斯之時。士爭自爲材。比其末也。張曲江之風度。嚴挺之
之介。李北海之得士。頓蹙之窮焉。士豈願爲材哉。吁。可
鑒已。





DS
735
.A2
T4
v.31
國史上編卷之四十四

明旰郡鄧元錫纂

唐臣列傳

張鎬博州人。魁岸有大志。涉獵經史。客湖海。談王霸大畧。少師事學士吳兢。兢甚重之。遊京師。端居一室。不交接。獨嗜酒。有邀之者。杖策徑往。求醉而已。楊國忠始相。以搜奇士進之。爲名高。鎬自褐衣召見。拜左拾遺。玄宗幸蜀。鎬自山谷徒步從。肅宗卽位。遣鎬赴行在。至鳳翔。帝悅之。奏議多弘益。拜諫議大夫。尋得相。時天子供佛。祈冥福。鎬曰。臣聞天子脩福。在安養蒼生。靖一風化。未

聞以飯僧者。願陛下勿以小乘撓聖慮。時帝以世亂方
注意將帥。以鎬有文武才。命兼河南節度使。持節都統
淮南諸道軍。鎬至鎮。宋州圍急。副使張廵戰苦力。倍道
進援之。檄濠州刺史間丘曉同赴難。曉逗遛不進。宋州
陷。鎬怒。杖曉殺之。以肅軍。復兩京。加銀青光祿大夫。封
南陽郡公。兩都平。策賊帥史思明必反。滑州帥許叔冀
必爲變。語具帝紀中。坐買嗣岐王珍宅。貶辰州司戶。代
宗卽位。恩拜撫。洪二州刺史。尋授江南西道都團練觀
察使。卒。鎬入仕三十年。位將相。居身清絜。不營資產。謙
恭禮下。人推舊德云。

○崔渙博陵王玄晞孫。博綜經術。十歲居父喪。毀辭累
司門員外郎。楊國忠惡其不附已。出守巴西。玄宗西狩。
走迎謁。帝見其占奏明爽。問之。諳治體。慨然歎以爲恨。
得之晚也。房琯助爲言。卽日拜門下侍郎同平章事。肅
宗立。與韋見素等同赴行在。時京師未復。舉選者不至。
詔渙爲江淮宣諭。選補使。渙收采遺逸。誼不以親故自
嫌。或間之。渙曰。抑才厚謗。吾不忍爲也。然聽受不甚精。
罷爲左散騎常侍。後累御史大夫。進見帝。論時相元載
之姦。代宗曰。載雖少重愼。然協和中外無間。然真能臣
也。渙對曰。和之爲貴者。禮節之也。不節之以禮焉得和。

今干戈甫定。人思平乂。載爲相。宜明制度。易海內耳目。而怡權樹黨。毀法爲通。鬻恩爲怨。附阿苟容。乃幽國畢主之術也。臣未喻其能。帝默然罷。會渙兼稅錢物使。給百官錢。而吏上下其直。貶道州刺史卒。

子縱以蔭補郎遷監察御史詔

於臺臣中。擇令長除藍田令。寬明勤幹。德化大行。遷金部郎。以父貶道州棄官就養。後累大理卿。汴西水陸運兩稅鹽鐵等使。德宗幸奉天。縱起李懷光勤王。悉軍財給士卒。而西召爲右庶子。拜京尹。懷光反。帝幸梁州。左右億縱素善懷光。宜不來。縱竟走扈簡。較禮尚書。東畿唐汝鄧觀察使。河南尹時戶口亡耗。縱悉心求人。漢以簡易爲理。儲貲畢取。辦於官。不勤民。令五家爲保。自占發歛。絕胥吏之私。引伊洛水通都中。灌溉人便。安之徵拜太常卿。卒謚曰忠。贈吏尚書。縱脩飾自立。以父爲元載所排。抑載在政十餘年。不求調。父有嬖妾鄭縱母事之。雖通顯。鄭數詬縱。率妻子承養。終不衰。史以爲縱忠於國。能於官。孝於家。云。

○苗晉卿字元輔上黨壺關人世儒素繇進士累知吏部選寬選人至厲言俗色紛于前晉卿與相對終已無愠色久之進侍郎積寬縱而吏緣爲姦坐下遷守魏郡三年政舉大體不問小過魏人德之嘗入計謁告歸壺關望縣門而步郡太守迎犒使所屬令行酒酒至必立飲白醪侍者有獻降西階拜而飲會鄉黨故舊飲出俸錢三萬爲鄉學本教子弟時歸德厚安祿山反楊國忠以晉卿識時命出鎮陝虢實枝之入對以老疾辭勒致仕祿山之亂執相希烈等赴洛受僞命晉卿獨間關南走投金州肅宗至扶風召拜左相帝欲以李輔國爲常侍持不可時希烈等坐受僞官論死晉卿曰希烈論死不知得張通儒安守忠當何以加之臣恐自是陷賊者不復至矣國大器連攝冢宰辭不敢當以老疾辭位詔肩輿屢日入中書視事廣德初吐蕃入長安輿入逼脅之閉目噤不語虜不敢害帝還自陝冊太保致仕卒贈太師晉卿秉政七年小心謹畏不甚斥是非得失故能安寵保名然練達事體百官文簿一省無遺矚博士獨孤及議諡以爲惠和以懋其事明哲以保其身知人官人言刈其楚不五六年比肩袞職漢史稱胡廣與故吏陳蕃並爲三司太師有焉謹按體和居中曰懿文行有

成日獻請

謚曰懿獻

○裴詡

字士明

絳州聞喜人。父寬爲潤州叅軍。刺史韋詵

休日登樓。望見後圃有瘞藏者。恠之。問誰與居者。左右

曰。是叅軍裴寬居也。召問之。對曰。往寬誓不以苞苴入

私室。適有以鹿餉者。辭不受。委之去。故瘞之。詵咨美其

清。因以女妻之。爲蒲刺史。政務隱恤。玄宗宴餞。賜之詩

美焉。

有德比岱雲布。心如晉水清之句。

詵舉明經。補河南府叅軍。通綽

不苛細。號王巨。奏署侍御史。襄鄧營田判官。史思明陷

陳都。詵跳匿山谷間。思明嘗爲詵父將。懷舊恩。必致之。

迹得焉。喜甚。呼郎君。不名。授僞御史中丞。思明殘殺宗

室。謂陰緩縱。全活數百人。密疏賊中事。九蠟達行在。事洩。思明大恨。怒詆罵之。殆死而免。則終以舊恩故也。賊平。除太子中允。吐蕃之亂。代宗出居陝。中外無至者。謂獨懷所綰。考功南曹二印。赴行在。帝見太息曰。疾風知勁草。信乎。欲以爲御史中丞。爲元載所間沮而止。久之。以鹽鐵使入計。帝召見。問權酷之歲入幾何。謂不對。復問對曰。臣自河東來至都。數百里矣。所過逢旱。燬農人愁歎。穀未下種。竊伏意望見陛下。必軫念元元。先問所疾苦。而但問臣以權利。是以未敢對也。帝悚然爲前席。時元載第五琦方以言利幸。故譖對云然。拜左司郎中。

歷虔饒廬亳州刺史。入爲金吾右將軍。建中初。以山陵近禁屠殺。汾陽王子儀隸犯禁。詣列狀奏劾。或謂之曰。郭公有社稷功。奏糾隸固當。獨不爲郭公地耶。詣曰。此乃所以爲之地也。郭公權重震主矣。天子新卽位。必且謂羣臣咸黨附阿之。吾故發其細過。示公權重不足畏也。上尊主威。下安大臣。不亦可乎。有詔三司決庶獄未允。聽撾登聞鼓。詣進曰。古諫鼓。謗木之設。所以達幽枉。延直言。今輕猾爭纖介而上聞。此謂庶獄。古明王罔兼攸者也。今兼之。不難其爲吏乎。詔悉歸有司。坐所善僧抵法。貶閬州司馬。久之。累兵侍郎河南尹。詣自以五世

尹河南入視事。不敢當正處而坐。不鞫贓罪。以寬和爲理。卒。年七十七。贈禮尚書。

○李栖筠。

字貞一

世趙州人。幼孤。有遠度。莊重寡言笑。好

書多通。慎交游。隱居汲冢城山。族父輩稱其有王佐才。勸使從事。舉進士高第。調冠氏主簿。太守李峴與爲布衣交。遷安西節度府判官。肅宗起靈武。料精卒七千赴國難。擢殿中侍御史。時太守峴已遷御史大夫矣。有詔峴及三司按羣臣從賊者。峴表栖筠爲詳理判官。栖筠悉心助之。論情罪。必原其人。所以被汚辱者狀。劑輕重爲六等以定罪。詳愼愛恕。峴聲譽溢然。以得相。遷吏員

外郎判南曹。時大盜後。選法亡失。多冒僞。栖筠判析有條。奸無所容。吏爲氣奪。會相峴去位。坐除所善太子中允。不適。改河南令。李光弼守河陽。高其才。引爲行軍司馬。已入給事中。祭酒綰以進士不鄉里舉選。試辭賦。浮文。非取士之實。請更科制。下羣臣議。栖筠獨是之。關中仰鄭白二渠以溉。而豪賊壅上流爲磴百十所。妨農田。栖筠請撤毀以便農。歲收登二百萬。爲元載所惡。出刺常州。歲旱。歿徙踵路。栖筠爲浚渠。廝江流灌田。遂大稔。名捕宿賊。累年不能得者皆盡。里無吠狗。乃大起學較。堂上圖孝友傳。用觀示諸生。爲鄉飲酒禮。登歌降飲。人

用募勸以治行進銀青光祿大夫封贊皇子行軍司馬。許杲以平盜功。留上元。有擅江吳心。朝廷以剗殘重起兵。卽拜栖筠浙西團練觀察使。填之。栖筠至。內張武備。外遣辯士。齎金幣詣杲軍。犒士。奪其謀。杲以士不衆附而敗。於是增學廬勸學。表宿儒褚冲。吳何員爲之師。身執經問義。遠近趨慕。奏部豪多徙籍京兆河南。避徭賦。病土著民。請量產出賦以杜姦。元載專橫。代宗不能堪。知栖筠素方。挺不附載。擢御史大夫。載爲少絀。優人侯莫陳怱。並補長安尉。爲京尹濟。吏侍郎邕所厚。栖筠并劾之。事未下。會月蝕。帝召問何祥。栖筠曰。月蝕脩刑。今

罔上行私者未得登天意有儆耶。皆坐貶。故事賜百官宴曲江。敘坊娼優雜。顓栖筠以任國風憲。謝不往。後遂以爲法。帝數欲召相憚載輒中止。然有進用多密客焉。無何卒。贈吏尚書。栖筠喜獎人善而樂人攻已短。故爲士所歸。子吉甫自有傳。

○獨孤及。

字至之

河南洛陽人。兒時讀孝經。一覽成誦。父

試之曰。兒志何語。對曰。立身行道。揚名於後世。自是遍覽五經。通大義。不爲章句學。成童。丁父憂。勺飲不入口者累日。母長孫氏諭令母減性。乃微進饘粥。杖而後起。天寶末。策上第。拜華陰尉。丁母憂毀。代宗以左拾遺召。

上疏曰。陛下屢發德音。使臣工直言極諫。召裴冕等集
賢殿。待制備詢問。天下拭目傾耳。以爲此五帝盛德也。
而所上封。皆寢不報。有容下之名。無聽納之實。願以所
上事下之朝。不可者。與執事者共改之。其可者。與執事
共行之。使知之必言。言之必行。行之必公。又言星隕如
雨。清明降霜。此下陵上替。民怨毒氣之所致也。宜反躬
罪已。旁求賢良。而師友之。下哀痛之詔。去天下疾苦。禁
暴止兵。節用愛人。大者具帝紀軍制中。遷太常博士。守
經質禮。百官薨卒定謚。綜覈必當。數上駁議。詞旨堅明。
以禮部員外郎。考第選人。旌別咸適。遷濠州刺史。平徭。

賦恤冤弱。加朝散大夫。遷尉州。尉邊江倚山。多盜賊。及
惠柔武讐。化爲良俗。歲饑旱。鄰郡庸亡什四以上。尉人
獨安。以課最。璽書勞問。加司封郎中。徙常州。務於振人
毓德。百姓蒙化。路不拾遺。甘露降其庭。卒諡曰憲。及中
和。平易孝友。純至。喜鑒拔後進。梁肅高參。齊抗皆師事
之。爲文彰明善惡。長於論議。子郁朗。郁文學有父風。官
翰林學士。婦翁權

德輿相辭內職終秘書少監朗歷御史中
丞工侍郎郁子庠孝有至性亦至侍郎

德宗初。相祐甫以道德廣上心。會上志未變。而政紀風
行。已相炎用。構勞臣於死。相杞用。而深心媚嫉。仁賢殲
焉。於是有奉天之難。自是天子猜防相臣。公輔復動得

疑疾而憚忌逆耳。其受從諛如酬也。時之賢者寬博不
者斤斤明察。謹者慎默。不者讒誣朋興。而鄴侯以忠知
移主心。宣公以丞弼匡上德。獨卓然有謨矣。當是時。相
晉每入告退。未嘗言於人。所親或問之。慨然曰。宰相職
業。繫天下安危。欲知宰相能否。觀天下安危可也。至哉
言。吁。噫。建中貞元間。時事鼎沸。於相道何如矣。

○韓滉字大沖。相文忠公休子也。休有七子。祿山入京。
師具不受僞官。走行在。浩洪渾法不得達而死。肅宗以
大臣子能死難。嘉之。皆贈官。滉貞介好學。以蔭補左威
衛騎曹參軍。兄洊知制誥。草相王璵制。不借諛。璵銜之。
兄弟皆斥冗官。起吏部員外郎。滉強直於吏事。特精遷
給事中。知兵部。選盜殺富平令。獲之。則北軍卒也。魚朝
恩奏請貸。持不可得。伏誅。以戶侍郎判度支。時所在軍
興。賦稅無度。倉庫出入無法。滉清勤。精簿書。作賦歛出。

入法覆治乾隱簡轄下吏四方姦妄者引繩痛排之屬
歲數登儲積豐實刺晉州遷簡較禮尚書刺潤州鎮海
軍節度使帝在奉天分兵戍河南狩梁州獻縑十萬匹
李希烈陷汴州令裨將李長榮與宣武軍椅角解寧陵
圍是以國家多難恐有晉永嘉南渡之事築石頭五城
自京口至三山造戰艦三十餘艘益舟師毀上元寺觀
四十餘所脩塢壁繕館第自建業抵京峴樓雉相屬城
中穿井深十丈者百所名申敞守實備豫也混生貴豪
性節儉裘茵袍十年一易居處纔蔽風雨堂無依廡弟
洞稍增補之混見命徹去曰先公容焉吾輩奉之常恐
夫墜敢改作乎而是時藩鎮自壇道路多阻關中連饑
饉江南兩浙轉輸粟帛無虛月朝廷賴焉獨在鎮持法
頗刻深諸路奏雨陽爲災必覈實人多怨者又素貴倨
新進用事者並嫉之以繕石頭城謗其有非望唯帝亦
疑之賴鄴侯泌以百口保護而免語具帝紀中貞元元
年拜簡較左僕射平章事封晉國公入朝畱輔政卒贈
太傅混在鎮辟僚佐隨所長器使咸得人常有故人于
謁之混察其一無所長獨與宴竟席未嘗左右視使監
庫其人終日危坐庫門吏卒無敢妄出入者

○柳渾字惟深

汝州梁人也。幼孤。生十餘歲。時有巫稱神

讖之言。見相賤且夭。幸爲僧事佛。可緩死。位祿非所及也。諸父信之。令徙業。渾曰。性命聖人所罕言。巫何知焉。且去。聖人之教。事夷法。卽生不如死。學愈專篤。舉進士。守信永豐令。刑姦暴。惠鰥嫠。旣物害。去人隱。獄訟衰息。累衢州司馬。未至。徵拜監察御史。僚長忿其放曠。改江南西路團練判官。佐連帥詰支郡姦謬。畢察有異政。課最者。舉揚之。累尚書左丞侍。涇卒之變。身亡。匿終南山中。泚聞。以相印卽授。渾棄家委賊。亡詣行在所。改右散騎常侍。賊平。拜兵侍郎。封宜城伯。李希烈據淮蔡。相關

播用李元平守汝州以抗難。渾曰。是夫喋喋利口。所謂
 銜王而賈石者也。往必見擒。已果敗。貞元三年。以本官
 同平章事。達下情。廣上心。帝嘗親擇郎吏宰畿邑而治。
 同官畢前賀。渾獨否。帝問之。對曰。此特京兆尹職耳。陛
 下當擇臣等輔聖德。臣等選京兆尹承大化。尹當求令
 長親民事。代尹擇令。雖得人。豈王體乎。臣愚誠不知所
 賀。帝曰。善。王工爲帶墮。私市補而覺。帝怒。命決死。渾執
 奏以爲工罪不至死。且方春。不可以行刑。傳律誤傷乘
 輿。羈服杖六十。讞。帝從之。有白伯強者。請進其家宅。充
 國召募。渾執奏曰。尚書左丞白季羔。於先朝稱名臣。其

祖父皆以孝弟表門京城隋朝舊宅季羔一家而已伯
強其從祖兄子也。法何得獻討賊自有國計。豈必毀義
門虧風教克之哉。望罪伯強却其宅。昭勸懲。韓滉自浙
西入朝得相。帝虛已待之。奏事或日晏。他相取克位而
已。又卞憊嘗榜吏省中。渾錐爲滉所引。正色質讓曰。先
相公以直道進退名天下。然傷福憊。不滿歲罷去。公又
甚焉。可無戒乎。夫省闥非刑人地也。而榜吏作福作威。
豈人臣所宜。滉悔爲孫謝門下吏白過官。渾愀然曰。旣
已委有司而復撓之。豈賢者用心乎。且士或千里辭家。
以干祿小邑。主辨何慮不能。聽就職。是歲擬官無退異。

者。白志貞雖貶。帝終眷之。令觀察浙西。渾爭曰。志貞本胥徒。負乘致寇。殆不可復。會渾移疾。出詔用之。因乞骸。不許。吐蕃請盟。渾策其不受盟。果刼盟。帝召慰勞之。相延賞。怡權媚渾。守正遣親厚勸之。慎言。渾曰。爲吾謝張公。頭可斷。舌不可禁也。帝好文雅。緼籍而渾質直無威儀。奏對語時俚。帝不悅而罷。渾恢廓坦蕩。細故不入其心。與人交。豁如也。清儉不營產利。更重任厚祿。無一畝之宮。以處其子孫。卒謚曰貞。

杜佑。字君卿。京兆杜陵人。父希望爲代州督。不結權貴。曰。吾不以貨濫吾身。佑以蔭補官。潤州刺史。韋元甫於希望有舊恩。佑往謁。元甫以故人子遇之。未之奇也。日視事。有獄疑不能決。以問佑。佑摘指機要。元甫大驚。

奏以爲司法參軍累簡較主客員外郎徵入爲工部郎
克水陸轉運使判度支時河朔苦戰爭民困繇賦佑上
言救弊莫若省用省用莫如省官爲相廬杞所惡出觀
祭嶺南制禮頌教俗以清開大衢疏塵閤火災以息絕
徼自擅者招徠威讓時適而事平徙鎮淮焦身憂早薨
賦薄征視闔境如在棖闔內因其俗均導而安利之決
雷陂以溉斥海濱棄地田之困廩完實積米至五十萬
斛列營三十區以處卒乘功省利博德宗崩攝冢宰尋
簡較司徒克度支鹽鐵使度支署吏繁廣事凌雜難理
佑以營繕還將作木炭歸司農練染隸少府職務脩簡
公論多之順宗崩復攝冢宰策拜司徒同平章事封岐
國公時議伐党項疏諫請慎擇良守絕誅求示恩信輯
綏之必毋使猛者守邊時憲宗新立以佑舊德優禮之
不各稱司徒歲餘請致仕不許令三五日一入中書七
年以光祿大夫守太保致仕卒年七十八謚安簡佑性
夷遜與物無忤爲治不暇察幹計賦鼂久相民利病而
上下之議者稱其治行少嗜學雖貴猶夜分讀書先是
元寔劉秩撫百家俾周六官爲政典三十五篇房琯亟
稱之佑以爲未盡因廣其闕參益新禮爲二百篇號通
典約而能詳其序曰理道之本在教化教化之本在足

衣食易稱聚人日財。洪範八政先食貨。管子曰。倉廩實而
知禮節。衣食足而知榮辱。夫子曰。既富而教。斯之謂也。
行教化在設職官。設職官在審官才。審官才在精選
舉。於是制禮以端其俗。立樂以和其心。此先哲王致治
之大方也。教化臻然後刑罰行焉。列州郡。俾之分顧。置
邊防以遏戎狄。終焉。今書具存。

○賈耽。字敦詩。

滄州南皮人。以兩經登第。天寶中。刺汾州。

治有異績。建中時。累山南東道節度使。德宗幸梁州。遣
行軍司馬樊澤入奏事。既復命。有牒至。以澤代將。徵耽
爲工尚書。耽方宴士。納牒懷中。顏色不變。宴加故。罷酒。
召樊澤。以詔授之。因告將吏。使詣澤謁賀。牙將張獻甫
恚曰。尚書使行軍入奏。而行軍自圖節鉞。奪尚書軍。不
忠。請殺之。耽曰。天子所命。則節度使也。孰得而犯之。卽

日離鎮挾獻甫自從軍府遂安貞元中義成軍亂耽出
鎮鄭滑淄青兵數千自行營歸過滑將佐請曰李納雖
外奉朝命內常有并兼心今其兵來請於城乎外館之
耽曰柰何與人鄰道而露宿其將士者乎改館城中宴
犒之士感悅耽時從數百騎畋納境納畏其德不敢犯
貞元九年入相以王叔文用事稱疾去語具帝紀中耽
博學多通其器恢然長者也口不臧否人物家人近習
不見其喜愠爲相十三年雖安危大事必所發明而夷
坦廣大淳德有常世共推焉好治方輿家言凡宦所經
從及記載所述若四夷使至及自四夷使還者必從訊

其山川。條紀地里。遠近夷險。百蠻十俗。畢區擘其源流。

乃撰海內外華夷圖及書。具表獻之。

表曰。臣聞地以博。厚載物。萬國基布。

中夏則五服九州。殊俗則七戎六狄。道理回遠。名號改移。古來通儒。罕遍詳究。興元初。臣奉旨脩撰國圖。旋充使魏。沐出鎮東維。間以衆務不遂。專門近。乃力竭衰病。殫所聞見。謹令工人畫海內華夷圖爲一軸。廣三丈。從三丈三尺。率以方寸折成百里。別章甫左衽。奠高山大川。縮四極於纖縞。分百郡於績事。宇宙雖廣。舒之曾不盈庭。舟車所通。覽之咸若在目。圖不可備。必資記注。中國以禹貢爲首。外夷以班史爲宗。郡縣紀其增減。蕃落叙其衰盛。凡諸疎舛。悉從釐正。古郡國題以墨。今州縣題以朱。爲古今郡國縣道四夷述凡四十卷。自吐蕃陷隴右。國家移守內地。舊鎮戍不可復知。具悉其險要。爲書。而靈慶之設險。王會之封畧。可坐而得也。撰別錄六卷。黃河爲四瀆之宗。而戎乃羣羌之首。載河所經。受爲圖。條治河事。爲書凡四卷。庶幾伏波聚米。開示衆軍。鄧侯圖書。用知扼塞之意。帝覽書。甚寶重之。優詔答賜焉。時指圖問其邦人。咸服其精。又著開元十道錄。以貞觀

分天下隸十道在景雲爲按察開元爲採訪天寶後爲節度廢置升降畢備其意念深矣

○張薦字孝舉涿州陸澤人敏銳有文辭爲周官左氏春秋顏魯公真卿嘆賞之天寶中浙西觀察使李涵薦其才任史職授左司禦率府參軍以母老疾不拜母喪禮闋禮侍郎于邵復薦之充史館脩撰時魯公爲逆杞所擠使淮西見止不還兄子峴及家僮奏事者五輩畱內客省不得出薦上疏曰去歲正月中真卿奉使淮西明不先戒行無素備受命之日不宿於家親黨不遑告別介副不及陳請屏僮單騎星言宵馳冒姦鋒於臨汝折元惡於許下忘軀仗義面詬羣兇遂令脅制者回慮忠勇者奮發周魯肅清內外相應使希烈倉黃窘迫奔守舊穴此真卿義風之所激也真卿逮事四朝爲國元老忠貞孝友羽儀王室行年八十拘囚環堵之間視息鉤戟之下呼嗟憤恚失寢忘食老羸一身何以堪處伏聞希烈母念幼子日不絕泣希烈妻祖母卽及妻妹並逮京師此三人者雷之無益請降詔書寘境上以贖真卿且希烈素知真卿人望不敢加害旣無嫌隙因循未遣若歸其親愛賊亦何恡而不遣哉臣又聞真卿所遣兄子峴及家僮從官奉表來者皆畱客省其子顗等拳

奉實希一見望許休澣疏奏廬祀持不下朱泚反變姓名匿城中京師平擢左拾遺累諫議大夫裴延齡用事薦將踰其姦延齡知之以薦兼史職言于帝曰諫議論朝政得失史官書人君善惡二者不可得兼改秘書少監會同回鶻賜卿懷信可汗薦克使還吐蕃贊普死復以工侍郎兼御史中丞克弔祭使次赤嶺被病卒贈禮尚書薦自拾遺至侍郎凡二十年常兼史館定昭德皇后廟樂遷獻懿二祖定大儀位號登大臣祔廟莫不參裁諸儒服其詳博

○穆寧懷州河內人父元休以文學著撰洪範外傳十篇獻玄宗賜帛授安陽令寧清慎剛正重交遊以氣節自任以明經授鹽山尉安祿山反僞署劉道玄爲景城守寧起兵斬道玄史思明來寇寧攝東光令思明遣使來說誘寧斬以徇郡守懼賊深怨奪其兵初寧過平原與太守顏真卿語揣祿山必叛至是遣間使遺真卿書無他詞獨夫子爲衛君乎六字真卿發書則大喜奏署大理評事河北採訪使使寧以長子屬其母弟令遠去而身詣平原謂真卿曰先人有嗣矣古所謂成有輕于鴻毛者寧是也願以死從公真卿敬禮之及真卿棄郡見肅宗鳳翔帝勞慰之頓首曰臣不用穆寧之言自使

至此帝驛召寧會真卿以抗直失旨寧至不見答累殿
中侍御史佐鹽鐵轉運使副元帥光弼鎮徐州檄取粟
餉軍寧持不與光弼怒召寧欲譴之轉運使令避去寧
曰誠避之失守今亂自我始我安所避乎卽往見光弼
光弼曰吾帥衆數萬爲天子討賊仰於食若閉廩不發
豈欲潰吾兵爲賊耶寧對曰公受天子命主兵寧受天
子命主糧命主糧者救必救取之公安得以糧取乎令
公欲得糧寧予糧令寧求專兵公亦擅與寧兵乎光弼
不能難遂謝之轉河南江南轉運使加庫部郎中時河
不通運漕輓繇漢沔自商山達京師寧爲鄂岳沔都團
練及租庸鹽鐵沿江轉運使淮西帥李忠臣設防屯稅
商賈又縱土行剽與寧夾淮爲理所嚴憚寧寇盜稍止
生事貶昭州平集尉簡較秘書少監刺和州有善政忤
寧者以天寶版籍較見戶証逋亡多貶泉州司戶寧子
贊守闕三年訴父冤遣御史按覆戶乃增倍召寧爲右
諭德寧強毅不能事權貴處散秩寧默默不得志曰時
不我容我不時徇是兩失之也欲引病去會帝居奉天
寧耻遠難走行在以從帝還京寧曰可行矣移病歸就
并秘書監致仕寧好學教諸子嚴事寡姊恭每誡諸子
曰君子之事親養志爲大吾志在直道苟直而已慎無

爲諡卒年七十九四子贊質員賞皆驥贊孝謹爲御史中丞質強直爲右補闕論大閹承確不當將兵者也質和粹工文辭尚節義官侍御史世以滋味目之贊爲醕質爲酥員爲醍醐御史賞爲乳云先是韓休家訓子姪嚴貞元間寧教家篤故世言家法者曰錦穆韓穆焉○鄭餘慶字居業爲榮陽世家貞元末得相寃六經深旨砥礪於名行爲世儒宗每奏對多傳古義爲詳定禮儀使奏刑侍郎韓愈禮侍郎李程爲副簡左司郎中崔郾等充判官五禮損益爛然穆宗立以師傅恩進簡較司空居清儉率素終始不渝也卒貧不辦喪其族父綱以翰林學士知制誥德宗自興元還置六統軍視六尚書處罷鎮者相承制用麻中人竇文場爲中尉請比統軍降麻許之綱奏故事惟封王命相用白麻今不識陛下特以寵文場耶抑遂爲著令也帝召綱謂曰宰相不能遠中人得卿言方寤帝大漸倉卒召學士入草遺制綱及衛次公定策立太子語具帝紀中王伾王叔文用事守道中立與次公多所匡正已得相無赫奕稱而守道救篤人歸德焉卒贈司空謚曰宣

○鄭珣瑜字元伯鄭州榮澤人少值天寶亂退耕陸渾山養母不干州里轉運節鎮奏補官謝不應大曆中以

諷諫主文科高第授大理評事判拔萃爲萬年尉崔祐甫相擢左補闕貞元初詔擇省郎治畿赤以簡較吏員外郎兼奉先令遷吏侍郎爲河南尹未入境會德宗生日尹當獻馬吏前白珣瑜陽視事不應徐曰未到官而遽事獻也禮歟竟不獻性嚴重少言未嘗以私託人亦不敢干以私治河南清靜惠下韓全義將兵伐蔡主醜運珣瑜密先儲侍陽翟以給軍百姓不知也全義與監軍非詔約別檄有所取掛壁間不答軍罷凡數百封召門下侍郎同平章事京兆尹李實方幸務進奉珣瑜質責之曰雷府緡帛入有數餘者應內度支今進奉乃出何色也具以對實大慚之順宗立遷吏尚書王叔文交奄人攘政珣瑜喟曰吾可復居此乎命左右取馬歸引疾去卒贈尚書左僕射諡文獻

○高郢字公楚渤海蓆人九歲通春秋能屬文天寶末大盜據京師父伯祥爲好時尉爲賊得將殺之郢年十五被髮解衣請代死賊義之俱免舉進士擢第應制舉登茂才異行科朔方帥李懷光奏辟爲從事累副元帥府判官懷光反與李鄴以死諫語具帝紀中諫大夫孔巢父至河中宣慰被刃委於地郢就撫視懷光誅北平王燧辟爲掌書記徵拜主客員外郎累禮侍郎時應進

士舉者。馳逐務聲名。郢嫉之。掌貢舉者三。絕請託。專以經藝程試。進陶獨。抑浮華。士風爲一變。拜太常卿。貞元末。得相。順宗卽位。爲常執誼。王叔文等所忌。以本官判吏尚書。鎮華州。授尚書右僕射。致仕。卒。年七十二。贈太子太保。諡曰貞。郢恭慎廉潔。寡交從。奉法勤恪。掌誥累年。家無制草。或問之曰。王言不可存私家。史臣曰。郢總卅身代父委命。孝也。王人被傷。親撫之。賊廷義也。典試抑浮濫。正也。保止足。辭榮。智也。大行備矣。

憲宗銳精於治。倚方正任公卿。寄耳目於臺諫。延英論政。人得自盡。訐謨陳論蔚然。於貞觀開元中。並稱唐三宗。晚季朋黨之名立。施于數世。忠邪淆混。激射相傾。方鎮權閥。互相倚軋。卒訖於殫瘁。嗚呼。公私治亂之判。微與危矣。

○李吉甫。御史大夫。栖筠子也。以蔭補太常博士。爲相。贊所不與。出爲明州刺史。贊貶忠州。時宰欲害之。起吉甫。

南刺忠州，使其心焉。吉甫寘宿怨，以故相禮嚴事之。人服其厚，坐不徙者六歲。改柳饒二州，累中書舍人。李錡在浙西，賂貴倖，請宣歙兼請用韓滉故事，傾鹽鐵。吉甫曰：昔常臯多蓄資財，而劉闢以構亂，錡逆節有萌矣。而益以鹽鐵之饒，采石之險，是資之也。帝悟，乃不許。高崇文伐蜀，未下，嚴礪請出并州兵趨果閭，攻渝州。時崇文功有端，礪復請大臣往節度。吉甫曰：不可。并州遠，古伐蜀多繇。江宣洪勸鄂彊弩名天下，請發其兵，擣三峽，則賊勢自分。崇文功且成。又命帥將士不復力，却其議而蜀平。吐蕃遣使請尋盟。吉甫曰：曩南詔未附，故與吐蕃盟安邊，自異牟尋歸國，吐蕃不敢犯塞。今許盟，必携南詔心，是兩失之也。詔辭其使。吐蕃復使請獻濱塞南北數千里亭障，以爲和。吉甫曰：邊境荒阻，蕃以數番紙圖千里相加遺，邊吏卽按圖覆視，不辯知有得地名，無其實，不可許也。乃竟謝絕之。張愔以徐州稱後，旣賜節，朝議以濠泗二州還其軍。吉甫曰：泗負淮，乃餉道所會。濠有渦口之險，前以授建封，形勢幾失。今愔爲衆軍所擁，立卽有善意，其衆未易制也。又使得淮泗，阨東南走集，此其憂未艾。乃止。皆國家大慮。已代杜黃裳爲相，時吉甫遷蹇外鎮十餘年，究知閭里疾苦，病方鎮強恣，旣拜

命謂中書舍人裴均言吉甫流落江淮十五年一旦蒙
恩厚至此思所爲報念獨在進賢而朝廷後進罕所接
識君精鑒願爲我悉籌之均立取筆疏三十餘姓名授
焉數月間選用畧盡當時翕然稱得人已從容爲上言
方鎮制千里之地州縣不能抗以其勢專也今獨使郡
守刺史得自爲政則政行矣於是出郎吏十餘人爲刺
史而贊帝討李錡平之封趙國公自德宗姑息藩鎮終
身不易地吉甫相歲餘易鎮將三十六人毀晁威當已
與御史中丞竇羣隙爲羣所持因乞免薦裴均自代以
使相鎮淮南帝爲御通化門祖之居三歲奏蠲逋租數
百萬築富人固本二塘旣田者萬頃漕渠庠不能居水
乃築堤以防洩曰平津堰江淮旱浙東西尤甚有可不
爲請吉甫馳以聞帝大驚立遣使分道賑貸六年役代
均秉政入對延英殿漏盡五刻乃退吉甫奏以爲方今
置吏不精流品龐雜存無事之官食至重之稅而生人
日困又國家自天寶而來宿兵常八十餘萬其去爲商
販度爲僧老不科役者率十五以上是天下常以勞筋
苦骨之人三而奉坐待衣食之人七內外官仰奉稟者
無慮萬員有職局重出名異事離者甚衆故財日寡祿
益多官有限而調無數於是詔省冗官八百吏千四百

員。又奏收畿內佛祠田。磴租以寬民。數裁節。非分恩。十宅諸王。既不出閣。諸女嫁不時。而選尚皆繇中人。厚爲賄。乃得遣。吉甫奏請下詔定。縣主下嫁之制。令有司。取門閤配焉。吉甫在朝。爲上經畫。方鎮之畧甚具。圖河北山川道里。阨塞及備禦法。以獻。帝張于浴室門壁。每議事。必按圖。矚眎焉。吳元濟反。吉甫以淮蔡內地。不當用。河朔故事。聽承襲。又請自往招。苟不聽。得指授群帥。俾以獻。帝不許。固請。至流涕。會暴疾卒。帝震悼。贈司空。諡忠懿。吉甫多知計。再輔政。嚮上意。爲容稍脩恩。然罷李藩。遷裴垕。與李絳隙。數辯爭。帝前。公論稍薄之。子二。德脩。有志操。官刺史。德裕相。文宗已相。武宗謨具帝紀中。或頗訾史所著。吉甫事多德裕相時。命史官傳益。非盡實錄云。

○權德輿。字載之。

天水畧陽人。父臯有節行。具忠節事中。

德輿未冠。能文章。方鎮表請辟用者。三府同日至。德宗徵爲太常博士。轉左補闕。時關東淮南浙西大水。德輿

建言江淮田一善熟則旁資數道一不收亦爲旁數道
憂故天下大計咸仰於東南今淫雨二時農田不闢宜
擇羣臣明識通方者持節勞徠問人所疾苦蠲其租與
連帥守長講求所以佐民者帝從之裴延齡以巧倖進
判度支德輿疏諫曰頃延齡自權判來今閱歲耳而衆
口誼於朝云以常賦正額支用未盡者名剩利爲已功
又重破官錢買常平先所收市雜物再給佑克別貯剩
錢又移邊餉爲上供邊諸軍自今春來並不支糧饌道
路紘紘無不疵議豈京師士庶愚智合爲黨其讎嫉之
耶殆不可不察也陛下必以延齡孤貞獨立爲時所抑

結此流言。何不以新收剩利。徵其本末。分析條奏。而擇中朝信臣。與中使一人。巡覆邊軍。察其資儲。有無虛實。儻延齡果每事省約。別收羨餘。於正數各有區分。邊儲軍實。歲有支給。而身自歛怨。爲國惜費。自宜更示優獎。以湔群疑。或言者非謬。罔上實多。邦國重務。豈宜令耗蠹也。臣職在諫曹。採聽群議。不敢愛死。不聽遷起居舍人。兼知制誥。時帝親攬庶政。重除拜。凡朝命皆手制。從中下。始德輿與給事徐岱。舍人高郢。俱撰制行。久之。岱卒。郢知貢舉。德輿獨直禁垣。上書言左右掖垣之設。舊制分曹十員。以相防簡。所以承天子誥命。若奉行宣下。

至重也。今闕員不置。獨臣以一人忝大務。將事有所壅。而吏得爲姦。乞除兩省官。帝曰。甚知卿獨勞。禁掖清切。須得如卿者任之。難其人耳。久之。拜禮侍郎。掌貢舉者三。取明經不限員。甄品詳諦。所得士。相踵爲公輔。十九年大旱。德輿上疏。陳闕政曰。臣聞銷天災者脩政術。感人心者流惠澤。畿甸之內。赤地不耕。宜詔所在裁經用。以六種貸民。其今年租賦。及宿逋。乞一切蠲免。又言比經綯放者。自謂枚拭無期。其爲匪人。以干動和氣。惟陛下曠然洗宥。使其徒相勉。知牽復可望。德輿每陳論。往往傳今古本末。科條其利害。以覺悟人主。至爲相本寬。

和以幾教化。因善與贇。不務主已。匡維調護。不爲察察。
名。時帝切于治。相吉甫絳。論事上前。多持異德。輿不敢
有左右。見謂循默。不憂國。罷爲東都留守。復以簡較史
尚書。出鎮興元。疾聽歸闕。道卒。贈左僕射。謚曰文德。輿
生三歲。知變四聲。四歲能賦詩。少長。貫綜經術。自始學
至老。未嘗一日去書。其文雅正。瞻裕。當時公卿侯王。功
德卓異者。皆所銘紀。雖動止無外飾。其縕籍風流。縉紳
交慕。以爲羽儀云。

○韋貫之名。純。避憲宗諱。以字行。京兆杜陵人。後周道
遙。公襲後。父肇。吏侍郎。贇。父喪。家貧。食豆糜。自給。舉進
士。登賢良科。授較書郎。調長安丞。京兆尹李質得幸。權
移宰相。言能必行。所知以貫之屬之。實舉笏出。所記示

之曰是其居與我同里吾亟聞其賢此其姓名也吾未
識其面而面之且薦矣所知喜以告質之謝唯唯竟不訪
官亦竟不遷久之累有補闕詔擢杜從郁爲補闕從郁
時宰佐子也質之與崔群獨孤郁持不可改左拾遺復
奏言拾遺補闕雖品異爲諫官等耳國家所爲設諫官
者以宰相政有失得容駁議也使從郁執議是子議父
不可訓使不議又安取補拾爲哉乃改秘書丞新羅人
金忠義以工巧幸擢少府監當蔭子補齋郎質之執不
與曰是將奉郊廟祠祭之事行階爲守宰安可以賤工
子爲之事得寢克考制策官奏居上第者三人言指切
時病同官難其詞直請更之竟署奏上出刺果州徵爲
都官郎中知制誥轉中書舍人宰相裴垍嘗三奏事而
却問之質之曰公亦嘗以進退請乎此大臣節也垍曰
謹奉教於是乃得請遷禮侍郎所取士抑浮華先行實
流競爲息比入相爲上言宜釋鎮州之師專討蔡帝方
急太平未許也質之曰陛下獨不念建中之事乎兵始
於蔡趙齊魏應之德宗率天下之兵命李抱真馬燧急
攻之而物力大屈以有涇泚之亂此無他不忍待次第
速於撲滅故耳此前事之鑑也帝深然之而時業已討
鎮不能還復議置都統而命汝帥烏重胤許帥李光顏

合軍貫之言諸將四面討賊則各脫進取置都統復令
二將連營將各持重養威未可以歲月下也亦不從遷
中書侍郎後四年乃克蔡蔡平鎮乃服卒如貫之言貫
之性高簡嚴身律下以清流品爲先門無雜賓有張宿
者以口辯幸擢補闕使淄清相度欲爲請章服貫之持
不可卒爲所構誣以朋黨罷爲吏侍郎出爲湖南觀察
使時兩河留兵用不足命鹽鐵副使程昇行詣道督課
賦昇所至諷方鎮措拾進獻貫之以兩稅外不忍加橫
賦罷分司東都長慶初徵拜工尚書未行卒贈右僕射
貫之自布衣至重位二十年也直寶玉不敢至其門性
沉厚寡言與人交無欵曲未嘗僞詞悅人歿家無美財
伯兄緩爲翰林學士所議論常合中道然畏慎傷用弟
纁有精識與學閨門之內名教相樂貫之除監察御史
舉纁自代時議不以爲私轉右補闕而纁代爲監察故
帝氏兄弟令名推一時纁官太常少卿貫之子渙自有
傳

○崔羣貝州武城人累官翰林學士憲宗初以讜言當
上意因詔學士凡奏議待羣翬乃得上羣頓首言禁密
之地當人人自陳庶上裨聰明臣何有乎且一爲故事
後或有惡直醜正者則他學士議不得上聞矣帝曰善

惠昭太子薨時遂王嫡也而澧王長多內助帝將建東
宮詔羣爲澧王作表讓羣曰凡當得而辭謂之讓不當
得何名讓乎今遂王嫡宜立澧王長庶耳安謂讓帝說
魏博田季安以五千緡助營佛祠羣以爲獻無名不當
受詔却之元和中以中書侍郎同平章事帝語相聽受
之難也羣進曰無情曲直辯之易獨有情奸欺難審耳
陛下擇賢而任之待之以誠糾之以法則人自歸正不
爲欺帝韙其言時皇甫鎛以言利得幸陰求相群數言
其佞邪不可用已入對及開元天寶中事群因言曰玄
宗少歷艱險更民間疾苦故初得姚崇宋璟盧懷慎輔
以道德蘇頌李元紘孜孜守正則開元治其後安于逸
樂遠正士毗小人故宇文融以言利進李林甫楊國忠
怙寵朋邪用則天寶亂世人謂祿山反爲治亂之分臣
謂罷張九齡相林甫固治亂所繇分也願陛下以開元
爲法以天寶爲戒左右爲感動已帝宰相鎛會度支稟
賜邊上不時物弊惡李光顏至欲引佩刀自決中外皆
恐群以聞鎛奏邊鄙無事乃羣鼓衆聽賣直使歸怨天
子罷爲湖南觀察使穆宗立以吏侍郎召勞之曰朕知
之我爲太子卿力也羣曰此先帝意臣何力焉克武寧
節度使爲副使王智興所逐左遷秘書監分守東都召

拜吏尚書
卒贈司空

○李藩

字叔翰

趙郡高邑人。曾祖至遠。刺壁州。祖畬。考功

郎中。皆以志行稱。父承。幼孤。兄曄鞠養之。長事兄如事
父。舉明經高第。李希烈破梁。崇義據襄州。詔以承爲襄
州刺史。山南東道節度觀察使。慮希烈逆命。欲以禁兵
衛承往。承曰。希烈旣得城。卽兵多未易制。少遺之。禽耳。
臣以朝命往。彼未敢遽加害。請單騎行。旣至。希烈處之
外館。迫脅之萬端。恬不動。乃好慰藉。以印章歸之。獨大
剽剋而去。撫治一年。襄頗完復。藩少恬淡。善容儀。家世
饒於財。好施予。不數年而貧。年四十餘未仕。讀書揚州。

困不能自存。妻子交謫。晏如也。東都守杜亞以故人子。辟爲從事。爭冤獄。不得。遂解去。徐州帥張建封聞其賢。禮辟之。居幕謙謙。不以細故自見。會建封疾作。濠州刺史杜兼疾驅至。覬得軍。藩質責之曰。僕射有疾病。君守土。宜在州爲防。此來何爲。不速去者。奏劾矣。兼錯愕。馳去。深恨之。建封卒。徐州亂。兼因誣奏藩。搆士衆心。德宗怒。詔濠泗節度使杜佑密誅之。佑雅器重藩。得詔驚立。密疏以百口保藩。居旬日。懷詔書不發。召見藩。謂曰。佛氏言生歿因報也。信乎。藩曰。殆其信。曰。審如是。君當事。寧無恐。因出詔示之。藩色不動。請就死。佑曰。需之。吾業

以百口保君矣。德宗得佑奏。疑未釋。追入詣闕。藩至入對。帝望見其儀狀。于于雍雍也。釋然曰。是豈爲亂者。非秘書郎。柄臣邀與相見曰。當卽用君。不肯見。郎官王仲舒輩相與自品目爲豪。目聚飲歌吟爲諧。隱強致之。藩一請不復往。或問何也。曰。吾與游終日。言不及義。壹不省所言。謂何庸往何爲。後果敗。憲宗時。累給事中。凡制敕有不便。就敕尾批却。吏驚白批却。當聯白楮於敕後署之。不當就敕尾署。藩曰。苟他紙亦狀牒耳。何名批敕耶。相埒薦其有宰相器。以門下侍郎同平章事。藩效忠知無不言。帝重其無隱。河東節度使王鐸賂權近求兼

官一日手勅下。鶚可兼平章事。藩遽取筆塗兼平章字。署其尾曰不可。還奏之。同官失色曰。卽不可。應別爲奏。何乃汚詔紙耶。藩曰。勢迫矣。出今日。勢不可得止。又曰。幕何暇別作奏事得寢。帝嘗問足國以節儉對曰。苟用汰侈。何國不貧。問祈禳以脩德對曰。苟德不脩。何福何求。問神仙長年事。藩知帝意有所惑。極陳其謾誕。不可信。李吉甫再相。旬日。罷藩爲詹事。已出爲華州。未行卒。贈戶尚書。

○李鄲字連侯。北海太守邕從孫。舉進士。又以書判高等。補秘書省正字。李懷光辟致幕府。累監察御史。懷光及鄲與母妻陷賊中。恐禍及親。乃僞白懷光曰。兄病卧。雒陽亟甚。請母訣。因涕泣橫流。懷光許。聽母往。而戒令

妻子毋動繫其心。鄺私遣之。懷光怒責之。謝曰：「鄺在軍，不得爲母駕。」李何不使婦扶持行乎？懷光不能詰。後與高郢諫苦力不聽，則刺賊虛實及所爲攻取狀以聞。德宗手詔褒答。事覺，懷光嚴兵召二人問詰，欲斬以明威。鄺詞氣不撓，囚之。懷光誅馬燧，就獄中禮辟佐其軍，以言不行辭去。入爲吏部員外郎。徐州張建封卒，兵亂，囚監軍，迫建封子愔主軍。鄺以宣慰使持節入軍，喻禍福，出監軍獄中，使復位。愔表謝罪，稱留後。鄺曰：「非詔命也，必制去方受其未。」還遷吏部中順宗時，進御史中丞。憲宗立，進尚書左丞。元和初，京師多盜，復拜京兆尹，擒姦戢盜，威稜甚著。顧隴右鳳翔節度，徙淮南。時王師討蔡，意李師道謀撓沮之。鄺以兵二萬分壁鄆，資餉不仰有司。時兵興，鄺籍府庫財，留一歲儲，餘盡納于朝，以助師。監軍吐突承堆者，知鄺剛嚴，嘗妬義敬憚之，故未嘗相失。承堆還朝，數稱之以得相。鄺耻孫宦倖進，又年侵頗安外鎮，衆出祖樂作，泣下曰：「相非吾任也。」至京師，引疾固辭位，改簡較左僕射，分司東都。後請老，以太子少傅致仕。卒，贈太子太保。諡曰肅。孫瑗，相昭宗，事具帝紀中。

○盧坦

字保衡

河南雒陽人。始爲河南尉。尹召坦受事，曰：

某家子與惡少游。且破產。盡察諸坦。曰。凡居官誠廉。雖大臣無厚蓄。其多蓄積者。必其剥民利者也。令子孫復善守。豈天道哉。天恣其不道。察之何益。尹爲悚然。義成節度使李復表爲判官。諸大將羣詣坦。請善笛者爲右職。坦笑曰。諸君積勲勞得遷。乃後及右職。何爲自薄。與吹笛少年伍耶。且是以待有功也。諸將慙服。監軍薛盈珍侵軍政。坦據理折之。盈珍服其公。曰。盧侍御言。公我不得違。帥疾篤。盈珍遽封府庫。內其麾下五百人於使牙爲防。軍中恟恟。坦動以危言。盈珍促収之。及帥卒。坦護器歸東都。姚南仲代將。盈珍以爲其書生也。易之。

坦私謂人曰。姚大夫外柔中剛。監軍侵之。必不受。軍府之禍。始此矣。不去將及人。去之已而盈珍與南仲隙。而敗幕僚與焉。事具帝紀中。後爲壽安令。時河南尹徵賦調限滿。而縣人訢機織未就。請延十日程。尹怒。命違限且罰俸。坦歸諭其人曰。第輸。勿顧限。適違限。不過罰令俸爾。人大感悅。元和中。爲御史中丞。時有詔禁長吏進奉。而山南浙西更進奉。糾之。右僕射裴均班踰。值揖之退。有侃侃風節。語具帝紀中。出爲宣歙池觀察使。蘇強誅。兄弘在晉州幕。免歸。坦奏弘才行。不可以弟故廢。請辟爲判官。帝曰。使蘇強不死。有才行。猶可用。况其兄乎。

坦至鎮。值歲饑。穀騰踊。或請抑其直。坦曰。宣歙仰食四方。若抑直而商糴不至。困必甚。不如聽高估通商。既而米斗二百。商旅輻輳。乃多貸兵食出諸市。市佑遂平。召判度支。或告泗州刺史薛謩有異焉。不以獻。下度支官往驗。未反。命已復遣中使。坦奏曰。陛下既使有司驗之。又遣中官參之。是大臣不足信於中官也。命乃寢。河毀受降城。相吉甫議徙之。天德坦以爲城當磧口地。豐草美水。得制狄之要。此邊彰所利也。若避河流。獨退徙數里足矣。柰何省一時費。墮萬世長策耶。且天德非地也。土堯瘠。北倚山。去河遠。烽墩無所統一。有虜騎唐突。勢

何從及知。又無故蹙二百地。非計也。吉甫不聽。竟徙城而天德軍亂。初坦與相李絳議多協。絳引爲已助。吉甫惡之。出鎮東川。盡蠲山澤鹽井榷率之籍。士出戍撫其家甚恩。卒贈禮尚書。

○李渤

字潛之

雒陽人。父官侍御史。以不能養母廢。渤恥

之不仕。與仲兄涉偕隱廬山。嘗以爲列禦寇拒粟而妻怒。爲無婦。樂羊子受金而妻讓。爲無夫。乃撫古聯德。高蹈者。楚接輿。老萊子。黔婁先生。於陵子。王仲孺。梁鴻。六人。圖其象。讚之以自況。久之。徙少室居焉。元和初。戶侍郎李巽諫議大夫常況交章薦以右拾遺召。不至。河南

少尹杜兼遣吏持詔幣卽山敦勉焉。渤上書言昔屠羊
說有言。位三旌。祿萬鍾。知貴於屠羊。然不可使吾君有
妾施之名。說賤賈也。猶能忘已以愛君。臣盜榮寵。得無
爲屠羊子笑乎。不拜。維陽令韓愈遣之。書曰。今天子仁
聖。小大之事。皆出宰相。樂善言如不得聞。勤儉之聲。寬
大之政。溢於草野。愈不通於古。請問先生。茲非太平世
乎。加又年穀屢豐。符貺委至。干紀之姦。不戰而就拘繫。
若此時也。公猶然不起。卽行道終無時矣。昔孔子知不
可爲而爲之。迹接於侯國。今可爲之時。自藏深山。牢關
而固拒。與爲仁義者異守矣。渤心善其言。出家東都。每

朝有闕政。輒附章列上。以著作郎召渤。遂起就官。歲餘。遷右補闕。上書言至德以來。天下思致治平。訖今不稱者。天以變通之運示人。人倦而不知變也。宜乘平蔡之運。翹然思文武禹湯之道。正六官。叙九疇。修王制。月令。崇孝悌。敦九族。黜選舉。復俊造。定四民。抑佛老。明刑行令。治兵禦戎。下宰相公卿大夫。博引海內名儒。開太學。與辟臣叅講。據經稽古。應時便俗者。使切磋周復。作爲制度。合宣父繼周之言。疏四十五事。以獻。擢庫部員外郎。會皇甫麟務剝下。佐國用。渤奉詔使陳許。在道上疏言。臣過渭南。長源鄉戶四百。今纔四十。閭鄉戶三千。今

纔干。它州縣無慮多類此。推原其敝。本始於逃人之賦。舉雖之比鄰。致驅迫而然也。十室五逃。然且攤責。是使未逃者必歸於逃。而後已耳。聚歛之臣。剝下奉。上唯思竭澤。不慮無魚。乞下詔寬除。使人歸於本。又言道弗不治。驛馬多死。憲宗爲咨駭。出飛龍馬數百。給畿傳。而渤以峭直觸要臣意。謝病歸。穆宗立。拜考功員外郎。歲終。當較考。渤自宰相而下。各具升黜之當。以聞。畧言陛下卽位。敬大臣。未有昵比左右。自驕之心。天下事一付之宰相。相俛。文昌植不能推至公。陳先王道德以風化天下。又不振拔舊典。復百司之本。未聞薦一公忠。使天下

吏有所勸黜。一不職使尸祿者有所懼。陛下比幸驪山。股肱心腹之臣。不先事諫。陷君於過。請考中下。御史大夫絳。散騎常侍惟素。益諫。幸驪山。學士覃諫。畋游得事君之禮。請考上下。他百官以功過相補。各銓騰所當以上。奏未下。顧考功馮宿。以考課令三品以上清望官。歲進名聽上質。非有司得專請。如故事。便議遂格。會魏帥田弘正表。渤爲已副學士。杜元穎因奏。渤狂躁。千進外交方鎮。求薦達。不宜在朝。出刺虔州。則猶以前奏故也。渤至州。奏還信州移稅錢二百萬。免賦米二萬石。廢冗役千六百人。一主於厚民。遷江州。度支使張平叔歛。

天下通租。渤上言。臣州治田二千頃。今旱絕收者千九百頃。而度支所責。貞元二年流戶賦錢四百四十萬。是當大旱時責民三十年之逋賦也。臣爲刺史。上不能奉詔。下不忍民窮。無所逃死。請放歸田。有詔蠲責。渤又治湖水築堤七百步。使人不病涉。入爲職方郎中。進諫議大夫。時敬宗晏朝。渤入白宰相。請出閣待罪。會喚仗而止。退上疏曰。今日入閣。陛下不時見群臣。群臣皆布路跛倚。夫跛倚形諸外。則憂思結諸內。憂倦旣積。災釁必生。小爲旱孽。大爲兵亂。禮三諫不聽。則逃之。陛下新卽位。臣至三諫。恐危及社稷。逃將安之。時政移近倖。紀綱

蕩然。渤勁正。通章封無闕日。天子雖幼蒙。亦心動擢給事中。賜金紫。五坊卒夜毆縣人而傷。鄆令崔發。敕吏捕。摔之。其二中人也。帝大怒。收發送御史獄。會大赦。改元。發以囚坐金雞下。待宣赦。中人數十持挺亂擊發。敗面。折齒幾死。旣囚皆釋。而發獨不原。渤上疏曰。縣令曳屣中人。中人欺毆御囚。其罪鈞然。令罪在赦前。中人罪在赦後。請寘千理。帝謂渤爲黨。出爲桂管觀察使。桂有灘水出海陽山。世言秦命史祿伐粵。鑿爲漕。馬援討徵側。復治以漕。後隕毀。渤醢浚舊道。障洩有方。舟楫利焉。踰年以病歸。大和中。召拜太子賓客。卒。

年五十九 贈禮尚書。渤

貞孤。以古道自將。不苟合於世。世咸目之。洎激。屢見斥。而勁正不衰。

○溫造字簡與。河內人。幼嗜學。執高節。不喜試吏。隱王屋山。漁釣。韓愈所謂洛之南。涯有溫生者也。節使張建封致書幣。介所厚善延致之。造欣然起。應命建封。動容詢而不教。縻以職。移鎮徐。造感其知也。往從之。建封以兄子妻焉。會范陽劉濟欲輸款未決。帝密詔建封。豈嘗有縱橫上。有方畧有口。可使燕者乎。有遣往諭之。建封念無可著。強署造參謀。往濟立聽命。還報命。帝召見悅之。問家世。對曰。臣五代祖中書侍郎大雅。外五代祖衛公勣也。帝愈益喜。問年幾何矣。曰。犬馬之齒三十有二。年矣。帝奇之。欲用爲諫官。以語泄而止。復去。隱東都。長慶初。以京兆司錄。命宣諭太原。造入辭。請曰。臣州縣吏也。誠行。恐遠方易朝廷。穆宗慰喻之。賜緋衣而遣。范陽聽命。遷殿中侍御史。鎮州殺田弘正。復以起居舍人任宣慰。蓋辭知如此。判朗川。開後鄉渠九十七里。漸田二千頃。郡人利焉。居四年。召拜侍御史。夏州帥李祐入爲布金吾。遽制進馬百五十匹。造於正衙奏彈之。辭氣端

聳祐股戰汗流退謂人曰吾雪夜入蔡州城擒吳元濟未嘗心動今日瞻落于溫御史矣進御史中丞宮中昭德寺火在宣政殿東隔垣南司兩省宰臣京兆尹北司中尉樞密皆環立日華門外督神策士救火臺官後詔詰之造奏曰臺有坐重辟繫囚恐緣失火爲姦變追人吏隄防以故後請自罰罰一月俸造在臺舉奏無吐茹朝廷有喪不以禮配不以類者悉舉劾獲僞濫者官九十餘人皆曹吏爲舞文杖殺吏六人遷尚書古丞興元軍亂殺使相絳命簡較右散騎常侍出節度山南謝文宗念無兵憂之造曰無憂也臣計諸道彙所遣征蠻兵今至矣俟臣行至褒望賜臣密詔使聽臣事集矣帝許諾行至褒得詔興元都將衛志忠還來謁造留自衛亞將張仵李少直至造出旨示之則以八百人爲衙隊五百人爲前軍至鎮令分守諸門命張宴宴士牙門中造出堂卒羅拜徐曰吾欲問新軍去住可悉前舊軍退無前勞問畢就坐士有未至者傳令行酒未至者畢至卽召詰以殺使相狀志忠臣夾階立拔劍呼行刑賊首官健皆斬血流四注監軍楊叔元本激亂者時在坐起抱造足求哀造遣兵衛出俟朝命配流康州其親刃絳者斬百斷祭絳斬三十首祭處絳難者並沉屍江中加簡

較禮尚書明年入爲兵侍郎以耳疾判東都尚書省至洛改河陽懷節度觀察使造以河內地膏腴民凋瘵奏開浚懷古秦渠枋口堰溉濟源河內溫武陟四縣田五千餘頃轉禮尚書卒贈右僕射

○孔戣

字君嚴

冀州人孔子三十八世孫舉進士方正守

節鄭滑帥盧羣辟爲從事羣卒戣攝留務監軍楊志謙以氣陵之戣不爲屈邀志謙至府與對一卧起示不疑志謙服其內行嚴憚之入爲侍御史累一議大夫條四事朝多冗官一吏不奉法二農田不盡墾三山澤權酷爲州縣害四帝嘉納吐突承璀逐監淮南軍太子舍人李涉知帝意眷之授鹽言承璀功不可棄戣得副不受面質讓之涉更因左右以進戣劾涉結近倖罔上斥

涉峽州司馬。戮改給事中。江西觀察使李少和坐贓罪。獄寢不下。傳陵崔易簡殺從父兄鞠狀具。京兆尹出之。戮奏劾貶少和殺易簡。奪尹三月俸。當是時。戮高步公卿間。侃然忠讜。有諫臣體。再遷尚書左丞。信州刺史李位好黃老。數祠禱。監軍以州將上變告。言位聚妖術謀爲亂。捕劾治禁中。戮奏刺史有罪。法當歸法司。不當於使內鞠劾。請送御史臺。與三司雜治。詔聽之位以無他逆狀免。南海淡菜蚶蛤有歲貢。戮以爲自海抵京師道遠。水陸煩費。歲積功至四十三萬人。奏罷之。會領南帥闕。帝謂相度曰。嚮論罷南海進蚶淡菜者誰。今安在。度

曰。祭酒。戮也。卽拜御史大夫。節度嶺南。旣至。免屬州逋負十八萬緡。米八萬斛。黃金稅歲八百兩。嶺南守宰俸故薄。又不以時給。皆取諸部中。吏得藉口爲暴貪。戮乃倍其俸。而料俸外取索者。必以法繩之。繇是吏自重慎。法。南方鬻人口爲奴婢。戮禁絕之。中原士族斥南。不得歸。與流徙者百餘族。戮擇其可用用之。稟其無告者。女子爲嫁遣。始蕃。船至泊步。有下碇稅。有閱貨宴。所餉皆珠犀珍異。戮絕不受。海商有死者。官藉其貲。滿三月。無妻子詣請。則沒官。戮念海道往復。以歲計。有左驗。不爲限。悉推與之。詔禱祀南海。前帥憚風波。不敢往。令從事

侍祠。弒受詔必躬親。謂祠黃洞諸蠻叛。容桂二管利虜掠。倖功請討之。弒固言不可。帝不聽。發江湖兵。會二管入討。士被瘴毒。死甚衆。而安南乘之。殺都護。交廣騷動。獨弒所蒞晏然。吏民懷安。敬宗立。召爲吏侍郎。轉尚書左丞。疏請老。侍郎韓愈謂之曰。公尚壯。上又三留公。公何去之果乎。弒曰。吾年及一宜去。吾爲左丞。力不能進。退。郎吏惟相之爲聽。二宜去。愈曰。公無資。何恃而歸。曰。吾負二宜去。尚奚顧。子言。愈嗟嘆其賢。上疏言。臣與弒同在南省。見知其爲人。守節清苦。論議正平。年七十。筋力耳目尚未衰。其憂國忘家用意至到。如弒輩在朝不

過三數人。陛下不宜苟順其求。不畱之自助也。禮大夫七十致仕。若不得謝。則賜之几杖。非必七十盡致仕也。今殘穢禮求退。而陛下不聽許。無傷於義。有合於禮。得好賢之美。不報。以禮尚書致仕。卒。謚曰貞。子遵孺。溫裕。皆以學至大官。

○許孟容。字公範。京兆長安人。舉進士。累給事中。京兆言好時風。電傷麥禾。遣中官覆視。不實。奪尹已下俸。孟容執奏曰。府縣上事不實。罰固當。但陛下使中官覆視。將予奪繇中官。請更擇憲臣一人。行驗視。使法紀有歸。浙東判官齊摠。以剥下進奉。擢刺衢州。執奏曰。曩朝廷於兵戎州郡。不次擢者有之。重兵也。衢無他虞。齊總無殊績。忽超授駭衆。總本浙東判官。勅稱權知畱後。攝都團練副使。同無此勅。忽此詔。紊法。總誠有功能。願明書課最。乃超資改官。命得寢。自給事中。袁高論盧杞後。十八年。門下省無爭可否者。及孟容數執奏。天下想望其

風采會大旱孟容疏言自古天人順逆未有不歸百姓之利病者京師天下根本稅錢地租累百萬旱既太甚冀全赦免以戶部所收掌非度支歲計錢代充使旱涸之際民免流亡其他流移征防有當還未還徒役禁錮有當釋未釋通懸贖送有當免未免沉滯鬱抑有當伸未伸者乞特降敕令有司條上施行如此而其澤不應歲不豐稔未之有也自貞元末坐裴延齡李齊運讒謗流貶者十數手不量移故孟容及之改太常少卿元和初遷刑侍郎京兆尹賜金紫自興元後禁軍倚中貴護軍日益驕府縣不能制有犯者孟容繩以法闔立上訴命中使宣旨令所犯送本軍孟容繫不遣旨再下執奏曰誠知不奉詔當誅然職司輦轂當爲陛下彈抑豪強今罪未輸服罪人不可得也帝不能奪自此豪右歛迹改兵侍郎出爲河南尹有威名徵拜吏侍郎淮夷逆命鄆盜刺武丞相元衡遺紙於金吾曰母惡我惡者先殺汝故捕賊者不敢怠孟容入爲帝言自古未有宰相橫尸路隅而盜不得者此朝廷之辱也因涕泣橫流已又詣中書言漢有汲黯而淮南寢兵願自天子起裴中丞輔政使王兵卽罪人可得後數日度得相本孟容白發之出爲東都留守卒年七十六贈太子少保謚曰憲

孟容方勁有文學好推轂善士其折衷禮法考詳訓典
甚堅正論者稱焉

○楊於陵字達夫弘農人漢太尉震之裔也好學有奇
志節度使韓滉嚴少許可於陵以屬吏前謁奇之女焉
滉入朝留總將相財賦之任眷隆特權震中外於陵避
去不肯調滉卒入為膳部歷考功吏部員外郎選者特
與時相親書牒不如式駁之相怒改京兆少尹刺絳州
德宗聞其名留拜中書舍人以京兆尹李實譖徙秘書
少監貞元末觀察浙東歲饑請賑贍拜戶侍郎改京兆
尹京兆民多竄名北軍籍中冀脫役於陵請軍籍丁以
條科限弊乃清出節度嶺南辟常詞李翱等居幕府訪
得失教民陶瓦易蒲屋絕火患監軍許遂振貪橈軍政
於陵奉公潔已格之以見構去官遂振答吏劾於陵賊
吏呼口楊公尚拒他方賂遺肯私官錢耶會相垺為帝
申理授吏侍郎而遂振得罪初吏部試吏判而別詔他
官較能否於陵言佗官能第判能否不知曹闕員本司
能計員為留遣而不知判能否即事不相謀請歸職司
有詔常調悉還部又以甲曆年深朽弊易為奸奏換曆
便簡實改兵侍郎判度支淮西用兵唐鄧帥高霞寓屢
推敗詔詰責以度支驥運不繼為解貶桂陽守累戶尚

書以年及請命以右僕射致仕給全俸讓不受卒贈司空謚貞孝於陵賜量方峻節操堅明始終不失其正子嗣復事具帝紀中

○薛存誠字資明河中寶鼎人舉進士累辟使府元和初遷監察御史討劉闢詔以中人爲館驛使主郵傳存誠以爲傷公害國體奏罷之累兵侍郎給事中瓊林庫籍上徒存誠曰此姦人欲竄名其中避征役所爲耳持不可又神策軍與咸陽尉表儋構誣奏儋罪儋被罰又持不可一日問二敕皆格憲宗悅命中使宣慰拜御史中丞長安魯瑩虛者曰貞元中倚大閹通賂遺爲城社吏不敢詰坐事逮存誠窮劾之得贓數千萬當大辟權近更保救赦釋放存誠不聽帝遣中使詰臺諭曰朕須此角面詰非赦之也有誠附奏曰獄已具陛下必召赦之獨先殺臣不然臣不敢奉詔瑩虛竟抵法存誠性和易於人無不容及當官毅然不可奪子廷老讜正有父風嘗與舒元復李漢人閣論奏曰比除拜不繇宰相綱紀寢壞姦邪放肆懿宗怒厲聲曰更論何事元褒曰宮中興作太甚帝色變曰興作何所元褒不能對廷老曰臣等以諫爲職有聞卽應論奏見外輦材瓦絕多知有所營時造清思院殿中用銅鑑三千薄金十萬餅故懇

懇言之中人切齒李逢吉忌惡之出爲臨晉令太和初入殿中侍御史以李讓夷薦以本官充翰學士然嗜酒酣醉文宗不悅也罷內職守本官

論曰余讀杜氏通典綜古今切王體有意乎其述之也賈輿圖以方寸爲百里視寰宇於指掌今經遠者尚祖之史刺其褒衣危冠爲王表亦太貶矣李藩中和成象以自免於難李鄘高郢以不附逆犯難與李栖筠韋貫之之倫並貞挺體國有諤諤之節李渤孔戣斤斤以古道自將出處介然不苟合於世世溷溷目以爲悻直甚乃曰沿激過矣

○李紳字公垂

中書令敬玄曾孫也六歲丁父憂孺慕號

歸母廬躬授之書教之。母疾不脫冠帶而養者三年。母歿。毀踰禮。且葬。念祖妣而下未歸耐者九畧。以斬衰匍匐。禹里迎致之。葬之日。有靈鳥銜芝墜轎車。稱孝感。元和初。擢進士。逆帥竒辟掌書記。紳數諫不入。欲去。不聽。有詔召竒。竒劫中使爲衆奏自留。召紳草疏。紳陽怖手戰。筆不成字。已塗易盡數紙。竒怒。囚獄中。會竒誅。乃免。穆宗初。召爲左拾遺。與李德裕元稹稱三俊。遷中書舍人。造膝獻替。知無不言。會帝崩。李逢吉與中人王守澄深傾之。貶端州司馬。幾不免。事具帝紀中。寶曆中。稍徙滁壽二州刺史。霍山多虎。吏治機穽。發民迹射。不能止。

紳至。盡去之。虎不爲暴。太和中。相德裕當國。擢浙東觀
察使。卹隣沿。殍百姓歸仁。開成初。相覃薦爲河南尹。河
南多惡少。危帽散衣。擊大毬。馳行官道中。人不敢忤視。
紳治剛嚴。皆望風遁去。遷宣武節度使。宣武積習驕悍。
狙爲亂。紳至。刑賞信惠。以時用。而推心置其腹中。一年
而懲勸行。二年而人知畏。五年蝗不入境。水不爲沴。比
召。壺漿遮道。泣送者以萬數。武宗卽位。以德裕薦召相。
封趙郡公。居四年。以足緩辭位。以使相鎮淮南。卒。贈太
尉。諡文肅。紳爲人短少。精悍。在鎮時。江都尉吳湘者。賊
賂狼籍。娶部民女。紳鞫訊。抵死。遣御史覆按。
頗翻異。相德裕惡御史首鼠。奏貶之。議者以湘仲父武
陵。世父汝納。世與相德裕父子爲怨。疑紳爲羅織。宣宗

正宗閔黨令狐絢崔鉉白敏中白發之詔准神龍酷吏
法奪三官、顰子孫、德裕因貶死崖州、
。牛僧孺字思黯、隴西狄道人、隋吏尚書弘後也、幼孤
力學、工屬文、第進士、以贊良方正對策、與李宗閔、劉直
多譏切、相吉甫至持之、泣自訴、斥伊闕尉、歲終十府奏
皆不下、後十年不調者也、當是時、天下士無不爲僧
孺扼腕稱屈者、吉甫卒、稍起、穆宗初、累御史中丞、宿州
刺史李直臣坐豪奪罪、處有與援、獄上帝寬之曰、直臣
才、僧孺曰、彼不才者特持祿取容、飽妻子而止、淺末耳
本設法令、所以御有才也、祿山朱泚皆以才過人亂天
下、乃論如法、時天子屬嚮僧孺欲倚以相、會得中書令
韓弘藏籍籍弘入朝時諸大臣具有賂、獨僧孺旁朱勾
細書云年月日送戶部牛侍郎錢十萬不受、帝太息謂
左右曰、吾不謬知人、遂得相、進中書侍郎、僧孺在位、以
上荒淫、昵嬖倖、憂之、又畏罪、不敢言、但屢表避位、以使
相、鎮武昌、文宗初、李宗閔當國、復召相、平居渾然、人莫
測其愛惡、急於銓品、不忍持一資假人、於帝前奏對、必
依古義、有言機利克迫者、必斥之、而故相吉甫子德裕
在外鎮、有建白輒見却出鎮淮南、武宗時、德裕相、脩舊
怨、責授太子少師、守東都、三貶循州、負外長史、諱具帝

紀中當是時幾殆。宣宗立，還爲太子太師，分司東都。卒，贈太尉，謚文簡。僧孺沉深有器宇，居私室如對太賓。始爲逢吉所引，與杜元穎並相。逢吉與元穎隙，元穎失位，逢吉爲流言危之。賴僧孺而止。鄭注憾故相宋申錫，請必殺之，亦賴救而免。李太尉德裕隙至深，德裕謫崖州，過汝，僧孺厚供具待之。獨爲言海上與中州少異，勉自寬。所至與寮吏譙語，必言古人脩身行事，旁誘曲教，不以所長格人。故士爭歸之。

○鄭覃，鄭州滎澤人，相珣瑜子也。以父蔭補弘文較理。歷拾遺補闕，累諫議大夫。憲宗用內官五人爲京西北和糴使，疏論罷。穆宗喜遊畋，吐蕃入寇，覃與同官入閣中力諫，語具帝紀中。文宗初，以散騎常侍，充翰林侍講學士。覃經術該深，稽古守正，帝甚重之。相宗閔僧孺與相德裕交怨，出德裕鎮蜀，以覃於德裕善也。在中秘，恐

且爲之地。收之罷侍講。奏爲工尚書。文宗好經學。中眷之。尋復召侍講。德裕相。爲御史大夫。德裕罷。宗閔復知政。左授秘書監。明年。宗閔得罪長流。復刑尚書。訓誥誅召。夕入禁中草制。明日。敕以本官同平章事。封滎陽郡公。李固言相。與宗閔嗣復善。於覃郤。起居郎闕。固言有所表用。覃不可。帝曰。此公事。勿爲異。覃曰。若宰相人人盡爲同。大臣必有欺陛下者。大亂之道也。今所用非端士。赤墀下寧當用朋黨輩秉筆。爲千古法戒乎。脫如裴中孺。李讓夷。臣何敢爲異。已相嗣復入。與覃尤矛盾。是非鋒起。而嗣復有幾辨。將以晏裕。竟能移帝意直之。覃

以得罷。武宗卽位，德裕相，援覃復相，以足疾不任辭，守司徒，致仕卒。覃清苦貞退，與人造次不款狎。每論治，在著實去華，厚風俗，屏朋比，嫉進士爲詩賦浮華，奏請罷其科。語具任官考。帝嘗謂宰臣曰：「百司弛慢，當重條舉振勵之也。」久乃玩。覃對曰：「變風俗在考實。今世俗皆慕嵇阮王夷甫，耻不能及，華甚矣。俗何繇變乎？」帝與論文。覃曰：「古人因事爲文，今人因文廢事。論詩，覃曰：『詩，孔子所刪三百篇而止，皆國人作之，以刺美時政。王者采之以觀覽風俗，不聞王者爲詩。』」陳後主隋煬帝皆工於詩，而不知王術，故卒歸於亂。後世五七言詩，辭非雅正，願

陛下勿爲也。又嘗言陛下樂觀書幸甚。書要義篇不過一二言而止。當寢饋以之。豈必其多。時帝頗留意篇什章句。故覃風切之。嘗論史。帝以爲馬遷與任安書辭怨懟。故武紀多過實。覃對曰。武帝中年大發兵事。邊生人耗瘵。府庫殫竭。遷所述非過。諸將美閉過類如此。宗閔等深嫉之。語具帝紀中。覃嘗奏白經籍訛謬。博士相沿難改正。請召宿儒與學詳較定。準後漢故事。勒石太學。正訛闕。從之。覃家無媵妾。所居纔庇風雨。未嘗增飾。人仰其素風。然疾惡太過。多所不容。衆憚而惡之。弟朗大。中中得相。亦以莊重稱。

殷侑，陳郡人。兒時能力學，不問家人生產。貞元末，以通五經第，精歷代沿革禮。元和中，累太常博士，回紇請和親，副宗正李孝誠往宣諭，至虜庭，可汗盛陳兵，欲臣唐使者，令拜舞，侑疑直宣諭，可汗怒責之。侑曰：「可汗唐子婿，當恭天子命，而怕貴倨，欲坐受使臣拜，是可汗失禮，非使臣倨也。」可汗為自屈，還拜虞部員外郎。王承宗拒命，遣招諭承宗獻德棣二州，遣二子入朝，遷諫議大夫。陳論得失，前後章八十四上，出為桂管觀察使。轉洪州刺史，觀察江西，所至以潔廉稱。入為衛尉卿。文宗初，李同捷以滄州叛，王廷湊助逆，欲加兵，下集議。時帝意銳甚，宰臣莫敢異，獨侑以河朔再亂，廷湊方徇招懷，宜含容得專事滄景，且云：「願以宗社安危為大計，以善師攻心為神武。」以含垢安人為遠圖。滄景平，以簡較工尚書，滄齊德觀察使。時大兵後，荆榛滿目，遺骸蔽野，侑攻苦食淡，與士卒同勞苦。周歲，強負歸者甚衆，侑表請借耕牛三萬給流民，詔報許。數年後，戶口滋饒，人忘亡焉。初，州兵畢取給度支，侑至，耕歲而賦入贍半，二歲而給用。周請罷度支，給簡較吏尚書。侑以清池縣在州子城北，非便，奏移之南郭，已入為刑尚書。復簡較吏尚書，充天平節度，鄆曹濮觀察等使。自元和末，披師道十二州。

爲三鎮征賦所入盡留軍貫緡尺帛不入軍國。侑表歲
供兩稅催納等錢十五萬、粟五萬、簡較右僕射、開成元
年召爲刑尚書。時初經訓注之變、帝問治術、侑極言宜
仕耆德以政、而責其成功、新進小生輕、宜屏無用。帝深
嘉之、出鎮山南、病求代、分司東都、復出鎮忠武、卒贈司
空。

○路隋字南式、其先陽平人、父泌好學、通五經、尤嗜詩
易、左春秋、皆究深旨、端亮寡言笑、以孝弟聞、建中末爲
城門郎、德宗出奉天、葉妻子從、又從幸梁州、累副元帥
判官、從渾侍中、城盟平涼、陷絕域、卒、必陷蕃之歲、隋方
在孩提、後稍長、知父在蕃、日夜號、坐必西嚮、饌不食肉、
母言其形貌肖父、終身不覽鏡、計聞毀幾絕、元和初、拜
左補闕、穆宗卽位、與常處厚同入翰林爲侍講、文宗卽
位、處厚相、隨代爲承旨、處厚薨、代相事、具帝紀中、李德
裕連貶、奏上、隋不署、爲鄭注所忌、簡較尚書右僕射、出
觀察浙江西、卒、贈太保、謚曰貞、隋有學行、爲諫官、能直
言、在內庭、有匡益、在相位、宗閔德裕朋黨交與、攘臂其
間、明是非、訓注用藏、罷韜光、視隆汚爲一致云、

○李珣、趙郡人、幼孤、事母孝、舉進士第、又登書判拔萃
科、累右拾遺、穆宗立、荒於酒、景陵始復土、召勲舊列藩

期九月九日爲大饗珪約同列宇文鼎溫畬常璿馮約等進諫以爲過密弛禁本爲齊民鐘鼓合饗非施延陞今山陵新復同軌之會適去遠夷使未還也而大饗無乃不可乎且患勞之臣盛秋屯邊疆圍方亟豈必以酒食爲優厚命得寢時相王播增茶稅十之五珪疏言權率本濟軍興而稅茶自貞元來乃有之今天下無事忽厚歛以傷國體不可且茗爲人飲與鹽粟同資若重稅之直必高其敝先及貧下又山澤之產程斤論稅以售多爲利若價騰踴則市者益稀將其入幾何是於民大損於國固未有益也不聽文宗時鄭注新幸帝語珪曰卿亦知有鄭注乎彼其人奇士卿試與言自知之珪曰臣知之久矣顧其人姦邪陛下悅其辨而取之恐無益聖德臣忝近密安敢與通注甚恨之杜棕願度支有勞帝欲拜戶尚書以問相相夷行曰此大事予奪願上斷珪曰祖宗置宰相天下事皆共平章如皆決於上焉用彼相帝嘗語貞元初政之善也珪曰德宗初政誠善特晚喜聚財方鎮以進奉市恩吏得賦外求索此其敝耳帝曰君卿賦節用可乎珪曰貞觀時房杜王魏爲文皇帝謀惟此而已帝頗向納武宗時德裕相以宗閥黨貶韶州宣宗立內徙遷河陽節度使罷王播所賦宿逋百

餘萬及去鎮而府庫十倍於初簡較尚書右僕射鎮淮
南瑑自顧大臣不當以內外自異上書請立皇太子係
天下心江淮旱發倉廩賑流民以軍羨儲減半價糶饑
以不害且卒以州有稅酒直爲神策軍豪商所利論列
未見報爲恨語不及私瑑喪妻力不置妾媵門無餽餉
淮南人爲立碑勒遺愛焉

○令狐楚貞觀學士德棻之裔也世儒素荷冠第進士
累河南尹宣武軍節度汴宋亳觀察使楚前鎮河陽以
河陽軍三千人自從士不願從道亡歸又聚境上不敢
歸楚聞之疾驅赴懷州卒來逆楚令棻寺解甲爲前驅
卒不敢亂及蒞汴解酤法以仁惠爲治獨去其太甚民
用太和簡較右僕射刺鄆州帥天平屬旱歲儉人相食
楚均富贍貧無流亡者改太原尹北都留守鎮河東楚
父守太原棧楚久居并練其風俗及來鎮父老歡迎楚
緩撫如家人因其利利之軍民皆悅入爲吏尚書仍簡
較僕射故事簡較官高者從其班楚以正官三品不宜
在從二品列請從本班詔嘉之封彭陽郡公其露之變
文宗夜召僕射單與楚宿禁中草制楚傷涯陳寃死叙
其罪浮游不刻核爲仇士良等所惡以本官領鹽鐵轉
運等使楚條摧茶蠹政奏之又奏罷脩曲江亭絹回脩

尚書省會上已賜百僚曲江亭宴楚怏怏傷時事獨稱疾不赴乞解使鎮山南卒年七十二楚風儀嚴重不可犯然寬厚有禮門無雜賓未終前一日氣奄奄欲盡手筆作遺表拳拳以昭雪誅死者存錄嚴譴者爲望書訖端坐與子緒細訣戒勿請諡請葬請鼓吹車歿之久有大星照寢室上光燭廷贈司空諡曰文

魏謩字中之文貞公徵五世孫也文宗讀貞觀政要思徵賢訪近臣徵豈有子孫在朝列者乎時謩舉進士爲長春宮巡官矣相以對立召見姿宇魁秀帝喜卽命爲右拾遺邕管帥坐誣殺其參軍貶淑司戶尋徙刺峽謩諫曰吏專殺不辜法當處陛下爲屈法矜貸恩已泰今又使爲州臨民過也乃改命中丞李孝本宗室子也坐訓注事誅死二女配右軍取入宮謩諫曰陛下卽位來不悅聲色十年于今矣數月教坊閣選百十未已今又取孝本女內之夫宗姓不育寵幸爲累非所以崇盛德帝立出女謂之曰所爲選閣女子者賜諸王孝本女狐露憐之故收養宮中卿盡言可謂愛我以德矣擢右補闕荆南監軍呂令琛橫所遣卒辱江陵令令言之觀察使使常長避不爲理獨移內樞密言狀謩劾長任觀察廉知監軍侵官司不以聞願私通近侍請正其罪不

報遷起居舍人入侍帝從容問文皇帝曩時賜卿家書
詔今頗有存者乎謩曰更中微亡之獨先臣故笏在耳
命取觀相覃曰在人不在笏帝曰此今其棠故欲一見
之因敕謩有失政必論執謩曰臣頃爲諫官不敢不盡
言今待罪記注其何敢侵官帝曰兩省屬皆論恩職也
毋讓武宗時坐李珣楊嗣復黨貶官宣宗立召給事中
遷御史中丞兼戶部謩奏中丞綱紀所司不宜雜顧
錢穀乞專戶部詔可頃之得相自敬宗後諱惡言建儲
帝春秋高意尤甚公卿無敢開陳者謩獨懇請至泣下
帝爲感動詹毗國獻象謩以爲非土性不畜請還其獻
河東帥李業殺降虜開邊有與援無敢言者謩論劾徙
滑州大理卿馬曙有屏隄數十奴告曙藏甲有異謀按
之無它狀授曙嶺外以奴訴主法論奴死謩爲相議事
天子前謹切無回畏宣宗嘗曰謩名臣孫有祖風朕心
憚之爲令狐綯所忌而罷出領劍南疾求代還拜吏尚
書用久疾簡較尚書右僕射卒贈司徒
○崔郾字廣畧清河武城人父倬兄邠事具孝義中舉
進士事穆宗以給事中上疏言十一聖之功德四海之
大方國之衆皆繫命於陛下自山而東者百城地數千
里始得而遂失之陛下西望戎壘距宗廟纔十舍百姓

樵悴蓄積枵然獨不爲一動心乎願親政事以幸天下
帝爲勅密散宗立以待講學士轉中書舍人入奏曰陛
下用臣爲待講半歲矣未嘗一及經義今轉改實慙尸
素帝引咎賜錦綵出觀察陝州故事上供不足奪吏俸
以充歲八十萬鄭曰吏不能贍私安能卹民吾不能獨
治安可自封卽以府常費更之詔賦粟輸太倉者數萬
石又輦致之河鄆乃旁河流爲大厰受粟實而注諸艘
民忘勞焉在政簡刑罰未嘗笞一人改鄂岳鄂在江湖
間叢荏蒲多盜鄆法峻嚴未嘗貰一死罪訓卒治兵造
蒙衝小艦上下千里窮迹之莽月而盜盡移浙西又寬
政安廢人清簡少事財用有餘卒贈吏尚書

○常溫字弘育京兆杜陵世家十一歲應兩經舉登第
爲太常奉禮郎復以書判拔萃調父翰學士綬驚曰兒
幼判何渠入高等席於廷出判目試之立就喜曰無愧
高等累監祭御史以父任憲府嚴難省謁請換著作郎
父疾侍醫藥不解帶以養垂二十年卒毀瘠踰制久之
爲右補闕宋中錫被逐倡同列伏閣爭太和太廟宇
壞帝怒詔宗正將作俸詔中使鳩工溫爭曰國家設制
度立官司各以彝典而宗廟之事重莫大焉者也太廟
當脩詔下踰月而有司不戒使廟室壞墮是謂慢官黜

之以懲不恪而擇可任者貢緒完則事歸于正吏舉其職矣今慢官止于罰俸宗廟重務獨委內臣專之是許百官有司公廢其職而以宗廟之重爲所私也乞詔所司營繕如法從之李德裕相遷禮部侍郎或以溫黨僧孺間之德裕曰此人堅正中立君子也鄭注鎮鳳翔請爲副辭或危之溫曰擇禍莫若輕拒之止於貶竄從之禍且不測無何注果誅轉考功員外郎召入翰林爲學士以父職禁廷憂而病辭不拜兼太子侍讀請時雞鳴問寢莊恪不能親稱疾帝不悅改太常少卿拜給事中糾駁無憚避有三封詔書還者出觀察陝虢武宗時德裕相召拜吏侍郎以救司馬李漢忤意出觀察宣歙卒贈工尚書溫在朝與李珣楊嗣復善溫以二黨交怨及居位勸楊用德裕釋憾不能用溫剛腸寡合與人多踈簡唯與蘭陵蕭祐爲林泉交祐少孤貧耿介苦學事親孝自處士徵拜左拾遺

○韋澳

字子斐

故相貫之子也貞靖寡慾登第後十年不

調中丞高元裕將用爲御史伯兄溫令見之澳不答溫

曰高二十九。端士也。見之胡傷。渙曰。無呈身御史耳。竟不詣。周墀鎮鄭滑。辟爲從事。墀輔政。以渙爲考功郎。私於渙。問政。渙曰。願相公無權。墀愕。不省所謂。渙曰。賞。刑。罰。人主操柄。天下之公器也。不以喜怒憎愛行之。令百司各舉其職。天下理矣。此無權之說也。時相並以朋黨相摛。故渙云然。墀曰。善。累戶兵侍郎學士承旨。爲宣宗所知。每直必召見。訪時事。中使有傳宣。卽曰。此事須降御札。方敢行。旦必面論其可否。帝多從之。尋尹京兆。不吐茹。京師憚讐。帝一日召令判戶部。對曰。部嘖繁。臣年力衰。不任也。乞一鎮自便。願矜允。帝默然罷。甥柳

此聞而尤之曰。舅特承聖知。何得對如是。澳曰。吾不爲時相所信。上忽委使務。必且謂吾以他岐得之。其何以自明。爾須知時事不佳。乃吾徒貪爵位所致。簡較王尚書刺孟州。克河懷孟澤節使。帝終眷之中。使使魏。傳旨言別久無恙。知卿奉道久。服何藥。操何術。可具聞。澳陳謝曰。臣奉道不信術。金石有毒。不敢服。懿宗立。遷鎮平。盧入爲吏侍郎。不受請託。相審權惡之。復出鎮。因發澳在部時吏奸弊。坐罷鎮。分司東都。澳以松檟在秦。求歸樊川。許之。卒。謚曰貞。

論曰。人稟剛柔輕重遲速。則倍蓰什百。乎無筭矣。乃其

初亦豈大相遠哉。余考觀唐朋黨相構。獨逢吉宗閔訓
注之倫。氣衰心回。仲尼所謂不移者矣。衛公高明有雄
畧。牛奇章溫巽近厚。鄭覃殷侗皆李黨。李珣令狐楚父
子皆牛黨。皆各有所長。令平心相濟。稟道義以剛柔自
克也。不亦善乎。而愛惡相攻。競進並構。各引所私以相
排壓也。比周勢成。勝反傾仄。卒兩弊而後已。顧不哀哉。
而原本李司空。吉甫司空都重位。乏容德而恃直。以爲黨
禍本。故夫王道便便蕩蕩。必歸諸好惡不作。有以也夫。
惟君子平康正直。無側頗辟。以無僭無忒。二帝近之矣。
○劉賢良蕡者。幽州昌平人也。客梁汴間。通春秋。太和

二年舉賢良方正。對策曰。臣聞不宜憂而憂者。國必衰。宜憂而不憂者。國必危。今陛下不以存亡之計。社稷安危之策。下降於濫問。豈以布衣之臣。不足與定大計耶。抑萬幾之勤。思慮有未至耶。不然。何其宜憂而不憂也。臣以爲陛下之所憂者。在於宮闈將變。社稷將危。天下將傾。四海將亂。此四者。國家已然之兆也。臣謹按春秋。人君之道。在體元以居正。繼立必書卽位。所以正其始也。終必書地。所以正其終也。故爲君者。所發必正言。所履必正道。所居必正位。所近必正人。闢弑吳子而春秋書其名者。譏其疎遠賢士。昵近刑人爲不君也。伏惟陛

下思祖宗開國之勤。念春秋繼故之戒。將明法度之端。則必發正言而履正道。將杜篡弑之漸。則必居正位而近正人。遠刀鋸之賤。親骨鯁之直。輔相得以專其任。庶僚得以守其官。如此卽變安從生。柰何以褻近五六人。總天下之大政。外專陛下之命。內竊陛下之權。威懾朝廷。勢傾海內。群臣莫敢指其狀。天子不得制其心。禍稔蕭牆。姦生帷幄。臣恐曹節侯覽復生于今日。此宮闈所以將變也。臣謹按春秋魯定公元年。春王不書正者。以爲先君不得正其終。後君不得正其始。故無正也。今忠賢無腹心之寄。閹寺擅廢立之權。陷先帝不得正其終。

致陛下不得正其始。皇諸未建。郊祀未脩。將相之職不歸。名分之宜不定。此社稷所以將危也。臣謹按春秋之義。兩下相殺不書。而王札子殺毛伯。召伯則書者。專王命也。夫天之所授者在命。君之所存者在正。操其命而失之。是謂不君。侵其命而專之。是謂不臣。君不君。臣不臣。此天下所以將傾也。臣謹按春秋。趙鞅以晉陽之甲。叛入于晉。而書歸者。以其逐君側之惡。以安君也。今威柄凌夷。藩臣跋扈。或有不達人臣之節。而首亂者。以安君爲名。不究春秋之微。而稱兵者。以逐惡爲義。則典刑不繇乎天子。征伐出自於諸侯。此海內所以將亂也。臣

謹按春秋晉狐射姑殺陽處父。書襄公殺之者。繇襄公不能固陰重之機。處父所以及戕賊之禍也。乃樊噲排闥而雪涕。袁盎當車以抗詞。京房發憤而殞身。竇武不顧而畢命。此則陛下皆明知之矣。夫上漏其情。則下莫敢盡意。上洩其事。則下莫敢盡言。故傳有造膝詭詞之文。易有失身害成之戒。今公卿大臣。非不欲爲陛下言之。慮陛下忽而不用。必且洩其言。言而不行。必且嬰其禍。適足鉗直臣之口。而重姦臣之威。是以欲盡其言。則有害成之憂。故徘徊鬱塞。俟陛下感悟。然後盡其啟沃耳。陛下何不於聽朝之餘。時御便殿。召當世賢相。與舊

德老臣訪持變扶危之謀。求定衰救亂之術。塞陰邪之路。屏褻狎之臣。制侵陵迫脅之心。復門戶掃除之役。戒其所宜戒。憂其所宜憂。既不得理於前。當理於後。既不得正其始。當正其終。可以虔奉典謨。克承丕構。終任賢之效。無盱食之憂。陛下亦何憚而久不爲此。今綱紀未絕。典刑猶存。天下賢士大夫。孰不欲致身爲王臣。致時爲昇平哉。陛下忽之而不用。其惡如四凶。詐如趙高。姦如恭顯者。陛下又寵尊而不去。神器固有歸。宗廟固有靈。忠臣固有心。陛下其可不深念之哉。昔秦之亾也。失於強。漢之亾也。失於弱。強則賊臣畏死而害上。弱則姦

臣竊權而震主。敬宗皇帝不懲漢之所以亡。既不翦其萌矣。惟陛下深軫亡漢之憂。以杜其漸。則祖宗之鴻緒可紹。而三五之遐軌可追也。臣謹按春秋書桀亡。不書取者。以其思慮昏而耳目塞。上出惡政。人爲寇盜。皆不知其所以然。以自取滅亡也。故國君之所當尊者。重其社稷也。社稷之所以重者。存其百姓也。苟百姓不存。雖社稷不能固其重。社稷不重。雖國君不得保其尊。故百姓者。陛下之赤子也。宜命慈仁者親之育之。如保傅如乳哺。如師之教導。則人之於上也。敬之如神明。愛之如父母。今親近貴臣。分曹建署。補除卒吏。召致賓客。其補

除召致者。因其貨財。假其氣勢。大者統藩方。小者爲牧
守。居上無清惠之政。而有饕餮之害。居下無靖共之節。
而有姦欺之心。故人之於上也。畏之如豺虎。惡之如仇
讎。今海內困窮。人民流散。饑者不得食。寒者不得衣。鰥
寡孤獨。老幼疾病者。不得養。加以國權兵柄。專在左右。
貪臣聚歛。以固寵。姦臣因緣而弄法。冤痛之聲。達于九
天。入于九泉。君門九重。不得控訴。鬼神爲之怨怒。陰陽
爲之僇錯。士無所歸化。民無所歸命。土崩之勢。憂在朝
夕。卽不倖加之以師旅。繼之以凶荒。臣恐陳勝吳廣。不
獨起於秦。赤眉黃巾。豈獨生於漢。此臣所爲發憤扼腕。

痛心而泣血者也。昔漢元帝卽位之初。更制七十餘事。其心甚誠。其稱甚美。然而綱紀日紊。國祚日衰。姦宄日強。黎元日困者。以不能擇賢明而任之。失其操柄也。自陛下御寓以來。憂勤兆庶。屢降德音。四海之內。莫不抗首長息。自喜復生於死。匱之中。唯內剛自斷。揭國權以歸相。持兵枋以歸將。去貪臣聚斂之政。除姦吏因緣之害。內寵便嬖。無干視聽。選清慎之官。擇仁惠之長。牧之以利。煦之以和。教之以孝慈。導之以德義。以塞萬方之望。天下幸甚。臣聞君子欲政之必行也。故以身先之。欲人之從化也。故以道御之。今陛下先之以身。而政未必

行。御之以道。而人未從化。豈不以立教之旨。或未盡其方耶。立教之方。在君以知人爲明。臣以匡時爲忠。知人則任賢而去邪。匡時則固本而守法。賢不用。則重賞不足以勸善。邪不去。則嚴刑不足以禁非。本不固。則民流。法不守。則政散。如是而欲教之必至。化之必行。不可得也。陛下誠斥姦邪。不私其左右。舉賢正。不遺於疏遠。則化始於朝廷矣。勸人以敦本。分職以奉法。脩其身以及其人。始於中而成於外。則化行於天下矣。制度立。則財用省。財用省。則賦歛輕。賦歛輕。則人富。教化脩。則爭競息。爭競息。則刑罰清。刑罰清。則人安。旣富矣。仁義興焉。

既安矣。仁壽生焉。仁壽之心感於下。和平之氣應於上。此四方所以底寧。萬姓所以咸遂也。臣謹按春秋魯僖公一年之中。三書不雨者。以爲君有恤人之志也。魯文公一書不雨者。以爲君無憫人之心也。其傳曰。君人者。必時視人之所勤。人勤於力。則功築罕。人勤於財。則貢賦少。人勤於食。則百事廢。其書臧孫辰告糴于齊者。譏其無九年之蓄。歲一不登。而百姓饑也。今天下財食人力皆勤矣。陛下誠有恤人之心。則無成災之變。誠廢百事之用。則廣三時之功。斥游惰之徒。以篤耕植。省不急之費。以贍黎元。則廩蓄不乏。民安其生矣。臣謹按春秋。

齊桓公盟諸侯不書日而葵丘之盟特日者美其能宣
明天子之禁奉王官之法也。故官者五帝三王之所建
也。法者高祖太宗之所制也。法宜畫一官宜正名。古者
因井田而制軍賦。間農事以脩武備。提封約卒乘之數。
命將在公卿之列。故兵農一致而文武同方。可以保乂
邦家。式遏亂畧。太宗肇建邦典。亦制府兵省臺軍衛。文
武叅掌。居閒則橐弓力穡。有事則釋耒荷戈。故能修復
古制。不廢舊物。今分外官中官之員。立南司北司之局。
或犯禁於南。則亡命於北。或正刑於外。則破律於內。政
出多門。人無所措。夏官不知兵籍。止於奉朝請。大將不

至兵事止於養勲封軍容合中官之政。戎律附內臣之職。首戴武弁。嫉文吏如仇讎。足蹈軍門。視農夫如草芥。謀不足以翦除兇逆。而詐足以抑陽威福。勇不足以鎮衛社稷。而暴足以侵軼里閭。羈繼藩臣。干凌宰輔。張武夫之威。上制君父。假天子之命。下御英豪。有藏姦觀釁之心。無伏節死難之義。豈先王經文緯武之旨耶。臣願陛下貫文武之道。均兵農之功。正貴賤之名。一中外之法。還軍衛之職。脩省署之官。近崇貞觀之規。遠復成周之制。自邦畿以刑于方國。始天子而達于諸侯。則有以制豪猾之強。而無踰簡之患矣。臣聞晁錯爲漢畫制。諸

侯之策畫始行而身死。錯非不知禍之將至也。忠臣之心壯夫之節。苟利社稷。死無悔焉。昔龍逢死而啓殷。比干死而啓周。韓非死而啓漢。陳蕃死而啓魏。臣今之來。有司或不敢薦臣之言。陛下又無以察臣之心。退必受戮於權臣。齏粉於羅織。臣非不知言發而禍應。計行而身戮也。誠痛社稷之危。哀生人之困。願得從四子遊於地下。不恐姑息於時忌。竊陛下。一時之寵已也。獨不知殺臣之後。將孰爲陛下復啓之哉。第策官見著對。咸嘖嘖嗟歎。以爲過古。晁董而畏中官。睚眦不敢取。於時被選者二十有三人。所言皆齷齪常務。得優調。河南府叅

軍李邵拊膺太息曰。劉蕡下第。我輩登科。愧死無地矣。
具疏言陛下御正殿。求直言。使人得自奮。竭其忠。臣才
志懦劣。不能質古今。明是非。使陛下聞未聞之言。行未
行之事。忽忽自愧。羞負神明。今蕡所對空臆盡言。皇王
之成敗。及陛下所當豫防。皆時政安危之大者。不私所
料。又引春秋爲比。深切而著明。漢魏而來。未見倫比。其
書始出。都人轉相傳誦。嘆其誠鯁。有司以言涉訐。不
敢上聞。萬口籍籍。私恐忠良道窮。綱紀遂絕。漢季之亂。
復見於今。夫以陛下仁聖。近臣固無害忠良之心。宗廟
威靈。近臣亦無速敗亡之理。且陛下以直言召天下之

士而蕢以直言副陛下之求。雖訐宜容。雖過當獎。書于史策。千古光明。使萬有一蕢不幸廢死。天下忠義之士必將曰。陛下陰殺讜直。皆切齒飲泣。却顧遠遁。人心一搖。何所不至。况臣所對。不及蕢遠甚。內懷愧耻。何謂賢良。乞回臣所授。以旌蕢直。使臣逃苟且之慙。朝闕公正之路。而陛下免天下之疑。顧不美哉。書上不報。令狐楚牛僧孺。節度山南。皆表蕢幕府。以師禮事之。後七年而甘露之禍作。蕢竟以詆誣貶死柳州。天復中大誅宦官。右拾遺羅衮追頌言。蕢當太和時。逆言闔宦之禍。致罹重譴。身死異土。蔓延于今。遂使陛下幽東內。幸西州。王

室幾喪。使贊策早用。則杜漸防萌。逆節消靖。寧當有此。乞賜追獎。以旌忠魂。贈左諫議大夫。訪子孫授官。

○杜牧字牧之。岐公伯孫也。舉進士。又制舉登第。出牧黃池。睦三郤。累監察御史。以弟顗病。棄官。已拜殿中侍御史。內供奉。時劉從諫據澤潞。何進滔據魏博。驕蹇不循法。牧追咎長慶初。朝廷措置亡術。復失山東。嫌不當值而言。言之有罪。作罪言。其辭曰。天下生人常病兵。而兵祖于山東。亂于天下。不得山東。天下之兵不可得。而罷也。昔禹畫九土。山東之地。統曰冀州。舜以其分太大。離爲幽爲并。程其水土。與河以南。常重十一二。故其人沈鷺多才力。重許可。能辛苦。自魏晉已下。俗益卑弊。人益脆弱。唯山東敦五種。本兵矢。他不能蕩而自若也。復產健馬。下者日馳二百里。所以兵常當天下。故聖人因其風俗。以爲名曰冀州。以其特強。不循理。冀其必破弱。雖已破。冀其復強大也。并州者。力足并吞也。幽者。幽陰尚慘殺也。黃帝時。蚩尤爲兵階。自後帝王多居其地。周衰。齊伯不一。世而晉常傭役諸侯。至秦。萃銳三晉。經六世。乃能得韓。遂折天下之脊。復得趙。因拾取諸國。秦末。

韓信聯齊有之。故蒯通知漢楚之輕重在信。光武始於上谷成於鄴。魏武舉官渡。三分天下有其二。晉亂胡作。至宋武號爲英雄。得蜀得關中。盡得河南之地。十分天下有其八。然不能使一人渡河以窺胡。至於南齊荒蕩。宇文取之。隋文因以滅陳。五百年間。天下乃一。夫隋文非宋武敵也。宋不得山東而霸。隋得山東而王。繇此言之。山東王者。不得不可以爲王。霸者。不得不可以爲霸。而猾賊得之。足以致天下於不安。國家天寶末。燕徐盜起。出入成臯。函潼關。若涉無人之地。而郭李黃常以兵五十萬。不能過鄴而前。自爾一百餘城。盡天下之力。不得其尺寸。人望之若回鶻吐蕃。莫之敢窺也。齊魯梁蔡。被其風流。因亦有寇。涇洞迴轉。未嘗五年間不戰。生人日頓。四夷日狺。天子因之。幸陝幸漢中。焦然七十有餘年矣。孝武解衣一肉。不畋不樂。自卑冗中。拔取將相。凡十三年。乃能盡得河南山西之地。洗削更革。罔不順適。唯山東不服。豈天不欲使生人至於帖泰耶。豈亦人謀未至耶。何其艱也。今天子聖明。超出古昔。志於理平。若欲悉使生人無事。其要在先去兵。去兵而不得山東。兵終不可去。是兵殺人終無已也。今者上策莫如自治。何者。當貞元時。山東燕趙魏叛。河南齊蔡叛。其梁徐陳

汝自曰孟津裴鄧安黃皆成以重兵纔足自護治所遂
使方領執弛熟視不軌無可奈何階此蜀亦叛吳亦叛
其地未定治者迎時上下不可保信自元和初至今二
十九年而蜀得吳得蔡得齊凡收郡縣二百餘城所
未直得者惟山東百城耳土地人戶財物甲兵較之往
年豈不綽綽乎斯亦足自爲治也矣法令制度誠具而
式誠脩賢才奸佞搜選舉錯誠當障戍鎮守于戈車馬
誠豫井田厩廩財賦誠充斯自治矣如不果自治
是助虜爲虐環土三千里植根七十年而加以天下陰
爲之助則山東安可得取也故曰上策莫如自治中策
莫如取魏魏於山東最重魏在山東以其能遮趙也既
不可越魏以取趙又何可越趙以取燕是趙燕常取重
於魏而魏常操燕趙之命也黎陽距白馬津三十里新
鄉距盟津一百五十里睥壘相望朝駕暮戰是二津首
虜能潰一則不數日馳而入成臯故魏於河南亦最重
願以近事明之元和纂天下兵誅蔡誅齊頓之五年無
山東憂者以能得魏也昨誅滄頓兵三年無山東之憂
者亦以能得魏也長慶初誅趙一日五諸侯兵四出而
潰解以失魏也昨者誅趙一日兵罷如長慶時亦以失
魏也故河南山東之輕重常懸於魏非魏強大致然也

形使然也。故取魏爲中策，最下策，不計地勢，不審攻守，爲浪戰者是已。兵多粟多，敵人使戰者，便於守；兵少粟少，人不敵，自戰者，便於戰。故我常失於戰，虜常困於守。山東之人，叛且三五世矣。今之後生，所見言語舉止，無非叛也，以爲事理固當。沈剛入骨髓，無復以爲非者，指示順向，群詆族詈，圖急食盡，饑羸以收，以此爲俗，豈可與決一勝一負哉？自十餘年來，凡三攻趙，食盡且下矣。堯山欺而趙振，下憚敗，趙復振，館陶敗，趙又復振，則不計地勢，不審攻守，爲浪戰而已矣。又著論言兩河盜起，國家不務謀討，求兵自守，脩大曆貞元故事而行姑息之政，日圖強之徒，吾以良將勁兵爲衝策，而高位美爵以啗之，安而不撓，外而不治，猶秦擾虎狼而不哂，其心則忿氣不萌，亦何必疾戰？吾民而後以爲快哉？於是乎天子養威，有司守恬，王侯通爵，逆叛受之，朝覲不來，几杖扶之，逆息虜亂，皇子嬪之，於是乎地益廣，兵益強，而僭擬益甚，賊夫貪心，無復畔岸，遂有淫名越號，或帝或王，盟詛自立，恬不知畏，走兵四畧，以飽其志者矣。武皇帝宵旰不忘，前英後桀，多思創議，故能大者誅鋤，小者惠來，夫人生油然多欲，欲而不得，則怒，怒則爭亂隨之，是以教答於家，刑罰於國，征伐於天下，所以裁欲而塞

其爭也。大曆貞元之間，用反此道，首尾指支，欲運掉而不能。大河北視天下，猶珠璣也；天下視河北，猶四支也。河北俗儉，風淳，淫巧不生，村穀堅強，果於戰耕，名城堅壘，高山大河，盤互而交貫，加以土息健馬，便於馳敵，是以出則勝，處則饒，不窺天下而物產自足，以封殖亦猶大農之家，不待珠璣以爲富也。天下無河北，則精甲銳卒，利刃良弓，健馬無有也。卒然夷狄驚邊，吾無以禦。是天下一支兵去矣。河東盟津滑臺大梁彭城東平，宿厚兵以塞虜衝，河北不平，則六郡之師日嚴而不可弛。是天下二支兵去矣。六郡之師，厥數千億，低首仰給，則沿淮而北，循河以南，東盡海，西抵洛，經數千里，赤地盡取，纔足以支費。是天下三支財去矣。咸陽西北，戎夷隴騷，日徹于帝后，周秦單弱，不能排闥，於是盡剗吳楚越荆之鱗以餉兵，是天下四支財去矣。四支盡解，頭腹兀然，其何以久安？天下無事之時，藩閫大臣偷處榮逸，爲家治具而戰士離落，兵甲鈍弊，一旦有事，則疾驅以戰，所謂宿敗之師，此不蒐練之過，其敗一也。夫百人荷戈，仰食縣官，則挾千夫之名，大將小裨，餘贏爲幸，是執兵者常少，縻食者常多，不責實之過，其敗二也。戰或小勝，則張皇獻功，以邀上賞，黜庸無列，而爵命已極，田宅已

廣金縢已濫子孫已官又焉肯搜奇出苑以勤於戎事哉此賞厚之過其敗三也大將多器兵伍顛覆大都跳身而來氣色恬泰魯不愧耻歲籥未更旋已立壇堦之上抑他邦去矣國憲蔑然人得何懲此罰輕之過其敗四也大將兵柄不得自專思臣救使往來憚指堂然將陳殷然將鼓一則曰必爲偃月一則曰必爲魚麗三軍萬夫環旋相顧莫知所聽而恍駭之間虜騎乘之取吾之鼓旗去矣此不專任之過其敗五也元和時天子憊於太平嚴繩約以律下常圍兵數十萬以誅蔡天下乾耗四歲墮墜克之蓋五敗不去也長慶初盜據者子孫舉來奔命內地無事未幾而燕趙復叛五敗益甚也今者欲謂干戈汎汚垢爲萬世安而踵前非豈理也哉牧剛直有奇節不爲齟齬小謹少與李其李中敏宋祁善其通古今處成敗甘等不及也以抗直時無援者從兄惛更歷將相而牧困蹢不自振頻快快而卒文宗時鄭注誣逐相申錫天下以目會大旱詔詢所以致雨者中敏以司門員外郎上書言臣聞昔東海誤殺一孝婦天大旱者三年臣頃爲御史准囚華封濡殺良家子三人陛下赦之神策士李秀殺平民法當死又赦之此其寃多矣然又有大於此者宋申錫爲宰相生平饋遺一無

所愛勁正不阿姦人忌之陷不測之罪獄不參驗銜恨而死此天下所爲側目鄭注也天之降災殆有繇然陛下何惜不斬一注以慰忠臣之魂乎疏上不省以病歸輟陽注誅以司勳郎召爲理臺使爲帝言凡上書建言所爲納於甌者謂其朝投暮入爲羣下開必達之路以廣聰明直枉結也若有司先審其副有不可輒卻窮塞何自而申乎且機事重密不重密將宣泄而毀成請裁副封許之遷給事中仇士良以開府階階蔭子申敏批其牘曰開府階固常蔭子內謁者安得有兒士良慙恚欲中之棄官去

○林蘊泉州莆田人世通經西川節度使韋臯辟推官臯死劉闢反蘊曉以逆順不聽復遺書切諫闢怒械諸獄將殺之蘊大呼曰古人有言危邦不入亂邦不居我未之逮也至於死今得死幸矣闢戒刑人毋殺抽劒磨其頸必服之蘊叱曰此卽死我頸豈頑奴砥石邪闢知不可屈乃捨之及闢誅名重京師時李吉甫李絳武元衡爲相蘊貽書諷以國家之有西土猶有臂也今北彌幽岐西極汧隴距京師不數百里皆爲外域涇原鳳翔邠寧三鎮擁旄鉞數十百人是臂不附體也王者功成作樂治定制禮今權臣率自制樂曲立器紀其何以爲

訓舜命契曰百姓不親五品不遜女作可徒今早佑膠
季安皆司徒何以任官盧從史于臯謗罪太刑輕何以
懲惡農桑在天下無百分之一農夫一人給百日蚕婦
一人供百身其竭力於下者饑不得食寒不得衣者也
邊兵菜色而將帥縱倭自養中人十戶不足以給一無
功之卒百卒之共不足充一驕將之奉可痛諸感憤閨
說皆當時極敝時不能用倉景程權上四州版籍請吏
而軍中冒擅地挾權拒命不得出蘇陳君臣大誼論責
之權乃得去後官
鄧州刺史以終

○鄭從謹

字正求

貞公餘慶孫第進士累簡較刑尚書節

度嶺南時有龐勛之亂鎮兵弱夷獍焚起乃擇土豪授
右職禦侮扞寇交廣以寧徵爲刑尚書尋得相乾符中
盜起陷城邑振武軍危以太原尹北都畱守兼河東行
營招討等使往出鎮從謹色溫氣勁沉機善斷捕得殺

故帥者魁畢誅之。黃巢犯長安。僖宗出居梁漢。從讜雪涕。團戎伍遣將入赴難。至陰地。有數百卒擅自歸。斬其較。別遣將率以行。是月。沙陁李克用軍奄至營汾東。稱奉詔勤王。時鎮兵入衛。守卒單寡。從讜具廩餼犒師。而城關不啓。沙陁軍畱信宿不發。克用傳城下呼曰。願一面相公。從讜登城。拊膺流涕。激勞之。語極剴惻。克用大動。拜謝去。時鄭畋亦以使相鎮鳳翔。與從讜同宗。又同年進士。亦舉兵岐下。天子名之曰二鄭。國威復振。二儒帥之功也。後復詔沙陁討賊。五部卒自風石沿河而南。不敢蹈其境。惟克用以數百騎臨城。并爲別。從讜遺名。

馬罷幣慰藉之已克用以破賊功授河東節度代從讜
任至榆次使來曰請還鴈門省覲相公徐治裝勿首途
克用得相送也從讜卽日牒監軍使知兵馬雷後牒書
記知觀察雷後而遂行復輔政歷司空司徒正拜侍中
光啓末疾還第卒諡文忠從讜知人善任所至有聲績
太原將張彥球負勇力難御前後帥以疑間貽疊從讜
開懷任使具得其施力累奏爲行軍司馬及秉政用爲
金吾將軍刺絳州判官陸扈嗜學有美才寓郡齋與談
宴無間稱於朝至清顯在汴時以兄處誨嘗爲帥歿於
郡訖受代於公署宴未嘗舉樂云

○王徽字昭文京兆杜陵人。冲澹遠勢利。歷侍御史。乾符初。爲翰學士。廣明初。得相。是日黃巢入潼關。其夜僖宗狩山南。徽奔興元。以從。夜墜崖。爲賊得。將還都。授僞命。徽陽瘡。以足折示之。無懼色。賊未敢害也。命鑿工視之。月餘。守視者稍怠。乃亾之河中。遣人間道奉絹表入蜀。帝嘉之。以本官充東面宣慰。催陣使。徽與行營都監楊復光。謀赦沙陀三部。令赴難。復京師。加尚書右僕射。爲諸道租庸供軍等使。大明宮畱守。兼制置使。時京師喪亂。宮寺園陵並焚毀。徽昭合流散。撫之如子。居數月。戶版稍葺。大內齋閣頗繕完。表請駕還京。進簡較司空。

權京兆尹。中外權貴遣人還治第。多侵犯。居人赴訴。平以法。殘民安業。而權幸側目。闔令孜怒。以本官徵赴行在。尋罷爲太子少師。移疾居蒲州。以怨望貶刺集州。不旬日。沙陁逼京師。帝出寶雞。令孜逐。乃召拜吏尚書。會襄王煜僭號。道梗不能進。煜召。託風疾不至。煜僭號逼內外臣僚署誓狀。稱臂緩不署。天子自褒中還。鳳翔召拜御史大夫。以風痺乞散秩。授太子太師。入便殿謝。帝以其神氣尚強。改授吏尚書。大亂後銓選失序。微置手曆簡姦蠹。人無壅滯。進簡較司空。守尚書右僕射。卒。贈太尉。謚曰貞。

○ 韓偓

字致光

京兆人。天復中。帝與崔胤計。欲盡誅宦官。

偓以翰林學士。陳社稷慮甚切。具帝紀。回紇請發兵赴難。將許之。偓曰。戎狄獸心。不可倚也。彼誠至。見國家彫弊。必且有輕中國心。又自會昌來。數爲國家所破。恐乘危爲變。宜喻以小寇。攘不足以相勤。虛愧其意。而實沮其謀。從之時。閹繼昭等。以迎復功。皆同平章事。謂之三使相。偓言於帝曰。三使相有功。不如厚與之金帛。封爵。毋與政。令宰相不得顯。洪相希範多受賂。許人官。旣以切喪罷。日爲債家所譟。營起復甚急。帝命偓草制。不可。命中使趣之。偓曰。朕可斷。制不可草。卽疏言此制行。必

駭物聽傷國體。中使目攝之曰。旨學士勿以死爲戲。倭不答。授之䟽。入解衣而寢。中使復命。帝悟。命罷草。明日班定。無白麻可宣。李茂貞入見曰。陛下命相而學士不草麻。此與反何異。帝曰。學士所陳理固當。柰何乎。弗從。茂貞不能難而退。帝嘗謂倭曰。崔胤忠。然大任機數。對曰。凡爲天下者。萬物皆屬之耳目。安得以機數欺之。至忠莫若推誠。推誠則直致。易知。人所懷也。倭侍宴。全忠胤臨。陞宣事。坐者皆避席。倭坐自如。曰。禮侍宴無輒立。以尊君。夫二公其天將以我爲知禮也。夫全忠大惡之。帝欲相倭。倭謝讓。有所薦。胤惡分已權。恚之。使全忠白。

帝逐之貶濮州司馬入辭帝泣曰我肘腋盡矣僅日是
人非復回來之比臣得貶死爲幸願上自愛挈其家南
依王審知而卒。

○鄭縈史何所人以進士歷監察殿中御史金刑右
司三郎中貧求郡出刺廬州顧清儉愈厲人皆信之黃
巢自嶺表掠淮南縈移牒請不犯郡界巢爲歛兵有錢
千緡寄州庫城數陷盜不犯鄭使君寄庫錢遷給事中
賜金紫僖宗自山南還以相讓能弟弘微爲中書舍人
縈封還制書言讓能在中書弟不宜同處禁近不報移
病去無何徵爲散騎常侍朝政闕輒上章論列熱政惡

之改國子祭酒。縈爲詩多滑稽爲譏刺。故落韻時號鄭五歇後體。昭宗還京。庶政未愜者。每形之謠詠。中人傳誦之禁中。昭宗聞。億其有蘊蓄也。就奏班簿側。注云。鄭縈。司禮部侍郎平章事。省吏詣其家走白之。縈搔首曰。君大誤大誤。使天下更無人。亦未到鄭縈。吏曰。特恩也。來日制下矣。又搔首曰。未然未然。明日制果下。親賓來賀。輒搔首曰。歇後鄭五作宰相。時事可知。累表讓不獲。旣視事。侃然守官。不復詼諧如異時。居三月。移疾乞骸去。

論曰。唐自穆敬來。主道失而閹尹塞朝。賢喆隱遁。四方

豪傑各附其所合而奮朝無人焉。天下塊然綴旒矣。而鄭從謹韓致允之倫。終蹇蹇匪躬也。亦猶大過之行也。與哉。鄭爲歎。後體近訴其得相不自信。亦訴世共嘲笑之。而忘其大。其爲吏廉。至盜不敢犯其寄庫錢。爲相始三月。卽移疾去。無濡忍也。斯可謂賢矣。劉制策發大難之端。杜罪言憂外重之勢。邦之司直哉。或曰。劉生之始求也。已深。夫救焚拯溺。不大聲疾呼乎。草野之臣。一旦干說。而安可以大臣宰相沈幾密制之事責之也。彼各有當也。

DS
725
82
74
132
前史上編卷之四十五

明旰郡鄧元錫纂

唐臣列傳 循吏

唐興。文皇帝承隋亂思治。常內夜不安枕也。深惟治人
之本。莫重於刺史。錄姓名屏風。臥起對之。得才不才狀。
輒疏其下。方待廢置。又詔內外官五品以上。率舉任縣
令者以聞。於是親民之官。具稱得人。民去愁歎矣。其都
督觀察使。行察州縣。皆天子臨軒冊授。俾樹良艾。貪後
不降策。受命日。猶對便殿。加禮賜而遣。開元時。京官有
才識者。除都督刺史。都督刺史有政迹者。補京堂官。使

出入均勞。敕京官五品以上。外官刺史四大府以上。各舉縣令一人。後視所舉者。稱否。爲舉者賞罰。召選人試理人策。乃注。將發。引見。臨諭以惠養元元之意。又錮廢酷吏。懲無良。而以輕受。亟易爲大戒。又出郎從。清望官十一人。爲刺史。命宰相諸王御史以上。祖洛濱宴餞之。帝親書所爲詩及絹賜焉。是以循吏烝烝所在。而是幾與先漢埒。其將相大臣有吏治。而勲閥別著者。見本傳。獨條州郡其吏治行表著者于篇。武德初。世亂人多暴無賴。廉州刺史顏遊秦。恤撫教訓。敬讓大行。郡人爲之語曰。廉州顏有道。性行同莊老。愛人如赤子。不殺非

時草高祖下璽書勞勉而萬年有常使君。仁壽初爲蜀
法書佐。斷獄平恕。所論囚皆曰常君所斷死無恨。至市
猶西向爲仁壽禮佛。乃就刑。時西南夷初附。朝廷遣使
安撫。類貪賂。爲夷所患苦。夷有叛者。帝聞仁壽名。命簡
較南寧州都督。寄治越雋。歲一至其地。慰輯之。仁壽將
兵五百人至南洱河。周歷數千里。承制置八州十七縣。
各以其豪爲刺史縣令。因用順治法令。清肅蠻夷。說服
將還。酋長請留。仁壽欲設城池爲阻固。以隍池未備。爲
解。則相與築城。立廨舍居之。旬日而就。已西還。酋長泣
曰。我輩籍公鎮撫。公奈何棄我去乎。仁壽曰。吾奉詔撫

循不敢留。然歲行復至矣。父老皆悲涕相送。遣子弟隨貢方物。天子大悅。仁壽請徙南寧填撫。許之。旣得命。悉心撫勞。禮讓大行。邑里歌之。高祖下璽書勞焉。歲餘卒。貞觀初。陳鄱陽王子君賓以襄國自歸。擢刺鄧州。加意勞徠。不替歲。民咸復業。二年夏。諸州霜澇。鄧有年。蒲虞民就食其境。君賓命所部極贍。還之日。行有裹糴。遺布帛贈遺。太宗聞大喜。下詔書勞之。命有司錄刺史以下功最。免百姓養戶。是歲調庸。當是時。武陽令張允濟以德化訓下。以明察燭姦。道不拾遺。巴州守李桐客以清平流譽。民稱慈父。綿州刺史李素立以刑法諫。高祖命

授清要官。得侍御史者也。其爲吏清約愛利。遷蒲州。比
行宿舂什器。令州司收領遺後至者。毋勤民。獨齊家所
攜書籍以行。卒。天子爲廢朝。賜謚焉。薛大鼎重臣者。蒲
州汾陽人。高祖兵
興。謁龍門。說帝絕龍門。軍求豐倉就食者也。爲浩州刺
史。貞觀中累鴻臚卿。徙刺滄州。州有無棣河。久湮塞。大
鼎浚治屬之海。商賈流行。百姓歌之曰。新溝得通。舟楫
利。直達滄海。魚鹽至。昔日徒行。今騁駟。美哉薛公德。滂
被。又疏長蘆。漳衡三河。分洩夏潦。水不爲害。是時鄭德
本刺瀛州。賈敦頤刺冀州。皆有治名。河北稱鎬脚刺史。
敦頤曹州人。貞觀時數歷州刺史。入朝。常盡室行。獨弊
車一乘。瀛馬繩羈。人不知其爲刺史也。父之徙瀛州。州
頗濔沲。沲二水歲溢。壞室廬。浸泐數百里。敦頤爲立
堰。庸水不爲暴。百姓利之。弟敦實爲饒陽令。政清吏民
嘉美。舊制大功之屬不連官朝廷。以其兄弟治行高。故
不徙示寵焉。永徽中遷洛州。洛多豪右。占名田頃踰制。
敦頤舉沒者三千餘頃。以賦貧民。發姦擿伏。下無能欺。
卒于官。咸亨初。敦實爲洛州長史。亦寬惠。人心環向。洛

陽令楊德幹。矜酷烈。杖殺人以立威。敦實喻止之曰。政在養人。刑殺過多。卽廉能何貴焉。德幹爲衰減。俗洛人爲敦願。立碑大市旁。及敦實召入。復立碑其側。號棠棣碑。歷懷州刺史。有美蹟。求淳初致仕。病篤。子孫迎醫。敦實莞然口。聞醫能治病。○常景駿。雍州萬年人。曾祖機。未聞治老。羊九十餘卒。

貞觀中。爲左千牛胃曹。克使往西突厥。裂裳錄所經諸國風俗物產。名西征記。還奏之。太宗大悅。擢朝散大夫。顯慶中。爲檀州刺史。遼州素無學。機立學。勸生徒受學。創立孔子廟。圖七十二子及古賢達。爲之贊。風之會契。必何力討高麗。至檀州。灤河溢。師不能進。機供億不乏。絕。何力全師還。言之上。拜司農少卿。兼知東都營田使。上元中。天后使道士朱欽遂。馳傳至東都。橫機密奏曰。

道士稱巾宮馳使。倚形勢爲暴。恐虧聖德。高宗遣使慰諭。機而欽配流。天后不悅。免官。景駿舉明經。神龍中爲肥鄉令。縣北瀕漳水。歲泛溢。舊防迫漕渠。岸峭高。築隨壞。決人苦之。景駿相地勢。益南千步。高夷可築坊。徙築之水至。堤趾輒去。其地填淤美爲腴田。舊作長橋。費苦水漂。則造舟爲梁濟焉。功少費約。後遂爲永法。屬河北饑。身巡閭里。勸人通有無。教導撫循。民免流散。開元中爲貴鄉令。有母子訟者。景駿曰。令少不天。常自痛。欲孝養無繇。爾幸有親。奈何忍忘孝耶。因嗚咽流涕。授孝經。使習讀。因感悟自改。遂爲孝子。時景駿與清漳令馮

元淑臨洛令楊茂讓三人以治行著名。後景駿爲趙州。道肥鄉。民爭奏酒食迎犒。中有童兒從。景駿見其幼。問年幾何矣。兒以質對。景駿曰。吾去邑時。兒尚猶未生。非有舊恩。何自來對。曰。父老爲我言。學廬館舍橋坊。皆明公所治。意公爲古人。今聞來甚幸。獲親見。故來耳。留終日乃去。遷房州刺史。州窮儉。有蠻夷風。無學校。好祀淫鬼。景駿爲興學。拔諸生貢舉之。通險道。作傳舍。罷無名祠。俗爲丕變。景駿所居治民。務求以便安之。故政行。轉

奉天尹。未行卒。

○馮元常。相州安陽人。高宗時。爲劔南道巡察使。興利除害。蜀土賴焉。求淳中

爲尚書左丞。嘗密奏中宮權重。宜稍抑。武后深惡之。改爲州刺史。州多盜。元常喻以恩信。許自首。賊捨器械面

縛者百十人。轉廣州安南酋剽陷州縣。元常濟南海。先馳檄諭威信。徒黨相率降。爲酷吏周興所陷。追赴都獄。死。元常閨門雍肅。雖小功之喪。未嘗寢私室。隆禮如此。從父弟元淑。則天時爲清庫令。政有殊績。百姓稱神明。又歷浚儀。始平令。皆單騎赴職。未嘗以妻子入官。所乘馬。日旣干。不復芻秣。身及奴僕。日一食而已。俸祿皆供公用。給貧士。中宗降璽書勞勉。令史官編錄。○田仁會。雍州長安人。永徽中。授平州刺史。勸學務農。稱善政。轉郢州。屬歲旱。仁會自曝烈日中。以祈雨。大至。歲則大熟。百姓歌之曰。父母育我。田使君。精誠爲人。上天聞田中禱。雨山出雲。倉廩旣實。禮義申。但願常在不患貧。五遷勝州都督。境有宿盜。依山阻行。剽仁會盡捕殺之。外戶不閉。盜賊絕跡。所得祿餘。輒歸官。官至太常卿。右衛將軍。○裴懷古。壽州壽春人。儀鳳中。以上書補下邳主簿。姚雋道蠻反。懷古以監察御史。馳驛往懷輯之。申明誅賞。歸附者日千計。乃俘其魁首。處其居人而還。恒州鹿泉寺僧。以告密誣反。命往按。

懷古得其枉。爲犯顏申析。得不誅。副閭知微使突厥。突厥默啜脅知微立爲南可汗。又欲官懷古。不拜。將殺之。囚軍中。得亡歸。拜祠部員外郎。始安賊數萬。剽州縣。沒之。詔懷古爲桂州督。未踰嶺。逆以書諭禍福。賊徒迎降。自陳爲吏侵苦。而反懷古。卽輕騎赴之。或曰。獠夷無親。備之善。奈何易之。懷古曰。忠信可通神明。矧人耶。身至壁撫諭。嶺外平。徙相州刺史。并州大都督長史。所至清介。審慎。吏民懷愛。神龍中。召爲左羽林大將軍。并人詣闕留。復還。并州人知其還。攜扶老稚出迎。時新長史得代。亦野次。無問者。懷古不欲厚愧之。使人驅迎者去。而

來者愈衆。其得人心如此。○倪若水。

字子泉。

恒州藁城人。

擢進士。累右臺監察御史。繩舉嚴允。開元初。以尚書右丞刺汴州。汴當舟車孔道。事浩繁。前刺史屢不稱。若水政尚清淨。務於宜人。增修孔子廟。興州縣學。勸生徒。身為教誨。風化興行。玄宗遣中人捕鵠鵲鸚鵡于南方。若水言農蠶方急。宜重愛日力。而以此時捕奇禽。惟羽爲圍籞之玩。非陛下憂勞遠人之意。且自江嶺達于京師。水備舟艦。陸疲擔負。又齋所食魚蟲稻粱飼之。道路藉藉。不且以賤人貴鳥。望陛下耶。陛下盛德日新。方將以鳳凰爲凡鳥。麒麟爲恒畜。使游于園囿。而何貴於此。帝

手詔褒答。賜帛四十段。遷戶侍郎兼右丞。卒。○韓思復。京兆長安人。晬而孤。比十歲。母爲語父亡狀。輒感咽。幾絕。祖衛率倫特愛焉。家初富。後益窶。歲饑。京兆杜瑾者。以百綾餉。思復方併日食。而綾完。封不發也。調梁府倉曹參軍。會大旱。輒開倉賑民。州詰之。思復對曰。人窮則濫。濫則盜。盜亂之招也。不如因而活之。無趣令爲盜。州不能詘。轉汴州司戶。仁恕不行鞭罰。以母喪去官。鬻薪自給。刺滁州。州有銅賦。人鑛鑿爲苦。思復市之他郡。費省。獲多有黃芝五生。州署民爲刻頌。徙襄州。入拜給事中。中宗作景龍觀。思復諫不省。開元初。爲諫大夫。用宗

命分道捕蝗。思復言。望陛下悔過責躬。損不急之務。任至公之人。持一誠以答譴咎。崇惡之。出刺德州。治化大行。思復性恬澹。不喜爲繩察。累遷吏侍郎。復出爲襄州。治行名天下。卒謚曰文。天子親題其碑曰。有唐忠孝韓長山之墓。故吏盧僎。邑人孟浩然。爲立石峴山頌德焉。

○李錫

字元勳

隴西成紀人。寬平畧細務。不言人短。仕爲

北海壽光尉。遷昭應令。奉詔總五郡徒旅。支度支錢三萬緡。修建初啓運二陵。處治有方。不鞭一人而就餘錢八千緡。歸有司。天寶中。拜虞城令。虞城俗魯木。急則狼戾。緩則鳥散。錫至。糲食單車。先之以敬讓。斟酌和平。時

而措之。歟直節。褒廢清。三月而化行。嘗行春。見野有枯
骸。潜然出涕。捐俸金殮之。有瘞不舉者。號城中。責親鄰
瘞焉。四封歸德。邑有二耿。怙族黨衆。橫猾爲暴者百家。
錫寬柔撫訓。革爲純人。易其里曰中正里。北境黎丘有
祟。能見靈響。或醉其父而刃其子。錫至。祟不復作。官舍
有井水。清而味苦。錫下車嘗之。莞然曰。旣苦而清。是吾
志也。汲不改。變爲甘泉。蒞四載而頌聲大興。去之日。民
樹碑紀德。乾元中。黃州刺史左振。當亂離時。撫勞勤備。
黃人歌之曰。我欲逃鄉里。我欲去墳墓。左公今旣來。誰
忍棄之去。黃有女巫。以妖妄得上寵。振捕而僇之。又歌

曰吾鄉有鬼巫惑人人不知天子正尊信左公能殺之
及去官元結作去思表表焉。獨好學以孝廉授治陽尉
乾元中授陸渾盩厔咸陽高陵四縣令當軍旅後瘡痍
未平沈竭心緩撫所至安輯副元帥子儀兵行過其縣
誠軍吏供億當疏素謹無撓廢吏遷長安令時蘭陵蕭
定歷表信湖宋睦潤六州刺史所蒞有聲績大曆中條
天下牧守課最唯定與常刺史蕭復濠刺史張鑑爲上
策其勤農桑均賦稅逃亡復業戶口增多定又冠焉朱
泚反帝幸奉天沈奔起爲泚得授爲官絕食稱病亡與
定潛竄里間聞京師平沈擢右散騎常侍定太子少師
建中初詔諸道使黜陟官吏實鼎薛珣歷刺楚硤陳州
淮南李承以珣楚州去頃政簡聞山南趙贊以珣硤州
廉清聞淮南盧翰以珣陳州肅敏聞加中散大夫賜紫
入爲司農卿時召舉可任刺史縣令者百人下中書詢
考宰相將以策較之珣曰求良吏宜問人疾苦知胥吏
得失取其有側隱通達事理者條舉不可兼責文學拜
京兆尹剛嚴明察練法理勤身率下坐善寶參改太子
賓客鎮嶺南卒。○李惠澄營州柳城人起平盧從軍吏

思明反陷賊亡得免李希烈反復陷賊屬以兵二千屯隋州惠澄以州自歸卽授州刺史州數被亂四野如薙人無處業惠澄無術學獨視人所謂利者因行之所謂害者因去之率心所安暗與古台居二十年田畝闢戶口增人歌舞之加御史大夫并隋爲上州卒贈洪州都督○羅珣越州會稽人寶應初以詣闕上書授太常寺大祝曹王臯領江西荆襄節度署幕府累遷副使臯卒軍亂劫府庫珣取首惡十餘人斬以徇環棘廷中曰投所劫庫物于此宥勿問一日皆滿乃貫餘黨而安召爲奉天令中官出入屬於道吏緣以犯禁珣撻笞之卽死不置姦以屏息爲廬州刺史民俗病者不信醫信巫珣下令禱淫祠者且焚巫徵醫工治之俗以丕變修學宮政教簡易有芝草白雀之祥淮南節度使杜佑上其治狀賜金紫再遷京兆尹請減平糴半以當賦人賴其利卒謚曰夷子讓父喪柴毀服除布衣糲飯不應辟署者十餘年淮南帥李鄘請其廬請爲幕府有仁惠累福建觀察使○徐申京兆人嗣曹王臯表韶州刺史韶自兵興

四十年刺史以縣爲治署而令丞雜處民間申按公田

之廢者。募人給牛犁墾發。以所收之半界之田。故肥美。又久不治。歲入凡三萬斛。諸工計庸受粟有差。乃徙治故州。未幾。邑閭如初。創驛驛。作大市。器用皆具。州民懷之。觀察使以聞。遷合州刺史。始來韶。戶止七千。比六年。戶倍者半。會初置景州。授刺史。賜錢五十萬。加節度副使。往遷邕管經畧使。黃洞蠻納質。供賦不敢桀。踰年進嶺南節度。前使死。吏盜印署府職百餘員。畏事泄。謀亂。申覺而斃之。諸誑誤不問。遠俗以攻劫相矜。申禁切。無敢犯。外蕃歲以珠璣瑁香文犀浮海至。申於常貢外。未嘗贖索。商夷感之。卒。年七贈太子少保。謚曰平。袁滋字德保

陳郡汝南人。弱歲依外兄道州刺史元結以居。每讀書，
玄解旨輿結甚重之。以處士薦累工部員外郎。肅宗始
通西南夷，朝廷選郎吏可撫諭者，皆以西南遐憚之。
滋奮請往。德宗嘉之，以本官兼御史中丞，持節入南詔。
還，擢諫議大夫，拜尚書右丞。出領鎮國軍使，寬易清簡，
招來流亡。百姓至自他境者，皆給地以居，名其居曰義
合里。有犯多縱舍，遠近懷安。徵入金吾衛大將軍，耆耄
鰥寡，遮道不得行，楊於陵代任。宣言曰：於陵不敢易袁
公之政也。百姓乃羅拜而訣。憲宗監國，與杜黃裳俱相。
會劉闢、元命滋持節安撫道中，拜使相，節度劍南、西川。
賊方熾，滋憚避不進，貶吉州刺史。有治效，遷義成軍節
度。百姓立生祠祀之。改彰義軍節度，與吳元濟對壘者
數年，坐無功，謫刺撫州。遷觀察湖南，卒，贈太子少保。滋
寬易長厚，與處者皆自謂可見肺腑。至家人曾不得見。

喜

○韋丹

字文明

京兆萬年人。高祖珣以洗馬事太子承

乾能匡諫。事高宗東宮，為中舍封武陽縣侯。丹蚤孤，從

外祖顏真卿學。擢明經，選授安遠令。以讓其庶兄，入紫

閩山事從父熊通。五經登科。累殿中侍御史。以司封郎中兼御史中丞出弔新羅。故事使外國許賣州縣十官以取貲。號私覲官。丹曰。吾天子吏使外國不足干齎資。宜上請。安有賣官受錢者。具以聞。命有司給之。因著令還爲容州刺史。教民耕織。止惰游。興學較民貧自鬻者贖歸之。禁吏不得掠爲隸。城州城。城周十有三里。置屯田二十四所。教藝茶麥。治化大行。元和初。以諫議大夫召劉闢反。議者欲釋不誅。丹以爲世平人慢。當濟之以威。乃肅。今方鎮擅土者衆。闢又據全蜀。釋不誅。則藩服可臂指。而使。者唯兩京。何以令天下。帝褒美之。會闢圖

梓州命丹代李康爲東川帥。丹至漢表。崇文客軍遠聞。無所資。請以東川讓。俾軍士一心力平賊。從之。改晉慈隰觀察使。又陳所治三州非要害地。不足開府爲國費。請屬之河東。又從之。徙江南西道。丹至鎮。爲民去害興利。苦嗜慾。計口受俸。委其餘於官。輕徭賦。罷八州冗食者。收其財更之。始民不知陶。草茨竹椽以居。久則燥而焚。丹召陶工。官爲陶。購材木於場。聚之。民能爲屋者。受材瓦于官。度其費爲估。入估半予之。而徐受其直。逃未復者。官爲營之。貧不能者。畀其財。民有居矣。置南北市。爲營以舍軍。歲旱饑。募人厚與直。給其食以就功。夾營。

南北爲兩衢。環東西七里。以廢倉爲新廩。棲馬。馬息不
死。民以有衛。州苦江爲敗。築長堤扞江。亘十有二里。爲
竇以疏漲。爲陂塘五百九十八所。時蓄洩灌田萬二千
頃。居三年。八州無遺便。民懷生焉。有吏主倉者十年。覆
其糧。亡三千斛。籍其家。得文記。知權吏所奪也。召諸吏。
謂曰。若恃權取於倉。倉亡失多。罪在若。非獨倉吏罪也。
與若期一月還之。不者坐。皆頓首謝。及期所亡粟畢償。
有卒違令。罪當死。亡詣闕上書。告丹罪。詔解官待質。會
丹卒。御史驗卒所告皆不實。而治狀愈明。後宣宗重吏
治。問相臣。元和時治民吏誰最賢者。相墀對曰。臣守江

西時知常丹功德被八州。沒四十年。民誦思不忘。最賢也。問有子乎。對曰有子宙。今爲河南司錄叅軍。帝大喜。詔江西觀察使其上丹功狀。勒碑祠祀之。而召宙爲侍御史。累太原節度副使。時回鶻諸部入塞下。剽殺吏民。帥欲得信重。吏行視邊。宙請往。自定襄鴈門五原。絕武州塞。畧雲中。踰句注。徧見酋豪。鑄諭之。視亭障守卒。增其稟。約吏不得擅以兵侵諸戎。於是三部諸蕃皆信悅。召拜吏郎中。出刺永州。州俗不知法。多扞冒。又地瘠。苦爲生難。宙爲書具制律條科。并種植爲生之宜。戶給之。州負嶺。轉餉艱。歲饑。輒享死。築常平倉。收穀羨餘。以符

乏。罷冗役九百四十四員。縣舊置吏督賦。宙俾民自輸。十家爲保。相勸督。常先期而足。湘源生零陵香。歲上供人困。宙爲奏罷之。民貧無牛以耕。宙爲置社二十家。月會錢。採名得者。先市牛。公之牛以不乏。立學官。取仕家子弟十五人。充生徒教之。州災歉。斥在官凡所以供刺史者。得九十餘萬。市糧餉。振貸。俗有婚。出財會賓客。號破酒。晝夜集。多至數百人。貧者猶數十人。力不足。則不娶。宙爲條約繩之。使如禮俗。遂改化。邑少年常以七月擊鼓迎神。入民家。家迎爲辦具。謂之起盆。已酒。牢相徵逐。爲解素。喧呼闐闐。宙峻禁切之。還爲大理少卿。拜江

西觀察使江西民感公先功德聞宙來謹迎如父母行
遠出復還宙亦以父故所莅遇之如桑梓不啻務簡易
便安之也民大懷服遷節度嶺南南詔陷交趾撫兵積
粟備之進使相卒弟岫字伯起有父兄風至福建觀察
使○何易于史不詳何所人武宗時爲益昌令縣距刺
史治所四十里刺史崔朴嘗乘春從賓屬汎舟游行觀
索部民挽絳易于自腰笏引舟不令刺史知刺史聞驚
問狀易于曰方春百姓方急耕蠶時不可失也惟令無
事足任勞耳朴發愧疾驅去益鐵官榷茶利詔所在毋
敢隱易于視詔書曰益昌人不征茶已瘠不可活忍更

以權課毒之乎。閣不行。吏曰：「詔也。何敢閣？」對曰：「無恐。格詔罪令自當之。吾不愛一身移暴於民。觀察使賢之。不効也。民有死。器業破不能塋者。輒出俸。敕吏爲營。辦民以事詣縣。有垂白。僂杖來者。必召命坐。與食飲。問政得失。聽獄訟。必丁寧曉。譬枉直。薄懲而遣之。不以屬吏獄三年無囚。課賦役。貧下戶不忍迫。或以俸代輸饋。給過客符傳。應付外一無所進。故政無異稱。以中上考。遷羅江令。刺史裴休。宣行邑。見易于道。侍者僅三人。深咨美焉。」

上循吏

張鎮周。舒人也。武德初。爲舒刺史。鎮周以本其所生里。

也就故宅多市酒。殺召親戚與酣宴。散髮箕踞如爲布衣時。旣十日。則分贈金帛。泣與別曰。今日張鎮周猶得與故人歡飲。明視事。則州都督官有法體。不復得游從矣。自是親戚故人犯法。一無所縱。境內肅然。○薛元賞亡里系所出。尹京兆市惡少怙縱。以黛墨鑱其膚。自夸詭力爲剽敎。坊閭苦之。元賞至三日。收杖死者三十輩。陳諸市。餘黨懼。爭以火滅其文。推時利病。罷行之。京兆政清。嘗詣相第。相李石方坐廳事。與一人爭辨甚謹。元賞使尉覘之。云神策卒也。元賞趨入。責石曰。相公紀綱四海。不能制一軍卒。使無禮如此。何以鎮四夷乎。命左

右擒卒出。劾之。卒

隸以告閹士良。士良命召之。元賞

曰。屬有公事。行至矣。立歸杖殺之。素服詣士良。曰。中尉

宰相皆天子大臣。宰相之人。若無禮於中尉。死可也。中

尉之人。無禮於宰相。當何如。中尉與國一體。當爲國惜

法。元賞已囚服來。惟中尉之所死生之。士良不能難。直

視者久之。已呼酒與歡飲而罷。繇是軍卒懾戢。百姓賴

焉。宣宗立。拜昭義節度卒。

上能吏

論曰。予讀漢書循吏傳。記黃霸。朱邑。韓延壽之民治。如

身至日見也。諸條教風旨。凌雜鷄豚。而深心惻隱。千載

如燭矣。卽諸能吏。霆激風震。無慮皆洞悉其機牙。何盡

美也。乃唐循吏傳寥闕甚。憾焉。豈古漢重牧守人得展
布其四體而竭才可書。唐重監司中季爲藩鎮刺史令
不得行其志然耶。抑文下衰。雖有良政莫或紀。卽紀之
閭閻耶。夫以太史公之敘事稱神矣。而循吏傳獨畧則
惠文景之世樸文不足徵焉故也。嗚呼。唐史傳其滋闕
宜矣。

方高祖舉義時。滑州城劉政會上變。告副留守王威高
君雅反。雍池陽劉弘基及長孫順德。伏帳中執誅之以
起兵。雍鄠人殷嶠以府掾并文水武士襲以行軍司鎧
與密計皆稱佐命。而高祖婿臨汾柴紹自關中應召至。

與行謀已。嶠從太子建成攻西河。功最。紹先走霍邑。察
宋老生形勢。度必克已。戰疾力。克之。下臨汾絳。先登師
至河。弘基以千人先濟河。下馮翊。爲渭北道軍大使。殷
嶠副之。畧扶風。渡渭。屯長安。及隋衛文昇戰。冠軍而順
德擊隋將屈突通。潼關戰疾力。得通政。會招慰關中。盜
得以來。唐初建。弘基拜都督。封河間郡公。嶠陳郡公。順
德薨。國公紹左翊衛將軍。政會衛尉卿。其後弘基從秦
王擊薛舉。王有疾。從劉文静戰淺水原。敗績。爲舉所執。
仁杲平。得歸。守太原。陷宋金剛。跳自歸。從秦王擊金剛。
介休。從淮安王出徼胡老矣。從擊高句驪。累任國公。卒。

贈開府儀同三司。遺令給諸子田人五頃。曰。賢無藉多財。卽不賢。此足免凍餓矣。餘悉以散施。順德怙后族貪不法。天子賜之絹。愧其心者也。尋坐罪除名。歲餘。天子登凌烟閣。見順德畫像。惻然閔之。遣覘焉。見順德頽然臥家。醉也。召拜澤州刺史。復爵邑。順德始折節爲廉。却餽餉。前刺史名境內腴田數十頃。劾追奪。給貧民。乃無何而黷。太宗惜之。曰。嗟夫。夫順德無慨忼之節。多兒女之情。至此也。惜夫。卒贈荊州督。政會無它長。卒贈民部尚書。獨鄭公嶠。贈行臺僕射。謚曰節。而弘基。順德政會皆謚襄。以皆有勞。定國云。柴紹從秦王征四方。累功。

封霍國公。自將擊吐突渾。虜憑高下射矢如雨。紹遣伎
彈琵琶。二女子對舞自如。虜人莫測也。駐弓矢聚觀。則
密使精騎繞虜後乘之。紹自奮前擊。虜大潰。破梁師都。
平夏州。累鎮軍大將軍。改譙國公。疾。太宗自臨問。薨。贈
荊州督。亦謚襄。士護初參起義。後累功至工尚書。封應
國公。女爲高宗后。篡唐爲周者也。武后時。佞臣許敬宗
爲史官。傳士護多諛誣。削不書。在太宗時。英衛功最著。
謨具帝紀。而衛公常闔門稱疾。避權寵。又時出佐上。所
關於忠智兼之。他諸將武力者。有尉遲敬德。秦叔寶。程
知節。段志玄之倫。敬德。朔州善陽人。爲劉武周將。秦

王得之。懷以恩。已武周。它降將叛去。諸將疑敬德且去。執以白。請誅。秦王遽釋之。引入臥內。賜金寶。曰。丈夫意氣相與。勿以小嫌介意。必行者。以此金相資。表一時共事情。敬德感泣。厥明獵榆原。世充將單雄信。馳襲王。引衆前直趨王。王未備豫也。殆甚。敬德躍馬大呼至。刺雄信墮翼。王出旋復縱破之。王拊其背曰。公何相報之速也。賜金一篋。自是以統軍從。每戰常以死衛王。竇建德軍板渚。世充兄子琬。擐鎧甲乘隋煬帝故所乘馬出前致師。王問誰與出者。曰。鄭所封代王者。悍將也。王曰。悍則不知。彼其馬良馬也。敬德從三騎前徑薄之。擒它。以

馬歸。賊辟易。無敢格者。劉黑闥襲世勣臨洛。軍大至。圍合。敬德率壯士犯圍入。江夏王道宗從之。破圍出。其勇驚如此。隱太子圖秦王。憚敬德健闘。令巢刺王嘗之。巢刺王以善稍聞。請角稍。曰。去刃無相傷。敬德曰。王加刃。敬德謹相避。無傷也。敬德稍却刃。元吉執稍躍馬。志刺之。敬德湏臾三奪其稍。隱太子乃好媾之。遺書曰。願迂長者眷。爲布衣交。致金器一車。辭曰。敬德起微賤。陷身逆節。荷秦王更生之恩。不敢圖其死。於殿下未嘗效尺寸。其何敢當賜。苟懷二心而徇利。亦殿下之所棄也。竟却之。以告秦王曰。公心如山嶽。雖積金抵牴。斗豈能移。

哉。然自是危矣。太子譖果成。高祖欲殺之。賴王力擁護而免。已贊王決計。成玄武門之誅。時官府兵戰未解。高祖泛舟玄武池。王命敬德奔入衛。敬德請帝詔諸軍。盡聽秦王節度而定。王爲皇太子。授左衛丞。時坐隱巢。沒入者百家。敬德以推人心。非全安之道。事得寢。太宗卽位。封吳國公。敬德奉上薦。與下恩。然未嘗特將。性忤直。頗以功自負。每以已意論大臣短長。面嫚之。大臣多不平。嘗侍宴慶善宮。怒罵坐。任城王道宗前解之。愈益怒。毆王傷。帝不懌。罷酒。明日召讓之曰。朕嘗恠漢祖功臣少全安。過之。今視卿所爲。乃知韓彭夷繆。非高祖咎也。

賞罰國大典。橫恩不可數得。勉自救。毋爲後悔。於是乃自戢。後改鄂國公。歷鄺夏二州都督而老。圖形凌煙閣。久之。有上變告敬德反者。帝召訊敬德。對曰。臣從陛下征四方。經百戰。今存者鋒鏑之餘也。天下已定。乃更疑臣反乎。因解衣投地。出癰瘕以觀體。無完膚。帝流涕撫之。帝嘗欲妻以女。敬德謝曰。臣妻陋。然相與共賤貧久矣。臣不學。聞古人貴不易妻。竊所願也。帝大賢之。討高麗。爲帝言。陛下在遼。太子在定州。兩都虛。粹有楊玄感之變。何以待之。東夷小國。不足勤萬乘。願委良將以時摧滅可也。帝不納。致仕。謝賓客。學延年術。杜門者十六

載。永徽中。乃卒。贈司徒并州督謚忠武。塋陪陵。叔寶歷城人。知節。濟東阿人也。皆勇悍有志節。叔寶從隋將張頭陀爲士伍。知節聚徒保鄉里。並事李密。密敗。爲王世克所得。以爲將。厚遇之。而二人薄世克。詐不附也。及唐戰九曲。二人者。從十餘騎跳身走。至百步外。望世克下馬遙拜曰。荷公殊眷。公猜忌信讒。非可以託身。請從此辭。並馳赴唐軍。事秦王。叔寶爲右統軍。知節左統軍。破宋金剛。攻王世克。擒寶建德。功並最。隱巢譖行。出知節補外。知節曰。王肘腋剪矣。身無危乎。知節以死奉王。願速決。與叔寶從平難。王爲太子。並拜左右衛率。王卽位。

並左右武衛大將軍。叔寶，冀國公。知節，盧國公。貞觀中，叔寶先卒。知節，麟德中乃卒。俱都督。塋陪陵。志玄，齊臨淄人。父偃師，爲太原司法書佐。事高祖。志玄因得從秦王游。及起兵，志玄召募卒以從。平霍邑，下絳，攻永豐倉，皆冠軍。從劉文靖拒屈突通，戰潼關，軍潰。志玄率二十騎還，聞傷不退，三出入敵陣，致師。衆觀奮破之。再戰再勝，授樂遊府驃騎將軍。從擊王世充，入陷陳，馬蹶見執。賊以其勇也，擇兩健卒騎而夾持之。渡洛水半，志玄奮而踴，二騎將墮水中。得其馬，馳徑歸。賊不敢逼。平東都，功多，隱巢誘以金帛，拒不受。貞觀初，拜左驍騎大將軍。

封樊國公。文德皇后葬。與將軍士及陳肅章門護喪。帝
夜遣中人持手詔至二將軍所。士及開營延使者。志玄
閉不納。曰。軍門也。法不夜開。使者曰。此有敕。志玄曰。夜
不辯真僞。曉乃得入。太宗聞。理漢文歎亞夫語。太息曰。
真將軍也。疾。帝臨問曰。與卿。五品官。志玄頓首泣曰。
請廻授母弟。從之。卒。贈揚州督。葬陪陵。謚忠壯。程名振。
洛州平恩人。事實建德爲普樂令。棄官歸。授永年令。令
率兵徇河北。夜襲鄴。俘男女千餘人。以歸。閭婦人乳有
汁者九十餘。放遣之。曰。令子得乳也。鄴人感之。從隱太
子。擊劉黑闥。母潘爲黑闥所殺。請手刃黑闥。以其首祭。

母拜營州督府長史。封東郡公。刺洛州。帝征遼東。聞名振善用兵。召見。問方畧。名振失不拜。帝試責怒。用觀其俯仰。名振謝曰。遠臣未嘗奉聖問。方思所對。遂忘拜。舉止自若。條所對明辨。帝太息曰。奇士也。拜右驍衛將軍。授平壤道行軍總管。攻沙卑城。破獨山陣。皆以少擊衆。稱名將。卒。贈右衛大將軍。謚曰烈。子務挺。以左驍衛大將軍。申理裴炎見殺。見帝紀。○契苾何力者。鐵勒莫賀可汗之孫也。貞觀中。天子待降附夷最恩。何力率衆請沙州內附。授左領軍將軍。薛萬均計吐谷渾敗。何力冒圍奮擊。虜披靡。拔萬均以歸。吐谷渾大酋在突淪州。又選驍騎馳破其牙帳。多鹵獲。詔使迎勞。萬均顧拊何力自爲功。何力不勝恚。欲手刃之。事聞。帝召詰。何力具陳狀。帝怒解。萬均官授何力。何力曰。以臣故解。萬均官恐。四夷聞者。謂陛下重蕃將。輕漢將。且以誣訾長。囂競也。帝容重其言。令北門。

宿衛尚臨洮縣主。始何力年九歲失父母。聞母弟在涼州。詔許省覲。至爲郃人所執。降薛延陀。延陀欲降之。何力箕踞坐。引佩刀東向呼曰。我大唐烈士。豈受辱賊廷耶。天地日月鑒吾志。割左耳誓不屈。方何力被執時。廷臣皆曰。何力入延陀。如魚得水。不返矣。帝曰。是人心如鐵石。不吾革也。第觀之。會使者從延陀來。言狀。帝泣下。詔許延陀尚主。求何力。乃得還。帝遂免鹿後苑樂。何力諫曰。天命陛下爲華夷主。奈何乎。自輕脫巾帶固諫。帝爲罷獵。征高麗。爲前軍總管。攻白巖城。陷陳。槊中其腰。奉御薛萬備單騎馳往救拔之。還。何力氣益憤。裹創戰。竟破之。城降。得刺何力者。帝命其心之。辭曰。彼爲其主。冒白刃刺臣義士也。捨不殺。進大將軍。封涼國公。卒。謚曰毅。而是時起將帥有文武材能忠諫拂主者。稱李大亮。

大亮隴西狄道人。居京兆涇陽。武德初。授土門令。時歲饒多盜。大亮招亡散。撫貧瘠。賣所乘馬資業之。勸農墾田。歲以大熟。盜入境。大亮度衆寡不敵。單馬詣賊壘。召

其豪勸諭之。盜感服。請降。又殺所乘馬。食焉。縣境以寧。以金州總管府司馬擊王世克。下襄鄧十餘城。以安州刺史擊輔公祐。禽將。公祐圍猷州。敗其師。圍解。以越州督擊羣盜張善安於洪州。與隔水語。開譬令自還。善安曰。僕初無反心。爲部衆所逼耳。今欲降恐不免。大亮曰。張總管信有降心。卽與我一家。豈有間哉。遂單騎走其壘。披心腹示信。善安感動。明日詣大亮營。止不去。衆遂解散。遷越州督。改涼州。皆以惠政聞。州有佳鷹。帝遣使至涼州見之。諷令獻。大亮密表言。陛下絕畋遊。久禁貢獻。而使耆求鷹。出陛下意乎。則於昔殊旨。如擅求。非使

指而有求。非義也。帝悅。手詔褒美。以金胡餅。及荀悅漢紀賜焉。時突厥北荒諸部。及十姓種落。多散處伊吾北。天子欲招來示無外。詔大亮爲西北道安撫大使。招慰之於磧口。貯糧賑焉。大亮疏諫曰。中國天下本根。四夷枝葉也。河西州郡蕭條。加因隋亂。彌復減耗。不堪供億。而振撫突厥。是疲中國而事四夷也。不如罷之。其自立君長。求內屬者。羈縻受之。使居外保塞便。帝優詔報納。克劔南巡省使。以激揚稱。從李靖討吐谷渾。虜名王獲雜畜數萬。進爵公。拜右衛將軍。伐遼。副房玄齡居守。靜重識大體。玄齡稱其有周勃王陵之節。會寢疾。帝親和。

樂驛致賜焉。遺表請罷征遼之師。專關中爲意。帝聞震悼。贈兵尚書。秦州督。謚曰懿。大亮平居若不能言。而內剛烈不可奪。對天子廷爭是非。無回撓。每宿直。必假寐達旦。閒居對妻子。無情容。事兄嫂有恩禮。位通顯。而居隘陋。自若。破輔公祐時。賜奴婢百口。問知爲衣冠族。流落可哀也。畢縱遣。帝聞咨美。更賜悉以遺親族。卒之日。家餘米纔五斛。布三十疋。而親戚早孤。爲大亮所長養。器之如考妣者十五人。初大亮爲李密所獲。群輩百十人盡死。密將張弼異其狀貌。免之。旣貴。弼匿不見。求之不得。一日遇諸途。識之。持之泣。則弼爲將作丞矣。盡家

賢遺焉。不受。言於帝曰。臣得事陛下者。弼也。乞盡以臣官爵授之。弼擢中郎將。督代州。天下皆賢大亮之不背本。而多弼之不自伐云。自太宗征高句驪。勤遠畧。永

徽遂其功。欲臣畜四裔。夸海內外。獨王忠嗣重用兵。裴聞喜用之不勤。餘帥競徼功。稱上旨。而尾大乃在邊。唐

人所爲。賦邊愁。閨怨。從軍行者也。已竟成祿山。其大者具戎狄志。具帝紀。他戰功。絀不錄。獨邊將謹法。竭忠

力。守疆土者。乃頗著焉。

王方翼并州祁人也。幼失父。哀殷如成人。時號孝童。方翼母同

安長公主也。惡其生母李斥逐之。方翼尚幼。雜庸保執作。愛日力。墾田植樹。燎松丸墨。以質爲富家。主卒得歸。嘗夜行。見人長丈餘。引弓射仆之。就視朽木也。太宗聞擢右千牛。高宗立。而從祖女弟爲皇后。調安定令。其友

趙持滿誅死尸諸道親戚莫敢視方翼曰昔樂布哭彭越義也周文王掩遺骸仁也絕友義掩主仁何以事君遂往哭收塋金吾劾繫帝嘉之不罪也遷肅州刺史州無隍塹方翼發卒建樓堞引多樂水環城爲阻固烽堠精明敵避遠之河西蝗不入州境它郡民流莩至出私錢作水碓令守直爲食構舍數十百楹居之所全沾甚衆裴行險討遼高表爲簡較安西都護副使方翼築碎葉城以居城三門多遣卒還復出入西域胡縱觀以爲唐軍衆莫測也悉獻珍貨親附邊才淳初三姓咽麴兵十萬至雜虜謀執方翼爲內應方翼召致之軍中宴賜之以次出於壁外禽縛會天大風雨金鼓號譟聲無聞畢就誅卽遣騎分道襲擊之咽麴等戎遂陷服初方翼次葛水水暴漲師不可度泥祭以禱涉而濟又七月初葉河患無舟而冰一夕合以功遷夏州都督屬牛疫民廢田作方翼爲耦耕法張機鑣力省而見功多百姓順附封太原郡公虜入寇時庫無完鎧方翼斷六板畫虎文鉤聯解合以抗虜虜馬驟見之駭而奔遂敗之武后時以王后屬流崖州卒○薛仁貴絳州龍門人以貧賤業耕雄武有志畧欲敗塋其父祖妻柳止之曰毋夫有高世之材者求有不須時而發者也今天子自征遼

猛將此君自見時矣功成改葬未晚也仁貴乃往
軍張士貴攻安市高麗將延壽帥二十萬衆以拒師
貴欲自見乃著白袍持戟韃兩弓大呼陷陣入所向
靡帝望見異之遣中使馳軍中問被白袍者將爲誰
曰列較薛仁貴也召見賜金帛慰勞授游擊將軍雲泉府
果毅師還帝奉其背拊之曰朕諸舊將老矣不復堪任
使乃得卿朕茲行不喜得遼東喜得卿也遷右領軍中
郎將高宗幸萬年宮山水夜發暴突玄武門宿衛皆散
走仁貴曰安有天子急而懼死自逃者登門號呼警
宮內帝遽出乘高駘水入寢殿者丈餘帝召勞之曰忠
乎忠出御馬賜之討西突厥仁貴言泥熟不事賀魯爲
所破家爲所虜係今王師破賀魯得泥熟家口宜還之
使四夷知賀魯爲暴而陛下爲德也帝曰善如仁貴言
泥熟感泣請效死副程名振等遼東破高麗貴端城從
梁建方戰橫山先入戰石城有善射者命中殺官軍十
餘仁貴單騎入突擊之虜弓矢皆廢禽之歸破契丹黑
山虜其王拜左武衛將軍副鄭仁泰爲鐵勒道行營總
管將行宴山廐試之射穿七札時九姓擁衆十餘萬馳
騁卒三人來致師仁貴發三矢射三人殺之虜驚潰擒
馮葉護而還軍中爲之歌曰將軍三箭定天山戰士長

歌入廣九姓自此脅息不患遼乾封初擊高麗拔三
城帝手勅勞慰之改扶餘城與李勣會平壤所將卒殊
少李以勝授右威衛大將軍封平陽郡公簡較安東都
護撫孤老拔幹力褒忠孝節義高麗服焉吐蕃入寇詔
以遷婆道行軍大總管率三將軍擊之副將郭待封嘗
守鄯善城耻爲仁貴下違節度援後斯不至師覆于烏
海坐除名尋徙象州西羌叛帝召見勞之曰往九成宮
水嚮無卿朕爲魚矣卿北伐九姓東擊高麗並卿力獨
烏海城不自擊賊致失利朕何能忘卿拜右領軍衛將
軍簡較代都督擊突厥雲州突厥問唐將誰也口薛仁
貴突厥笑曰薛將軍流象州死久矣安得來仁貴脫兜
鍔示之突厥相視失色下馬拜欲遂遁進擊大破之俘
斬甚衆還道卒年七十贈左驍衛將軍官造靈輦并家口給傳還

○郭震

字元振

魏州貴

鄉人以字行長七尺美鬚髯十六游太學爲大學生家
送資錢四十萬有襪服生叩門言五世未塋也願假以
治塋元振立舉與之一不問姓名同舍生薛稷等駭歎

服焉。十八舉進士。爲通泉尉。任俠畧小節。嘗盜鑄。及掠賣所部口遺賓客。武后召詰。語明辨。竒之。索所爲文章。上寶劒篇。后嘉歎。卽授右武衛鎧曹叅軍。進奉宸監丞。會吐蕃將論欽陵請罷四鎮兵。披十姓爲分地。元振使還。爭不可。語具吐蕃事中。久之。拜涼州督。州境廣輪四百里。突厥吐蕃來。輒傳城下而軍。元振於南硤口置和戎城。北磧置白亭。控束之。虜不得間。已拓境千五百里。州無虜憂。又闢屯田。歲數登。至纘易數十斛。倉廩支十年。居五歲。夷夏畏慕。道不拾遺。遷左驍衛將軍。安西大都護。西突厥烏質勒強欽塞。求和親。元振就其牙帳與

計事。會大雨雪。元振故久立不。爲質勒老矣。力不任。拜起。罷會歸。卽死。子娑葛怨元振。以爲父所繇死也。謀勒兵將攻之。或勸元振夜趣去。元振臥不起。明日入虜帳。弔娑葛哭甚哀。留數日。厚賻贈助。娑葛乃大感。會請追闕。啜入宿衛。徙其部瓜沙。以已難。而相宗楚客受闕。啜金。顧誣元振罪。召將誅之。元振乞留定西土。不敢歸。睿宗立。楚客誅死。復召歸。安西酋長有勞。面哭送者。還得相。玄宗誅太平。睿宗御承天門。諸相走外舍伏匿。獨元振扈不去。宿中書十四夕。乃出休。封代國公。玄宗講武驪山。旣三令。帝親鼓。元振遽奏禮闕。帝怒。稍流新州。



起饒州司馬。怏怏不得志而卒。元振少雄邁。及貴富。居處乃儉約。手不釋書。史人莫見其喜愠。朝退入侍親。欣欣如也。還就室儼如。唐世仕至宰相親存者。惟元振云。

○裴行儉。字守約。

絳州聞喜人。幼以蔭補弘文生。舉明經。

調左屯衛倉曹參軍。累官吏侍郎。典選有能名。儀鳳中。十姓可汗阿史那都支及季遮匐。誘蕃落與吐蕃連和。逼安西。朝議欲討之。行儉故嘗爲安西都護。知虜情。議以爲日吐蕃之叛。敬玄喪師。安可復爲西方生事。今波斯王死。其長子質京師。宜遣使者持節送還國。立之道出六虜。因權以制事。當不勞而定。詔行儉克。

延磧至西州。諸蕃來郊迎。行儉召其豪千餘人。從揚言大熱。未可行。宜駐軍。須秋涼乃發。都支覘知之。以爲固送波斯王還國也。怠不設備。行儉徐召四鎮酋謂之曰。曩吾都護此州時。縱獵樂甚。念之未嘗忘。今客此。諸君能從我獵乎。諸酋喜。願從者萬人。於是勒部伍以畋。畋數日。忽倍道西進。去都支帳十餘里。遣所親問都支王安否。暇且會獵。示若非討襲者。已使人趣召之。始都支與遮旬蕃計。及秋拒使者。聞軍卒至。慄不知所爲。帥子弟詣謁。禽之。是日傳契箭。悉集其酋長具得之。立簡精騎襲遮旬。遮旬懼。亦降。於是囚都支遮旬王以歸。遣波

斯王自還其國。留王方翼於安西。使築碎葉城守焉。調露元年。阿史德溫傳奉職二部復反。立泥熟匐爲可汗。詔行儉以禮尚書。文定襄道大總管。率大軍討之。先是虜遮擊中國。覬運而獲。因以勝。行儉以運車二百乘。車載壯士五人。持陌刀勁弩其中。羸兵挽之行。伏精兵躡之。虜果以爲糧也。喜復掠之。羸兵棄車走。賊驅就善水草。解鞍馬。欲取糧車中。車中壯士突出擊。虜驚走。爲伏兵所掩殺殆盡。自是運車行者莫敢近。擊阿史薄可汗。府北而營。掘塹四周。暮矣。行儉忽傳令移營。諸將言士倦思休。不可動。不聽。趣徙之。是夜風雨暴至。起視前所

占營地水深乃丈餘。諸將驚服。問故。行儉笑曰。自今第
從我令。不必問所從知也。遂進擊。捕虜甚衆。泥熟訶爲
其下所殺以降。師旋。阿史那伏念稱可汗。復與溫傳合。
行儉軍代州之陘口。填焉。縱反間離其交。於是伏念懼。
密送款。請縛溫傳以自効。吏士莫知也。居數日。有驚塵
自北而南。驚。吏士急請備。行儉笑曰。此伏念執溫傳來
耳。然受降如受敵。勒部伍嚴陳待。遣單使迎勞之。已而
果然。突厥平。初。行儉許伏念以不死。故降。旣入朝。時相
裴炎疾其功。言伏念爲程務挺張虔勗所脅逐。爲磧比
回紇所逼。以故降。與溫傳俱斬於市。而行儉功不錄。行

儉嘆曰。渾濬之事。吾耻之。但殺降爲恨。恨耳。遂稱疾不

出。卒。贈幽州都督。謚曰獻。

行儉有人倫之鑒。所引偏裨。類爲世名將。寬綽有大度。御

士恩有瑪瑙盤。廣二尺。軍吏觸之。碎怖叩頭謝。笑曰。非故也。何謝帝賜資產。皿金三千。分給親故。泊麾下。數日輒盡。子光庭相玄宗。

○王忠嗣。華州鄭人也。開元中。父與吐蕃戰

海濱而沒。子訓年九歲。召見伏地哭。帝撫之曰。真羽林

孤也。賜今名。養禁中。長雄毅寡言。嚴重有武畧。天子以

將家子。與論兵。對縱橫籌策。出慮表。帝大喜曰。是必爲

良將。爲皇甫惟明所陷。貶東陽府果毅。河西節使杜希

望。表追赴河西。從下新城。先登。授左威衛郎。知行軍司

馬。吐蕃入寇。軍不敵。衆恒懼。忠嗣先登陷陣。虜辟易。大

師從崩之。功最。授金吾衛大將軍。同朔方節度。與虜戰桑乾河。三敗之。突厥有內難。縱反間於回紇等部。因伐之。取其右廂。降葉護。還加左衛大將軍。明年。再破奚突厥。塞外晏然。虜不敢入邊。忠嗣勇敢負氣。然爲將。乃持重。安邊不生事。嘗曰。當升平世爲將。但當撫循士衆。守邊不當竭中國力。事邊訓練士馬。隨闕裁補。士氣盛憤。無所用。謀虜隙。稍稍出奇兵擊之。向無不克。軍每出。召部將授器械。雖弓矢各識卒姓名。其上軍還。遺弦亡鏃。皆按名第罪。恐耗折爲國費。自朔方至雲中。連袤數千里。據險要。築城堡。斥地益遠。自張仁愿築受降。

城而來。四十年矣。忠嗣繼其功。佩河西隴右朔方河東
四節使印。控勁兵重地者萬里。近古未有也。忠嗣乃因
讓朔方河東二鎮。許之。時帝銳意邊功。方有事石堡城。
詔問功取計。忠嗣言石堡固。而吐蕃傾國力守之。非殺
數萬人。不克。若頓兵其下。費士馬數萬。卽得不償失。宜
厲士馬以待覲。便。帝意不快。而李林甫因毀惡之。於是
詔董延光下石堡。忠嗣分兵應之。忠嗣不得已爲出軍。
而賞格不立。兵馬使李光弼諫曰。大夫愛惜士死。有拒
延光心。雖名受詔。付數萬之衆。而不立重賞。則何以賈
士勇乎。然天子意銳甚。延光攻石堡不下。必委罪大夫。

大夫奈何惜數萬匹帛。而以啓讒人之口乎。忠嗣曰。君言是也。然吾思之審矣。得一城不足以制敵。卽失之於國。固未害也。而空殺無罪數萬人。此忠嗣所不爲。異日卽天子見責。不過以一金吾歸宿衛。不卽巴黔中上佐耳。吾何忍以數萬人之命博一官哉。光弼乃謝曰。大夫能行古人之所行。復何言。遂趨出。而延光果訴忠嗣沮兵。會安祿山城雄武。扼飛狐塞。以謀亂。請忠嗣爲助。欲因留其兵。忠嗣先期赴之。不見祿山而反。且上言祿山必亂。林甫益惡之。誣忠嗣養宮中。云吾欲奉太子。帝怒。下三司訊。當死。哥舒翰方寵。請以官爵贖忠嗣罪。帝怒。

解。賊漢陽守卒後竟拔石堡。然死亡略盡。如忠嗣言。竇
應問追贈兵尚書。其後安史之亂。汾陽臨淮爲元功。次
者李將軍嗣業。王司空思禮。他諸將具出汾陽王麾下。
而臨淮將忠武者。有馬璘。郝廷王。之倫。嗣業壯勇絕倫。
從高仙芝征勃律。攻婆勒城。城據山塹。水斗絕不可攻。
嗣業獨引旗於絕險處先登。而從步卒持陌刀徑山頭。
拋所積樵木蔽空下。虜驚潰投谿谷。遂拔之。而拂林大
食諸胡皆款塞朝獻。嗣業力也。復兩京。功具帝紀中。九
節度之師。圍相州爲流矢所中。數日瘡且愈。卧帳中。聞
金鼓聲。大叫絕。瘡裂血注地而死。贈武威郡王。嗣業京兆高陵人。

人思禮有膽烈。有知計。立法嚴整。吏士莫敢犯。雖數敗。終以成功。思禮高麗人璘自二庭赴鳳翔。從太尉光弼攻洛

陽。史。義自將十萬衆救之。軍北却。甚盛。諸將相視。未敢動。璘獨率所部橫戈出。薄賊陳數四。賊披靡而師乘之。持光弼歎之曰。吾用兵三十年。未見以少擊衆。雄武如馬將軍者。廣德初。吐蕃入寇。帝居陝。璘即日自河右轉鬪。至鳳翔。時吐蕃軍雲合。鳳翔帥孫志直閉城不納。軍。璘背城戰。搗吐蕃破之。俘斬數千人。代宗召見慰勞。權鳳翔隴右節度副使。移鎮涇。建營堡。繕攻守具。政令寬肅。八年前後屢破虜。虜不敢犯。加簡較右僕射。進扶

風郡王卒。

璘岐州扶風人。

廷王事李太尉戰河陽太尉以城西

北關賊最勁使當之徑騎衝賊陣擒將者也累功安邊

郡王光弼薨吐蕃廻紇犯奉天奉詔屯渭橋聞魚朝恩

聞廷王善爲陣請得觀廷王於營中列部伍鳴鼓角出

而陣箕張翼舒乍離乍合坐作進退莫得其端倪朝恩

歎以爲在兵間十餘年未始見也廷王悽然謝曰此臨

淮王遺法也臨淮王善御軍每較旗日軍士不如令立

斬故軍肅王薨無復較旗之事卒贈工尚書

王翊太原晉陽人自

安史反嶺南谿洞夷僚起爲亂陷城邑容筦經畧使寄

治藤梧中翊刺客州大言曰吾爲容刺史容吾治所也

安得寄他邑治平出私財募士行斬賊馳廣州見節使

求兵節使李勉口容陷賊久羣獍強卒難圖也蓋安之

翊請曰。大夫未暇出師。但牒諸州。宣言各出兵爲援。藉聲威。冀萬有一功。勉許之。翊卽手書諭義。藤州刺史與盟約同功。前後百餘戰。戰未決。節帥牒止之。翊匿牒不出。起士卒更戰。竟破賊。擒其酋。賊遁。復容州。表聞。兼奏置順州。加銀青光祿大夫。兼御史中丞。充招討處置使。遂復鬱林諸州。嶺表以安。後廣州亂。殺帥。翊遣將悉所部赴之。西原盜以容內虛。可圖也。合夷獠兵來襲。大敗去。帝遣使慰勞。加金紫。吐蕃入寇。副元帥子儀移河中。徵翊爲少尹。充節度。留後有反將。翊立誅。而定移守東都。開置二十餘屯。吳少誠阻命。翊賊車籍甲不完。繕而具其備。豫如此。已肅代失馭。姑息之形成。河北三鎮首卒。贈禮尚書。

阻命。准蔡繼起。吳蜀效尤。方鎮無慮。皆桀帥自擅。而李西平以忠智成匡復功。奠宗社於崎危。渾咸寧以其死衛上。謨勲奕然。馬北平奮奇策。擣貝魏。決大計。誅河中。淮蔡之勲。李光顏忠力拒其外。李愬智計擣其中。裴文

忠以元臣填焉。謨具帝紀中。他諸帥獨厯厯以輯禍亂。

守封畛爲勞效。迄唐季無復事戎夷遠畧如異時矣。○

北平王燧。

字洵美。

汝郊城人也。少讀書。見天寶政亂。廢書

太息曰。天下行多事。大丈夫當建功於時。濟四海。安能

矻矻事儒生業乎。去學劍。沈勇有籌策。安祿山反。陷東

都。使其黨賈循守范陽。燧時尚少。卽躡蹻行。見循說之

曰。祿山負恩首亂。雖猖獗。當終夷滅。公奈何束手從逆

與同禍乎。今誠以范陽反正。傾其根柢。使進退無據。而

坐禽。此不世之伐也。循然之。不時決而戮。燧亡入西山。

匿隱者徐遇所。間行之平原。平原不守。復走魏。寶慶中。

澤潞帥抱玉署爲趙城尉。回紇師還國。恃助順功。恣睢所過多抄掠。州縣供億不稱。輒殺人。抱玉患之。遣官屬置頓。皆憚不敢前。燧請行。則詣其酋重賂之。酋說則說。令禁暴掠。酋遺之旗曰。有犯者君自戮。燧得旗。卽取死囚。令給役。小違令。輒戮。回紇相顧失色。終出境。拱手奉約束。無敢譁。抱玉大奇之。燧因進說曰。屬與回紇言。頗得其情。僕固懷恩反必矣。懷恩裂河北以授三帥。樹之恩。子瑒又佻勇而輕。夫內樹帥而外交回紇。殆必叛者也。叛則河東澤潞先被其患矣。宜深備之。而懷恩果反。署殿中侍御史。爲節度判官。遷鄭州刺史。課畝平稅。改

刺懷。歲旱。人失耕稼。燧務教化。去煩苛。收暴骸瘞之。將吏有父母。輒造之施敬。秋野穀旅生。李抱玉移鎮鳳翔。奏署隴州刺史。州西有間道連峻山。與吐蕃相直。蕃從人爲暴。燧按行。立石種樹爲阻固。下置二門。布渠落爲守。八日而功畢。抱玉入覲。薦之。帝見之。姿貌魁岸。長七尺有口。偉視之。拜御史中丞。刺商州。兼水陸防禦使。河陽三城兵亂。逐鎮將簡。較工尚書太原尹。河東節度鎮河陽。平之。汴將李靈曜反。擄汴州。絕運道。潛結魏博。破永平。詔燧及淮西李忠臣合師討之。忠臣憚盜強。欲焚廬舍西走。燧勸其還兵。自請爲前鋒。破田悅逼汴州。忠

臣戰汴南。燧戰汴北。靈曜選銳兵八千。號餓狼軍。以抗燧。燧奮擊破之。又敗田悅李正己所遣來援軍。又敗他將。乘勝軍汴州。忠臣至。及靈曜戰。燧引四千人爲奇兵。衝擊破之。悅靈曜跳身走。汴州降。燧讓功不入城。忠臣入城。專其功。燧還鎮。時太原承前帥師。劒後兵弊。殫燧選將吏有膂力者。下逮廝牧。補騎士。教之戰。造鎧甲。必短長三制。稱所衣。以便進趨。制戰車。冒以狻猊。列戟于後。行以載兵。止爲營。戰爲陣。遇險則制衝突。居一年。得選兵三萬。器械犀利。辟張建封爲判官。署李自良爲代刺史。北方莫焉。燧念晉陽爲王業所自起。而天下亂。宜

設險。乃引晉水加汾屬之城。瀦爲東隍。省守陴萬人。又
醴汾環城。築堤以爲固。而太原益壯。以軼魏博功。加簡
較司徒。封北平郡王。帝還京。加奉誠軍。及晉絳慈隰節
度行營副元帥。誅李懷光。平河中。遷光祿大夫。兼侍中。
賜宸扆。台衡銘寵焉。上事關天下大故。具帝紀。吐蕃尚
結贊請盟。燧爲招討使。請許盟。虜刼盟。坐奪兵。以勲封。

奉朝請卒。

李自良。荊州泗水人。北平王燧罷鎮時。帝命

嘉之。改授右龍武將軍。翌日入謝。帝曰。卿於馬侍中存
軍中大體。固善。然河東密邇胡戎。得帥難。念無以易卿。
命復鎮在鎮九年。以簡儉守職。雖出身戎伍。動循法軌。
不以暴戾加人。軍民胥悅。○李抱玉。武德功臣安興貴

曾孫。抱真其父。

又弟也。世居河西。善養馬。開騎射。爲人
謹事。太尉光弼爲將。戰河西。水

山反。上言耻與逆臣同姓，賜國姓。史思明破東都，從光
弼戰河陽，復懷州，功第一。代宗出居陝，羣盜偏南山、五
谷間，東拒獮，西抵岐，莫能制。詔抱王兼鳳翔帥討之。不
閱旬而定。拜僕射同平章事，兼副元帥判官。抱王言龍
坻達扶文縣地二下里，虜所從道不一。梁岷重則關輔
輕，願擇能臣帥西道當一面，使臣得專事關隴。帝多其
讓，許之。在鎮十餘年，禁暴安人，爲良將。卒年七十四，贈
太保，謚昭武。抱真以兄任授汾州別駕，僕固懷恩陷汾
州，跳身歸京師。謁帝，帝召問西事，白起汾陽王子儀爲
帥，可無戰而解。語具帝紀中。遷殿中少監。陳鄭澤潞軍
節度留後，旣謝，因言百姓勞逸在牧宰，願得一州自試。
得澤州，徙刺懷進懷澤潞觀察使，抱真策山東有變，澤
潞爲兵所走，集乘戰伐後，賊重人困，加土瘠，賊無以贖
軍，乃籍戶三丁，擇一蠲徭租，給弓矢習射，歲蒐之，兵遂
雄。山東見軍制，從河東帥馬燧解臨洛邢之圍，復遣客
說王武俊，合從破朱滔，進簡較司空。義陽郡王抱真沉
敏多智計，聞天下豪傑賓客，輒卑辭厚幣，數干。○李尤
里迎致之，至卽無可采，禮謝之不廢。卒，贈太保。

進光顏者，本河曲部落稽阿跌之族也。世雜田州刺史。

隸朔方軍。時適舍利葛旃。葛旃殺僕固瑒。事河東帥辛雲京。光進兄弟少依焉。學騎射。因家太原。光進射少遜于葛旃。王光顏勇力。葛旃自以爲不能及也。至德初。光進從汾陽王破賊。收兩京有功。封范陽郡公。從計大同。橫野夷河。寇寇進武威郡王。元和初。同王承宗。范希朝。引師救易定。戰木刀溝。功多。簡較工尚書。克單于大。都護。賜國姓。光顏從河東帥馬燧討懷光。從高崇文平。劔南。功皆最。元和初。討淮蔡。簡較工尚書。擢忠武軍節使。詔獨當一面。明年破賊。時曲賊晨壓光顏壘而陳。軍不得出。光顏自毀其柵之左右。䟽行首出。突擊之。而自

將數騎陷中堅。出入者數四。賊識之。矢集射如蝟。其子攬馬鞅挽止之。光顏舉刃大叱前轉戰。於是人爭奮而捷。當是時。諸鎮兵環蔡疆十餘屯。相顧望莫肯前。中丞度出視師。還爲上言。諸將獨光顏勇而知義。必立功。賊薄河陽。河陽急請救。光顏策賊出而小激橋之壘虛可乘也。遣將田穎宋朝隱襲其壘。夷之。賊失據而遁。都統韓弘欲舉諸軍自予。見威重。以光顏不稟令。請取穎及朝隱戮之以徇軍。詔中使景忠信執予之。忠信至。光顏泣以告。忠信乃矯詔械繫而走。馬入以事聞。穎朝隱得貸。弘爭不可。帝謂弘使曰。穎等違都統令。死固當。但襲

賊有功。宥可也。當是時。弘欲倚賊自重。不願淮西速平。而光顏忠力。進拔凌雲柵。降郢城。欲沮之。乃飾一豔姬。教歌舞六博。厚齎貲使遺之。光顏大會將較置酒。延使者見之。使者以姬進。一軍屬目。酒行。光顏徐起謂使者曰。光顏去家室久。爲公憂。無以報。然戰士數萬。皆棄家室。遠來冒白刃。光顏何忍以聲色獨自娛乎。因流涕鳴咽。一坐皆感泣。乃卽席贈使者謝之。曰。爲光顏謝相公。光顏蒙天子恩。誓身許國。不與逆賊戴日月。拊心曰。死不二矣。時列坐旁觀。無不泣下。矢死者。已相度出視師。率賓從於方城。池口觀乘城。光顏度賊必且至。伏精騎。

五溝而待。賊果驟至。弩矢及度。坐危甚。光顏挺身出擊。却之。已伏起賊殲。於是賊憚懾。悉其衆當光顏。而唐鄧帥愬得乘虛入蔡。本得大首者。愬而以全力扼淮。蔡制其命。則光顏功也。加簡較司空。討李師道。敗義成軍節度使。再敗成。濮陽吐蕃入寇。詔移鎮邠寧。師大譴。以神策軍給五十千。而不識戰陣。涇師常額衣資。不時得而數驅使。轉戰爲望也。光顏素得士。爲陳說大義甚苦。士感泣曰。爲司空盡死。擊吐蕃退之。長慶初。討鎮冀。命鎮鳳翔。討王廷湊。命節度深州行營軍。光顏以朝廷制置乖方。賊連結。未可旦夕定。辭兼鎮。尋疾作。乞還鎮。而師

果無功。敬宗卽位。拜司徒。李宥叛。率陳許之師討誅之。冊司徒兼侍中。卒。贈太尉。謚曰忠。光顏兄弟事母孝。母存時。光顏先娶婦。母委婦以家政。母卒。光顏廬居三年。不入寢。免喪。光進乃娶婦。光顏使妻奉管鑰籍財物歸之。光進反之曰。新婦不逮事姑。弟婦逮事姑。先姑命主家。不可易也。相持泣者久之。蓋友愛如此。時河陽節度烏重胤討淮蔡。與光顏犄角百戰。成元濟之誅。代鄭權鎮橫海。請還刺史職事。以已亂。李同捷據滄州。移鎮兗。制下卒。贈太尉。重胤起行。問爲帥。赤心奉上。與下卒同其苦。待賓佐禮敬飾備。士爭歸之。歿之日。士卒二十餘

人俱刳脰以祭。有古名將風。○渾侍中瑊。其先鐵勒九姓之渾部也。世爲臯蘭督。父釋之戰。吐蕃死難。瑊善騎射。常冠軍。祿山反。從臨淮王定河北。從汾陽王復兩京。從僕固懷恩。平史朝義。改太常卿。懷恩反。瑊以所部歸汾陽王。從擊吐蕃。邠州。留屯。虜復入。戰漢谷。有功。屯奉天。周智光反。以步騎萬人下同州。大曆中。吐蕃入塞。及涇原帥馬璘討之。師敗績。則馳扼朝那塞。邀擊。竟破之。奪所鹵而還。汾陽王入朝。留知邠寧慶兵馬。後穆帝出居奉天。瑊率家人子以從。戰疾力。授行在都虞候。符山南瑊以諸軍衛入谷。簡較尚書僕射同平章事。以西

卷一百一十五

軍收咸陽。泚誅封咸寧王。實封八百戶。賜大寧里甲第。與西平王晟鈞禮。加朔方行營副元帥。與馬燧同討李懷光。河中平。加簡較司空。吐蕃相尚結贊。詭講好請盟。瑊涖盟虜。刼盟幾殆。跳身免。詔勿問。吐蕃復入。鎮奉天。虜退。還河中。卒。贈太師。謚忠武。瑊天性忠謹。通春秋漢書。功高而志益下。歲時貢獻。躬閱視進之。有賜予。下拜。跽受。如新在帝前。世方之。金日磾。貞元後。天子以藩鎮桀驁。事姑息。有奏請必從。惟瑊奏請不盡從。輒喜曰。上不疑我。五子皆達官。

○駱元光本安息人也。安姓。少爲宦官。駱奉先養子。冒駱氏。長大。美

鬚髯。備宿衛。德宗出居奉天。逆泚遣將據華州。元光自潼關將所部擊拔之。修城隍。具器械。募人卒萬餘人守

之此將數來寇輒與藍田尚可孤相犄角賊不能東
兼御史大夫鎮國軍節使從副元帥晟戰澁西先登軍
苑東擊泚戰疾力壞苑垣入復京師簡較尚書右僕射
從副元帥燧討懷光功最從渾瑊會吐蕃盟平涼有詔
營潘原元光以潘原距平涼七十里遠有緩急難倅赴
欲從營瑊不可元光曰備之善進距盟所二十里而營
虜劫盟元光申號令嚴部伍而還德宗聞賜良馬賜金
銀器錦綵賜姓名李元諒加隴右節度度支營田觀察
臨洮軍使鎮良原良原隴東要地城摧圯虜人寇休焉
元諒遠烽堠培城堞身率將士薙荆榛焚之墾田數萬
頃勸軍士樹藝歲收粟數十萬又距城築臺上設弓弩
爲備守益固據便地築新城虜每寇輒却涇隴大安率
帝廢朝三日贈司空

論曰古稱山東西出將相尚矣唐將多分郊朔方則土
性然也乃李臨淮渾侍中李司空之倫無慮皆戎部何
哉狄性惇固知義所在守之卽驚挺不可回故也汾陽

無臨淮愬非光顏同功乎如一車隻輪亦烏能自奮哉

故用人古無方也

○張建封字本立兗州人父玠豪安祿山反令僞將率蕃兵徇城邑至魯罷太守韓擇木迎之置郵館玠率鄉豪集兵斬之擇木以聞得進官賞不及玠玠去游江南建封少屬文慷慨負氣以功名爲已任蘇常盜起掠罷邑副元帥光弼將兵討之建封請說盜自歸遂入虎窟蒸狸等營喻禍福降其數千人而還觀察使韋之晉辟參謀不樂去之滑滑毫節使令狐彰辟之又不得去之河陽鎮遏使馬燧於建封有故辟判官燧節度河東奏爲侍御史以從已薦之朝爲度支郎中盧杞惡之出刺岳州李希烈反壽州將崔昭陰與通事聞帝召相選壽刺史杞惡建封欲困之倉卒薦建封得壽州希烈僭號遣將賁僞赦書二送淮南帥陳少遊及建封所建封縛僞將狗軍中斬之封僞赦送行在少遊懼徼禍齟齬之建封乃具奏少遊希烈關通狀少遊以憂死興元元年兼御史大夫克濠壽廬三州都團練觀察使修緝城壁悉心綏撫遠近悅附李希烈簡悍將健卒數攻之不能

難希烈平進階封當是時徐州爲賊侵困久不能存又
咽喉要地詔建封兼御史大夫徐泗濠節度度支營田
觀察使刺徐州建封以寬理而按持紀綱不曲法人皆
畏悅徐方以安簡較尚書右僕射入覲帝開延英召對
論宮市害平民論逋賦皆累年逃亡無可徵名蠲貸於
百姓無毫益論金吾伺朝官親故僚友伏臘時還往爲
大故以聞非人情還鎮帝賜詩報國爾所尚恤人予是
資褒焉建封在鎮十年禮賢下士許孟容韓愈等皆歸
之庾上表請除代才至卒州贈司徒判官鄭通誠知留
事懼軍亂留漸西兵填之軍怒殺通誠請建封子愔爲
留後乞授節不許討之不克卒授愔居七年愔疾表請
代徵爲兵尚書未出境卒贈右僕射方愔請後時平盧
帥李師古欲乘喪襲之愔計無所出掌書記張宿爲檄
書諭師古而往說王武俊曰張公與君結約爲兄弟同
心歸天子天下所知也今張公歿子幼爲亂兵所脅肉
則誠歟隔於朝外則境土侵於寇公安得晏然坐視之
已哉誠能奏天子念先僕射之忠捨其子使東身自歸
則公於朝廷有靖亂之功於張氏有繼絕之德武俊悅
以聞愔乃得軍宿以嘗從其父游不樂與子居從浙東
辟以去愔恨其去奏貶官○張萬福魏州元城人生猿

臂有神力。以父王父太王父皆舉明經。官令佐。不起。嚴
儒生業。棄去。學騎射。年十八。從軍遼東。累功爲將領。攝
舒廬壽州團練使。部州租賦詣京師。至徐穎。羣盜來攘
寇。萬福奮白梃前擊盜。百千人盡走。追擊斃梃下盡之。
見者魄奪。聞者吐舌。脅息。則勇力聞四方矣。刺壽州。萬
福性勁正。與人語。難直。不爲阿。節使崔圓惡之。奪刺史。
平盧將許杲軍濠州。不去。有窺淮南心。則令萬福攝濠
州。杲知爲萬福也。憚之。卽引去。盜陷舒州。又以爲舒州
督。盜知爲萬福也。盡駭散。蓋勇力所震如此。會許杲亂。
代宗召入見。謂之曰。聞卿名久。欲一識卿面。今以許杲
累卿。萬福拜謝。前對曰。陛下以一許杲召臣。如河北諸
將。盡叛。欲以屬何人。代宗笑曰。今許杲甫熾。以豈卿。朕
行大用卿。以爲和州刺史。行營防禦使。賜名正。杲聞之。
懼去。掠楚州。爲其將康自勸所逐。而自勸掠淮東。萬福
立引兵倍道追擊。破斬之。詔勞賜。久之。以本鎮兵防秋。
西京至揚州。會帥常元甫死。監軍與諸將請萬福知留
事。萬福曰。萬福心赤。對天日。勿以此相待。疾馳去。入都
留宿衛。平盧李正己反。遣兵扼徐州。江淮漕運船千餘
隻。泊徐渦口下。不得前。則萬福所嘗以白梃擊剽賊處。
也。德宗聞命。爲濠刺史。召見。謂之曰。先帝改卿名以褒

卿朕以江淮草木亦知卿威名從今名恐賊不知爲卿
復舊名以行萬福馳至渦口立馬岸上發漕舟舳艫相
銜進溜清兵知爲萬福也伏岸厠睥睨不敢動改泗州
魏州饑殍死者接於路萬福曰魏州吾鄉里吾忍無救
乎令兄子將米百車往饗之魏人於汴口自賣者贖遣
歸又以慙忤帥杜亞亞表其衰老不任將徵拜右全吾
入見矍鑠如壯夫帝驚曰杜亞言卿衰老顧如是健耶
詔圖形凌烟閣諫大夫陽城等論裴延齡罪於延英門
外伏閣諫不起帝怒不可測萬福揚言曰國有直臣天
下之福也吾年八十乃見此盛事走徧拜城等勞之朝
廷屬目天子聞爲霽威天下重焉以左散騎常侍致仕
卒年九十萬福自始從軍祿食七十餘年未嘗一日病
典九郡皆有惠愛在泗州時李希烈反陳少遊令所屬
州刺史送妻子爲質萬福不遣曰妻老醜不足煩寄其
其挺特○帝臯字城京兆人起建陵挽郎得調累監察
如此

御史相鎰鎮鳳翔表爲殿中侍御史權隴州行營留後
先是朱泚自范陽入朝以甲士五百人從帥鳳翔從之

鎮已罷鎮。留戍隴上。部將牛雲光督將之。朱泚反。雲光謀劫臯以臣泚。事覺。亡奔泚。至汧陽。遇泚奴使臯所謂。雲光曰。太尉已爲天子。使我以御史中丞告授常判官。令其聽。固吾人也不聽。可遂誅之。於是雲光與奴俱還。請臯。臯納奴受詔。訖。召雲光入。讓之曰。大使去何也。對曰。向未知公意。故去。今公一家也。願還與公同生死。臯曰。唯然。盍釋甲安衆心。雲光以臯旣受泚命。不敢動。又以爲儒生也。易之。遂釋甲。明日。臯置酒名宴奴。雲光至。則伏甲左右。廡誅之。以首徇軍中。泚聞。復使他奴即授臯鳳翔節。復誅之。縱一人歸報。而遣兄平弇請奉天以

聞詔授臯隴州刺史。置軍拜節使。臯乃築壇。歃牲血與士盟。討泚。隴坻遂安。貞元初。代張延賞帥劍南。計以爲南蠻附吐蕃。其盜塞必蠻爲鄉導。得雲南。則虜右支斷。可破也。意欲通西南夷。會南夷苦爲蕃役。屬歲徵兵。又數侵奪其地。欸塞求內附。臯撫納而南人大安。於是出師擊吐蕃。連破之。俘斬四十八萬。殺所署節度都督。城主官千五百人。於是建安夷軍於資州。制諸蠻。置龍谿城於西山保。納降羗已。又城鹽州。而西南夷八國皆因臯入朝貢。詔以臯爲西山八國安撫使。進同平章事。封南康郡王。當是時。故相陸贄廢久不復用。臯以爲其賢。

於世無兩屢表薦自代。不聽。順宗即位。以王叔文專。自以爲大臣當與國大議。表請太子監國。又上太子牋。暴叔文佞之奸。是歲卒。贈太師。謚忠武。始臯任蜀。頗重賦。歛豐貢獻。以自結於上。又厚給撫士。士婚姻死喪。畢傾之以得安其位。而士樂爲死。及府庫克實。乃弛租賦予貧民。三年一稅。蜀人服其智。畏其威。久益懷安之。及卒。畫像尸祝焉。楊朝晟字叔明。夏州朔方人。起行間。冠軍授甘泉果毅。從李懷光討涇州。斬獲擒生多。授驃騎大將軍。李納寇徐州。從唐朝臣討之。最授開府儀同三司。帝在奉天。從李懷光下咸陽。挫此兵。加御史中丞。懷光反。帝幸梁洋。賊黨張昕在邠州。徵卒乘約明。明潛發歸懷光。朝晟父懷寶爲邠寧將。夜以數千騎擊斬昕。懷光怒。囚朝晟將殺之。懷光誅邠寧帥韓遊瓌。表爲都虞候。父子在軍。皆開府。皆御史中丞。已遊瓌徵

入宿衛張獻甫代鎮軍亂朝晟逃於郊衆脅監軍爲范
希朝請節朝晟出給衆曰吾來賀所請帥之當也衆喜
稍自寬朝晟因密緝諸首事者姓名盡得之居三日遣
人自邠以牒來給之曰前請帥報罷張公已舍邠州索
反者矣云獨推首惡者不及衆斬二百人而獻甫得軍
加御史大夫獻甫卒朝晟代奏方渠合道木波皆通虜
路請城其地備之詔問須兵幾何朝晟曰臣所部自足
無煩外兵問前築鹽城興師餘七萬乃克城今三城遠
尤逼虜何言之易也朝晟曰鹽州之後衆集軍蕃戎具
知之故難今臣密發所部軍不十日可至出不意城之
浹旬而功畢虜知之謂吾衆當不下數萬不敢來比覘
候往復而後來城成矣城旁草盡楮不能留必且退虜
退而後運芻糧實之故易也若大集諸道兵必踰月乃
至虜亦必集衆而爭必且戰戰無暇乘城矣帝曰善
是朝晟分其軍爲三軍各築一城未旬而三城成軍還
至馬嶺吐蕃始出軍追之不能難復城馬嶺而還開地
三百里簡較工尚書已防秋寧州而疾疾亟謂僚佐曰
朔方命帥舊多出本軍非國體寧州刺史劉南金有忠
畧習兵使攝軍聽朝廷擇帥而卒○李景略幽州良鄉
人蔭補幽州府功曹大曆末寓戶河中闔門讀書李懷

光招致之表監察御史懷光軍咸陽景畧時時說請復
宮闕迎駕懷光不從景畧出軍門慟哭曰何知此軍一
日陷非義歸臥家不出懷光誅轉嚴中侍御史兼豐州
刺史西受降城使豐州北扼回紇回紇使來中國皆道
焉前虜使至與州刺史抗禮時回紇遣梅錄將軍隨中
官薛盈珍來朝既命而可汗死景畧欲以氣攝之郊迎
傳言謂梅錄將軍曰君知可汗凶問乎知當舉哀請為
壇壝得行禮乃登高隴為位待梅錄俯僂前入哭景畧
因前弔撫之曰可汗棄代助爾哀為舉哀而梅錄之驕
容戾氣索然遂以行呼景畧尊憚之自此回紇使至皆
庭謁為帥杜希全所忌誣奏貶袁州希全死徵為左羽
林將軍奏對循循帝歎以為有大臣風時河東師李說
有疾詔以景畧為太原少尹節度行軍司馬會回紇使
梅錄將軍入朝說置宴梅錄前爭坐說未有以奪也景
畧叱之梅錄聞景畧聲大驚疾趨前拜曰非豐州李端
公耶不奉謁久矣何瘠也又拜遂居次坐一軍皆驚先
是鎮將卒乃命代及是景畧以行軍司馬自朝簡居疑
帥之地說不能平乃表言回紇將南下豐州邊要地宜
得人而厚賂中尉竇文場居帝旁為言景畧足任也天
子素知景畧在邊時事傷以為豐州刺史兼御史大夫

天德軍西受降城都防禦使地迫塞寒苦景畧節用約已與士卒同辛苦州人安之鑿咸應永清二渠溉田數百頃公私利焉廩儲器械備具政令明肅軍聲冠壯遠卒贈工尚書初景畧爲州時判官任廸簡爲人長者也有軍宴行酒誤以醯進廸簡以景畧性嚴重慮主酒者得譴勉盡之歸嘔血數升士聞皆爲泣下及景畧卒衆請監軍使表廸簡後除豐州刺史義武帥張茂昭病四上表請代河北諸鎮互遣人說止之不聽茂昭孝忠子也詔以廸簡爲行軍司馬命下茂昭悉簿書管鑰授之遣妻子先行曰吾不欲子孫染兩河汚俗昭茂行列較謀作亂將士共誅之奉廸簡主軍時軍府罄竭士無以犒廸簡乃設糲飯與士卒共食坐臥戟門者經月士卒感動頌共請還府帝聞之命授廸簡節賜易定將士綾絹十萬犒焉曹瑁宋州楚丘人始從宣武軍縛亂將李廸送闕下署牙將避仇東都吳少誠叛留守王栩署華守襄城華浚墮完堞與賊搏數禽賊從帥重胤討吳元濟爲尤功封陳留郡王刺棣州州與鄆比壤鄆盜至輒卻之李師道誅朝廷披鄆爲三鎮明年軍亂殺觀察使詔往代華視事三日合軍中大饗士旣集令曰天子以鄆人參別而戍轉徙勞欲賞之鄆人有州兵左旣而

出州兵乃闔門大言曰天子深知鄆人之勞然前害主帥何得無罪甲士自幕中出執鄆卒千二百人盡斬之血流成渠是日門屏間有赤霧高丈久之乃滅海沂屏息華惡沂地褊難守請徙治交許之自李正已盜齊魯俗益汙驚華乃下令曰鄒魯禮義之國何可忘本乃身見儒士春秋祀孔子立學官講誦斥家貲佐費人乃知教視諸生學成者仕諸朝鎮人害田弘正請以本軍討不許進簡較工尚書李宥叛犯宋華以兵逆擊破之宥平簡較尚書右僕射徙鎮義武有盜發商賈吏捕得則華私人也華怒立斷頭祭死者華雖出戎伍而動必繇禮愛重士大夫不以貴倨加人雖厮豎必遇以誠信故人盡死力○韓克陳州太康人都統弘弟也弘帥宜武時奏克授御史大夫主兵弘行法嚴人凜不自保克事弘執禮恭而寬偏得士衆心久之念親逼權重不自安因獵近郊單騎走洛陽不顧反弘憐其無它志不甚過也擢右金吾衛將軍已弘子公武卒代帥鄆坊李宥以汴州亂請後朝廷以克在汴久得軍命爲宣武帥以義成之師討之時陳許帥欲規汴汴監軍姚文壽實開之克聞其謀兼道疾馳至汴人聞其來皆踊躍相賀而宥適病疽召兵馬使李質屬以兵質誅首亂者送宥

歸京師以逆充充遂不戰得軍既視事密籍構惡者十
餘人一日下令盡逐之曰敢逡巡境內者斬軍府大安
詔簡較司空方弁邀節鉞時衙兵三千人皆曰給酒食
力爲屈李質曰若韓公始至罷日膳失衆心矣諒不罷
鎮必病不可留此弊遺吾帥命罷給而後迎充事聞召
爲金吾將軍○高仁厚西川押牙史也節使陳敬瑄怙
同父兄大闢田令孜勢賊不辜爲虐邛州牙官阡能等
發憤起爲盜驅良民自從橫行邛雅間衆至數萬人詔
仁厚以都招討指揮使討之獨將五百兵自從未發前
一日有鬻麪者自旦至午出入營壘間縱觀執訊之謀
也仁厚好問之涕泣曰村氓也阡能因父母妻子而遣
仁厚愴然曰卽如是吾何忍殺汝汝歸第質語阡能曰
高尚書以來日發兵所將止五百人汝家活矣然汝歸
爲我潛語寨中人尚書聞汝曹皆良人爲賊脅至此
者遣復業不誅也所欲誅獨阡能輩渠盜四五人耳謀
者曰此百姓心也誠如是一口傳百川騰海沸尚書來
民爭走之矣遣之明日仁厚至雙流軍行視塹柵怒曰
阡能一役夫其衆皆耕民吾嘗惟竭一府財力歲餘不
能克乃今觀塹柵堅深如此宜可養寇徼功也欲斬將
監軍力救而免命悉平塹柵留所將五百兵守之悉餘

兵自隨已諸寨兵皆大集阡能聞仁厚且至遣將營雙
流西爲五寨拒之仁厚遣人釋甲入寨中諭降賊前聞
謀者言固信且望及是皆呼謀釋甲稽首降仁厚悉書
背爲歸順字遣之命五十人爲前隊使前揚旗大呼曰
五寨將擒矣我等降立得爲良民以背字示之於是所
過寨卽降遣前降者歸業命繼降者前呼諭如初阡能
欲戰衆不應明日縛阡能呼謀出以迎擁馬首泣拜曰
百姓負冤無所訴自謀者還皆引領度暑刻如年今生
矣軍出六日而賊平每降寨輒焚其寨坊贅聚下縣鎮
輒補鎮遣使安集之未幾東川節度楊師立移檄暴敬
瑄十罪發兵攻西川詔仁厚爲東川留後將討之師立
將壁鹿頭不出諸將欲進攻仁厚曰險攻之則彼利我
傷圍之則彼困我逸圍之夜二鼓賊將掩城北寨副使
楊茂言不能禦單騎遁諸寨皆從走仁厚大調寨明炬
火其中自帥土馬兩翼伏道左右盜見營門開不敢入
引去伏發擊之賊奔潰斬獲甚衆仁厚念城北諸將走
當死者衆召孔目官張韶以意諭令還詰旦諸將入謁
仁厚謂茂言曰日之夕聞副使走張把有諸對曰賊攻
中軍軍中言僕射已去遂策馬以從旣審其虛復還耳
仁厚口仁厚與副使俱受命討賊若仁厚先走副使當

叱下馬行軍法代總軍事後奏也今副使先走當如何
茂言拱手曰當死仁厚曰然命扶出斬之諸將股栗仁
厚乃召所俘數十人縱遣之賊聞仁厚軍令嚴咸懼慙
氣奪於是爲帛書射城中曰城克必玉石俱焚不忍也
請緩十日之師使諸君爲自功十日後極吾兵力所至
無退心矣於是衆共譟斬師立以降詔仁厚節度東川
後竟爲陳敬瑄所殺方旣能之誅也陳敬瑄榜邛州旣
能親黨皆不問未幾邛州刺史執旣能叔行全家繫之
請刑敬瑄以問孔目官唐溪溪對曰榜勿問而復逮捕
殺之失信且恐旣能之黨紛紛起也敬瑄詢所以則行
全有良田刺史欲得之不與而見執乃集衆州門破械
而縱之刺史以憂死他日行全聞其家繇唐溪免也懷
金百兩私餉之唐溪怒曰奈何懷禍相餉却不受○王
式史亡其系爲安南都護樹荔木爲柵壘其外令峻深
寇不能突蠻入寇遣譯諭輒中其要害蠻輒引去咸通
中浙東賊裘甫作亂陷象山剡鑄印改元時久平朝廷
議選將相夏侯孜曰浙東山海幽阻可計破難爲力攻
也王式雖儒家子前在安南有功宜可使命觀察浙東
召入問方畧請兵有宦官持以爲多發兵費甚也式曰
兵多賊速破費省已若兵少不能制勝延引歲月賊益

張江淮道梗則上自九廟下及十軍皆無以供億費可勝計哉詔發諸道兵如所請授之武令嚴軍行若無人至西陵南遣使請降武曰是欲徂我且覘吾所爲謂使者曰南面縛來當免死入越州申令肅整異時告餉不足者將領稱疾臥家者求遷職者皆禁不敢復言賊將降者令立效自表有功奏授官先是賊謀入越州軍吏匿而飲食之或詐引賊將來降覘虛實武悉捕斬之賊門禁警夜周密賊始莫知我所爲命諸縣開倉廩賑貧乏或曰軍方急食何可散不答或請爲烽燧不應選懦卒使乘健馬少給兵爲詞候軍少騎武以吐蕃回紇配江淮者習險阻便鞍馬而久羈旅困餒可用也籍管內得數百人犒之賜其家皆泣拜謹呼願效死悉以爲騎卒而奏得龍陂監馬二百匹給之於是閱諸營卒及所團子弟兵得四千人導諸軍分討賊戒之曰毋爭險易毋焚廬舍毋殺平民增首級脅從者募降之得賊金帛不問賊戰連敗武曰賊窘且銳必且逃入海禍所伏也遣將軍海口待之賊果至又敗走南館復破之賊委繒帛盈路昭義將蹶跌戮令士卒敢顧者斬賊不得脫復入剡趣諸軍圍之請降而城守不解武曰欲少休耳謹爲備賊果夜出走不得於是南從百餘人出降離城數

十步官軍疾趨斷其後遂擒之械送京師諸將請曰公始至軍食急而散粟何也式曰賊聚穀誘饑民人爭從之吾給之食則人不從盜又諸縣無守兵賊至則倉穀適足爲盜資故散之不置烽燧何也式曰勇卒操利兵遇敵不救兵也兵盡行後無繼庸燧何爲徒驚民使潰走耳使懦卒爲候騎而少給噐何也式曰勇卒操利兵遇敵不量力而鬪鬪野死卽賊至何從知衆謝不及先是帝憂盜夏侯孜曰王式才有餘日告捷矣與式書曰公專以執表甫爲事軍中奏復我任之故奏請畢從以能成其功初王智興帥徐州募勇士三千人自衛後使多儒臣兵驕不如意輒羣譁爲亂詔式赴徐州定之時忠武義成兩軍從式在浙東式至徐三口集驕卒軍門名饗兩鎮兵遣還兩鎮兵至圍驕兵盡殺之表請以徐州隸兗海以濠州歸淮南更置觀察使統宿泗分配之而定乃將兩道兵至汴滑遣各歸鎮而身詣京師

論曰唐中葉方鎮將效勞力者則莫如韋南康矣劉闢反不與臯者望風疾之至詆臯所進兵器有定秦字以

爲逆節。驗客陸暢者。發憤上書言定秦者。鑄工名也。事
乃白。嗚呼。彼譖人者。亦已甚矣。張萬福。勇力震天下。李
景畧。威重懾北狄。天子聞之。而皆不盡其用。則夫將固
不能自爲用也。迨于晚季。良民起爲盜。以散羣。鄙息兵
爲其道。仁厚式以忠智將之。天之道也。乃竟逢于凶悲。
夫將上名

夏侯端。壽州壽春人。微時於高祖交善。高祖帥河東。請
爲副。時煬帝幸江都。盜賊並起。端頗知玄象。說高祖王
牀搖動。叅墟得歲。必有真人起其下者也。義師起河東。
吏名捕送長安獄。高祖入關。破械召引入卧内。終夜語。

極歡會李密以衆降關東未有所屬。端請往招諭。持節行。東至海南。至淮。二十餘州。並遣使送款。次譙州。會亳汴降世克。路阻絕。從者二千人。懷端恩糧。絕不忍去。端坐澤中。殺私馬召士畢會食。歔歔起曰。卿鄉里皆從賊。斬吾首歸賊。富貴可得也。衆嗚咽不能興。端曰。諸卿不忍見殺。我自裁。爲卿賜舉刃。欲自刎。衆爭抱持之。乃同進行五日。餒死十三四。又爲賊所擊。奔潰相失。端獨與三十餘人東採生。瑩豆食之。猶持節與卧起。謂衆曰。我受國恩。義不負。卿等何乃相隨死乎。可散投賊。吾抱此節俱殞耳。衆又不去。時河南地皆入世克。唯杞州刺史。

李公逸爲唐守聞端在迎致館給之世克聞使召端且
解衣遺之封淮南郡公端對使者焚書裂其衣曰夏侯
端天子命使惟一死何苟活屈志乎解節旄懷之自山
中西走冒荆棘晝夜行達宜陽從者死欲盡至者須髮
禿落無人色詣闕謁但前謝無功不言勞復以爲秘書
監世克攻雍丘公逸求濟師不得遣召之公逸乃留其
屬李善行守雍丘而身輕騎入朝至襄城爲世克所獲
世克罵曰汝越鄭臣唐何也公逸曰我惟知有唐不知
有鄭世克怒斬之善行亦戰沒時有鄭元璿者使突厥
可汗迫劫之瀕死者數四亦竟全節還武德中統軍常

達守隴州。薛舉數攻之不下。遣其將僞降。劫得之以見。達詞色抗厲。不爲屈。囚之。仁杲平。賜帛三百段。復拜驃騎將軍。劉感鎮涇州。爲仁杲所圍。涇州糧盡。殺所乘馬。以噉士。煮馬骨和木屑自食之。城垂陷。救至圍解。尋戰。爲賊執。以徇。令呼城中降。感至大呼曰。賊大饑。亡在朝暮。秦王帥數十萬衆日至矣。必勉之。仁杲怒。執感埋其半土中。馳騎射殺之。賊平。贈瀛州刺史。爵平原郡公。謚忠壯。召其子。賜田宅。襲封。朱粲反。鄧州刺史呂子臧。副馬元規擊破之。謂元規曰。粲新破。上下危懼。可一戰擒也。少遷延。卽彼衆還集。而力強。又食盡。其必且致死矣。

元規不納。請以所部戰。又不許。俄而粲衆果驟集。元規懼。保南陽。粲圍南陽。遇霖雨。城壞。所親勸之降。子臧率麾下赴敵死。定州總管李玄通戰劉黑闥而執。黑闥愛其才。以爲將。不聽。囚之。故吏餉之酒。玄通謂守者曰。諸君見哀。幸見餉。吾爲公一醉。遂縱飲。飲半曰。吾能劒舞。又能劒歌。願假吾劒。得畢歡於前。與之劒。玄通歌舞慨慷。一坐皆泣下。曲終太息曰。大丈夫受國恩。鎮方面。而不能全所守。何面目復視息哉。引刃自屠死。嗣聖中。突厥入寇。趙州長史唐般若。翻城應之。州刺史高叡執。與詣默啜。默啜以紫袍金獅帶示之。令招諭諸縣降。叡妻

日。酬國恩。在今日。遂俱死。虜退。誅殷若。贈獻冬官尚書。
○顏杲卿。瑯琊臨沂人。天寶中。補范陽戶曹參軍。安祿
山表爲營田判官。假常山守。常山。范陽節度部內地也。
祿山反。將兵過常山。杲卿度倉卒不能拒。與長史袁履
謙道迎之。祿山賜杲卿金紫。履謙緋。皆質其子弟。令與
其假子李欽湊。將數千人屯土門。還卽途。履謙衣所賜
衣。未解也。杲卿指之曰。箸此何爲。履謙悟其意。立解之。
與深謀起討祿山。杲卿陽稱疾不出屯。會從父弟真卿
守平原。使來告。欲連兵斷賊歸路。令內顧以緩其西入。
於是杲卿喜。以祿山命召欽湊至郡計事。夜以城門不

可開辭舍之外。使履謙及客往飲。勞醉而斬之。賊將高邈。何千年適至。又斬之。時賊將張獻誠圍饒陽。或說臬卿曰。郡應募烏合。以臨敵實難。宜深溝高壘。毋爭鋒。俟朔方軍至。乃併力。而傳檄趙魏。斷燕薊腰膂。賊成擒矣。今獨宜宣言。李光弼軍出井陘。怖張獻誠。令解圍遁去。亦一奇也。臬卿悅。卽宣言。王師入土門。斬將而遣將領百騎曳柴揚塵。南馳以怖賊。獻誠果宵遁。於是河北趙鉅鹿。廣平。河間等十七郡。皆連盟響應。爲祿山守者。獨范陽。盧龍。密雲。漁陽。汲。鄴六郡而已。時祿山欲攻潼關。聞河北有變。驚欲還。臬卿使子泉明獻李欽湊首于京。

師內丘令張通幽爲輔行至太原。通幽欲自託於尹王承業。教之留泉明。更其表自爲功。而毀短杲卿。別遣使獻之。賊將攻常山。急求救。承業擁兵不救。力竭城遂陷。賊致杲卿及履謙于洛陽。祿山數之曰。汝本戶曹。我奏汝爲判官。攝平原守。何負於汝而反。杲卿罵曰。汝本營州牧羊羯奴。天子擢汝爲三道節度使。寵幸無比。何負於汝而反。我世爲唐臣。祿位皆國家所命。雖爲汝表奏。豈從汝反耶。我爲國討反者。恨力不效。何謂反。祿山大怒。弁履謙縛而問之。比死。罵不絕口。當是時。國忠用通幽譖。薄杲卿無褒贈。已事白。帝杖殺通幽。而贈杲卿爲

太子太保謚忠節

杲卿子泉明初爲史思明所虜得亡歸求父尸東都得之於是并袞履謙

尸棺歛以歸杲卿姊妹女及泉明子皆流落河北泉明號泣求訪已一女及姑女流離賊中並得之行乞索求贖先姑姊妹而後其子遇父時將吏妻子流落者皆悉力給贍挾以歸凡三百餘人比至蒲真卿時爲州刺史皆加給遺而歸之履謙妻疑履謙歛薄發視與杲卿等大慙服平原守真卿世所稱顏

魯公者也

字清臣

少孤事母孝博學通道藝舉進士以監

察御史使河隴五原有冤獄久不白按之天方旱獄辨而雨郡人呼爲御史雨使河東朔方鄭延祚母死不葬者三十年劾削籍風紀肅然遷殿中侍御史御史吉溫構中丞宋渾罪流賀州真卿爭之曰奈何以私怨危宋廣平後乎白之爲楊國忠所惡出爲平原守時安祿山

爲逆有端矣。真卿因霖雨增陴濬隍。料丁壯。儲倉廩。潛爲備。而日與賓客泛舟城外池。飲酒賦詩。祿山億其爲書生也者而易之。祿山反。河朔盡陷。獨平原城守具備。潛遣叅軍李平。間道馳以聞。玄宗始聞變。河以北風靡。慨然太息曰。河北二十四郡。何乃至無一忠臣義士。其間耶。及平至。大喜。謂左右曰。忠乎。真卿。朕不識真卿。作何狀。乃能如是。時祿山節度四鎮。牒真卿令以平原。博平。軍七千人。軍河津。博平守副之。真卿因益募士。旬日得萬人。命將分部之。軍旣集。乃大饗土城西門。詣玄元皇帝廟。慟哭。檄州郡起兵。祿山破東都。殺留守。澄。中丞。

奕判官清遣將傳其首徇諸郡。真卿畏揺衆笑謂諸將曰。吾素識三君。此其首皆非是。獨賊欲揺我耳。斬僞將以殉。衆稍定。則取三人首。續以蒲身。棺歛祭殯。爲位哭受弔。時從父兄杲卿爲常山守。亦起兵討賊。斬賊將傳京師矣。於是河北十有七郡。頌其推真卿爲盟主。兵二十萬以討賊。詔卽拜戶侍郎守平原。尋加河北招討採訪使。已克魏。收景城鹽以佐軍。軍大振。清河客李萼年二十餘詣真卿求濟師。言於真卿曰。公首唱大義。河北諸郡倚公如長城。清河西鄙邑也。公誠資以士馬而撫有之。卽餘郡運之指臂矣。真卿曰。吾兵新集未練。何能及遠。且子請兵欲何爲乎。萼曰。清河非力不足而借師也。獨欲籍大賢之重爲聲威耳。國家儲蓄江淮錢帛於鄙郡。贍比軍布帛錢粟。足以三平原之富。兵足倍平原之強。豈顧少哉。

而君未有決辭定色。僕何敢遽言所爲乎？真卿竒之，欲
佐以爲萼年少慮輕不可聽，辭之。萼就館爲書
之，獨恐僕回轅後清河不能孤立，將必有所屬爲公
面憂。公無悔乎？真卿大驚，遽詰其館資之兵送至境。
執手問之曰：「兵行矣，可以言子之所爲乎？」萼曰：「聞朝廷
遣程千里將精兵十萬出啍口，賊據險拒之，不得前。今
當引兵先擊魏，執其守將，開啍口之路，出十里之師，使
北討汲鄴，而平原清河帥諸同盟軍孟津應之。又分兵
循河守要害，制賊毋北走，則賊固且中免也。計官軍東
討者不下二十萬，河南義兵西何者亦不減十萬。公但
當表朝廷堅壁勿與戰，不過月餘，賊必有內潰，相圖之
變矣。」真卿曰：「善。」命參軍李擇中外想望其成功。會京師
交等將其兵以從，遂克魏。

失守。天子出居蜀。郭李赴召。扈靈武。河北軍隔絕。真卿
以蠟丸表靈武勸進。進工尚書兼御史大夫領使如故。
時兩都竝陷。遠近驚懼。莫能必所向。真卿頒朝所致詔。

書於河南江淮而諸道知有君。已河北諸郡相繼陷。平原力不支。葉郡度河間關至鳳翔上謁。授御史大夫。時朝廷草昧不暇給。而真卿嚴法守繩。劾如平日。兩都平。告廟有司。祝文署嗣皇帝名。真卿謂禮儀使曰。上皇在可乎。禮儀使亟以聞。帝嘉歎。中旨宣諭。以爲名儒達禮體也。更署上皇名。時太廟燬於賊。欲新營。真卿曰。春秋新宮災。三日哭。今太廟燬。宜築壇於郊。皇帝束向哭。乃後營。又軍國事。知無不言。言無不力。爲時宰所惡。出刺同州。改蒲州。爲御史。唐旻所構。貶饒州。乾元中。徵爲刑侍郎。李輔國遷上皇西內。真卿率百官請帝問起居。爲

輔國所惡。貶蓬州長史。代宗立。累刑尚書。封魯國公。帝
還自陝。真卿請先謁陵廟。後卽宮。相元載迂之。真卿曰。
言之自我。用舍在公。朝廷事。豈堪公再破壞耶。天子惑。
載言。令羣臣建白。必先白長官。長官白宰相。詳可否。乃
後聞。真卿疏力爭。以爲是自屏耳目。使不聰明也。載銜
之。刺骨。會攝事太廟。言祭器不飾。以誹謗貶。峽州別駕。
稍遷撫湖二州刺史。載誅用楊綰薦。擢刑尚書。德宗初。
兼禮儀使。議祖宗謚。請去後所增謚。從其初。議廟祧。忤
相炎。改太子少傅。使如故。已爲盧杞所深嫉。改太子太
師。罷使。李希烈反。淮西悖甚。勢不能復。自還。則薦令往。

宣慰淮西。語具帝紀中。詔下舉朝失色。真卿受命。不過家。卽日乘驛行。東都守鄭叔則曰。往必危。宜少留。須後命。真卿曰。君命也。焉避。遂行。及汴。汴帥李勉上表言失一元老。爲國家羞。請詔留。又使數人邀於道。不及。真卿至許。欲宣詔。希烈使養子千餘環嫚罵。群拔劍擬之。真卿不爲動。希烈以身蔽之。麾衆退。乃揖真卿就館。使爲章雪已。請罷兵。不聽。遣兄子及從吏數輩表事宜。留使省。不報。時朱滔王武俊田悅李納等。各遣使詣希烈勸進。希烈手持牒。眎真卿曰。吾獨爲朝廷所忌。至無地自容。今四王見推。不謀而合。則何如。真卿勃然曰。此四凶

耳。何謂王相公不自保功業。爲唐世忠臣。乃與亂臣賊子相求。如嗜飲食。欲與之同覆滅耶。希烈不悅罷。他日與四人者使同宴。四使曰。聞太師名德久矣。都統將建大號。而太師適至。是大以宰相賜都統也。真卿叱之曰。汝知有罵安祿山而死者。顏常山乎。是吾兄也。吾年垂八十。官太子太師。足死矣。豈當受汝曹誘脇耶。賊失色。聞者吐舌。希烈欲懾之。令甲士掘方丈坎於庭。云將坑之。真卿怡然見希烈曰。死生已定。何必多端。亟以一劍相與。顧不快公心耶。會希烈將周魯。謀襲汝。殺希烈。奉真卿爲帥而覺。送龍興寺幽之。真卿度必死。作遺表。自

爲墓誌祭文。指寢室下西壁曰。吾所殞也。與下書。但敕以奉家廟。撫諸孤。餘無所及。希烈猶未敢加害。及僭號。遣使問禮儀。真卿曰。老夫掌國禮。所記諸侯朝覲。見天子禮耳。他不知也。已遣人積薪庭中曰。不屈當焚死。真卿起赴火。又其挽弓之。會荆南帥討希烈者敗。亡所持節。希烈使人持節視真卿。真卿號慟委地。自是不復言。久之。希烈弟希倩。在朱泚軍。論死。希烈無所發怒。遣閹奴詣真卿曰。有詔當拜受。真卿再拜。閹曰。詔賜卿死。真卿曰。老臣奉使無狀。罪當死。然中使何日發長安。奴曰。從大梁來。真卿蹶然起大罵曰。大梁賊爾。何謂詔乎。遂

年七十有七矣。嗣曹王臯聞之。爲位哭。受弔。具禮。三軍皆發哀。且表其大節于朝。帝廢朝五日。贈司徒。

文忠史稱真卿立朝正色。剛而有禮。作藩出牧。化俗

以敦。非公言不出於口。非直道不萌於心。天下尊憚。不

敢以姓名稱。稱魯公云。

時死希烈之難者。有呂貞。康秀。林梁興。朝賈樂卿。侯仙欽者。皆

贈官

張巡

字

鄧州南陽人。高邁畧細節。多大人長者游。

人以危窘告。立傾財飲之。擢進士。與兄監察御史晁以

文行稱。調清河令。最祿山反。爲真源令。譙郡守楊萬石

降賊。逼巡爲長史。使迎賊。巡率吏士哭玄元皇帝廟。起

兵。吳王祇奉詔督河南諸郡兵。巡與單父尉賈責募豪

傑應之。雍丘令令狐潮叛降賊。吏民不從者。潮反接將斬之。出赴戰。而反接者自解縛。開城門拒潮。迎賈責責入雍丘數日。出戰死。衆奉巡主軍。吳王祗因表巡經畧充以東軍事。潮以賊衆四萬薄城下。巡曰。潮故爲此。邑令城中虛實所具知。必輕我不能軍。出不意搗之。可破也。乃分千百人乘城。而身以數隊出薄潮。挫之。士氣少振。明日賊設百樓攻城。巡柵城上。束芻灌膏焚之。樓立燬。賊退結長圍困之。積六旬。大小數百戰。士帶甲而食。裹瘡而鬪。終不衰。竟破走潮。祿山乃於雍丘北置杞州。築城壘。絕巡館。內外隔絕。而潮復進圍。潮與巡有故於

城下與巡相勞苦如平生。潮因說巡曰。今本朝危蹙。兵不能出關。天下事去矣。足下堅守危堞。果誰爲爲之乎。巡曰。吾爲臣死忠君。平生以忠義自許。今日之舉。忠義安在。潮慚而退。圍守者復久之。會京師失守。上皇幸蜀。潮復爲書以招巡。巡大將六人白巡以勢不敵。而天子存亡不可知。請降以圖後。六人者皆官。開府特進矣。巡陽許諾。明日於堂上設天子畫像。率其軍以朝。人人盡泣。巡引六將至。責以大義。立斬之士益勸。用命旣城中糧盡。賊餉潮鹽米數百艘。巡壁城南。遣勇士銜枚走河濱。取鹽米千斛。焚其餘而還。已矢盡。巡束藁爲人千餘。

披黑衣夜縋下城。潮兵爭射之。得矢數十萬。其後復夜縋人。賊笑不設備。則死士五百也。下疾走斫潮營。潮軍潰走。焚其壘。追奔十餘里。廵將於城上與潮語。未絕。賊發弩射之。面中六矢。將凝立不動。潮疑其偶人。謀伺之。則人也。爲郎將雷萬春。乃大驚。遙謂廵曰。向見雷將軍。知足下軍令矣。然如天道何。廵曰。君未識人倫焉。知天道未幾。城薪水竭。廵給潮曰。吾戰苦憊矣。請退二舍而軍。使我得引衆去。城可得也。潮許之。廵空壁出於三十里間。撤屋發木。還爲備。潮復進。廵復給之曰。吾欲去。苦無馬。君須此城。歸我馬三十疋。我得馬去矣。賊歸馬。廵

悉以給驍將曰。賊至必人取一將。明日賊索戰。陳未成。三十騎突出。擒其將十四人。斬首百餘而還。潮遁還陳。留不能軍。初祿山陷河洛。許叔冀守靈昌。薛愿守潁川。皆孤城無援。愿守一年而城陷。叔冀一年棄城去。獨巡衆纔千餘。賊常數萬。久被圍不解。每戰輒克。而城竟完。已而魯東平陷于賊。濟陰叛附賊。號王巨東走臨淮。巡以雍丘小。久困無儲蓄。大寇臨之必碎也。乃拔衆保寧陵。賊追之。戰寧陵北。斬將二十。殺萬人。投尸汴水中。水爲不流。有詔拜巡主客郎中。河南節度副使。至德二載。逆黨尹子奇將同羅勁兵十餘萬攻睢陽。睢陽守許遠。

來告急。廵以睢陽爲江淮保障。城高堅。粟多可守也。自
寧陵悉兵赴之。遠大喜。與相得甚懽。遠生與廵同歲。而
差長。誼猶同生。謂廵曰。遠儒生。不習兵。公智勇兼濟。且
習兵。遠請爲公守。公爲遠戰。於是遠主調軍資。具戰械。
居中應援。而諸戰鬪。籌畫一聽廵。賊以敗遁。進廵御史
中丞。遠侍御史。先是。廵上將士有功者。籍于號王。巨王。
纔授折衝果毅。更請不獲命。已而子奇圍復合。廵慷慨
語諸將曰。吾受國厚恩。死固當。今諸君捐軀力戰。而賞
不酬勲。以此痛心。將士皆感激。請奮乃椎牛饗士。悉軍
出。賊望見兵少。大笑。廵執桴急鼓之。士奮擊。追北數十

里賊攻圍益進。巡以一孤壘抗賊。而應變不窮。嘗中夜

嚴隊。若將出戰者。賊終夜警。不得息。既明。寢兵。絕鼓。賊以飛樓瞰城中。無覩也。乃自弛臥。於是巡遣南霁雲等十餘將。各將十五騎。啓城門出。薄賊壘。斬將。奪旗。還。嘗對陳。巡欲射。子奇莫能辨。因剡蒿爲矢。以射賊。中者喜。謂巡矢盡。急前。白子奇。因識之。於是射子奇。中左目。幾獲賊。爲雲梯。置精卒二百人其上。推附。謀欲騰入。巡豫穴城爲竇者三。一竇中出大木。置鐵鈎鈎之。使不得退。一竇中出大木柱之。使不得進。一竇中出鐵籠。盛火。焚之。梯遂燬。不前。賊囊土積柴。欲爲磴以登。巡潛以松脂乾蒿投之。篝火下而柴焚。賊爲木驢。伏其下以攻。辟矢石。巡鎔金汁下注灌之。所爲戰應事機立辦。賊服其智。不復攻。獨於城外穿三重壕。立木柵。固守以困之。土死傷益甚。初。睢陽穀六萬斛。可支一歲。而虢王巨發其半。運濟陰。食以盡。初。巡遠兵合可六千餘人。至是消耗盡。僅千六百人。病不能。或請棄城而東。巡遠與計曰。睢陽江

淮保障。棄之去。賊乘勝前驅。是無江淮也。且我饑羸。卽

走必不達。古列國諸侯。然且相救恤。况群帥密邇。獨無忠義士奮相援乎。不如堅守待之。於是日賦士米一勺。雜茶紙食之。茶紙盡。乃食馬。馬盡。羅雀掘鼠。煮鎧弩以食。已乃食人。遠乃出愛妾謂士卒曰。諸君今乏食經年矣。而忠義不少衰。吾恨不得割肌以相啖也。今此妾豈敢愛而忍士衆饒乎。遂殺以饗士。城中婦女食且盡。人知必死。終莫有叛者。所餘纔四百人。賊登城。士病莫能興。巡西向拜曰。臣力竭矣。生無以報陛下。死當爲厲鬼以殺賊。城遂陷。與遠俱被執。子奇好謂巡曰。聞公力戰大呼。皆輒裂。嚼齒齒皆碎。有之乎。此何也。巡罵曰。有之。

吾志吞汝逆賊。顧力不能。恨恨如此耳。子奇怒。以刀抉其口。齒存者僅三四。巡罵不絕口。死之日。巡衆見巡過。咸起且哭。巡曰。安之。勿怖死。命也。衆不敢仰視。賊猶以刃劫降。終不屈。與姚閭雷萬春等三十六人同日死。時年四十九。法屠城以生致主將爲功。子奇乃傳遠詣慶緒。亦不屈死。巡有姊嫁陸氏。遮虢王勸勿行。不納。賜百縑不受。爲補縫行間。軍中號陸家姑。先巡死。方城困時。御史大夫賀蘭進明代緡王節度屯臨淮。許叔冀宿譙郡。尚衡在彭城。皆觀望。莫肯救。巡遣魏頓丘南霽雲如叔冀。請師不應。遺布數千端。霽雲嫚罵去之。臨淮賀蘭

進明愛霽雲勇。欲留之。爲大饗樂。作霽雲泣曰。昨出睢陽時。睢陽人不粒食。月餘矣。今大夫兵不出。而廣設聲樂。食霽雲。霽雲義不忍獨食。雖食不下咽。霽雲旣不能達主將之意。請留一指以示信。歸報也。拔佩刀斷指。指躍几案間。一坐皆泣下。卒不食去。抽矢回射佛寺浮圖。矢著輓上曰。吾破賊還。必滅賀蘭。此矢所以志也。歸竟與巡遠俱執。賊刼霽雲降。霽雲未應。巡呼曰。南八男兒死爾。不可爲不義屈。霽雲笑曰。將欲有爲也。公有言。雲敢不死。亦不屈。俱死。巡長七尺。讀書。不過三復。終身不忘。守睢陽。士卒居人。一見問姓名。其後無不識者。其用

兵未嘗依古法。敕大將人各以其意教戰。或問之。巡曰。古軍有左右前後。將居中。三軍望之以齊進退。今虜雲合鳥散。變態百出。臨期應猝。在呼吸之間。而動詢大將。事不相及。吾但使兵識將意。將識士情。兵將相習。如臂之使指。卽人自爲戰矣。械甲皆取之於敵。未嘗自製。臨陣有退者。巡立其所曰。我不去此。前爲我決戰。待人壹推。誠不疑。號令明。賞罰信。與衆共其苦。雖廝養必攝衣下之。故人爭致死。能以少擊衆。未嘗敗衄。後中書侍郎張鎰代進明鎮臨淮。聞睢陽圍急。率浙東西淮南晉州四節度兵救之。比至而城陷三日。事聞。天子下詔。贈巡

揚州大都督。遠荊州大都督。霽雲開府儀同三司。並寵

其子孫。睢陽雍丘。各復徭稅三年。始議者謂巡守睢陽時衆且六萬。既糧盡。

不能持滿。按隊出再生之路。而其心食人。至於自斃。與其食人。孰若全人。於是衛討李翰傳巡功狀表上之。畧

言臣聞聖主褒死難之士。育死事之孤。或親推輜車。或追建封邑。厚死有以思生。撫存有以答亡。然後君不遺

於臣。臣不肯其君。君思臣節。交貫備美。伏見故御史中丞。贈揚州大都督張巡。生於昌時。少習儒訓。逆胡構亂。

凶虐滔天。竊據洛陽。控引幽朔。巡則堅守雍丘。潰其心腹。及賊繞出巡後。規圖江淮。巡則還軍睢陽。扼其咽喉。

前後拒守。大戰數十。小戰數百。以少擊衆。以弱制強。出奇無窮。制勝如神。殺其兇醜。凡九十餘萬。賊所以不敢

越睢陽而取江淮。江淮所以保全。巡之力也。城孤糧盡。外救不至。猶奮羸起病。權鋒陷堅。俾三軍之士。敵虜而

食。知死不叛。城陷見執。終無撓詞。顧叱兇徒。精貫白日。雖古之忠烈。未或先焉。陛下賞功褒節。贈官及子。可謂

至德。而議者或罪巡以食人。愚巡以守死。臣切痛之。臣聞人稟教以立身。刑原情而定罪。故事有虧教。則人道

不列刑有非罪則王法不加今巡握節而死非虧教也
析骸而爨非本情也且逆胡皆德人鬼所讐大臣將相
從逆比肩而巡朝不坐宴不與不階一伍之衆不假一
節之權感肅義旅奮身死節此其忠大矣賊勢憑凌連
兵百萬巡以數千之衆橫而制之嚮無巡則無睢陽無
睢陽則無江淮也國家以六師震其西巡以堅壘扼其
東故陝鄢一戰而犬羊杜走是天意使巡保江淮以待
陛下之師也此其功大矣古者列國諸侯互相侵伐猶
有分災救患之義况諸將同受國恩奉辭伐罪乎巡所
以固守者非惟懷獨克之志亦以恃諸軍之援援不至
而食盡食既盡而及人乖其本圖非其始望故語巡之
忠可以敦世教議巡之功可以繫中興原巡之情可以
有過失今巡子亞夫雖受一命不免饒寒宜封以戶邑
俾食其報巡旣身首支離將士骸骼不掩宜於睢陽城
北擇一高原招魂塋送此國家褒忠忘過感勵百世之
義也臣少與巡遊巡之平生臣所知悉今不以時紀錄
日月寢悠或掩而不傳或傳而不實則巡生死不遇誠
可悲傷敢撰傳一卷昧死上獻乞編列史官死骨不朽
天子悲傷敢撰傳一卷昧死上獻乞編列史官死骨不朽
明經爲燕公說所知辟幕下說入相調愷長安尉有當

官之節、天寶初、除清河太守、舉政美、遷守河南、轉光祿卿、東京、留守、判尚書省事、安祿山反、玄宗遣封常清募兵、東京、澄與留臺御史中丞盧奕、河南尹達奚珣、繕城壘、勵士卒、遏賊令、母西、祿山前渡河、猖甚、陷陳留、陽不數日、薄城下、封常清戰壯、澄收殘士、哀斷絃折矢、以堅守、與奕約曰、吾曹荷國重寄、雖力不敵、當死官、城陷、澄奕皆死、澄及十餘子同遇害、唯源彭得脫、源生八歲、爲賊俘、轉徙流離、七八年、乃得還、授司農主簿、源以父死難、常悲憤、誓不婚、不祿仕、不御酒肉、洛陽北惠林寺者、澄舊墅也、丐之寺、依寺僧戒、闔戶日一食、寺斂卽父先所寢也、過必趨、先穴地爲墓、爲終制、時時偃臥其中、長慶初、年八十餘、御史中丞李德裕表薦源、天與至孝、絕心祿仕、常守沉默、理契深要、一辭開析、百慮洗然、抱此貞節、棄於清世、臣竊爲陛下惜之、於是穆宗下詔、言禮著死綏、傳稱握節、捐生守義、取重人倫、贈司徒忠烈公、澄處難、居首正色、受督兩河、聞風再固、危壁殊節、卓焉到今、稱之、其子源、曾閔之行、可貫於神明、巢父之操、可希於太古、山林以寄其迹、爵祿不入于心、治然無營、五十餘載、夫褒忠所以勸臣節、旌孝所以激人倫、尚義可以警流俗、敬老可以厚風俗、舉茲四者、大儆于時、可

守諫議大夫、賜緋魚袋、敕河南尹就所居敦遣尋中使
齎手詔袍笏、卽賜源受詔、對中使陳疾甚、加年耄、不能
趨拜、附表謝、一無所受、卒寺中。○權皇字士繇、秦州畧
陽人、有節行、擢進士第、爲臨清尉、安祿山表署幕府事、
臯見祿山圖不軌、又猜虐、不可勸諫、欲引遜、以母在、慮
禍且及、親以獻俘使京師、還過妹夫福昌尉仲謩、密與
謀、爲行遜計、於是陽僵臥傳舍中、以疾召謩、謩至、陽瘖
直視謩而瞑、謩爲盡哀、含歛、納棺中出、而臯潛逸去、於
是謩遣吏以詔書還、臯毋使復命、毋謂臯實死、慟哭感
行路、祿山亦謂臯實死、歸其母、臯潛候於淇門、扶侍南
奔、變姓名、客臨淮、爲驛亭保、以居、已祿山果反、而臯節
行聞天下藩鎮爭禮、碎以爲屬、不就、求王舉兵反、士大
夫被刼、從之者甚衆、臯又詭姓名自免去、玄宗聞大嘉
之、拜監察御史、會道梗不得行、客洪州、有中人過州多
求索、南昌令王邁欲按之、以語臯、臯良久不答、已而泣
曰、今何容易、得見天子使、而遽欲按治之乎、掩面去、邁
慚謝之、尋召拜起居舍人、太息曰、吾潔身亂世、全吾志
焉耳、忍持是受名耶、與李華、韓洄、王定相友善、洄定嘗
評臯可爲宰輔、華以爲分天下善惡、一人而已、卒洄等
爲制服行哭、元和中謚貞孝、子德輿至宰相、自有傳。○

甄濟字孟成中山無極人家衛州少孤隱居青巖山十餘年遠近伏德環其山至不敢畋漁黻焉採訪使苗晉卿表薦之諸府五辟詔十召咸堅卧不起天寶十載以左拾遺召未至而安祿山入朝聞其名欲得之力請於玄宗玄宗爲敦迫就道濟勉請祿山祿山爲先下拜與鈞禮居府中論議正直久之察祿山有反謀又度不可諫欲以智自全以衛縣令齊玘誠信可托乃求使過衛以誠告至夜僞嘔血稱疾不能言玘以白祿山得昇歸舊山祿山陷京師召不至使蔡希德封白刃刼之曰即不起斷頭來見我矣濟色不動左手書去不得三字賊將持刀前濟氣和色定引頸待希德歔嗟歎目賊將退以實病告得免已慶緒使人強昇至東都居之安國觀實囚之月餘廣平王平東都濟起詣軍門上謁涕泗橫流王爲感動肅宗詔館之三司署使汙賊官者羅拜以媿其心子逢幼而孤及長耕于宜城之野勉自力問學歲饒節用以給親族穰則振其餘於鄉黨朋友緩急有求丐者必應之以父名不得在國史欲詣闕自言元和中侍御史元稹狀其父子行上史館詔贈秘書郎張興者東鹿人長七尺健飯持一陌刀重五十斤舉輒數人死爲饒陽裨將安祿山反攻饒陽守不下及燕趙郡

邑皆陷。思明攻陷之。興被擒。思明好謂之曰。君壯士。能與我共富貴乎。興曰。興唐忠臣。無降理。今數刻人耳。然願一言而死可乎。思明曰。何言。興曰。主上遇祿山父子厚深矣。羣臣莫敢望。乃稱兵犯闕。塗炭主人。大夫不能翦除凶逆。而北面爲之臣何也。思明曰。君不觀天運耶。燕以二十萬師起范陽。至洛無留行。偏師叩函谷。將面縛此非人力。天所命也。吾何能違天。興曰。天興廢視人心。桀紂秦隋窮人欲與四海爲怨。然後天廢之。高周漢唐所以興也。今上無遠德。下未失人。祿山逆天。行終就擒。奈何從之死乎。且足下所以從賊者。圖富貴也。圖富貴而從逆天之人。是燕巢幕爲安也。孰愈乘間取賊。轉禍爲福。可長享富貴乎。思明怒。鋸殺之。興嫚罵而死。時賊將蔡希德陷上黨。副節度程千里戰疾力。橋蹶爲賊擒。叩首曰。爲我報諸將。可失帥不可失城。後竟死。防禦使龐堅。潁川守薛愿。不屈死。吐蕃陷河隴。伊刺史袁光廷城守力竭。自焚死。

○段秀實

字成公

隴州汧陽人。六歲母疾病。水漿不入口七日。疾間。乃後食。長從軍安西。以功授安西府列將帥。高仙芝舉兵圍

恒邏師大衄。士奔亡相失也。野宿中夜。秀實聞都將李
嗣業。聲咳聲識之。起大呼。讓之曰。軍敗而從衆逃潰。非
夫也。嗣業慙謝。與秀實收散卒。成師還。嗣業請于仙芝。
以爲府判官。已封常清代將。討大勃律。勝。逐之。秀實曰。
賊兵羸。餌我也。請分左右翼。搜山林。殲其伏。而師完。改
綏德府。折衝。肅宗在靈武。徵安西兵。帥梁宰欲遷延觀。
變。秀實謂嗣業曰。焉有君父告急。而臣子晏然不赴者。
嗣業遂見。宰請行。得步騎五千。以赴難。而秀實丁父憂。
去軍。嗣業如失左右手。表起復赴軍。已。嗣業爲河中帥。
討慶緒於鄴。委秀實留事。嗣業爲流矢所中。卒。秀實率

將吏士哭迎于境。傾私橐歸其喪。塋焉。白孝德代鎮秀
實。遷試光祿卿。爲判官。孝德改鎮邠寧。奏試太常卿。度
支營田二副使。以從邠寧乏興。難饋運。請移軍奉天。時
奉天公廩竭。縣邑吏多亡匿。士行剽不能禁。秀實私謂
其人曰。使我爲軍候者定矣。軍司馬言之。孝德立以爲
都虞候。號令嚴一。而軍安。拜涇州刺史。郭汾陽子晞將
軍屯邠寧。助防守。士怙縱。邠惡少納賄竄名尺籍中。亦
縱。吏不敢詰。孝德大患之。以汾陽王故。抱戚不敢言。秀
實自州以狀白。請得復假候者定矣。孝德喜。檄署都虞
候。權知行營事。秀實旣至軍。晞卒入市飲。醉而囂。壞釀。

器殺人。秀實部徼巡卒縛斬之，懸其首市門。晞營卒盡
謹皆甲。孝德恐，秀實曰：「請得辭於軍。」立上馬，選老健卒
一人持馬前詣晞。甲者出，秀實笑而入，曰：「殺一老卒，何
甲也？甲者貽愕，不敢動晞，故貴倨。」秀實直前責之曰：「副
元帥功塞天下，當務全始終。今尚書恣卒爲暴亂，殺市
人人，安所歸咎？必將謂尚書倚副元帥不戢士，亂天子
法。」郭氏功名與存者幾何？凡吾殺暴市者，爲郭氏非爲
邠人也。晞自屈，再拜謝曰：「晞知罪矣。公幸教，敢不奉軍
以從。」卽令士敢謹者死。秀實曰：「吾未晡食，請食。」食已，曰：
「願留宿。」遂留宿軍府中。晞夜鑿爲嚴，明日起，謂晞曰：「旦

不可不詣邠府謝。晞從與俱詣孝德謝而邠安其後帥馬璘代鎮。邠卒有能引重者犯法法當死璘欲免之秀實曰將以愛憎亂法則法不一卽韓彭不能爲理必誅之。實之法事引義固爭。璘時怒秀實曰秀實罪可殺卽殺何怒爲。苟無罪又何可怒也。璘爲攝衣起謝之事必咨而後行。師還奏加開府儀同三司有詔徙鎮涇行營卒本自四鎮北庭赴國難。又比戰有功羈旅數徙則怨譟起爲亂。有告者曰軍變矣。夜以嚴警鼓五通爲期矣。秀實欲設之。陽以鼓失節而怒。戒更籌盡必報。每白輒延緩數刻。盡四更而曙。亂不得作。明日復有告者曰夜

必焚草場。期救火者變矣。中夜火作。秀實令軍中救火者。斬外營請入救。不許。明日則廢得其渠十餘人。執之。斬以徇。曰。後徙者族。於是遷涇州。始至。人烟曩絕。兵無廩。詔璘遙領鄭穎二州以贍軍。秀實爲留後。二州甚理。吐蕃來寇。戰鹽倉。璘爲寇所隔。暮未還。敗將潰卒狼狽走。爭道入秀實立軍門。讓之曰。兵法失將。麾下斬公等。忘其死。欲卽安耶。皆恐懼拜。秀實乃悉驅城中士未出者。依古原列奇兵而陳。示賊將決戰。因收合散亡。吐蕃望之。不敢逼。璘乃獲歸。已璘疾甚。請秀實攝節度副使。兼左廂兵馬使。秀實屬大將張羽飛。分兵按甲備非常。

璘卒。令軍中居其所哭親屬。治喪事於內。李漢惠接弔。賓於外。非親屬不得至。恻軍中族談離立者有誅。都虞候史廷幹。裨將崔珍。張景華謀作亂。秀實送廷幹京師。徙珍景華外鎮。不戮一人而定。遷涇州刺史。兼御史大夫。四鎮北庭行軍。涇原鄭穎節度使。清約簡易。遠近懷安。居三四年。吐蕃不敢南犯塞。德宗嗣位。就加簡較。禮尚書。張掖郡王。建中初。相炎欲行元載故策。城原州。開陵陽渠。詔中使問秀實事宜狀。秀實以爲方春不可興土功。必行之。請候農隙。炎忿其沮格。左遷司農卿。奪其軍。四年。朱泚反。以秀實故爲涇原帥。有恩。又久失軍。

必深望可使也。召與謀。秀實與子弟訣而入曰。泚意回。幸甚。不回吾死矣。入見泚。泚喜。迎謂曰。段公來。吾事成矣。問計。秀實正言曰。將士東征。而宴犒失薄。自有司之罪。非上意。公以忠義聞天下。今但當諭衆以禍福。清宮禁迎上。善之善者也。泚默然。秀實知其不可回也。乃陽與之合。而涇列將劉海賓。何明禮。岐靈岳。皆在鎮時。故所獎拔者也。則陰與謀共誅泚。皆許諾。會泚遣其黨韓旻。以馬步三千人趨奉天。陽迎駕。實襲之。秀實以奉天倉卒無備。豫危乃在頃刻。則作泚符追軍還。使靈岳竊令言印。印之不得。遂倒用司農印。印以行。旻至駱谷驛。

得符惶遽還秀實謂海賓等曰旻還吾黨無遺類矣明
我直前搏殺泚君起爲繼而令明禮應於外不得則死
之明日泚召秀實計事源休姚令言李忠臣等咸在秀
實戎服與泚造膝語至僭位秀實勃然起執休腕奪其
笏躍前唾泚面大罵曰狂賊吾恨不斬汝萬段我豈逐
汝反耶遂擊之泚舉臂自捍笏繞中其額流血匍匐走
兇徒貽愕而海賓等不至遂遇害海賓明禮靈岳皆被
殺事聞德宗悼委用不至垂涕者久之爲廢朝三日贈
太尉謚忠烈賜實封五百戶莊宅各一區長子與三品
正員諸子五品正員官後還京師遣官致
祭表門閭官營塋於墓所立碑自貞元
後累朝凡赦書褒獎忠烈必秀實爲首方亂未作時秀

實見禁兵弱。不足備非常。疏請益禁兵爲爪牙。諸具軍制中。秀實爲人。姁姁常拱手徐言。未嘗以辭色加人。人視之長者也。遇不可必達其志。方刺涇州時。邠寧旱。歲人簿責租急。其農苦無以償。詣營田所自言。秀實署牒上。判免租。令謹見之。怒。召農。嫚罵曰。我當畏段秀實耶。以牒置農背上。大杖捶之。必責租。秀實聞。輿其人庭中。下涕曰。我乃困汝。爲裂衣親裹瘡。注善藥。謹哺之。賣所乘馬爲償租。淮西將尹少榮聞之。入見。令謹大罵曰。汝猶人乎哉。今涇州野如赭。人餓死。汝必欲得租。又杖無罪者。段公誠信大人也。僅一馬。賣以償汝穀。又取之。獨不媿奴隸耶。令謹大愧。流汗曰。吾終不可以見段公。一夕自恨死。奉身清約。室無姬媵。非公會不飲酒。聽樂自涇州還都時。戒其家曰。若過岐。朱泚必致贈。慎毋納。至岐。泚固致大綾三百匹。家人拒之不能得。至京師。秀實怒曰。

吾終不以泚貨汚吾第。置司農退治堂之梁間。秀實死

吏以告。取視封識如故。

子伯倫官至太僕卿。卒。文宗用相石言禮忠臣之嗣。輟朝。賻贈。

馬方帝幸奉天時。兵侍郎劉迺以疾私策賊泚以其言誘之。迺稱篤。令僞相蔣鎮自來招託。暗不與語。炙灼徧焚。膚盡潰。鎮知不可刼。歎息曰。鎮惟不能死。以至於此。復欲汙賢者乎。歔歔退。以真疾告。乃免。已聞乘輿幸梁州。自授牀下。搏膺慟。不食卒。○楊惠元。平州人。少從軍。平盧忠勇好守節。建中次河朔。四盜反。詔移京西兵備。肅東宴遣之。旣列坐。酒行。惠元所將神策十獨不飲。問之。對曰。臣初發奉天。本軍帥張巨濟與約曰。斯役也。當報國建大勲。凱旋日當共飲。爲歡戰未捷。無飲也。故不敢。旣發。有司供餼於路。他車饗酒肉。唯惠元一軍。餅壘不發。帝稱嘆久之。降璽書慰勞焉。田悅反。惠元領禁兵三千。與諸將討之。奪御河三橋。加簡。工尚書刺。貝州從李懷光赴國難。解奉天圍。懷光叛。惠元父子三人脫身走。並遇害。賻右僕射。賻絹百匹。○符令奇。臨沂人。爲盧龍軍裨將。幽州亂。挈子璘奔昭義。爲軍副帥。薛嵩死。田承嗣盜有其地。引令奇爲右職。田悅拒命。令奇密語

璘曰吾閱事多矣自安史于紀後乃無噍類今田氏悖甚亡可立待也汝能委質朝廷爲忠臣吾願足矣璘泣以近禍難之令奇曰今王師四合吾屬皆殂中醢耳汝速行吾死且不朽即不行同積死逆地非天也吾垂老安用苟旦夕爲乎璘泣不能對會李納兵歸青齊悅使璘以三百騎護之璘與父齧臂別遂以衆降馬燧悅怒召令奇讓之令奇罵曰爾爲逆死乃在旦夕吾教子以順今卽死何傷等死吾愈爾遠矣遂遇害時年七十元燧表聞贈戶尚書○蔡廷玉幽州昌平人與朱泚同里開少相狎署幕府朱泚有幽州蓄異志廷玉時勸之毋反勸出金幣禮士歸貢賦且勸泚入朝已爲諸將所譖愬而怒衆辱之不屈囚之歲餘召問曰悔乎廷玉曰導公爲惡卽悔勉公爲忠義固善又何悔焉泚怒復囚之旣復問曰不自悔吾殺汝對曰不殺我公得名殺我我得名泚不能屈待如初已泚用廷玉及朱體微計奏以涿州爲求泰軍餉爲靜塞軍瀛爲清夷軍莫爲唐興軍各置團練使割支郡隸焉身入朝而以留事屬弟滔二人爭之曰公入朝甚善然留務至重必誠信者乃可任公弟雖至親然多詐不當假之兵假之兵是禍之也泚不聽竟付滔後事滔以幽州叛表歸罪二人請殺之

皆貶官。廷王度不免。自沉死。李晟平朱泚。請贈官。錄後
帝方招來。滔奏遂寢。○辛。讜者。太原尹雲京孫也。慷慨
重然諾。務振人之急。年五十。不苟從辟署。名聞淮泗間。
稱辛先生。咸通中。龐勛亂。時杜愔守泗州。賊以郛當江
淮要害。力攻之。愔守不下。讜徑率舟趨泗口。貫賊柵入。
見之。愔喜。倒屣延之。曰。愔僚李延樞者。爲愔稱辛先生。
數數矣。今圖急先生。乃幸教。豈有意活之乎。讜曰。僕未
得請也。今圖急公將何如。滔流涕曰。愔矢與將士死。此
城矣。讜曰。審如是。僕請效命於前。謹歸與妻子訣而來。
時賊衆甚盛。人南走。讜既與妻子訣。獨北鄉。旣至。愔喜。
曰。圖急飛鳥。不敢過君。乃冒白刃入危城。取此。古人所
不能。因表爲判官。時賊攻泗州急。敕使郭厚本將淮南
兵來赴救。觀望不敢前。讜夜踰淮坎。以登岸。馳洪澤。見
厚本。厚本許爲出兵。淮南將尼之曰。賊勢如此。今自救
不_死。何暇及人。讜瞋目罵曰。泗州陷在旦夕。公等被詔
來救。乃逗遛觀望。意將欲爲賊乎。且失泗。則淮南爲寇
場。與存者幾何。吾今斷左臂殺君去矣。拔劍前擊之。厚
本抱持之。乃得解。而讜日夜望泗州。哭累日。厚本乃許
發師。師且發。徧問士衆曰。諸君信行乎。皆應曰。諾。讜稽
首伏地涕泣謝幸甚。旣抵淮。卒有私以泗城破相語者。

讜卽手劒前起刃之衆奔救讜曰公等卽登舟吾乃釋
劍士登舟釋之已濟前擊賊愾亦出兵與表裏夾擊賊
大敗遁已而圖復合者三月救兵外敗城益危讜與壯
士徐珍等十人持斧出夜斬賊柵轉鬪三十餘里至楊
州見節使令狐絢復詣浙西見帥杜審權求濟師寺首
傳泗州已陷審權疑讜爲賊間囚之讜引防禦使李岿
知狀岿素知讜乃言曰是羊先生素忠信爲然諾可覆
者也審權許發師乃合淮南兵二千人前救淮賊水
陸布兵鏖淮流讜引死士數十人先以四舟乘風進斧
斷其鐵鏢衆揚旗鼓譟繼之斬賊六百級薄城下愾下
迎與抱持泣稱更生表其功授監察御史會馬舉擊賊
賊城乃全初讜之求救也往反過家者十餘未嘗一見
妻子事平授亳州刺史徙曹泗二州授嶺南節以終讜
癯短軀幹不及中人然膂力絕衆少耕于野有牛鬪怒
甚衆奔避讜直前兩持其角牛不能動久而引相觸竟
折其角里人駭服爲屠牛飲焉○孫揆博州武水人昭
宗用相張濬討河東揆以昭義帥副之戰長子西谷
遇伏執克用禮賓之曰公當從容廟堂何輕自履行陣
至此乎欲爲河東副使揆曰吾天子大臣兵敗而死
分也豈能復事焉奴邪強之罵不輟克用怒使以鋸解

之解不行。揆復罵曰：「死羯奴，鋸人當用板夾，如其言遂死。」事聞，贈左僕射。○司空圖字表聖，河中虞鄉人。舉進士，爲禮部侍郎。王凝所知，凝貶南州，徒步從。凝觀察宣歙，辟置幕府，召爲殿中侍御史，不忍去，坐左遷黃巢陷長安，僖宗在鳳翔，間關走以從，即拜知制誥，中書舍人。已去官，屢命召不至。天復中，宰相柳璨爲賊臣計，羅天下人望，卑召入實殺之。杜後憂，以兵侍郎召，陽墮勿爲。惇耄，乃得罷。於是終隱不復出。圖本居中條山王官谷，有先人田，作亭觀素室，悉圖唐興節士文人，其中名亭曰休休，作文以見志曰：「吾量才一宜休，揣分二宜休，耄而贖三宜休，少也惰，長也率，老也迂，三者非濟時之具，又宜休。豫爲冢棺，遇勝日，引客坐壙中，賦詩酌酒，裴回久之。客有難色，圖曰：「咄！君何不達耶？吾寧當暫游此中哉？」時寇盜所過殘暴，獨不入王官谷。朱全忠篡唐，哀帝弑，圖聞不食卒。

上忠節

論曰：古今伏節死義之士衆矣。而唐稱尤烈。則平原雖陽之事，特卓也。以百鍊而著剛。顏公立朝，大義光日月。

矣。以元老大儒卒。曰於希烈。則讒人之爲禍酷也。天立君以生民。君不能保民生於艱難。而令忠臣烈士食人啗骨肉耳之也。又以因爲罪悠悠蒼天。彼何人哉。段公仁且勇。不名一行。博大君子也。非一死爲烈矣。他諸著節可書者附焉。



函史上編卷之四十六

明旰郡鄧元錫著

唐篤行傳

元德秀

字紫芝

河南樊川人。少孤。事母孝。不忍頃刻違左

右。赴進士舉。自負母偕之京師。比入官。自以扳輿輦母行。母亡。廬墓側。食不鹽酪。居無瓜翦者二年。德秀傷居貧。不能及親在而娶。不肯婚。人以無後。詰之。答曰。兄有子。男。先人之祀不曠也。足矣。竟不娶終身。兄子在襁褓。失母。貧無乳。德秀自乳之。居數日。湮流。比能食。乃止。兄子長。將爲娶。貧不能。乃受署魯山令。爲之婚。治專。用德

化耻爲刑辟。有盜繫獄。虎爲暴。請格虎自贖。許之。吏白。彼自詭得亡去。不可聽。聽之。且累君。德秀曰。許之矣。吾不食言。卽有累。吾坐之。不恨也。明日盜尸虎而還。二年。魯山大穰。民服其德。玄宗在東都。命三百里內州刺史。縣令。各以聲樂集都下爲歡。時河內太守。輦優伎數百。被錦繡。作犀象戲。恢瓌譎麗。德秀惟遣樂工數十人。聯袂歌于薦于于薦者。德秀所爲歌也。帝聞而異之。傾耳者數四。太息曰。賢人之言也。謂宰相曰。河內民其塗炭乎。乃黜河內守而獎德秀。德秀居官所得俸。悉衣食人之孤遺。歲滿。筭惟一縑。駕柴車而去。愛陸渾佳山水。

定居焉。不爲墻垣。扃鑰。家無僕妾。歲饑。或連日不爨。彈琴讀書。不改其樂。人以酒餼從之。爲觴詠陶然。德秀冲邃純朗。不言而信氣和貌融。視色知教。房琯每見之。輒太息曰。見紫芝眉宇。使人名利之心都盡。蘇源明嘗語人曰。吾常恨生晚季。不見古昔人典刑。惟獲識元紫芝。差慰耳。卒。家惟枕履簞瓢。族弟結哭之慟。或曰。子哭過哀。禮與結曰。若知吾禮之過。而不知吾情之至也。大夫弱無固壯。無專老無任。死無餘。人情所耽溺。喜愛疾惡者。大夫咸無之。生六十年。目未嘗識女色。視錦繡辭秩邑而家未嘗有十畝之地。十尺之舍。歲服用未嘗完布。

帛而衣。具五味而餐。吾哀之以戒。夫荒淫貪佞。綺紈梁肉之徒耳。季華兄事德秀。而友蕭穎士。劉迅及卒。華謚之曰文行先生。天下高其行。不名。謂之元魯山。華作三賢論表之。論畧言。充德秀之志。當以道紀天下。迅當以六經諧人心。穎士當以中古易今世。德秀欲齊愚智。迅感一物不得其正。穎士呼吸折節。而獲重祿。不以易一刻之安。使德秀據師保之位。瞻其形容。不俟言教。而後見其仁。迅被卿佐之服。居賓友之地。言治亂根源。人倫隱顯。參乎元精。而後見其妙。穎士若百鍊之剛。不可屈撓。使當廢興去就。一死一生之際。而後見其節。儻及於

孔子之門。其皆達者。與德秀以爲王者作樂崇德。天人
之極致。而辭章不稱。是無樂也。於是作破陣樂章。擬商
周雅頌。述世史官。述禮易書詩春秋。爲五說。條貫源流。
備古今之變。穎士猶罪子。長不編年。而爲列傳。後世因
之。非典訓也。續尚書。始有漢曰漢典。唐曰唐典。魏晉宋
齊。南訖有陳。北起元魏。歷周隋。詔策章疏。頌歌符檄。咸
具。忠臣之正議。武士之權謀。次年代類而列之。非訓齊
生人者不錄。然各有病。元病酒。劉病賞物。蕭病貶惡。太
亟。獎能太重。若取其節。皆可爲人師也。世以爲篤論。穎
士。字茂挺。梁鄱陽王七世孫。早有神穎。未弱冠。舉進士第。

一天寶初。補秘書正字。時裴耀卿。席豫。宋遙。韋述。皆先進器具材。與鈞禮。人士競師尊之。號蕭夫子。召爲集賢較理。李林甫欲見之。以父老不詣。林甫過故人舍。邀穎士。就見。謾云欲弔。穎士哭門內。以待林甫。不得已前弔去。怒其不下已。調廣陵叅軍。會母老。免流播吳越。史官韋述薦穎士自代。召詣史館待制。而林甫方威福自擅。隨兒官。往來鄠杜間。林甫死。倭使入朝。自陳國人願得蕭夫子爲師。調河南叅軍。安祿山寵恣。穎士陰謂其人曰。胡負寵而驕。非久亂矣。去渡江而亂作。永王璘以書幣聘。復逡遁。其高節深識如此。而世頗疵其剛躁無威。

儀迅字捷卿

秘書監劉子玄中子也。博學多通。官京兆功

曹參軍。劉晏每聞其論議。太息曰。皇王之道盡是矣。迅每歎天下滔滔。知我者希。終不以所爲書示人。時南陽張有畧難之。經術深通。以經爲行。以瞽廢。率門人私謚曰德先生。○元結本元魏裔家。故豪祖。亨始爲儒。父延祖調春陵丞。輒棄去。曰。人生衣食裁足。不宜復有所營。日灌畦掇薪。以爲有生之役。盡於此。過此吾不思也。安祿山反。寢病。召子結戒之曰。世多故。必勉樹名節。毋近羞。卒。門人私謚曰太先生。結少不羈。年十七始折節事宗兄德秀。篤於學。著元子。蘇源明見之。歎曰。子居今之

世而語古之道。殆其難哉。然子自真淳。世自流浮。庸何傷。天寶中。應進士舉。以所撰文謁禮侍郎楊浚。浚歎之。曰。一第汙元子耳。有司得元子足賴也。擢高第。祿山反。逃難。倚玕洞集鄰里二百餘家奔襄陽。玄宗聞而異之。召不至。肅宗卽位。以薦召詣京師。上時議三篇。畧言天子恨愧陵廟爲羯逆之所傷。汙是宜側身勤勞。渴聞忠直。過弗諱改。而後能以弱制強。去危而卽安。今重城深宮。燕和而居。凝冕纓佩。太昕而朝。大官備味。視時而獻。太常備樂和聲。以薦。雖有仁恤之令。憂勤之詔。人皆得族立黨語。私指而議之。天下何從安乎。且賞罰所以能

沮勸者在乎明審均當而必行之也。天子誠畢行已言之令。信將來之法。雜徭煩令。一切蠲蕩。任賢士。斥小人。推仁恩。信威令。何帝王之不可及也。帝悅。攝監察御史。爲山南西道參謀。募士唐鄧間。降劇賊五千。瘞戰酋於泌南。哭焉。命曰哀丘。史思明亂。帝親征。結建言賊銳不可與爭鋒。宜折以謀也。汝陽守險。全十五城以待難。賊平。遷監察御史。辟來瑱府參謀。結說瑒曰。孝而仁者可與言忠。信而勇者。可與守義。安有責其忠信勇義。而不勸之孝慈者耶。將士有父母在軍中者。宜給以衣食。激其心。久之。遷道州刺史。州遭蠻亂。遺戶裁四千。諸使調

發符牒。總至如平時。結以人困甚。不忍加賦。卽上言。臣州爲賊所破。糧儲屋室。男女牛馬。幾盡。耄孺騷離。凜無以自存。嶺南諸州。寇盜時作。守捉候望者。四十餘屯。一不靖。卽湖南必亂。今百姓所負租稅。及租庸使和市雜物。至十三萬緡。卽椎肌瀝髓。終未能措。願幸蠲免。許之。明年。租庸使索上供十萬緡。結又奏。歲正租庸。土瘠貧莫任也。矧外有科索。其何以堪。復報免。結居州一意古人之政。爲民營舍。給田免徭役。流亡歸者。萬餘家。進授容管經畧使。身誦蠻豪。綏定八州。會母喪。人皆請節度府請留。卒。故將吏送哭終哭。立石頌德焉。結好古爲文。

有典則耻。追時麗淫。顏魯公稱其心古行古言古。其作
大唐中興頌序。首以法書曰。天寶十四年。安祿山陷洛
陽。明年陷長安。天子幸蜀。太子卽位於靈武。明年。皇帝
移軍鳳翔。其年復兩京。上皇還京師。後世歎息以爲春
秋二三策云。○崔沔。字善中。博陵安平人。徙居長安。純謹
無二言。性舒遲。進止雍如也。擢進士高第。累御史中丞。
每當官。正言不讓。請發太倉粟。減苑囿。爲獸給料。賑貧
乏。薦清白吏。理枉抑。多所甄拔。遷中書侍郎。故事。中書
承旨。副貳取充位。詔敕下。沔時時持異。同曰。百官分職。
上下相維以成治。可俛首懷禱已耶。刺魏州。吏人懷德。

入朝。分掌十銓。選人歌之。卒。贈禮部書。謚曰孝。汚少有
至性。母失明。傾家求醫。不愈。則手舐杵臼。身服澣濯。不
脫冠帶。以養者三十年。藥砭備物。溫清適時。每良辰美
景。必扶持宴遊笑談。陳說於前。母怡愉融液。不自知其
有所苦也。後年旣及。官尊重矣。躬與子姪植藝蔬果。時
其熟。親澆濯以申致潔敬。母卒。柴毀失明。追葬。徒跣送。
嘔血茹深痛。終其身。事兄姊如母。慈畜甥姪甚於子。所
得俸。於奉蒸嘗。調親族盡之。一不以自奉也。李邕嘗怪
其所乘馬羸。戲之曰。公何不於廳事前觀秣飼耶。脫馬
死。當何以更之。汚唯唯。他日又言之。汚良久曰。每欲問

秣飼怨寘疑於廝養者。輒自媿而止。蓋用意如此。晚留
司東。不鬻馬以買宅。奉寡嫂及姊居之。宅朴陋無赭堊。
著陋室銘以自廣。故吏監察御史頌狀其行。以爲德充
符契。情貫人極。聲氣之感人者深。儀刑之化人者遠。躬
踐五德。退讓於恭儉溫良。行張四維。加信於仁義禮智。
老驥伏櫪。以鮑駘不忘。白鳩巢檐。以家瑞終黑。可謂德
達神祇。殊絕倫輩矣。子祐甫相德宗。賢自有謨。具帝紀
中。○陽城。字亢宗。定州北平人。好學。貧不能得書。求隸集
賢院。得讀誦。晝夜不出戶。六年學無不通。舉進士不第。
去隱中條山。與弟堦域友愛甚。常易衣而出。年長不肯

娶謂弟曰。吾與若孤惻相育。旣娶則外姓間之。雖其處益疏。我不忍也。終不娶。女弟夫客死遠方。遣季弟往收之。且行。終不欲弟往。已獨留。遂三人偕負其喪而還。恭寬簡素。遇人長幼如一。遠近慕其行。來學者跡接于道。間里有爭訟。不詣官。詣城決之。有盜其樹者。城見恐。媿之。潛自匿避。嘗絕糧。遣奴出求米。奴以米市酒飲之。醉仆于路。城怪其久也。與弟往迎之。未醒。負以歸。及覺。奴跽謝。負負。則曰。寒而飲。何謝。歲饑。屏迹不過鄰里。屑榆爲粥。講論不輟。有奴都兒化其德。亦方介自約。或哀其餒。與之食。終不食。薰其德而善良者幾千人。鄴侯泌觀

察陝虢薦諸朝。以著作郎召。不至。泌入相。又言之。召拜
諫議大夫。城衣褐到闕下。再辭讓。帝遣中人持緋衣卽
衣之。乃拜命。初。城未起。搢紳想見其風采。旣興草茅處
諫職。人以其必且死職下。聳耳目俟之。及受命。他諫官
論事。爭爲苛細。帝頗厭苦之。而城聞得失且熟。猶未肯
有言。韓愈作爭臣論譏切之。城不以屑意。及裴延齡傾
宰相。陸贄贊坐貶。帝怒未解。中外惴恐。無敢爲論救者。
城奮曰。天下事孰有大於此者乎。卽帥拾遺王仲舒補
闕熊執易。崔邠等守延英門上疏。論延齡姦佞當斥。贄
賢無與匹。當召還。而城善鄴侯泌。旣草疏。屬鄴侯子繁

爲繕寫繁潛以書示延齡。延齡得先事自解。疏入不報。走延英閣請對。不召。伏不起。帝大怒。以爲朋黨。欲深罪。太子爲營救。乃解。令宰相諭遣。時帝欲旦夕相延齡。城曰。脫必以延齡爲相。吾當取白麻壞之。慟哭於廷。延齡聞遷城國子司業。以去。蓋憚之也。城至官。引諸生告之。宣言曰。凡學所以學爲忠與孝也。諸生有久不歸省其親者乎。明日謁告還養者二十輩。有三年不歸侍者。斥之。簡孝秀德行者升堂上。沈酗不率教者罷遣。躬講經藉。生徒斤斤皆有法度。有唐約者。以言事得罪。吏迹捕得之。帝益以爲城黨有罪。出刺道州。太學諸生何

蕃等伏闕下請留守數日爲吏所遮遏不得上。旣行。皆泣。涕立石紀德。城至州。視官如家。治民如治家。壹不以簿書介意。月俸取足而已。官收其餘。日炊米爲餉。魚一鬻。置甌村道上。聽饑者食之。州產侏儒。歲充貢。城哀其生離。奏罷之。州人感德。以陽名其子。賦稅多寬假。不時入觀察使。數詣讓。當上考。城自署曰撫字心勞。催科政拙。考下下。觀察遣判官督賦。行至州。怪城不出迎。以問吏。吏曰。刺史自以爲有罪。業坐於獄待矣。判官驚。走獄中。謁之曰。使君何罪。我奉命來候安否耳。立馳去。城乃出其庇民如此。順宗立。得召而城卒。天下惜之。蕃和州人。性介。

節不爲非義遊太學學成行尊太學諸生推先之不取
與蕃齒諸生有死無歸者字其孤朱泚之亂諸生洵洵
欲從泚起請蕃蕃正色叱之六館之士不從亂蕃初入
太學率歲一歸省其親親止之間歲乃一歸又止之已
念親益老欲歸養諸生不能留閉蕃空舍中言於陽先
生請諭留會陽先生去不果留時在太學稱賢者惟蕃
及閩人歐陽詹韓吏部愈稱詹仁孝質誠氣醇以方爲
文章切深早卒時又有獨孤申叔者字子重長安人舉
進士爲較書郎柳宗元稱其端和孝仁默而智言而信
其窮也不憂其樂也不浮讀書推孔子之道必內求諸
心爲文深厚古雅要歸之于道○柳公綽字起
使遭孔子是兩顏氏也亦早卒○京兆華

原人世爲聞家家有書千卷然非聖之書不讀也爲文
不尚浮靡年十八應制舉登賢良方正科雖少偶性謹
重動循禮法相元衡鎮蜀與裴度俱爲判官召入爲吏
郎中時天子銳意於兵好畋遊公綽獻大醫箴以諷其

曰。天布寒暑。不私於人。品類既一。崇高以均。惟謹愛好。能保其身。寒暑滿天地。決肌膚於外。愛好溢耳目。誘心知於內。清絜爲隄。奔軻猶敗。氣行無間。隙不在大。睿聖之姿。清明絕俗。心正無邪。志高寡欲。謂天高矣。氛蒙晦之。謂地厚矣。橫流潰之。聖德超邁。萬方賴之。飲食所以資身也。過則生患。衣服所以稱德也。侈則生慢。惟過與侈。心必隨之。氣與心流。亦伺之。畋遊恣樂。流情蕩志。馳騁勞形。咤叱傷氣。人乘氣生。嗜欲以萌。氣離斯患。氣凝則成。巧必器真。智必誘情。去彼煩慮。存此誠明。醫之上者。理於未然。患若慮後。防處事先。心靜樂行。體和道全。然後能德施萬物。享有億年。聖人憲宗遣中使獎勞在上。庶官有署。臣司太醫。敢告諸御。

之曰。卿所獻文。何憂朕之深也。拜御史中丞。公綽素與裴垪厚。李吉甫出鎮淮南。深怨垪。復輔政。出公綽刺潭州。觀察湖南。湖南地卑濕。公綽以母在京師。難迎養。乞分司洛陽。移鄂岳。吳元濟叛。王師討之。詔公綽以鄂岳

兵五千。隸安州刺史李聽。赴行營。公綽曰。朝廷以吾儒
生不任兵耶。則自以師徒濟湘。抵安州。聽以監司禮送
之。公綽執其手曰。公所爲屬韃負弩者。爲戎事耶。若去
戎服。被公服。卽兩郡守耳。誰爲相統攝乎。僕以公名家
子。習兵。今悉率敝賊。以從公共禦矣。聽唯唯曰。惟公之
所使之。公綽以牒署聽。鄂岳都知兵馬使。軍先鋒行營
都虞候。選卒六千屬焉。戒部較事。一決於都將。聽感恩
畏威。如出麾下。軍行。公綽反鄂。時時令左右省士伍家
有疾病死喪。厚給之。軍士妻外淫者。沉之江。故行軍
激。每戰必尅。長慶初。復爲京兆尹。兼御史大夫。時

叛。敕使詣行營。諸將者相望。公緯奏曰。自幽鎮用兵。使命繁併。館遞匱乏。敕使衣緋紫。需馬乘者二三十匹。衣黃綠者不下十匹五匹。驛吏不得視券牒。隨口卽供驛馬盡。至奪路人馬以給也。遠近喧騰。行李將絕。乞下中書條人數以下。有神策軍較衝前導。立杖之。帝怒。召詰責對曰。臣待罪京兆。爲輦轂師帥。而小較乃敢前唐突辱之。此輕陛下法。非慢臣。當是時。臣獨知杖無禮者耳。不知爲神策較也。帝曰。卽如是。何不奏對曰。臣職當杖。不當奏。帝無以難。退謂左右曰。汝曹須謹避柳京兆。京兆言直。朕憚之矣。轉吏侍郎。遷御史大夫。韓弘自河中。

入朝疾詔百僚問疾弘遣子出謝云病不能應客公綽
曰聖上以公尊重令百司省疾異數也宜力疾拜命安
有偃卧在牀獨令子弟出傳言耶弘矍然扶翼出百官
聳然簡較戶尚書刺襄州節度山南行部至鄧縣有二
更犯法一賊賄二
舞文縣令以公綽必殺賊吏獨具公綽判之曰賊吏犯
法法在姦吏壞法法亡誅舞文者公綽有馬傷圉人命
殺之客曰良馬也可惜公綽曰奈何輕人重馬相僧孺鎮江夏公綽具韉橐以
迎軍吏以漢上地高於鄴禮太過公綽曰奇章方離政
府尊重重宰相所以尊朝廷也道士獻丹藥試之驗問
所從來曰鍊此丹薊門時朱克融方叛公綽遽曰惜也
來自賊臣沉之江寶曆元年入爲刑尚書二年授邠寧

慶節所部有神策諸鎮屯。故不屬制置。虜入不爲使。公
綽疏論之。詔諸鎮皆稟節度。太和初。簡較左僕射。北都
留守。虜使以馬萬匹來市。他守帥皆外假之禮。內嚴兵
爲防。至太原。公綽使牙將單馬勞之。以好禮逆焉。虜感
涕於道中。徐驅不馳。獵至闕牙門。令譯引見。宴禮之。虜
大和戢。涇北有沙陀部。爲九姓六州酋所畏。公綽召其
酋朱耶執宜。抵雲朔塞。好接之。治廢柵十一。募兵三千
付之。令留屯以禦虜。其妻母來者。夫人輟酒食問遺之。
沙陀感服。効死。卒贈太子太保。謚曰威。公綽天資仁孝。
丁母夫人。蓀之。器三年不沐浴。事後母。藹謹甚。有二十

年爲外婚姻者。壹不知其非薛所生也。在公卿間。最名
有家法。中門東有小齋。非朝謁日。平旦輒出至小齋。諸
子皆束帶。晨省於中門之北。公綽決私事。接賓客。與第
公權及羣從弟。并會食。皆不離小齋。自旦達暮。燭至。命
子弟一人執經史。躬讀一過。訖。及講議。居官治家之法。
或論文。或聽琴。至人定鍾。然後歸寢。諸子復昏定於中
門之內。凡二十餘年。未嘗一日變也。遇歲饑。飯不過一
食。諸子皆蔬食。曰。昔吾兄弟侍先君爲丹州刺史。以學
業未成。不聽食肉。吾不忍忘也。姑姊妹姪有孤嫠者。雖
疎遠。必擇婿嫁之。皆用刻木爲粧奩。纈文絹爲裝齋。常

言必待資裝豐備。何如嫁不失時。居外藩。子來省覲。入國門。郡邑未嘗知也。旣至。每出入常於戟門外下馬。呼賓幕爲丈。皆許納拜。未嘗笑語。款洽。當官御軍行法。肅然不可犯。然自言未嘗敢以私喜怒加人。子仲郢。字諭蒙端嚴好禮。父旣卒。起居一遵父法。事叔父公權如事父。非甚病。兄公權未嘗不束帶出遇公權於路。必下馬。端笏立候過。乃上馬。公權暮歸。必束帶迎候於馬前。公權屢以爲言。仲郢終不以官達故小改也。少辟武昌幕。牛僧孺見其風矩。歎息曰。非積習風教。安能及此。其爲京兆尹嚴。人無敢犯。及爲河南尹。寬或以不類京兆時問。

之。仲郢曰。輦轂之下。彈壓爲先。牧長之治。惠養爲本。夫各有當也。周歷臺省。二筦大節鎮。廩無良馬。衣不熏香。私居未嘗不拱手。內齋未嘗不束帶。退公。晝夜展卷。未嘗捨也。在官。不奏祥瑞。不度僧道。不貸贓吏。法理藩府。急於濟貧恤孤。有水旱。必先期假貸。廩軍食必精豐。逋租必貰免。館傳必增飾。宴賓犒軍必華盛。而交代之際。倉儲帑藏。必盈溢於始至。境內有孤貧。簪纓家女及笄者。皆爲選婿。出俸金資嫁之。牛李交惡。相德裕不以仲郢爲僧孺客也。推挽之。仲郢亦不自以爲僧孺客也。感其知。親附焉。大中中。李氏無祿仕者。仲郢領鹽鐵。辟德

裕兄子從質爲推官。令以祿入贍。南宅相綯不憚也。仲
郢與之書云。李太尉家已窶空。蒸嘗遂絕。心誠痛惻之。
不自知爲罪也。綯感歎。與從質正員官子珪壁。玳珪壁
皆第進士。珪早卒。壁至諫議大夫。玳至御史大夫。皆清
直有父祖風。玳嘗著書誡子弟曰。夫門地高者。可畏不
於他人。不可恃者。門高則易驕。族盛則人嫉。實藝懿行。
人未必信。纖瑕微累。十手爭指。故修己不得不篤。爲學
不得不堅。予幼聞先訓。講論家法。立身以孝悌爲基。以
恭默爲本。以畏怯爲務。以勤儉爲法。以交結爲末事。以
意氣爲凶德。肥家以忍順。保交以簡敬。百行備。疑身之
未周。三緘密。慮言之或失。廣記如不及。得名如儻來。去
客與驕。庶幾寡過。蒞官則潔已省事。而後可以言守法。
必視以黎甿之膏血。榷楚雖用。不可恣褊狹之胸襟。憂
與福不偕。潔與富不並。比見門家子孫。其先正直。當官

耿介特立不畏強禦及其衰也唯好犯上更無他能其
先遜順處已和柔保身以遠悔尤及其衰也但有暗劣
莫知所守夫壞名災已辱先累家其失尤大者五宜深
誌之其一自求安逸靡甘澹泊苟利於已不恤人言其
二不知儒術不悅古道情前經而不耻論當世而解頤
身既寡知惡人有學其三勝已者厭之佞已者悅之唯
樂戲譚莫思古道聞人之善嫉之聞人之惡揚之浸漬
頗僻銷刻德義箬裾徒在廝養何殊其四崇好慢遊耽
嗜麴蘖以啗杯爲高致以勤事爲俗流習之易荒覺已
難悔其五急於名宦驅近謹要一資半級雖或得之衆
怒羣猜鮮有存者茲五不韙甚於瘞疽瘞疽則鍼石可
瘳五失則巫醫莫及夫中人已下修辭力學者則躁進
患失思展其用審命知退者則業荒交蕪一不足探唯
上智研其慮博其聞堅其習精其業用之則行捨之則
藏苟異於斯公權字誠懸十二能辭賦舉進士善書穆宗
豈爲君子

少游佛寺見旁行書愛之問知爲公權筆也識焉旣在
御公權以夏州書記入奏事立拜右拾遺充翰林侍書

問書法。公權對曰。運筆在心。心正則筆正。帝爲改容。知其以筆諫也。歷穆敬文三朝。皆侍中禁書。公權自恨以藝書見寵。偕工祝。心耻之。求改官。遷司封兵部郎。文宗思之。復召爲翰林書詔學士。從幸未央宮苑中。帝駐輦。謂公權曰。我有一喜。卿知之乎。對曰。未也。帝曰。曩邊卒賜不以時及。今年二月。給春衣報至矣。公權前賀。帝曰。未也。卿賀我以詩。公權應聲云。去歲雖無戰。今年未得歸。皇恩何以報。春日得春衣。帝激賞久之。帝常於便殿對學士語。漢文帝之恭儉也。因自舉袂示之曰。此澣濯者三矣。諸學士皆贊上盛德。獨公權無言。諸學士退。帝

問之。公權對曰。人主當進賢退不肖。納諫諍。明賞罰。服
澣濯衣。䟽節耳。帝太息曰。極知舍人不合作諫議。以卿
有諍臣風。却授卿諫議大夫。翌日降制。以諫議大夫知
制誥。學士如故。轉工侍郎。入對。帝訪外議云何。公權對
曰。日郭昉除邠寧帥。外頗有物議。帝曰。昉尚父從子。太
皇太后季父。在官無過。自金吾大將。補邠寧小鎮。顧不
當耶。對曰。非是之謂也。聞昉進二女入宮。有諸。帝曰。有
之。二女入宮。叅太后起居。非進也。公權曰。外間不知。謂
昉納二女。有此授叅李之嫌。何可。戶曉因引王珪諫太
宗出廬江王妃事。開之。帝卽令南內使張日華送二女。

遷家其忠言匡益皆此類也。累學士承旨。武宗卽位。罷內職。授右散騎常侍。累金紫光祿大夫。河東郡開國公。卒。贈太子太師。公權初學王羲之書。已遍閱近代筆法。自成家。當時公卿大臣家碑版。不得公權筆。以爲不孝。外夷皆別署貨貝。購柳書。所贈遺琛寶藏之篋。爲主藏。豎所竊而緘。滕如故。一日發視。盡亡之。問藏豎。豎對不知。公權莞然曰。羽化耳。不復問。其達如此。上篤行。

○張道源。并州祁人也。十四。執父喪。毀縣令郭湛署所居鄉曰復禮里。曰至孝。旌之道源。嘗與友俱客遊旅宿。夜友暴死。道源恐主人驚怖也。其尸卧至曙。乃告之。又徒步護柩還其家。隋末政亂。棄官歸。高祖興。守趙州。爲竇建德所執。不屈。間遣人詣朝。請乘虛擣賊。賊平。拜大

理卿時籍朝臣得罪者家屬賜群臣道源曰禍福人之
所時有也安可計人之禍取其子女自奉乎資以衣食
遣之以年耆拜綿州刺史卒餘粟僅二斛詔賜帛三百
段族孫楚金有至行與兄越石應鄉貢州獨薦楚金楚
金辭願與兄俱罷都督李勣歎曰夫薦士所以求才行
也能義讓其才行可知何嫌並薦乎乃並薦武后時歷
秋官尚書爲酷吏所構死嶺表○劉德威徐州人貞觀
中累大理卿白帝言失入者無辜失出者生罪請著令
語具刑法志於閨門友睦所得俸悉分贍宗親無留藏
子審禮少畧母爲祖母元所養元每病必親湯藥嘗而

進元日。兒孝通幽顯。吾一顧念之。疾輒間。歷驍衛郎會。父卒。罷既祖。跣足隨輜車。流血灑地。行路感動。事繼母平壽縣主尤謹。母疾憂懼形容色。於弟延景特友愛。當襲爵。表讓弟。不聽。得祿輒資之。而妻子執寒苦晏如也。再從同居者二百口。內外無間言。儀鳳中。吐蕃寇涼州。簡較左衛大將軍。爲行軍總管。戰青海。敗績。爲賊執。子易從。䟽請入蕃省侍。詔許之。審禮卒。易從號泣無晝夜。吐蕃哀其志。歸父。器易從徒跣萬里。扶護歸。爲彭城長史。坐酷吏誣搆。卽刑。百姓奔走。爭解衣投地。爲資冥福。語具帝紀中。時號爲孝義劉家。○張公藝。鄆州壽張人。

九世同居。北齊隋唐皆旌表其門。麟德中，高宗封泰山，幸其宅，召見問所以睦族之道。公藝請紙筆以對。乃

大書忍字百餘以進。高宗感其意，為流涕，賜纁帛。○李迥秀

涇陽人，事母孝。母少賤，妻嘗詈辱之。迥秀為母所諱惡，大不悅。迥秀立出其妻，或問之，答曰：「娶妻所以共事親也，事

姑不悅，何得留？」所居堂產芝，大乳鄰。貓中宗以孝感旌，迥秀

馬。○裴敬彝，絳州聞喜人，曾祖子通，隋太中大夫，事母孝。母罽廬墓側，哭罽明，有白鳥巢家樹，詔旌門。敬彝七

歲能屬文，又端謹，父智用補臨黃令，為部人所訟。敬彝年十四，詣巡察使唐臨陳寃，事辭清辨，臨奇之，命作賦

賦。上釋父罪，表敬彝于朝，補陳王府典籤。在官忽心痛甚，泣下，謂左右曰：「曩大人邁疾，吾輒然，今痛甚，事叵測矣。」乃請急，倍道歸，而父果前卒。○羸毀踰禮，乾封初，累監

察御史，母病，自肩輿迎醫，母罽，贈纁帛，官為作靈輦，歷太子左庶子，為酷吏所陷，死嶺南。○裴守真，絳州稷山人，早孤，事母孝。母終，毀骨立事大姊及兄，謹甚，閨門禮

則舉進士，為乾封郡屬。時關中饑，盡以祿俸供姊及諸

物身及妻子麤糲不充無倦色授太常博士守真善禮學討論吉凶舊典稱得喪天授中爲司府丞推詔獄平恕不合旨出爲汴州司錄累轉成刺史惠恕省刑威吏民懷之卒子餘事繼母孝爲監察御史○朱仁軌字德容亳州人世以孝義旌門六闕相望仁軌隱居養親敦質行彌謹嘗訓子弟曰終身讓路不枉百步終身讓畔不失一段與三從昆弟居四十年無異產所居常有赤烏白鵲之異員半千魏知古私謚爲孝友先生○路敬淳貝州臨清人少志學專篤居親喪倚廬不出者三年服除號慟入門形容癯毀妻子不識也天授中再遷太子司議崇賢館學士數受詔纂輯慶恤儀典姓系畧百餘篇坐與綦連耀交通獄死弟敬潛奪官後起爲遂安令先是令遂安者多死官敬潛欲自免妻曰君當死獄者三竟不死謂非命邪庸辭何爲從之至官有梟獍其屏鼠數十前走驅之輒擁杖而號敬潛不爲動久之怪急遷衛令累中書舍人○陳集原世嶺表酋長也幼孝父有疾卽終日不食父歿嘔血數升枕伏苫廬悲感感行路資財旧宅及僮僕畢讓弟官至左豹韜衛將軍○安金藏太常樂工也神龍初自剖心明皇嗣不反見帝

紀喪母葬城南原廬墓側躬造墳塔晝夜不息原舊無水忽湧泉自出有李樹盛冬開花犬鹿相狎觀察使懷慎以聞敕旌門玄宗卽位以保明皇嗣功擢右驍衛將軍封代國公以壽卒贈兵尚書

○梁文貞號州閬鄉人少從軍比邊還父母皆

沒則結廬墓側晨夕灑掃未嘗離不言笑者三十年家人有問但畫字以對後山水衝斷驛路入原上經文貞墓廬前廻之有甘露降坐樹白兔馴擾刺史許景先奏請宣付史官任敬臣棣州人五歲喪母毀七歲問父曰若何可以報母父曰揚名顯親可也乃刻志從學父亡數殞絕繼母曰而不勝器可謂孝乎乃勉進饘粥卒以學成名官弘文館學士太子舍人

崔衍深州安平人父倫孝徒跣護

親器行千里歸葬行路爲流涕安祿山反陷于賊不汙

僞官以右庶子使吐蕃虜執倫至涇州逼爲書射城中

約降不可更囚。邏娑城閱六歲乃還。入見代宗爲感動。倫卽具陳虜情。僞山川險易。指畫於帝前。帝嗟歎之。遷尚書左丞。衍有至性。繼母李不慈。倫歸自蕃。李見服羸甚。倫問故。李稱自使蕃中。衍不給衣食。時衍爲富平尉。倫大怒。召拉于地。袒其背。將鞭之。衍涕泣終不自明。倫弟殷聞之。走以身蔽衍。杖不得下。因大言曰。衍月俸皆進嫂所。殷具知。何忍言不給衣食乎。諧乃白。衍事李益謹。李所生子多取子錢家錢。使其主以契書徵負。衍歲爲償之。歷蘇虢二州。虢居陝華間。而賦倍。衍白其太重。裴延齡領度支。方聚歛。私止之不聽。上奏言州部多巖。

田又當劇道。歲無秋。民舉流亡。不蠲減租額。人無生理。臣見長吏之患在因循。不患陛下之不憂恤也。在申請不以實。不患陛下之不矜貸也。陛下拔臣大州。寧當令坐視民困。而顧望不言哉。書上。詔度支減賦。衍儉約畏法。室無妾媵。祿稍周于親族。諸葬埋嫁娶。倚以濟者數十家。及卒。不能器。郡表諸朝。賜帛米粟。賻焉。○劉敦儒東都人。崇文學。士子玄孫也。母病狂易。非笞掠人。不安食。左右皆亡去。敦儒日侍疾。時見笞。體常流血。母乃安。敦儒怡然不爲扁。母喪。毀瘠幾死。留守韋。夏卿表其行。詔旌閭。後爲起居郎。孫達禮。好古有祖風。○崔邠。清河武城人。父雉。三世一爨。當時言家法者推焉。邠以補

闕。列疏論裴延齡姦。以鯁亮稱。遷吏侍郎。性溫裕。沉密。

行已簡儉。裴垪薦邠可相。會病不拜。久爲太常卿。以母憂解官。卒于哭弟。鄴。郇。郛。鄆皆賢。皆官至三品。唐興無有也。家不藏貲。有貲輒周給親舊。爲治其宅。器居。家怡愉。不訓敕。而子弟自化。居室卑漏。堂無步廡。至霖淖。則張蓋而履。以就外。四世總麻兄弟同爨者。百有六人。宣宗題其堂曰德星堂。京兆尹稱其里爲德星社云。

○丁公著。

子哀感不食。請於父。願絕葷血奉道。父閔而從之。稍長。父勉令學。舉明經第。又通開元禮。授集賢校書郎。終歸養。不應請辟。父老。躬負土成墳。貌力癯瘠。觀察使上至。

行賜粟帛旌閭。相吉甫薦授右補闕。累給事中。穆宗言
外間人多宴樂。此時和人安之候可喜也。公著對曰。此
非佳事。恐漸勞聖慮。帝問何也。對曰。自天寶來。公卿大
夫競遊宴。晝夜沉酣。擾雜子女。不自愧。今亦如之。將百
職皆廢。陛下能無獨憂勞乎。願加禁。天下之福也。公著
以帝湛於燕。故以諷。以浙西災寇。簡較戶尚書領使。請
米七萬石以賑。浙民賴之。改太常卿。贈右僕射。公著清
儉守道。得一官。追慕滿容色。年四十器室。不復娶。不畜
妾媵。終身焉。
○楊牢。河南人。父茂卿。辟魏博府僚。趙軍
亂。殺帥田弘正。茂卿死之。牢自洛陽走常
山二千里。伏莽壘。委髮羸骸。號請喪。讐意感動。遂以尸
歸之。單縗。冬月。往來太行間。凍膚皸瘃。銜哀。雨血。行路

爲隕潞李耳以書薦於節使曰牢兒時踐操如此未聞
執事門暗而書額之竊惑之矣夫王者樹風扶教鄉人
能齧疽剗股急親之病直一時之決耳猶家表閭闔徭
之科今河北驕叛萬師不能攘而牢徒步請只精誠感
動竟還父櫬孝貫天日與夫含腐忍瘡者爲孰多乎聞
牢贖罪潞帥償其費其葬也滑帥賻之財斯執事也
他人旣先之矣即復有稱牢於上者執事能無恨於後
乎牢後舉進士有名○熊仁瞻淇州海昏縣人性至孝
仕爲宜春丞喪母卜兆縣西歸義鄉其地岡阜峻險
輦莫能致仁瞻念非舟載不可達誓掘地爲川通江流
天忽大雨水自墓旁近地出成川與江流接舟得達旣
葬廬墓側六年慈烏來巢江西觀察使上其事勅表門
○揚收字藏之同州馮翊人父徙家涪陽貧收七歲喪
父母長孫大人授之書十三善文詠幼念母奉佛不葷
肉母亦勗之曰俟爾登進士弟肉食可也稍長長六尺
二寸廣額深頤寡言笑博聞強記以仲兄假未第不赴
試假擢第一試而策調渭南尉改監察御史收不忍先
兄辭不就假自浙西入臺收乃自川入同臺爲御史裴
休相薦收深禮學用爲太常博士累翰學士中尉楊玄
价以收宗姓左右之遂得相時玄价招寵賂屢請託收

不能盡從。玄价怒以爲背已。與相保衡比而深讒之。貶
端州司馬。流驩州。尋賜死。旣宣詔。自書表言。臣頃在台
衡。不敢令弟嚴守官闕。下蒙聖造。令刺浙東。今臣罪愆
皆臣自負。乞聖慈貸嚴母。從生。嚴得宥。子涉端厚秉禮
天祐初。亦相。時大事已去。制下。涉掩泣。憂不全。然竟以
謙退令終。當唐初。元氏人李知本。事親孝。與弟知隋
稱雍睦。子孫百餘。賞用僮僕無間也。瀛州劉君良。四世
同庖。族兄弟猶同產犬業。未歲。譏甚。妻勸其分異。不聽。
潛易置庭樹鳥鵲。鳥聞且悲鳴。家人怪之。妻曰。天下亂。
禽鳥不相容。況於人耶。君良亦怪之。乃與兄弟析處。後
月餘。妻中夜忽自言。同居勞脫。非我。今安得自便如此。
問之。具吐實。君良即牽其髮起。大呼曰。今得破家賊矣。
哭以告兄弟。召復完聚。斥妻去之。天下亂。鄉人依其爲
堡。號義成堡。而盜過。知本里閭亦相戒無犯。依免患者
數百家。安邑張志寬爲里正。請縣忽稱母疾。求省假。周
故對曰。母有疾。志寬輒心痛。故知之。令以爲妄。繫之獄。
使馳駿。則母果病也。慰遣之。母終。負土成墳。高祖詔賜
帛。表閭。拜員外散騎常侍。定州支叔才以兵饒。行丐其
其母。爲賊執。以情告。獲免。母病。吮癰注藥。卒。廬墓。有白
鵲止廬旁。咸亨中。武功元讓以母病。不求仕。躬藥餌。奉

侍數十年。母終廬墓。至德間。常州人王遇及弟遐出。得兄弟爭爲死。得免。張士巖父病。思鯉膾。冬。冰合。不可得。有獾銜魚至。以供。父亡。廬墓。虎狼依焉。宋州程袁師代弟行戍洛。聞母計。日走三百里。奔器。負土築墳。有白狼黃蛇。馴墓左。武弘度者。士夔兄子也。奔父器。致哀。晨夕號。日一溢米。素芝產庭前。狸擾其旁。有詩伯會者。蕭山人。母器不御絮。負土成墳。野燒將逮。坐樹號。而雨火滅。歲旱。泉湧。靈芝生。有侯知道。程俱羅者。居親器。穿墳作冢。皆身執勞事。有助者。輒哭而卻之。廬墳次。知道七年。俱羅三年。李華作靈武二孝贊。安豐令上所部編氓李興父。被惡疾。與自刃股肉。饋獻之。父不能啖。一昔死。典號呼撫臆。口鼻流血。墳左作小廬。蒙以苫茨。伏其中。扶服。舐踊哭。無時。廬上產紫白芝。廬中醴泉湧。制表門。柳宗元作孝門銘。他諸以篤孝致物感者。復有漬池許法慎。莆人林攢。廬州萬敦儒。以復父讐。自請者。卽墨王君操。銅官周智壽。下却徐元慶。張琇。張璵。雋州都督張審素子也。審素被告者。誣賊罪。殿中侍御史楊汪往按之。總管董元禮殺告者。請汪直審素。不可。刼以兵。汪恨之。歸劾審素與元禮謀反。坐處斬。審素子璵。以年幼。流嶺南。潛迹亡。請都伺汪出手刃之。而繫章於斧。

請死、自父冤、相九齡言二子年稚、志烈、宜矜宥、相林甫
恐開復讐路、厲已也、持不可、固言國法不可縱、決殺之、
士庶傷慙、作哀誄、榜衢路、歛錢葬焉、豫州許坦、年十餘、
父入山採藥、爲虎搏、坦號叫、以杖擊虎、虎走、父得全、太
宗聞、太息、以爲致命救親、賜帛、以爲郎、豫章沈彖、少孤、
事母孝、未嘗與人爭、遇非道不報、或笑其怯、曰、爲人子
者、不敢遺憂於親、侍母渡江、遇暴風、母溺死、號呼投江
中、少選、持母臂浮出水上、都督謝叔方祭葬之、許州王
博武、侍母至廣州、及沙浦口、暴風、母溺死、博武亦自沉、
嶺南節度使盧貞、收其骸葬之、表其墓、上孝義、
○羅道琮、蒲州虞鄉人、慷慨尚節義、貞觀末、上書忤旨、
徙嶺表、有同斥者、道病荆襄間、邛天欲歟、曰、人生會有
死、乃吾獨委骨異壤、爲餒鬼耶、道琮曰、吾得還、終不使
君獨留此、已氣絕、瘞路左而去、後遇赦歸、方霖潦、水積、
大其殞處、道琮哭諸野、波中忽若湍沸者、道琮曰、若屍
在、可再沸、祝已水復沸、果得屍、負還鄉葬焉、後官太學
博士、爲名儒、○吳保安、魏州人、氣挺特、不凡、事姚州李
都督蒙、未之知也、判官郭仲翔於保安無雅故、薦之、得
爲掌書記、後仲翔沒于蠻、蠻知爲使相郭元振弟子也、
厚責贖、不聽歸、保安大痛之、若無貲、積十年、僅得縑七

百棄妻子、間關求贖之、因不得、前都督楊安居聞之、大
息曰、子棄家急朋友之患、至是乎、吾相公故吏、請貸官
貲助子矣、保安喜、請蠻贖得仲翔以歸、仲翔爲蠻奴十
五年、乃還、安居資之衣服、儲用、檄領近縣尉、後遠不相
聞、久之、仲翔母卒、旣除喪、喟然曰、吾賴吳公生、吾死以
親在、未有復也、今親歿、可以行吾志矣、乃行、求保安時
保安以彭山丞客死久矣、妻亦死、器不克歸、仲翔爲服
衰、負其骨、徒跣送之、歸葬魏州、廬墓側二年、而後去、後
爲嵐州長史、迎保安子爲婚娶、以其官讓焉、○陸南金
吳郡人、爲大常奉禮郎、少卿盧崇道亡命還東都、南金
居母喪、崇道僞稱弔客、入見之、以情告、南金哀其窮、匿
之、已爲人迹告、詔捕按、南金當重辟、弟趙壁詣獄吏、自
言匿崇道者我也、請死、南金固言弟自誣、不情、具道所
以匿狀、吏恠之、趙壁曰、母未葬、妹未嫁、必兄力乃辦、我
生無益、不如死、吏上狀、玄宗嘉其友弟、兩宥之、南金知
書史、有操行、時相張說、陸象先咸推賢之、上行義
○卹模者、晉州男子也、以麻髻髮、持竹筐、常席哭於市、
人問其故、對曰、願獻三十字、一字爲一事、若言無取、請
以席裹尸、貯筐中、棄於野、京兆以聞、賜新衣、召見、館客
省、其言團、請罷諸州團練使也、言監、請罷諸監軍、時不

能用。○唐衢者，韓退之同時人，性耿介，力學落落有大志，不妄與人交，人亦莫知其所負也。每感時憤事，托之詩，悲思激烈，詩成自讀，讀已輒大哭，涕泗滂沱，與人言既闕，發聲一號，奇韻嗚咽，聞者爲酸鼻，人皆知衢之善哭，而不知其所以哭也。白樂天憐其志，以爲與賈誼痛時事，阮籍悲路岐，異代同悲云。○吳武陵，信州人，慷慨好奇節。元和初，淮西吳少陽以賓友招之，不答也。已少陽弟元濟叛，武陵爲書陳禍福，以危言責之，不聽。會丞相度東討，而武陵故善司馬韓愈，勸愈爲度謀，取中官常所不快者爲監軍，置所善者於內，爲天子左右，出帛百萬，給士大夫，則孰不爲丞相之人者？然後分三大將，環賊屯，明斥堠，牛酒高會，潛以實期授之，而陽設師期，以給賊，賊可必破也。元濟未破，數月，武陵自礮石望東南，氣大喜曰：「西北王師所居，氣黃白，喜象也。」賊敗，氣見矣，不出六十日，賊必亡，已卒如其言。柳宗元謫永州，武陵與之善，說相度曰：「西原蠻未平，柳州與賊犬牙，且武人當之，還宗元使得優游江湖間，此丞相事也。」遣工侍郎孟簡書曰：「古稱一世三十季，子厚斥十二年矣，霆碎電射，天怒也，不能終朝，安有聖人在上，畢世而怒一人？臣者，今子厚與猿鳥爲伍，一旦蒙霧露，則柳氏無後，此

仁人所隱也。語未及行而宗元死。李愬節度唐鄧武陵。
請表李景儉王湘智以自副。其奇節類此。上獨行。
論曰。美哉乎元紫芝之冲氣內盜也。見眉宇令人勢利
之心爲盡。陽亢宗隱中條時。薰其德而善良者幾千人。
仕乃著節。則養盛之致也。乃皆不娶終其身。則比於獨
行矣。柳河東有脩齊之效。施及其子孫。崔清河家居。不
訓敕而自化。故教有本也。

司美卿和東有制者之或減及其子孫皆肅所家命不
出以故時有素益之好也以其皆不娶絲其良四出依國
云云
其宗訓中糾和素其
口大變乎示衆其之中其內益其良自守今人獲以
其宗訓中糾和素其
其宗訓中糾和素其

唐經學傳

唐興。文皇帝垂意儒學。興國子學。立太學。四門學。盡召天下。博師宿德。爲學官。增廣其生員數。臨幸國學。命祭酒。博士。講論經義。賜束帛。諸生能通一經以上者。得署吏。已諸州皆建學。而學校大興。又傷五經去聖遠。繆缺。詔諸儒顏師古。孔穎達。司馬才章等。科先儒卑句。爲注疏。其義爲疏行之。命祭酒以時發五經題。與諸生難問。而取士終沿隋制。專之於詩賦。士習風靡。其奉制所爲。經注若疏者。不復能遠迹西京深純古雅之訓。蒐演宣布。獨近祖末師承。用爲注的。學者循誦疏義。適通解而

止。無復師授承傳。攻堅扣應如異時。士材儁咸奔走進
士舉。下者乃應明經試。應試者獨以帖括能記誦義疏。
條上者輒得第。其第者稱學究。椎朴用不登於廊廟。其
善詩賦擢進士科者。又直踐臚仕。傾之而經以不振。玄
宗詔群臣及刺史縣令舉通經士。而諸儒褚無量馬懷
素等召勸講禁中。天子尊禮大官。給饌次閤門。聽以肩
輿進在別館。帝自起送迎。頗以師臣禮禮之。然適是而
止。先漢天子所以尊遇先師者。終邈不可復。於是昭明
以撰集文選。人爭訓注。枕席沉酣於其間。用爲祿利資。
時有文選爛秀才半之諺。不復反於本。雖以大儒楊綰。
江南有熟精文選聖之句。

鄭餘慶鄭覃之倫時得位議優儒學尊經義議黜進士
科浮華無用之文而習久安定終弗能有革也故有唐
經術獨遜於往代本天質道之儒無聞焉今取其質行
正言不詭於儒教者著焉 陸元朗字德明以字行善名
理受學於周弘正陳大建中徵四方名儒會講承光殿
德明始弱冠參焉國子祭酒徐克開貴倨縱辨論衆莫
能難德明獨抗對不撓舉朝賞歎隋大業中召四方經
明士會講門下省德明以秘書學士說三禮莫之能詘
也遷國子助教越王侗署司業入殿中授經王世充僭
號封子玄恕爲漢王命卽德明廬行束脩禮受學焉德

明服巴豆。僵偃東壁下。玄恕入對之。遺利噤不語。因移

病。成臯世充平。秦王辟爲文學館學士。以經授中山王

承乾。補太學博士。高祖已釋奠。召博士徐文遠講孝經。

浮屠慧乘講般若經。道士劉進喜講老子。德明隨方立

義。徧析其要。帝太息曰。三人者辨矣。然德明一言輒蔽

之。可謂曰儒。賜帛五十匹。遷國子博士。封吳縣男。卒。子

以學至大官。

張士衡瀛州樂壽人。父之慶。比齊國子助教。士衡九歲居母喪。不勝哀。博士劉執

思見之。爲泣。上奇其操。謂之慶曰。吾不親教子。吾爲君成之。授以詩禮。又從熊安生。劉焯等受經。貫綜大義。事隋爲餘杭令。而老居鄉教授。貞觀中。太子承乾慕風。迎致之。人見帝。帝以爲崇賢館學士。太子以士衡齊人也。知齊故。問高氏何以亡。上衡曰。高阿那環之凶險。駱提婆之佞。韓長鸞之虐。皆奴才。而是信是使。忠良外誅。賢

肉山離剝。器黎元。故周師臨刻。而人莫爲用。此所以亡也。問事佛。營福。其應奈何。對曰。佛教在清靜仁恕。如貪捰驕虐。雖傾財事之。無損於禍。且善惡必報。若影赴形。古聖人言之。爲君仁。爲臣忠。爲子孝。則福祿長。反是則殃。時太子以過失聞。故士衡規之。然闇不能用也。太子廢。給傳。罷還里。卒。士衡以三禮教諸生。當時顯者。永平賈公彥。公彥終太學博士。撰周禮義疏五十卷。儀禮義疏三十卷。有子曰大隱。沉正守經。不諛。從官中書舍人。垂拱中。博士周惇。請武氏廟爲七室。降唐廟爲五。大隱劾其悖大義。不可訓事。得寢。公彥傳業。趙人李玄植。玄植又受左氏春秋於王德韶。受詩於齊威。官至弘文館直學士。

孔穎達

字仲通

真州衡

水人。八歲就學。誦記日千餘言。及長。明服氏春秋傳。鄭氏尚書毛詩。戴記。王氏易。甞造同郡劉焯。焯有重名。以後進生遇之。及聞請質大畏。服稱焉。隋亂。避地虎牢。太宗興授文學館學士。貞觀初。封曲阜縣男。轉給事中。時

帝以英武有大位。穎達數納忠。帝嘗問論語稱能問不能多問寡。有若無實。若虎何謂也。穎達既疏其義。因對曰。聖人設教。欲人學於謙。非唯匹庶宜然。古帝王之德。亦然。帝王內蘊神明。外躬玄默。使深不可測。度不可知。故易稱蒙以養正。明夷以蒞衆。若據尊極之位。銜聰耀明。以才凌人。飾非拒諫。則上下不交。而滅亡隨之矣。帝稱善。久之以太子右庶子兼國子司業。與諸儒議曆。及明堂事。說多行。皇太子令穎達撰孝經章句。因文畫箴。諷。又數諫諍。帝聞。賜黃金一斤。絹百匹。後太子行不法。穎達爭不已。太子乳媼曰。太子長矣。母爲數犯顏。穎達

爭愈力。請老去卒。贈太常卿。穎達子志志。子惠元。皆以

學世官司業。時人美之。

穎達奉詔撰五經正義百餘篇。滑人王恭專三禮義。證甚精博。

而博土繁水馬嘉運。以穎達正義繁醲。數倚撫其疵。諸儒服其精。○王琳。字方慶。以字顯。其先丹陽人。徙雍。咸陽督廣州。歲有龜。脩新市。外國琛。珎官多。以自潤。方慶至。秋毫無所索。首領者。墨者。繩以法。境內肅清。方慶博學。練朝章。尤精三禮。爲禮學者。有容質。酬復淵詣。門人次爲雜禮。答問相武。后奏著令。替及大功。器未葬。不聽朝賀。服未除。宴弗與。比羣臣不遵用。顏素教誼。不可長。詔申責如章。后欲孟春講武。方慶言。禮月令。不可以稱兵。惡害盛德。逆生氣。從之。后嘗問卿有子乎。曰。有一子。今爲眉州司士參軍。后嘆其遠。對曰。廬陵陛下愛子。今遠在房州。臣敢相近乎。蓋悟之也。卒。謚曰貞。七世孫搏。相昭宗。賢事具。帝紀中。

褚無量

字弘度。

杭州鹽官人。幼孤貧。勵學。受經於沈子正。曹福。刻意墳典。家近臨平湖。湖有龍鬬里。閑爭走觀。無量方十二。讀

書自若。長老異之。尤精三禮史記。舉明經。官國子博士。遷司業。兼脩文館學士。詔定南郊儀。時祭酒祝欽明。司業郭山暉。皆希旨。請皇后爲亞獻。無量與博士唐紹。蔣欽緒等。爭以爲郊祀大事。不可以臆斷。不可以情求。必上順天心。下符人事。欽若古典。率繇舊章。然後可以交神明而膺福祐也。周禮者。周公致太平之書。先聖極繇衷之典。法天地而行政教。辨方位而叙人倫。其義可幽贊鬼神。其文可經緯邦國。折衷王事。其可忽乎。周禮多至祭天圜丘。祭莫大焉。土后內主。禮莫重焉。令合助祭。宜明著禮典。乃今無之。蓋繇祭天南郊。不以地配。主以

始祖不以祖妣配。故王后不與也。謹按王后行事具載
內宰職中。內宰凡大祭祀。后裸獻。則贊瑤爵。鄭注云。謂
祭宗廟也。注所以知者。以文云裸獻。祭天無裸。祭天之
器。惟陶匏。無瑤爵也。內司服掌君六服。無后祭天之服。
巾車職掌后五輅。無后祭天之輅。祭天七獻。無后亞獻
之文。是后祭天不與也。唯漢書郊祀志有天地合祭。皇
后預饗之事。則末代強臣擅朝黜神謠祭。不經之典。不
足爲法。易傳曰。誣神者殃。及三世。大誓曰。正稽古。立功
立事。可以永年。臣守經術。不敢循默。而時相巨源。佐欽
明。以苟悅后意。故無量議格。以母老。請停官歸侍。玄宗

爲太子召拜侍讀。撰翼善記以進。皇太子釋奠國學。講
孝經禮記。隨文納誨。博而且辨。授銀青光祿大夫。賜章
服綵絹。及卽位。遷左散騎常侍。兼國子祭酒。封舒國公。
母喪。廬墓左手植松柏。群鹿犯之。無量號哭曰。山衆草
非乏。何忍犯吾先塋樹耶。鹿以馴擾。不復抵觸。無量爲
終身不御其肉。器除復官。以耆老隨仗。聽徐行。又爲設
腰輿。聽乘入殿中。頻上書陳政得失。多見納。用手敕褒
美。開元五年。幸東都會太廟。壞無量囚天戒以獻規。語
具帝紀中。已上竟東巡。因爲上言。昔虞舜之秩山川。徧
羣神。漢孝景祠黃帝橋山。孝武祠雒九疑。高
祖過魏。祭信陵君墓。過趙。封樂毅後。願陛下所過名山
大川。古帝王賢臣。在祀典者。並致祭。自古受命之君。心

與滅繼絕崇德報功願取序庶初逮今功臣世絕者雖
在支庶咸得承統帝納其言即詔無量祠堯平陽宋璟
祠舜蒲坂蘇頲祠禹安邑他皆如無量言右補闕盧履
永言禮父在爲母服朞則天改服三年非禮意今請從
舊下其議無量是履永議較自今五服並依羣服傳文
士大夫有嘖言行之各安其意無量歎曰聖人豈不知
易恩之厚乎厭降之禮所以明尊卑辨同異自異於戎
狄也俗情庸淺不及測耳時內府舊書叢穢不治無量
請繕錄補第以廣秘籍詔無量於東都乾元殿部次之
表諸儒分部讐定又咨秘書省昭文崇文二館更相簡
讐采天下遺書以補逸闕四庫
完治進麗正殿直學士賜帛

時皇太子及四王未就

學無量以孝經論語五通爲獻帝即以頒太子諸王仍
詔於諸儒中選行誼經學著聞者充太子諸王侍讀七

年太子行齒胃禮詔無量升坐勸講百官觀禮卒

年七十五

帝爲舉哀廢朝五日謂宰相曰無量朕師今永逝宜用

優典贈禮尚書謚曰文葬事官給。

馬懷素字惟白潤州

月徒人客江都師事李善家貧無燈燭晝出樵夜然以

讀書遂博通經史舉進士又應制舉登文學優贍科補

郿尉累左臺監察御史長安中御史大夫魏元忠爲張

易之所構謫嶺表太僕崔貞慎東宮帥獨孤禘之出餞

之易之使人上變告貞慎等與元忠反武后令懷素按

鞠遣中使促迫無出囚懷素執不從后召詰之懷素對

曰元忠犯配流貞慎以親故往餞法當譴而以爲謀反

則誣昔彭越以逆誅爰布奏事尸下漢貫不坐今元忠

罪非越比餞送者豈宜以非法坐哉后爲霽威夏官侍

郎李廻秀。藉易之勢。招權賄懷。素効寵之。以默陟使行。江西處決平恕。遷考功典舉平允。權貴謁請不能撓。開元初。爲戶侍郎。封常山縣公。兼昭文館學士。老猶篤學。手不釋卷。謙恭慎畏。稱長者。玄宗詔與褚無量同侍讀。已又詔同勾較秘書。懷素奏召國子博士尹知章。杭州叅軍殷踐猷等。是正文字未就。卒。帝舉哀洛陽南城門。謚曰文。先是太宗微時。受經於崑山張後胤。帝卽位。以燕王諮議。從來朝。召見賜燕。帝從容曰。今日弟子何如。後胤曰。昔孔門三千達者。無子男之位。臣翼贊一人。王天下。計功過。宣聖百矣。帝爲莞然。刺睦州。乞骸。召見異。

其精力問曰先生耳目聰明步履矯健何謂老豈薄睦

州耶欲何官當以授後胤謝不敢已從所請授國子祭

酒未徵中致仕朝朔望年入卒贈禮尚書高宗為晉王

句容許叔牙蘭陵蕭德言以侍讀同勸講叔牙邃詩禮

德言明左春秋每開經輒被濯東帶危坐誦說或問之

德言曰誦說先聖之言敢不敬乎以秘書少監老高宗

立拜銀青光祿大夫給全祿千家叔牙官弘文館學士

經司開元末秘書少監康子原國子博士侯行果踵褚馬

侍讀雖時加資賞而禮遇寢下衰矣○尹知章絳州翼

解夢人持巨鑿破其心內劑焉驚悟忽心智開徹遂編明六經諸儒嘗講授者更比面受大義懼太常博士出

爲臣渾令棄官去與前散騎常侍解琬共杜門覃思經術訢訢焉以張說薦擢禮部員外郎轉博士每休沐講授不輟於易老尤縣解弟子貧從受學者輒給之性和厚人不見喜愠家未嘗問產業其子欲廣市樵米爲歲計知章曰如計則貧人何資且吾幸有祿忍奪民利耶門人偃師孫季良干東都國子監門立石頌德。殷踐猷字伯起陳給事中不害五世孫博學無不通與賀知章陸象先輩述善知章歎以爲五總龜謂龜千年五聚問無不知也舉文儒異等授秘書省學士終申州刺史以叔父罷哀慟嘔血卒子寅事母謹病且死以不終養爲恨寅子亮斷指剪髮置父棺誓終養祖母如父存世孝德如此。元行冲名澹以字行後魏裔孫也方正博學舉進士累通事舍人狄梁公仁傑甚重之行冲自請曰富貴家肯畜有脯腊膜胰供滋膳必有參朮薑桂防痼疾門下客充珍膳者多矣願以不肖之身備藥物仁傑笑曰吾藥籠中物何可一日無也累太常少卿開元初按察關內自以非彈治才辭入爲右散騎常侍嗣彭王子志謙坐誣告自誣株連四十人行冲具列其枉狀以見原遷大理卿侍御史李傑以誣陷下行冲鞠行冲言傑歷官清貞從下服時論韙之已固辭刑獄官求散

秩充簡較集賢、玄宗自註孝經、詔行冲爲疏立學官、時左衛率長史魏光乘、白以魏徵所撰類禮列學官、帝命行冲總諸儒集義作疏、將立之、相說言戴聖所錄已、向千載與經並行、不可刊也、魏孫炎始因舊書、摭類相比、有如鈔掇諸儒、其非之、微加整次、實本炎舊、殆未可立也、尼不立、於是行冲著論辯之曰、小戴禮行於漢末、馬融爲傳、盧植合二十九篇爲解、世不傳、鉤黨獄起、康成於窟伏之中、理紛拏之典、雖志存探究、咨謀靡所、具鄭志者、百有餘科、則戴記之遠於禮經、康成見之矣、章句之徒、曾不足省、王肅因之、或多攻詆、孫炎雖扶鄭義、條列支分、而巖石間起、增革者百篇、魏文貞病羣言之錯、釁采衆說之精深、刊正芟蕪、命曰類禮、所謂異而不害、其同者也、太宗覽而嘉賞、錄賜儲副、陛下纂業、乃制諸儒、甄分舊義、甚盛德也、章句之士、疑於知新、果於仍舊、擯壁而不由、詎不悲哉、夫改易章句、是有五難、自古患之矣、漢孔安國注古文尚書、族兄臧與書曰、相如常忿俗儒、浮詞冒義、欲撥亂反正、而未能、浮學守株、羣疑非正、獨智爲譴、自古而然、其難一也、昔孔季產專古學、而孔扶與俗浮沉、每誠季產曰、今朝廷率章句是學、君獨修右義、非章句危身之道也、獨善不容於世、君其殆哉、

其難二也。劉歆好左氏，欲建學官，哀帝納之，諸儒遷延不肯置對，歆移書誚讓，諸博士莫不恚恨。光祿龔勝至，憤慨乞骸，司空師丹大怒，至以改亂前志，非毀先帝詆之。以君賓之學，公仲之博，猶追同門朋黨之議，卒令子駿負謗於世，其難三也。王肅規鄭玄數千百條爲鄭學，馬昭驟劾肅，詔遣博士張融按經問詰，推處是非，而肅歲時疲於酬對，其難四也。君子用心，願聞其過，如日月之食，衆見之，仰而專門之徒，恕已及物，或攻先師之誤，如聞父母之名，王邵有言，魏晉浮華，右道湮替，士大夫耻爲章句，唯草野生，專經自許，不能博究，擇從其善，徒欲父康成，兄子慎，寧稱孔聖有誤，諱聞鄭服之非，其難五也。夫物極則變，比及百年，當有明哲君子起而正之，恨不與吾同世耳。以老請去官，卒年七十七，贈禮尚書，謚曰獻，是時較書郎王玄度注尚書毛詩，詆孔鄭上之，詔諸儒平議，博士以下不能詰，崔仁師條其不合大義者駁奏之，遂報罷。直弘文館王元感亦上所撰書春秋振滯，禮繩愆等凡數十百篇，詔下平議，章句家見元感詆先儒同異，數沮詰，元感申辨不詘，魏知古歎之曰：五經指南也，而徐堅、劉知幾、張思敬等咸惜其異聞，聯疏理之，於是天子下詔褒美，以爲儒宗，故遇合命也。

歸崇敬字正禮，蘇州吳郡人，治禮學，識容典，父畧以毀聞。天寶末，舉博通墳典科，爲舉首，累集賢殿較理，玄肅二帝山陵，參掌禮儀，遷主客員外郎，兼史樂修撰。國大典禮，嘗參議焉。代宗幸陝，召見問得失，崇敬極陳生人疲敝，當以儉德先天下，則國富而兵可用，以倉部郎充弔祭冊立使，使新羅，渡海而風，或請以單舸免，崇敬曰：「與其舟者數百人，俱何忍獨濟哉？」少選而風定，先是使外國者，多齎金帛，買中國所無物爲利，崇敬囊橐惟衾衣，東夷服焉。還授國子司業，兼集賢學士，視衡山未至而哥舒晃作亂，御史請望祀，崇敬正色曰：「聘禮旣受命，卽道死，猶以尸將事，尊命也。」吾得委乎？竟成禮而還，累禮尚書卒。崇敬所議郊廟配享，國學齒胄法，頗具類，牽滯名物度數，於禮不深通。子登，性溫恕，事繼母孝，官右拾遺，補闕，熊執易將疏論裴延齡，以示登，登動容曰：「願竄吾名其中。」雷震之下，君難獨處，連名上，同官後進者多竊達，登與右拾遺蔣武十餘年不調，泊如也。以東宮恩，拜給事中，憲宗召問政所先，登知帝睿而果于讜，勸順納諫，爭判國子祭酒，進工尚書，卒。子融，世家學，累戶部郎，兼御史中丞，湖南觀察使，盧周仁取羨錢億萬進京師，融劾奏：「天下一家，中外財皆陛下府庫。」周仁公遽。

詔書進小利希恩恐海內效尤因緣刻剥生人弊矣
重責遂所進代貧民租先是諸儒當官議典禮持論者
有穎川陳貞節丹陽施敬本范陽盧冰瑯琊王仲丘之
倫非必所習適職司耳會昌後儒益稀少朝有大事多
本融議
是正云
啖助字叔佐趙州人後徙關中天寶末調潤州

丹陽主簿秩滿不調遂屏居茹蔬糗爲春秋學考三家
同異失得及博采先儒注釋而考衷於聖經號集傳復
攝其綱條爲例統歷十年乃成其言曰孔子脩春秋以
爲夏尚忠忠之敝野商人承之以敬敬之敝鬼周人承
之以文文之敝僊故救僊莫如忠夫忠者文之本文者
忠之末也設教於本其末且敝設教於末敝將奈何武
王周公承商之敝不得已而用文周公沒莫知所以改

故敵甚於二代。孔子傷之曰。虞夏之道。寡怨於民。商周之道。不勝其敝。故曰。後世雖有作者。虞帝其不可及矣。蓋言唐虞之化難逮。而夏之忠。當變而致焉。故春秋以權輔用。以誠斷禮。以忠道原情。不拘空名。不尚狷介。從宜救亂。因時黜陟。古語曰。商變夏。周變商。春秋變周。而公羊子亦言樂道堯舜之道。以俟後聖。是知春秋用二帝三王之法。以夏爲本。不亶守周。又言幽厲雖衰。雅未爲風。逮平王之東。而詩亡。人習餘化。苟有善惡。當明王法以正之。故斷自平王之季。以隱公爲始。所以拯薄勉善。救周之敝。革禮之失也。又言春秋紀師無曲直之辭。

者何曰一之也。不一則禍亂之門闢矣。王者有征無戰。而諸侯專之。雖差愈。庸得善乎。故一正之以法。其差愈者其甚者。則在乎其文。此見聖人絕惡之源。原情之法也。餘若盟若會。法皆用是。其於禘郊之義。能斥先鄭之失明。諸侯之僭。謂禘爲王者之大祭。明郊非周公之意。皆足以得聖師救亂明上下之心。其餘發言侵言伐之例曰。謂無名行師。與稱罪致討之異也。發取邑之例曰。言以力得之。不與其專奪也。諸稱將稱師。紀名紀氏。亦皆度越於諸家。至謂紀侯大去其國。見聖人之道與堯舜合於夫人姜氏會齊侯于禚。見聖人立孝經之大端。

於楚人殺夏徵舒。丁亥。楚子入陳。納公孫寧。儀行父于陳。見聖人褒貶與奪。惟其當。所謂瑕瑜不相掩也。自三傳裂。而論注者。專所學以訾其所異。以擊排相陵。高以至於悖義傷教者。前世多有之。至助始極精研窮於聖人之旨。味人之所不味。而春秋之宗始著。舉以授其高第弟子。河東趙匡伯循。陸質伯冲。助卒。質與其子異。哀錄助所說春秋。以授匡纂會之。匡質所稱趙夫子者也。其後質既從啖先生。及趙夫子游。得制作之旨。合古今同異。以講授者。二十年。書而志之者。又十餘年。而其事大備。爲春秋集注十篇。微指二篇。辨疑七篇。柳宗元稱。

其道以生人爲主。以堯舜爲的。文武爲首。周公爲翼。苞羅旁薄。膠轕下上。而不出於正。其法輯讓升降。好惡喜怒。而不過其物。得孔氏遺趣也。以素善宰相韋執誼。執誼附王叔文。故質用叔文力。得召入給事中。因頗左右之。爲皇太子侍讀。爲古今君臣圖以獻。而質亦已病矣。憲宗卽位。逐叔文及其黨。而質以勸講恩得全。疾病。臨問有加禮。旣卒。門人以質能文聖人之書。而通其意。私謚曰文通先生。始質爲給事中時。與柳宗元入尚書。同日居同巷。而宗元師尊之。請傳業。質亦欲舉所學授之。會病不果。宗元後於凌準所得質所著書讀之。謂人曰。

令吾生前此數十年。則不聞是學。今適後之。不爲不遇也。其篤信如此。

匡官洋州刺史。質歷台信二州刺史。

當大曆時。唐人文日

盛。而學士覃意於經術。助匡質以春秋。施士句以詩。仲

子陵。袁翼。韋彤。韋蒞。以禮。蔡廣。成以易。強蒙以論語。皆

自名其學。而啖氏最盛。宋孫明復著尊王發微。大都本

啖先生。程純公有言。開元秘書言春秋者七百餘家。至

衆然。往往棄經任傳。雜符緯。使聖人之心。鬱而不章。獨

唐陸淳得啖先生趙夫子而師之。講求其學。始大光瑩。

出諸家之表。雖未必盡聖作之蘊。然其攘異端。開正涂。

要之。不詭於聖人。蓋其近也。惜其書粹者在集傳。而世

徵其傳今考觀其存者一二亦足知其道之所至矣其弟正公願作集傳頗原本助意云時有京兆參軍高定者相郢子也精王氏易嘗爲易圖合七出以畫八卦上圓下方合則重轉則演七轉而六十四卦六甲八節備焉著易外傳二十二卷

薛放河申寶鼎人兄戎少篤學不求聞達隱毗陵之陽羨羊

四十餘觀察使李衡辟從事使者三返乃應命衡代復自引歸山辟福建觀察使衡旣府守正不阿意幾得過去游江湖間後歷衢湖常刺史觀察折東所蒞以政績聞放端厚寡言永貞初充皇太子侍讀穆宗立未聽政放多在左右參機密穆宗曰先生宜遂相輔朕矣放頓首曰輔弼之任必高賢大良臣不足任也召對思政殿賜金紫轉工侍郎帝嘗問朕欲學經史何先放對曰經者先聖之至言仲尼所發明皆天人極致誠萬代不刊之典史記前代成敗得失亦足以鑒然得失相參是非無準固不可與經典爲比也帝曰六經尚矣然志學之

士白首不能盡通於何其要對曰論語六經之精孝經人倫之本先漢論語首列學官光武令虎賁之士皆習孝經此其要矣帝曰善轉禮尚書判院事放閨門孝睦孤孀百口雖貧咸給贍苦俸薄因召對懇求外任以節鎮無闕授廉訪使鎮江西清絮爲理人懷思焉卒帝廢朝一日時趙郡李遜幼孤與弟建寓江陵安貧苦易衣併食講習不倦遜兄造日爲營丐成其業同致休顯建遜貞方戎放道義元和已來稱令族

論曰唐無經學而有其經學則經不可廢故也必也啖趙乎本經而核傳然而未光也其韓退之乎扶教而原道然而弗躬也學深於本情復於性治規厚下李文公近之矣

函史上編卷之四十七

明盱郡鄧元錫纂

唐文學傳

唐柳柳州宗元言之曰。文之用二端。辭令褒貶。本乎著述。宜藏於簡而者也。導揚諷諭。本乎比興。宜播之謠誦者也。著述者流。蓋昉於書之謨訓。易之象繫。春秋之筆削。要在於高壯廣厚。詞正而理備。比興者流。蓋出乎虞夏之詠歌。殷周之雅頌。要在於麗則清越。言暢而意美。三者旨乖。故秉筆之士。恒偏勝獨得。而每難其兼。唐興。太宗以武功定海內。始櫛沐風雨。曾未暇於詩書。迨于

御極忠良輻輳與訐謨於王政國紀猶未遑斯及也時
平多暇爰有備屬託興篇什而詩始萌芽嘗作宮體詩
示侍臣使屬和學士虞世南進曰聖作誠工然體非雅
正猶陳隋流靡詩一傳臣恐天下或風靡於此也必也
有作當摹雅誥臣不敢屬和帝曰善因輟不復爲久之
爲詩述前代興亡以風辭依典則而世南則既卒矣帝
憮然曰昔鍾子期死伯牙爲不復鼓琴朕此詩將於何
示之乎命褚遂良卽世南几筵焚之燕群臣積翠池賦
詩常歡甚畧涯分旁狎侍中徵屬和卒聯云終藉叔孫
禮方知皇帝尊帝曰不亦善乎乃徵言未嘗不約我以

禮進士張昌齡獻翠微宮頌。悅之。以爲禰衡潘岳之流。召見。謂之曰。昔衡岳豈不誠才。顧怙才而傲。以不遂。故成才者難爾。必鑒之。繇斯而觀。君臣燕豫。維安交儆。不溺於華淫。今讀貞觀詩。雖氣韻格力。少謝漢魏。而晏晏乎有離離鳴鴈。旭日始旦之象焉。下濟之光。箴儆之詞。時登于滕誦。弘文館學士衛人謝偃奉詔撰述聖賦。又獻惟皇誠德賦。大理丞洹水張蘊古撰大寶箴。皆賜帛答焉。偃誠德賦畧言。周墳籍以遐觀。總宇宙而一窺。結繩往而莫紀。書契崇而可知。莫不慮失者常得。懷安者必危。是以戰戰慄慄。日慎一日。守約守儉。去奢去逸。外

無荒禽。內無荒色。唯賢是授。唯人斯恤。故三皇不足六。
五帝不足十也。若夫恃聖驕力。狼戾倔強。去聲忠良是棄。
諂佞斯獎。構崇臺以造天。穿深池以絕壤。厚賦重歛。積
寶藏。錮無罪如刑。有功不賞。則夏桀可二。殷辛易兩。夫
四海岌岌。九土漫漫。覆之甚易。存之實難。是以一人有
豫。萬國同歡。一人失德。兆庶俱殘。一動而八表亂。一言
而天下安。舉君過者斯忠。述主美者爲佞。苟承顏以順
旨。必蔽視而虧聽。故使曲者亂直。邪者疑正。改華服以
就胡。變雅音而入鄭。雖徃古之軌躅。亦當今之龜鏡。崔
嵬龍殿。赫奕鳳門。苞四海以稱主。冠天下而獨尊。旣兄

日而姊月亦父乾而母坤。金翠溢目。絲竹盛耳。賞罰在躬。榮辱繇已。語義皇而易匹。言堯舜之可擬。驕志自壯。侈心因起。常懼覆而懼亡。必思是而思止。勿忘潛龍之初。當懷布衣之始。在位稱寶。居器曰神。鐘鼓庭設。玉帛階陳。得必有兆。失必有因。一替一立。或周或秦。旣承前代。當思後人。唯德可久存。天道無常親。蘊古大寶箴曰。今來古往。俯察仰觀。惟辟作福。爲君實難。宅普天之下。處王公之上。任土貢其所求。具僚和其所唱。故兢懼之心。日弛。邪僻之情。轉放。豈知事起乎所忽。禍生乎無妄。聖人受命。拯溺亨屯。歸過於已。推恩於民。大明無偏照。

至公無私親。故以一人治天下。不以天下奉一人。禮以
禁其奢。樂以防其佚。左言右事。出警入蹕。四時同其慘
舒。三光同其得失。故身爲之度。而聲爲之律。勿謂無知。
居高聽卑。勿謂何害。積小成大。樂不可極。極樂生哀。欲
不可縱。縱欲成災。壯九重於內。所居不過容膝。彼昏不
知。瑤其臺而瓊其室。羅八品於前。所食不過適口。唯狂
罔念。丘其糟而池其酒。勿內荒於色。勿外荒於禽。勿貴
難得之貨。勿聽亡國之音。內荒伐情。外荒蕩心。難得之
貨。侈亡國之聲淫。勿謂我尊。而傲黷侮士。勿謂我智。而
拒諫矜已。聞之夏王。據饋頻起。亦有魏帝。牽裾不止。安

彼反側。如春陽秋露。巍巍蕩蕩。惟漢高大度。撫茲庶事。
如履薄臨深。戰戰慄慄。用周文小心。不識不知。無偏無
黨。一彼此於胸臆。忘好惡於心想。衆棄而後加刑。衆悅
而後命賞。故曰。如衡如石。不定物以數。物之懸者。輕重
自具。如水如鏡。不示物以形。物之鑒者。妍媸自生。勿渾
渾而濁。勿皎皎而清。勿汶汶而闇。勿察察而明。雖冕旒
蔽目。而視於未形。雖黯纁塞耳。而聽於無聲。縱心乎湛
然之域。遊神於至道之精。扣之者應。洪纖而効響。酌之
者隨。深淺而皆盈。四時不言而代序。萬物無爲而受成。
吾皇撥亂。戡以智力。民懼其威。未懷其德。我皇撫運。扇

以淳風。民懷其始。未保其終。爰述金鏡。窮神盡聖。苞括
治體。抑揚詞令。開羅起祝。援琴命詩。一日二日。念茲在
茲。唯人所召。自天祐之。爭臣司直。敢告前疑。皆詞典義
正。豈曰其文。及乎永徽。龍門王勃。華陰楊炯。范陽盧照
隣。義烏駱賓王。稱四傑。並秀於前。欒城蘇味道。趙州李
嶠。齊州崔融。襄陽杜審言。號四友。齊名於後。而內黃沈
佺期。汾州宋之問。實始約句準篇。研鍊精切。穩順體勢。
回忌聲病。如饋事合五米。以成文。音律比衆。響而諧樂
律。詩倡焉。雖微波未逮。而光華肇新。是謂初唐。風之始
也。神龍以還。品格漸高。頗通遠調。薛少保稷之。郊陝篇。

張曲江九齡感遇等作。雅正冲澹。諧合風人。郭代公元之

寶劒篇。張燕公說之。鄴都引調格。漸高凌俗。自振駁駁。乎盛矣。梓潼陳拾遺子昂。夙然獨立。文不按古。佇興而成。音響冲和。詞旨幽邃。庶幾哉阮生詠懷之遺焉。故能掩王盧之靡韻。抑沈宋之新聲。繼往開來。冠冕一代。評者目以爲唐詩正宗。

勃字子安

大儒文中子通孫。交趾令福峙子也。六歲解屬

文。九歲得顏師古注漢書。讀之作指瑕。以槓其失。與兄勗劇。並著才藻。父友杜易簡稱之。以爲王氏三珠樹也。未冠。應幽素舉。對策高第。授朝散郎。傷迫乎家貧。道未

成而干祿。不得如古之君子。四十強而仕。作倬彼我系
詩。數獻賦。頌闕下。沛王聞其名。召署府修撰。論次平臺
秘畧。書成。王愛重之。會諸王戲鬪。雞勃戲爲文。檄英王
雞。高宗見之。怒曰。此交構之漸也。斥出府。勃既廢。客劍
南。嘗登葛山。曠然遠望。慨然思諸葛孔明之功。賦詩以
見志。後補號州叅軍。倚才陵藉僚吏。爲衆嫉。有官奴抵
罪。置勃所。衆微得。將發之。懼事洩。輒殺以滅口。法當死。
赦除名。父福時坐遷。交趾令。勃徃省。度海墮水。悸而卒。
年二十九。勃屬文。初不精思。命磨墨數升。則酣飲。引被覆面
卧。及寤。援筆成篇。不易一字。其倬彼我系詩。最雅正。詩

悼彼我系出自有周分疆錫社派別枝流居衛仕宋匡
羸相劉乃武乃文或公或侯晉曆崩圻衣冠擾弊辱日
太原播徂江澨禮賢隱時屯道閉王室如燬生人多
磴伊我有羈思逢其主自東旋西釋木開宇田彼河曲
家乎汾浦天未厭亂吾將誰輔伊我祖德思濟九埏不
常厥所于茲五遷欲及時也夫豈願焉其位雖屈其言
則傳爰述帝制大蒐王道曰天曰人是祖是考禮樂咸
若詩書具草貽厥孫謀永爲家寶伊余小子信慙明哲
彼綱有條此車有轍思屏人事克終前烈于嗟代網卒
全來綫來綫伊何謂余曰仕我瞻先達四十方起夫豈
不懷高山仰止願言毓德啜菽飲水有鳥反哺其聲嗷
嗷言念舊德憂心忉忉今我不養歲月其滔俛俛從役
豈敢告勞從役伊何薄求卑位告勞伊何參卿事名存
實喪負信愆義靜言遐思中心是愧文中子
作書百二十篇其有錄無書者十篇勃補完缺逸定著
二十五篇嘗讀易夜夢若有告者曰易有太極勉思之
寤作大易發揮謂王者乘五德之運以王自皇帝至漢

五運適周復歸于唐。唐應繼周漢。不可承周隋。後魏晉以降。非真主。正統五行之沴氣也。作唐千歲曆。其後李嗣真。崔昌。閻伯璵。祖述之。於是玄宗詔以唐承漢尊周。漢爲二王後。以商爲三恪。本勃所測悟云。

炯應神童舉。昇較書郎。爲崇文館學士。遷詹事司直。則天初。坐從祖弟神讓逆。左轉梓州司法參軍。遷盈川令。張說贈行。以箴戒其苛。炯至官。以苛敗。卒。中宗復辟。以舊寮贈著作郎。時海內言文。稱王楊盧駱。炯聞之。謂人曰。吾愧在盧前。耻居王後。張燕公說評之曰。盈川文思如懸河注水。酌之不竭。既優於盧。亦不減王。耻居王後。信然。愧在盧前。謙也。其渾天賦。雖辭謝高古。而言天則甚辯矣。

照鄰字昇之。以夙慧爲鄧王府典籤。王愛之。以爲吾相如也。調新都尉。病去官。居太白山。得方士所遺玄明膏服之。而病會父器號嘔血。丹輒出。病益甚。足攣癢。一手又廢。客龍門山。布衣藜羹。裴瑾之。帑方質。范履冰等時

時供衣藥資之已。又去之具茨山下。買園數十畝。疏塹。水周其廬。又豫爲墓。偃卧其中。自以當高宗時尚吏已獨儒。武后尚法。已獨黃老。后封嵩山。聘賢士。已又以病廢。著五悲文。以自傷。久之病不可堪。能與親屬別。赴潁水自沉。武后時。賓王數上書言事。不報。除臨海丞。軟鞅不得志。棄官去。從徐敬業起兵。爲傳檄天下。斥武后罪。后得之。矍然曰。此誰筆。或曰。駱賓王也。后太息曰。宰相之過也。人如此才。而不用。能無望乎。敬業敗。賓王亡命去。衆謂已死。久之有顯者題靈隱寺壁。得樓觀滄海日之句。對未屬。沉思有頃。一僧曰。何不云門對浙江潮耶。顯者驚異之。詰所歷。無知者。已忽遁去。迹之不可得。則賓王也。後莫知所終。勅四傑並名。時流推挹。更侍郎李敬玄尤重之。引示天官裴行儉。行儉曰。士之致遠。當先器識。而後文藝。勃等雖有文筆。而浮躁淺露。豈饗爵祿之器耶。楊子稍沉靜。應得令長。餘得令終。爲幸。見勃兄勳。與蘇味道曰。皆銓衡才也。後勳味道皆至天官侍郎。而四子不遂。皆如行儉之言。杜審言字必簡。晉征南將軍預遠裔也。擢進士。性才傲世。蘇味道爲天官侍郎。集選人試判。審言就試。出謂人曰。味道必死。人驚問故。答曰。彼見吾判。羞死耳。又嘗語

人曰吾文章當得屈宋作衙官吾筆當得王羲之北面其矜誕類此累洛陽丞坐事貶吉州司戶叅軍司馬周季重司戶若訥據其罪繫獄將殺之季重等方宴酒酣審言子并年十三懷刀傳其腹季重中傷死且死曰吾不知審言有孝子若訥誤我并亦爲左右所殺審言坐免官士友哀并孝烈賦哀誄悼焉神龍初審言坐與張易之兄弟通流嶺外尋召修文館直學士卒方病時宋之問武平一等來問答曰甚爲造化小兒相若然吾在世久歷公等今且死大慰崔融先卒審言爲服總乃之問以頌附二張得幸坐遷隴以告駙馬都尉王同皎殺武三思得鴻臚主簿睿宗立以獐險盈惡流欽州賜死佗期歷中書舍人與之問始造七言律而佗期尤長其古意興慶宮宴應制氣格雄渾意象旁薄其與之問同度嶺言別情致痛快即唐人不逮也其爲律始猶漢祖蘇武李陵爲古言古始也時人爲之語曰蘇李居前沈宋比肩

陳子昂

字伯玉

梓州射洪人家故豪少未知學尚氣決七

博他日入鄉較始感悔稍修飾就學文明初舉進士時

高宗崩東都將西葬長安而關中無年於是子昂上書
言臣聞秦據咸陽漢都長安以山河爲固而天下服者
以北假胡宛之利南資巴蜀之饒轉關中之粟收山西
之寶然後能以其長驅大策橫制宇宙也今則不然燕
代迫匈奴之憂巴隴嬰吐蕃之患西蜀疲老千里而羸
糧郡國丁男千里而乘障秦之首尾已不完矣所餘獨
三輔間耳頃遭荐饑薄河而右赤地千里循嶺而北轉
徙源離此朝廷所備知也賴天悔禍去歲稍稔而流亡
未反田野尚蕪白骨縱橫阡陌無主至於蓄積可爲寒
心陛下不虞其難貴承先意長驅大駕按節西京千乘

萬騎於何仰給。山陵穿復。必資徒役。率癯弊之衆。督老
扶稚。鑿山輦石。驅以就功。春作無時。何望有秋。彫昨遺
燠。再罹艱苦。不堪其困。逸爲盜賊。豈不可深慮也哉。且
天子以四海爲家。舜葬蒼梧。禹葬會稽。豈愛夷裔而鄙
中國耶。示一統之無外也。况漚洛之中。天地交會。景山
崇秀。北對嵩邨。右眄汝海。祝融大昊之故墟在焉。園陵
之美。何以加此。且太原詹鉅萬之倉。洛口儲天下之粟。
乃捨而不顧。儻鼠竊狗盜。西入陝郊。東犯虎牢。取敖倉
一杯粟。陛下當何以遏之。故曰。先謀後事者逸。先事後
謀者失。國之利器。不可以是人願。陛下垂念武后奇其

才召見之。占對慷慨。擢麟臺正字。垂拱初。有詔問群臣。調元氣。當以何道。子昂上書曰。臣聞之師曰。元氣者。天地之始。萬物之祖。王政之大端也。天地莫大於陰陽。萬物莫靈於人。故王政莫先於安人。人安則陰陽和。陰陽和則天地平。天地平而元氣調矣。先王以人之通於天也。於是順天德。以養成群生。使人樂其業。甘其食。美其服。而終其天年。然後天瑞降。地符升。風雨時。而草木茂。遂故陶唐有虞。不敢荒寧。其書曰。百姓昭明。協和萬邦。黎民於變時雍。和之得也。夏商之衰。桀紂昏暴。陰陽乖行。天地震怒。山川鬼神發妖見變。疾疫大興。終以滅亡。

不和之失也。迫周文武創業。誠信忠厚。加于百姓。故成
康刑措四十餘年。而天人交和。及幽厲亂常。苛慝暴虐。
詬黷天地。山冢萃崩。人用愁怨。其詩曰。昊天不惠。降此
大戾。不先不後。爲虐爲瘡。顧不哀哉。近隋煬帝恃四海
之富。鑿渠決河。自伊徂洛。屬之楊州。疲生民之力。洩天
地之藏。中國之難大起。故身死人手。宗廟爲墟。逆元氣
之理也。臣觀禍亂之動。天人之際。先師之說。昭然著明。
陛下含天地之大德。兼日月之至明。眇然遠思。欲求太
和。此伏羲所以爲三皇首也。臣聞明堂有天地之制。陰
陽之統。二十四氣。八風。十二月。四時。五行。二十八宿。莫

不率備。願陛下爲唐恢萬世之榮。相國南郊建明堂。與更始聽天下之政。躬籍田親蠶。以勸農桑。養二老五更。以教孝悌。明訟恤獄。以息淫刑。脩文德。以止干戈。察孝廉。以除貪吏。謂不數期。且見太平。夫太學者。政教之地也。君臣上下之所取則也。俎豆揖遜之所繇興也。願引胄子使歸之太學。以隆治本。后召見。賜筆札中書省。令條上利害。子昂對三事。其一言臣伏願陛下所爲九道。出使者。巡行天下。申黜陟。求人瘼。欲使萬方百姓。知天子夙夜之勤也。百辟群臣。知天子將考績而任之也。奸佞不逞。知將屏逐而驅除之也。則莫如擇人。仁可以恤。

孤明可以振滯。剛不避彊禦。智足以照奸者。然後以爲使。而御前殿。以使者之禮。禮之。申敕以所爲命。使者之意。令自京師。以及郡縣。登拔才良。訪求民瘼。以宣布上意。則輜軒未動。而天下翹然待之矣。今有遣使之名。無任人之實。使愈出。天下愈弊。徒令百姓治道路。途往迎來。爲費無量。臣見其損。而不見其益也。昔堯舜不下席。而化天下。陛下知難得人。則不如少出使。出使煩數。而無益於化。是烹小鮮而數撓之耳。其二言陛下宣下恩澤。詔書德盛意美。然必待刺史縣令。謹布而奉行之。誠得其人。則主恩宣流。恩澤被於下。不得其人。則如委棄。

有司。掛諸牆壁已耳。百姓何自而與被之。是知刺史縣令者。政教之首。帝王之所甚重也。今吏部調縣令。如補一尉。但計資考。不求賢良。有如不次用人。則天下囂然。而謗之。故庸人循資。皆任縣令。此教化之所以凌遲也。其三言天下有危機。靜之則福。動之則禍者。百姓是也。百姓安則樂生。不安則輕生。百姓輕生。則易爲亂。而天下不危。未之有也。今軍旅之興。自劔南。盡河隴。山東河北之地。死亡流離。既畧盡矣。尚賴陛下憫其失職。征伐調發。一切停罷。使父子兄弟。終得相保。所謂能靜其機也。臣所竊恐者。將相貪夷狄之利。以廣地。強武說陛下。

而動其機。機動而禍構矣。宜脩文德。去刑罰。勸農桑。以
息疲民。及告密羅織之獄。用子昂上疏曰。自徐敬業首
亂。昭禍陛下。聽執事者之過計。欲息姦源。大開詔獄。諸
迹涉嫌疑者。得傳相逮引。窮捕而深竟之。其姦人熒惑。
乘險誣詆。糾告疑似。圖爵賞者。陛下又屈法而容之。遂
使姦惡之黨。快意相讐。天下喁喁。罔知所措。此土崩之
勢也。有隋之季。天下猶平。人心未變。故楊玄感之亂。不
踰月而敗。是其初固未始好亂也。煬帝不悟。加之以屠
戮。窮極黨與。殺人如麻。流血成澤。而天下始靡然思亂。
雄俊並起。而隋族亡矣。前事之不忘。後事之師。惟陛下

垂念。后不聽。時吐蕃九族叛。詔發金山道十姓兵討之。戰有功。請朝。后以其嘗擅破回紇。終不許。子昂止跡曰。國家所爲能制九姓者。繇十姓强大。臣服中國。故勢微弱。委命於下吏也。今九姓叛亡。北蕃喪亂。回紇殘破。積北諸國。已非國有。欲掎角亡叛。惟金山諸蕃。其爲形勢。今阻其善意。請朝不許。則十姓內無國家親信之恩。外懷突厥報讐之懼。鳥駭狼散。臣竊恐河西諸蕃。自此拒命也。不聽。而吐蕃果終。后世爲邊患。后欲發梁鳳巴蛋卒。自雅州開山通道。擊生羌。子昂上書曰。臣聞亂之所生。必繇於怨。雅州羌自國初來。未嘗一日爲盜。今一旦

致誅其怨必甚。怨甚必且蜂駭逃亡。阻山爲盜。則蜀之
邊邑不得不宿兵連屯。兵久不解。禍亂構矣。此後漢末
西京罷敗之所繇也。吐蕃桀黠多姦。自抗天誅。二十有
餘載矣。大戰大勝。小戰小勝。未嘗敗北。國家以薛仁貴
郭待封。虓武之將。屠十一萬衆於大非之川。一甲不還。
以李敬玄劉審禮。廊廟之器。辱十八萬乘於青海之澤。
而關隴爲空。今乃欲以李處一爲將。驅顓頊之兵。而遠
襲吐蕃。必無幸矣。吐蕃貪蜀之富。欲盜土之日久。然勢
不能舉者。以山川阻絕。障隘不通。頗餓狼之喙。而不得
肆也。今乃闢邊疆。開隘道。夷阻險。使得收奔亡之種。爲

鄉導而窺邊。是爲賊除道。舉全蜀以遺之也。蜀爲西南一都會。爲國家寶庫。天下珍貨畢出其中。人富粟多。順江而下。可以兼濟中國。今乃圖僥倖之利。以委西羌。殺無辜之衆。以傷仁恩。險開則便寇人役。則傷財。臣恐未見羌戎姦盜已主其中矣。如今國家遂能破滅其國。奴虜其人。使其君長。係首北關而後可。不然。山東饑弊。關隴蕭條。誠聖人思寧靜。和天人之時。而謀動甲兵。顧不殆哉。事得寢。后以子昂論議。泥古不合變。而終愛其才。復召見。令論爲政之要。適時宜。若時不便者。毋援上古。角空言。子昂終以其意對。奏八科。一曰措刑。二曰官人。

三曰知贖。四曰去疑。五曰招諫。六曰勸賞。七曰息兵。八曰安宗。大畧言大人勅制天下。必有凶亂悖逆之人。爲我驅除。以明天誅。及凶叛已滅。則順人情。赦過宥罪。與之更始。蓋刑以禁亂。亂靖而刑息。固其理也。今承平日久。百度已備。人思樂生。而刑急網密。俾人有慘毒之痛。此者人赦。澡蕩群罪。天下蒙慶。咸得自新。而詔獄復數用。獄吏不識天意。鈎捕支黨。株蔓推窮。以抵慘刻。誠宜廣愷悌之道。敕法慎罰。省白誣寃。此太平安人之務也。夫尚德行者。無凶險。務公正者。無邪朋。廉者憎貪。信者嫉僞。猶鸞隼之不接翼。薰蕕之不共器也。何者。以德益。

凶勢不入。以正攻邪。勢不利。以廉勸貪。執不售。以信賢。偽勢不和。智者尚謀。愚者所不聽。勇者徇死。怯者所不從。此趨向之反也。今天下未嘗無賢人。賢人未嘗不思效用也。顧無其類。以致之。則不能以自進。陛下又以嘗信任者之不效。而疑於信賢。竊伏以爲過矣。昔人有以噎而得病者。欲絕粒而不食。不知食絕而身殞。賢人之於國。猶食之在人也。人不可以一噎而止餐。國不可以謬一賢而遠士。陛下誠知左右有灼然賢行者。賜之尊爵厚祿。任而能信。信而能終。則賢才以類相舉。而天下之理得矣。臣聞勞臣不賞。不可以勸功。死士不賞。不可

以勸勇。今或勤勞死難。名爵不及。偷榮尸祿。寵秩妄加。此非所以表庸勵行也。臣聞人情不能自明則疑。疑則懼。懼則罪生。今虺賊干紀。自取屠滅。罪止魁逆。比多緣坐。揆之人情。宗室子弟。能無自疑。願陛下重慰曉之。賜愷悌之德。使人得自安。后雖數召見問政事。子昂辭婉意切。歸於復古措刑。故奏聞輒罷。已擢右拾遺。會遣武攸宜爲大總管。制免天下罪人。及募諸色奴以充軍。擊契丹。子昂諫曰。此一時捷急之計。非大子之兵也。今天下忠臣義士。萬分未用其一。契丹小孽。何至免罪贖奴。備驅使。傷國大體乎。時攸宜方貴寵。表子昂爲叅謀。以

重軍數陳計不用。子昂多病。居職恒鬱鬱不樂。聖曆初。以父老表解官歸養。父哭。廬墓側致哀。子昂倜儻有高才。好交游。樂施予。篤於朋友。與王無競。房融。盧藏用。最厚善。射洪令段簡貪暴。聞其富。害之。誣以罪。逮送獄。灰獄中。唐興。文章承陳隋風。競組麗。淫於流靡。至子昂實始。仰窺玄化。俯測侖冥。下洞世罟。遠尋阮生詠懷之什。作感興詩三十六首。蟬蛻哇淫。神遊八極。存之隱約。味之玄澹。詞旨幽邃。音節高壯。非復當世詞人所可及。如丹砂空青。金膏水碧。雖近乏世用。而實物外難得。自然之奇珍也。王適見之曰。是必爲海內文宗。後杜子美甫。

商山一系
過故宅詩云。位下冒足傷。所貴在聖賢。有才繼騷雅。哲
匠不比肩。公生楊馬後。名與日月懸。韓退之愈亦以爲
國朝盛文章。子昂始高蹈。柳宗元稱其著作。比興兼有
其長。唐興以來一人而已。

明皇帝旣夷內難。海宇清晏。臻於砥平。得垂意於篇什。
過晉陽宮。獵義成。幸鳳湯泉。發太行山。渡蒲津。出潼關。
諸觀游有詩。過大哥山宅。暇日及兄弟遊興慶宮。時展
親有詩。左丞相說。右丞相璟。太子少傅乾曜。同日上官
宴都堂。兩相群官。宴麗正殿。宴樂遊園。優俊賢有詩。燕
公說巡朔方。太守邕任滑臺。崔日知往潞。有送詩。送十

道採訪使。及朝集使。賜諸州刺史。題坐右。重生民之寄。各有詩。賀知章歸四明。有祖餞詩。而宋廣平姚令公。燕許諸公。各颺言。遂歌相倡和。有奉奉萋萋。雖雖嗜嗜之象焉。而曲江始興公。特深比興。柔澹者思。冲雅其音。將順匡救。颺颺乎其有餘思。當此之時。君奉丕構。曰冀難安可忘。臣扈清蹕。曰三后既在天。君申翕和。曰荆枝棣萼。臣贊上德。曰敦族友兄。君曰三傑二臣。臣曰江河象緯。君曰端拱垂裳。長懷御遠。臣曰共憑神武。遠靜鬼方。君欲藜庶繁殖。曰勞近臣。臣推弘覆黎元。曰合天德。送賀監曰。豈不惜賢達。其如高尚心。藹藹乎白駒空谷之

慕也。送開府曰。妙旌循吏德。持悅庶氓心。翼翼乎鴻鴈
劬勞之思也。可謂異日需雲。交融旁洽。大風小雅。一字
千金者矣。以能金鑪作而八音咸宣。王燭調而萬品竝
曜。作者雲合。絕後軼前。而開元天寶之間。氣格聲律。至
祥大備。李供奉白。天才神逸。超絕人群。以氣爲興。以神
爲馬。以高遠自然爲極。而窈冥惝怳。縱橫變化。可以通
造化而泣鬼神。杜拾遺甫。宏力厚蓄。兼總條貫。雄高深
渾。變化排闥。高者巍峩。濶者旁薄。深者不測。奇者詰曲。
抑之沈實。揚之妍華。有聲有色。有香有味。極古人之體
勢。而兼昔人之所獨專。他如孟襄陽之深雅。賦何必多。

王右丞之精渺。玄而有詣。儲光羲之直率。王少伯之秀
俊。高逵夫之氣骨。岑嘉州之奇逸。李頎之冲秀。常建之
超邁。各以其所長鳴。雖十九首之溫柔敦厚。建安黃初
之典深爾雅。未之逮也。而樂府七言。至是而始暢。近體
律絕。推是爲正宗。法度森嚴。神情俱際。時乎人乎。唯是
爲獨兼矣。而唐詩之盛盛於此。

李白。

字太白。

蜀郡廣漢人。爲唐宗遠屬。母夢長庚星墮。吞

之而生白。因以名。十歲通詩書。少長爲蘇許公類所知。
以爲才比相如。喜縱橫擊劍。爲任俠。初隱岷山。已出居
襄漢。南遊江淮。至楚觀雲夢。雲夢許氏以女妻焉。留居

者三歲。又去之齊之魯。卜居徂徠山。與孔巢父。韓準。裴政。張叔明。陶沔。爲沈飲。號竹溪六逸。天寶初。至長安。往見賀知章。知章見其文。歎曰。子天上謫仙人也。言於玄宗。召見金鑾殿。論當世事。奏賦頌一篇。帝大歎賞。賜食。至親爲調羹。詔供奉翰林。白豪酒。日與飲。徒縱酒。長安市。帝坐沉香亭。楊妃從。飲酒樂甚。欲得白爲樂府。召入。而白乃大醉。不知人。左右以水潑其面。稍醒。乃問知上旨。作宮中行樂詞。援筆成文。婉麗精切。無留思。帝大喜。自按聲爲弄笛。吹之時。高力士最貴重。白侍宴醉。願指力士使脫靴。力士耻之。擿詩中婉諷語。用激楊妃。怒。妃

慙悲譖之。

詩云只愁歌舞散化作彩雲飛宮中誰第一飛燕在昭陽

白自知不爲親

倖所容恐久且得罪。懇求還山。賜金放還。白益驚自適。

嘗歎曰。干鈞之弩。一發不中。則當摧撞折牙。以求息機。

安能效碌碌者。蘇而復上哉。因肆所意欲。輒往不顧反。

北抵趙魏燕晉。西抵邠岐。歷商於。至洛游梁。最久。復之。

齊魯南浮淮泗。再入吳。轉徙金陵。上秋浦潯陽。欲以耗。

壯心。而遣餘年。會安祿山反。上皇命永王璘出鎮江淮。

白時卧廬山。迫致之作。永王東征歌。拳拳興復。而璘據。

東南爲亂。白亡之。彭澤璘敗。有司糾白汚璘官。坐繫潯。

陽。宣撫大使崔渙。御史中丞宋若思。驗治以爲罪薄。宜。

貫釋之辟爲參謀尋辭去。或曰非也。白游并州時。汾陽

王子儀爲并較。犯法當死。白營救而免。至是子儀請解

官贖白罪。詔長流夜郎。於是白遂泛洞庭上三峽。至巫

山下。憩岳陽江夏。久之復如潯陽。其行游興所欲至。則

一日千里。一遇勝景。或終年不移。蓋其趣也。早發白帝

朝辭白帝彩雲間。千里江陵一日還。兩岸猿聲啼不住。

輕舟已過萬重山。又云。峨眉山月半輪秋。影入平羌江

水流。夜發三溪向三峽。思君不見下渝州。其山中間答

賦云。問余何事。獲碧山笑而不答。心自閒。桃花流水杳

然去。別有天地非人間。性者酒志意弘遠。才識逸絕。飄然有超世

獨立之心。其爲詩。往往與會屬詞。肆其天妙。格高旨遠。而從容於法度之中。白常言。才全者無虧。成志全者無

得失進與退。於道德何有。晚好黃老。度牛渚磯。至姑熟。說謝朓青山欲葬焉。卒葬東麓。元和末。宣歙觀察使范傳正表其墓。訪後裔。惟二女孫嫁爲民間妻。進止有風範。因泣曰。先祖志在青山。比葬東麓。非志也。傳正惻然。爲改葬青山立碑焉。欲爲二女更擇配士族。皆辭曰。孤窮失身。命也。不願更嫁。傳正嘉歎。爲復其家。繇云。白自言齊梁以來。艷薄斯極。沈休文又尚以聲律將復古道。非我而誰。賦古詩三十二首。首篇云。大雅久不作。吾衰竟誰陳。廢興雖萬變。章亦已淪。我志在刪述。垂輝映千春。希聖如有立。絕筆於獲麟。其志遠如此。開元中。白

既以楊妃譖去國。意快快作雪讒詩。天寶中。北討奚契
丹。勤於兵。作戰城南。天寶末。君子失位。小人用事。致器
亂。天子幸蜀。舒憤懣。作遠別離。蜀道難。枯魚過河泣。等
篇。因肆俊偉參差屈曲。幽人鬼語。使人一倡三嘆。而有
遺音。而枚淚謳吟。又足以繫夫三綱五典之重。識者稱
其深得國風諷刺之旨。其七言絕。如畫中神品。氣韻生
動。官然入微。獨高於盛唐諸公。其五言律。清新俊逸。如
無法度。而從容於法度之中。白嘗言興寄深微。五言不
如四言。七言又其靡也。况使束於聲調。俳優哉。俳優哉。
遂謝不復爲。獨於黃鶴樓。見崔顥所賦。閣筆去。涵泳其

氣格。於鳳凰臺。鸚鵡洲。戲摹爲二律云。

杜甫

字子美

京兆杜陵人。修文館學士。審言孫也。七齡能

詩。詠鳳凰有壯思。九齡能文。甫成童。出遊河南。崔鄭州
尚。魏豫州啓。歎異之以爲似班揚。未易才也。家貧不自
振。下姑蘇。渡會稽。放蕩齊趙間。望嶽登堯城樓。從李白
及高適遊。甚歡。酒酣登汴吹臺。慷慨嘆古。時人莫測也。
北海太守李邕。負才無所下。見其詩。折行輩造焉。舉進
士。連不第。困游長安中。作今年已四十矣。天子朝獻太
清宮。饗郊廟。作三賦上之。帝竒焉。命待制集賢院。宰相
召試。相林甫忌。忤不理也。調河西尉。甫高簡。厭治簿書。

奔走。不屑就改。右衛率府胄曹參軍。上賦頌。高自稱道。不報。時天寶政失。甫觸時憤事。知必且釀禍。畜亂不止也。以無位。不得諫。中邑邑。不能自己。輒依古風刺之義。言之無罪。聞者足誠。攄之詩以風。及亂既昌。逆臣恣睢。荼毒生民。蟠蠖宗廟。而王師數器敗不振。施于乾元大曆。王綱解弛。而亂離斯瘼也。又憤憤不自聊。依春秋之義。以誅亂討賊。爲詩志焉。至其追往盛悼。今衰。又上悲天命。下哀民窮。感時憂君。疾痛慘怛。流涕悲哀。而不能自己。亦托之詩。以爲傷。故杜稱詩史。以史道存焉爾也。始天子寵楊妃。任其弟國忠爲相。呼其姊秦虢夫人爲

嬖權寵赫奕窮欲縱病人也。作麗人行。天子慕遠畧。開邊而人疲於兵。作兵車行。安祿山反。天子入蜀。甫陷長安中。皇子孫流離道路。而王師敗績。作哀王孫。作悲陳陶。悲青坂。作哀江頭。脫身走三川。自鄜州羸服奔鳳翔。謁肅宗行在。天子嘉其自賊中來。忠苦辛也。勞慰之。即授右拾遺。作喜達行在。所無何。宰相房琯師敗績。又爲客董廷蘭所連染。以罷相。甫前與琯爲布衣交。䟽理之。帝怒。以甫爲大臣遊說。詔三司雜問。相張鎰知甫爲營救。帝意解。復官。甫前謝且言。琯自少樹立爲名儒。時望咸屬。以公輔。陛下委用。天下皆以爲宜。稱觀其憂主。深

念義形於色。要當有以濟時。獨性簡曠。酷嗜琴。廷蘭貧疾。託門下。依倚爲姦利。瑄以愛惜。受玷污。臣傷其功名未就。志氣挫衄。冀陛下棄細錄大。故冒死有言。陛下幸赦臣死。開言者路。此天下之幸。非臣獨蒙也。然帝自是不復省錄之矣。時所在寇盜攘奪。南家寓酈。延彌年間不通。乞假往視。作羌村。作北征。是歲收京師。而回紇以助師爲民殃。作喜聞官軍已臨賊境。作收京。作留花門。扈駕還京師。在諫省。念許身契稷。比南金。而時多故。遲回違所心也。作晚出左掖。作題省中壁。作暮宿左省。傷鄭十八虔。王中允維陷賊中。而法吏不憐才原心。獲嚴

譴也有贈篇。無何坐法出爲華州司功叅軍。始甫自賊
中間關歸。得美官。方欲自展效。乃竟出奔走爲小吏。抑
鬱不得意。作至日遣懷呈兩省舊閣老故人。中興諸將
叔山東。不搗巢。乘虛過空同。清燕朔也。上皇在蜀。天子
卽位靈武。上皇還京師。而鷄鳴問寢當豫也。平兩京。將
士皆侯王。上無可賞之官。且尾大不掉。成藩鎮也。若諸
閔農休兵。汲汲乎有長世子民之慮焉。作洗兵馬行。天
下大亂。兩京賊充斥。民疲於兵。作新安吏。石壕吏。作新
婚垂老無家別。作前後出塞。已棄官。客秦州。出鐵堂峽。
入寓居同谷縣。負薪采橡栗自給。作秦州雜詩。作七歌。

已入蜀客劍南入成都府作散愁作恨別成都尹裴冕
爲結廬浣花溪居之作卜居作堂成作狂夫召補京兆
功曹參軍甫留蜀不至會嚴武節度劍南東西川以世
舊又同官兩省禮敬焉時親詣其廬及武入朝蜀亂甫
去成都客游梓閬中當是時范陽負固甫傷燕者舊會
不能反正自歸也作漁陽廣德初吐蕃寇奉天太子幸
陝汾陽王復京師作遺憂作收京作有感作送班司馬
入京作傷春釋悶作憶昔嚴武再帥劍南甫復歸成都
作草堂作四松作桃樹已武表爲簡較工部員外郎參
軍事幾復引用而甫直率多傲睨又怙舊故時時以直

諫與武忤。而幕中諸年少。忌前背毀之也。復內不自驕。
作遣悶。作宿府。作去矣行。作赤霄行。作莫相疑行。當是
時。甫客游蜀。依帥幕。爲微官。困矣。有遺之襦段。中繡掉
尾鯨。水族羅之。以爲煌煌珠宮物。非所當也。畱之懼不
祥。施之混柴荆。謝不受。帥武卒。作哭嚴僕射歸櫬。作茅
屋。爲秋風所破歌。客居雲安。感置身逢時之難。作三韻
三篇。感河北三鎮擁兵不朝。列藩不憂國。舉軍須自供。
吐蕃回紇。時寇京城不靖也。作諸將。作近聞。作遣憤。作
杜鵑。傷時禍亂未息。興起司空王思禮。司徒李光弼。鄭
公嚴武。汝陽郡王璣。秘書監李邕。少監蘇源明。台州司

戶鄭處終于張相國歎舊懷醫前後存沒不詮次作八
哀移居夔州郭上白帝城感先主武侯能以蜀自奮成
開濟功也作謁先主武侯廟作蜀相作八陣圖作古柏
行感開元天寶間政化如水皇威若神今禍亂沓至也
作宿昔作洛陽作提封作能畫作歷歷作秋興八首遷
居赤甲無聊賴自憤作晝夢已又遷瀼西無寧止困甚
會弟觀自中都到夔許迎妻子來家江陵同居作喜寄
觀三首因飄然有南下泛虛無對瀟湘之思作暮春三
月巫峽卽事聞觀至江陵將去巫峽下江陵瀼西有果
園四十畝棄贈人遂汎舟瞿塘赴焉作江漢作析檻行

移居公安。憇數月去之。作曉發公安作歲晏行。已卜居
不遂。觀聲息不復聞。自是往來湘潭間。登岳陽樓。汎洞
庭青湖。望衡嶽。皆有詩。時客游無主。寄家舟中。常以舟
行游。無侶。飄如也。作舟中伏枕。舟中雪。舟中小寒食。燕
子來舟中。已留滯。未陽郭游。嶽祠會大水。涉旬不得食。
縣令爲具舟迎之。饋牛炙白酒。大醉。一夕卒。年五十九蓋甫
志意豪隘。人世自廣。於素位不願於土。皆安之。學未有
聞。故終困以死也。而其詩以終困而大昌。旣沒而大行。
與李白並稱。曰李杜。昌黎韓愈推尊之曰。李杜文章在。
光焰萬丈長。卒後四十年。孫嗣業始克舉其喪葬焉。學

士元稹志其墓曰。余讀詩至杜子美。而知古人之才有
所總萃焉。世之好古者。遠近務華者。去實。効齊梁。則不
逮於魏晉。工樂府。則力屈於五言。律切則骨格不存。間
暇則纖穠莫備。其惟子美。上薄風雅。下該沈宋。言奪蘇
李。氣吞曹劉。掩顏謝之孤高。雜徐庾之流麗。盡得古人
之體勢。而兼昔人之所獨專。使仲尼考輟其旨要。尚不
知貴其多哉。否乎。苟以爲能。所不能。無可不可。則詩人
以來。未有如子美者。說者至以爲六經後。便有司馬遷。
三百五篇後。便有杜子美云。

王維。字摩詰。

太原祁人也。徙家蒲州。九歲知屬辭。性孝友。

母喪毀幾絕。開元九年擢進士第一。工草隸。善書。妙解音律。天寶間。爲給事中。寧薛諸王待以師友。玄宗西狩。維爲賊所得。以藥自下利。陽瘖。欲自免。祿山素聞其名。令迎置東都。僞署給事中。維常稱病不朝。請居普施寺。祿山宴凝碧池。維聞之。悲涕爲詩。有萬戶傷心生野烟。百官何日再朝天之句。賊平。以受僞官下獄。時弟縉有盛名。通顯。請解官贖兄罪。會有得凝碧池詩以獻者。帝悲其意。特宥之。責授太子中允。已復官。尚書右丞。縉出刺蜀州。維自表。臣有五短。縉五長。臣所不及。臣備員省戶。而縉遠補外。乞解臣官。使縉還京師。上元初。在鳳翔。

疾作書別縉。又遺親故書數幅。停筆而化。贈秘書監。維
風韻高曠。以詩名開元天寶間。別墅在藍田輞川。有鹿
柴。漆園水蘭若。竹洲花塢之勝。輞水環焉。維與客裴廼
往來。泛舟其中。彈琴賦詩。嘯詠終日。事佛悟禪。悅食不
葷。衣不文繡。器妻不復娶。孤居三十年。屏絕塵累。詩高
遠瀟灑。有無言之境。不可說之味。不窮之趣。其楚聲尤
超詣。識者以爲宋玉之下。淵明之上。其云文寡和兮思
深。道難知兮行獨。善乎其自名矣。

孟浩然

字浩然

襄州襄陽人。少好節義。喜振人患難。隱鹿

門山。風神散朗。短褐長夜。賦詩自若。不以貧餒介意。文

不按古匠心獨妙行不爲飾動求真適遊不爲利期以
放情年四十遊京師與右相張九齡給事中王維善維
入直邀與俱會玄宗至直廬倉卒不得去避匿牀下帝
知中有人問之維頓首曰主臣臣友人孟浩然也帝喜
曰朕聞其名久恨未見耳何懼而自匿立召見勞苦之
問所爲詩浩然即誦所賦詩有不才明主棄多病故人
疎之語帝莞然曰卿自不仕朕何嘗棄卿何誣朕也採
訪使韓朝宗欲薦之招與游會故人至劇飲曰今日飲
酒樂甚他遑恤乎竟不詣相九齡爲荊州辟置幕府九
齡薨復自引去卒後王維過郢追念之畫其像刺史衙

亭名曰浩然亭咸通中刺史鄭誠謂賢者名不可斥更

署曰孟亭

王昌齡字少伯第進士中宏辭科嘗作長平伏冤文弔
枳道賦但然仁人之心工七言絕獨爲盛唐冠以不矜
細行貶龍標尉世亂潛還鄉爲刺史間丘曉所殺後張
鎬按軍河南與諸將期救睢陽曉後當斬以老母乞哀

鎬曰王昌齡之母誰爲養乎曉默然就戮

儲光羲魯國人開元中進士歷御史祿山反陷賊中自
歸丹陽殷璠稱其詩格高調逸趣遠情深盡削常言得
風雅之道而所著正論九經外義言傳理當有經國之

材

岑參南陽人早孤博學舉進士試大理評事杜拾遺甫

薦於朝稱其識度清遠議論雅正卓然爲時輩所仰轉
左補闕出刺嘉州識者稱其詩如仰翠微之色心曠澄

瑩

焉

高適

字達夫

渤海蓆人也少濩落無所治家貧客梁宋以

求丐取給。天寶中。海內尚文辭。適年五十矣。始學詩。數
年間。漸體格而上。以氣質自高。每吟一篇。輒爲好事者
傳誦。舉有道。解褐爲封丘尉。非其好也。乃棄去。遊河西。
河西帥哥舒翰異之。表爲左驍衛兵曹。充掌書記。從入
朝。稱之。祿山反。拜監察御史。佐翰守潼關。翰兵敗。適白
駱谷西。馳赴行在。謁玄宗。河池帝召問潼關師所繇。敗
故。適對曰。翰本忠義。可任將。而病奪其明。使至此。監軍
李大宜既誓師。而使倡彈箜篌琵琶。日樗蒲飲酒。不恤
軍。蕃渾及秦隴士。於盛夏赤日中。食倉米飯。然且不飽。
故望敵亡散。萬全之地。一朝而失。南陽諸軍帥各持節。

而監軍數人更用事。是何以待敵。臣每與楊國忠言之。終不見納。使陛下親巴山劔閣之險。未爲不幸也。玄宗憮然久之。拜侍御史。適負氣敢言。權幸縮首。及玄宗命諸王分鎮。而永王璘反。肅宗聞。適嘗論諫。召問之。適因陳江東利害策。永王必敗。帝喜。命兼御史大夫。鎮淮南。與江東帥來瑱會師討之。師發而永王敗。兵罷。以敢言爲輔國所忌。左遷太子少詹。蜀亂。刺蜀州。遷彭州。自玄宗還都。欲重蜀。於綿益二州各置一節度。而西山三城列戍。爲勞苦。適疏。山劔南雖名東西川。其實一道也。自中關抵黎雅。界南蠻。繇茂州西經羌中。至平戎城界。

吐蕃瀕邊小郡各宿軍咸仰給於劍南異時以全蜀之饒山南佐之猶不能畢贍今裂梓遂果閬等八州專爲一節度歲月之計西川不得而與也嘉陵比困夷獠瘠瘠未起耕紡失業衣食貿易皆資成都是其人不可得而役亦明矣可稅賦者獨成彭蜀漢四州以四州耗殘之餘當十州之役不已難乎言利之人穿鑿萬端皆取之百姓差科朝暮案牘相仍官吏懼譴責及隣保威以罰秩逋亡益滋又關中比饑士人流入蜀者項背相望並資仰給地入有限而費出無涯爲蜀計者蓋甚苦矣又平戎以西數城邈在窮山蹊隧險絕運糧束馬之路

坐甲無人之鄉外不足制戎狄。內不足廣土宇。奈何以
彈丸之地而困全蜀之人哉。恐非今日之急務也。若謂
已戍之城不可廢。已屯之兵不可收。願罷東川歸劍南。
使併力從事。帝不納。召還爲刑侍郎。卒。贈禮尚書。適尚
節義。語王體世故。袞袞不厭。遭時多難。以功名自許。而
所至政寬簡。人便安之。

李頎。東川人。開元中進士。調新鄉尉。所爲詩發調秀雅。
辭復情致。尤工七言律。惜終黃綬。史無稱焉。與王屋山
人魏萬善。有贈詩。萬嘗自嵩歷齊兗。遊梁入吳。數千里。
訪李白不遇。因下江東。尋諸名山。觀謝公石門於廣陵。
與白遇。白稱其愛文好古。獨往物表。爲詩贈之。時四明
會稽賀知章。世放曠。薄規簡。善草隸書。天寶三載。舉進
士。歷秘書監。累禮侍郎。不賢。院學士。病。疏請度爲道士。
捨所居宅爲觀。賜觀名。千秋。御制詩贈行。自號四明狂

客與越州賀朝萬齊融。越州張若虛邢巨。湖州包融俱以文詞俊秀名。

皇甫冉字茂政。潤州丹陽人。玄晏先生後也。十歲能文。丞相張九齡歎異之。舉進士第一。大曆初。歷左拾遺補闕。忠恕廉恪。居官可紀。言必依仁。交不苟合。其詩以古之比興。就今之聲律。涵詠風騷。憲章顏謝。母弟魯字孝常。亦稱詩。體制清潔。華不浮文。其寒生五湖道。春及萬年枝。五言之選也。兄弟齊名人方之。張景陽孟陽云。

天寶喪亂。施于大曆貞元。二戎交侵。諸藩自擅。而光嶽之全氣遂分。劉隨州深心苦思。能感人於千百載之後。使之掩映。而論者頗疵其思銳才窒。唯律爲精深。錢考功之清曠。常蘇州之靜深。柳柳州之溫密。各得一體。追于盧綸。顧況。戎昱。李端諸人。篇什諷詠。不減盛時。而近體繁多。古聲漸遠。元和再振。武中書元衡。裴晉公中立。

李尚書夷簡。圓丘攝事。西亭暇日。賡酬膠然。猶足嗣響。
淮西盪平。韓碑柳雅。淪淪乎近古。而體局大變。昌黎博
大。鼓吹六經。秋懷諸篇。暮行河堤等作。風骨適上。幾迫
建安。白太傅秦中吟。新樂府之作。風時賦事。美刺興比。
欲盡備夫六詩之義。大哉洋洋乎。而韓孟元白。下至皮
陸。連聯關押。累數千百言。橫驚別驅。肆焉而莫能自止。
香山晚嗜。易其俚。務諧衆聽。令老嫗讀之。能解以爲工。
遂使盛際沈雄深渾之詩。至於絕響。施及晚唐。格每下
而力劣。聲殺削而音微。意苦研而思窒。而唐風不競矣。
獨烏江張文昌籍。潁川王仲初建。所爲樂府。或舊曲新。

聲。或新詞古義。悲歡窮泰。快暢深至。庶幾古歌謠之遺。
風變而近正。然取籍建樂府。與李杜歌行。取晚季近體。
與開元律絕。挈而較之。判天若淵。又何直釣石於銖兩
已也。杜南漢朝宮闕。李商隱馬嵬錦瑟。杜甫九日藍田庄。杜牧九日齊山。金觀之自見。故元失
之輕。白失之俗。郊失之寒。島失之瘦。古有定評。杜牧之
至疵。元白以纖艷不逞之詞。流傳人間。子父母女。誦爲
口實。入人肌骨。不可湔滌。有以也。流爲趙宋。迄用無詩。
仲尼觀禮。季子聞樂。所謂吾不欲觀之也矣。大都初盛
唐詩主氣。氣繇天生。天者渾灝氣完。而意不盡。工有之。
而終主氣也。故格昌。中晚後詩主意。意出人力。人者狹

東意工苦而氣力彌復不振。總之初盛中晚。音沿代變。
譬之春禽入夏而變響。秋蛩撫節而增悲。人乘代運。莫
能自反。而亦末繇自知也。故曰。有盛世之音。有衰世之
音。有亂世之音。有亡國之音。記曰。聲音之道與政通。顧
不諒哉。善乎王元美之言之也。曰。盛中有衰。衰中有盛。
盛者繇衰而變之。功在創始。衰者自盛而沿之。弊繇趨
下。大力者爲之。足以挽回頽運。沈幾者得之。可以高蹈
遠引。微乎微乎。於陰陽剥復之妙。深其深矣。
藝苑卮言云。詩至大

曆高岑王李之徒。才情所發。偶與境會。了不自知其墮
者。如到來函谷愁中。凡歸去蟠溪夢裏。山鴻鴈不堪愁
裏聽。雲山况是客中過。草色全經細雨溼。花枝欲動春
風寒。非不佳致。隱隱逗漏。錢劉山來。至百年強半。什三

已五畝就荒天一涯。
便是長慶以後手段。

劉長卿

字文房

河間人。開元中舉進士。至德中爲監察御

史。以簡較祠部員外郎。爲轉運使判官。知淮西鄂岳轉
運留後。爲鄂岳觀察所誣奏。貶南巴尉。有理之者。除睦
州司馬。終隨州刺史。卒。長卿剛不獲上。數遭貶逐。故其
詩深心自道。有騷人之思。雖少謝雄渾。悲婉痛快。稱獨
至矣。

韋應物。京兆人。周道遙公。夏之後。少以三衛郎事玄宗。
豪不羈。晚折節讀書。盡棄其故習。薄滋味。寡言笑。所至
焚香掃地而坐。超然也。永泰中。任洛陽丞。京兆府功曹。

歷鄆櫟陽令。滁江蘇三州刺史。居官恒以人流亡失職自愧。閔閔有恤人之心。白侍郎居易稱其才麗之外。頗近興諷。其五言詩。又高雅閒淡。自成一家言。宋蘇學士軾稱韋柳之作。發纖穠於簡古。寄至味於澹泊。非餘子所及。而朱文公仲晦亦以爲氣象近道。無聲色臭味云。大曆中。河中盧綸。允言與吉中孚。韓翃。錢起。司空曙。苗發。崔崱。耿滂。夏侯審。李端。皆以能詩號十才。德宗召見綸。禁中有作。使屬和。以監察御史從渾城河中。帝思之。問綸何在。驛召之。會卒。翃字君平。南陽人。以駕部郎中召。知制誥時有兩韓。翃其一。爲刺史。宰相請就與。德宗曰。與詩人韓知。其知名如此。錢起字仲文。吳興人。即士元。中山人。皆天寶中進士。起至考功郎士元。歷右補遺。出刺昂州。士林爲之語曰。前有沈宋。後有錢郎。白居易字樂天。其先北齊五兵尚書建。事齊有功。賜田韓

城因爲韓城人。貞元末舉進士拔萃科。補較書郎。對制科。遷集賢較理。元和初。作樂府百餘篇。規諷時事。流聞禁中。天子說之。召入翰林爲學士。遷左拾遺。居易自以爲不世遇也。造滕犯顏。匡補剴直。皆國家大慮。語具帝紀中。襄陽使于頔入朝。悉所變歌舞兒。納禁中求容。居易自遣歸。無令頔得以窺天子。魏文貞玄孫稠貧甚。以故第從子錢家典質。莫能復。平盧帥師道請以私錢絹贖還之。居易言。徵以正直任宰相。太宗至輟寢殿。林成其堂。而後嗣不守。陛下誠贖而賜其家。爲費無幾。爲激勸甚大。無令師道得掠斯美。帝悅。立出內庫錢二千緡。

贖還之河東帥王鏐。因宦官獻羨餘求媚。命進平章事。
若易言。宰相人臣極品。非重墾尤功不可授。今除鏐。則
諸鎮皆生冀望心。與之將綱紀大壞。不與則怨望叢起。
又鏐在鎮。百計誅求爲進奉。若得除。將方鎮競爲割剝。
民何以堪。命事得寢。監察御史元稹。按河南尹獄。方秦
卽擅令停務。以罰俸召還。至敷水驛。有內侍後至。破驛
門入。擊稹傷。稹中人交訟。而帝引稹前過。貶江陵士曹。
居易言。稹守官正直。人所共知。自授御史來。舉奏不避
權貴。蒙被嫌恨。誣謗流聞。今左降。恐在位以稹爲誡。無
肯爲陛下當官守法者。而內外權貴。必且大縱。中使陵

辱朝士。中使不問而朝士先貶。恐自今中使出外愈益橫。人無敢言。又積自去年來舉奏嚴礪在東川枉法沒平人資產。奏王沼違法給券驛。奏裴玠違敕徵百姓科。奏韓臯使將封杖。杖縣令至死。陛下敕法悉有懲罰。計天下方鎮。慮無不欲甘心積者。今貶江陵判司。是送令方鎮得報怨也。諸剗當如此。歲滿當遷官。帝以其資淺而家貧。聽自擇官。令相群以其私問之。居易對曰。臣聞姜公輔爲內職。求京府判司以爲親奉也。臣有母。家貧養薄。乞如公輔例。於是除兼京兆府戶曹叅軍。已丁母憂去官。還授太子左贊善大夫。盜殺相元衡。居易首疏。

請急捕賊。雪國耻。宰相忌惡之。劾以爲宮官非諫職。不當先諫官言事。而惡居易者。因拘撫之言。居易浮華無行。母因看花墮井死。而居易作賞花及新井詩。貶刺江州。中書舍人王涯言迹居易所犯。傷教道深害。不宜復治。郡貶江州司馬。然二詩本居易平日所賦。讐者文致之罪耳。居易不以譽毀遷謫介意。於廬山作精舍居之。顏如也。久之。移刺忠州。入爲司門主客郎中。知制誥。穆宗好畋遊。獻續虞人箴。以中書舍人宣諭魏博。魏博帥田布遺纁五百匹。辭布以聞。詔使受之。對曰。布父讐國耻。萃於一身。竊自恨無力。欣之。忍受其遺乎。况魏博用。

兵敕使諭問。旁午令人受其餽。其何以待之。帝曰。善。時天子荒縱。宰相皆下才。無猷爲。河朔復亂。元稹始與居易厚善。如一人。至是稹因嬖人微險。得召相。乃扼裴度爲傾危。居易使魏博。力言度老臣忠勇。可復招討舊任。使專軍。語具帝紀中。不聽。請外刺杭州。築堤捍錢塘江爲湖。以鐘洩其水。溉田者千頃。太和中。分司東都。二李黨事興。以險利相傾奪。進退毀譽。旦暮無常。而居易以姻家楊虞卿附李宗閔。得用。懼入其黨。乃移病東都。除太子賓客。卽拜河南尹。復移病。以賓客分司。開成初。起刺同州。不拜。改太子少傅。會昌初。以部尚書致仕。卒。年七

十五無子以姪孫嗣遺命不歸贈尚書左僕射方居易

葬第下邳香山如滿師塔側云

贈尚書左僕射方居易

謫江州詩元稹在通州乃集自拾遺來凡所遇所感關
美刺與比者題爲新樂府百五十首曰諷諭詩或卧病
閒居知足保和吟玩性情者百首曰閒適詩又有事物
牽於外情理動於內隨感遇而形歎詠者百首曰感傷
詩有五言七言長句絕句自百韻至兩韻者四百餘首
曰雜律詩凡十五卷約八百首以寄稹遺之書言三才
各有文天之文三光地之文五材人之文六經而詩實
首之聖人感人心而天下和平感莫先乎情莫始乎言
莫切乎聲上曰贊聖下至愚不肖微及豚魚幽及鬼神

未有聲入而不應。情交而不感者。聖人因經之以六義。綿之以五音。音有韻。義有顓。韻協則言順。言順則聲易入。顓舉則情見。情見則感易交。上下通而二氣泰。憂樂合而百志熙。明良歌而虞道昌。洛汭歌而夏政亂。言者無罪。聞者以誠。莫不兩獲其心。詩之用。顧不重哉。周衰採詩之官廢。上不以詩補察時政。下不以歌洩道人情。國風變爲騷辭。五言始於蘇李。各繫其志。發而爲文。故河梁之句。止於傷別。澤畔之吟。歸于怨思。然去詩未遠。硬槩尚存。雖義顓不具。猶得風人之什二三焉。而六義缺矣。晉宋已還。得者蓋寡。如梁鴻五噫。百無一二。噫風

雪花草三百篇中豈誠捨之乎。北風其涼。假風以刺威。虐。兩雪霏霏。因雪以愍征役。棠棣之華。感華以諷兄弟。采采芣苢。美草以樂有子。皆興發於此。而義歸於彼。後之作者。餘霞成綺。澄江如練。歸花委露。別葉辭風。之什六義不盡去乎。唐興二百年間。詩人不可勝數。所可舉者。子昂有感遇詩。鮑防有感興詩。差爲近之。杜甫新安石壕。潼關吏。花門之章而已。僕生六七月時。乳母抱弄於書屏下。有指之無二字示之者。口未能言。心默識之。後指此二字。百十試不差。五六歲。卽學爲詩。九歲通詩韻。十五六。工苦廢寢衣。登朝來年漸長。閱事漸多。痛詩。

道崩壞常爲痛心。忽忽憤發不量才力。欲振起之。又擢翰林備諫官。啓奏之間。有可以收人病補時闕而難於指言者。輒詠歌之。欲稍稍進聞。上廣宸聽。副憂勤。次酬恩獎。塞已責。而衆口籍籍。權豪貴近日之變色。執政者扼腕之矣。嗚呼。嗟夫。丈夫所守者道。所待者時。時之來也。爲雲龍。爲風鵬。陳力以就列。時則去矣。爲霧豹。爲冥鴻。寂兮寥兮。奉身而退之。亦安往而不自得哉。奉而始終之。則爲道。言而發明之。則爲詩。今爲言如此者。欲令覽僕詩者。知僕之道焉。居易所自叙如此。始居易與元稹齊名。稱元白。居易以所爲秦中吟。得受知憲宗。而穆

宗素元種所爲詩百篇。命左右諷誦。宮中稱元才子。居易忠州時。自潯陽浮江上峽。與種會峽中三日。後刺杭州。種罷相。鎮浙東。杭越隣境。篇詠往來。不間旬日。於是二十年間。二人所爲詩。上自禁省。下迨觀寺。郵驛牆壁。無不書。王公妾婦。牛童馬走。無不誦。種嘗行乎水市中。見材較諸童。競歌詠其詩。召問何詩。對曰。先生教我樂天。徽之詩。而固不知其卽徽之也。又鷄林賈人求市頗切。自云本國相。每以一金換一篇。僞者輒能辯。居易始被遇憲宗。以直道自奮。於天子前犯顏爭可否。以其言爲天下安危中。爲當路所忌。被擯斥。乃逃於禪。放意於

山水既復用國益多故。又幼君益偃蹇不合。所居官輒
病去。宗閔權赫奕時終不附離。益完節自高。歸東都疏
沼種樹。構石樓香山。晚節經月。不茹葷。稱香山居士。終
焉而殯。得相名大損。其後殯先卒。居易爲誌其墓。畧言
予悲公始以直躬。仁人勤而行之。則坎壈而不偶。次以
權道濟世。變而通之。則齟齬而不安。居相位僅三月。席
不煖。罷去。通介進退。卒不獲所心。道廣而俗隘。時矣夫。
心長而運短。命矣夫。嗚呼。徽之已矣夫。蓋傷之也。晚與
劉夢得善。稱其文神妙。莫先於詩。如沉舟側畔。千帆過。
病樹前頭。萬木春。在在處處。應有靈物護持。時復稱劉

白而渤海敬王奉慈七世孫戡。字定臣年十歲好學舉進

士就禮部試吏唱名乃入耻之徑及江東隱陽羨山中

論著數百篇惡元和有元白詩多纖艷而競傳為世重

集當世人詩類古者斷以為唐詩云。

盧仝洛陽人累舉不第家食貧獨破屋數間奴一人鬚
長不裹頭一老婢赤脚齒亡矣辛勤養親畜妻子而閉
門謝客不出者一紀獨鄰僧乞米供之抱春秋三傳充
終始同異為精河南尹韓愈愛其詩禮敬之即所居號
為王川先生至效其體為詩分俸給焉貞元中處士溫
造石洪李渤輩並召愈勸之仕掩耳去用法律自繩倖
惡少騎屋下窺其舍凌籍之愈召賊曹盡取欲重懲仝
以為當長養節猛政理非宜請貴之人服其量白是名
藉甚公卿爭禮致之後宿王涯第預甘露之禍
賈島字浪仙范陽人舉進士不第棄去為浮屠名無本
嘗苦吟衝權京兆韓愈前導不覺也詰之以質對問所
得詩異之與金轡而歸為布衣交居法乾寺宣宗嘗微

行至寺聞鐘樓有吟諷聲登樓於几案取詩卷覽之島
讓臂睥睨曰郎君何會此奪卷去帝不爲忤大中末除
長江簿卒

李賀字長吉唐宗鄭王後也七歲能詩韓愈皇甫湜聞
未之信過其家驗之賀立賦高軒過如宿構二人大驚
賀自是有名日騎弱馬從小奚奴背錦囊以游興至輒
書投囊中暮歸足成之母探囊中見所書多怒曰是兒
必嘔出心肝乃已辭尚奇詭所賦詩皆驚萬絕人論者
謂其如崇巖峭壁萬仞崛起補太常協律郎卒年二
四與宗人李益齊名並長歌詩每作一篇輒爲教坊
人以賂求爲供奉曲益征人歌與早行篇好事者繪爲
屏障其迴樂峯前沙似雪受降城外月如霜之句天下
傳誦之至太子賓客集賢學士判院事

李商隱字義山懷州河內人幼能文令狐楚鎮河陽以
所業干之楚美其少俊禮焉令與諸子遊楚鎮天平爲
巡官歲給資令隨計上都登進士策調補弘農尉又以
書判拔萃得侍御史時二李黨相擠如胡越谷不得相
通德裕秉政用王茂元帥河陽問隱爲茂元從事宗閔
黨太薄之而楚子綯爲員外郎以商隱背其家恩放利
偷合尤深恨惡久不調京兆尹盧弘正奏署椽曹典牋

奏河南尹柳仲郢鎮東蜀辟爲節度判官仲郢左遷商
隱廢罷還鄭州未幾卒商隱博學強記爲文下筆不自
休詩好玄素時有深意可味嘆與太原溫庭筠南郡段
成式齊名然晚唐詩氣格卑陋彌下逾薄惟絕句盛中
唐遺致黯然而有唐著作之才施於廊廟者則各有守
猶有存者云

官詔制書策筦於中書舍人知制誥記注實錄則起居
郎舍人專之皆顧於中書太宗在秦邸時以海內浸平
開文學館延四方文學之士而重文始此既在御置弘
文館虞世南褚亮姚思廉等以他官兼學士時召謨議
文教昌焉於時被特召草制敕無常員無號名開元初
置翰林待詔以張說徐堅張九齡充之掌四方表疏諸
批答應和之文尋以中書制敕文誥多壅滯選京朝官

有詞學者。入供奉。稱學士。別建學士院于翰林院之東。專內制。凡將相拜免。號令征伐。用白麻者。委之後選用。益重。禮遇益親。握奧樞。號稱內相。已置麗正書院。改集仙殿。爲集賢殿。書院置學士。直學士。官張燕公說。知院事。傾之。則重文極矣。然唐沿江左。文尚流麗。章偶句儷。聯璧貫珠。爭色澤爲工。不復能上窺周秦。先漢之盛。聞臯陶史克之作。則呶然笑之。雖貞觀虞姚。開元燕許。車馬蓋代。而沿襲踵承。莫思其反也。天寶中。趙郡李華。蘭陵蕭穎士。始欲以三代文章。律度當世。而方莫能與。至大曆貞元間。物極思反。人士始頗頌習。董仲舒。楊雄。劉

向之文陸宣公敬輿。權文公德輿。梁補闕肅始稱淵奧。至元和長慶間。韓侍郎愈倡之。柳宗元李翱和之。排逐百家。規摹上世。法度森嚴。覃思道術。而文起六代之衰。東漢以來。斯其盛矣。

岑文本。

字景升。

南陽棘陽人。父爲邯鄲令。逮獄。文本年十

四。詣司隸陳寃。辭深痛。召對明辭。司隸以其幼異之。試

蓮花賦有文。理其父出之事。後梁爲中書侍郎。勸銑降。

勸江夏王輯兵。毋縱掠。見帝紀。貞觀初。擢秘書郎。兼直

中書省。奏籍田三元賦頌。見稱賞。擢中書舍人。自武德

末。詔誥及軍國制敕。並出顏師古。師古免。僕射溫彥博

其人請之。帝莞然曰：朕自舉一人，則文本也。爲中書侍郎，制詔繁湊，口授立成，精練如宿構。開弘文館，太宗問梁陳名臣子弟，豈有堪招致者乎？文本言：臣竊以謂袁氏忠可錄也。袁自縶死義，來代有貞士。隋入陳，百司奔散，唯袁憲獨立主傍。王世充受禪，群僚勸進，憲子給事中承家獨托疾不署名。今其弟承序清雅繼先烈，宜可招。帝曰：善。召承序爲館學士。從至洛，以穀洛溢，諫曰：養民猶種樹也。種樹之口淺，雖壅以黑墳，暴之春日，然一搖之立枯。民經亂離，始及於寬政，願省遊畋，減工役，以安之，無搖其本。侯君集破高昌還，私其珍寶，劾下獄。

文本疏諫曰。古命將出師。主於克敵。獨當論其成功與否。鹵簿貨賂。無論也。黃石公曰。使智使勇。使貪使愚。故智者樂立其功。勇者好行其志。貪者急得其利。愚者甘忘其死。今君集等出師萬里。平一國而還。當論功。豈當論於貪廉之較哉。事得釋。皇太子立。命兼官。辭曰。臣荷寵任。踰涯分。何敢更希青宮恩。敢辭。命五日一參東宮。皇太子執賓友禮禮焉。進中書令。有憂色。母問之。對曰。非勲非舊。貴重位高。中內自憂耳。有來慶者。曰。當受弔。不當賀也。文本久在事。俸賜畢。委弟文昭出入。終不營產業。文昭當外補。文本自請曰。臣少孤。母所鍾念者弟。

信宿不欲離左右。今外補。遺母憂。因嗚咽泣下。帝惻然。得留。文本自以孤生。不恐侈泰。於居室卑陋。牀第無茵褥。獨帟帑。事母撫弟姪篤恩。生平故人。雖羈賤必鉤禮。帝以爲弘厚忠謹。議論經遠。甚倚信之。從征遼卒。帝哀慟。夕爲停嚴鼓。贈侍中。廣州都督。葬陪陵。

虞世南

字伯施

越州餘杭人。沈靜寡欲。與兄世基同學十

餘年。至累旬不盥櫛。其精如此。從陳僕射徐陵學屬文。從沙門智永所得。縱觀晉王羲之法書。研之遂臻其妙。父荔。陳太子中庶子。卒。世南尚幼。毀瘠不勝喪。叔父寄。陳中書侍郎。陷於盜。父器除。猶布衣蔬食。寄還乃復常。

陳滅與兄世基同入隋。世基官內史顯矣。而世南履勤儉終不失素業。江都之變。世基與焉。抱持哭請代不得。服喪哀入唐。爲弘文館學士。轉秘書監。太宗命寫列女傳于屏風。時無本。暗疏之。不失一字。世南身若不勝衣。而性抗烈。不回撓。每與帝商論。古往必以諷。帝違失必諫。帝歎息以爲朕一言小失。世南未嘗不恨恨也。懇至如此。星孛于虛危。帝問曰。此何祥也。世南舉晏子告齊景語以對。且曰。願陛下勿以功高而自矜。勿以太平久而自肆。帝歛容稱善。高祖崩。詔山陵準漢長陵制。務隆厚。世南疏漢劉向諫昌陵。魏文帝作壽陵。終制以進。

曰願覽古今爲从長慮帝嘗稱世南有五絕一德行二忠直三博學四文詞五書翰卒哭之慟曰后渠東觀中無人矣贈禮尚書諡文懿葬陪陵。

姚思廉

字簡之

雍州萬年人父察陳吏尚書學兼儒史陳

亡察自吳興遷關中思廉少受漢史於其父盡傳其業勤學寡慾未嘗及家人生產父卒廬墓側毀瘠加於人繼母哭亦如之爲代王侑侍讀唐師克京城府僚駭散唯思廉侍不去唐兵欲升殿而縱思廉厲聲叱曰唐公本舉義匡王室若等何得無禮士悚伏跽階下扶侑至順陽閣下泣拜去高祖聞義之授秦王府文學王歎之

日思廉抗兵威以明大節。即古人何加。即位遷弘文館學士。始思廉父察修梁陳史未就。臨終命思廉成其志。窮日夜論議。太宗聞之。命與秘書監徵同脩史。成賜綵絹五百段。以藩邸舊恩。數被禮遇。政得失奏執無隱。拜散騎常侍。爵豐城縣男。卒。帝廢朝一日。贈太常卿。諡曰康。

令狐德棻。宜州華原人。大業末。爲藥城長。以世亂不就。高祖入關。直大丞相府記室。武德初。轉起居舍人。與侍中陳叔達等受詔撰藝文類聚。嘗言於高祖。周隋遭大業離亂。史記遺闕。今耳目猶及。後祖有可憑。更十數年後。遺迹湮沒。何以貽法鑒。請修之。歷數年不就。貞觀初。乃詔類會梁陳齊隋諸史。令德棻總知。成。賜爵彭城男。修新禮成。進子撰氏族志成。賜帛。尋有詔改撰晉書。成。除祕書少監。永徽初。詔撰定律令。遷太常卿。兼弘文館學士。高宗嗣位。遷國子祭酒。以修實錄功。賜四百段。又撰高宗實錄三十卷。進爵公。致仕。卒。年八十四。諡曰憲。

自武德後有知世隆顧胤李延壽前後修史爲世所爾

李嶠字巨山趙贊皇人早孤事母孝舉進士累監察御

史嶺南邕巖一州酋反令監軍往討嶠宣旨赦其罪親

入獠洞招諭降之還遷給事中時酷吏來俊臣構陷狄

仁傑李嗣真裴宣禮等罪至族奏上后使嶠覆訊同命

者懼罪請如俊臣訊嶠曰豈有心知其在不爲申理者

乎。是無勇也。列在狀上。出爲潤州司馬。召入轉鳳閣舍

人。朝廷每大制作皆屬焉。時置右御史臺巡天下。嶠疏

諫曰。陛下創置右臺。分巡天下。察吏善惡。觀俗得失。斯

王政之綱紀。吏治之準繩也。然猶有未衷者。夫禁綱尚

疎。法令宜簡。簡則法易行而不煩。疎則蒐羅廣而無苛。
竊見垂拱二年。諸道巡察使所奏科條。凡四十四件。至
別準格。敕令。訪者又三十餘件。而巡察使率三月已
後出都。十一月終奏事。時限迫促。簿書填委。而諸道所
察文武官。多至二千餘人。少不下千人。皆湏品量才行。
褒貶得失。而欲曲盡行能。卽聖智不任。何也。才用有限。
而口力不足也。臣願寬其功程。畧其節目。率十州置御
史一人。以周年爲限。必親至屬縣。或入閭里。督察姦訛。
觀採風俗。使器周於用力。濟於時。諸所察獨宜準漢六
條。而推廣之。無爲多張事目。使叢挫於簿書。且御史出

待霜簡入奏天闕。使誠勵已自脩。奉職守憲。於他吏功相百也。按劾姦邪。糾撻欺負。於他吏功相十也。非妙擇賢才。委之心膂。何以勝斯任哉。后曰善。制分天下爲二十道。擇堪爲使者以聞。會沮議衆而罷。聖曆初。與姚崇偕遷平章。諫造佛像。中宗卽位。以附會二張。刺豫州貶通州。數月。徵拜吏侍郎。嶠在吏部。時以奏置員外官數千人。官冗府庫虛。乃抗表引咎辭職。并陳利害十餘事。制慰諭不許。睿宗卽位。刺懷州。初中宗時。嶠密表請出相。王諸子母留京。玄宗踐祚。於宮內得其表。欲誅之。中書令說曰。嶠不辯逆順。然爲當時謀則忠。詔貶秩聽隨。

子刺史暢赴虔州卒。嶠與鄉人蘇味道俱以文辭知名。

時人謂之蘇李。

味道善敷奏，多識臺閣故事，武后時入

白，但候校持兩端可矣。時人號為蘇模稜，與弟味玄甚

友。愛玄請托不諧，而委折對之怡然。論者稱之。

徐堅，西臺舍人，齊聘子也。少好學，徧覽經史，舉進士，累

太子左庶子。王方慶深善之，又賞其文章典實。常稱曰：

舊說訓釋詳備，方慶深善之。又賞其文章典實。常稱曰：

綸誥之選也。武后修三教珠英，張昌宗及祭酒李嶠頗

其事。李適，王無競弟。元凱，富嘉謨，宋之問，沈佺期，員半

干，閻朝隱，劉允濟，及堅咸在選中。日賦詩聚會，歷年未

下筆。堅與張說構意撰錄，漸有條彙。諸人依堅等規制

而書成，遷司封員外郎、神龍初，遷給事中，爭常月將獄

睿宗立，累黃門侍郎、御史李知古請兵擊姚州蠻，既降

附，又請築城征稅之。堅以蠻夷梗化，可羈縻屬之，未可

以華夏之治治也。帝不從，令知古發劔南兵以行。蠻殺

知古，相率反。堅妻岑侍中義女弟也。義在執，堅固辭機

密，曰：非以為高，以避難也。及義誅，出刺絳州。五轉，復入

秘書監，為集賢院學士副。張說知院事，累東海郡公。堅

多識典故，前後修撰格式、氏族及國史，凡七入書府。年七十餘，帝悼惜之，遣中使弔賻，贈太子少保，謚文惠。長姑爲太宗充容，次姑爲高宗婕妤，並有文，而堅父子以詞學著，議者以方漢班氏云。

員半千，本名餘慶，晉州臨汾人，少通明，與齊州何彥先同師事學士王義方。義方卒，半千與彥先皆制服三年，齋子可當之，改今名。義方卒，半千與彥先皆制服三年，齋畢乃去。應八科舉，授武陟尉，屬旱饑，勸縣令開倉賑貸，令不從。會赴州，半千即發粟不請，懷刺史劾之。河北存撫使薛元超曰：「有百姓不能救，使惠歸。」一尉顧猶以爲負耶，乃免。應嶽牧舉，高宗御武成殿，問天陳地、陳人陳何，謂也。半千越次進曰：「臣觀載籍，或謂天陳星宿，孤虛地陳山川，向背人陳偏伍，彌縫臣謂不然。夫師出以義，有若時雨，上得天時，此天陳也；兵在足食，且耕且戰，下得地利，此地陳也；善用兵者，使三軍之士如父子兄弟，中得人，和此人陳也。三者去矣，其何以戰？」高宗嗟賞，擢上第，垂拱中，補左衛胄曹，充宣慰吐蕃使，引辭。武后以人同卿名，謂是古人，不意乃在朝列，境外小事不足煩，即徵入內供奉。五還，正諫大夫，兼右控鶴，半千以控鶴職，無其事，又授斯任者多輕薄，非朝廷選德之道，辭之四十七。

許肅，字延，水部郎。睿宗時，累太子右諭德，兼崇文館學士。原郡公，開元二年卒。

肅，字延，雍州武功人，與新安吳少微友善。先是，文士撰碑誌，皆以徐庾爲宗。氣調漸劣，嘉謨與少微屬詞，本經典，請欽慕之。爾富吳體，嘉謨爲左臺監察御史，少微右臺監察御史，嘉謨卒，少微卧病，賦詩哭之，尋亦卒。

席豫，襄陽人，徙家河南，舉進士第。累中書舍人，掌制誥，入爲吏侍郎，典選六年。有令譽。玄宗幸溫泉，登朝元閣，豫從賦詩，帝手制褒美，以爲作者冠冕。豫性謹敬，與子弟及簿領書疏，未嘗草，謂人曰：「不敬他人，是自不敬也。」或以細故聞之，豫曰：「細故不謹，况其巨耶？」疾篤，謂子曰：「亡三日歛，歛即葬，勿久留。」頃公私家無財，可賣所居備禮，卒。贈江陵大都督，諡曰文。

蘇頲，字廷碩，僕射許公還子也。生而神秀，五歲即措意文學。

坐卧吟諷，不暫輟。八九歲，日覽誦千言，若素習。十七

舉進士及第。舉賢良方正異等。除左司禦率府參軍。遷

監察御史長安中覆來俊臣等所按獄多洗宥遷中書舍人時許公同中書門下三品矣父子同禁筦當時榮之玄宗平內難書詔填委頽在太極殿後閣口占授之思若湧泉百功狀輕重一衡之法而俄頃立就書史白曰。丐公少徐手腕脫矣遷太常少卿仍知制誥遭父喪起爲工侍郎頽固辭帝使李日知諭旨日知見頽毀甚竟不忍發口還以聞帝爲惻然服闋就職襲許國公玄宗愛重之一日謂宰臣曰從工侍郎得中書侍郎資有諸對曰陛下任賢惟所命何可以資格也進中書侍郎供政事食明日加知制誥頽入謝帝曰常欲授卿美要

官。每官闕。聖宰相論及。宰相皆卿故人。卒無言。中書侍郎。朕極重。自陸象先歿。無踰卿。故特用卿。時李乂爲紫微侍郎。與題並掌文誥。帝謂題曰。前朝有李嶠。蘇味。道。謂之蘇李。今卿及李乂。又何讓焉。命錄所製文誥。封進。留中。覽時。帝欲於靖陵建神道碑。題諫曰。古帝王及后。其有史紀載。無神道碑。若靖陵獨建。祖宗之陵不應闕。皆須追造矣。事得寢。吐蕃入邊。邊將數敗。奴。帝怒。欲親征。題諫曰。遠夷荒忽。不足以辱屬車。譬之獵然。羽毛不入服用。體肉不登郊廟。上不親射也。今岐隴凋弊。已久。千乘萬騎。供億浩繁。將民不堪命。太上皇聞陛下以。

萬乘親疆場。烝烝之恩。將何以自安。古天子無親將。惟
黃帝當世。未平有之。自阪泉功成。則閒居無爲。以含和
守一。今陛下撥大亂。反之正。當高拱垂裳。奠萬世之業。
何至厭天居。衽金革。與虜酋爭一日之決哉。願稍遷延。
以需西音。書再上。會薛訥大破吐蕃。事得寢。四年。
與宋璟並相。璟剛正。事裁決多自予。題退然。堆案。至
帝前敷奏。璟時少屈。輒助爲之言。璟常曰。吾與蘇氏父
子並相。僕射長厚。自國詎工。若獻可替否。事至立斷。盡
公不顧私。則今丞相尤爲過之。八年。罷爲禮尚書。出節
度劍南諸州。時蜀凋弊。人流。詔許題收劍南山澤鹽鐵。

以瞻用填以簡靜。輕省徭役。募戍人開井置鑪。量入計出。分所贏市穀。廣見糧。前司馬皇甫恂使蜀。檄取庫錢。巾錦半臂琵琶捍撥玲瓏鞭。恂不與。因上言。恂銜命萬里。而索取不急。非陛下以山澤贍軍之意。或謂公在遠。得無忤上意自危乎。恂曰。不然。明主不以私愛奪至公。吾可以遠近廢臣節哉。還分主十銓事。卒。帝御洛城南門臨哭之。謚文憲。恂性廉儉。廩俸悉推散諸弟親族。儲無長物。其客補闕韓休叙其文畧曰。公性與道合。神無滯用。惟深也。總衆妙之門。惟才也。體生人之秀。括囊道藝之場。探賾幽微之藪。辯無不釋。言必造微。緒發而宮

商應言形而雅頌興壯思雄飛虛明獨照若乃典謨作
制於邦國書奏便蕃於禁省敏以應用婉而有章近代
以來未之有也謹撰緝文誥成一家言藏於秘府以示
來裔。又趙州房子人諫造金仙玉真觀疏纂起居注錄
嘉謨呂言可體國經遠者別編奏與兄清源尉尚

一博州刺史尚真俱以文章見
稱所著撰同集號李氏花萼集

張說

字道齊

其先自范陽徙河南遂爲洛陽人永昌中策

賢良方正授太子較書郎遷左補闕武后嘗召諸儒問
古稱氏族皆本炎黃之裔豈上古固無庶姓乎斯何也
說曰古未有姓自炎帝之姜黃帝之姬天子建德始因
所生地而賜之姓黃帝二十五子而得姓者獨十有四

人蓋貴姓也。其後或以官。或以國。或以王父之字。賜族爲氏。人因爲姓。下抵戰國。姓族漸廣。周衰列國既滅。其民各以舊國爲之姓。下及兩漢。人皆有姓。故姓以國者。韓。陳。許。鄭。魯。衛。趙。魏。爲多。后曰善。人視中。后避暑三陽宮。汜秋未還。說䟽言宮距洛城百六十里。有伊水之隔。嚮坂之峻。過夏涉秋。水潦方積。道壤山險。不通轉運。河廣無梁。咫尺千里。都邑紅粟利藪。蘊若山丘。奈何去宗廟之上都。安山谷之僻處乎。夫禍變之生。在人所忽。故曰安樂必戒。無行可悔。此不可者一。三陽褊小。萬方輻輳。填郭溢郭。併錡無所。排斥居人。蓬宿草次。風雨暴至。

孤惻老病。流轉無已。靡所庇託。陛下作人父母。若之何。
恐之。此不可者二。池亭竒巧。蕩誘上心。削巒起觀。竭流
漲海。俯貫地脉。仰出雲路。易山川之氣。奪農桑之土。延
木石。運斧斤。山谷連聲。春夏不輟。勸陛下作此者。豈正
人耶。詩曰。人亦勞止。迄可小康。此不可者三。御苑東西
二十里。外無墻垣。局禁內有榛叢。谿谷猛鷲所伏。暴慝
所憑。陛下往往歷蒙密。乘險巖。警蹕不肅。卒有逸獸狂
夫驚先左右。豈不殆哉。易曰。思患豫防。此不可者四。今
北有之。南有夷獫狁。邊騷徼關。西小旱。耕稼是憂。安
東近平。輸漕方始。願旋軫上京。息人以展農。脩德以來。

遠。是不急之役。省無用之費。澄心澹懷。惟億萬年之計。
擢鳳閣舍人張易之兄弟。誣御史大夫。元忠。援說爲
助。說廷對忤旨。流欽州。語具帝紀中。中宗立。累工兵部
侍郎。以母喪免。既祥。詔起爲黃門侍郎。因請收制時禮
俗衰薄。士以奪服爲榮。而說獨以禮自制。識者稱之。除
累復兵侍郎。兼修文館學士。睿宗初。擢中書侍郎。雍州
長史。譙王重福死。東都支黨數百人。獄久不決。詔往按。
一昔而謀主斯得。餘誣誤悉原。進同中書門下平章事。
監脩國史。請太子監國。塞蜚禍。語具帝紀中。明年。玄宗
卽位。太平公主以說不附已。罷政事。爲東都留守。說知

主與其黨圖爲逆。以佩刀獻帝。示先發。因成太平之誅。召爲中書令。封燕國公。始武后末年。爲乞寒潑胡戲中。宗寧乘樓縱觀。至是因四夷來朝。命復之。說疏諫曰。昔韓宣子適魯。見周禮。而歎周公之德。夾谷之會。齊奏倡樂。孔子數其罪而却之。堂堂天朝。爲萬國主。遠夷入謁。當觀以禮樂。而覽之威德。奈何爲劇戲。示之褻乎。雖曰戎夷不可輕也。焉知其間無駒支之辯。繇余之賢者乎。且乞寒潑胡。於古未有。裸體跳足。汨泥揮水。於盛德何觀。恐非干羽柔遠。樽俎折衝之道。帝爲罷設。已說與相姚元之。郤出刺相州。坐累徙岳州。說旣去。國內懼。圖自

全掌與蘇環並相而環子題在中書欲藉其擁護知題
孝作五君詠其一紀環也候環忌日致之題覽詩摧咽
不自勝因數爲帝申理卒以安簡較幽州都督朝以戎
服見帝大喜又重說文章命兼督并州兼脩國史敕齋
豪即軍中論議朔方軍大使王晙誅河曲降虜九姓同
羅拔野固等皆疑懼欲叛說從輕騎二十人持節詣其
部慰安之因留宿賓佐以虜難信請還軍說執曰吾肉
非黃羊不畏其食血非野馬不畏其刺士當見危致命
何怖爲繇是九姓遂安黨項羌連兵攻銀城將步騎萬
人出合河關掩擊破之追北駱駝堰已羌胡自相猜夜

闢衆奔潰。說招納黨項使復土。或請掩擊。羌可盡殲也。說不從。曰王者之師代叛柔服而已。殺已降逾天置麟州安之。召拜兵尚書同中書門下三品。明年詔以朔方節度大使行五城督士馬。計降胡方渠可汗禽之。徙河曲六州殘胡五萬於唐鄧仙豫間。空河南朔方地二千里。賜實封三百戶。時邊鎮兵羸六十萬。說以時平無所事。請罷二十萬還農以息民。天子以爲疑。說曰。臣在疆場久。知事情。今邊兵多。州帥獨苟以自衛。給役使營私而已。若制勝禦敵。在精不在多。且卒冗則妨農。必以減兵致寇爲慮。請以百口任其咎。帝從之。時衛兵貧弱。畚

休者亡命畧盡。說建白請一切募勇彊士。優科條簡色役以充。不旬日得勝兵十三萬。所謂彊騎者也。雖府兵隳壞盡於此。而時事亦固不可反矣。帝幸并州。說以節帥迎謁。以太原王業所基。請巡幸耀威武。繇河東還過汾。漢武有睢上祠。久廢。請告祠祈穀。帝悅納之。還以中書令復平章事。帝改麗正書院爲集賢殿書院。說兼院學士。時天子尊儒術。修太宗之政。皆說倡之。朝廷大述作多出其手。天子好文辭。有御撰。必使視草。說多引天下知名士以佐佑。王化紛澤典章。成一王之法。宴集賢院。故事官尊重者先飲。說曰。吾聞儒以道相高。不以官

闕相先於是引觴同飲廣州都督裴仙先徵下獄議罪相嘉貞請杖之說曰刑不上大夫爲其近君且養廉耻也臣鄉巡北邊聞姜皎杖朝堂深惜之今往不可悔豈可復蹈前失乎帝從之嘉貞出有後言說曰宰相時來則爲之若大臣皆可笞辱行及吾輩矣此言非爲仙爲天下士大夫也後嘉貞坐受賄遷大困始服其言帝欲事吐蕃說密請講和以息邊邊帥王君奭好兵請擊之說策其必敗得舊州關羊表進之申諷曰令羊能言必將曰闕而不解必有立死者所賴至仁無殘量力時動後果失瓜州已白帝請東封告成相乾曜持不可說因

與郤及登封執事官當從者。說皆引所厚。超階入五品。百官不與從。兵唯加勲而無賜。衆怨之。宇文融請括天下游戶及籍外田。說畏其擾民沮格之。文融所論請咸奏駁。融銜之刺骨。時天子峻百官與方術士交通之禁。融與崔隱甫、李林甫共劾說。引術士王慶則、夜禱祠窺訕所親吏張觀、范堯臣依說勢。市權賂擅給太原九姓羊錢千萬。帝怒甚。詔乾曜、隱甫及刑尚書杭。卽尚書省鞠之。發金吾兵圍其第。說兄左庶子光詣朝堂刑耳。列寃。後三日。帝終念之。遣高力士往視。訟遂首垢。面席橐坐。家人以瓦器饋脫粟飯。爲自罰憂懼者。力士還奏之。

且言說。故於國有功。帝爲憮然。但停中書令。專集賢院。
脩國史。而誅慶則等。坐者猶十餘人。隱甫等恐說復用。
巧文深詆。素忿說者。又著疾邪篇。摘之。因致仕。十七年。
復右丞相。遷左丞相。俄開府儀同三司。卒。贈太師。謚文。
貞。說敦氣節。重然諾。喜推轂後進。於君臣朋友間。大義。
甚篤。帝在東宮。所與秘謀密計甚夥。後卒爲宗臣。其爲。
文。屬思精壯。長於碑誌。既謫岳州。而詩益悽婉。人謂得。
江山助云。說常與學士徐堅論近代文章。曰。李嶠。崔融。
薛稷。宋之問。如良金美玉。無施不可。富貴加謨之文。如孤。
峯絕岸。壁立萬仞。濃雲鬱興。震雷俱發。可畏也。然施於。

廊廟則駭。閭朝隱之文。如麗服靚粧。燕歌趙舞。觀者忘
疲。若顙之風雅。則劣韓休文。如大羹旨酒。雅有典則。而
薄於滋味。許景先文。如豐肌膩理。無峻激流。漸絕之
勢。然屬詞豐美。得中和之氣。張九齡文。如輕縑素練。濟
時實用。而微窘邊幅。王翰文。如瓊杯玉笋。爛然可珍。而
多有瑕玷。堅以爲知言。時說與許公題。文章並著廊廟。
爲儒宗。史所稱燕許擅其宗者也。說既。帝使就家錄
其文爲集傳焉。大曆中。配享玄宗廟廷。

遂以均、均、皆能文。說在中書。已掌

綸翰之任。均尚主。玄宗特寵之。嘗幸均司。生謂均曰。陳
帝烈累辭機務。朕擇其代孰可者。均未有言。以對。帝曰。無
論吾壻。均降階陳謝。爲楊國忠所尼。而均歛望。事爲
忠所構。見逐。均守建安。均廬溪郡司馬。歲中。還均。

大理卿、增太常卿、玄宗幸蜀、次咸陽、謂高力士曰、昨倉
皇出京、中朝官不知也、今誰當至者、力士曰、張垧兄弟
世受恩、又戚屬先至矣、房瑄素有望、未用而深為祿山
所罷、殆不其來、帝曰、未然是日瑄至、帝入悅、問均垧、垧
曰、臣離京時、過其舍、約同行、均報於垧、垧取馬觀其趣
向殆不其來、帝曰、朕固曰未然、既而均垧果迎、祿山降
汗、僞命賈曾、河南洛陽人事、玄宗東宮、為太子舍人、太子遣使
訪女樂、率更署閱樂、多奏妓、曾諫曰、臣聞作樂以崇上
德、咸人神、故韶夏有容、咸英有節、齊人傾女樂、魯君受
而孔子逐行、秦人遺女妓、戎王悅而繇余出奔、良以冶
容哇妓、惑心器志、上行下効、將淫俗成、一國亂也、願發
德音、屏倡擾、敦雅頌、斷率更女樂、停諸使、採召則輝光
日新、太子手書褒答、帝即位、遷中書舍人、與蘇晉同掌
制誥、累禮侍郎、卒、子至、字幼憐、亦官中書舍人、從上皇
幸蜀、作傳位冊、文授肅宗、靈武、上皇歎曰、先帝以神龍
符託冊文卿父、所為今朕付諸君、又卿便誥、兩朝盛典、
具出卿父子、可謂盛矣、大曆中、累右散騎常侍、卒、贈禮
尚書謚曰定

劉子玄

字知幾

出漢楚元王後。避玄宗諱。以字行。方幼時。

父爲授古文尚書業。不進。父怒。笞楚之。乃聞爲諸兄講。

春秋左氏。自往聽。退輒辯析所疑。曰。書如是。兒何怠乎。

父奇其意。因卒授左氏。踰年。遂通覽群書。與兄知柔俱。

以善文詞知名。武后時。官爵橫溢。法網匪嚴。士競進。陷刑。

戮。作思慎賦。以刺時。明志。蘇味道。李嶠。見而歎曰。陸機。

豪士賦不及也。周身之道盡此矣。中宗時。以鳳閣舍人。

領史事。遷秘書少監。吳兢。汴州浚儀人。少方直。寡諧。貫。

經史。相魏元忠。朱敬則。薦直史館。相王_{武則天}。誣構急甚。兢。

上書諫。語具帝紀中。累右補闕。則天寶。成遷起居郎。

丁憂服闋。自以曩職史事。已成數十卷。乞終餘功。拜諫大夫。仍脩史。兼脩文館學士。歷衛尉少卿。始玄宗攬權。綱銳於決事。群臣憚懼。莫敢言。兢慮帝果而不及精。乃上疏勸帝降心克己。博覽聽以廣聰明。使深者不隱遠者不塞。十三年。帝東封。道中數馳射。兢諫曰。陛下方告成岱宗。宜專精乾穆之敬。不當驅逐。令其散越。使有垂堂之危。朽株之殆。帝納之。已。天子意怠欲自放。而委任非人。會大風。兢疏言風陰顛。大臣象。六月於卦爲遯。恐陛下左右有姦臣擅權。懷謀上之心。臣聞之。百王之失。皆繇權移於下。政放於上。願深察天變。杜絕其萌始。兢

在景龍間任史事。居職三十年。出爲荊州長史。仍詔以

史藁自隨。累遷台洪饒。斬州刺史。終恒王傳而老。卒。八年

十唐宰相監領史。悅醴醪紀事。多無實。兢鬱鬱不得志。

私撰唐春秋。又以梁陳齊周隋五代史猥雜別撰五代

史。以明志。叙史簡核。而劉子玄知國史二十餘年。上相

至忠書。陳謨脩五不可求。去兢折張燕公言書魏齊公

事不假借。均之有董狐之心。語具帝紀經籍中。

沈既濟。蘇州吳人。經學該明。通古今。以相炎薦。有良史

才。授左拾遺。史館脩撰。上選舉。既具任官志。初國史以

則天革命立本紀。次高宗。既濟上議言史氏之作。本乎

勸懲。簡式千古。後法萬代。使生有憚忌。死有遺懼。綿人倫而經世道。不直屬辭此事。以日繫月而已也。是以春秋之義。尊卑輕重升降之間。雖一二字。必有微旨。以楚吳越之君。稱王者百餘年。而春秋書之以子。蓋稱名自乎彼。而是非存乎我。過者抑之。不及者援之。握中持平。使其求不可得。蓋不可掩。斯古之君子所以盡慎也。則天后以聰明睿哲。內輔時政。厥功茂矣。及弘道之際。孝和以長君嗣位。太后以專制臨朝。已遂廢帝。或幽或徙。既而且圖。欄籙移運。革名牝司。鷲啄之蹤。難乎備述。進以強有。退非德讓。其後五王。建策皇運復興。議名之

際義以親隱禮從國諱得無降損史以法書當如其常
宜曰太后不宜日上孝和雖迫母后之命降居藩邸而
體元繼代本吾君也史臣追書宜稱曰皇帝不宜曰廬
陵王睿宗在景龍前天命未集徒稟后制假臨大寶於
倫非次於義無名史臣書之宜曰相王未嘗曰帝若以
得失既往遂而不舉則是非褒貶安所辯正亦將如載
筆執簡何哉則天廢國家曆數用周正朔廢國家太廟
立周七廟鼎命革矣徽號易矣旂裳服色旣已殊矣今
安得以周氏年曆列爲唐紀徵諸禮典是謂亂名孝和
繼天踐祚在太后前而叙年製紀居太后下以僖躋閔

是謂失紀。夫正名所以尊王室。書法所以觀後嗣。且太后遺制。自去帝號。孝和上諡。開元冊命。后之名不易焉。今祔陵配廟。皆以后。史獨承統立紀。有司不以時正臣竊惑之。或曰。班馬良史也。編述漢事。立高后紀。以續帝載。人豈有非之者哉。答曰。昔高后稱制。獨分王諸呂。負漢約耳。初未嘗有還鼎革命之事也。況其時孝惠已歿。孝文在代。宮中二君。非劉氏子。不紀呂后將誰紀焉。議者猶以爲非。況遷鼎革命者乎。或曰。天后不紀。帝緒缺矣。則二十二年行事。何所繫乎。曰。孝和以始年登大位。以季年復舊業。雖尊名中奪。而天命未改。則足以首事。

表年何所闕哉。昔魯昭之出也。春秋歲書其居曰公在乾侯。以君雖失位。不敢廢也。請併天后紀合孝和紀於歲首。必書孝和所在以統之。書曰某年春正月。帝在房陵。太后行某事。改某制。則紀彌孝和。事迹太后。其姓氏名諱。入宮之繇。歷位之實。才藝智畧。年辰崩葬。則纂錄入皇后傳中。列廢后王庶人之下。題其篇曰則天順聖武后傳。庶名不失實。禮不違常。議雖不行。可謂曰正。後宋大儒朱侍講熹脩通鑑綱目。實本既濟議以法書德宗初。敕中書門下兩省。分置待詔官二十員。以見官前任同正試攝九品已上。擇深於文學理道。諳鈐法律者。

以充準品秩。給俸餼什器館宇。以公錢爲本。收息以贍用。旣濟。疏駁之曰。今之爲理。患在官多。非患員少。患上不廣。問非患。奏對無人。兩省常侍諫議補闕拾遺。總四十員。及常參待制官。日有兩人。皆備顧問。亦不少矣。中二十一人。尚闕人未充。陛下若謂見官非才。不足與議。則當選求能者以代其人。若務廣聽明。畢收淹滯。則當擇可者先補其缺。何爲於員外置官。使朝有曠官。俸爲徒費乎。且置錢息利。是謂有司。非經國之法也。官三十員。皆給俸錢。厨廩什器。建造廳宇。約計一月不減百萬。以他司息例準之。當以錢二千萬爲之本。方獲百萬之

利若均本配人當復除二百戶或許其入流反覆計之。
所損滋甚。當今關輔方苦百司息錢傷人破產而四方
形勢未得罷兵資費之廣蓋非獲已陛下躬行儉約節
用愛人豈碑閒官復爲冗食藉令舊置猶可省也矧益
之乎事得寢既而以相炎逐坐貶處州司戶累禮員外
郎卒子傳師嗣爲史職歷翰林學士遷中書舍人傳師
性夷粹無競更二鎮十年無書賄入權家幕府極當時
之選治家不威嚴而閨門自化問餽姻家故人絜無儲
錢王蓄宅葬焉。

常述司農卿弘機曾孫也父景駿房州刺史述少敏篤
學家有書二千卷方兒時記覽皆編洛州刺史元行坤

景駿姑子也。爲時大儒。其書五車。述每過其齋。忘寢與食。行冲引與談。貫穿經史。如指掌。探綜贖奧。試以文立就。行冲大悅。引與同榻。曰。外家之寶也。舉進士。西入關。時甚少。形貌小。考功員外宋之問曰。卿童年何榮。述對曰。性好述撰。有唐春秋三十卷。恨未卒業。至於詞策。仰待明試。之問喜曰。本求異才。果得遷固。爲秘書郎。秘閣詳錄。四部書述與焉。轉右補闕。兼知史事。轉職方吏部郎中。知史事如故。張九齡爲中書令。相推重。語必移晷。轉國子司業。至工侍郎。封方城縣侯。述在書府四十年。居史職二十年。嗜學著書。手不釋卷。國史自令狐德棻至吳兢。累脩撰。竟未成書。述始定類例。補遺闕。勒成一百一十三卷。序例一卷。事簡而記詳。有良史才。蘭陵蕭穎士。以爲譙周陳壽之流。當代宗仰。性純厚。以長者稱。澹於勢利。道同者。無貴賤。禮接之。家聚書二萬卷。皆自較定。祿山陷兩京。述經籍資產殆盡。獨抱國史藏南山中。事平。送書以污僞官。流渝州。爲刺史。薛舒所困辱。不食。卒。甥蕭直爲太尉。李光弼判官。入奏稱。稱旨乃上疏。理述於倉皇之際。存聖朝大典。得無遺逸。乞以功贖過。贈右散騎常侍。弟迥。精三禮。與述對爲學士。迥同爲禮官。時人榮之。

李華字遐叔趙州贊皇人性曠達而謹重然諾中進士
宏辭科遷監察御史按劾不撓徙右補闕安祿山反上
守禦策不報玄宗入蜀華母在鄴欲間行輦母以逃爲
賊所得以母在不死僞署鳳閣舍人賊平貶司戶參軍
華自傷踐危亂不能完節又不能安親欲終養而母亡
屏居江南以左補闕司封郎召皆不拜客山陽自隱勒
子弟力農安窮槁而卒華文辭綽麗少宏傑氣時謂不
及蕭穎士而華自疑過之著弔古戰場文成汴爲故書
雜置書度中它日與穎士讀之彌工華問誰可及穎士
曰君加精思至矣華愕然服族子翰從子觀皆有名翰
擢進士調衛尉秀朗通達爲王翰所善張巡死睢陽人
矧其功以食人爲罪守死爲愚翰傳巡功狀表上之而
巡大節自於世累左
補闕翰學士以病免

陳京京兆萬年人遊京師中書舍人常袞讀其文歎以
爲楊子雲之徒也以兄子女焉官左補闕涇卒之變徒
步走行在從段太尉秀實死義聞帝痛之爲罷朝七日

盧杞媚特不可。京進曰：天子褒大節，哀大臣，以風天下。善之大者，何謂不可？帝曰：善。後杞絀，復召京，首力爭。又率其僚，爭得不召。改考功郎守正，不阿昭陵。因山爲墳，寢宮在焉。內官苦輓汲艱，請更之。宰相逢意，皆請更。京爭曰：斯太宗之志也。儉足垂法，嚴足受神，何可更？得不更遷。集賢學士帝欲重用之，會疾病不果。柳宗元稱其文深茂，古老紀事朴實，不苟悅人。其學推黃炎以下，涉歷代，暨國之故，鈎引貫穿，舉大苞小，若太倉之蓄。崇山之載，浩乎不可既云。

蔣父

字德源

常州義興人。父將明。天寶末，辟河中使府。安

祿山反。以計佐其帥。全奔潞等州。兩京陷。被拘爲陽狂。以免。累集賢殿學士。又敏捷健記。外祖吳兢。官史局。家多書。又從外家縱讀之。遂該綜羣籍。父官集賢。值兵興。圖籍殲。白執政請攜入。整比之。相張鎰見而奇焉。踰年。勒成善書二萬餘卷。遷右拾遺。河中帥張孝忠子。茂宗尚義章公主。會茂宗有母喪。詔起復雲麾將軍。咸昏。又以鑿典禮。適人情諫。中使宣諭言。茂宗母臨亡。請懇懇也。朕重違其心。又爭愈力。帝召見曰。卿所言禮也。今世俗。器借吉而婚不少矣。對曰。里俗不知禮法者。時有之。獨以女居父母家。貧無近親。不得已而然。男目。


凶而娶未之聞也。陛下建中詔書。郡縣主當婚。皆有司
考典故循行。毋溺俗。今行之。非前詔書意也。又臣聞公
主春秋尚少。卽待年出降未晚。請如禮昏。雖不爲止。然
帝心嘉其言。遷起居舍人。累司勳郎中。史館修撰。判集
賢院事。議順宗祔廟。議中宗當祧。議禘祫功臣具帝紀。
禮儀志中。又居史職二十年。每大政宰相不能決。必據
經義舊章傳時事以議。該詳允切。初以是被遇。終亦以
忤貴近不能至顯官。資質樸直。嘗疏裴延齡罪惡及拒
王叔文請交。當世高之。結髮嗜學。老而不厭。雖甚寒暑
不輟。通百家。明前世沿革。家藏書萬五千卷。論撰百餘

篇長慶初卒贈禮尚書諡曰懿

子係伸偕皆知名伸以博聞多識備顧問見稱

大中中
得相

習習建勳則宗祔祿中宗高宗嘉祐師臣至具奇賢
帝以嘉其言張跋其舍人累后燠順中央節外野民集
主春殊尚必唱發辛出羽朱與前咬艷者雖不為土規
其血對餘許母前舒今許文非前時書意也又引開公
自謂要未之聞也望下數中讀書賦繼主當散督亦臣



國史上編卷之四十八

明盱郡鄧元錫纂

唐文學傳

韓文公愈。字退之。其先昌黎人。後徙鄧州。生三歲而孤。七

歲好讀書。日記數千言。少長盡通於六經百家之旨。舉進士不中。益困。則求禮部所試士之文讀之。以爲是無待學而能也。厭之。益發憤於古淵學。已再舉禮部第不中。則爲書詣時相。盛稱引詩書孟子之指。及古王者育才錫福之義。獻所撰書求薦達。復不答。則爲書讓之曰。愈聞周公之爲輔相。其急於見賢也。方一食三吐其哺。

方一沐三捉其髮。當是之時。天下之賢才皆已舉用。姦
邪讒佞欺負之徒皆已除去。四海皆已無虞。九夷八蠻
之在方服之外者皆已賓貢。天災時變。昆蟲草木之妖
皆已銷息。天下之所謂禮樂刑政教化之具皆已脩理。
風俗皆已敦厚。動植之物。風雨霜露之所需被者皆已
得宜。休徵嘉瑞。麟鳳龜龍之屬皆已備至。而周公以聖
人之才。憑叔父之親。其所輔理承化之功。又盡章章如
是。其所求進見之士。豈復有賢於周公者哉。不惟不賢
於周公而已。豈復有賢於時百執事者哉。豈復有所計
議能補於周公之化者哉。然而周公求之如此其急。惟

思耳目有所不聞見。思慮有所未及。以負成王託周公之意。不得於天下之心。如周公之心。設使其時。輔理承化之功。未盡章章如是。而非聖人之才。而無叔父之親。則將不暇食與沐矣。豈特吐哺捉髮爲勤而止哉。惟其如是。故於今頌成王之德。而稱周公之功不衰。今閣下爲輔相。亦近耳。天下之賢才。豈盡舉用。姦邪讒佞欺負之徒。豈盡除去。四海豈盡無虞。九夷八蠻之在荒服之外者。豈盡賓貢。天災時變。昆蟲草木之妖。豈盡銷息。天下之所謂禮樂刑政教化之具。豈盡脩理。風俗豈盡敦厚。動植之物。風雨霜露之所濡被者。豈盡得宜。休徵嘉

瑞麟鳳龜龍之屬。豈盡備至其所求進見之士。雖不足以希望盛德。至比於百執事。豈盡出其下哉。其所稱說。豈盡無所補哉。今雖不能如周公吐哺拔髮。亦宜引而進之。察其所以而去就之。不宜默默而已也。愈之待命。四十餘日矣。書再上而志不得通。足三及門。閤人辭焉。惟其昏愚。不知逃遁。故復有周公之說焉。古之士三月不仕則弔。故出疆必載質。然所以重於有進者。以其於周不可。則去之魯。於魯不可。則去之齊。於齊不可。則去之宋。之鄭。之秦。之楚也。今天下一君。四海一國。舍乎此。則夷狄矣。去乎此。則去父母之邦矣。故士之行道者。不

得於朝則山林而已矣。山林者士之所獨善自養而不
憂天下者之所能安也。如有憂天下之心則不能矣。故
愈每自進而不知愧焉。書亟上足數及門而不知止焉。
寧獨如此而已。惴惴焉惟不得出大賢之門下是懼。亦
惟少垂察焉。後擢進士第。董相晉出鎮宣武。辟爲巡官。
晉卒。汴軍亂。與武寧帥張建封有故。則去依建封。建封
表爲府推官。始入院。吏持故事示愈。有自九月至來年
二月當宿院。晨入夜歸。非疾病事故不許出。愈大柳壹
不自堪。爲書與建封。言古人有言曰。人各有能有不能。
若此者。非愈之所能也。抑而行之。必發狂疾。上無以承

事于公。忘其將所以報德者。下無以自立。器失其所以爲心。凡執事之擇於愈者。非爲其能晨入夜歸也。必將有以取之。苟有以取之。雖不晨入夜歸。其所取者猶在也。下之事上。不一其事。上之使下。不一其事。量力而任之。度才而處之。其所不能。不彊使爲。是故爲下者。不獲罪於上。爲上者。不得怨於下矣。孟子有云。今之諸侯。無大相過者。以皆好臣其所敎。而不好臣其所受敎。今之時。與孟子之時。又加遠矣。皆好其聞命而奔走者。不好其直已而行道者。聞命而奔走者。好利者也。直已而行道者。好義者也。未有好利而愛其君者。亦未有好義而

忘其君者。愈蒙幸於執事。其所從舊矣。若寬假之。使不失其性。加待之。使足以爲名。寅而入。盡晨而退。申而入。終酉而退。率以爲常。亦不廢事。天下之人。聞執事之於愈如是也。必皆曰。執事之好士也如此。執事之待士以禮如此。執事之使人不枉其道而能有容如此。執事之欲成人之名如此。執事之厚於故舊如此。又將曰。韓愈之識其所依歸也如此。韓愈之不諂屈於富貴之人如此。韓愈之賢能使其主待之以禮如此。則死於執事之門。無悔也。若使隨行而入。逐隊而趨。言不敢盡其誠。道有所屈於已。天下之人。聞執事之於愈如此。皆曰。執事

之用韓愈哀其窮。收之而已爾。韓愈之事執事。不以道。利之而已爾。苟如是。雖日受千金之賜。一歲九遷其官。感恩則有之矣。將以稱於天下曰知己。則未也。伏惟哀其所不足。矜其愚。不錄其罪。而垂仁採納焉。建封謝之。其好直不阿如此。調四門博士。轉監察御史。法宮中有市易。令官吏主之。給其直。貞元末。以宦者爲使。多抑買。不如本估。率用百責千。仍索進奉門戶。并腳價錢。名宮市。實奪之。白望數百人。倚爲奸。真僊不復可辯。愈力疏其害。貶陽山令。陽山天下窮處。民鳥言夷面。而愈畫地爲字。相告語。惠愛之。民大感。至生子。多以其所姓爲字。

稍遷國子博士。都官員外郎。會華陰令柳澗爲前刺史。所劾未報。而刺史罷。澗因据刺史短頓蹙之。後刺史恚。按前澗愈。以使事過華。聞之。以爲刺史陰相黨。難爲下。請推治。而御史覆按得澗贓。言刺史無罪。澗再貶封溪尉。而愈坐妄論。復黜爲國子博士。愈自以才高數言事。而官下遷。乃作進學解以自諭。其文曰。國子先生晨入太學。招諸生立館下。誨之曰。業精于勤。荒于嬉。行成于思。毀于隨。方今聖賢相逢。治具畢張。拔去兇邪。登崇俊良。占小善者率見錄。名一藝者靡不庸。爬羅剔抉。刮垢磨光。蓋有幸而獲選。孰云多而不揚。諸生業患不

能精無患有司之不明。行患不能成。無患有司之不公。
言未既有笑于列者曰。先生欺予哉。弟子事先生于茲
有年矣。先生口不絕吟於六藝之文。手不停披於百家
之篇。記事者必提其要。纂言者必鉤其玄。貪多務得。細
大不捐。焚膏油以繼晷。恒兀兀以窮年。先生之業可謂
勤矣。觝排異端。攘斥佛老。補苴罅漏。張皇幽眇。尋墜緒
之茫茫。獨旁搜而遠紹。障百川而東之。廻狂瀾於既倒。
先生之於儒。可謂有勞矣。沉浸醲郁。含英咀華。作爲文
章。其書滿家。上規姚姒。渾浩無涯。周誥殷盤。佶屈聲牙。
春秋謹嚴。左氏浮誇。易竒而法。詩正而葩。下逮莊騷。太

史所錄子雲相如同工異曲。先生之於文。可謂閱其中而肆其外矣。少始知學。勇於敢爲。長通於方。左右具宜。先生之於爲人。可謂成矣。然而公不見信於人。私不見助於友。跋前踖後。動輒得咎。暫爲御史。遂竄南夷。三年博士。冗不見治。命與仇謀。取敗幾時。冬煖而兒號寒。年登而妻啼饑。頭童齒豁。竟死何裨。不知慮此。而反教人爲。先生曰。吁。子來前。夫大木爲杗。細木爲桷。榑櫨株橧。棖闌扂楔。各得其宜。施以成室者。匠氏之工也。玉札丹砂。赤箭青芝。牛溲馬渤。敗鼓之皮。俱收並蓄。待用無遺者。醫師之良也。登明選公。雜進巧拙。紆餘爲研。卓犖爲

傑較短論長。惟羈是適者。宰相之方也。昔者孟軻好辯。孔道以明。轍環天下。卒老于行。荀卿守正。大論是弘。逃讒于楚。廢苑蘭陵。是二儒者。吐辭爲經。舉足爲法。絕類離群。優入聖域。其過於世何如也。今先生學雖勤而不繇其統。言雖多而不要其中。文雖奇而不濟於用。行雖修而不顯於衆。猶且月費俸錢。歲縻廩粟。子不知耕。婦不知織。乘馬從徒。安坐而食。踵常途之促促。窺陳編以盜竊。然而聖主不加誅。宰臣不見斥。茲非其幸歟。動而得謗。名亦隨之。投閒置散。乃分之宜。若夫商賈賄之有亡。計班資之崇庳。忘已量之所稱。指前人之瑕疵。是所

謂詰匠氏之不以杙爲榼而訾醫師以昌陽引年欲進其菝苓也。執政得其文覽之悲其意擢爲比部郎史館脩撰轉考功郎中知制誥進中書舍人。稍登用。會憲宗欲削平諸藩鎮。一封疆議計淮蔡而大臣惑流言無與共功者。御史中丞度使行軍還具言賊可滅與柄相指異而愈上狀言淮西三州之地自少陽疾病去年春夏以來有職位者勞於計慮奉力役者疲於器械防守金帛糧畜耗於賞給執兵之卒四出掠而不償所費又頗聞畜馬甚多半年已來皆止槽櫪譬如有人雖兼十夫之力而朝夕大呼跳躍勢自委頓也。夫以三小州殘弊

困劇之餘。當天下之全力。其破敗立至。所未可知者。陛下斷與不斷耳。夫兵不多。不足以必勝。必勝之師。不在速戰。兵多而戰不速。則所費必廣。疆場兩界之間。日有殺傷。近賊州縣。日有徵役。當此之時。人人持異議。以惑陛下之聽。陛下持之不堅。半途而罷。傷威損重。爲弊必深。昔殷高宗。大聖之主也。以天子之威。伐背叛之國。三年而後克之。不以爲遲。傳曰。斷而後行。鬼神避之。願陛下詳度本末。內決於心。事至不惑。則天下幸甚。又言諸道兵羈旅單弱。不足用。而界賊州縣。百姓習戰鬪。知賊淺深。可撫而用也。誠募以充伍。而督教之。不過數月。可

使成軍。又欲四道置兵。道率三萬。以畜力伺利。便使蔡首尾衝決而不救。奏上忤執政意。會有人詆愈在江陵時。爲荆南帥裴均所厚。均子鶚貪鄙近利。還省。父愈爲序。餞字命之。左遷太子右庶子。其後帝卒。用裴晉公畫決討蔡。而晉公以宰相出視師。表愈御史中丞。充行軍司馬。愈卽自請乘傳先入汴。說都統弘竭忠力共功。於是卒乘輯睦。而元濟平。遷刑侍郎。會憲宗遣使者迎佛骨。鳳翔御樓觀。昇入大內。留三日。令諸寺遍迎供養。於是王公士庶奔走膜拜。委金寶盈道。至有焚頂燒指。灼體膚祈福利者。愈患之。疏極諫。章具異教考中。帝大怒。

欲深譴之。相裴度崔群進曰。愈誠有罪。然意獨懷忠。願少寬。帝曰。愈言我奉佛太過可也。至謂東漢以後天子奉佛。年天促。豈人臣所宜言耶。度群力爲謝。乃出刺潮。州愈至潮。問民所疾苦。皆曰。惡溪有鱷魚。數食民畜產。爲暴。愈往視。已令吏具羊一豕一棹。惡谿而親爲文。往檄之。畧曰。前代君德薄。棄楚越之地。則鱷魚涵泳於此。固其所也。今天子神聖。四海內外皆撫。而有况楊州之境。刺史縣令之所治。出貢賦以共天地宗廟山川之祀。而鱷魚睥然不安。豁潭食民畜。熊鹿麋豕以肥其身。而繁其卵。與刺史雜處此土。刺史雖驚。安肯低首爲鱷魚。

下哉。今潮州大海在其南。鯨鵬之大。蝦蟹之細。無不容。鱷魚朝發而夕至。今與鱷魚約三日。乃至七日。其必徙。如頑不徙。則刺史選材伎壯夫。操勁弓毒矢。與鱷魚從事。居一夕。暴風震霆大作。谿水南徙六十里。而谿涸。自是潮無鱷患。潮故不知學。愈至潮。禮儒士趙復爲之師。而潮人士始知學。愈終以贊平淮蔡見知。始至潮表謝。語悲惋。祈哀。帝覽之大慟。謂宰相曰。愈前論事大愛朕。欲復召而皇甫鑄素忌愈。尼之。量移袁州。已復召爲國子祭酒。

學勸道有直講習三禮而貌寢。諸學官咸易之。擯不與其食。愈命吏召與共食。學官繇此不敢賤直講而奏徵儒士爲學官。日會講。生徒奔走聚聽者甚衆。而儒學大

興成德軍弑節度使田弘正。立王廷湊而作亂。愈以兵
侍郎奉詔往宣慰。時鎮亂叵測。人皆爲愈危。學士元稹
爲帝言。愈有才。今身人不測。可惜。穆宗亦自悔之。乃馳
使令愈度事宜。進止無遽。入。愈慨然曰。安有受君命而
遲回自顧者。止。毋往。君之仁。必往。臣之義也。疾驅入。旣
抵境。廷湊盛陳兵逆之。及館。廷湊欲自爲好。而羅甲士
於庭。以劫愈。愈神氣端聳。諭禍福逆順甚辯。廷湊不敢
肆。厚爲禮而歸之。拜吏侍郎。相逢吉。與學士李紳交。怨
命愈爲京兆尹兼御史大夫。特敕免臺參。關之。俱得罷。

紳得留。愈亦復爲吏侍郎。語具帝紀中。尋卒。

年五十。贈有七。

禮尚書諡曰文。自魏晉來爲文者拘俳偶而經誥之旨
歸遷雄之氣格不復振。愈始挹群言之統肆力於周公
孔子之道。浸淫濡咏。深蓄旁礪而才力又足以勝之。實
始著論言孔子之道大而能博。門弟子不能徧觀而盡
識也。故學焉而各得其性之所近。其後離散分處諸侯
之國。又各以所能授弟子。原遠而未益分。孔子沒。尊聖
人者。孟軻氏而止爾。蓋讀孟子書然後知孔子之道尊
聖人之道易行。及得楊雄書益尊信孟氏。因雄書而孟
氏益尊。後又得荀氏書考其辭。時若未粹。要其歸與孔
子異者鮮矣。卽猶在軻雄之間乎。故孟氏醇乎醇者也。

荀與楊大醇而小疵。於是挾摘杳微。貫綜大義。剗浮剗
僞而一放之於文。雄深與博。千態萬狀。不可窺較。而渾
渾灝灝。卒澤之於道德。仁義炳如也。其自視。要比迹孟
軻。其用歸於尊孔氏。扶皇極。振斯文之統而已矣。自晉
訖隋。老佛之說盛行。諸儒匍匐歸往。助爲怪神。愈獨喟
然。引聖爭其惑。倣中庸作原道以明道。其文曰。博愛之
謂仁。行而宜之之謂義。繇是而之焉之謂道。足乎已無
待於外之謂德。仁與義爲定名。道與德爲虛位。故道有
君子小人。而德有凶有吉。老子之小仁義。非毀之也。其
見者小也。坐井而觀天。曰天小者。非天小也。彼以煦煦

爲仁。子子爲義。其小之也則宜。其所謂道。道其所道。非
吾所謂道也。其所謂德。德其所德。非吾所謂德也。凡吾
所謂道德云者。合仁與義言之也。天下之公言也。老子
所謂道德云者。去仁與義言之也。一人之私言也。周道
衰。孔子沒。火于秦。黃老于漢。佛于晉。宋齊梁魏隋之間。
其言道德仁義云者。不入于楊。則入于墨。不入于墨。則
入于老。不入于老。則入于佛。入于彼。必出于此。人者。
之。出者。奴之。入者。附之。出者。汙之。噫。後之人。其欲聞仁
義道德之說。孰從而聽之。老者曰。孔子吾師之弟子也。
佛者曰。孔子吾師之弟子也。爲孔子者。習聞其說。樂其

誕而自小也。亦曰吾師亦嘗師之也。云爾。不惟舉之於口。而又筆之於書。噫。後之人雖欲聞仁義道德之說。其孰從而求之甚矣。人之好怪也。不求其端。不訊其末。惟恠之欲聞。綱古之爲民者四。今之爲民者六。古之教者處其一。今之教者處其三。農之家一。而食粟之家六。工之家一。而用器之家六。賈之家一。而資焉之家六。奈之何民不窮且盜也。解古之時人之害多矣。有聖人者出。然後教之以相生相養之道。爲之君。爲之師。驅其蟲蛇禽獸。而處其中。土寒。然後爲之衣。饑。然後爲之食。木處而顛土處而病也。然後爲之官室。爲之工以贍其器用。

爲之賈以通其有無。爲之醫藥以濟其夭死。爲之葬埋
祭祀以長其恩愛。爲之禮以次其先後。爲之樂以宣其
湮鬱。爲之政以率其怠勸。爲之刑以鋤其強梗。相欺也。
爲之符璽斗斛權衡以信之。相奪也。爲之城郭甲兵以
守之。害至而爲之備。患生而爲之防。今其言曰。聖人不
死。大盜不止。剖斗折衡而民不爭。嗚呼。其亦不思而已
矣。如古之無聖人。人之黷滅久矣。何也。無羽毛鱗介以
居寒熱也。無爪牙以爭食也。解是故君者。出令者也。臣
者。行君之令而致之民者也。民者。出粟米麻絲作器皿。
通貨財。以事其上者也。君不出令。則失其所以爲君。臣

不行君之令而致之民。財失其所以爲臣民。不出粟米
麻絲。作器皿。通貨則以事其上。則誅。今其法曰。必棄而
君臣去。而父子禁。而相生相養之道。以求其所謂清淨
寂滅者。嗚呼。其亦幸而出於三代之後。而不見黜於禹
湯文武周公孔子也。其亦不幸而不出於三代之前。而
不見正於禹湯文武周公孔子也。三帝之與王。其道各
殊。其所以爲聖一也。夏葛而冬裘。渴飲而饑食。其事雖
殊。其所以爲智一也。今其言曰。曷不爲太古之無事。是
亦責冬之裘者曰。曷不爲葛之易也。責饑之食者曰。曷
不爲飲之易也。四解傳曰。古之欲明明德於天下者。先治

其國欲治其國者先齊其家欲齊其家者先修其身欲
修其身者先正其心欲正其心者先誠其意然則古之
所謂正心誠意者將以有爲也今也欲治其心而外天
下國家滅其天常子焉而不父其父臣焉而不君其君
民焉而不事其事五孔子之作春秋也諸侯用夷禮則
夷之夷而進於中國則中國之經曰夷狄之有君不如
諸夏之亡詩曰戎狄是膺荆舒是懲今也舉夷狄之法
而加之先王之教之上幾何其不昏而爲夷也六夫所
謂先王之教者何也博愛之謂仁行而宜之之謂義繇
是而之焉之謂道足乎已無待於外之謂德其文詩書

易春秋其法禮樂刑政其民士農工賈其位君臣父子
師友賓主昆弟夫婦其服麻絲其居宮室其食粟米蔬
菓魚肉其爲道易明其爲教易行也是故以之爲已則
順而詳以之爲人則愛而公以之爲心則和而平以之
爲天下國家無所處而不當是故生則得其情死則盡
其常郊焉而天神假廟焉而人鬼享忽照曰斯道也何
道也曰斯吾之所謂道也非向所謂老與佛之道也堯
以是傳之舜舜以是傳之禹禹以是傳之湯湯以是傳
之文武周公文武周公傳之孔子孔子傳之孟軻軻之
死不得其傳焉荀與楊也擇焉而不精語焉而不詳孫

周公而上。上而爲君。故其事行。繇周公而下。下而爲臣。故其說長。然則如之何而可也。曰。不塞。不流。不止。不行。人其人。火其書。廬其居。明先王之道。以道之鰥寡孤獨。廢疾者。有養也。其亦庶乎其可也。尾愈患世之言性者。溺空寂而不知其質也。作原性以明性。其文曰。性也者。與生俱者也。情也者。接於物而生者也。性之品有三。而所以爲性者五。情之品有三。而所以爲情者七。五者何也。曰。仁。曰。禮。曰。信。曰。義。曰。智。其三品。則上中下之謂也。上焉者之於五也。主於一而行於四。中焉者之於五也。一不少有焉。則少反焉。其於四也。混。下焉者之於五也。

反於一而悖於四。情之於性。視其品而所以爲情者七。曰喜。曰怒。曰哀。曰懼。曰愛。曰惡。曰欲。上焉者之於七也。動而處其中焉者之於七也。有所甚。有所亡。然而求合其中者也。下焉者之於七也。亡與其直情而行。孟子之言性曰。人之性善。荀子之言性曰。人之性惡。楊子之言性曰。人之性善惡混。叔魚之生也。其母視之。知其必以賄死。楊食我之生也。叔向之母聞其號。知其必滅宗。越椒之生也。子文以爲大戚。知若敖氏之鬼不食也。人之性果善乎。后稷之生也。其母無災。其始匍匐也。然。疑疑然。文王之在娘也。母不憂。旣生也。傳不

也。師不煩人之性。果惡乎。堯之朱。舜之均。文王之管蔡。習非不善也。而卒爲姦。茲戔戔之舜。鯀之禹。習非不惡也。而卒爲聖。人性善惡。果汨乎。故三子之言也。舉其中而遺其上下者也。得其一而失其二者也。曰。然則性之上下者。其終不可移乎。曰。上之性。就學而愈明。下之性。畏威而寡罪。故上者可教而下者可制也。其品則孔子所謂不移也。曰。今之言性者。異於此。何也。曰。今之言者。雜佛老而言之也。雜佛老而言也者。奚言而不異。愈感世拘於蕞然者。形以命人而不知其本也。作原人以重人曰。形於上者謂之天。形於下者謂之地。命於兩間者謂

之人形於上。日月星辰皆天也。形於下。山川草木皆地也。命於兩間。夷狄禽獸皆人也。曰。然則吾謂禽獸曰人可乎。曰。非也。指山而問焉。曰。山可也。山有草木禽獸皆舉之矣。指山之一草而問焉。曰。山則不可。故天道亂而日月星辰不得其行。地道亂而山川草木不得其平。人道亂而夷狄禽獸不得其性。天者。日月星辰之主也。地者。草木山川之主也。人者。夷狄禽獸之主也。主而暴之。不得其爲主之道矣。是故聖人一視而同仁。篤近而舉遠。其後愈以論佛骨。遠謫爲世所訕笑。已復有傳其左潮時。頗信奉釋氏者。襄陽刺史孟尚書簡素事佛。而於

愈厚善聞之喜。遺書問之。愈答之書曰。近有人傳愈近少信奉釋氏。此傳之者妄也。潮州時。有一光僧號大顛。頗聰明識道理。遠地無可與語者。故自山召至州郭。留十數日。實能外形骸。以理自勝。不爲事物所侵亂。興之語。雖不盡解。要自胸中無滯礙。以爲難得。因與往來。及祭神至海上。遂造其廬。及來袁州。留衣服爲別。乃人之情。非奉信其法求福田利益也。孔子云。丘之禱久矣。君子行已立身。自有法度。聖賢事業。具在方冊。可效可師。仰不愧天。俯不愧人。內不疚心。積善積惡。殃慶自各。以其顛而至。何有去聖人之道。捨先王之法。從夷狄之教。

以求福利也。詩不云乎。愷悌君子。求福不回。傳曰。不爲威惕。不爲利疚。藉令釋氏能與人爲禍祟。非守道君子之所懼也。况萬萬無此理。且彼佛者。果何人哉。其行事類君子耶。小人耶。若君子也。必不妄加禍於守道之人。如小人也。其身已死。其鬼不靈。天地神祇。昭布森列。又安肯令其鬼行胸臆。作威福於其間哉。進退無所據。而信奉之。亦且惑矣。且愈不助釋氏而排之者。其亦有說。孟子云。今天下不之楊。則之墨。楊墨交亂。而聖賢之道不明。故曰。能言距楊墨者。聖人之徒也。楊子雲云。古者楊墨塞路。孟子辭而闢之。如也。夫楊墨行。正道廢。且

數百年以至於秦卒滅先王之法。燒除其經。坑殺學士。
天下遂大亂。及秦滅。漢興。且百年。故學士多老死。新者
不見全經。不能盡知先王之事。各以所見爲守。分離乖
隔。不合不公。二帝三王群聖人之道。於是大壞。後之學
者。無所尋逐。以至於今。泯泯也。其禍出於楊墨肆行。而
莫之禁。故也。孟子雖賢聖。不得位。空言無施。雖切何補。
賴其言。而今之學者。獨知宗孔氏。崇仁義。貴王賤霸。而
已。其大經大法。皆亡滅而不救。壞爛而不收。所謂存十
一於千百。安在其能廓如也。然向無孟氏。則皆服左衽。
而言侏離矣。故愈嘗推尊孟氏。以爲功不在禹下者。爲

此也。漢氏以來。群儒區區。修補百孔。千瘡。隨亂隨失。其危如一髮引千鈞。縣縣延延。寢以微滅。於是時也。而唱釋老於其間。鼓天下之衆而從之。嗚呼。其亦不仁甚矣。釋老之害。過於楊墨。韓愈之賢。不及孟子。孟子不能救之於未亡之前。而韓愈乃欲全之於已壞之後。嗚呼。其亦不量其力。且見其身之危。莫之救以死也。雖然。使其道繇愈而粗傳。雖滅死萬萬。無恨。天地鬼神臨之在上。質之在旁。又安得因一摧折。自毀其道。以從於邪也。蓋漢宗經重師法。魏晉來。世不復知有師。唐尤甚。有輒其譁笑。以爲怪。至愈始博綜今古。愍惻當世。抗顏以師道。

自任。作師說以貽學者。其文曰。古之學者必有師。師者所以傳道受業解惑也。人非生而知之者。孰能無惑。惑而不從師。其爲惑也終不可解矣。生乎吾前。其聞道也固先乎吾。吾從而師之。生乎吾後。其聞道也亦先乎吾。吾從而師之。吾師道也。夫庸知其年之先後生於吾乎。是故無貴無賤。無長無少。道之所存。師之所存也。嗟乎。師道之不傳也久矣。欲人之無惑也難矣。古之聖人其出人也遠矣。猶且從師而問焉。今之衆人其下聖人也亦遠矣。而耻學於師。是故聖益聖。愚益愚。聖人之所以爲聖。愚人之所以爲愚。其皆出於此乎。愛其子。擇師而

教之於其身也。則耻師焉。惑矣。彼童子之師。授之書而
習其句讀者也。非吾所謂傳其道。解其惑者也。句讀之
不知。惑之不解。或師焉。或否焉。小學而大遺。吾未見其
明也。巫醫樂師百工之人。不耻相師。士大夫之族。曰師
曰弟子云者。則群聚而笑之。問之則曰。彼與彼年相若
也。道相似也。位卑則足羞。官盛則近諛。嗚呼。師道之不
復可知矣。巫醫樂師百工之人。君子不齒。今其智乃反
不能及其可怪也歟。聖人無常師。孔子師郯子。苻弘師
襄。老聃。郯子之徒。其賢不及孔子。孔子曰。三人行。必有
我師。是故弟子不必不如師。師不必賢於弟子。聞道有

先後衡養有專攻如是而已。李氏子蟠好古文六藝經傳。通習之。不拘於時。學於余。余嘉其能行古道。作師說貽之。愈患世毀譽失實。上之人苟然以徇之。而士不能以自全也。作原毀曰。古之君子其責已也重。以周其待人也輕。以約。重以周。故不急。輕以約。故人樂爲善。聞古之人有舜者。其爲人也仁義人也。求其所以爲舜者。責於已曰。彼能是而我乃不能是。蚤夜以思。去其不如舜者。就其如舜者。聞古之人有周公者。其爲人也多才與藝人也。求其所以爲周公者。責於已曰。彼人也。予人也。彼能是而我乃不能是。蚤夜以思。去其不如周公者。就

其如周公者。舜大聖人也。後世無及焉。周公大聖人也。後世無及焉。斯人也。乃曰不如舜。不如周公。吾之病也。是不亦責於身者重以周乎。其於人也。曰彼人也。能有是。是足爲良人矣。能善是。是足爲藝人矣。取其一。不責其二。卽其新。不計其舊。恐恐焉。惟懼人之不得爲善也。利一善易修也。一藝易能也。其於人也。乃曰能有是。是亦足矣。曰能善是。是亦足矣。不亦待於人者輕以約乎。今之君子則不然。其責人也詳。其待已也廉。詳故人難於爲善。廉故自取也少。已未有善。曰我善是。是亦足矣。已未有能。曰我能是。是亦足矣。外以欺於人。內自欺於

心未少有得而止矣。不亦待其身者已廉乎。其於人也。曰彼雖能是。其人不足彌也。彼雖善是。其用不足彌也。舉其一不計其十。究其舊不圖其新。恐恐焉。惟懼其人。之有聞也。是不亦責於人者已詳乎。夫是之謂不以衆人待其身。而以聖人望於人。吾未見其尊已也。雖然。爲是者。有本有原。怠與忌之謂也。怠者不能脩。忌者畏人脩。吾嘗試之矣。嘗試語於衆曰。某良士。某良士。其應者必其人之與也。不然。則其所疏遠。不與同其利者也。不然。則其畏也。不若是。强者必怒於言。懦者必怒於色矣。又嘗語於衆曰。某非良士。某非良士。其不應者。必其人

之與也不然則其所疎遠不與同其利者也不然則其
畏也不若是強者必悅於言懦者必悅於色矣是故事
脩而謗興德高而毀來嗚呼士之處此世而望名譽之
光道德之行難已將有作於上者得吾說而存之其國
家可幾而理歟至其平生學文因有見於道答李翱書
具見其大都其書曰生所謂文將斬勝於人而取於人
耶斬勝於人而取於人則固勝於人而可取於人矣將
求至於古之立言者則無望其速成無誘於勢利養其
根而埃其實加其膏而希其光根之茂者其實遂膏之
沃者其光曄仁義之人其言藹如也抑又有難者愈之

所爲不自知其至乎。猶未也。雖然。學之二十餘年矣。始
者非三代兩漢之書不敢觀。非聖人之志不敢存。處若
忘。行若遺。儼乎其若思。茫乎其若迷。有根當其取於心而
注於手也。惟陳言之務去。憂憂乎其難哉。其觀於人。不
知非笑之爲非笑也。如是者有年。猶不改。然後識古書
之正僞。與雖正而不至焉者。昭昭然白黑分矣。而務去
之。乃徐有得也。當其取於心而注於手也。汨汨然來矣。
其觀於人也。笑之則以爲喜。譽之則以爲憂。以其猶有
人之說者存也。有如是者亦有年。然後浩乎其沛然矣。
吾又懼其襍也。迎而距之。平心而察之。其皆醇也。然後

肆焉。雖然。不可以不養也。行之乎仁義之途。游之乎詩書之源。無迷其途。無絕其源。終吾身而已矣。氣。水也。言浮物也。水大而物之浮者。大小畢浮。氣之與言。猶是也。氣盛則言之短長。與聲之高下。皆宜。雖如是。其敢自謂幾於成乎。雖幾於成。其用於人也奚取焉。雖然。處心有道。行已有方。用則施諸人。舍則傳諸其徒。垂諸文。而爲後世法。如是者。其亦足樂乎。其無足樂也。有志乎古者。希矣。志乎古。必遺乎今。吾誠樂而悲之。愈爲人明。果不詭隨。與人交。榮悴不少易。少與孟郊張籍善。一人者不克振。愈通顯。爲薦達。造請於公卿間。終以成名。誘勵後

進後進生歸之。館穀者常十數人。雖晨炊不給。怡然不爲意。諸經指授成學者甚衆。平生以興起名教。弘獎仁義爲已任。內外親及朋友無後者。爲嫁遣其孤女而恤其家。生三歲而孤。賴兄嫂以生。事嫂鄭如母。卒而爲之菴。故嫂之有菴也。自吏部始也。是時與愈同道爲文章友善者。柳宗元。孟郊。李翱。從之游者。有張籍。李漢之倫。然能佐佑六經。沛然出之。若有餘者。惟愈文爲然。唐史贊之言。唐興承七代蠹俚之習。討究儒術。興典憲。薰醲涵濡百餘年。至貞元元和間。愈以六經之文爲諸儒倡。粹然一出於正。其進諫陳謀。矯拂嫻末。皇皇於仁義可。

謂爲道君子矣。昔孟軻距楊墨，去孔子纔二百年，愈排
二家，乃去之千餘歲，撓衰反正，功與齊而力倍之。所以
過況雄者不少。自愈沒，其言大行，學者仰之如泰山北
斗云。

柳宗元

字子厚

其先河東人。後徙於吳。少精敏絕倫。第進

士。舉博學宏詞。授集賢殿正字。廉悍有口。率常屈其坐

人。累監察御史。當是時。彭城劉禹錫亦舉進士宏辭科。

與同官厚善。會王叔文得幸順宗。專用事。宗元禹錫及

東平呂溫輩皆以文學有重名。見叔文慷慨談王霸視

天下事若無不可爲也。欲階以通顯親

附之而宗元遷禮部員外郎。禹錫轉屯田員外郎判度支。皆入禁近與密計。言無不從。見者側目。御史中丞武元衡。賢宗元不悅也。左授右庶子。侍御史竇群。糾禹錫等挾邪亂政。立罷官。所進退以愛憎爲重輕。爲中外所忿嫉。居無何。叔文敗。宗元溫禹錫等俱出爲刺史。未至。又俱貶州司馬。宗元得永州。禹錫得朗州。宗元既放。益自刻苦。務記覽。爲辭章。汎濫停蓄。深博無涯涘。而自放於山水之間。做離騷爲賦數十篇。以宣其漚鬱。徧反之懷。禹錫亦以文章吟詠自愉快。做騷人作爲新辭。教巫祝以歌。而自遣。久之。執政惜其才。欲洗滌序用。召至京。

而禹錫遊玄都觀詠桃花語譏刺。又俱出爲刺史。禹錫得播。宗元得樺。宗元太息曰。播西南極遠地。與猿猱雜處。此非人所居。而禹錫有母年八十餘。將無辭以白其大人。卽具奏。願以桺易播。會裴晉公度爲禹錫請。稍移近地。便養。憲宗曰。夫爲人子者。須謹身慎行。毋貽親之憂。而禹錫不自重。抵此何爲乎。惜之。度伏不起。帝改容曰。朕所言責人子也。然終不欲傷其親之心。改授連州。宗元乃去之樺。太息曰。嗟乎。是獨不足與爲政耶。因其土俗。設教禁。以治州人。順賴樺俗。以男女質子錢家。與爲期贖。過期則沒爲奴婢。宗元與設方計。令贖歸其

貧不能贖者。令爲傭傭。直足相當。則聽歸。觀察使下其
法於他州。歲中免而歸者千人。柳故無文學。自宗元爲
柳。衡湘以南。治進士業者。競爭往師之。而文學乃興。無
何卒。年四十七。子周六。周七在襁褓。觀察使裴行立爲營護。
其器還京師。韓吏部愈誌其墓。以爲子厚前時少年。勇
於爲人。不自貴重。顧籍謂功業可立就。故坐廢退。既退
又無相知。有氣力得位者。推挽故卒死於窮。使子厚在
臺省時。自持其身。已能如刺史司馬時。亦自不斥。斥時
有人力能舉之。且復用不窮。然子厚斥不久。窮不極。雖
有出於人。其文學辭章。必且不能自力。以致必傳於後。

如今無疑也。雖使子厚得所願。爲將相於一時。以彼易此。必有能辯之者。又嘗評其文。以爲雄深雅健。似司馬子長。崔蔡不足多。宗元於文事最精力。所與常中立書。具見其大方。其書曰。吾幼少爲文章。以辭爲主。及長。乃知文以明道。固不苟爲炳炳烺烺。務采色夸聲音。而以爲能也。故吾每爲文。未嘗敢以輕心掉之。懼其剽而不留也。未嘗敢以怠心易之。懼其弛而不嚴也。未嘗敢以昏氣出之。懼其昧沒而雜也。未嘗敢以矜氣作之。懼其偃蹇而驕也。抑之欲其奧。揚之欲其明。疏之欲其通。廉之欲其節。激之欲其清。固而存之。欲其重。此吾所

以羽翼乎道也。本之書以求其質，本之詩以求其恒，本之禮以求其宜，本之春秋以求其斷，本之易以求其動。此吾所以取道之原也。參之穀梁氏以厲其氣，參之孟子以暢其支，參之老莊以肆其端，參之國語以博其趣，參之離騷以致其幽，參之太史公以著其潔。此吾所以旁推交通而以為文也。蓋愈宗元實始厭六朝靡麗，垂意於先秦西漢之文。其序西漢文類曰：「左右史混久矣，言事駁亂，尚書春秋之旨不立。」自左丘明傳孔氏，太史公述歷古今，合而為史記，迄于今，交錯相糾，莫能離其說。獨左氏國語紀言，不參於事，戰國策春秋後語頗本

古史尚書之制。然無古聖人蔚然之道。大抵促數耗矣。
文之近古而尤壯麗。莫如漢西京。當文帝時。始得賈生。
明儒術。武帝好儒。而公孫弘。董仲舒。司馬遷。相如之徒。
著作益盛。自天子至公卿大夫士。無人不咸通焉。於是宣
於詔策。達於奏議。諷於辭賦。傳於歌謠。繇高帝迄哀平。
王莽之誅。四方之文章。爛然。史臣班孟堅。修其書。拔其
尤者。充于簡冊。迨東都則既衰矣。吾嘗病其畔散不屬。
無以考其變。欲采比義。會年長疾作。駑墮愈日甚。未能
勝也。吾弟宗直愛古書。樂而成之。搜討磔裂。裾撫融結。
離而同之。與類推移。不易時而咸得從其條貫。森然炳

然若開群玉之府。指揮聯累圭璋琛璜之狀。各有列位。不失其序。雖第其價可也。蓋賦頌詩歌書奏詔策辭論之詞畢具。而右史記言。與尚書戰國策成敗興衰之說。大備而無不苞。侯學古者興行焉。其撰梓人傳。明梓匠通於相道。在不役於力。知體要。撰郭橐駝傳。明種樹通於養人。蔣也。若子。置也。若棄。則性得而天全。作捕蛇者說。明賦歛之害。毒於蛇。皆有補於世。然自退之爭臣論。刺陽城甚辯。而不得其情。他所著。好持論。時有之。然而未甚也。至宗元論封建。非月令國語。往往執道之動變。相詰難。務伸其說。而苟以辯博濟之。壹不繇其統。晚近

世意見議論之習自此始而文愈益弊云。

孟郊

字東野

湖州武康人少隱嵩山耿介少諸合而色夷

氣清可畏而可親其爲詩劇日鉢心迎刃縷解鈎章棘
句若神施鬼設間見層出也惟大放於辭而與世抹
人皆刼刼已獨有餘有以後時開之者大笑曰吾旣
而與之矣其猶足存耶年幾五十始從進士舉得第輒
棄去又四年選爲漂陽尉又去去尉二年東都留守鄭
餘慶署爲水陸運從事試協律郎親拜其母於門內領
興元軍又表爲其軍參謀未至卒樊宗師合諸賻贈葬
洛陽城東韓愈銘其墓張籍合衆議私謚之曰貞曜先

生李觀論其詩。至以爲高。處在古無上。平處乃下。顧謝云。

樊宗師。

字紹述。

興元人。父驛帥江陵。官右僕射。家貴富矣。

盡斥其家錢。不居積。獨好讀書。所著文多至十百卷。其富若生蓄萬物必具。然而必出於已。不蹈襲前人一言。海涵地負。橫縱放恣。無所統紀。然不煩於繩削而合也。晚家益落。妻子告不足。顧笑曰。我道如是也。以金部郎中刺綿州。徵拜左司郎中。又出刺絳。所居官治。宗師知音樂。能以音樂覘吉凶。嘗觀樂。或問曰。何如。曰。後當然。已而果然。

張籍和州烏江人。性狷介，好文。初與孟郊游，因交。愈以
愈喜博塞，又與人時爲無實駁雜之說，相諧謔爲樂。又
議論好已勝，乃爲書數其失而勸其當著書。若孟軻、楊
雄以垂世，愈不能用。然可以知籍。籍舉進士官秘書，愈
薦其學有師法，文多古風。沈默靜退，可爲人師。改博士。
後至司業卒。

李漢字南紀

淮陽王道明六世孫，爲人剛直，屬辭雄蔚。愈

謂其類已也。以其子妻之。擢進士累左拾遺，多所匡救。
敬宗侈構沈香材爲亭，漢諫曰：「沈水香爲亭材，於瑤
臺瓊室何異？」出佐興元幕。文宗立，爲史館修撰，論次憲

宗實錄書前相吉甫事法不隱吉甫子德裕相大恚之。
坐貶官以遂不復振漢於昌黎至熙序其集獨稱其於
文摧陷廓清之功。比之武事。可謂雄偉不常。其不阿如
此。是時有較書郎李觀元。省善屬文。不旁沿前人語。與
韓愈相上下。愈稱其才高乎當世。行出乎古人。年二十九卒。
先是永州有覃季子。生而愛書。貧甚。尤介特不苟。推太
史公斑固書而下。至唐橫豎鈎貫。通爲書。曰史纂。又取
鬻老管莊孟荀而下。其術自儒墨名法道德。至於狗彘
草木。凡有益於世者。通爲書。日子纂。不求聞達。黜陟使
取其書上之。除太子較書。病將死。嘆曰。寧有聞而窮乎。

將無聞而豐乎。寧介而賤乎。將混而遂乎。後若干年。柳
宗元爲永州。始求其墓銘之石。銘曰。因其獨。豐其辱。而
並韓愈時。與愈同道相厚善。文少遜於愈。學近於道。過
之日。李文公翱。字習之。涼武昭王後裔也。貞元中。舉進士。
元和初。官國子博士。史館脩撰。時天子克淮蔡。天下想
望治平。而帝意稍益急。翱䟽納忠。上正本六事。語具帝
紀中。又以其職。言人之行。自非大善大惡。暴著於世者。
必訪之於人。人不能周知。必取其家行狀。謚牒考質之。
誠欲得其實。不敢苟也。然爲狀者。類皆其故吏門生。苟
知虛美於受恩之地。溺于文而忘質。故無所考信。請自

今狀行實者。必直指事情。明載功狀。則賢不肖自見。如
狀魏徵。但記其諫爭語。足以爲直。狀段秀實。但記其倒
用司農印追逆兵。笏擊朱泚。足以爲忠。無爲浮彌。不者。
較考功。勿受其文。依質者。始下太常牒。史館定謚。詔從
之。日遷考功員外郎。輒性剛直。議論無回避。嘗入中書。
面數相逢吉之過。退移病。滿百日。自免去。逢吉表爲廬
州刺史。州旱疫。逋捐載路。悉心勞來。權豪市田宅。予直
攤其賦。窶戶困之。勅下教令。以田占租。無得隱。收豪室
稅萬二千緡。貧弱以安。太和初。入爲諫議大夫。知制誥。
擢中書舍人。坐舉諫大夫栢耆。宜諭滄州。不稱。左遷少

府少監刺鄭州歷桂管湖南觀察使徵爲刑侍郎簡較
戶尚書出鎮山南東道卒翱博雅好古爲文尚氣質好
推轂賢士韓愈嘗謂之言今天下汲汲於士者惟獨君
與愈耳翱曰公好士惟於能文章兼附已者無所愛翱
惟其賢以是不同又嘗以書責裴晉公居相位道不行
忍耻內愧不引退其忠告如此是時士並學古文辭游
心於三代兩漢之盛而鮮志於其本翱獨求端於性情
動靜之際以發誠明之要作復性書三篇吳郡陸參見
而歎之曰子之言尼父之心也聖人復作不出此不息
之而已翱又以生民之大法莫大於井田著平賦書以

明其可復。書具土田志中。其復性書略曰。聖人之所以
爲聖人者。性也。人之所以惑其性者。情也。喜怒哀懼愛
惡欲。七者循環而交來。故性不能統。非其性之罪也。水
之渾也。其流不清。火之煙也。其光不明。非水火清明之
過也。沙不渾水。斯清矣。煙不鬱光。斯明矣。情不作。性斯
統矣。性者。天之命也。聖人性之不惑者也。寂然不動。廣
大清明。照乎天地。感而遂通天下之故。行止語言。無不
處其極也。豈其無情。雖有情也。而未嘗有情也。百姓者。
豈其無性情之所昏。相攻相取。未始有窮。故雖性與聖
人不殊。而終身不自覩焉。故誠者。聖人之性也。循之而

不已者。譬人之所以復其性也。聖人知人之性皆善。可
以循之不息。而至於聖也。故制禮以節之。作樂以和之。
安於仁。樂之本也。動而中。禮之本也。故在車則聞和鑾
之聲。行則聞佩玉之音。無故不去琴瑟。視聽言動。循禮
法而動。所以教人忘嗜慾。而歸性命之道也。夫道至誠
而不息者也。誠而不息則虛。虛而不息則明。明而不息
則照。天地而無遺。此盡性命之道也。昔聖人以傳于顏
子矣。顏子得之。拳拳服膺。不遠而復。其心三月不違仁。
其餘升堂者。蓋皆傳也。一氣之所春。一雨之所膏。而得
之音有淺深。不必均也。子路死而冠不免。結纓而死。心

不動故也。曾子曰：吾何求哉？吾得正而斃焉，斯已矣。正性命之言也。子思，仲尼之孫，述中庸以傳於孟軻。孟軻曰：我四十不動心。蓋其傳也。自是此道廢缺。性命之書雖存，學者莫能明。是以皆入於莊列老釋。至謂夫子之徒，不足以窮性命之道。悲夫！曰：人之昏也久矣。將復其性，也有漸，敢問其方。曰：弗慮弗思，情乃不生。情既不生，乃爲正思。正思者，無思無慮也。然此齋戒其心者也。猶未離於靜也。有靜必動，動靜不息，則情也。故曰：吉凶悔吝生乎動。焉能復其性耶？惟方靜之時，知心無思，是齋戒也。知本無有思，動靜皆離，而寂然不動，是至誠也。曰：

不思不慮之時。物至於外。情應於內。如之何其可止也。
以情止情也。則何如。曰。情者。性之欲也。知其爲欲。本無
其欲。寂然而已。惟性明照。邪何所生。易曰。顏氏之子。其
殆庶幾乎。有不善未嘗不知。知之未嘗復行。是也。如以
情止情。是大欲也。欲之相止。庸有極乎。曰。本無欲。動
靜皆離。則聲之來也。其不聞乎。物之形也。其不見乎。曰。
不聞不見。則非人也。視聽昭昭。不起於見聞。而無不知
也。無不爲也。是誠之明也。曰。大學言致知在格物。何也。
曰。物者。物也。格者。至也。物至知知。其心昭昭。辨焉。而不
應於物也。是致知也。曰。中庸言天命之謂性。何也。曰。性

者天之命。人生而靜。天之性也。率性之謂道。何也。率循也。循其源而反其性。定而不動者。道也。脩道之謂教。何也。曰。教者。人之道。擇道而固執之。教也。道不可湏臾離者也。心不可湏臾動焉。故也。動則遠矣。非道也。變化無方。未始離於不動也。夫不覩之覩。見莫大焉。不聞之聞。聞莫甚焉。其心不動。是不覩之覩。不聞之聞也。復之不遠矣。故慎其獨。慎獨者。守其中也。問昔之注中庸。與生之言。殊何也。曰。彼以事解。我以心通。曰。如子言。脩之可。以至於聖乎。曰。十年擾之。一旦止之。而求至焉。孟子所謂以杯水救一車薪之火也。止而不息。必誠。誠而不息。

必明明與誠終食不違則能終身矣造次必於是顛沛
必於是則可以希於至矣問聖人之性將復爲嗜慾渾
乎曰不復渾矣欲者妄與邪也無因而生聖人既復其
性妄情滅息本性清明周流六虛覺則無邪邪妄自生
伊尹曰天生斯民以先知覺後知以先覺覺後覺如復
爲嗜慾所渾是尚未能自覺也安能覺人人之不力於
道也昏不思也其昏不思何也曰天地之間萬物生焉
人萬物中之一物也其所以異於禽獸蟲魚者非以性
之全哉受一氣於天地而一爲物一爲人得之甚難也
生乎世又非深長之年也以非深長之年行至難得之

身而不專之乎大道。肆其心之所爲。其所以異於禽獸。蟲魚者無幾矣。乃昏而不思。嗚呼。人之生也。雖饗百年。若雷電之驚相激也。若風之飄而旋也。回視前所歷之年時。如朝日也。况千萬人而無一及百年之年者哉。故終日志於道德。猶懼其未也。彼肆其心之所爲者。亦獨何哉。其論文曰。六經創意造言。皆不相師。故讀春秋也。如未嘗有詩。讀詩也。如未嘗有易。讀易也。如未嘗有書。讀屈原莊周也。如未嘗有六經。義深則意遠。意遠則理辯。理辯則氣厚。氣厚則詞盛。而文昌。今天下之語文者。異於是。其尚異者曰。文章辭句奇險而已。好理者曰。文

章叙意苟通而已。溺於時者曰。文必當對。病於時者曰。文不當對。其愛難者曰。文章宜深。不宜易。其便易者曰。文章宜通。不宜難。此皆情有偏滯。未識夫文之至也。義不主於理。言不衷於教。而詞句怪麗者有之。劇秦美新。王褒僅約是也。其理往往是。而辭不能工者有之。劉氏人物志。太公家教是也。而又何取焉。古之人能深於義。當於理。文之以其辭而已。不知其對與否。易與難也。詩曰。憂心悄悄。愠于群小。此非對也。曰。邁閔既多。受侮不少。此非不對也。書曰。朕疾讒說殄行。震驚朕師。詩曰。范彼桑桑。其下侯甸。將采其劉。瘼此下人。非易也。書曰。光

被四表。格于上下。詩曰。十畝之間。兮桑者聞聞。兮行與
子旋兮。非難也。夫學古文者。悅古人之行。愛古人之道
也。故學其言。不可以不行其行。行其行。不可以不重其
道。重其道。不可以不知其理。持已莫如恭。自責莫如厚。
接衆莫如弘。用心莫如直。進德莫如勇。受益莫如擇友。
好學莫如改過。

論曰。古稱文章之關氣運也。詎不諒哉。唐初詩。初暘晨
暉乎。盛唐則春容敷華。神工浹混茫焉。韓白夏木千章。
繁蒼蒼然秋。迨晚季則衰柳寒蜩。噍殺甚矣。斯聲氣之
自然。豈人力也哉。乃唐文至韓而始昌。而時既中晚。斯

何也。曰。夫夫間氣也。起六代之衰。唐無韓。無文。然適望孟荀而止。亦何可謂盛世之文也。夫運氣則各有攸專。漢之文。唐之詩。宋之理學。則各乘所幸。故於元運通。鳴呼微哉。

國史上編卷之四十九

明圻郡鄧元錫纂

五代志

五代梁本梁祖朱全忠從盜黃巢作亂已反正歸唐封梁王因篡唐自帝而爲梁後唐者晉王李克用起沙陀平巢復長安唐賜國姓封之晉已嗣王存勗滅梁復稱唐爲後唐也。全忠本名溫宋州碭山午溝里人父誠教子貧不能爲生與母王備蕭縣人劉崇家爲食全忠爲人長者存有勇力而溫最寬悍皆起從巢爲盜惟全忠獨與母居存戰死嶺南巢陷長安以溫爲同州防禦使始黃巢以大盜陷京師爲暴天下不忍四方勤王兵衆起誅巢溫知巢之不可以

父也以同華自歸。唐以爲汴州刺史。河中行營招討副

使。鎮宣武。賜今名。而全忠有汴梁。全忠旣得鎮。遣人之

母王惶恐走匿。曰。朱三落。行作賊。死久矣。今何爲者。

使者俱道所繇。得鎮狀。母爲喜泣下。而所傭家劉崇母

故偉。視溫遇溫母子厚。迎與俱。溫置酒前。舉觴爲壽。歡

甚。自喜曰。朱五經。平生讀書。不登一第。有子爲節鎮。則

何如。母惻然。良久曰。汝能自致身至此。可謂英雄。然行

義何必如先人。溫問何也。母曰。朱二與汝俱從巢。獨前

死。孤安在。汝獨不念之乎。溫流涕。

謝。乃悉召存諸子於午溝以歸。河東帥克用性惇固。

失軍走韃靼。恒身負材武。思爲天下用以相鐸召。悉兵

出河中。敗巢將石隄谷。又敗之良田。已大敗之渭橋。自

光泰門人巢亡走藍田。遂復長安。而晉有河東。克用其

愆。朱邪部人也。後自別爲沙陀。稱貴種。德宗時。有朱邪
盡忠者。居北庭金沙州。子執宜居定襄。自歸唐。相衛公

德裕以爲福祿人可結者也其部落驍勇善騎射號沙陀軍執宜子朱邪赤心以討盜寇勛功拜振武節度賜姓名李國昌附屬籍因并大同軍而沙陀益熾爲招討使李琢所忌擊破之國昌與克用俱亡入鞬鞞克用少驍勇軍中號曰李鴇兒以一目眇也又號獨眼龍或懸針或立馬鞭百步外射之命中部落神事之在鞬鞞鬱鬱不得志及是功會盜巢麴汴州汴帥全忠乞師於河成年二十有八矣

東河東帥克用以師赴擊破巢而全忠恃以細忿圖之

而河東與汴交惡克用下兵太行渡河出洛陽與汴兵會擊巢敗之巢走郾走中牟又敗之

走封丘又大敗之巢奔交克用追至宛旬晝復行二百里騎不屬糧盡還師過汴州全忠迎致上源驛饗之禮甚恭而克用醉使酒嫚易之全忠恚不能忍又故喜負人則與宣武將楊彥洪謀連車塞路發兵圍驛襲擊之克用醉不知也親兵薛志勛史敬思等十餘人出與鬪侍者郭景銖亟滅燭扶克用匿牀下以水沃其面以難告克用始張目援弓起則火四合矣會大雨震電火隨滅得踰垣突圍乘電光縋城下躡身走其軍敬思戰歿

克用妻劉故多智習兵從克用軍中左右亡歸者以變告劉恐搖軍心立斬之召諸將謀保軍其還比明而克用至大恚恨官以爲力戰破巢於汴有再造功而全忠者負之憤憤也欲勒兵攻全忠劉夫人曰不可汴誠負我然我當訴之朝惟朝廷之所處之若擅相攻天下孰辨其曲直哉且令彼得以爲口實克用曰善乃移書責全忠而去全忠懼殺楊彥洪以爲解克用還晉陽表自陳爲全忠所圖請許得復讎朝廷方務姑息爲優詔和解克用前後八表言全忠陰狡禍賊異日必爲國患乞下詔削奪官爵臣自帥本道兵討之不以勤他鎮帝又遣中使諭旨而論平巢功封克用隴西郡王全忠沛郡侯並同平章事隴已全忠破秦宗權兼兗郛而軍振時黃巢歿其黨秦宗權陷陝洛懷孟唐許汝鄭州橋帝矣遣將兵擊全忠環汴爲柵三十六攻圍之全忠患兵少不敢出乃遣朱珍東募兵而求救于兗郛珍得兵萬人馬數百匹以來擊宗權板橋軍拔四柵又擊萬勝軍斬將宗權自將精兵數萬以來柵比郊兗帥朱瑾鄆帥朱宣軍來援全忠饗之軍中酒半陽昃如廁則以輕兵出北門襲擊宗權軍宗權殊不意以大敗跳身遁已復遣將來又敗師大賊

而河陽陝維之兵爲宗權守者各奔潰天子以紀功碑
賜焉全忠既破宗權欲遂取兗鄆雖藉宣瑾援免難卽
負之誣二鎮誘汴亡卒以東發兵攻之取曹濮攻兗鄆
兗鄆如晉乞師克用遣養子存信假道于魏救之全忠
使人問於魏曰克用志吞河朔師還必將爲魏恃憂而
存信不戢下爲侵暴魏恃師羅弘信怒襲存信破之與
河東絕而專志於全忠全忠方圖兗鄆畏弘信議其後
有贈遺對使者北面再拜受曰六兄於子長以倍非諸
鄰比也弘信大信安之全忠以是得專意東方克鄆州
執朱宣進襲兗克之獲瑾妻子瑾帥衆奔淮南於是鄆
齊曹棟兗沂密徐宿陳克河中執王珂歸殺之軍大振
許鄭滑濮皆入于全忠
珂唐河中節度使重榮兄子也重榮卒弟重盈有其軍
晉王克用因以女妻珂表爲獲國軍節度使昭宗爲劉
季述所廢京師亂崔胤陰召梁以兵西全忠以珂在河
中懼爲患乃顧張存敬侯言以一大繩與之曰持爲我
縛珂來存敬等擊破晉絳遣別將守之絕晉援而攻圍
河中珂告急晉師不出遣其妻自以書乞師晉王報之
曰今梁兵阻晉絳我衆寡不敵來救則并與晉俱亡不
若與王郎自歸朝可也珂乃治舟于河欲復走京師牙

將劉訓曰公攜家復濟人謹爭舟儻一夫鴟張者事去矣不若遲明以情諭軍中願從者聽猶可得其半以從也珂以爲然平明有勸珂以入朝危獨當爲款狀緩梁兵珂信之止不入朝登城呼存敬曰吾於梁有家世之舊請退舍俟梁王來吾降矣存敬使人馳以聞始全忠自同州降唐依重榮以居母王氏因事重榮爲舅父同親及是卽馳赴河中至先之城東哭重榮墓而後入珂欲面縛牽羊以迎全忠曰太師舅之恩何可忘卽君以亡國之禮見太師舅謂我何珂迎於路全忠握手與相啼唏厚遇之徙之汴使入覲行至華殺之傳舍中與相潞比而謀河東是以有河東之役而王師敗績王行瑜李茂貞韓建並舉兵犯闕詔雪克用復官爵招討之克用奉詔克邠誅行瑜進爵晉王而朝廷終疑之不令取岐華誅茂貞建拔禍本也語具唐紀中已晉失潞澤鎮定義武諸帥心而內亂軍不振而困不敢與全忠事事

者累年用掌書記李襲吉畫獨崇德愛人去奢省役設

險固境訓兵務農而國存

初澤帥李罕之以兵從克用討巢有功求帥邠寧克用曰

行瑜恃功邀君吾與公弗是也討而誅之昨破賊時吾

昔奏廻天子所命帥亟赴鎮今遽爲公請朝議必且謂

吾輩復如王行瑜所爲侯還鎮別圖上公功罕之意少

望會昭義薛志勤死罕之擅引澤州兵入據潞克用遣

使譙讓之於是罕之與河陽張全義以洛河陽附全忠

而鎮定義武皆絕河東附於汴克用有養子曰存孝最

勇力以見疑叛誅死晉兵益衰攻幽州爲劉仁恭所敗

而困全忠遂攻晉按慈隰汾圍晉陽克用以援絕勢孤

議奔保雲州諸將諫不聽劉夫人曰王常笑王行瑜輕

去城死敵人手奈何乎效之且足一出城則禍變不測

塞外何得至也克用乃止居數日養子嗣昭嗣源將敢

死士數夜出斫營而汴軍大疫乃自引去遂復慈隰汾

已相崔胤聞全忠入關誅宦官劫天子遷都洛因遂篡

弑以歲丁卯夏四月

稱帝國號梁改元開平天下歸梁者

弑以歲丁卯夏四月

十有八而晉王克用獨以謂劫天子都洛改元者全忠

不稱稱天祐追梁世終用天祐紀年不廢也當是時惟

淮南鎮稱唐天祐岐西川稱天復餘皆稟梁正朔李茂

貞韓建故與全忠為等夷為敵皆折而入於汴建以華

軍亂為眾所屠戮惟茂貞以削弱祇畏僅自保又以寬

不殺結其下乃竟全梁主更名晃升汴州為開封府稱

東都洛為西都長安為大安府佑國軍不為都封王其

子弟近帝其祖考改內樞密院曰崇政院以宣武書記

敬翔知崇政院事傅顧問參謀議禁中宰相大臣奏請

因以聞翔為人沉深有智畧在幕府三十餘年盡心勤

事徹晝夜不寐自言惟馬上得少休梁主性暴戾雖親

近侍史莫能測惟翔能識其意有不可未嘗顯言但微

示持疑而令主自悟也禮尚書蘇循及于楷自謂有佐

命功日夕望為相梁主薄其為人不相也敬翔李振亦

鄙之官於梁主曰蘇循唐梟鏡賣國求利不可立維

新之朝於是循及唐大臣十五人並勒致仕斥歸田

戊辰晉岐吳稱唐天祐五年梁開平春正月梁主晃

濟陰王。晉王克用薨。子存勗嗣。二月。晉王存勗伐梁。趨

上黨。攻梁夾寨。破之。潞圍解。存勗克用長子也。初克用破孟方立于邢州。還軍上

黨。置酒三垂岡。伶人奏百年歌。至衰老曲。愴悽悲甚。坐

上皆垂涕。時存勗在側。方五歲。克用慨然捋其鬚。指而

笑曰。吾老矣。兒乃定奇。後二十年。其代我此將軍乎。吾

何憂。飲極歡而罷。存勗年十一。從克用破王行瑜。獻捷

京師。昭宗異其狀貌。手鴈鵠。庀翡翠盤飲之。撫其背曰。

兒有奇表。後當富貴。無相忘。已稍長。善騎射。膽勇過人。

頗通左春秋。而晉王克用以封疆。曰。蹙故憂形于色。存

勗進寬譬曰。朱溫窮凶極暴。人怨神怒。今其極也。將斃

矣。吾家代爲忠貞。大人當遵養以待事會。何輕自沮喪。

使群臣失望乎。王大悅。已全忠。攻劉仁恭於滄州。仁恭

急。前後求救者數十輩。克用恨其反覆。未許也。存勗曰。

天下之勢。歸朱溫者十七八。自河以北。能爲溫患者。獨

我與幽滄耳。今不與之併力。燕必亡。燕亡。卽勢益孤。夫

爲天下者。不顧小怨。且彼葷困我。而我閱其急。援之。天

下必以爲義。是一舉而名實附也。此吾復振之時。不可

失矣。克用曰。善。乃立許。仁恭和。而召幽州兵共攻潞。曰。

所以解圍也。仁恭遣兵三萬詣晉陽，而克用遣周德威、李嗣昭將以行，遂拔潞，命嗣源爲守。於是全忠解滄州圍來還，攻潞已而晉王病，召唐監軍張承業入，以存勗屬之曰：「亞子志氣遠大，必能成吾事。」會教導之，承業唐故所使監王河東軍閫也，故忠信可屬。已謂存勗曰：「嗣昭厄於重圍，吾不及見也。」俟葬畢，與德威輩速謁力救之。又謂克寧曰：「以亞子累汝，嗣昭時守潞，爲梁軍所困，亞子存勗小字也，克寧搃兵柄者久，有次及之勢，軍中多歸心者，存勗懼以位讓克寧，曰：『汝家嗣也。』先王命之，而誰敢下之？將吏入謁，存勗哭方哀，未出，張承業入曰：『大孝在不墜先業，多哭何爲？』因扶存勗出襲位，克寧晉帥諸將前拜賀軍府，遂安已而克寧爲克用諸養子存勗等所迫，欲執存勗以河東爲梁，存勗生母曹夫人聞乃大駭，召張承業指晉王謂之曰：「先王把此兒臂授公，如聞外間謀欲負之，但置吾母子有地，聽之矣。」第勿送大梁，大梁體也，餘不以累公。承業驚詫曰：「此何言？誰實爲此言者？」老奴請以獻奉王。晉王以克寧之謀告，且曰：「至親不可相魚肉，吾避位，卽禍亂可塞也。」承業故忠直，則大志乃置酒府舍爲大饗，而伏甲執克寧存勗於座，面數之。晉王流涕曰：「兒勗以軍府讓叔父，叔父不取。」

今事定矣。爲此謀，忍以吾母子遺仇，讎乎遂殺之。而軍府大定。是時，周德威握重兵於外，拒梁夾寨之師。斷年矣，而固圍久不解。國人疑之。晉王召德威還，德威留兵城外，徒步入，伏柩哭，極哀，退謁王。王甚哀，心釋然。於是晉王決策，搗夾寨，以救潞。先是，梁王自攻潞，李嗣昭固城拒之，不能下。晉遣周德威悉行營中，救之。壁高河，戰久不決。於是梁更築重城，內防奔突，外拒援兵。曰：夾寨，謂山東民自東南山口築甬道，屬夾寨，以饋軍。此所謂夾寨之軍也。王且歿，以爲遺憂。至是，梁王聞晉王定歿，以援兵必不能復來，而潞城守堅，難倖拔，乃身還大梁，獨留軍夾寨，困之。不設備。晉王與諸將謀曰：上黨河東之藩蔽，無上黨，是無河東也。且朱溫所憚者，獨先王爾。聞吾新立，以爲童子，不習軍，有驕怠之心。若簡精兵，倍道而趨之，出不意，破之，取威定霸，在此一舉，不可失矣。張承業贊之。乃大閱士，王自將。德威等發晉陽，夏五月，至三垂岡，流涕曰：此先王置酒處也。先王命之矣。大呼曰：先王有靈，壯予武。因伏兵岡下。詰旦，霧天，膜兵行，大霧中，食時，柝夾寨。梁軍無斥候，將士尚卧未起。命周德威、李嗣源分兵爲二道，填塹，燒寨，鼓譟入。梁兵起視，則大驚。倉皇走，遂大潰。殺招討使符道昭，斬晉萬計。

委資械山積德威前至城下呼嗣昭曰先王已薨今王
自來破賊賊走矣可開門初嗣昭與德威隙聞不信曰
此必為賊所得來迂我耳不應王自往呼之嗣昭見王
被喪服大慟口嗣王也哭幾絕城中皆哭遂開門迎王
上大勞將士凱旋還晉命州縣舉賢才黜貪暴寬租賦
陽告廟飲至休兵行賞

撫孤窮伸冤濫禁奸盜而國治下令言騎軍非見敵母
得騎部分定毋越徑道

絕毋避險分道期會毋得差畧刻犯者斬而嗣昭亦是
於潞課農桑寬租緩刑數年間軍城完復如平時

歲梁敘河陽帥王師範夷其族師範棣州人父敬武為
平盧節度使世得軍歸

範和謹好儒學聚書萬卷為政有威愛以忠義自許每
縣令至自輒備儀衛往謁命客將扶令坐廳事稱百姓

拜於度僚佐皆諫師範曰吾敬桑梓示子孫不忘本也
朱全忠圍鳳翔時昭宗徵藩鎮兵討之師範見詔泣霑

襟曰吾屬為帝室藩屏而坐視天子困辱如此能居忍
乎雖力不足然致歎可也乃分遣諸將為貢獻及商賈

包束兵仗以小車載人汴徐諸州西至于陝華期同日
俱發金忠判官裴迪守大梁得師範所遣卒詰之色動

劫之以情告不暇白全忠亟請馬步都指揮使朱友寧將兵萬餘人巡充剿召葛從周於邢與共攻師範拔臨淄進圍青州師範求救於淮南楊行密行密遣蘇茂章救之擊殺朱友寧已力屈降全忠方欲劫天子遷洛懼失天下心以客禮禮之移河陽未害也及篡位諸子弟畢王宴宮中友寧妻泣訴曰陛下化家爲國宗族並寵獨臣夫歿難而離人尚存妾誠自傷也梁主奮然執手曰吾幾忘此賊於是遣使者往坑之師範設席爲具與宗族刻坐飲酒謂使者曰歿人之所不免也懼少長失序下愧於先人酒半命少長以次就戮凡二百人聞者哀之唐稱帝贈太尉秋九月蜀岐攻梁大安晉周德威攻晉州敗

梁軍神山歲巳巳

晉岐淮南稱唐天祐六年梁開平三年

歲庚午

晉岐吳唐天

祐七年梁開平四年是歲淮南楊隆演稱吳

冬梁取深冀屯邢州窺鎮定晉

王救之次高邑歲辛未春擊梁軍柏鄉大破之圍邢魏

鎮定者唐故成德軍也帥王鎔以鎮定稱趙王鎔之先回鶻人也

有沒諾干者爲王武俊養子冒王姓沒諾干

自孫爲廷湊，廷湊子元達，元達孫景崇，鎔父也。鎮成德，
 自廷湊而來，而鎔以成德軍附於梁。梁主以其貳於晉
 也，忌之，欲吞鎮。會燕侵定州，梁遣將將魏傳兵三千人
 分屯深冀，名助趙守禦，實襲之。趙將石公立戍深州，自
 鎔拒之，鎔不從。公立出門指城而泣曰：「朱氏滅唐社稷，
 三尺童子皆知其爲人，而王猶恃姻好，以長者期之。此
 所謂開門揖盜者也。惜乎此城，今爲虜矣。未幾，梁將果
 盡殺趙戍兵，乘城守。鎔攻之不克，乃求救於晉。晉王集
 將佐謀之，皆曰：「鎔久臣朱溫，與輸賂結昏，其交深，必詐
 也，不可聽。」王曰：「彼亦擇利害爲去就耳。」王氏在唐，猶或
 臣或叛，況肯終爲朱溫臣乎？今救死不贍，何顧婚姻？我
 若疑而不救，正助朱氏爲之政，遣將將兵出井陘赴之，
 而自會鎔于承天軍。晉王謂鎔父等輩也，嚴之呼叔父，
 鎔奉卮酒爲壽，呼晉王爲舅，許婚姻。義武王處直，唐故
 義武帥，兄處存，破黃巢，後京師，倡義勤王，功第一者也。
 處存卒，鎮人逐其子卽，推處直爲後。及是，亦請絕梁，附
 於晉，以師從，遂進距相鄉三十里，而軍挑戰。梁不出，進
 營於野河，迫之。梁步騎出，鎔甲鮮曜，德威謂李存璋曰：「
 梁人志不在戰，欲耀兵，不挫其銳，則我氣不振。」乃徇于
 軍曰：「彼其幸，皆汴州屠沽，負販傭雨，獨衣鎧，餘爲觀。」十

不能當汝一必擊之獲一夫足自富也遂帥精兵千餘
前擊之不動獲百餘人且戰且却還野河止軍言於晉
王曰敵勅甚宜按兵待其衰王曰吾孤軍遠來三鎮烏
合法利速戰何按兵也德威曰鎮定兵長於守城短於
野戰吾所恃者騎利平原廣野不利阻隘今壓賊壘門
而軍騎無所展足且衆寡不敵少選彼知吾虛實事危
矣王不快退偃卧帳中諸將莫敢言德威往見張承業
曰王驟勝而輕敵不量力而務速戰今去賊咫尺所限
者一水爾彼若造浮橋以薄我我衆立盡不若退軍高
邑誘之彼出則歸彼歸則出別以輕騎掠其饋餉不踰
月破矣承業趣入晉王卧所褰其帳撫王背起之曰此
豈王安寢時耶德威老將知兵言不可易也王蹶然興
曰予方思之會謀言梁方造浮橋即日拔營保高邑而
日輕軍抄梁餉明年春梁軍困刈芻樵自給抄之不敢
出劉茅屋坐席以秣馬馬多歟周德威知其可擊也與
別將吏建塘李嗣源將精兵三千壓梁壘門而詬之梁
將怒悉衆出德威等轉戰佯北引致之至高邑梁卒前
奪橋鎮定步兵禦之不能支晉王曰賊過橋則不可復
制指揮使建及前力戰却之王登高丘以望師喜曰梁
兵爭進而囂我整靜勝矣自己至午戰未決王奮起欲

身陷陳德威叩馬諫曰梁兵銳可以勞逸制未易以力勝也彼去營三十餘里即挾糗糧不暇食日昃後饑渴內迫矢亦外交必且退退而精騎蹙之必大捷今未可也王乃止至哺梁軍困果引却德威疾呼曰梁兵走矣晉兵大謀爭進梁兵大潰李存璋呼曰梁人亦吾人也父兄子弟餉軍者勿殺於是戰士悉解甲投兵走豎聲動天地趙人以深冀之憾奮白刃追之梁精兵殆盡河朔大震梁遂失鎮定而晉益強是歲梁改稱乾化元年燕劉守歲壬申晉岐吳稱唐天祐九年梁乾化二年春晉及鎮定兵伐

燕燕乞師於梁梁伐魏以救燕師潰于蓆走還洛

梁主以爽

寨柏鄉屢失利意鬱鬱多躁忿功臣宿將往往以小過謬歿衆心惟懼及是燕求救力疾自將赴魏州羣臣憚從師梁主至白馬頓賜從官食多未至遣騎趣之散騎常侍孫騰等三人後立撲之斃所至以供饋豐約爲刑賞至魏州命楊師厚李周葵圍棗疆賀德倫表象先圍蓆而晝夜兼行赴下博遇趙邏卒紿之曰晉兵至矣梁主驚即棄行幄趨棗疆與師厚軍合攻屠之進追蓆晉將史建塘謂李存審曰王方事幽薊勢不及濟師賊得

舊必西侵患深矣當與公等以奇計破之乃引兵排下
博橋分道擒生得梁軍之樵芻者數百人殺之畱數人
斷臂繼之去曰爲我語朱公晉王大軍至矣卽各將三
百騎效梁軍旗幟服色與樵芻者雜走梁壁直縱火大
譟弓矢驟發梁軍大愕擾不知所爲斷臂者來曰晉軍
大至矣梁王太駭燒營遁夜迷失道舊人耕者皆荷鋤
趨擊逐之委資械無筭明還騎覘之曰晉王未來史先
鋒遊騎耳梁王益慚憤病愈劇還洛陽謂近臣曰我經
營天下三十年不意太原餘孽更昌熾如此觀其志不
小天復奪我年我死諸兒非彼敵也吾無葬處矣因哽
咽絕而夏六月梁王見歿於賊幼梁王后張嚴整多智慮梁王暴后善回主心
復蘇柳王友裕攻徐州破朱瑾瑾走失不追梁王怒奪其兵
友裕恐與數騎亾山中自匿后陰使人教友裕馳自歸
伏庭中請死梁王怒叱左右摔出將斬之后聞之不蹙
履走庭中抱友裕泣曰哀乎汝束身自歸欲明不反乎
梁王乃意解而免梁王破朱瑾納其妻以歸后出迎封
丘告之故后遽見瑾妻瑾妻拜后答拜抱之泣曰克鄆
與司空同姓昆仲之國也以小故興干戈使吾姒至於
此若不幸汴州失守妾亦當如此矣已又泣梁王爲感

動送瑾妻爲尼后衣食焉司空以梁主時簡較官稱也
當是時梁主內嚴后未欲縱也及后崩而遂縱下漁色
不願有子八人長友裕封柳王初鎮宣武時畧地宋毫
間與途旅婦人野合而生子曰友珪封郢王友文本姓
名康勤梁主養子也多材藝愛之年又長心欲以爲嗣
封情王次友貞封均王餘皆有分封皆出鎮梁主召其
婦皆入侍友文妻王氏美寵之常專夕已梁主疾病謂
王氏曰吾終不起汝之東都召友文吾誅矣而以友珪
爲萊州刺史趣之鎮時左降者無慮有後命友珪妻張
方內侍知命王氏語則夫婦相泣左右勸友珪爲變計
友珪乃易服微行入龍虎軍見統軍韓勅以情告勅亦
見功臣多被誅懼不自保相與謀以牙兵五百隨友珪
雜控鶴衛士入直三鼓斬關入入寢閣侍疾者皆走梁
主惶駭起呼曰我固疑此賊恨不早除使至此友珪親
吏馮延謬以劍前梁主旋柱走劍擊柱者三梁主仆劍
中之洩其腹腸胃皆流以衲禱畏之寢中四日不發卷
出府庫資羣臣諸軍矯詔馳東都殺友文下詔罪狀友
文爲弑逾而自立豈可謂無天哉初梁主與兄弟宴宮
中飲博兄全昱酒酣取骰子擊盆而逆之曰曷不誅大
罵曰朱三爾錫山一百姓耳遭世亂天下用汝爲四鎮

節度於汝何負而滅唐家三百年社稷
為乎將見汝族赤矣梁祖不憚遂罷涇
歲癸酉晉岐異

十年梁王瑱乾化三年春二月梁均王友貞起討亂友珪

誅友珪既篡弒自立諸情將多憤怒雖曲加恩禮終不

日先帝數十年勩業口變起宮掖聲甚惡吾備藩鎮吾

且至洛陽問罪何徵為友珪怒攻之友謙以河中附於

晉駙馬都尉趙巖梁祖壻龍虎統軍袁象先梁祖甥也

巖奉使至大梁均王友貞密與謀巖曰事成敗在楊令

公但得其一言論禁軍事辭矣楊令公者天平帥楊師

厚也時鎮魏均王乃遣腹心之魏諂師厚曰郢王篡弒

人望屬大梁公因而成之此不世之功也且許之賂師

厚業受友珪命憚改圖或譬曉之曰郢王弒君父賊也

均王舉兵復讐義也奉義討賊順也又何憚乎師厚乃

奮遣將將兵至洛陽與袁象先謀起兵先是龍驤軍成

懷州者潰為亂方捕索均王乃偽為友珪詔發左右龍

驤在東都者皆還洛為藩言動之曰天子以懷州兵叛

追其軍坑之矣諸將信之懼泣以請王亦泣謂之曰先

帝經營王業二十年今尚為魚肉於汝曹何有因出梁

祖盡像示諸將曰汝曹能趨洛擒賊復先帝讐則轉禍
為福矣軍士皆踴躍呼萬歲王乃遣人趣象先等率禁
兵討賊師入宮友珪欲逃不得令馮廷諤先殺妻次殺
已廷諤亦自剄而逆黨畧盡象先巖齋傳國寶詣大梁
以迎均王曰大梁國家所以興王業也比拒弁汾東制
淮海且國藩鎮多在東於命將出師便遂即位東都更
名瑱是為末帝復稱乾化三年後博王友文官爵招冀
友文友謙而友謙復歸梁冬晉王伐燕克

之誅劉守光

燕唐故盧龍軍也守光父仁恭本幽州偏
較昭宗時藉晉王克用力有盧龍而驕取

滄景德三州為子守光請橫海節得之父子帥兩鎮兵
十萬號三十萬彊於天下幸世多故築宮極奢侈又與
道士鍊丹藥冀不灰仁恭有愛妾守光蒸之仁恭怒召
守光逐之守光反執仁恭別幽宮兄守文率兵討守光
敗文囚殺之為淫虐滋甚聞晉趙敗梁師則使人謂鏐
處直曰聞二鎮與晉王破梁兵南矣僕亦有精騎三萬
欲自將為諸公先然四鎮連盟必有尸盟者僕至當何
以處之二鎮以告晉王笑曰趙人求盟不能從也吾已
成功乃復欲以兵威劫二鎮軼我患矣甚焉是行當族
然不若揚推尊以綏之乃與鏐及義武六節度共率

推守光爲尚書令尚父守光喜命草受冊儀僚屬取唐冊太尉儀以獻守光問何得無郊天敗元之事乎對曰尚父人臣也安有郊天敗元者守光怒授之地曰我地方二千里帶甲三十萬直作河北天子誰能禁我何尚父之有命趣具卽位儀械晉趙諸道使於獄遂稱帝孫鶴諫寸斬之寇易定於是晉王怒命周德威東出飛狐與趙將王德明義武將程巖會易水攻祁溝下之克瀛涿遂至於幽州守光求援於契丹契丹忿其無信不救請降晉不許王單騎抵城下謂之曰朱溫篡逆吾本欲與公合河朔之兵爲興復公乃爲狂僭鎮定二帥皆事公公莫恤也今定何如守光大困流涕曰守光俎上肉耳惟王之所裁之王與折弓矢爲誓使亟降而守光爲愛將李小喜所沮復固守小喜乃踰城出降且具言城中力竭狀王督諸軍四面攻克之獲仁恭守光帥妻子走入滄州迷失道爲人擒以獻晉以練繫仁恭父子凱歌入獻俘於廟自臨斬之守光呼曰教守光不降者李小喜也小喜瞋目叱之曰汝內亂爲禽獸行亦我所教耶王怒其無禮先斬之乃斬守光父子而燕平於是鎮定義武諸鎮各遣使推晉王爲尚書令晉王歲乙亥晉岐三讓然後受始開府置行臺如太宗故事

歲乙亥

晉岐吳縯

唐天祐十二年梁末帝夏魏人降晉晉王誅其亂首遂立二年始改貞明元年

克魏

魏唐故成德軍也初田承嗣鎮魏博選六州驍勇士爲牙兵厚給賜自衛自是親黨盤結田弘正之

難自此始文德初魏牙兵殺帥趙文建而未知所立卒羅弘信者貴鄉人也從衆中出自贊曰我爲帥弘信狀貌醜怪面青黑衆異之立焉以遂有魏梁祖兄事之故特親弘信卒子紹威立惡牙兵強不能制欲借梁兵力誅之會全忠女適紹威子而歿全忠乃遣將吏索甲兵以好來會葬而自將大軍繼之云赴行營魏人不疑也紹威又潛遣人入庫絕弓弦甲礮而以汴軍捕牙軍大戢之凡八千家嬰孺無遺者而全忠留魏半歲殺牛羊豕犒軍者七十萬魏以頓弊紹威悔之謂人曰合六州四十三縣鐵鑄此錯不就矣及紹威卒楊師厚逐其子而擅軍數助梁有功於是擅財賦置銀槍效節數千人欲以復異時牙兵之盛及是歿祖庸使趙巖判官趙贊言於梁主曰魏博爲唐腹心之蠹百餘年紹威師厚據之朝廷不能制陛下不以此時爲之計卽來者後然矣宜分六州爲兩鎮以弭其權梁主以爲然以賀德倫爲天雄節度而置昭德軍於相州割澶衛二州隸焉恐魏

人不服。遣別將將兵濟河。名擊鎮定。實張形勢。以脇魏。魏兵父子族姍。磐結不願徙。聚而言曰。朝廷忌吾軍彊。盛欲設策。殘破之。吾六州歷代藩鎮。兵未嘗出河關。一旦骨肉流離。雖生不如死。則聚而哭。是夕。效節軍較張彥以軍亂。劫德倫置樓上。爲書求援於晉。晉王喜。命李存審據臨清。而自引大軍東赴之。猶疑魏詐。次水濟不進。張彥選銀槍效節五百人自衛。介而迎。王登驛樓語之曰。汝陵脇主帥。殘虐百姓。我來非貪土地。安百姓也。汝雖有功於我。義不得不誅。以謝魏人。立斬彥及其黨七人。餘衆股栗。王召諭之曰。罪止八人。餘無所問。自今當竭力爲吾爪牙。皆拜哭呼萬歲。明日。王緩帶輕裘。進令魏卒擐甲執兵翼而從。衆心大安。晉王以李存進爲天雄巡使。有訛言搖衆。及強取人。一錢以上。梟於市。城中肅然。遂定魏。

晉拔德州。秋。及梁

爭澶州。梁劉鄩出兵襲晉陽。窺德州。不克。還壁。辛歲丙

子。

晉岐吳稱唐。天祐十三年。梁貞明二年。

春。鄩攻魏。敗績。退保滑。晉拔衛

磁州。夏。克洛。秋。拔邢。相貝。

梁貝州刺史張源德比結滄德。南連劉鄩。以拒晉。數斷鎮

定饋運、或說晉王先取貝、東兼滄景、則海隅之地皆我有也。晉王曰：「不然，貝城堅兵多，猝未易攻。德州隸於滄而無備，若得而戍之，則滄貝不得往來，二壘各孤懸而後貝可取也。」襲德州克之，進拔潭州。梁劉鄩以晉精兵萃於魏，晉陽必虛，乃潛引兵自黃澤西往襲之，而縛芻爲人，執旗乘驢於城上，以疑晉。晉人覘知之，晉王曰：「鄩長於襲人，而短於決戰，計彼行讒及山，亟追之可及也。」會陰雨，積旬道滯阻，鄩士卒腹疾足腫，墜崖谷死者什二三。而晉將李嗣恩聞之，倍道入晉陽，勒兵爲城守。又鄩孤軍糧盡，追且至，衆恒懼欲遁。鄩曰：「今深入敵境，腹背受敵，行將何之？惟力戰可免耳。」乃整師下山，屯宗城，知臨清有蓄積，欲據之。晉將周德威自幽州引千騎入援晉陽，至南宮聞之，則擒梁斥堠者，斷腕而縱之，使言曰：「周侍中自幽州入屯臨清矣，詰朝畧鄩營而過，入臨清，鄩乃還軍軍堂邑。德威攻之不克，翼日趣莘縣，塹而守之。晉王軍莘西三十里，日數徼戰，鄩壁不出。晉攻絕其用道，梁主詔讓鄩，督使戰。鄩集諸將曰：「王上深居禁中，不知軍，與新進少年遙制之，今敵尚強，與戰必不敵。」曰：「奈何？」諸將皆曰：「勝負須一決，曠日待，無爲也。」鄩默然退，謂所親曰：「主暗臣諛，將驕卒惰，吾不知處所矣。」居數

自將萬餘人薄鎮定軍為晉師所敗復壁不出明年晉
王乃遣李存審守營自勞軍貝州聲言歸晉陽誘致
郭果前襲魏召澶州將來會悉衆營魏城東李嗣源以
城中兵出戰李存審引行營兵踵其後扼之戰方合忽
晉王以師自貝至與嗣源軍合郭見之驚卻至義元城
西晉軍四合郭敗走渡河保滑州於是晉拔磁衛邢相
滄貝而河歲丁丑晉岐吳翻唐天祐十四年梁
比皆為晉貞明三年蜀漢各改元年春晉新

州亂契丹陷晉新州圍幽州晉將嗣源擊走之

初幽州比七百

里有渝關下有渝水通海自關東北循海有道狹難行
旁有亂山高峻不可越舊置八防禦募土兵守之蠲租
賦致繒纊有勛則賜勲加賞每歲獲則清野堅壁以待
虜虜至則閉壁不戰去則選驍勇阻隘邀之土兵皆自
為其田園室家計故力戰有功契丹繇此不敢輕入寇
及周德威鎮盧龍恃勇不修邊渝關之險棄不治契丹
每入攻於營平之間德威又思幽州舊將有名者往往
終而晉王郭威塞軍防禦使存矩在新州驕不恤士
期而迫促邊人嗟怨禪將盧文進殺存矩帥其衆奔契
丹契丹兵攻新州陷之遂圍幽州德威使告急晉王

與梁戰河上未決、欲分兵、則力少、欲勿救、恐失之、謀於諸將、皆以爲虜無輜重、不久也、徐俟其退、乃擊之、李嗣昭以夾寨之後、德威救已、大言曰、德威社稷臣、今幽州惡、恐肘腋變生、何能待虜衰乎、請以身先赴之、王喜曰、公言是也、卽日治兵赴易州、時幽州圍二百日不解矣、李存審曰、虜衆我寡、虜多騎、吾多步、若平原相遇、以萬騎蹙我、無遺類矣、嗣源曰、虜無輜重、吾行必糧食、虜抄吾糧、吾不戰自潰、不若自山中潛行赴幽州、虜不測也、遂踰嶺而東、至山口、忽契丹萬騎遮其前、將士失色、嗣源以百餘騎先進、免胄揚鞭、作胡語罵虜曰、汝無故犯我疆場、晉王命我將百萬衆、抵西樓種、滅汝矣、因躍馬奮過、入其陣者三、契丹爲辟易、晉兵始得出、存審命步兵伐木爲鹿角、人持一鹿角、止則成寨、契丹騎環寨過寨中、發萬弩射之、人馬傷死、至幽州、契丹陳而待、存審令精卒陳其後、戒勿動、先令羸兵曳柴、燃草進、煙塵蔽天、戰旣合、是後陳起乘之、契丹大敗、而幽州圍乃解、冬、晉伐梁、拔楊劉、晉王聞河冰合、曰、居兵數歲、限一水、不得渡、今冰自合、天贊我也、亟如魏、步騎渡河、時成楊劉城、綠河數十里、列柵、歲戊寅、改

吳橋唐天祐十五年、梁貞明四年、秋、晉大舉伐梁。冬、及梁戰胡柳陂。周

德威戰歿。晉王困，復戰，破梁軍。晉王大閱于魏、合盧龍

之兵十萬，馬萬匹，軍麻家渡，趨大梁。梁招討使賀環善

將步排陳，使副彥章善將騎，禦之。日治兵，環指一高地

曰：「此可柵。」至是，晉軍適置柵其上。環疑彥章與晉通，持

欲戰。彥章曰：「彊寇憑陵，利在速戰。今深溝高壘，逼其衝

可困也。」若輕與戰，一蹶跌，大事去矣。環益疑之，密譖之

梁主，因饗士，伏甲殺之。及別將孟審澄、侯溫裕以謀叛

聞，晉主聞之，喜曰：「彼將帥相魚肉，亡無日矣。」我若疾引

軍直走其國都，彼安得不與我戰？得與戰，蔑不勝矣。」歛

白將趨大梁。周德威曰：「梁軍完而輕行，微利未見，其謀

也，不聽。」毀營進，環棄營踵之。至胡柳陂，周德威曰：「我

入敵境，動須萬全。今去大梁近，梁軍各內顧其家，宜按

兵勿戰。環倍道而來，未有所舍，臣請以騎兵擾之，使不

得息。至暮，營壘未立，樵爨未具，乘疲乏擊之，乃可破也。」

王以爲怯，卽帥親兵先登。德威不得已從之，謂子曰：「吾

無成所矣。」環結陳，旦數十里。王帥銀槍都較陷其陳，衝

盪擊斬，往反十數里，會梁將王彥章將騎兵而敗，趨濮

陽適至、晉輜重望見、駭以爲梁大軍至也、遂潰入盧龍
軍、盧龍陳亦動、德威不能制、遂父子皆戰歿、陂中有土
山、賀環引兵據之、晉王謂將士曰、得此山者勝、吾與汝
曹奪之、卽引騎先登、李從珂王建及以步卒繼之、遂
奪其山而軍、至日中復振、日向脯、欲還營、閻寶曰、梁騎
兵已入濮陽山去矣、獨環步卒留、又比晚有歸心、我乘
高趣下可破也、今深入敵境、又偏師不利、若引退、必且
爲所乘、是梁師再克也、諸軍未集者、必不戰自潰、縱收
衆比歸、河朔非王有矣、李嗣昭曰、然、賊未有營壘、吾以
精騎擾之、使不得夕食、俟退而逐之、王建及卽擐甲橫
槊前、而梁兵果大敗、歿者二萬人、王還營、聞德威父子
歿、哭之慟、曰、是吾罪也、夫於是李守審、夾河南比築德
勝南北兩城而守之、日與梁人戰、歲庚辰、晉岐邠唐天祐十
七年、梁貞明
六年、凡六梁晉相距于德勝、歲辛巳、晉岐邠唐天祐十
八年、梁龍德元年
國四鎮、

六國、春、趙軍亂、殺帥鎔、夏、梁殺其泰寧帥鄴、初、鄴與朱
友諒婚、受

詔討友諒、先移書論禍福待之、友諒不從、乃秋、晉王遣
進兵、梁嬖人以爲譖、醢殺之、六月朔日、獨

將趙攻趙軍。王自將擊趙。冬，定州軍亂，契丹寇定州。晉

王自將救定州。歲壬午。晉岐稱唐天祐十九年，梁龍德二年，是歲六國四鎮。春

正月，晉王敗契丹于新城。梁襲晉魏州，不克。攻德勝北

城。二月，晉王還魏。梁兵遁。王在德勝軍久頓，戰未有決，鎮定軍卒張文禮殺趙王鎔。

屠其家，自為後以告僚佐，以為方與梁爭，不可更立敵

宜安之。王不得已，承制授文禮為成德留後。符習將趙

兵萬人從在德勝。文禮請以他將代許之。晉見晉王泣

請留。晉王曰：吾與趙王同盟討賊，恩義猶骨肉。今禍生

肘腋，吾痛之，汝不念舊君，能為之復讎乎？習與部將三

十餘人舉身投地哭曰：大王念故，使輔佐之勤，許得復

讎，習等不敢煩霸府兵，願以所部徑前取幽豎，報王氏

累世之恩，死無恨。於是王以習為成德留後，將閭寶史

建塘等往擊之。文禮家鬼夜哭，野河水變為血。文禮懼

病疽，歿。子處瑾匿其喪，拒守。晉王使李存審、李嗣源守

德勝，而自將攻鎮州。先是，義武帥王處直有孽子郁，無

寵，奔于晉。晉以為新州團練使，餘子皆幼，以養子都便

佞多詐愛之、以爲副大使、欲以爲嗣、及是晉王討張文
禮、處直以鎮定、唇齒恐鎮人而定孤、固請赦文禮、晉王
不可、處直乃遣人詣新州、語郁、使賂契丹、令犯塞、解鎮
圍、郁素疾、都冒其宗、乃邀處直求爲嗣、處直許之、郁聞
慮郁奪其處、以軍府皆不欲召契丹、遂以新軍數百伏
府第、大譟請處直歸西第、并其妻妾幽之、盡殺其子孫
腹心、以狀白晉王、王以梁趙爭方、惡以都代將、處直憂
憤、歿、而王郁說契丹入攻幽州、拔涿州、遂進至定州、都
告悉于晉、晉王留大軍守鎮、獨以親軍五千救定州、至
新城、侯騎自契丹前鋒涉沙河而軍矣、將吏皆失色、卒
多道人、諸將曰、吾衆寡不敵、又梁寇內侵、宜還師以救
根本、或請西入井陘避之、郭崇韜曰、契丹本利貨財而
來、非能救鎮、惡也、王新破梁、威振於夷、安挫其前鋒、可
走也、李嗣昭曰、彊敵在前、有進無退、不可輕動、挫人心
晉王曰、吾以數萬之衆、平定山東、今遇小虜而避之、何
面目臨四海乎、乃自帥鐵騎五千先進至新城、擊契丹、
獲其王之子、因縱擊、大敗之、遂北至易州、契丹王責王
郁繫之歸、晉王在燕、李存審謂嗣源曰、梁將戴思遠果悉衆趣
襲魏、宜亟備之、遂分軍屯澶州、梁將戴思遠果悉衆趣
魏、知有備、乃西入成安、掠而去、又疾力攻德勝、北成、存

審悉力拒守不能下。晉王開自幽州赴之。五日至。思達燒營遁。晉將寶固鎮州敗績退。

保趙夏李嗣昭代將戰。秋克鎮州。晉閭寶圍鎮州。決渾沱水壞之。內外

斷絕。寶安之不爲備。處瑾遣卒五百餘攻長圍。壞之。寶

走保趙。晉王以李嗣昭爲招討使。代寶將。處瑾遣兵迎

糧於九門。嗣昭設伏邀擊殲之。中流矢卒。遺命以兵授

判官任圜。督攻鎮。號令如一。鎮人不知嗣昭之歿也。晉

王聞嗣昭歿。哭之哀。使李存進代將。亦戰沒。使存審代

將。鎮食竭。力盡。城中將投款納晉兵。執處瑾兄弟及其

黨。送行臺。趙人請而食之。磔張文禮屍於市。王鎔故侍

者得鎔遺骸。王祭而葬之。以符習爲成德節度使。習辭

曰。故使無後。未葬也。習當斬衰葬之。禮畢。乃聽命。既葬。

趙人請晉王兼領成德。從之。乃割相衛二州置義寧軍。

以習爲節使。習辭曰。魏博霸府不可分也。願得河南一

鎮自效。乃以爲天平節度使。先是嗣昭歿。晉王命護喪

葬晉陽。子繼韜不受命。以其喪歸潞。囚其兄繼儔。以潞

州降梁。潞州守將裴約泣曰。余事故使踰二紀。見分財

享士。志在滅仇讐。今肉未寒。而卽君背君親。吾歿不能

從也。據澤州自守。梁攻之不下。使告悉。唐主謂李紹斌

曰兄不幸乃生此梟獍約獨知逾順澤州彈丸地吾不惜惜且約鄉爲我拔約以來紹斌至城已陷約竟歿難

是歲晉王時距梁德勝時戰契丹幽歲癸未岐稱唐易又時畱圍鎮雖其克捷奔命甚矣

十年梁龍德三年唐莊宗同光元年是歲梁亡凡五國四鎮夏四月晉王稱帝國號

唐改元同光追帝其祖考以魏州爲東京太原爲西京

曰懿祖祖國呂曰獻祖考晉王曰太祖立宗廟晉陽尊生母曹氏爲皇太后嫡母劉氏爲皇太妃先是吳蜀各

以書勸晉王舉大號王持示僚佐曰昔王太師嘗遣先王書勸自帝一方先王語余云昔天子幸石門吾發兵

誅賊臣當是時威震天下吾誠挾天子據關中作九錫禪文誰能禁之顧吾家世忠孝立功帝室有歿不爲耳

汝他日當以復唐社稷爲念慎勿效此曹所爲言猶在耳此議非所聞也因泣下將佐皆涕泣助王哀至是羣

臣勸益堅王從之張承業在太原聞之亟走魏諫曰王世世忠於唐救其患難故老奴三十餘年爲王繕財補

其哲滅賊匡本朝今河北甫定朱氏尚存而王遽卽尊豈從來征伐之意乎王何不滅朱氏復列聖深讎南取

吳西伐蜀、汎掃宇內、合爲一家、然後求唐後而立之、使唐之子孫在、則功高桓文、使唐無子孫、則天下固王之天下也、吾唐家一老奴耳、願見王成功、退死田里、使百官送出洛東門、路人指而歎曰、此本朝敕使、先王時監軍也、豈不臣主俱榮哉、莊宗以衆志爲解、意不聽、承業知不可諫、乃仰天大哭曰、誤老奴矣、誤老奴矣、興歸太原、不食卒、承業字繼元、唐僖宗時宦者也、本姓康、幼闍爲內常侍、張泰養子、數往來晉陽、晉王克用善之、昭宗爲李茂貞所迫、將出奔、遣承業使晉、以亂告、爲河東監軍、後崔胤誅宦官、詔監外軍者所在捕殺、晉王不忍也、匿承業斛律寺、以免、王病革、以嗣子屬之、存勗嗣晉王、在魏與梁戰、河上十餘年、軍國事皆委於承業、兄事之、歲時輒升堂拜其母、自太后諸妃及諸公子在晉陽者、承業一繩以法、權貴歛手、晉王少好樗蒲、歲時自魏歸省親、須錢蒲博賞伶人、而承業主藏錢、不可得、乃置酒庫中、酒酣、使長子繼安爲承業起舞、舞罷、承業出寶幣馬爲贈、王指錢積呼繼安小字謂承業曰、和歌之錢、何不與一積錢、而用帶馬爲承業謝曰、國家錢非臣所得私、王語侵之、承業怒曰、臣老敕使、非爲子孫計、惜庫錢欲佐王成霸業耳、必用之、盡傾庫與之可也、財盡丘

散豈臣獨禍哉王酣怒目元行欽曰劒來承業持王衣而泣曰臣受先王顧託誓雪國家之讎今爲王惜庫物而歿歿不恨閻寶從旁解承業手令去承業奮拳毆寶踣之罵曰閻寶乃朱溫之賊蒙晉厚恩不能進一忠言反譖諛自容耶太后聞急使使召王王聞太后召懼甚乃酌兩卮酒謝承業曰吾杯酒得過公且得罪太后願公飲此爲分過承業不肯飲王入內太后遣人謝承業曰小兒忤公咎之矣明日與王俱詣承業宅慰謝之盧質嗜酒傲然有功王恚之承業乘間請曰盧質嗜酒無禮請殺之王曰吾方招賢才就功業何言之過也承業起拜賀曰王如此天下不足平矣質以全方戰息魏時王在魏梁將王檀發兵襲晉陽攻之城幾陷者數矣有安金全者代北故將也老居太原徃見承業曰晉陽根本地失之則大事去矣僕雖老請以庫甲見授保爲公擊之承業立出甲命金全將梁兵却而晉陽以全承業治家嚴有法姪爲盜殺敗牛者而私之事覺斬以徇姪璿爲麟州刺史承業謂之曰汝故本爲盜不法今領州當守法而不悛歿無日矣璿繇是自戢不敢肆當是時承業盡心畱事畜金帛市兵馬課農桑補乏絕成業之功爲多唐將嗣源克鄆州秋唐

主戶將克中都取曹州遂入于大梁梁亾

始梁祖震嗜殺末帝和柔

然愚暗情僞會康王友敬遣人入寢殿爲變索獲之誅友敬因疎忌宗室張漢傑張妃兄趙巖其壻也親信之怙勢擅權賂舊臣敬翔等擯不用唐師日進取鄆州敬翔知梁室已危以繩納靴中入見曰先帝取天下不以臣爲不肖謀無不用今敵勢日強而陛下忽棄臣言臣身無所用不如死引繩將自縊梁主止之問欲言翔曰事急矣非用王彥章爲大將不可矣乃以彥章爲招討使段凝副之召彥章問敵可破否對曰必破問期曰對曰三日左右皆失笑彥章曰亞子輕易與也第觀臣破之彥章至滑州置酒高會陰遣人具舟於楊村夜命甲士六百持巨斧具鞬炭乘流下飲未散彥章陽起更衣引精兵數千循河南岸趨德勝時唐主聞彥章將自將屯澶州召朱守殷守德勝戒之曰王鐵槍勇決謹備之而守殷忽不爲備守殷王幼時所嬖蒼頭會兒也會天微雨彥章所遣舟師舉鑊燒斷之因以巨斧斬浮橋急擊南城遂破之於進對時適三日矣攻諸塞皆拔唐主聞遣宦者焦彥賓趣入楊劉與李周固守命守殷棄北城撤屋爲筏載兵械浮河下助楊劉守備彥章亦撤南

城材浮河下爲攻具於中流遇輒交鬪日百戰及楊劉唐士卒死傷者過半彥章以十萬衆攻楊劉垂陷者數四李周疾力戰拒之不能克梁退屯城南唐主引兵至梁塹壘固不可攻問計於郭崇韜崇韜曰請築壘於博州東岸固河津旣應接東平又可分賊勢但慮彥章薄我不克城耳願募敢死士日挑戰綴之時李嗣源守鄆州河北聲問不通人不保朝久遣押牙范延光至請築馬家口通鄆州路與崇韜語合唐主乃遣崇韜將萬人往築之晝夜不息而唐主與梁人晝夜苦戰綴之城築六日彥章聞將兵數萬馳攻之時板築甫畢諸守具缺然崇韜身先士卒力拒戰唐主引大軍繼至城得完而於鄆聲勢連絡矣嗣源請正守殷覆軍罪不聽而彥章復趨楊劉李紹榮抵梁營擒其斥候火攻之焚連艦而彥章保楊村楊劉圍解時城中無食三日矣當是時漢傑巖相與協力傾彥章段凝誦附趙張百方沮撓之梁主亦以爲彥章功成恐難制徵還大梁以段凝代將於是在宿將憤怒士卒攜貳唐自用兵來歛多暴得勝失利器芻糧數百萬民多流亡租稅益少李存儒者俗人也得幸刺潞州專掊歛防城卒徵月課縱歸梁襲執之克衛州陷淇門其城新鄉李繼韜以潞州叛降梁因拔澤

州於是澶州以西相州以南皆梁有唐失軍儲三之一契丹又屢寇瀛涿諸忠力將多戰歿唐主以爲憂召諸將會議李紹宏等勸唐主棄輒約和以休師唐主不悅曰卽如此吾無葬地矣乃獨召郭崇韜問之對曰陛下不櫛沐不解甲十五年欲以雪國讐今始正尊號得鄆州尺寸地而棄之臣恐將士之將解體也雖畫河爲境誰能固之臣度已料敵曰復思成敗之數至熟決在於今歲今梁悉精兵授段凝大梁內虛凝決河自固不爲備陛下若畱兵守魏固楊劉而自引精兵與鄆合出不意直走汴則僞主授首矣唐主捫掌曰卿言正合朕意丈夫得則王失則虜吾行決矣於是命將士悉遣家歸魏歸劉石及皇子繼安于魏與訣曰事成敗決此脫敗也聚吾家於魏宮而焚之無遣敵擒濟河至鄆州以中也進軍以李嗣源爲前鋒攻梁兵中都破之執梁將王彥章欲用之不屈歿諸將請引兵畧地東薄海後觀釁而動嗣源曰兵貴神速今彥章就擒段凝未之知就有告者疑信之間尚三日乃決旋師則阻決河自白馬南渡用楫未易辦此去大梁近無險方陳兼程信宿可至段凝未離河上友貞先已爲擒矣請大軍徐進臣以千騎爲前驅從之諸軍踴躍卽夕行越二日降曹州五

抵大梁。梁主聞唐師至，駭莫知所爲。聚族人而哭，召羣臣問計。皆莫對。謂敬翔曰：「朕忽卿言，至於此。今柰何？」翔泣曰：「臣受先帝厚恩，將三紀，名爲宰相，實朱氏老奴。事陛下如郎君，前後獻言，皆莫用。今雖良平復生，誰能爲陛下計者？」臣願先賜死，不忍見宗廟之亾也。因相向而哭。已而梁主疑諸兄弟乘危謀亂，盡殺之。置傳國寶於卧内，忽失之，則已爲左右所竊。迎唐軍矣。乃自殺。嗣源入大梁，父唐主亦至，入自梁門。嗣源迎唐主，喜不自勝，手引嗣源衣，以頭觸之，曰：「卿父子之力也。天下當與爾共之。」是日敬翔自殺。於是詔翔李振首佐朱溫傾唐祚，與趙巖、張漢傑等並夷族。毀梁宗廟，追廢朱溫、朱友貞爲庶人。遣使按視唐諸陵，藩鎮入朝者皆復鎮。吳、楚皆致貢。當是時，天下幾定。梁

二主，其十七年。

嗚呼。梁祖以僖宗乾符四

年起爲盜。後七年鎮宣武。後二十四年始篡唐而帝。帝明年而晉昌。後四年而爲子所屠。乃起於女禍。已竟滅於晉。嗚呼。作兇事爲兇人。竟身僂國亾。以兇終。理有固

然曷足怪焉。二年四國春祀南郊。復宦者為內諸司使。

及監諸道軍。省文武官。遷都洛陽。復長安為西京。復唐

軍州名。復行唐律令。立皇后劉氏。夏。澤潞軍亂。夷諸州

城。三年春。唐主如興唐。以李嗣源為成德節度使。夏四

朔日五月。作清暑樓。唐主既滅梁而驕。為淫戲。自放。與

饒優名之李天下。唐主自呼亦曰李天下。優人敬新磨。遽

前批其頰。主失色。新磨徐曰。理天下者只一人。尚誰呼

耶。唐主悅。厚賜之。掌中牟。民稼中牟。令當馬前。諫

曰。陛下為民父母。奈何毀其所食。使轉死溝壑乎。唐主

怒。叱引去。將殺之。新磨前追擒至馬前。數之曰。汝為縣

令。獨不知上好獵耶。奈何縱民耕種。防天子馳騁。罪當

死。請行刑。唐主笑而釋之。時諸伶出入宮掖。侮狎縉紳

羣臣。莫敢出氣。或反相附託。希恩倖。四方藩鎮。貨賂公

行。而伶人景進者尤居中用事。梁敗將段凝率眾降。賜

姓名李紹欽。因伶人納賂。以為泰寧帥。梁冀王友謙入

朝賜姓名李繼麟。溫韜朝賜姓名李紹冲，皆復遣還鎮。郭崇韜曰：溫韜發唐山陵，始徧罪與朱溫埒，得復鎮天下。義士謂我何？唐主竟遣之。復宦官諸司使及監諸道軍租庸使孔謙，欲聚歛求媚，凡赦文所蠲者賦畢復徵，自是詔令不信，百姓愁怨。郭崇韜位兼將相，權侔人主，拜汾陽王之墓，以爲從祖，而自處世貴，引拔浮華，勛舊交怨，乃請立劉夫人爲后，以目固后，狡悍淫妬，於是曹太后誥劉后教，與制敕交行，中外奉之如一。時勳舊畏伶官讒，皆自危。獨崇韜頗守義，敢諫諍，爲嬖倖所疾。忌宦者言，方唐全盛時，宮中樓觀以百數，今官家曾無避暑宮，命建之。宦者曰：郭崇韜常不伸眉，爲孔謙言用不足也，恐陛下欲營繕，終不可得。唐主曰：吾自用內府錢，無關經費，何預彼事？然猶慮崇韜諫，遣中使語之曰：今歲暑異常，朕昔在河上行營，卑溼被甲乘馬，當矢石，猶無此暑。今居深宮而暑不可度，奈何？對曰：陛下昔在河上，勅敵未滅，雖盛暑不介聖懷，今外患已除，海內賓服，雖有珍臺閒館，猶覺鬱蒸，則畏肆之致異也。願陛下不忌河上時，卽暑氣自消。唐主默然，卒營樓費以巨萬。

秋七月，唐太妃劉氏、太后曹氏殂。初，晉祖嫡夫人劉氏，無子，賢明不妬忌。曹氏

入生存勗而劉夫人待之加厚故相得甚歡莊宗事曹
允謹救趙破燕取魏博與梁戰河上十餘歲歲嘗馳歸
省其母至三四及卽位遣使奉冊冊劉夫人爲皇太妃
曹爲皇太后太妃請太后宮賀有喜色而太后怙不
自安太妃曰但兒饗國久長吾獲沒下地園陵有主所
幸多矣餘何足言因相向歔歔已唐主遣使迎太后太
妃如興唐太妃曰陵廟在此若俱行歲時當誰奉祀乎
留不往獨太后如魏太后以別太妃故常忽忽不樂太
妃亦邑邑成疾太后聞欲自往省唐主以天暑迢遠苦
留之乃止及姐太后悲哀魏王繼岌爲西川行營都統
不食者累日亦發疾卒

侍中崇韜爲招討使伐蜀冬

十月彗星見輿鬼

克蜀獲蜀王衍

是歲春夏旱六月始雨連雨七十五日百川皆溢

四年春繼岌殺崇韜及二子

于蜀詔族其家

蜀唐故東西川忠武軍也王建者許州舞陽人隆眉廣額貌魁然以屠牛盜驢

馬販私鹽爲活後事忠武軍將爲都頭僖宗出居蜀建
與其曹輩八都頭奔焉僖宗喜號隨駕五都大闢田令
孜以爲養子還長安將神策軍入宿衛河中王重榮犯

京師僖宗幸興元以建爲清道使負玉璽以從至當塗驛李昌符焚棧道棧幾斷建控僖宗馬從烟中躍而過宿坂下僖宗枕建股而寢覺涕泣解御衣賜之至興元令孜以衆頌言天子播越罪繇已懼以西川節度使陳敬瑄其同母弟也求監西川軍楊復恭代爲軍容使出建刺壁州建招集亡命及谿洞夷攻閬利州敬瑄患之問令孜令孜曰王八吾兒也吾折簡召可致乃遣使招之建大喜以家托東川帥顧彥朗彥朗選兵二千從之行赴成都至鹿頭關敬瑄悔使人止毋入建大怒擊破關取漢州攻彭州敗敬瑄兵昭宗詔和解之使罷兵彥朗表請以大臣鎮蜀予建節可定也乃詔相韋昭度鎮西川而分印蜀黎雅爲未平軍拜建節度使敬瑄不受代詔昭度將彥朗等兵討之三年不克詔復敬瑄官爵令罷兵時成都城中困甚王建以蜀破在旦夕欲專蜀於是表敬瑄令孜罪不可赦知昭度恒怯可劫而走也乃入說昭度曰今東關藩鎮相吞噬此心腹之疾相公宜歸朝與天子共圖之蜀棊爾國敬瑄疥癰貴建可辦也昭度未決去建噉軍士擒昭度親吏於軍門衛食之昭度恐畱符節委建去還朝建得軍卽以兵扼兩川資簡戎茂嘉印諸州皆殺刺史降建攻圍成都

田令孜登城號以請建曰父子之恩未之敢忘但奉天子詔討不受代者建無所逃死太師改圖建何求令孜乃自攜節印入建軍授建旦日敬瑄開門迎旣而敬瑄作亂令孜通鳳翔書殺之爲簡較司徒成都尹圍彭州不下民竄山谷諸寨日出剽軍士王先成者度諸將惟主宗侃賢往說之曰彭州本西川屬也陳田以授楊晟拒朝命今陳田平而晟猶據之州民皆知西川大府而司徒其主也故大軍至民皆不入城入山俟招安今士縱掠而司徒不念聞將更思楊氏矣宗侃惻然前席就問之先成曰又有甚於是者今諸寨旦出剽暮乃返而不虞其難脫城中萬有一智者爲之畫其伏門伺卒出剽掩擊之於城下各出共耀諸寨諸寨咸懼自備勢無暇相攻能無敗乎宗侃矍然問計先成條七事以白招安入山中百姓一禁諸寨剽虜二置招安寨選部將謹幹者巡守三招安事帖一人專掌四悉索所虜彭州百姓集營場有父子兄弟夫婦相認者使相從送招安寨敢匿者斬五置行縣撫百姓給帖入山招親戚六彭土宜麻民入山者令縣令曉諭歸以時樹麻蠶之爲軍資七也建得之大喜卽行之三日民出山赴寨如歸市以遂克彭州荆南將許存降建忌存勇略欲殺之

掌書記高燭曰公方總攬英雄圖霸業彼窮來歸義李
何乎殺之命使蜀陰使知蜀州王宗綰察之宗綰密言
存忠勇諫厚有良將材乃捨之更姓名王宗播而宗綰
竟不覺宗播知其免已也宗播聽元從孔日官柳修業
畫慎靜以免禍遇彊敵諸將所憚者輒以身先之及有
功輒稱病不自伐繇是得以功名終彥朗歿建并有東
川梁既篡奪遣使者諭建建拒不納建雖起盜賊而爲
人多智善待士納直言好施予人各盡其材議稱帝衆
從史之獨馮涓請以蜀王稱制曰唐興則未爽稱臣賊
在則不同爲惡不從遂僭號唐衣冠族避亂在蜀者禮
而用之太子元膺卒蜀主以雅王宗輅類已信王宗傑
才敏欲擇一人焉立之而鄭王宗衍最幼母徐賢妃幸
使闕唐文展諷相張格表立之格夜以表示王宗侃等
云受密旨表衍衆亦以爲母愛故子立也皆署名蜀主
不得已許之衍好酒色樂遊戲蜀主得夾城聞太子與
諸王鬪鷄擊毬喧呼聲太息曰吾百戰以立基業此輩
其能守乎及疾病召大臣告之曰太子仁弱朕不能違
羣公請而立之若不堪可眞別宮擇王氏子弟輔之徐
妃兄弟止可優祿位慎勿使掌兵預政闕唐文展惡諸
大臣遣人守宮門扣按諸大臣令毋入宗弼排闥入請

召太子入侍而殂衍卽位殺唐文扈荒淫於宴遊太后
大妃各出教責官每一官闕數人納賂賂多者得之
韋妃廢其后高氏立焉刻錦步障擊毬其中絳綵爲山
及宮殿樓觀於其上爲風雨所敗輒易山前穿渠汎舟
夜飲歸令宮女秉蠟炬千餘居前船却立照水面如晝
時唐莊宗業滅梁有中夏而帝矣與宰相議伐蜀李紹
欽素諂事宜徽使李紹宏紹宏薦紹欽可任郭崇韜曰
段凝亡國之將姦諂無匹不可許也衆舉李嗣昭崇諂
曰契丹方熾總管不可離河朔魏王地當儲嗣然勳名
未有著也請以爲都統重之帝曰兒豈能獨任當求其
副旣而曰無以易卿乃以繼岌充西川行營都統崇韜
充都招討制置等使軍事悉委之西伐蜀工尚書任圜
翰林學士李愚叅軍機時蜀主方東遊秦州節度推官
蒲禹卿表諫言先帝艱難創業陛下少長富貴流色惑
酒離宮闕爲盤游今百姓失業盜賊公行險何可獨恃
條蜀主闕失以諫學士韓昭以諂譖幸罵之曰吾救汝
表侯上歸當使獄吏字字問汝李紹琛者梁將康延孝
也有知計知兵前歸唐唐主解錦袍王帶賜之問梁事
對曰梁地不爲狹兵不爲少然主暗懦趙張擅權段凝
無智勇專率歛行伍奉權貴而梁以近臣監軍進止可

否、動爲所制、近又聞欲數道出兵、決以十月舉事、臣竊
 觀梁兵聚則不少、分則不多、願養勇蓄力、以待其分、帥
 精騎五千、自鄆州直抵大梁、旬月間、天下定矣、因決定
 梁之畫、賜姓名、及是以別將攻蜀、威武降之、縱敗兵萬
 餘人逸去、以駭蜀、倍道趣鳳州、克之、郭崇韜入散關、以
 饋運將竭、欲掠地、李愚曰、蜀苦其主荒淫久矣、急乘之、
 人情崩離、雖阻險誰守、不可緩也、掠地緩矣、崇韜曰、舍
 卽倍道進、而鳳興文扶皆迎降、蜀主遊行還至利州、遇
 威武敗卒、始信唐兵來、以先王養子王宗勳宗儼宗昱
 爲三招討使、將兵拒唐師、還成都、百官及後宮迎、蜀主
 忽入宮、嬪中作回鶻隊、馳而入爲戲、猶未知國當亡也
 紹琛克興州、諸城鎮款附、及三招討戰三泉、大敗之、進
 至綿綿浮梁斷、水深無舟楫、紹琛曰、需造舟爲梁者、敵
 縱矣、與李嚴乘馬前渡江、從其濟者僅千人、遂入鹿頭
 關、據漢州、蜀將王宗弼棄師走、三招討追及之、相持而
 泣、遂合謀送款、宗弼據蜀太玄門、劫遷蜀王及太后、後
 宮諸王于西宮、收璽綬、及內庫金帛、歸其家、遣使迎唐
 師、且以其主書遺李嚴曰、公來吾卽降、或謂嚴公嘗懷
 蜀、實百謨伐蜀、蜀人怨公入骨髓、不可往也、嚴欣然馳
 入成都、撫吏民、告以大軍卽至、徽樓櫓以待、宗弼斬蜀

諸嬖倖、梟韓昭金馬坊門、遣使奉觴、以宮珍玩迎繼、
賂之、求西川節度。繼、安曰：「蜀降此，我家物，奚用獻？」笑而
遣之。至成都，蜀主白、衣首經、銜璧、牽羊迎、百官哀經、徒
跣、與觀從、繼、安受璧、崇、韜解縛焚襖、承制釋其罪。君臣
東北向拜謝。崇、韜禁侵掠、市不改肆、自出師、至是凡七
十日、得節度十州六十四縣、二百四十九、當是時、李紹
琛爲、九功、伯董璋上、崇、韜易之、而璋與郭崇、韜素善、與
議、軍紹琛心不平、諍語曰：「吾有平蜀功、公等撲擻相從、
反、嘯嘯於郭公之門、吾爲都將、獨不能斬公耶？」璋訴於
崇、韜、崇、韜怒、立表、璋爲東川節度使、紹琛愈益怒、曰：「吾
冒白赤、陵險阻、定兩川、璋乃坐有之耶？」時魏王雖爲都
統、軍中制置、一出郭崇、韜、將吏賓客爭奔走、而都統牙
索然、從行闕、李從襲等恚之、及破蜀、蜀貴臣大將爭以
寶貨妓樂遺崇、韜、及其子廷誨、獻繼、安、匹馬束帛而已。
從襲等愈不平。王宗弼、知魏王之不予已也、帥蜀人、刈
狀、請崇、韜留鎮、從襲等、因媒孽崇、韜、使蜀人請已、志難
測。王不可不備。繼、安乃好謂崇、韜曰：「王上倚侍中如左
右手、何肯棄之蜀？且此非余之所敢知也、必令人詣闕、
崇、韜懼、欲未宗弼、以自明、數其亡國罪、族之、而二隙愈
益深。崇、韜素疾宦者、嘗密謂魏王曰：「大王他日爲天子、

駱馬且不可乘况宦官乎必盡去之駱馬關馬也關呂知柔竊聽聞之切齒焉時蜀中盜賊羣起崇韜命分道招討之留未班師唐主遣中使向延嗣趣之還崇韜不出迎延嗣怒李從襲因詣延嗣涕泣曰郭公專廷誨日與軍中驍將蜀豪傑狎款日指天畫地諸將皆郭氏黨工寄身虎口一朝變作吾蜀不知委骨何地矣因大哭延嗣歸其以語劉后后泣以訴唐主聞蜀人請崇韜爲師心不能無疑又閤蜀府庫金寶籍意不厭怪之延嗣日蜀珍貨皆入崇韜父子所故縣官厘厘止此唐主愈益怒遣關馬彥珪詣成都戒之曰崇韜奉詔班師則已緩急安能於三千里外稟命乎是遺之擒也后復曰必誅之唐王曰傳言未委虛實亦何得遽爾后退自爲教與繼岌令必殺崇韜彥珪至以后教宗繼岌繼岌曰彼無憂安可爲此且主上無敕獨以皇后教殺招討使可乎從襲等泣陳利害動之繼岌乃召崇韜入計事從者李環卽以撾碎其首殺之并其子廷誨廷信矯爲敕宣諭軍命尚書圍總軍唐主聞詔暴崇韜罪并諸子皆殺之睦王存乂者崇韜子壻也帥保大爲攘臂稱冤亦殺之景進言朱友謙李繼麟與有乂連謀又殺之朝野

冤憤諸將解體李紹琛自以功高而唐主不見任悲欲
反謂諸將曰國家南取大梁西定巴蜀皆郭公之謀而
吾之力也至去途效順與國犄角以破梁則朱公今朱
郭皆無罪夷滅痛哉冤乎吾友無日矣遂大哭所將河
中士亦哭曰郭公何罪今闔門屠膾我輩歸將同誅豈
復東哉於是紹琛自劔門引兵西欄西川節度徇成都
友任圜進攻之至漢州紹琛逆戰大敗閉柵不出漢州
故無城樹木為柵圜攻焚之紹琛敗奔綿竹追擒之詔
以知祥為東川帥至漢州犒軍與任圜董璋置酒高
會引紹琛檻車至坐中知祥自酌大卮飲之曰公何患
不當貴而求入此取紹琛曰郭侍中佐命功第一兵不
血刃取兩川一旦無罪而族如紹琛安所得自保乎故
忍而為此二月鄴軍亂陷鄴遣成德帥李嗣源討之行營軍

亂嗣源入于鄴以鄴軍還向汴唐主如汴嗣源入于汴

唐主還洛夏四月唐主殂于弒嗣源入洛陽監國

李嗣源晉

祖克用養子也本胡人亡姓名邈佶烈以騎射事晉祖
數有功賜姓名常以所將騎五百號橫衝都戰疾力攻

耶洛相卿取武媯備三州下磁相皆其功鎮安國橫海
莊宗爲晉王親倚之胡柳陂之敗周德歲戰歿嗣源不
知王所在旁問之曰比渡河矣嗣源遂乘水北渡王拔
濮嗣源還入見王不悅曰汝以吾爲歿耶嗣源謝歿罪
酌大斗酒罰之自是待稍薄德勝之戰鄆州將盧順密
使來言曰鄆守兵寡可襲也羣臣以爲疑召嗣源諮之
嗣源以胡柳之慙常欲立奇功補過因對曰梁人志專
澤潞不備東得東平則潰其心腹今用兵久國困非出
奇大功何繇成臣願獨當之晉王悅遣將兵五千趣鄆
州會日暮陰雨道黑甚將士皆不欲行嗣源喜曰此天
贊我也必無備必克也渡河至城下從圻坎先登殺守
卒啓關納外兵鄆人不和也遂克鄆嗣源禁焚掠撫吏
民而定晉王大喜即以爲天平節度使已又決入梁之
策遂克梁加中書令詔具前志中已唐主意忌諸宿將
俗人爲謠言以聞輒得禍嗣源三年三徙鎮行幸艱請
朝不許貞簡太后疾請入省又不許太后崩請赴山以
許之乃得朝已屬有謠言唐主遣朱守殷密伺之朱守
殷者前所遣守德勝南城失事嗣源請殺之者也好言
人陰私長短用結信故使之守殷見嗣源搖以功高不
賞令歸藩達禍嗣源曰吾心不負天地禍福之來天也

同得辟乎。諱聞乃稍解。會魏博軍戍瓦橋。踰年當歸。復有敕畱屯。於是魏卒皇甫暉劫其帥楊仁晟曰。王上所爲有天下者。吾魏軍力也。天下已定。更不念舊勞。加猜忌。去家咫尺。曾不得一歸見妻子。今聞皇后弑逆。京師亂。願與公行歸魏。安知不爲富貴資乎。仁晟不從。殺之。劫漏帥偏帥不從。又殺之。乃奉趙在禮爲帥。還據鄴。河朔州縣率並據城爲亂。應之。唐主命歸德帥李紹榮。史彥瓊詣鄴招撫。紹榮至。攻鄴。趙在禮拜城上。爲衆請曰。非敢反也。將士獨思家擅歸。公善爲奏免於死。敢不自新。彥瓊戟手嫚罵之。皇甫暉謂衆曰。上不赦我矣。因聚譟掠。敕書手壞之。守陴拒戰。紹榮攻之。不克。以狀聞。唐主怒曰。克城日。必勿遺噍類。發諸軍討之。遣中使促魏王繼岌還定亂。而繼岌以李紹琛叛。畱利州不得發。欲自將。大臣皆言。京師根本地。不可動。顧諸將無可使者。衆共推嗣源。唐主心忌之。陽應曰。吾惜嗣源。欲畱衛竟不得已。而遣嗣源抵鄴。西南而營。令詰旦攻城。是夜從直上。忽大譟。焚營。親軍拒戰。不能敵。嗣源出叱問之。勒曰。將士從主上百戰。十餘年。得天下。貝州戍卒思歸。上不聽。從馬直卒誼競上。欲行謀。吾曹安所逃死乎。今欲與城中合。請主上帝河南。今公帝河北耳。嗣源涕泣。

諭之環呼曰公不帝河北則他人有之我輩狼虎豈
識卑尊哉霍彥威與安重威勸許之以解難遂入鄴趙
在禮帥諸較迎羅拜置酒爲高會居二日嗣源詭說在
禮曰凡舉大事須藉兵今兵散無所歸我親出收之當
是時嗣源所部兵以主帥反爲賊皆潰去獨霍彥威將
五千人營城隅不去嗣源出乃從宿魏縣散兵稍有至
者李紹榮本梁將元行欽也爲嗣源養子有衆萬人營
城南嗣源遣牙將召之與共攻亂者疑不應已遂去保
衛嗣源欲歸藩請罪安重誨曰公爲帥不幸爲凶人所
劫紹榮不戰而去還朝必以公籍口公歸藩爲據地邀
君適足實讒賊之口耳不若星行詣闕見天子庶可以
自明嗣源曰善乃南趨相州遇馬坊使康延福得馬數
千疋始成軍而紹榮果言嗣源已歿與賊合嗣源上章
自理一日數輩皆爲所遏不得通嗣源乃大懼朱邪人
石敬瑭奮說嗣源曰夫事成於果決而敗於猶豫安有
上將與叛卒入賊城一日而他日得保無恙者乎大梁
天下要會願假三百騎前取之可以自全康義誠曰王
上失道軍民怨望公從衆則生守節死耳嗣源乃令重
誨傲遠近會兵嗣源家在鎮虞候將王建立聞變即發
其監軍故得全李從珂嗣源妾魏氏子也本王姓嗣源

子之數有功表爲北京內牙指揮使唐主怒不許謫戍石門至是將所部倍道從李紹英者亦嗣源養子房知溫也刺曹具二州亦馳赴難而嗣源軍大振當是時唐主以軍食乏敕河南尹豫借民夏秋稅民不自聊生租庸使孔謙以倉儲不足多朘刻軍洵洵宰相請發內帑以給軍劉后不肯出粧具及皇子幼者三人於外曰則方貢獻以賜給隨盡所餘止此耳請鬻以贍軍宰相惶恐退故人心益攜及是詔白從暉將騎士扼河陽橋出金帛給軍軍士詬曰吾妻子已爲殍鬼得此何爲皆思亂唐主乃從李紹榮計以嗣源必且據大梁不可往獨西如開東聽伶人景進計殺故蜀主衍夷其族至萬勝慎聞嗣源旣已爲大梁諸軍離叛神色慘沮登高太息曰吾不濟矣命旋師至泚水扈從兵二萬五千亡其半過壘子谷過衛上抄掠以好言撫之曰且厚賞對曰陛下賜已時人不思之矣唐主至石橋西置酒悲歌流涕追晚入洛城明旦欲扼泚水而軍從馬直郭從謙者本伶人優名郭門高從德勝之役有功累指揮使以叔父事郭崇韜又事睦王存又爲養子二人久而從馬直軍土王溫與從謙善以亂誅唐主虧面數之然終龍之實無意殺之也而從謙中自懼數危言動衛土曰罄爾家

所有市酒肉飲食快目。前無爲計久長。卒問故曰。主上以王溫故侯鄴都平阮。若曹矣。故親軍人自危。欲爲亂。駕且出。從謙帥所部攻宮門。時朱守珪。水騎兵陳宣仁門。悉召之。守戢止不前。近臣皆釋甲潛遁。獨散員都指揮使符彥卿軍較何福進。王全斌等十餘人。扈唐主力戰。擊殺數十百人。而唐主爲流矢所中。傷五坊人善友掖。至絳霄殿。抽矢渴憊甚。劉后不省視。遣宦者進酪。以遂殂。年四十三。彥卿等慟哭而去。善友歛樂器覆屍而炭之。明年秋七月。葬雍陵。廟號莊宗。初。景進言西南未安。王衍族黨不少。聞駕東征。恐爲變。詔魏王合衍一行盡殺之。內樞密張居翰覆視之。慨然曰。殺降不祥。况其監乎。以詔傳柱指滅衍字。改爲家。時蜀降人與衍俱東者千百人。皆獲免。而衍母徐氏且歿。戰手罵曰。吾兒以一國迎降。不免於族。信義安任。汝受禍豈遠乎。已而果然。

嗚呼。莊宗以百戰定燕賊朱梁。敗契丹。師易薊也。奉三矢告成于先王。可謂曰英。然不勝其亟疾。夫亟疾甚不任將。不任大將。况萬乘乎。以竟殞於伶人。莊宗知

音以淫於濁音其焚也以絲竹桐傳曰君以此始亦以
此終詎不哀哉夫樂以節樂止淫者也嗣源至鑒子谷
謂變慟哭曰主

上素得士獨爲羣小所蔽至於此吾安歸乎入洛陽止
私第禁焚掠拾莊宗遺骸於灰燼中殯焉謂朱守殷曰
吾巡徼待魏王至吾俟山陵畢社稷有奉則歸藩爲國
家扞禦北方耳是日相豆盧革帥百官上牋勸進嗣源
曰吾奉命討賊不幸却曲叛散欲入朝自訴又爲紹榮
所隔故至此諸君見推非所心也願勿言百官三上牋
請監國許之入居興聖宮百官以其班見下令爾教以
中門使安重誨爲樞密使與紹真掌機密宣徽使選後
宮美少者數百以獻監國曰胡用此曰宮中職掌不可
闕也監國曰宮中職掌宜用耆舊人以充此屬安知皆
出之以租庸使孔謙姦伎侵削使軍民困乏斬之而除
其所立苛歛法廢租庸使爲三司委宰相專叛反罷諸
道監軍下令所在訪諸王安重誨與李紹真謀密遣人
於在所殺之後月餘監國聞切責重誨然而不罪也方
變時劉后囊珍寶繫馬鞍與申王存渥及李紹榮焚嘉
慶殿出走在這與存渥通存渥爲其下所殺后尼晉陽

監國遣人就殺之、魏王繼安征蜀還、至渭南、將士聞嗣
源監國皆亡、匿遂自殺、方魏兵變時、嗣源子從璟在朝
莊宗謂之曰、爾父忠孝之心、朕所自明、獨為亂軍所逼
耳、爾宜往論以朕意、從璟至衛州、為李紹榮所執、從璟
呼曰、我父忠孝之心、上所自明、獨為亂軍所逼、公等不
亮耳、誠不令我至、魏願歸衛天子、乃得還、及莊宗如汴
將士多遁、亡獨從璟不去、嗣源兵渡黎陽、莊宗復遣從
景往通問、竟為紹榮所殺、及是紹榮奔河中、為人禽、至
洛、殺之、復姓名元行欽、明年郭從謙伏誅、鄴都軍復作
亂、為鎮將所殺殆盡、又明年溫韜以發唐山陵、及疑以
反覆、朱守殷以
為逆、皆伏誅、四年夏、監國嗣源襲位、赦改元、時百僚

言唐運已盡、宜改建國號、監國問曰、何謂國號、羣臣曰
武皇賜姓於唐、已為唐復讐、故國號唐、今殿下應天順
人、別建號、宜稱監國、曰、吾年十三事獻祖、獻祖以吾宗
屬、字吾猶子、又事武皇、事先帝、今五十年矣、經綸攻戰
無役不在、武皇之基業、則吾之基業也、先帝之天下、則
吾之天下也、安有同家而異國者乎、於是用嗣子極前
即位之禮、服斬衰入哭、訖御衮冕、受冊、赦天下、以鄭珏任圜同平章事、唐亡、日
不知書

四方美事皆安重誨之重誨亦不能盡解初安重
文學之臣與其事備應對安重誨公如家簡賢後初安重
暮年之閒安重誨二年春以馮道崔協同平章事初安重
皆足綱紀安重誨

循吏安重誨故事知朝士行能多聽其言而循安重誨
多循吏安重誨相循已薦鄭珣又薦崔協而任安重誨
珣安重誨言於重誨曰李琪非無文學但不廉空
相但得安重誨器度者儀刑百官足矣他日議於安重誨
前安重誨重誨悉朝中人物為人所賣協雖名家子然
識字甚少臣既以不學忝相位奈何更益以協為天下
笑乎唐王曰宰相重任卿等慎之吾往在河東見馮書
記多才博學與物無競相可矣既退循不揖拂衣去安重誨
疾不朝者數日重誨謂安重誨曰今方乏人協備員可乎安重誨
曰明公捨李琪而相崔協是猶棄蘇合安重誨取蝥蜋也安重誨
詢不聽故道暢並相道既相唐王從容咨安重誨焉而安重誨
重誨爭事急至聲色俱厲罷相居磁州會朱守殷反重
誨以安重誨失職在外恐為患奏遣使賜死學士趙鳳哭曰
園義士安肯為逆何濫刑如此使至安重誨聚族酣飲然後
死安重誨神情十二月立四親廟於應州舊宅安重誨
不撓安重誨用漢建武事從中書舍人馬縯

請也。四年春，克定州，誅王都。王都者，義成帥處直養子也。

用事，稍以法裁之，浸成猜阻。詔削奪官爵，以王晏球為招討使，討之。晏球，唐莊宗賜姓名李紹虔者也。擊契丹，援師奮破之，都以氣奪。定州守備固，經歲餘不克。倖臣宣言晏球畏怯，詔使促進攻。晏球與使者聯騎行，視城謂之曰：「城高堅如此，藉令城主召外兵登城，亦非梯衝所可及。」攻之，徒多殺士卒，不食三州之相愛民養兵。侯之，彼困必內潰，使使者歸以告，主從之。而都果大困，欲突圍走，不得已，定人開門納官軍，都舉族自焚。是後也，晏球以私財日饗士，自始攻至克城，未嘗殺一卒。後入朝，唐主美其功勞，之晏球謝久，煩饋運而己。以

趙鳳同平章事。長興元年春，立皇后曹氏。夏六月，日蝕。是歲，河中亂，兩

川二年夏，殺安重誨。重誨，應州人，以佐命處機密事，無大小皆參決。四方奏事皆先白，乃後聞，勢傾朝野。雖盡忠力，有補益而怙寵，豔氣勢，欲威福自巳出，又每以天下自任，欲內為注稷計，而外誦諸侯馬牧軍使田令方所牧馬，瘠而多聲，劾當處重誨。謂賤人而貴畜，得滅

歿。夏州李仁福進曰：「鷹重誨却之，明日入白曰：『陛下詔天下毋有獻，而仁福違詔獻鷹。』」臣却之矣。唐主陰遣人取以入，戒無使重誨知。宿州進白兔，重誨曰：「免陰且狡，雖白何爲？」却不白。官中須索踰常度，輒執奏，非分之求殆絕。監國初行，過御史臺，殿直馬延誤衝其前導，重誨怒，卽臺門斬延，乃以聞。唐主子從璨剛不爲屈，唐主東巡，從璨爲大內皇城使，與客宴會節園，酒酣登御榻戲重誨，奏誅之。潞土從珂嘗從重誨飲醉，使酒毆重誨，醒而悔，詣謁謝。重誨終不解，謂從珂非李氏子，後必爲國患。帥河中使牙內指揮使楊彥溫陰圖之，從珂閱馬黃龍，彥溫閉城拒從珂，不納。從珂遣人詰之曰：「非彥溫也得樞密院宣密旨，趨公歸朝廷。」從珂走虞鄉，上變。唐主問重誨，旨有諸對曰：「彥溫藉口密旨逐帥，亟發兵誅子耳。」唐主心疑之，遣賁直以金帶襲衣鞍勒馬賜彥溫，誘致之。不至，命侍衛指揮使藥彥稠討之，誠之曰：「必生致彥溫。」吾欲面訊之。彥稠等破河中，希重誨旨，斬彥溫以聞。重誨率羣臣入賀，唐主大怒曰：「朕家事，不自明，何賀？」已重誨諷宰相奏從珂失軍，請加罪。唐主曰：「吾兒爲姦黨所傾，未明曲直，柰何乎？」罪之。且此非公等意也。明日重誨入復請，唐主曰：「朕昔爲小較，家貧，賴此兒拾馬。」

查自給有今日。曾不能庇之耶。且卿欲何如。重誨曰。惟陛下所裁。唐主曰。今閒居私第。無與乃公事。亦可矣。復何言。重誨乃不敢言。孟知祥鎮西川。董璋鎮東川。皆潛有異志。重誨每裁抑之。二人不自安。旣而遣李嚴監西川軍。知祥大怒。斬嚴。又分閬州爲保寧軍。以李仁矩爲節度。璋攻殺仁矩。二人遂皆反。遣石敬瑭討之。久不克。唐主患之。曰。吾當自行。重誨請行。許之。命督師時。唐主以中外譖愬中。重誨者深惡之矣。關西人固憚重誨。聞督師皆恐。而重誨日馳數百里。急得軍。達近驚駭。督糧運斃。踣道路者相望。鳳翔帥朱弘昭素諂事重誨。得大鈔。重誨過。鳳翔弘昭迎拜馬首。館府舍。出妻子行禮。甚恭。重誨親信之。爲泣言。讒人交構。幾不免。重誨去。弘昭知重誨得過深。恐及也。卽表上其語。又遣敬瑭書言之。敬瑭大懼。上言。重誨至。恐有變。乞徵還。宣徽使孟漢瓊亦言。所過洶洶。狀詔徵還。重誨還。過鳳翔。弘昭卽拒。不納。重誨馳趨京師。未至。得命鎮河中。重誨旣去。希旨者爭求其過。爲功。重誨懼。請老。以太子太師致仕。而詔李從璋爲河中帥。遣藥彥稠別率兵如河中。爲防。重誨子崇緒。崇贊。官京師。聞制下。大恐。奔河中。重誨見之。驚曰。汝安得自來。械送京師。皇城使翟光素忌。起重

誨唐主遣詣河中陰察之曰有異志則誅光業主即令從璋以甲士圍其第自入見重誨拜庭下重誨驚降階答拜從璋奮撾擊其首斃之妻張氏驚救亦斃之簡其家僅數千緡詔以離間孟知祥董璋錢鏐爲罪誘二子亡歸并二子誅焉是歲吳稱帝四年冬唐主有疾秦王從榮以兵入

興聖宮不克誅歟

唐主殂

秦王從榮者唐主次最長子也爲人輕雋而鷹視頗喜從

儒生學爲歌詩而浮薄之徒日進掌入侍唐主問之曰爾何業對曰暇則讀書與儒生論經義爾明宗曰善經有君臣父子之道宜學也儒生必頽儒端士乃可親先帝將家子文章非素習而好作歌詩不能工人傳以爲笑汝必戒之吾老矣於經義雖不能曉然每聞輒喜殊益也已封秦王加中書令太僕少卿何澤上書請立爲皇太子時唐主有疾顧不悅謂左右曰羣臣欲立太子吾當養老河東耳從榮亦不願立固辭出見范延光趙延壽等曰諸公獨欲奪吾兵幽之東宮耳延光等患之乃請加從榮天下兵馬大元帥從榮喜宴元帥府諸將皆有領每入朝以數百騎先後張弓矢走以行其輕脫如此而驕狼不親政中外大臣無所不狎侮唐主以爲

憂史館修撰張昭遠言竊見先朝皇弟皇子皆入飾姬妾出誇使馬習尚如此將何道能贊諸皇子宜精擇師傅令居體事之與講禮義之經安危之理庶其益也古人君卽位則建太子所以明嫡庶之分室禍亂之源今縱未建儲至恩澤賜與婚姻省侍之際宜示以等威唐主賞歎其言而不能用駙馬都尉石敬瑭本西夷人自朱和歸唐居陰山從晉王克用起雲朔從明宗決策趨大梁尚永寧公主典六軍公主於從榮異母也素相憎敬瑭思外補避之樞密使范延光趙延壽亦慮禍辭機要唐主得末疾久未平以爲因已病求去也恚之齊國公主爲延壽言乃得出宣武延光請嬖人孟漢瓊及王淑妃乃得出成德會契丹入寇擇河東帥議者言帥臣可將者獨敬瑭而敬瑭得河東及唐主疾病從榮與樞密使朱弘昭馮贊入問疾不知人遷雍和殿官中皆哭從榮出聞哭聲以爲帝纔定矣夜半後帝忽蹶然興坐榻上侍疾者皆去顧守漏宮女曰夜漏幾何對曰四更矣卽啞肉如肺者數片溺涎浹斗餘守漏者曰大家省前事乎曰不知也有頃六宮皆至謹呼爲更生因進粥一盂至旦主小蘇而從榮忌宋王從厚賢於已懼不得立乃稱疾不朝而陰號牙兵入宿衛朱弘昭私謂其人

曰聖上萬福王宜竭力忠孝無草草從榮不聽弘昭贊
方圖其事宜徵使孟漢瓊走入告王淑妃召侍衛指揮
使康義誠與之謀義誠有子在秦王府不敢決馮贊入
責之曰上所以畜養吾輩者爲今日也今安危之機不
容髮柰何以一子故懷顧望乎使秦王得入將王上何
歸從榮攻端門漢瓊走入白宮人驚懼相向泣唐王問
弘昭等有諸對曰有之唐王以手指天泣下良久命義
誠自處毋震動京師潞王子重吉在側唐王曰吾與汝
父起微賤取天下數救我於厄從榮得何氣力而作此
事命控鶴以兵守諸門漢瓊召馬軍指揮使朱洪實將
五百騎討從榮從榮走歸府皇城使安從益就斬之并
其子以獻唐王悲駭命召宋王從厚子天雄入侍疾追
廢從榮爲庶人初從榮握兵驕多過失言事者請置師
傳輔導之大臣畏王不敢決因請王自擇王請中丞劉
贊拜秘書監爲王傅贊泣曰禍至矣他所請官屬十餘
人類浮薄爲傾險日諛諂獨贊以正道從容諷諫王惡
之戒左右贊來不得通贊亦不復造月一至府而已退
門不交人及是大臣議王屬官當坐相馮道曰贊與
王非素好也又在職不逾月唐事王居敏以正直爲王
所惡河南府判官司徒詡以病告家居宜不與其謀宜

不坐獨諮議參軍高輦於王昵當坐朱弘昭持不可而
馮贇亦以爲可原於是論高輦死而贇等長流後六日
唐主殂年六十七是爲明宗明宗爲人寬純質愛人嘗
夜焚香仰天而祝曰臣本胡人因世亂爲衆所推今亂
甚矣願天早生聖人爲生民主初卽位春秋已高城罷
宮人伶官教坊敕諸司汰有名費無實用者廢內藏庫
四方所上物悉歸之有司分遣諸軍就食近畿省饋運
除夏秋稅耗諸候四節貢毋得歛百姓刺史而下毋有
所獻廣壽殿火災有司理之請冊號喟然嘆曰天以火
戒我我豈宜益以侈耶數問宰相馮道等以民間疾苦
歲冬旱已而雪暴坐庭中詔武德司宮中無掃雪曰此
天賜我也後歲屢豐稔四方無事頗自喜道曰臣昔在
先皇幕府奉使中山歷井陘之險臣憂馬蹏執御轡甚
謹幸乃無事至平衢放轡馬忽逸幾顛凡爲天下者亦
猶此矣唐主深然之又問道今歲雖豐百姓頗贍足否
道曰農家歲凶則死於流殍豐則傷於穀賤故豐凶皆
病惟農家爲然臣記進士韋夷中詩云二月賣新絲五
月糶新穀醫得眼前瘡剜却心頭肉語雖近俚然曲盡
田家之情狀故農最苦也明宗悅命左右錄其詩誦
之敕鷹坊解縱鷹集內外毋更進馮道曰陛下所謂仁

及鳥獸。唐主曰：不然。朕昔嘗從武皇獵，時秋稼方熟，有獸人田中，遣騎取之，比得獸，餘稼無幾，以是思之。獵有損無益，故不爲也。聞道等言外間穀帛賤，民無疾疫，則欣然曰：吾何以堪之？當與公等作好事，報上天，以詔書褒廉吏孫岳等風天下。吏犯賊者，寘之死。曰：此民之蠹也。李紹真卒於鎮，方獵近郊，計聞爲涕泣，還宮爲輟朝。爲終月不舉樂，贈賻有加禮。先是晉陽周玄豹者，善相人，嘗言唐主有極貴徵，及卽位，欲召之。趙鳳曰：玄豹言驗矣，無事復詢。若置之京師，則輕險狂躁之人，必輻輳其門。自古以術士言致禍亂者甚衆，今召之，非所以靖國也。唐主曰：善。獨賜金帛，竟不召。從榮守比都時，左右矯敕，令母接儒生，溺人志氣者，唐主聞大怒曰：朕以從榮年少，臨大藩，故擇名儒使輔導，今姦人言乃如此，可誅也。安重誨力爲請，乃免。其亦賢已。十二月，宋王從厚正。明年春，唐潞王從珂反，鳳翔唐師敗績。唐主出奔夏。從珂入洛，弑其主而自立。立三年，發兵擊河東。河東帥敬瑭以契丹兵滅唐，而唐亡。

從厚性仁厚，於兄弟敦睦，雖遭

秦王忌疾坦懷待之免於患及嗣位朱弘昭馮贇以誅
秦王立唐主爲已功執朝政而唐主柔少斷言無不從
潞王從珂河東石敬瑭皆少從明帝四征伐有大功於
唐主無嫌而弘昭贇忌之以從珂子重吉典禁兵出爲
亳州團練使而從珂女爲尼洛陽忽召入禁中繇是從
珂疑懼始內隙已而徙敬瑭鎮成德從珂鎮河東皆不
降制獨遣使臣宣赴鎮於是從珂移檄鄰道清君側以
誅弘昭贇爲名合五節度之師而東唐主不知所爲召
相康義誠等謀欲迎潞王以位讓皆懼不敢對義誠欲
悉以宿衛兵迎降爲已功乃謬奮曰侍衛軍尚多臣請
自往扼其衝招離散必有以報陛下願勿憂唐主喜命
義誠將而召將士人慰諭空府庫勞之且許得鳳翔人
更賞二百緡而士愈益驕從珂軍至陝義誠所部自相
結百十爲羣皆義誠棄甲詣陝降唐主駭不知所爲朱
弘昭赴井歿安從進殺馮贇於第函二人首赴從珂以
降唐主出奔魏相李愚與馮道至端門聞變愚欲至中
書候太后進止道曰潞王已處處張榜招安今至矣何
暇俟太后旨乃相與出迎馮道請中書舍人盧導草牋
勸進盧導曰潞王朝郊迎可也若勸進豈可輕議道曰
其得已乎盧導曰今天子蒙塵遽以大位勸人若潞王

守節以忠義見責其何辭以對且上與潞王皆太后子不如率百官請宮門取太后進止語未畢潞王至止正陽門道又促導草踐導對如初李愚曰吾輩天下罪人盧舍人言是也從珂入謁太后太妃請西宮伏梓宮前哭陳詣闕之繇馮道帥百官以班見勸進明日以太后令廢少帝爲鄂王又明日即仇弒少帝衛州所謂閔帝也殺孔妃及其四子磁州刺史宋令詢聞之慟哭者半日自經歿先是從珂以西都留守王思同爲東道招討使厚結之求助思同謂將吏曰吾受明宗厚恩今與鳳翔反卽事成猶爲時叛臣况事敗流穢千載乎執其使以聞至是爲從珂所執譙讓之對曰思同起行間先帝擢之位節將常愧無功忝大恩今日之事非不知助朝廷立禍附大王立富貴也但恐歿之日無面目見先帝耳請就歿從珂爲改容欲宥之而諸將耻見其面私殺之從珂爲嗟嘆屢日先是康義誠迎降於陝州從珂責之曰先帝晏駕立嗣在諸公今上諒陰政事在諸公何爲陷吾弟至於此義誠叩頭請歿從珂以事未定寬之至是與孟漢瓊皆種誅罷相道鎮同州相愚素剛介與劉昫並相動相違戾時兵革方興天下多事愚欲依古以制理唐主以爲迂不用目之曰粥飯僧尋罷去唐主

之發鳳翔也。許軍士入洛，人百緡既至，問三司使王玖以數百萬對，已而閱實，金帛曾不滿三萬，而賞軍費計當五十萬緡，括民財足之，僅六萬，怒逮下獄。晝夜督責，貧者至自經赴井，處而軍士遊市肆，揚揚有德色。市人聚詬之，於是竭左藏舊物及諸道貢獻，乃至出太后太妃器服簪珥充之，纔二十萬緡。學士李專美復直，唐主讓之曰：「卿有才名，曾不能爲我措一謀，給軍賞，留才安施？」專美謝曰：「臣誠駑然，軍賞不給，非臣之責也。自長興之季，賞賚亟行，士卒驕縱，重以山陵師旅之役，帑藏遂竭，使陛下拱手於危困之中，而得天下，竊以爲今雖有無窮之財，終不滿驕卒之心。夫國之存亡，不繫於厚賞，在修法度，立紀綱，謂何耳。」陛下苟不改覆車之轍，臣恐徒困百姓，存亡未可知也。今財力盡矣，不若據所有，均給之，何必踐初言乎？」唐主從其計，而軍士不厭怨望，爲流言，初唐主與石敬瑭皆以勇力善鬪，事明宗，然素隙，不相能，至是敬瑭不得已入朝，惴不敢言，歸太后及魏國公主，屢爲言，又會敬瑭病，骨立，唐主意寬之，乃得遣。清泰三年春，唐主以千春節置酒，晉國公主上壽畢，辭歸唐主，醉大言曰：「何不且畱，欲遽歸與石，卽反耶？」主歸以告，敬瑭愈益懼，陳羸疾，乞移鎮，嘗唐主之意，唐

主召羣臣集議。文以爲不可。樞密學士薛文遇曰：臣聞
敬塘苦羣臣無與協計者，常悒悒及聞文遇言，大喜曰：「
卿言殊豁朕意。」術者言：「國家今年當得一賢佐，出奇謀，
定天下。」儻在卿乎？即爲除目付學士院使草制，徙敬塘
鎮天平，而宋審慶代鎮河東，制出羣臣皆相顧失色。而
以張敬達爲西北都部署，趣敬塘之軍。敬塘乃大恐，謂
將佐曰：「吾再來河東，王上面許終身不代也，今忽有是
命，得非如千春節與公主所言乎？今且表稱疾以覘之。
若寬我固善，令加兵於我，我改圖已矣。」判官趙望勸之。
鄆劉智遠曰：「明公將兵久，得士卒心，今據形勝之地，士
馬精強，若稱立傳檄，帝造可立成也。」柰何以一紙詔自
投虎口乎？掌書記桑維翰曰：「蛟龍不可縱於淵，主上初
卽征，明公入朝而卒，以河東委公，天命之矣。」明宗遺愛
在人，主上以庶孽代之，羣情不附。公明宗愛婿，今主上
以反逆見猜，此非首謝可免，但努力自全耳。」契丹主與
明宗素約爲兄弟，誠推心屈節而事之，朝呼夕至，何患
不成？於是敬塘遂決意反。表唐主養子，不當承大統，請
傳位許王。唐主怒，裂其表抵地，以詔書答曰：「卿於鄂王
非疎也，衛州之事，天下所共聞。許王之言，誰則信之？」

是閔帝欲奔魏至衛州東數里遇敬塘喜問計敬塘俛首不對牙將劉知遠忽引兵入盡殺其左右及從騎獨置閔帝一人而去故從珂以爲辭制削奪敬塘官爵殺其子弟在都下者命張敬達爲太原四面兵馬都節署楊光遠副之討敬塘敬塘遣使如契丹稱臣納賂以求救敬達圍晉陽不能下秋九月契丹主將五萬騎循楊武谷而南至晉陽陳虎北口來告戰敬塘曰南軍厚比軍初至勞請俟明則契丹已與唐騎將高行周符彥卿合戰矣乃遣將助之未決也張敬達楊光遠以步兵圍城西契丹遣輕騎致師唐兵逐之至汾曲伏起斷唐軍爲二乘之唐兵大敗歾者近萬人敬達等收餘衆保晉安唐主詔天雄范延光盧龍趙德鈞耀州潘環救晉安且詔親征至河陽憚行盧文紀希旨言國家根本在河南駕宜留用鎮撫南北獨遣近臣往督戰乃謀帥李士和瓚等曰趙延壽父德鈞以盧龍兵來赴難遣延壽往會之得僇力乃括天下將吏又民間馬又發民爲兵凡得馬二千匹卒五千人延壽將之行而民間大擾於是契丹主德光立敬塘爲皇帝敬塘割幽薊瀛莫涿檀順新媯儒武雲應靈朔蔚十六州與之仍許歲輸帛三十萬匹遂僭號改元天福國號晉立晉國公王爲皇后當

是時契丹以觶晉陽爲功，殊無意復南。雖軍抑林，輜重老弱皆在虎比口。每日暝，輒結束，備北去，而唐將趙德鈞蓄異志，欲倚契丹取中國。旣與子延壽軍合，則進屯團栢，密以金帛賂契丹，請立己爲帝，與契丹約爲兄弟。許石氏仍常鎮河東。契丹主自以深入敵境，而晉安未下，德鈞兵盛強，別將范廷光在其東，又恐山北諸軍邀其歸路，許之。敬瑭聞大懼，亟使桑維翰使契丹，爲請曰：「趙比平父子，非素以歟？徇國者，何足畏？而信誕妄，詔貪毫末利，棄垂成之功乎？且晉得天下，將竭中國之財奉大國，於毫末何有？願無聽自旦至暮，涕泣爭契丹主乃大感從之。指帳前石，謂德鈞使曰：「我已許石郎，此石欄可改矣。」謂晉主曰：「桑維翰盡忠於汝，可相也。」而維翰因相晉。晉安被圍者數月，芻糧竭，援不至。楊光遠安審琦勸敬瑭降契丹，敬瑭曰：「吾受明宗厚恩，今上用爲大帥，而失師罪也。况降敵乎？今援兵旦暮至，且俟之，必勢窮。」諸君斬我降，未晚也。」光遠曰：「審琦欲卽斬之，審琦不忍發。」已晨集帳中，光遠斬敬瑭首，帥諸將降契丹。主嘉敬瑭忠，命收葬祭之。馬軍都指揮使康思立憤惋歎，於是敬瑭請契丹主將兵南，以身從。獨畱一子守河東。契丹主令晉王盡出諸子，自擇守，重貴晉王兄子也。養爲子。

貌類晉王而小契丹主指之曰此大眼者可乃以重貴
爲比都尉守而敬塘從契丹主進團栢及唐兵戰殲之
至淄州趙德鈞父子迎謁執之授沙漠於是契丹主舉
酒屬敬塘曰我更南河南人必驚且亂汝宜自引漢兵
南我令五千騎衛送汝餘畱此有急則下山相援吾朝
聞洛陽下夕比返矣泣爲別曰世世子孫毋相忘而敬
塘自引向河陽先是唐主聞晉主定位憂沮甚大梅用
薛文遇之言旦夕獨縱酒悲歌有及晉陽事者輒曰卿
勿言石郎使我心膽墮地及是聞晉師南召李崧謀所
回薛文遇不知而繼至唐主怒色變崧躡文遇足文遇
乃去唐主曰我見此物令人肉顫幾欲以佩刀刺之時
洛陽居民逃竄者相屬門者請禁之雍王重美曰國家
多難不能爲百姓主又禁其求生無乃已迫乎下令聽
自便唐將較皆飛狀迎晉師於是唐主與曹太后劉皇
后雍王重美及宋齊虔等攜傳國寶登玄武樓自焚死
皇后欲焚宮室重美曰新天子至必不露居他日重營
造勞民是歟而遺怨也乃止唐自朱邪得姓而爲李得
國而爲首得天下而爲唐然三易姓祚享國僅十有一
年

史論曰明宗在位七年於五代之君最爲長世頗

知重民命畏天納諫用賢有君人之德焉。兵革粗息。
屋宇登天德存焉。生民賴焉。然狄性果銳。屢以非辜誅
殺臣下。父子之間。不能以禮義坊危機。而從榮卒倉陷。
大惡帝亦飲恨而終。隨以隕世。豈不哀哉。敬塘既代。

唐自帝立七年而殂。兄子重貴立。及契丹尋於兵。契丹

擊晉。晉將杜重威以其師叛晉。契丹滅晉。

方晉自帝時諸藩未服。即

服從。猶反。不自安。又經兵火。府庫竭。民困。而契丹徵求無厭也。晉主用桑維翰。盡推誠棄怨。以撫列藩。卑辭厚禮。以事契丹。訓卒繕兵。務農通商。以理國務。數年之
間。中國稍靖。及晉主殂。兄子重貴立。以馬步都虞候景延廣有定策功。寵之。聽其畫。事契丹。使喬瑩已召謂之曰。
不稱臣。契丹怒。來讓。延廣因契丹使喬瑩已召謂之曰。
先皇帝比朝所立。故事。契丹禮當恭。今天子中國所自
立也。禮如是而足。必過責有戰耳。晉有橫磨大劍十萬

口多避敵哉。他日翁敗，取笑天下，母悔也。瑩恚其辱已，欲得其言為異日驗。乃曰：「公所言頗多，懼遺忘，願記之。」延廣命吏書其語授焉。寘衣領中去。而晉君臣窮奢侈，相誇尚，壹不圖其憂。會旱饑，民流，楊光遠時帥平靈，知晉於契丹隙也，構之，密告契丹言晉饑甚，攻之可一舉而克也。趙延壽亦勸之。契丹主乃集兵五萬，命延壽將以南。曰：「克晉當立汝為帝。」延壽信之，為盡力。晉王自將以景延廣為御營使，已而契丹偉王戰太原敗，別將戰威城馬家口，又敗。楊光遠戰棣州亦敗。契丹主軍澶州，城北望晉師，謂左右曰：「光遠言晉兵半餒死，今何多也？」以精騎左右畧晉陳不動。晉引去，李守貞圍青州，城中食盡，契丹援不至。光遠子承勳執勸光遠反者判官丘壽勗其父開門納晉軍，於是晉主乃大肆遣使分道括民財佐軍。州縣吏復因緣為姦，又滑州河決，發民築塞，民求死無地。國大困，而契丹連歲入寇，國疲於奔命。邊民塗地，契丹人畜亦多死。國人厭苦之。契丹主有母曰述律太后，謂契丹主曰：「使漢人為胡地，主可乎？」對曰：「不可。」太后曰：「然則汝何故欲為漢地？」主曰：「石氏負恩，不可。」太后曰：「汝今雖得漢地，不能居之。」萬一蹉跌，悔何及？」時桑維翰屢勸晉王復請和，紓國患。晉遣使如契丹，契

州王謂使者曰必使景延廣桑維翰來而割鎮定兩道
隸我乃可和朝廷以契丹詔忿無意和止不復遣使杜
重威之妻晉高祖女弟也鎮恒州十年貪殘不法又長
懦每契丹數十騎入境輒閉門登陴所屬城屠陷不敢
出一卒前救千里暴骨憚迫胡表求朝不許不俟報遽
委鎮入朝桑維翰以重威怙媚親縱誕爲國患請廢之
晉王曰重威朕懿親必無患但長王欲相見歸耳維翰
不敢復言會正旦維翰遣女奴入宮起居太后因問皇
弟讀書未諧者言其有異志罷尹開封維翰稱足疾謝
客希朝謁先是李守貞數將兵過廣晉重威厚待之贈
金帛萬計守貞入朝自請曰陛下必用兵臣願與重威
戮力自效矣會晉數以書招趙延壽延壽謬爲好辭報
晉言陷虜久思歸契丹將又詐以瀛州降開運三年冬
詔重威守貞將伐契丹趙瑩私謂相馮玉李崧曰杜令
以國戚爲將相極富貴無欲矣而大欲未厭豈可復假
之兵不聽時自六月雨至于十月不止軍行及饋運者
艱苦甚而契丹王大舉入寇趨恒州重威等自冀貝出
師張彥舉鎮恒州引兵會之言契丹可破狀乃以彥澤
爲前鋒與契丹夾滹沱而軍重威徧裨皆節使日置酒
作樂不恤軍磁州刺史李穀說重威守貞曰今大軍去

恒州咫尺，煙火相望。若多以三股木置水中，積薪布土，于其上，橋可立成也。密約城中火相應，直募壯士斫虜營而入，表裏合勢，虜必逃。衆皆以爲然。獨重威不可遣，穀出督懷孟興契丹，以大兵當晉軍，潛遣其將蕭翰將百騎出晉軍後，斷晉餉，獲晉民，皆黥其面，曰：「奉敕不殺縱之走。」運人道遇之，皆怖，棄車走。李穀自書密奏，言大軍危急，急狀，請幸滑，及請發兵守澶州、河陽，備奔衝，不省。指揮使王清言於重威，曰：「請以步卒二千爲前鋒，奪橋開道，得入恒，重威陽許諾，遣清與宋彥筠俱。」清戰疾力，契丹却，諸將請乘之，不許。彥筠走，清獨帥麾下力戰，屢請救，不遣。清謂其衆曰：「上將握兵坐觀，吾輩恐而不救，此必有異志。」吾輩以死報國耳。及士衆俱死，諸軍奪氣，重威果潛遣腹心詣契丹乞降。契丹主給之曰：「趙延壽威望淺，不能帝中國。汝果降，當以汝爲之。」重威喜，遂與李守貞、宋彥筠決計降，伏甲召諸將出降表，使署名。諸將相顧愕眙，不能難。命軍士陳於外，軍士皆踴躍，適以爲且戰。重威出揚言，諭之曰：「主上失德，任信姦邪，忌吾軍，吾軍今食盡，今途窮矣。爲汝曹求生，命釋甲降，士皆慟哭，聲振野。聞者切齒。」契丹主遣趙延壽將時掌衣之赭袍，及是來慰撫晉軍，亦以赭袍衣重威，實戲之，使盡

力殊無意立也。攻易州，刺史郭璘守不下，竟歿之。方重威降時，皇甫遇不預謀，契丹主欲遣遇先入，徇大梁。遇辭退，謂所親曰：「吾位將相，不能歿，忍復圖其主乎？」至平棘，不食累日，曰：「何面目復南？」扼坑歿。張彥澤其先突厥人也，驍悍殘忍，目睛黃而夜有光，顧視如猛獸。王周條奏其貪殘狀，甚駭。晉祖以其戰河北有功也，貫之，刑即中。李濤伏閣爭，晉祖召面諭之。濤端笏前，論甚力。晉祖曰：「朕已許彥澤不歿矣。」濤曰：「陛下許彥澤不歿，必守之不知。」范延光鐵券安在？以天雄帥范延光降，許不歿而歿也。晉主怒，拂衣入，乃削彥澤皆降爵貶官。至是，彥澤降契丹。契丹主遣彥澤將二千騎取大梁，以通事傅任兒爲都監。彥澤倍道疾驅，進直渡白馬津，自封丘門斬關入。晉主聞之，於宮中起火，欲自焚。而彥澤至，傳契丹王與述律太后書，慰撫之，命滅火。與后妃聚而泣，召范質、草降表，自稱孫男。臣重貴禍至神惑，運盡天亡，今與母太后及妻馮氏舉族面縛降。遣男延煦、延寶奉國寶出迎。太后亦上表，稱新婦李氏妾，引罪。先是，桑維翰以國危在旦夕，求入見，言事。晉主方在苑中調鷹，辭不見。久詣相馮玉、李崧言之。崧王不謂然，退謂所親曰：「石氏不血食矣。」及是人勸之，亡去。維翰曰：「逃將安之？」彥澤入。

見坐俟命不撓。彥澤乃以晉主命召維翰，至天街遇
崧，駐馬語未畢，有軍吏於馬前揖維翰，赴侍衛司獄。
翰知不免，顧謂崧曰：「侍中當國，今國囚反，令維翰赴
崧有愧色。」彥澤縊維翰，殺之。云：「自經。」契丹主命厚撫
家。彥澤恣剽戮，三日都城一空。中書舍人李濤謂人曰：「
與逃於溝瀆而不免乎？不若身見之。」乃投刺謁彥澤曰：「
上疏請殺大尉人李濤來，請死。」彥澤欣然接之，謂濤曰：「
舍人懼乎？」濤曰：「濤今日之懼，猶足下昔年之懼也。使高
祖用濤言，事安至此？」彥澤大笑，呼酒飲之。濤引蒲去，旁
若無人。彥澤遷後主於開封府，主取內庫帛，不與求酒。
於李崧辭不敢進。馮玉家爲士所掠，盡。猶詬彥澤求
自送傳國寶契丹主。趣河陽，名捕景延廣。延廣見詰之，
曰：「十萬橫磨劍安在？」延廣初不服，喬瑩出衣領所藏書
出證之，責延廣十事。每服一事，授一牙籌。至八籌，延廣
面伏地不敢起。叱繫之，送之北。至陳橋，宿分，延廣創守
者怠，扼吭歔。明年春正月，契丹主德光入大梁，馮道率
百官素服迎伏路側請罪。晉主太后迎封丘門，辭不見。
明德門下馬拜而後入，不詣宮。暮出屯赤岡，執弓承
責以殺父叛契丹，殺之。聞彥澤剽京城，逮之至，自經。
校賤疏其罪，命與傅住兒俱斬北市，以閉門使。

訢彥澤毒其家也。命監刑於是彥澤前所殺士大夫子
孫皆衰經號哭從以所執杖詬朴之。彥澤俛其首行。至
市斷腕出鎖。然後刑。勳命剖其心祭歿者。市人爭破腦
剔髓。齶其肉食之。契丹封重貴爲負義侯。徙之黃龍府。
黃龍府慕容氏和龍城也。晉主與太后安太妃馮后及
一弟二子俱在塗。供饋不繼。或時絕食。舊臣無敢進謁
者。磁州刺史李穀迎謁於路。傾貲獻晉主。至中慶橋。見
寨壘纍纍也。問之曰。杜重威寨歎息曰。天平我家何負
此賊爲所破。慟哭去。德光已滅晉。遣其酋出諸州鎮。括
借民錢帛賞軍。胡人馬不給糧。遣數千騎分道出四掠
號爲打草穀。環汴二三千。里間民被其毒。始大患苦之。
各殺其所置刺史。令自爲守。德光乃大懼曰。我不意中
國兒難制如此。又時已熱。乃以蕭翰爲宣武軍節度使。
守汴。遂捆載北歸。相州梁暉殺契丹將爲城守。德光引
兵攻屠之。至欒城殺胡林得疾歿。國人破其腹去腸胃。
實之以鹽。載而北。母述律太后撫其尸不哭。曰。待國中
人畜如故。後葬汝。蓋恨之也。趙延壽恨契丹主負約不
立爲帝。引兵入恒州。欲自帝。未康王兀欲契丹主孫也。
兵繼至。召延壽及張礪等飲。兀欲妻素以兄事延壽。從
容曰。妹自上國來。寧欲口之乎。延壽喜與俱入。良久兀

故出謂礪等曰燕王許反執之矣又
我一籌許我知南朝軍國事乃舉哀成服而焚丹將
翰殺相礪于恒州而自立
○晉二主饗國十有二年 史論曰嗚呼石晉用桑維

翰畫割燕雲比紀禹迹之舊賂強胡而不虞其難貽中
國大患少帝立用景延廣計犯難結釁而國亡雖所繇
異路而本末不順與夷狄其事者常見其禍未見其福
也 丁未春晉陽帥知遠稱帝入洛殺唐明宗子許王
從益國爲漢明年春殂子承祐立國亂三年冬殺受遺
大臣楊邠史弘肇王章遣使入鄴殺畱守郭威威以鄴
兵入弑其主自立國爲周 漢祖劉知遠者亦沙陀部人
也嚴重寡言笑面紫色目多
白睛爛如也與晉祖俱事明宗爲偏將及梁人戰晉祖
馬甲斷幾殆知遠以所乘馬授之自乘斷甲馬殿而還

晉祖德之因倚爲腹心用桑維翰計稱臣於契丹父事之約事成割盧龍一道及鴈門比諸州以爲賂知遠諫曰稱臣可矣父事之已過賂以金帛足致其無爲許盧龍盧龍中國之險也今許之異時中國失險殆不可悔也不聽已晉祖既稱尊而天雄義成河陽相繼叛人情大震晉主擢問計時兵驕不可使知遠患之乃對曰陛下昔在晉陽糧不支五日而成大業今天下已定內有勁兵外有強援亦何所懼乎惟陛下撫將相以恩臣請戰士卒以威恩威稜著則京邑安京邑安則根本固矣晉主曰善命知遠典兵知遠乃嚴設科禁有軍士盜楮錢一束者立斬之而禁衛始肅晉祖疾遺詔召知遠入輔政而後主爲太子時不悅於知遠寢其事知遠亦自知見疎知晉失政致寇以居藩自委不敢言獨慎事自守而已及契丹入寇兩詔求濟師皆不至虜入汴分兵守四境而表稱臣于契丹以自全或說以進取知遠曰契丹今據京邑勢萬盛而未有他變未可動也吾觀其所利者止子女財帛無遠志得子女財帛必比去不留待其去取之可以萬全及晉後主舉族北遷而中國苦契丹侵暴爭起兵據地各奉表詣晉陽勸進乃稱帝仍稱晉天福十二年曰吾未悉亡晉也已聞契丹主比去

道歟乃召羣臣議進取諸將咸請出井陘取鎮魏知遠
欲白石會趨上黨郭威曰虜主雖歿黨衆猶盛各據有
堅城我出鎮魏路迂遠兵少無應援若羣盜合勢而
我我路絕危道也上黨險粟少民殘將無以供億獨
陝晉近今相繼款附必從之不出兩旬洛汴定矣知遠
曰善時弟太原尹崇爲北京畱守攻澤州未下召與俱
副將史弘肇說崇曰兵已及此執如破竹可進不可退
竟降之弘肇沈毅寡言御衆嚴士卒所過犯民田及繫
馬於樹者皆斬故所向必克而知遠得安行入洛陽唐
許王從益者唐明宗子也母王淑妃愍帝時唐所尊皇
太妃者也契丹主入汴見明宗畫像焚香再拜顧妃曰
爾吾嫂也厚遇之及是蕭翰知中國難復馭欲委之去
遣人召從益淑妃嫁之禍從益匿徽陵下官得之立爲
帝淑妃泣曰禍吾家矣翰北去妃召大臣謂之曰吾母
子亡國之餘也安敢與人爭遣使奉表稱臣迎知遠仍
出居私第知遠至洛陽命鄭州防禦使郭從義入清宮
殺之淑妃呼號曰吾兒何罪何不畱之使歲寒食以一
盂麥飯灑明宗陵手聞者皆泣下故禍非所得避也知
遠入大梁改國號漢改名暉立享祖世祖廟及四親廟
時公私匱竭王章曰漢主罷不悉之務省無益之費以

奉軍漢王與竇貞固俱事晉相知重及卽位欲以爲相
問蘇逢吉逢吉薦李濤會命杜重威鎮歸德不受命命
高行周慕容彥超將討之二帥不協爭相毀漢王恐生
他變欲自將未決濤上疏請親征漢王悅以爲可相也
命貞固濤並同平章事而下詔幸澶魏勞軍舍高行周
營行周言曰城中食未盡急攻徒殺士卒未易克也不
若緩之彼食盡自潰漢王以爲然慕容彥超固請攻命
之攻自寅至辰士卒死傷衆不克乃不敢復言重威食
竭力盡漢王遣人諭許以不灰開門降從郭威白加重
威太傅而殺其牙將百餘人用去其羽翼籍其家賞戰
士使無籍資重威山人路人往往擲瓦礫詬之乾祐元
年春正月漢王疾甚召蘇逢吉楊侗史弘肇郭威入受
顧命而以重威爲遺憂漢王殂逢吉等秘不發器下詔
稱重威父子搃衆礫之市市人爭啖其肉立皇子承祐
爲周王有頃發器王卽位是爲隱帝李守貞聞杜重威
死而懼自以嘗有戰功好施得土心漢新造又遭國大
喪天子少可圖也乃招納亡命治城塹繕甲兵遣人間
道齎蠟丸結契丹爲援與鳳翔王景崇長安趙思結連
兵反漢遣樞副郭威爲西面招慰安撫使督軍伐之威
問計於馮道道曰守貞自謂勳將爲士卒衆附故反願

公勿愛官賞以賜士則奪其所恃矣威從之撫士卒與同苦樂軍中延賓客褒衣博帶及臨陣幅巾短衣與士伍無異小有功輒賞小有過不責有傷親撫視之士無賢不肖有啓皆溫顏聽受卽違忤不怒也繇是將士歸心至行營召諸將議所向諸將欲先取長安鳳翔扈彥珂曰今三叛連衡推守貞爲主守貞亡則兩鎮破矣若貽近攻遠舍難圖易使三鎮得前後爲犄角此危道也於是分兵縻二鎮遣白文珂劉詞從同州常思從潼關而自率大軍從陝入分道攻河中始守貞以禁旅皆堂受其恩謂其至當叩城奉迎而士卒新受威恩賜不復懷舊恩至城下揚旗鼓譟戟手罵乃大駭失指諸將欲急攻威曰彼前朝宿將健鬪好施與屢立戰功况城臨河而固未易輕也且彼馮城而鬪吾仰鬪攻之何異驅士卒赴湯火乎不若設長圍困之俟力困食乏然後進逼之破矣於是偃旗仆鼓而循河設火鋪連數十里擇步卒守之遣水軍戰艦舟於岸以伺寇始守貞見威築長圍不戰謂爲怯不弔久之乃困屢出兵突圍皆敗還遣人齎蠟書求於唐蜀輒獲踰年兵食皆盡民殍次口積於是威乃治攻具爲期日四面攻之克其外郭守貞與妻子自焚歿木晉所以亡自景延廣挑敵怒而以國

與敵則重威守貞彥澤三人實爲之至是皆種誅而思
綰景崇皆爲僂豈可謂無人哉威班師還漢王解玉帶
賜之進簡較太師兼侍中威辭謝因言臣將兵於外凡
鎮安京師供億其食皆大臣居中者之力也臣何敢攘
焉於是天子嘉其讓推功大臣徧加恩而大臣亦衆嚮
附之會契丹寇邊出鎮鄴猶兼樞密使蘇逢吉謂以外
制內爲不順請解之大臣史弘肇等爭爲言得不解威
辭行欲結中外心乃言於漢主曰太后從先帝久歷天
下之故甚熟陛下富於春秋事宜稟而後行親近忠直
放遠讒邪好惡之間宜明審蘇逢吉楊邪史弘肇皆先
帝舊人願推心委之至疆場之事臣不敢不竭歟漢主
改容謝之當是時蘇逢吉爲相楊邠總機政威王征伐
史弘肇典宿衛而王章以吏事掌財賦惟邠頗公忠門
無私謁而顯愚不知變秉大政而苛逢吉貪嗜殺素不
學以其意決事立法盜賊毋問贓多少皆族有諍者乃
改皆歿弘肇勇而殘章聚斂刻急初晉相馮道李崧從
契丹而北在真定高祖以崧弟賜逢吉道第賜蘇禹珪
而崧有田宅在西京逢吉皆取之崧北還以宅券獻意
有所而逢吉不悅崧弟嶼巖因數出怨言以變告族誅
之而弘肇取崧幼女以爲婢楊邠出小吏好法律每言

曰爲國家者帑廩實甲兵完而足禮樂文物何庸爲弘
肇好武力曰安定國家在長鎗大劔安用毛錐王章曰
無毛錐則財賦何從出而章亦不喜文儒曰此輩授之
握筭卽縱橫不知何益於用已弘肇飲章所醉以戲言
發志起毆逢吉逢吉去手劔從之蓋朝政無紀而將相
如水火如此時天下旱蝗黃河決京師大風拔木壞城
門宮中數見怪漢主召司曆趙延又問禳除之法延又
對曰臣職天象察其變動考順逆吉凶而已禳除非所
知也然聞之其修德乎漢主曰何謂修德對曰請讀貞
觀政要而法之則德修矣漢主不能用而口與狎昵爲
瘦語相誚戲放紙鳶宮中太后數以災異戒之不聽也
春秋浸長嬖倖浸用事太后弟業怙親請託無顧憚求
爲宣徽使大臣不可漢主欲立所愛耿姬爲后又不可
姬歿將以后禮葬又不可除器聽樂賜伶人錦袍王常
弘肇怒曰士卒守邊戰苦力猶未有賜也汝曹何功勤
得此乎奪之繇是怨誦明興漢主積不平一日卯弘肇
議事漢主前主方有所語二人曰陛下無聲事有臣等
在蘇逢吉疾弘肇屢以言激李業等深中之漢主遂與
業及嬖人聶文進郭允明等謀誅弘肇知入自李太后
太后曰大臣也事何容易必與相議之漢主曰先帝嘗


言朝廷人事不可謀及書生書生懦誤人太后終不月
漢主志拂衣出三年冬十月日弘肇與楊卯王章等入
朝坐廣政殿東廡忽甲士數十人自內出擒斬之分遣
使收捕其親黨廉從無脫者而密敕鎮寧帥李洪義殺
步軍指揮使王殷敕行營指揮使郭崇威曹威殺郭威
王峻命知開封劉銖誅其家以爲皆卯弘肇黨也銖誅
威峻家極慘毒嬰孺無免者使至澶洪義不敢發王殷
囚使者以詔示郭威威召魏仁浦示之仁浦曰公國之
大臣功名著於天下加握疆兵在重鎮一旦爲羣小所
構禍出非意此非辭說所能解不可坐而待歿威乃召
諸將告以卯等冤歿及有密詔狀流涕曰吾與諸公披
荆棘從先帝取天下受託孤之任竭力以衛國家今諸
公已歿吾何心獨生君輩當奉詔取吾首報天子耳言
已哭諸將皆哭曰天子幼冲此必左右羣小所爲願從
公入朝清君側安國家於是威留養子榮守鄴命郭崇
威前驅而白將大軍各誅嬖倖向京師漢主徵泰寧師
慕容彥超入討之彥超吐谷渾部晉祖同產弟也爲人
偏急不慮難方食得詔卽捨匕筋入朝漢主悉軍事委
之侯益曰鄴都戍兵家屬皆在京若閉城以挫其鋒使
士卒母妻各登城招之可不戰而下也彥超曰侯益懦

夫也。臣視北軍蟻蠓耳。請將禁軍以先迎擊之。郭威至澶州。李洪義納之。王殷以兵從趨滑。義成帥宋延渥降。威取滑州庫物勞將士。諭之曰。聞侯令公已督諸軍自南來矣。汝曹不若奉前詔。庶自全。吾人不恨。皆曰。國家負公。公不負國家。故人爭奮附侯。益輩何能爲。漢主聞威至河上。始悔懼。李業等請傾府庫賜諸軍。彥超聞比來兵數及將較姓名。始恒懼。曰。劇賊未易輕也。以大軍屯七里店。漢主欲自出視軍。太后止之。不從。來日欲再出。又止之。不可。旣陳彥超引輕騎前奮擊而却。遂與十餘騎走還鎮。侯益等皆潛詣威降。漢師潰。漢主欲還宮。劉銖在門拒。不納。走趙村。爲亂兵所弒。蘇逢吉。李業。郭允明。皆自殺。威自迎春門入。歸私第。諸軍掠通久。獲劉銖。李洪建誅之。命諸將分部止掠者。至晡乃定。遷漢主梓宮於西宮。或請如魏高貴鄉公故事。以公禮葬。不許。曰。倉卒之際。不能保衛。乘輿吾罪大矣。敢貶君乎。於是帥百官入。起居李太后。請早立嗣君。請臨朝。太后曰。河東節度使崇忠。武節度使信。皆高祖弟。武寧節度使贊。開封尹崇勳。高祖子也。議所立。於是遣太師馮道迎贊於徐州。道揣威意不在贊。且行。謂之曰。公此舉信謬。實平跡。褒善卽不然。無令我墜言於人。威指心叩天爲誓。

道乃行。謂人曰：吾平生無謬言，今必墜言矣。贊發徐州，威奉迎至滑州。諸將私相語曰：我輩屠陷京城，劉氏立我族寧有種乎？明日發澶州，將士數千人，忽起大譟曰：天子須侍中自爲之。將士已與劉氏爲讐，不可立也。或裂黃旗以被威，其扶抱之呼萬歲震地，擁而南。於是威乃上太后牋，請奉漢宗廟，以書踰大梁，士民安堵，毋憂。旋至七里店，相貞固帥百官出班迎，拜謁，勸進。贊至宋，聞變，詰馮道曰：吾所恃以來者，以公三十年舊相，誠信聞天下故耳。今柰何？道禁不能對。威乃以太后詰廢贊爲相。陰公令威監國，尋遇弑，而贊發徐州時，以鞏廷美、楊溫守徐州，及贊不得立，二將守不下，竟死難。○漢二主僅四年而亡。

四史上編卷之四十九終





通史上編卷之五十

明盱郡鄧元錫纂

五代志下

辛亥。周廣順元年。北漢劉崇乾祐四年。是歲五國四鎮。春。周追帝其祖考。罷四

方貢獻。詔百官上封事。

周太祖邢州堯山人。少孤。依潞州人常氏居。年十八。以勇力從

軍。好讀。聞外春秋畧。知兵法。事漢為待衛親軍都虞候。漢祖親愛之。數決大計。既在位。罷四方貢獻珍食。曰。吾不敢以自奉。病生民也。詔文武百官。有益國利民術者。上封事。曰。朕生長軍旅。未嘗學問。知治道也。出漢宮中。寶土器碎之庭。凡倉場庫務。掌納官無得進。爰餘。上漢太后李尊號。日昭聖皇。

母。唐莊宗明宗。晉祖陵置守者各十戶。

漢祖陵職員官人薦享守戶金

如故。弛晉漢苛法。從舊律。以王峻范質李穀同平章事。初

主討河中已為人望所屬李穀時爲轉運使周主以微言諷之穀但以人臣守節爲對周主甚重之初討三叛時見詔書處分軍事皆合機要問誰與爲者使者以范質對威曰宰相器也及革命諸詔令儀式蒼黃中一委質及是召與峻盈相時國家新造四方多故峻夙夜在公知無不爲周主以蘇逢吉第賜王峻峻曰是逢吉所以族也辭不處質明敏強記謹法度穀沈毅有器畧善開譬主心並稱賢相冬北漢主以契

丹師伐周攻晉州峻帥師契丹北漢遁

初河東帥劉崇聞隱帝遇害欲

起兵而范陰公贊其所生子也聞迎立而止曰吾兒爲帝吾何求太原少尹李驤說之曰郭公終欲自取不如疾引兵逾太行據孟津侯徐州相公卽位後還鎮則郭公不敢動矣不然且爲所賣崇怒曰腐儒欲離間吾父子耶命斬之驤呼曰吾負經濟才而爲愚人謀事死其宜也崇弁其妻殺之及贊廢崇遣使請贊歸晉陽周主報曰湘陰公比在宋州方取歸必令得處所公勿憂及湘陰公竟執崇聞之哭曰吾不用忠臣之言至於此爲李驤立祠歲時祭祀之因稱帝晉陽國仍漢改名昞所謂北漢也都河東亦曰東漢約契丹伐周圍晉州周遣

王峻率諸軍救之。留陝州旬日。周王以爲怯。欲自將。峻諫曰。晉州城堅未易拔。而劉崇兵方銳。未可與力爭。所爲駐兵者。待其衰也。陛下新卽位。不宜輕動。如駕出澧水。而慕容彥超引兵入大梁。將何以待之。周王悟。以手自提耳。自罵曰。幾敗吾事。卽敕罷親征。而契丹攻晉不克。果夜遁。峻追擊。夫破之。漢兵墜崖谷死者甚衆。自是北漢退。兢兢自保。不敢復言進取事矣。請諸將曰。朕以高祖之業。一朝墜於地。不得已。面稱尊。顧我是何天子。汝曹是何節使。須自保無肆。不建廟祭祀。如家人宰相俸錢。月百緡。節度使止二十緡。自餘薄有資給而已。

慕容彥超反

二年夏周主自將克兗州

彥超亡還鎮遣使貢于周

周主賜詔不名。慰安之。已竟反。術者云。鎮星在角亢。兗州其分也。其下國祠禱之。有福從之。周主自將討彥超。彥超戰不勝。周主如曲阜祠孔子拜墓。立訴訟法。敕民焚祠赴井死。訟必先歷州縣及觀察使。決處不直。乃聽詣臺省。或不能自書牒。倩人書者。必書所倩者姓名居處。若無可倩。聽執素牒自陳。所訴制牛皮稅。自兵興來。禁民私賣買。必已事毋挾私妄訴。牛皮有悉令輸官受直。

唐明宗時有司猶給以鹽天福中并鹽不給立法犯私
牛皮一寸抵死然民間日用實不可缺至是李穀建議
均於田稅中計田十頃稅
一皮餘聽賣買公私便之
三年春罷營田務田予民

前世屯田皆在邊使戍兵佃唐末中原宿兵所在皆置
營田以耕後又募高貲戶使輸課佃之戶部別置官司
總領不隸於州縣姦弊深固州縣不能詰梁祖擊潞角
得牛萬計以給農使歲輸租牛死而租不除民苦之至
是敕耕營田民皆隸州縣田廬牛具並賜見耕者為永
業而悉除租牛課民得田為永業始益葺屋種樹盡地
力而是歲戶部奏增戶者三萬餘或言營田肥饒鬻之
民可得錢數十萬紓國也周主曰利在於民猶其在國
用益錢
王峻貶商州司馬開封尹榮封晉王峻晚益狂
躁為樞密

使兼宰相又求兼領平盧已受命暫之鎮又請借左藏
庫綾萬匹周主皆勉從之有陳請不得輒恚詔不遜劉
銖之難周主妃及所生子皆見謬獨養子晉王榮在
賢事周主順周主大愛之求入朝峻不聽朝周主久之
不能堪召相道等泣曰峻陵朕已甚欲盡逐大臣晉
羽翼朕惟一子又專務間阻誰能忍之貶商州而九月

主故吏葉仁魯為萊州刺史坐贓當死欲貸之念不可
遣中使以酒食即賜謂之日汝自抵法吾不敢赦當存
撫汝母耳仁瀛莫幽州大水流民入塞者四十萬詔所
魯感泣受詠

在存撫唐大旱聽通糴唐旱井泉涸淮水可涉也饑民
度淮者日相繼濠壽吏請禦之

周王日王者有分土冬饗太廟而來郊祀常存洛疑之
無分民聽通糴過淮

執政日天子所都即可祀百神何必洛乃詔築郊社壇
作太廟大梁然是時周主已病風痺不能興矣朝享太

廟纔及一室不能拜而退命晉王榮終禮軍士有流言
郊賞薄者周主聞召諸將至寢殿讓日朕自即位來惡

衣菲食計獨贍軍國此汝曹所見今郊賞縱見豎騰
日於汝輩安乎皆惶恐謝罪退索不逞者慘之乃靖

四年春正月祀帝園丘僅贍你致詔晉王榮判中外兵
敬而已

馬事聽政殂晉王榮立周主病益篤停諸司細務勿奏
有大事晉王榮入稟進止以端

明學士王溥賢命趣草制相之宣冊畢日吾無恨矣命
晉王榮日昔吾西征見唐十八陵無不發掘者則多藏

故也。我死衣以紙衣，歛以瓦棺，塋無用石，以斂代工役。皆和頷，勿煩民。葬畢，募近陵民三十戶蠲徭，使守視。勿修下宮，置宮人，勿伐石，作牢虎人馬陵，前立石刻云：周天子生平好儉約，遺令用紙衣瓦棺。嗣天子不敢違也。是矣。已遂姐。晉王榮立，王姓柴氏，邢州龍岡人。三月，周祖后兄守禮子也。周祖養為子，得立。是為世宗。

北漢以契丹來伐，帝自將禦之。漢敗績，宵遁。誅亡將樊愛能、何徽。事見後立皇后符氏。初符彥卿有女適李守貞子崇訓，相者言貴當母天子。

下，守貞喜曰：吾婦猶母天下，況我乎？遂決意反。及賊宗訓先自刃，其弟妹次及符氏，匿幃下伏。崇訓倉卒求不獲，遂自剄。兵入，符氏安坐堂上，叱亂兵曰：吾父與宗公結約為昆弟，汝曹何得無禮？周祖聞嗟異之，遣使歸。彥卿既為世宗聘馬，至是立。后性慈惠，明決，帝甚重之。克北漢，石沁忻州。二年

春，求直言。浚葫蘆河，城李晏口，備邊。契丹屢寇河北，擊限言事者稱深冀間有葫蘆河，橫亘數百里，可浚以通其奔衝。詔王彥超、韓通將兵夫浚之。築城於李晏口。

兵成焉。召張藏英問備邊之策。藏英具陳地形要害。請各置戍將。募邊人驍勇者。厚厚給。置將將之。有警隨宜討擊。帝曰。善。立以為沿邊巡撫使。藏英至。募得千餘人。訓練之。會契丹入寇。英引兵馳擊。大破之。自是河內民始得休息矣。

二月朔日食。

詔群臣極言得失。夏。廣大梁城。親錄囚

徒。秋。取秦階成州。冬。伐唐。圍壽州。克蜀鳳州。

周遣王環。圍鳳州。遣

都監趙崇溥。崇溥不食死。詔將士願留者。優俸賜。願去者。給資裝。回州稅。外科徭悉罷。三年春。增築京城。疏

汴水。帝自將伐唐。敗唐兵。斬將。遣將攻唐鄂州。襲滁州。

克之。擒將。進拔楊州。

南唐王環和柔好文學。好諛。在位收閩泉拓境。頗益驕。李守貞慕容

彥超之叛。皆為之出師。於是帝用李穀。畫命穀為淮南前軍部署。王彥超副之。督十二將伐唐。尋親征。穀為浮梁。自正陽濟淮。遣王彥超將兵二千餘人。攻壽州。唐遣將劉彥貞。以戰艦數百艘趣正陽。攻浮梁。穀曰。我軍不

能水戰。若賊斷浮梁，則腹背受敵，軍危矣。不如退守正陽，以待駕帝。亟遣使止之。比至，已焚芻糧，保正陽矣。劉彥貞驕貴，無才畧，歷藩鎮，專貪暴，賂權要，養交，聞李穀退，喜，引兵直抵正陽。劉仁贍固止之曰：「必毋戰，戰失利，大事去矣。」彥貞不從。仁贍乃益兵，乘城爲備。而彥貞果敗。郾時江淮久安，民不習戰。張全約收餘衆奔壽州。皇甫暉、姚鳳保清流關，下蔡浮橋成。帝自壽州往視之。而潛遣將趙匡胤倍道襲清流關，暉斷橋自守。匡胤躍馬麾兵涉水進抵城下。暉曰：「人各爲其主，願成列而戰。」匡胤笑許之。暉整衆出，匡胤突擊，暉擒之，并擒姚鳳、克祿州。世宗詔知揚州無備，命韓令坤將襲之。令坤以數騎馳入城，帥奄至，民不知有兵，尋以詔旨慰諭民，令各按堵。民不知，始唐王以敵國禮求成，帝不答。及是懼，乃遣翰林學士鍾謨、文理院學士李德明表稱臣，獻御服、茶藥及金銀器、繒錦牛酒，請輸平謨。德明素辯，且世宗知其欲有說也。陳甲兵見之曰：「爾主自謂唐苗裔，宜知禮義，異他國，乃未嘗遣一介修好，惟泛海通契，用捨單爭，夷禮義安在？且汝欲說我令罷兵耶？我非六國之主，汝豈能以口舌動我也？」歸語爾主，欲來朝，即來，不則欲往觀金陵城，借府庫勞軍。二人懼，不得盡其詞。

已復遣司空晟表請奉正朔守土疆猶不許已請去帝
號割地輸金帛帝要以盡割江北地乃聽詔之日諸郡
悉來大軍直罷但存帝號何爽歲寒儻堅事大之心終
不迫人于險德明歸盛稱周威德甲兵之盛勸割地樞
密使陳覺副使李徵古以為是賣國求利也唐主怒斬
之以齊王景達為元帥將兵拒周師陳覺為監軍兵濟
江距六合二十餘里柵不進諸將欲擊之趙匡胤曰吾
眾不滿二千往擊之是見短也不如俟其來擊之居數
日唐兵趣六合奮擊大破之唐精卒盡焉方戰時將士
有不力者匡胤陽督戰以劍斫其皮笠明日偏閱笠有
劍痕者數十人皆斬之而部卒益精夏五月帝至自淮南江淮雨水周師在楊除和者皆
却相范質以師秋皇后符氏姐冬禁淫祠四年春三
老直諫乃班師

月帝自將如壽州壽州降開倉賑饑民夏四月帝至自
壽州放蜀卒八百人還秋相穀罷直學士樸王為樞密
使冬設賢良經學吏理科北漢麟州降十一月帝自將

伐唐克壽濠泗泰州

周師攻圍壽州久城中食盡唐齊王景達統諸將救之軍紫金山列

十餘寨於外與城中烽火相應又築甬道運糧綿亘數十里帝如壽州遣李重進邀擊大破之奪其寨命趙匡胤進擊破之斷其甬道繇是唐兵首尾不相救唐將朱元恃功違節度陳覺與元隙屢表元不可用唐主以楊守忠代將元走降帝命諸將進擊紫金山大破之殺獲萬餘人擒邊偏楊守忠先是唐水軍仰於水而精周無以當之帝每以爲恨旣還汴於大梁城西汴水側造戰艦百艘命唐降卒教水戰數月後精習至是命王環將自閔河沿潁入淮縱橫出沒於唐軍不異勝之唐人大驚及是帝慮唐兵敗其餘衆必且沿流東也命指揮使趙鼂將水軍數千沿淮先下而唐衆果東帝自將騎數百與諸將夾岸追之而水軍從中起迎戰唐兵溺死及降者四萬獲船艦糧仗十萬景達覺跳身走金陵仁瞻卒而壽州降帝以其久不下也徙州治下蔡而改清淮軍日忠正軍進攻濠州唐團練使郭延謂言臣家在江南今遽降恐爲唐種誅請先使稟命然後降許之已乃降唐戰船數百艘在渙水東欲救濠帝自將夜發擊破之鼓行而東所至皆下而唐舟師皆盡是役也壽濠

泗州降揚州自
拔去克秦州
五年春北漢攻隰州不克隰刺史暴

度使楊廷璋謂都監李謙溥曰今大駕南征隰無守將

河東必生心需請報城危矣即牒謙溥權隰州事而北

漢兵果至諸將請速救之廷璋曰隰州城堅將良未易

克也少霸之已北漢攻不下疲困廷璋潛與諒溥約募

死士以暮夜內外夾擊唐盡獻江比地輸平乃旋師帝

之北漢兵驚潰解去

至自淮先是帝欲引戰艦自淮入江阻北神堰不得度

形不便功費多乃自往視之授以規畫旬日而成功用

甚省巨艦數百艘皆達江唐人大驚以為神攻楚州踰

四旬乃下克靜海軍定楚州於是唐主恐獻廬舒斬黃

四州以和而江北皆為周是役也得州十有四縣六十

夏周太廟成五月朔放唐卒四千六百人還唐頒均田

圖撰通禮正樂罷州縣課戶俸戶六年春正月導汴

水入蔡通陳潁減行苗使所奏羨田三月周樞密使王

之漕

水入蔡

水入蔡

通陳潁
減行苗使所奏羨田三月周樞密使王

樸卒。夏四月，帝自將伐契丹，取瀛、莫、易州，置雄霸州，進

趨幽州，有疾還。

時契丹主述律，畋獵好飲酒，不恤國，而周師定淮南，聲震于北荒，而山南北諸

州縣故中國要地，未復也。於是詔親征，命親軍都虞候韓通等將水陸軍先發，自滄州導水入契丹境，軍乾寧軍南，補壞防開游口三十六，遂通瀛、莫至于滄、寧州降。以韓通為陸軍都部署，趙匡胤為水軍都部署，而自御龍舟沿流下，船艦連亘數十里，自獨流口泝流至益津關，降之以水路漸隘，不可舟，乃登陸而西。侍衛不過一族，匡胤先至瓦橋關，克之。莫州降，指揮使李重進等軍繼至。瀛州降，關南悉平。宴諸將行宮，議進取，諸將以虜騎聚幽州，未宜深入，帝不憚命進師，會不豫而還。孫行友拔易州，擒將斬于市，以瓦橋關為雄州，益津關為霸州，立戍將而還。述律聞，謂國人曰：「此本漢地，今還漢兒何惜？是役也，往還僅兩月，取燕南而兵不血刃，以吾之可以勝，乘敵之可。」

六月，帝疾病，立子宗訓為梁王。

生七年矣。

魏仁浦同平章事。趙匡胤為殿前都點檢，與相質等受

遣詔輔政。崩。

年二十九

梁王宗訓立。冬。葬慶陵。

上尊諡睿武孝文皇帝。廟

號世宗。

帝初卽位。北漢主崇恨周祖刺骨。聞大器。遣使請

兵于契丹。大舉趨澤潞。帝欲自將禦之。相馬道及群臣

皆曰。劉崇自平陽遁走而來。氣蹙勢沮。必不敢自來。陛

下新卽位。山陵有日。人心易搖。始未可動也。請命將禦

之。帝曰。崇幸我大喪。輕我年少新立。必自來。朕不可不

往。昔唐太宗初卽位。破頡利。未嘗少自逸。朕何敢卽安。

遂兼行。抵澤州。時北漢主已薄高平南而軍矣。軍衆競

而周後軍尚未至。遇之。衆恆懼失色。而世宗氣益銳。分

部士伍。介馬自臨陣督師。北漢主見周兵少。殊自憚。而

悔前乃召契丹兵徒費也。然念且必勝。有得色。謂諸將曰。今不惟克敵。亦可服契丹心。契丹將楊褒策馬前。望周軍退。謂北漢主曰。周卒少而精整。始勅敵。未可輕也。比漢主奮髯抵掌曰。君勿言。第觀我破之。時東北風盛。俄轉南。司天李義以剋應告曰。時可矣。樞密直學士王得中扣馬諫曰。義可斬也。今風勢如此。豈助我者。請需之。北漢主怒曰。老書生。勿妄言沮軍。吾斬汝矣。麾東軍亟前。周將樊愛能。何徽。引騎兵先却。右軍潰。北漢王大喜。趣進擊。周師急。帝引親兵。矢石督戰。宿衛將趙匡胤。謂同列曰。主危如此。吾屬何得不致死。又謂張永德。

曰賊氣驕可破也。國安危在此。公疾乘高馳下爲左翼。我爲右翼。擊之。我必致死。於是與永德馳陷陳。戰疾力。會南風益盛。士卒前爭奮。無不一當百。而漢將張元徽乘勝畧陳。以馬蹶見殺。軍遂敗。阻澗水爲固。而周後軍適至。進擊大破之。時契丹畏周師之銳。又恨北漢主之言不肯救。全軍去。北漢主將百餘騎。晝夜馳北走。所至食未舉筋。或傳周兵至。輒蒼黃棄去。又衰老力憊不能支。僅得入范陽。帝追至高平而還。初宿衛士累朝相承爲姑息。不簡閱。多羸老不可用。顧益驕。幸國有事則所賞。賞不厭則望而謹。遇大敵則賣國先降附。方愛能微。

棄軍時南行剽揚言契丹兵且至。官軍敗。餘衆悉降虜矣。世宗遣中使諭止之。不聽。而力阻後軍令母前。世宗深恨之。及克敵。乃稍稍引還。世宗欲斬將以明威。念新立。中猶豫未決。晝偃卧帳中。張永德人因訪之。對曰。愛能等素無功勤。冒節鉞而望敵先遁。死有餘責。不殺何疾。且陛下欲削平四海。而軍法不立。雖有熊羆之士。百萬之衆。安得而用之。世宗擲枕於地。大呼善。起收愛能徽及所部軍使以上七十餘人。責之曰。汝輩非不能戰。直欲以朕爲奇貨。賣與劉崇耳。悉斬之。徽先守晉州有功。給棹車歸葬。擢趙匡胤爲殿前都虞候。餘將較遷拜。

有金於是賞罰明信。驕將情卒始知所懼不行姑息之
政矣。世宗在藩恭孝緇晦其英武人未之或知也。自高
平遷鉅然於天下之治。又明於經國之體。暇則召儒臣
讀前史商確大義。不好絲竹珍玩。勤於求治。詔群臣曰。
朕於子大夫行能不盡知。而未曾盡識也。今不采言觀
行。審意察忠。亦何自知其器識之淺深。仕周之失得哉。
言之不入罪。實在予求之不言。咎將誰執。又謂宰相曰。
朕怛然思治。未得其方。吳蜀幽并阻聲教。未混一也。蓋
寢食不遑。宜命近臣各著爲君難爲臣不易論。及開邊
策一篇。朕將親覽焉。
比部郎王朴對策曰。唐失道而失
吳蜀。晉失道而失幽并。今不觀所

以失之之跡亦何自而知平之之術乎當其失之也莫
不歸君暗政亂兵驕民困近者姦於內遠者叛於外小
不制而至於倍大不制而至於濫濫倍之極天下離心
於是乎吳蜀乘亂而竊號幽并抵間據地而天下輻
裂矣平之之術不在乎他在反其前爲者而已進賢退
不肖以清其選用能去不能以審其材思信號令以結
其心賞功罰罪以盡其力恭儉節用以豐其財輕徭時
使以阜其民俟政化人行上下同心財力具足有可攻
取之勢然後舉而用之則知彼情狀者願爲我間諜知
彼山川者願爲我鄉導人人同意又安有不可成之功
不可定之業也哉若攻取之道必先自其近易者始吳
地東薄大海南至于江可撓之地方二千餘里又其人
綿久此識勢者所必趨也宜從其少備之處而先之備
東則撓西備西則撓東奔走之間而敵之虛實強弱可
見既知其虛實強弱然後攻虛而實擊弱而避強又
勿大舉但時以輕兵撓之南土脆弱而輕發知我其思
必大發以拒敵數大發則民困一不發則我從而乘之
彼勞我逸彼竭我盈而在北諸州皆可得而有也既得
江北則用被之民揚我之兵江之南不難平矣得吳則
楚廣楚越皆爲內臣岷蜀固可飛書而定也令復不至

則四面並進而蜀平吳蜀平幽可望風而附矣。唯并乃必死之寇不可以恩信誘而高平之敗力竭氣盡不足爲我患。此可以爲後圖而不可先也。方今兵力精練器用具備。群下知法。諸將用命。一歲之後可以議邊。臣書生不達大體。不合機變。不足以講大事。惟陛下寬之。時群臣多偷安守常。所對類猥冗不足采。惟朴神峻氣勁。恢恢乎混一之大畫。世宗大稱善。遵用焉。居常言賞罰自有宜適。以私喜怒賞罰人。豈有當哉。又言王峻王殷之惡。亦太祖容養太過而然。故群臣有過。面質責服。則赦之。有功能賞之。過不悛罪之。文武參用。各盡其能。伐南唐。問相穀計畫。穀條陳以對。克淮南。出穀疏。使學士陶穀爲贊。以錦囊置坐側。寵焉。穀卧疾二年。九表辭位。罷守本官。猶令月肩輿一

詣便殿議政。樞密使鄭仁誨卒。往臨喪。近臣以時日忌之。帝曰。君臣義重。何時日之有。往哭盡哀。設賢良經學吏理等科。令翰林學士及兩省各舉所知以充任官。日署舉王姓名。其貪穢敗官者連坐。嘗謂侍臣曰。諸道盜賊頗多。繇累朝分命使臣巡察。致藩侯守長不致力故也。悉召還。專委節鎮州縣。一治體。嘗夜讀書。見元稹均田圖。慨然嘆曰。此致治之本也。行王者之政。其必始此矣。詔以圖頒諸道。隨遣行苗使分行諸州定田租。使還。奏開封府田舊一十萬二千餘頃。今按行得羨田四萬二千餘頃。敕減放三萬八千頃。諸州使還。所奏羨數。

伐之。尤畱心農事。刻木爲耕夫織婦寘之殿廷。每過輒注目焉。淮南饑。命發米賑貸。或曰。民貧恐不能償。世宗曰。民吾子也。安有子倒懸而父母不爲之解者哉。安在其必償也。謂侍臣曰。近徵歛穀帛多不俟時。收穫紡織未畢工。徵之民甚苦。詔自今夏稅以六月。秋稅以十月。爲著令。詔律令文深古難知。條目繁細難簡討。而前後敕格重互難審詳。命侍御史張滉劇可久等刪定。畫一訓釋之。爲刑統三十卷。頒焉。錄囚內苑。寃獄屢經覆按。深堅者咸昭雪。人以爲神明。而賊吏輒重辟。患僧尼弊俗傷教。敕禁私度。禁祖父母。父母在。當傳養。出家者禁。

僧俗捨身斷手足煉指挂燈帶鉗幻惑流俗者令諸州
歲造僧帳有死亾歸俗皆隨時登下之毀佛寺院三萬
餘區以業民時縣官久不鑄錢而民間多銷錢爲器皿
及佛像錢益少敕立監采銅鑄錢惟法物軍器鐘磬聽
留外民間銅器佛像五十日內限畢輸之官官予之直
過期匿五斤以上罪至死或以銷佛像爲疑帝曰吾聞
佛以慈悲化導人於善人苟志善斯名奉佛彼銅耳豈
謂佛乎且吾聞佛志在利人雖頭目腦髓猶行於布施
於銅像何有若朕身可以濟民亦非所惜也以大梁城
中迫隘詔展外城先立標冬農隙興版築東作罷之俟

次年以漸成。且令自今葬埋者皆出所標七里之外。乃聽其標內分晝街衢倉場營解外聽民築室。民先侵衢道爲舍及墳墓在標中者遷之。怨謗朕自當他日終爲人利。當是時境內大治。嘗宴將相於萬歲殿。喟然曰。比兩日大寒。朕宮中食珍膳。深自愧無功。旣不能躬耕而食。惟當冒矢石爲天下除殘。差爲小補耳。又謂侍臣曰。凡兵務精不務多。今以農夫而養甲士一而不足於用。奈何浚民膏血養之乎。且健懦不分。衆何所勸。乃大閱。凡士伍精銳者升上軍。羸弱者斥去。文以驍勇卒多爲諸方鎮所畱。詔方鎮所在壯士咸津遣詣闕補宿衛。命

趙匡胤選其光祿殿前諸班其騎步諸軍各命帥選之
繇是士卒精彊近代無比征伐四方所向皆捷每伐國
命將先以詔慰諭民弔伐之意令安堵毋動再伐壽州
謂侍臣曰壽圍始解民甫歸業而大軍復至復連竄求
生先遣使撫安之城邑降禁軍中民芻蕘者毋得犯卒
毋得擅入城行寬政賫窮困赦境內死罪而下囚民係
聚山谷者令復業政令有不便者令條上弛之清淮帥
劉仁瞻爲其主死守一曰忠臣也贈中書令爵彭城郡
王改清淮軍爲忠正軍褒焉唐旣割江北輸平敕故淮
南主楊行密徐溫等墓並量給守戶其江南臣墓在江

北者。長吏時簡較。令民毋樵牧。唐主奏江南無鹽鹵田。乞海陵鹽監。世宗曰。海陵在江北非便。詔歲以鹽三丁萬斛輸之。唐遣鍾謨入貢。世宗曰。江南頗治兵。修守備乎。對曰。旣臣事大國。不敢。世宗曰。何爲甘然也。鄉爲雙敵。今則一家。吾與汝國大義已定。保無他虞。然人生期至。後世則事何可知。歸語汝主。及是時。可完城郭。繕甲兵。據守要害。於計爲長也。謨歸以告。唐主乃修城守。戍如帝言。清源節使畱從効入貢。請置進奏院於師。詔報曰。江南近服。方務綏懷。卿久奉焉。未可改也。若置邸上都。與彼抗衡。受而有之。過在朕矣。蓋大度如此。

然神器天授。有所底止。車之將覆。輔必先折。六年。樞密

使王朴卒。帝臨其喪。以王鉞卓地。慟哭者數日。曰。王

與其功矣。俄而疾大漸。改日命也。王朴字文伯。東平人。

澶州。朴為掌書記。世宗為開封尹。拜右拾遺。為樞密。及

即位。為端明殿學士。引與計天下事。凡所為。大臣

難者。事成。亦卒莫能加之。嘗薦直學士。扈載於朝。穀

不用。問之。穀曰。非不知其才。然是子命薄。恐不能勝耳。

朴曰。公為相。以選賢退不肖為職。何謂命。命。聖人所掌。

言也。乃拜知制誥。歲中病卒。人以穀能知朴。并能為士

云。七年春正月。帥匡胤帥師禦漢契丹。次陳橋。師亂。

擁匡胤還都。稱帝。國號宋。奉周主宗訓為鄆王。符太后

為周太后。遷北宮侍衛。副都指揮通死之。北漢以世宗

寇朝。議命匡胤為都部署。出師禦之。時王幼。國疑。子習

亂未發。時鄧下籍籍言出軍日。冊點簡至。天子矣。寸庭

晏然未知也。史館鄭起者，與相質書言：趙點簡得士，
宜使典兵。質不聽。師發汴，日下復有一日黑光，曰：摩
知星者苗訓語。匡胤親吏楚昭輔曰：此天命也。少陳橋
驛夜五鼓，將士集驛門，族立議曰：主上幼，我輩出死力
破敵，誰則知之？不如先立點簡爲天子，後北征未晚。匡
胤弟供奉官都知匡義及掌書記趙普聞之，環上待
旦。遲明，匡義普入曰：匡胤方被酒卧，披衣起勞軍，諸
較露刃，跪于庭。日諸軍無主，願筆太尉爲天子。匡胤未
及對，卽被以黃袍。羅拜呼萬歲，掖乘馬。匡胤攬轡誓之
曰：汝等能從我乎？則可，不能從，吾不能爲若主也。省
下馬羅拜，請受令。匡胤乃言曰：太后主上我北面，事之
者也。毋驚犯公卿，我比肩。毋侵凌朝市府庫若民。毋
侵掠，用命有重賞，不用命有剋罰。皆應曰：諾。遂肅隊行。
自明德門入，散甲士歸營，退歸第。周侍衛軍副指揮使
韓通聞之，驚發衛士抗難，爲列較。王彥昇所賊，通並
質王溥等方朝，聞變則大驚。質執溥手，自恨曰：倉卒遣
將，吾輩之罪也。瓜入溥手，血幾出。已將士擁護，第匡胤
迎泣。質以義譙讓之，太息流涕曰：吾受世宗厚恩，一旦
爲六軍所逼，至於此，慚負天地將若之何。質未及對，列
較羅彥環挺劍厲聲曰：吾輩無主，今日必得天子。諸異

國史一編
議者斬質等。愕計不知所出。薄降階先拜。質不得已亦
集。遂迎入宮。以周一召禪讓。遂卽位。時倉卒無詔。學士
出諸其懷中。遂用之。
○周三主。僅饗國九年。

論曰。嗚呼。五代君臣之際。累亂悖暴之事。可勝道哉。至
柴世宗。乃天錫勇智。五六年間。西定秦隴。東平淮右。北
取三關。武烈震于戎夏。而內延儒學。八章之士。考制度。
修禮定樂。議刑辟制作之法。粲然有盛世風。宋蒙遺榮。
舉前畫用。成混一。諸治體倣焉。則夫周固一末大業所
自出也。石稱天將旦而清風興。有開必先。詐不諒哉。

五代列藩志

嗚呼。自有唐失政。天下盜賊戎狄之渠。並勢據中土。自

擅者餘五十年其最勝大者更國號五易姓八更十有
三君卽五胡南北之興蹶未其或亟於此也而土寓分
裂自淮而南至吳會爲吳爲南唐入浙東西爲吳越宋
東西川爲前後蜀餘嶺表爲南漢湖江陵爲楚建清源
爲閩各阻山海自擅無慮皆淫刑厚歛牢牲視人者六
十年餘方鎮擅土者不在是然莫足數也嗚呼二君一
民民曷戴以生十年九牧年孰從與鬻故史氏太息以
爲生民之窮焉悲夫

○吳故唐鎮海鎮也治淮南楊行密廬州合肥人始唐
高駢鎮淮南以武畧自奮數立功授節鉞後有惑志於
妖人呂用之而耄都將畢師鐸發兵攻楊州困之用之
以駢謀畧廬州刺史楊行密爲軍司馬合率兵入援廬

人哀龔說行密曰高公昏惑用之姦邪師鐸悖逆凶德
參會而求兵此天以淮南授明公也必趣赴之行密至
天長時師鐸克揚州執高駢幽之矣曾盜秦彥將兵三
萬人廣陵自稱權知節度事行密遂帥諸軍進討之彥
閉城自守悉出城中兵萬二千人遣畢師鐸鄭章將之
陳城西延袤數里行密安卧帳中曰賊近告我諸將以
衆寡不敵欲還李清怒曰吾以順討逆何論衆寡且大
軍至此去將安歸清願爲前鋒保爲公破之行密乃積
金帛糧米於一案使羸卒守之而伏精兵其傍自將千
餘人潛敵其始交陽不勝而走廣陵兵追之人寨見金
帛遂縱掠而伏兵四起俘斬殆盡彥焚駢爲厭勝外圍
急恐駢爲內應乃殺駢奔其家行密聞率士卒縞素何
城三月哭廣陵潰彥師鐸跳身走爲盜孫儒所殺行密
入城改嬪駢及其族輦西寨米賑遺民斬呂用之而定
稱淮南留後已取宣潤詔以爲寧國軍節度使盜孫儒
圍宣州行密以儒衆且十倍戰不利欲退保銅官諸將
曰儒掃地遠來剽速戰宜屯據險要堅壁清野老其餓
時出輕騎抄其饋餉彼前不得戰退無資糧可擒也若
望風棄城計墮矣淮南士民及自儒軍降者宜遣將先
護歸淮南使復生業儒衆聞淮南按堵必有歸心人也

一搖安得不敗行密悅從之儒食盡士卒大疫行密縱
兵擊斬之傳首京師劉建鋒馬殷收餘衆七千走洪州
行密帥衆歸揚州已又逐昇刺史取昇州進封行密爲
吳王先是楊川富庶甲天下諺稱揚一益二及經秦畢
孫揚之戰淮南被兵者六年民轉徙殆盡而用固行密
欲以茶鹽易布帛掌書記高勗曰今兵火之餘十室九
空又專利權以困之是趣之叛也不若悉我所有鄰所
無者與回易以給軍又選守食課農桑數年之間倉庫
可實豈憂財乏哉行密從之於是刻意儉勤非公宴不
舉樂撫士卒與同甘苦招流散輕徭賦攻歙州時諸將
爲刺史者多貪暴獨池州陶雅寬厚得民歙人曰得陶
雅爲刺史請聽命行密卽以雅爲刺史歙人納之雅禮
見舊刺史郊送之還朝而歙大治行密聽言納諫委用
忠力給予優厚人爲盡力未數年公私大實遂保據江
淮全忠不克與之爭時大將田頔怕兵好攻取而行密
欲保境息民按止之田頔快欲反或以告行密曰頔有
大功今反狀未露而殺之吾不忍也將人人自危未幾
頔及潤州安仁義舉兵反內與壽刺史朱延壽通延壽
行密妻弟也行密憂甚緘病曰行觸柱而仆妻走掖之
乃泣曰吾嘗明諸子幼軍府事無所屬必以付三舅召

之疑不至。妻遣報疾馳至。入謁禽殺之。使神福將討。顯茂章將討仁義。茂章攻潤州不下。爲仁義所易。行密密遣將徐溫代之。溫易其衣服旗幟。一如茂章軍。仁義出戰。擊破殺之。顯得神福妻子。招神福許分淮。附江地而王。神福曰。吾以卒伍事吳王。爲上將。義不以妻子故易。岳志。顯有母。尚不顯而反。他何。顯乎。斬使者而進。遂誅顯。初行密與顯同里。開相善。約爲兄弟。至是行密爲舉哀。禮其母如異時。徐溫者。海州朐山人也。少販鹽爲胥盜。從行密起。合肥與謀議。及行密病。長子渥出爲宣州觀察使。時舊將皆以戰守在外。而溫獨居中。欲結之。乃謬爲忠曰。王有疾。而嫡嗣外出。必奸臣之謀。若他日有召。非溫所遣使。必無行矣。渥以爲愛已。泣拜謝而去。及行密病甚。命判官周隱作符召渥。隱恚直。以渥素無令譽。爲軍府所輕。勸行密用舊將之有威望者。令主軍。行密嘿不應。徐溫入。附其欲言曰。大王出萬死冒矢石。爲子孫立基業。奈何使他人將之。行密曰。吾死瞑目矣。遂幸。溫乃遣使召渥。渥至。得嗣召。周隱罵曰。汝欲賣吾國。復何面目見楊氏人乎。殺之。而晝夜酣飲作樂。然十國之燭以擊毬。於是徐溫張顯謀作亂。一日帥才兵二百人。路平立庭中。居驚曰。爾欲殺我耶。對曰。非敢然也。欲

誅王左右亂政者耳。因數渥所親幸十數人罪。曳下欄殺之。謂之兵諫。諸將不與同者。稍以法誅之。于是軍政悉歸二人。已竟弑渥而立其弟隆演。初溫顥約弑渥。分其地而臣梁。及渥死。顥欲背約自立。溫忌之。問其客嚴可求。可求曰。顥剛愎。然闇於成事。易與耳。臣請關其臂而奪之。明日顥列戟府中。召諸將計所立。敕大將而下。去衛從。乃聽入。既入。顥叩膺高步大聲曰。軍無主。今欲立宜者當誰可。三問三莫應。可求趨前密啓曰。軍府至重。四境多虞。非公主之不可矣。然今日則太速。顥問何也。可求曰。劉威陶雅皆先王等夷。必不肯爲公下。不若立幼王而輔之。卽諸將從矣。顥意雖不快。然不能難許之。可求因屏左右。急書一紙納懷中。麾諸將詣使府入賀。諸將貶愕莫測也。既至府。可求出教懷中。大呼聽宣教。則大夫人史氏教也。大要言楊氏創業艱難。今嗣王不幸隆演次當立。諸將宜無負楊氏善導之詞。旨激切。顥神色頓沮而罷。副都統朱瑾詣可求太息曰。瑾年十六七。卽揮戈躍馬。衝大敵。未嘗懼。今對顥不覺汗流。公而折之如無入。乃知瑾匹夫之勇。不及公遠矣。已顥與徐溫隙。溫白請鎮潤州。可求入見溫曰。公出鎮宣潤也。有諸。溫曰。然。可求曰。勉之矣。公捨牙兵而出。顥必以弑

威王之事歸公矣。溫驚曰：「則奈何？」可求曰：「請爲公止之。」
往見顓曰：「公出徐公於外，外人籍籍言公欲奪其兵而殺之。」有諸？顓曰：「右牙欲之，非吾意也。」
榮行矣。可求曰：「勉之矣。」徐公出外，必且謹備。公不可復制矣。顓曰：「且奈何？」
可求曰：「止之易也。」明日，可求邀顓於館，溫瞋目責溫曰：「古之人，不忍忘一飯之恩。」公楊氏宿將，恩厚深，今幼主初立，四方多故，乃欲即安於外，非忠臣也。溫謝曰：「公幸教誠，諸公見容，溫何敢自安？」繇是寢不行。已而顓知可求陰附溫，爲計乃大恨曰：「吾乃爲豎子所賣，夜遣盜刺之。」
可求知不免，請爲書辭府，辭旨思壯，盜感動，不忍殺。而溫與可求謀，結將軍童泰章等三十人，斬顓於牙堂。初，顓與溫謀，執渥溫曰：「參用左右牙兵，心不一，獨用吾兵，可乎？」顓不可。溫曰：「然則獨用公兵耳。」顓從之。至是窮治逆黨，則皆左牙兵也。繇是淮南人咸信以爲溫實不與弑威王謀矣。溫既誅殺顓，則自爲左右牙都指揮使，專軍府，而軍務委可求，財賦委駱知祥，立法度，禁強暴，決事中情理。軍府大安，已溫頗以法誅淮南舊將不附已者。舊將劉威、陶雅等人自疑，溫懼變，陽下之。見諸將舉舉恭謹，如見行密，諸將顧大安，初黃巢亂，江淮所盜起，漢州高安人鍾傳據漢州，危全諷、韓師德等

吉諸州莫能相統傳以兵攻之稍聽命唐以洪州爲鎮南軍傳爲節度使傳卒徐溫遣秦裴將擊洪州拔之劉威守焉撫刺史危全諷帥信撫袁吉兵攻洪州淮南守兵纔千人威密遣使告急於廣陵而召僚佐日宴飲全諷聞莫測也屯象牙潭不敢進楚王殷遣將圖高安救洪州徐溫問將於嚴可求可求即卧内彊起之本曰本以前攻蘇州無功稱疾不出可求即卧内彊起之本曰本以前攻之役敵不能勝我以權輕故敗必見用願無置副貳可求許之本乃行或請救高安本曰楚去高安遠攻高安非欲取之爲全諷聲援爾吾敗全諷楚自還乃疾趨象牙潭或曰全諷兵彊毋輕敵本日賊衆十倍於我遲之勢見情屈軍潰矣不若乘其銳用之全諷營柵臨溪亘數十里本先使羸兵宵敵全諷兵涉水追之本乘其半濟縱擊兵大潰分兵斷歸路禽全諷乘勝克袁州楚兵敗走歙州刺史陶雅遣兵襲饒信饒刺史唐寶棄城走吉刺史彭玕奔楚信刺史危仔昌奔吳越處刺史盧光稠以州降而江以西之地盡入吳李昇者徐州人也世微賤生八年而孤流落濠泗間楊行密攻濠州得之賜徐溫養爲子賜姓名徐知誥知誥廣賴隆韞溫厚有謀斷喜書善射事溫孝溫謂諸子曰汝曹事我有能如知

詰順者乎爲昇州刺史時州郡長吏皆武夫務聚斂爲
戰守計知詰獨選用廉吏修明政教招延四方士大夫
洪州進士宋齊丘好縱橫術謁知詰知詰奇之辟爲推
官參謀議父之溫過昇州以爲金陵形勝倚大江可戰
可守古王霸都也自領之而留其子知訓於江都輔政
以知詰鎮潤州知詰請宣州不得下樂宋齊丘曰三郎
驕縱敗在晷刻潤州去廣陵僅隔一水此天授也可建
大功知訓在江都暴驕無所不狎侮與吳王泛舟飲以
彈丸彈之爲戲副都統朱瑾因上下不忍伏甲殺之提
其首馳人示王曰臣已爲大王除害矣王懼走入內曰
舅自爲之我不敢與知時溫在金陵未聞也知詰卽日
濟江使翟虔等闔府門討亂瑾自剄而軍府定溫初聞
亂意大驚無何聞事靖乃大喜詣廣陵察變疑諸將預
朱瑾謀也欲行誅賴知詰及可求具陳知訓過惡狀乃
得止獨府將佐以不能匡救抵罪命知詰代執政而復
還金陵於是知詰事吳王盡恭接士大夫以謙御衆以
寬約身以儉以吳王命蠲宿逋求賢納諫除奸蠹杜諂
託四方士有鬻旅於吳者皆齒用民婚器有匱乏者
狂賑給之出御軍雖盛暑不張蓋曰士衆暴露我何用
此爲於是士民歸心宿將悅服先是吳有丁口錢又計

兩幣錢錢重物輕民苦之齊丘以爲錢非耕桑所有使
輸錢是教民逐末也請獨丁口錢而賦稅悉輸穀帛或
曰卽如此縣官歲失錢億萬矣齊丘曰安有民富而國
家貧者乎繇是江淮間曠上益闢桑柘滿野國以富強
當是時知誥以齊丘爲謀王每夜引入坐水亭屏人語
常至夜分或居高堂去屏障獨置火爐以鐵筋畫灰爲
字隨以匙滅之故其謀秘人莫得知也而嚴可求陰爲
溫畫令以所生子代秉政溫不聽語泄知誥出可求於
楚州可求行至昇詣溫說曰唐亡於今十二年而吳猶
不改天祐以興復爲名可謂不負唐矣然今梁晉爭方
急一旦晉有天下吾能終北面爲之臣乎不若先建國
以繫民望溫亦目以權重位卑乃大喜聽之畱可求參
謀議不遣於是溫請吳王建國改元建宗廟百官而溫
爲大丞相都督中外諸軍事知誥爲左僕射統中外諸
軍可求爲門下侍郎知誥知可求不可去更以女妻其
子溫與爲歡時吳與吳越比壤數相攻敗吳越兵無錫
知誥請步卒二千易吳越旗幟鎧仗躡敗卒而東襲姑
蘇諸將亦以爲請溫嘆曰天下離亂久矣民困甚錢公
亦未可輕若兵連不解是益亂也方更爲諸君憂今戰
勝以懼之戢兵以懷之使兩國之民各安其生榮君臣

高枕不亦善乎多般何爲遂引還而以吳王命歸無錫之俘以爲和高季興以江陵叛唐開於吳徐溫曰爲國者當務實效去虛名洛距江陵近唐步騎蹙之易我以舟師近漚救甚難夫臣其人而弗能救辱也乃受其貢辭稱臣自是三十餘州民樂崇者二十餘年又明年吳王隆演卒隆演少嗣位重厚溫恪溫父子專政未嘗有平之意形於言色溫以是安之及建國殊非其意常快快日沈飲稀復進食遂致疾卒徐溫以王命迎丹陽公溥監國王姐溥嗣立當是時晉王存勗已滅梁稱後唐矣徐溫以爲憂嚴可求笑曰唐王始得中原志氣驕溢御下無法不數年且內有變吾但當卑辭厚禮保境上以待之乃遣使如唐慶卽位四年吳王遣使自沙爲迎鑒鎮徐溫自金陵來朝先是溫以親吏翟度爲閤門使使察王起居防制王甚急至是王對溫名甫爲水溫請其故王曰翟度父名甫吾諱而熟耳卽詰曰王何自以諱王不敢答固問之乃溫其諱度諸無禮狀溫頓首謝罪請斬之王曰遠徙可也乃徙度於溫及溫疾病屢可求陳彥謙計以知誥非溫所主子勗溫遣子知誥奉表如江東勸進因輔政會溫卒知誥還金陵於是知誥以吳王儲大號而專政知誥朝臣以爲

紇軍而命其子景通爲司徒同平章事知中外軍事
宋齊丘爲左右僕射兼內樞佐之而知詰還金陵人之
欲禪代以吳王無失德恐衆心不服猶豫未有決臨鏡
鑷白髭慨然曰國家安吾老矣私人周宗知其意如江
都諷吳王以傳禪宋齊丘恨爲宗所先疾之乃遣人詣
金陵于書切諫以天時人事皆未可請斬宗以謝王知
詰念與齊丘如一人亦且亟成之也得書愕然乃黜宗
池州尋召爲都押牙而齊丘以逐疎齊
議攝禪代事矣於是中書令李德成周本皆入望皆率
衆推戴閔越亦勸進而知詰遂代吳有國國號唐尊吳
王溥曰讓皇遷之潤州命曰冊陽宮奉徐溫爲太祖諸
佐命並進官宋齊丘鬱鬱不得意或發其陰事摘訕之
唐主曰子嵩三十年舊交必不相負加大司徒齊丘以
不得預政心少望宣制詞稱布衣之交因抗聲曰臣爲
布衣時陛下爲刺史今爲天子宜無所事臣唐主遜謝
然亦不改命也齊丘不知所出乃更上書請徙讓皇於
他州及斥遠吳太子璉絕其婚唐主不許齊丘益怨望
唐主終不怒謝之曰朕之福心子嵩所知少相親老相
怨可乎蓋其度如此自楊行密擅淮南爲吳知詰始以
溥僭大號十年而吳爲唐唐三年唐主始復姓李立唐

宗廟更名昇改太祖廟曰義祖祀唐高祖太宗及義祖
皆不祧而爲李氏考妣發哀斬衰居廬如禘烝五十四
日乃罷當是時中國當晉漢之交事多故而江淮豐稔
兵整暇食足群臣爭言宜乘北方多難規中原唐主曰
吾少長軍旅見兵之爲民禍甚深不忍復言但彼民安
則此民安矣吾何求漢主遣使來言請其取楚分其地
謝不許國以小康唐主性節儉常躡蒲屨盥用鐵盥暑
震青葛左右使令惟老宮人士卒死國事者皆給復三
年分遣使者按民田以肥瘠定稅自是江淮調兵及賦
斂皆以稅錢爲率後遵用之倉吏有歲終獻羨餘者唐
主曰出納有數自非培克安得羨餘立子景爲齊王令
尚書郎陳覺傳之謂之曰吾少與宋子嵩議論相違難
子嵩攜衣笥秦淮門欲去者數矣吾常戒門者必止之
今老矣猶未能徧達時事况景少何聞知乎故屈子輔
之其必勉拂導之矣嘗如齊王宮齊王景方調音樂大
怒責之幼子母种姬方寵因問之唐主怒曰子有過父
訓責之常事耳汝何得與立出之羣臣請上尊號唐主
曰虛美也且非古卒不受峻外戚不得與政宦官不得
預事爲著令晚年餌方士丹寢躁急問道士王栖霞曰
當何道致太平對曰王者治心治身乃推以治國家今

陛下尚未能去。頃聞喜何論太平。唐主不能用疾亟。召齊王景曰。吾何金玉只始欲長生。乃更傷生。汝必戒之。遂縊于景立。景仁柔善文學。然好諛邪。佞用事。國以日削。是時周世宗在也。已振振乎有混一規矣。先是。冬淮水涸。常兵戍壽州。監軍吳延紹以疆場無事罷之。清淮節度使劉仁贍固爭不能得。而周果度淮攻壽州。唐人聞兵至而懼。以孫晟為司空。如周師請和。晟謂馬延巳曰。此行當在左相。然晟辭則為負烈祖矣。必往死之。既至。世宗以晟詣城下。令呼劉仁贍降。仁贍見晟。戎服登城上。晟遙謂之曰。君受國厚恩。義不可開門納寇。世宗聞之怒。罵之。晟曰。臣為唐相。豈可教節度使叛。若耶。世宗段皆謝之。時召見。飲以醇酒。問唐事。晟但言唐主畏陛下。神武無二心。及唐許割地而貳。世宗召晟責之。晟請死。周唐虛實終不對。命鄧承旨曹翰送右軍巡院與飲酒。問之。終不言。翰乃謂曰。有救賜相公死。晟神色怡然。索輓袍衣帶。南向拜曰。臣謹死報國。乃就刑。既而世宗憐晟忠。悔殺之。贈衛尉卿。時周圍壽春數重。攻之百端。自春正月至于夏四月。不能下。而霖雨彌旬。周兵營寨水深者數尺。淮淝暴溢。竹龍火器諸攻具飄南岸。皆為唐兵所焚。乃班師。冬周師復進。圍壽州。州食

盡齊王景達遣邊鎬朱元將救之敗績仁贍請以邊鎬
守城自帥眾決戰景達不許仁贍因憤邑成疾幼子崇
諫幸父病謀與諸將降液泛舟度淮為小較所獲仁贍
立命斬之監軍使周廷構哭中門以救不許廷構復使
求救於仁贍妻仁贍妻曰吾於崇諫非不愛然軍法何
可私名節何可虧貸之則節使為不忠何面目見將士
乎趣斬之而威器將士感泣及唐援兵敗景達覺皆奔
仁贍聞扼腕歎歎愈益病不知人監軍使以城降仁贍
以是日卒是時防禦使張彥卿守楚州周攻之彥卿與
都監鄭昭榮猶帥眾拒戰矢刃皆盡彥卿舉繩牀以鬪
而死所部千餘人並死無一降者於是唐主景乃盡割
江北地以為和去帝號奉周正朔罷兵贈劉仁贍太師
追封相晟魯國公遷洪州而焜子煜立而國亡於宋而
李昇川宋齊丘書遷讓皇之族於海陵嚴其守之絕不
與人通男女中自為匹偶吳人憐之及世宗下淮南詔
撫揚氏子孫唐意遣尹廷範遷之潤州廷範以道遠恐
為變盡殺之還報唐主腰斬之辭于衆而陳覺與和嚴
續卻使周還言世宗每宴諱以江南不即聽命者本嚴
續衛之也勸景誅續以謝過景疑之遣鍾謨詣周謝且
言不即割地非續願救之世宗大驚曰續能為是計則

忠朕豈殺忠臣乎。謀還。覺詐。得受。誅。宋齊丘坐覺黨。
遷青陽九華山。火墻。通食飲齊丘。歎曰。吾昔獻謀。幽讓
皇族于泰州。宜及
此也。夫。雉經死。

史論曰。嗚呼。盜亦有道。信哉。行密書稱。行密爲人寬仁。
雅信。能得士。其將蔡儔以廬州叛。悉毀行密父祖塋。及
儔敗。諸將請發其父祖塋報之。行密嘆曰。儔爲惡。吾何
爲效。尤嘗使從者張洪召劔侍。洪拔劔擊行密。不中。死。
復用洪所善陳紹負劔。終已不疑。又嘗罵其將劉信。信
忿奔孫儒。行密戒左右勿追。曰。醉耳。醒必復還。明日果
復還。行密起盜賊。其下皆驍獍。而樂爲用者。以有度也。
故二世四主。垂五十年。當此之時。天下大亂。中國之禍。

募相尋而徐氏父子徘徊不敢取。夫亦有所憚也。李唐
仁柔立國，重用兵。故國亡而兵不加，豈亦其報歟。

吳越錢鏐，杭州錢塘人。幼從羣兒戲，臨安里中里有大
木，鏐往陰其下，坐大石上，卽能指揮羣兒爲隊伍狀，爲
鹽徒，黃巢掠浙東，鏐與壯士二十人伏山谷中，巢先鋒
已度險，鏐伏弩射其前，壯士蹂之，斬數百級。鏐曰：此
可一用。爾是大敵之禽也。趨八百里而屯，巢獲生口問
歸安兵安在，皆口屯八百里，巢不知爲地名也。駭其衆
多，去，遂不敢犯。臨安已徙董昌爲兵馬使，昌與越州劉
漢宏相攻，鏐擊斬之。於是昌徙鎮越，而以鏐爲杭州。及
董昌以越州僭號，鏐遣書與絕曰：與閉門爲天子與九
族百姓俱陷塗炭，何如開門作節度使，終身富貴耶。及
今悔，猶可及也。昌不聽。鏐乃討誅昌，散金帛犒戰士，開
倉廩振貧乏，民大悅。拜鎮海鎮東節度使，及梁篡位，封
鏐吳越王。判官羅隱說鏐拒其使，發兵討之，曰：鏐再成
功，猶可退。杭越爲東帝，奈何交臂事賊，爲終古羞乎。鏐
始以隱爲不遇於唐，意不無少望。及聞言，甚義之，然不
用。既建國，改所營曰永錦營，命杭城曰永錦城，宴故

老山林覆以錦號兒時行蠶戲者大木日夜鉤引
歌曰三節還鄉今掛錦衣父老遠來兮相追隨
孝人無欺吳越一王駟馬黃吳越地綿苴繆起
有國氣橫溢如此鏐夜常不寐倦極就圓木小憩
大鈴寐熟輒歎而寤名曰警枕置粉盤于卧內有
則書盤中此老不倦寤時彈銅丸于牆外警直
寢疾謂將吏曰吾諸子皆愚懦誰當嗣者衆泣曰
令公仁孝屢有功爲衆所愛戴請圖之鏐乃悉出
授次子元璫曰將吏推爾爾善守之又日子孫善
國勿以易姓廢事大之禮卒年八十一元璫立持
與元璫曰器置行器內牙指揮使陸仁章曰令公
土爾爾更且暮當謁事富與諸公子異處乃命主
更設一榻元璫居之禁諸公子從者毋得入鏐不
左右皆謂元璫獨仁章數以事犯之至是元璫勞
仁章曰先王在位仁章不知有令公今日盡節令
事先王元璫嘉歎久之以遺命去國儀用潘鎮法
民田荒絕者租稅置擇能院掌選舉殿魁仁章與
北司武肅王時益以內押牙久用事爲衆將所忌
之元璫諭之曰二將事先王久方圖其功汝曹乃
私憾殺之乎不聽以仁章爲衛刺史仁祀爲湖刺
史中

外告訐者皆弛不問將士輯睦勅武肅王禁中
改元璫年三十餘未育子晏馬夫人爲之請聽
弘佐弘侑弘倣等數人馬夫人撫愛之如一卧銀鹿於
前坐諸兒其上而弄之元璫卒子弘佐嗣弘佐溫恭
勤政人不能欺給與有獻嘉禾者弘佐問舍吏今蓄積
何對曰十年王日軍食足矣可以寬吾民復境內三
年李弟弘侑嗣統軍胡進思在弘佐時已專橫惡弘侑
剛嚴廢之立其弟弘倣弘倣辭曰必能全吾兄乃可不
然當避賢路進思許諾尋疽發背死而弘侑獲全於是
王倣募民墾荒田者毋收租或請清民所隱者丁以墾
賦赦之國門國人大悅吳越自唐末有國而楊行密李
昇據有江淮吳越貢賦中國皆繇登萊泛海至焉
蜀孟知祥邢州龍岡人妻晉王克用弟克讓女莊宗以
爲中門使知祥不樂也求他職命薦代者薦郭崇韜崇
韜德之及伐蜀臨行謂唐主曰即平蜀請必以孟知祥
爲節使已破蜀莊宗命之鎮召見宴勞之而遣知祥至
成都而崇韜已死魏王繼岌班師還知祥率成都富人
及王凡臣括錢六百萬緡以犒軍餘者二百萬明宗立
任圖自蜀入爲相其知之自唐主加知祥侍中遣人使
卿趙季良賁官誥賜之因督蜀犒軍餘錢且問

征賊知祥陰有據蜀之志怒不奉詔樞密使安重誨思
有以制之以客省使李嚴爲監軍知祥怒曰諸道皆罷
監軍久不置獨吾軍置之曩嚴首謀滅前蜀今復來是
嚴欲以蜀再爲功也嚴至厚款之一日忽勃然作色謂
之曰公前奉使王衍誘衍錦綺珍奇不聽入中國莊宗
因患伐蜀致兩國俱亡今復來蜀人懼矣且天下皆廢
監軍公獨來監吾軍何也嚴惶怖求哀知祥曰衆怒不
可遠也揖下斬之明宗不能詰欲以恩信懷之歸其妻
及子相于蜀會分東川之閬州爲保寧軍以李仁矩爲
帥董璋怒攻閬州殺仁矩唐將姚洪罵敵死而璋陷五
州知祥陷黔州連兵反詔削奪知祥璋官爵命天雄帥
石敬瑭討之不克明宗謂致知祥等反者安重誨殺重
誨遣西川進奏官歸蜀爲具言知祥家屬在京師者皆
無恙招諭之知祥既有西川又得命欲自歸邀董璋與
同事董璋曰公家屬存也我子孫安在我何謝爲知祥
三遣使說之璋疑知祥無他色因發怒潛師襲知祥知祥
擊破之璋敗走知祥遂有東川明宗不能難封蜀王
明宗殂知祥乃僭號國號蜀僞子昶而國入于宋
楚唐故武安軍也爲湖南節度馬殷許州鄆陵人少爲
木工後從劉建鋒爲裨將武安軍亂殺建鋒迎行軍司

馬張佶爲留後佶入府馬愬隄齧傷髀骨以爲不祥也
前謝諸將曰馬公勇而有謀寬厚樂善吾不及也必迎
之殷時攻邵州召之至殷詰佶謁訖佶引殷升堂趨下
階以留後讓之帥諸將拜賀復以行軍司馬代殷將攻
邵州克之於是殷內以楊行密劉龔成汭比境爲憂欲
遣使爲好問高郁郁曰洧池俠兵寡劉龔志在五管不
足累也行密公仇讐雖萬金路之其肯爲吾援乎不如
上奉天子下撫士民訓卒厲兵自立也殷從其計勸湖
南多爲羣盜所據殷僅有潭邵而靜江劉士政失民擊
破之於是桂宜巖柳象五州皆降已又拔道州殷乃務
農訓兵修茶鐵之利國以雄富始湖南地多茶有厲禁
乃令民得自造茶通商獨取其筭而商旅無征四方輻
輳又地多鉛鐵鑄鉛鐵錢十當銅錢一商旅出境卽鐵
錢無所用皆易他貨而去故能以境內之物致天下百
貨湖南民不事桑蠶郁命輸稅者以帛代錢而課民種
桑地力始盡時高季興據荆南楊行密據淮南皆比壤
相攻殷遣將王環以水軍擊敗之進逼江陵季興請和
環還師殷讓之曰聞江陵岳拔而釋不取何也環曰江
陵四戰之地在中國及吳蜀之間宜釋之以爲扞蔽得
之是代之受兵故不攻也殷悅環每戰身先士卒置鐵

藥於座右戰罷撫傷痍親傳治之故得士死力所向有功淮南遣將劉存許玄應將水軍擊楚殷有懼色軍使楊定真賀曰我軍勝矣殷問其故定真曰夫戰帶則勝驕則敗今淮南將士驕而主有懼色吾是以知其必勝也存既敗遣書請降蔡彥暉曰詐也勿受鼓噪進執存拔岳州先是殷弟審從楊行密戰有功行密愛之從容問家世以質對大驚曰吾嘗怪汝狀貌非常人乃今果然厚爲裝遣歸楚審對曰臣孫儒敗卒也公待以不死非殺身不足報臣不歸矣行密歎曰何吾得子之貌今得子之心然爲吾合二國之好亦以報也審歸以爲言殷不聽平及吳師攻岳州大敗復求和殷乃許歸其俘許德勳私於吳使者曰楚國雖小舊臣宿將猶在願勿以措慮俟羣駒爭早棧乃可圖耳時殷多內嬖嫡庶無別諸子驕故云然初殷制國本高郁之謀爲鄰國所忌設流言問之唐莊宗入洛殷遣子希範人貢莊宗愛其警俊捐其背曰聞人言馬氏後當爲高郁所奪今有子如此郁安得而奪之高季興亦屢爲誚以動殷殷不聽也及殷老委政於子希聲希聲乃聽讒矯殷命殺郁族之是日大霧殷謂左右曰吾昔從孫儒渡淮殺不辜輒有此異今部院豈有冤死者耶明日吏以郁死告殷捐

唐大勳曰吾耄政非已出使勳舊橫羅冤酷傷乎傷乎
既而曰吾亦何能久遂發疾卒遺令諸子兄弟繼及
是希聲希範次立為湣奢而國亂希廣希萼希崇爭立
而國亡李景盡遷馬氏之族于金陵世宗征淮下揚州
詔撫安焉

南漢唐故乾寧靜海二軍也有上自劉隱隱安仁上
蔡人隱父謙為廣州牙將黃巢攻破廣州去畧潮湘間
廣州帥表謙為封州刺史謙三子曰隱白嚴謙卒
軍時天下亂中朝士以嶺外遠可避地多遊焉隱青禮
賓之卒弟嚴立母段生嚴於外舍謙妻辛悍如怒
出命持嚴至欲殺之至而辛自恠劍墮曰非常兒也獨
殺段養為已子長善騎射晉末帝即位悉以隱官爵授
嚴襲南海王地南盡海又西拔容桂遂僭號國號漢
宗廟置百官嚴性酷而奢為刀鋸支解剗剔之刑聚
海珍寶為玉堂珠殿有胡僧言讖書滅劉氏者嚴也嚴
乃採周易飛龍在天之義為龔字音儼名焉楚人以舟
師攻封州龔遣將以神弩軍三千救之楚人屢為攻交
趾破之卒號南漢高祖子玠立龔在殯召伶人作樂飲
宮中裸男女為樂山海間盜賊競起弟晉王洪熙日進
聲妓誘之已弑之自立懼衆不服乃益峻刑法以威衆

中外人自危。祠襄帝陵於海曲。弟洪昌使盜刺殺之。更名晟。鎮王洪澤刺邕州。有善政。晟既殺之。諸弟皆見殺。擊湖南。克賀州。拔連宜。嚴梧。蒙州。卒子銀立。加虐而國亡於宋。

武平周行逢。武陵人。與王進達。潘叔嗣。俱爲靜江軍。較事周。破李景兵。擒荆進達。爲武安軍。節度。行逢集州。刺史顯德。勅進達。以武清軍。節使。奉命攻鄂州。潭州。團練使潘叔嗣。所表用也。燕犒之。恭甚。進達左右。就求賂。不厭。譚叔嗣。謀叛。進達面罵之。叔嗣慙恨。伺進達入鄂。潛以兵襲武陵。破之。進達還戰。敗死。叔嗣恐衆指目。還潭州。遣將迎行逢。或請以潭州與叔嗣。行逢曰。叔嗣賊殺主帥。若吾遽專命。是吾使之殺王公也。何以自明。自稱武平。雷後告于周。而召叔嗣。爲行軍司馬。叔嗣怒。稱疾不至。許以節。喜至而斬之。而行逢遂得鎮。於是儉約自勵。而勇敢果殺戮。妻嚴勸諫之。不聽。給出田督耕。至則營居之。不復歸。歲時衣青裙。押佃戶送租入城市。行逢往就勞苦之。嚴曰。公不思作戶長時乎。民租後時苦鞭朴。今貴矣。宜先期輸以率衆。安得遂忘隴畝間哉。行逢以羣妾擢升輿舁之。歸不聽。曰。公用法嚴。失人心。所不欲留者。恐一旦禍起。田野間易逃死爾。行逢爲少損刑。

威馬

荆南高季興、陝州硤石人也。事梁祖，補制勝軍使。梁攻鳳翔，壁不出。梁祖欲還軍，季興進曰：「天下豪傑，窺此舉一歲矣。今岐破在旦夕，而閉壁此可誘而致也。」柰何去之？募勇士以數騎馳叩城告梁。兵已去，岐出追擊破之。遂拔鳳翔。累荆南節度觀察，留後荆南節度十州，且爲盜有。獨江陵一城存，井邑凋弊。季興招緝綏撫，軍稍以梁益衰，欲阻兵自固，治城隍，設樓櫓，絕貢賦。末帝不能難封渤海王，慰籍之。梁亡，唐莊宗入洛，季興恐朝京師，莊宗欲留之。郭崇韜曰：「唐新滅梁，宜以大信示天下。今四方人皆獨遣子若弟若將吏，而季興獨來爲諸侯先，宜恩禮招懷，而留之，是示天下以不虐也。且絕其內向心，禮而歸之，已去而唐主悔，密詔襄州帥劉訓圖之。」季興行至，忽心動，夜斬關出，而詔書適夜至。季興歸，謂其人曰：「乃幸免。」然主上百戰取河南，對功臣輒寧，指自矜言我於手指上得天下，度福如此，而荒于遊畋，吾知免夫。會唐破蜀，得蜀金帛四十萬，自峽下而莊宗之難作。季興殺使者邀留之，明宗立，攻之不克。別將西方鄭克、樊忠、萬三州。季興懼，以荆歸峽三州臣于吳。吳冊爲秦王，卒。子從誨立。時荆南地狹兵弱，介於吳楚，而

漢與閩蜀皆稱帝，從誨所嚮稱臣，獨利其賜予，故諸國皆目爲高賴子，以無耻好利姍笑之也。卒，子保勗立，性迂緩，委政於其弟保勗，保融卒，保勗立，保勗疾，保融之子繼冲立，亡於宋。

閩唐威武軍王潮，光州人，唐末盜王緒據光州，轉掠漢處入自漳，以道險糧少，令軍中毋得以老幼自隨，犯者斬。時潮兄弟救其母以從，緒責之，潮曰：「人所重者母，天下未有無母之人。」將軍柰何使人棄其母？潮怒，命斬其母。潮與弟審知號哭曰：「既殺其母，安用其子？請先母死。」將士皆感動，爲之請，乃捨之。會望氣者言軍中有王者氣，於是緒見將卒有氣質魁岸及勇畧者，皆殺之。衆自危，縛緒奉潮爲軍王。欲還光州，潮約所過無掠擄，行抵沙縣，泉州人以刺史廖彥若貪奉牛酒，請潮爲州將，乃引兵下泉州。福建觀察使陳巖建州人也，以黃巢亂聚衆保鄉里，號九龍軍。觀察使鄭鎰表以自代，爲治有威惠，閩人安之。及疾病，遣使召潮，屬以軍，未至卒。都將范曄作亂，據軍以拒潮，潮破平之。感陳巖知己，素服哭葬之，以女妻其子，而厚撫其家。潮爲觀察，遣佐僚巡州縣，勸農桑，定租稅，交好鄰道，保境息民。閩地畧定，爲威武軍，節度使，弟審知爲副使，有過猶加捶撻，審知無怨。

色及潮寢疾捨其子不立命審知知軍府事曰足保有
斯土也審知儉約好禮寬刑溥賦建學四門教閩土之
秀者紹徠海中蠻夷國以富實海租黃崎往往激風濤
覆舟一夕震電震裂開爲平港閩人以爲審知德政所
感號其棠港審知卒子延翰立始稱王爲審知養子延
稟所殺延鈞立延鈞始稱帝更名璘自以國小僻事四
鄰餽僧國力以屈薛文傑司國計陰求富民罪籍殺之
爲貪殘又說璘抑挫諸宗室殺從子繼圖連坐者千人
會吳攻建州王延宗救之士卒在道不肯進曰得文傑
乃進太后反福王繼鵬泣謂璘曰文傑弄國權害無辜
下怨怒久矣今吳兵深入士卒不進脫社稷傾覆留文
傑向益文傑在側前互辨璘曰吾無如卿何卿自爲謀
文傑出繼鵬向之門外笏擊之仆檻車傳之軍士卒爭
食之已璘立其父婢陳金鳳爲后而后與幸臣歸守
明及院使李可殷通國人惡之可殷諸皇城使李徽后
族陳匡勝無禮於福王璘疾甚倣使人殺可殷后謂之
靖力疾視朝詰司殷死狀倣懼出走俄引步兵鼓譟入
璘匿帳下亂兵刺殺之并殺后守明及繼鵬弟繼韜繼
鵬立更名昶暴李徽弑君及殺繼韜等罪殺之歸倣元
妃李氏于永春王父婢李春燕爲后爲長夜之飲

臣醉則令左右司其失捕斬之。叔延曦陽狂愚以避禍幽私第。撲宸控鶴軍使朱文進連重遇見。仰侮而怨。師二都兵迎延曦攻昶。昶出走死。后及諸子皆死。而曦亦淫苛。猜宗族。尋舊怨。與弟建州刺史延政數相攻。曦帝福州日。閩延政帝建州日。殷曦后李妬尚賢妃之寵。使人激文進重遇復弑曦族王氏。而文進自立。重遇相南廊承旨林仁翰走連重遇。弟刺殺之。斬其首。鼓衆前斬文進。函二首送建州。迎延政。延政以方有唐兵。未徙也。令從子繼昌鎮福州。而賞仁翰甚薄。仁翰無少望。發兩軍甲士詣建州拒唐。唐師伐建州。建州人苦王氏重歛。爭伐木開道。執延政而閩人。魏張全義字國維。濮州人。以田家子役于縣。數逢令笞辱。入黃巢賊中。巢敗去。事諸葛爽于河陽。爽死。于仲方爲孫儒所逐。全義據東都。李罕之據河陽。求救於河東。晉王克用表罕之河陽節度。全義河南尹。罕之暴日寇剽。自給全義勤儉。仰軍有法。督耕值。罕之乏食。仰給焉。不能給。輒械主吏杖之。河南將佐皆憤怒。會罕之出東。晉絳全義襲河陽入之。罕之奔晉。晉遣兵助罕之圍全義甚急。全義乞兵於梁。擊敗之。而全義領河陽時。河南遭巢儒兵火。後城邑殘破。戶不滿百。全義披荊棘勸

農桑南北二城居之數年人物完盛語其土田志梁祖
晚年猜暴甚全義事之益恭梁祖如洛避暑畱旬日召
淫其妻女始徧子繼祚憤耻不自勝欲剗刃其腹中全
義柔忍厚絡念爲罕之所圖時濱於死德梁祖之免之
也止母動累中書令兼領忠武陝虢鄭滑河陽四節鎮
封魏王初全義困罕之時弟全武及家屬爲晉兵所得
晉王以田宅給之全義因陰遣人通問於太原以弟故
及梁亾莊宗入汴全義自洛來入朝泥首待罪莊宗勞
之俯伏泣年老不能少命掖之登宴犒盡歡莊宗欲掘
梁祖墓斲棺戮尸全義曰梁雖仇敵然家屠滅亦足以
報怨矣剖棺非所以示大度於天下也莊宗聽之命鑿
墓闕已焉趙在禮及明宗以功見疑羣臣議命之將不
許全義力爲言許之而明宗入于鄴全義以憂卒年七
十五謚忠肅子繼祚官至上將軍晉高祖時與張從寬
反系維翰以父瑛嘗事全義有恩乞貸之不許然族竟
以全、上列藩、

翟光鄴字化基漢州郾城人事晉歷棣沂刺史西京副
留守所至以安靜休息爲意輯兵民有恩契丹滅晉遣
光鄴知曹州許王從益入汴以爲樞密使割爲人沉默
多謀事繼母孝雖貴不營財產常假官舍以居蓋然謹

蔽風雨，麤衣糲食，與親族均有無，晏如也。病亟，戒左右氣絕，以刀歸洛，無久留煩軍府。既卒，州人上書乞留葬。

立祠。

劉審交，字求益，幽州文安人。事晉爲三司使，議者請簡天下民田益租賦。審交曰：「租有定額，而天下比年苦兵，無暇耕，方當貸農服貧，使力於務本而擾之，是使民益勸於去本業而避租課也。」事得寢。遷右衛上將軍，陳州防禦使，出省耕，民耕器薄陋，乃取河光耕器爲始。範更鑄之，安從進平徙審交襄州，又徙青州，皆有善政。爲汝州防禦使，有能名。卒，州人聚哭，柩前當留葬，使民得歲時祠祭，詔從之。特贈太尉，爲起祠立碑。

王周，魏州人。事晉，歷貝涇節度使。涇州張彥澤政苛虐，民多流亡。周更爲寬恕，問民所疾苦，去苛弊二十餘事。民皆復歸。歷武勝，保義，武成，德四鎮，皆有善政。定州橋壞，民輸租車覆，周曰：「橋梁不修，刺史之過也。」豈當責民更償乎？代之償，而治橋。當是時，刺史皆以軍功授，民困敝，而武夫恃功縱暴，爲民所疾苦。惟復州刺史郭延魯父子及周以善政聞。上脩吏。

石昂，青州臨淄人也。好儒家，有書數千卷。四方士無遠近多就學。昂食其門下生，或累歲無怠。節度使符習高

其行召爲臨淄令，督入朝監軍楊彥朗知後事，昂至府謁，贊者以彥朗父諱石，更其姓曰右，昂趨庭，卽責彥朗曰：「昂姓右，非右也，義不可以私家諱奪。」彥朗怒，拂衣入，卽趨出，解官去。語子曰：「吾本不欲仕亂世，果爲刑人所辱，子孫必以我爲戒。」昂父亦好學，平生不喜佛說，父死，昂禁其家，毋以佛事汚吾先。晉高祖時，詔天下求孝悌之士，廷臣交薦昂，昂至京師，見便殿，以爲宗正丞，遷少卿。晉政日壞，昂疏諫不聽，乃稱疾東歸，以壽終于家。

○齊得一密州諸城人，幼嗜學，通五經，教授鄉里，士大夫子弟不遠百里從肄業焉。五季末，皇甫暉行剽，故郡郡人殺牛羊豕以搞，防禦使捕論以爲民衆賊與通，盡殺之，而取其貲，坐死者十數家，得一痛無辜，冤死莫白也。走闕下訴之，詔使鞠得實，防禦使止奪官，得一布衣蔬食，終身不仕。至道中，郡國舉廉退孝悌，授章丘簿。

上行誼

○林延遇者，閩人也。閩主娶南漢，置國信所于漢，使延遇主之。南漢主數周以閩事，終不對，退謂人曰：「云閩語，閩去粵語，粵處人官禁當如是乎。」聞閩王死，求歸，不許，素服向其國哭者三日，上獨行。

論曰五代時史職廢於喪亂而傳記小說類往往失其真訛謬又世亂易君革命如踐更臣節亾焉然天性亦安可得盡亾也干戈相尋能以生道生民儒道持身雖其甚少亦豈非夫之生德民之元命良心正性不容泯之驗哉亦甚可貴矣著于篇無敢以苛責求焉

史記卷之五十終

文鯁若亦其可貴矣著于篇無類以若貴本焉

其其也亦豈非夫之主斷與之示命良以五卦不容欺

史記卷之五十終

其情屬又世屬長其革命收效更至前以盡然天卦亦

篇曰正外和史屬與與史屬而轉時小結勝者其矣

國史編卷之五十一

明旰飢劬元錫箴

宋太祖帝紀

太祖諱匡胤。姓趙。幽州涿鹿人也。父弘殷。事唐莊宗。戰河上有功。典禁軍事。漢討鳳翔。功最。遷護聖都指揮使。事周。從平淮揚。累簡較司徒。後唐天祐二年。太祖生。

生於

河北夾馬營。赤光繞室。異香經宿不散。時號香孩兒營。

既長。貌雄偉。度豁如也。從

世宗戰北漢。高平從征。唐淮南皆尤功。語具周志中。既

即位。國號宋。

以領歸德軍在宋州。故以火德。王色尚赤。

建隆元年春正月。改

元。赦。贈周侍衛親軍副都指揮使通中書令。

禮葬之。

論翼

戴功諸將較進官爵有差論佐命功第光義為殿前都

虞候掌書記晉趙為諫議大夫樞密直學士晉字則平

厚寡言笑微時為村學究寓滁州與太祖遇一見語合

意引為上客表為滁州軍事判官會獲盜將就成晉意

其有冤啓更訊全活十七八遂為帝親臣遣使分賑諸州周故領節鎮諸將

進官勲有差立太廟追帝先祖考尊高王父唐幽都令

史中丞瑛為順祖王父涿州刺史敬為翼祖皆皇帝妣

皆皇后考弘殷為宣祖定制歲以四孟月及季冬凡五

饗朔望薦尊母夫人杜氏為皇太后周相質范加侍中

食薦新

溥王司空仁浦魏右僕射仍平章事樞密使廷祚吳加

同三品夏昭義帥李筠結北漢起兵澤州五月朔帝自

日饗

將圍澤州拔之筠赴火成癸酉有星出于心色赤進擊上黨筠子

守節降

筠、太原人。事周以簡。較太傅鎮昭義。帝卽位。加中書舍。使至潞。筠自以世事周。於太祖故等夷。

欲拒命。賓佐交諫。乃出迎。宴使者。酒半。則取周祖畫像。懸于壁。對之。泣不已。賓佐惶駭。告使者曰。令公被酒。失常度。勿異也。罷酒。子守節。涕泣諫不聽。北漢主鈞聞之。乃以蠟書。結筠同舉兵。帝聞。亦手詔慰撫。召守節爲皇城使。至。太祖遣歸。謂筠曰。我未爲天子時。任汝自爲之。我旣爲天子。汝獨不能小讓。我耶。守節歸。以自筠。遂起兵。令幕府爲檄。數宋祖罪。執監軍周光遜等。送北漢求濟師。又遣人殺澤州刺史張福。據其城。北漢主封筠爲西平王。自帥兵赴之。筠見北漢主于太平驛。言受周祖恩。不敢愛其成。北漢王與周世讐。意不悅。因遣宣徽使盧贊。監其軍。筠見漢主儀衛不備。兵弱少。悔臣之。而贊又來監心。甚愼。謀多不協。乃畱守節守潞。而自引衆南。漢主聞贊與筠卻。復遣其平章事衛融。來和解之。帝聞筠定反。遣石守信。高懷德。慕容延釗。分道將擊之。尋以國新建。衆心未有定。筠會發難。未易以遣將定也。詔親征。帥大師徑澤州。澤路峻多石。不可行。帝先於馬上負數石。將士爭負之。路遂平。與守信等會。大敗筠。澤州南斬將筠保城。太祖刈柵圍之。馬全義帥敢死士數十人。

攀堞上城。陌竄赴火。成執漢衛融詰之。融對不遜。怒以鐵樞擊其首。血被面。融呼曰。得成所矣。帝嘉其忠。以為大府卿。北漢主懼。引師歸。師進。攻路。守節降。以為單州團練使。秋七月。帝至自潞州。八月。立皇后王氏。淮南節度使李重進起兵揚州。冬。帝親征。拔揚州。重進自焚。成。

重進。滄州人。周祖甥。鎮揚州。帝即位。加中書令。移鎮青。重進意。石守信等討之。尋親征。重進盡室自焚。成。

二年春。免商州賦。夏。四月朔。六月。皇太后杜氏崩。秋。七月。罷諸將典禁兵。以弟元義為開封府尹。光美行興元。

尹。葬明憲太后。鎮易定州平。石晉時。定州尼孫氏依狼。

事之。尼坐化。行友田。燃香聚眾。時晉與契丹絕。邊州民。

困。通民往往依以避難。易定州以聞。命為邊界遊擊使。

周祖北伐。行友請自效。進定州。晉後。已授節。宋初。加同。

平章事。而行友不自安。徙帑廩狼山。集丁壯。繕兵。果欲。

還山自固。事聞。詔舉族赴闕。削爵歸私第。戮其部屬。亂者數人焚尼屍而定。○是歲女真占城回鶻三佛齊來貢。三年春。廣都城。詔常參官得轉對。令諸州大辟上刑。

部審覆毋專決。夏旱。減膳徹樂。吳廷祚罷。冬。趙曾爲樞

密使。蒲晉慈隰相衛諸州饑。賑之。

是歲吐蕃歸伏。兗縣地。哥羅女真占城回

鶻三佛齊來貢。乾德元年。

帝四年

春正月。初。以文臣知州事。山南

東道帥慕容廷釗。帥師討湖南。假道荆南。入其郛。得荆南帥高繼沖。三月。進克朗州。得湖南帥周保權。荆湖平。

初。帝遣盧懷忠使荆南。還言繼沖甲兵整年。穀登而控弦士。適不過三萬。民困於暴斂。可取也。地南邇長沙。東距建康。西迫蜀。又易取。會湖南帥周行逢病。召將吏以子保權屬之曰。吾郛內兇狠者盡矣。惟張文表。吾歿。文表必叛。當使楊師璠討之。不能制。則嬰城勿戰。自歸於汴梁。卒。保權立。文表果舉兵攻潭州。保權遣楊師璠擊

之、且使來乞師、於是命慕容延釗爲都部署、李處耘爲都監、討文表、因遂下荆南、處耘至襄、請假道、請城外駐師、或謂繼冲曰、兵尚權譎、城外約、何可信、宜嚴城守、待之、繼冲不能用、判官孫光憲、勸繼冲去斥堠、封府庫、歸命、又猶豫不能決、遣叔父保寅奉牛酒犒師、且覘之、處耘待之有加、禮延釗宴之、帳中飲甚歡、繼冲安以爲無虞也、迨日夕、處耘忽將輕騎數千、倍道前奄至、繼冲驚、卽惶怖出、迎遇處耘江陵北十五里、處耘揖繼冲、令待延釗、曰、都部署且至、而身率親軍先入、繼冲還、宋師已分據要害、比抵城、則旌旗甲兵填塞衢巷矣、乃詰延釗、納牌印、版籍、表自歸、荆南平、得州三、縣十有七、已進師湖南、時張文表已爲楊師璠所執、請罷師、而延釗兵益進、克潭州、將麴朗、保權牙將張從富、逾戰于豐江、擊殺之、保權以家屬亡渡江、獲之、湖南平、得州十四、監一、縣六十六、捷聞、帝以王仁贍爲荆南都巡簡、使代鎮、而繼冲節度使如故、高氏族屬僚佐、各拜官有差、以戶侍郎呂餘慶權知潭州、周保夏初置諸州通判、脩大内、行應權、爲武寧軍節度使、

天曆以常參官知縣事、冬十一月有事于南郊、赦、改元

百官上尊號親王加封邑相而下進階勲爵邑自是以爲常皇后王氏崩二年春諭

罷縣長史行勸農相質溥仁浦罷門下侍郎曾趙平章

事宣徽北院使崇矩李爲樞密使質等以周舊相在位

深有岸谷以天下爲已任能必行其志嘗屬有舉薦帝不許明日復以其人奏亦不許又明日又以其人奏帝

大怒裂帛擲地晉顏色不變跪拾之以歸他日補綴舊牘奏如初帝意回而其人卒稱也常爲帝言刑以懲惡

賞以酬功刑賞天下之刑賞陛下豈得以私喜怒專之

一日宴雨驟至不止帝不懼曾因言今三農望雨急而適雨此時雨也請令樂官就雨中奏樂帝大悅終宴其臨訖制變回上意類如此夏置制舉科

樞密直學士居正薛兵侍郎餘慶呂參知政事曾既相

副難其名問翰林承旨陶穀曰下宰相一等古何官對

曰唐有參知政事乃以居正餘慶克之不押班宣制不

知印不預奏事止就宣徽使廳上事殿廷別設塼位勅

尾署銜月俸下宰相一等雜給半之未欲與曾齊也

秋頒刑統幸北郊觀稼冬命將伐蜀陝靈武饑詔轉粟

賑貸

是歲回鶻來貢

三年春帥全斌攻蜀劔門克之獲將帥光

義彬取蜀五州會師拔成都得蜀主杲兩川平

杲父知祥有兩

川稱帝在晉漢之際屬中國多故悉有王衍故地卒杲

襲位年少奸擊毬走馬又為力士房中術多採良家子

充後宮將相大臣皆知祥故人多驕蹇殺之聞宋下荆

潭遣間使以蠟丸書通北漢約出兵撓中國為邊吏所

得帝曰吾西伐有名矣命忠武帥王全斌出鳳州崔彥

進副之江寧帥劉光義出歸州曹彬副之謂之曰吾所

欲得者土地餘財帛一以給將士不私也且命為蜀主

治第于汴水涯五百餘間供帳什物皆具招徠之王昭

遠者成都人年十三事僧為行者知祥飯僧見而悅之

使侍杲學以見親杲立為樞密使聞宋有師命自詔知

兵請得將杲命之將遣大學士李昊等出餞之昭遠手

執如意指揮軍自此諸葛亮酒酣謂昊曰是行何止

取中原反掌爾杲又遣子玄詰率精兵數萬守劔

帶將愛姬携樂器從俗人數十以行王全斌等緣

鳳州入取興州拔二十餘砦薄維川昭遠悉精銳逆戰連敗保劍門師次于盆光降卒言蜀人於盆光江置柵而盆光東對岸越大山數重有徑名來蘇自此出劍門南二十里至清疆乃與大途合誠繇此擣之卽劍門不足恃也全斌喜立遣別將前跨江爲浮梁以濟趨來蘇戍柵卒見之驚自潰昭遠聞留偏將守劍門欲退屯漢源以待敵未至而劍門已破昭遠股慄失次據胡牀不能起全斌進擊大破之昭遠走東川匿倉舍下流涕目盡腫追執之玄喆聞焚所過廬舍倉廩而遁初夔州鑠江有浮橋設敵棚三重其上而具礮石弓弩以待難師行時帝以地圖示諸將指鑠江謂曰師泝流至此必勿以舟競當以步騎先登陸搗之卻而後以戰擢進可破也至是光義等自歸州入進至夔距鑠江三十里先登奪浮梁因拿舟進大破之蜀將張彥壽戰疾力敗自焚夔克萬施開忠四州全斌陸道多殘戮惟舟師所至完安已師會于蜀攻魏城蜀主皇駉命李昊草表詣師降而全斌入成都師自發汴至受降凡六十六日得州四十五縣百九十八遣景以其家赴汴景至汴素服待罪闕下帝御崇元殿禮見之拜簡較太師兼中書令封秦國公玄喆泰寧軍節度使景尋卒追封楚王景母李

氏本唐莊宗宮人也。至汴。帝命以肩輿入宮。勞苦之。謂之日。毋善自愛。無戚戚。異日當送母歸蜀。李泣對日。妾太原人。願歸老太原。不願蜀。時宋王有北征意。聞其言大喜。禮待之。及景卒。母不哭。以酒酹地日。汝不處社稷。貪生以至今日。吾所以悲感者。為汝在爾。今汝死。吾何用生為。不食數日亦卒。帝悲傷其意。厚賻葬焉。置諸路轉運使。秋籍。罷國驍勇補禁衛。是歲于闐回鶻高麗來貢。四年

夏。罷光州貢鷹鵠。罷餘羨。立賞格。求遺書。冬。兩川平。是歲

于闐占城來貢。五年春正月。平伐蜀功。罪全斌。彥進仁贍貶官。

彬。光義進官有差。初王全斌等既克蜀。宴飲不戢。軍軍行剽蜀人苦之。副部署彬請旋師。不

從。既有詔發蜀卒赴汴。給裝錢。全斌等滅不給。蜀卒憤怨。行至綿。擁蜀文州刺史全師雄。推為帥。作亂。全斌遣來光緒往招撫。光緒盡滅師雄之族。而辱其愛女。師雄怒。率眾攻彭州。據之。自稱興蜀王。邛蜀等十六州平應之。全斌戰失利。係成都。時城中降兵未遣者尚二萬七千人。全斌誘致夾城中盡殺之。師雄屯新繁。光義彬進

擊大破之。亡走郛。走金堂。病歿。會帝遣客省使王德裕等分道招輯。蜀乃平。帝自聞蜀亂。蜀使至。具詢全斌等不法事。盡得其罪狀。師旋。詔以殺降枉法事薄責之。令置對。皆具伏。王仁瞻歷詆諸將。冀自免。帝嘻笑之。曰。納李廷珪女。聞封德庫。取金寶。此爲誰。仁瞻伏地請死。帝乃太息。曰。此行清介畏慎。惟獨曹彬一人。於是全斌彥進。仁瞻等盡屬吏。責降有差。特授彬宣徽南院使。義武軍節度使。優賞之。彬入謝。曰。征西諸將皆獲罪。臣何敢蒙恩。帝曰。卿有茂功。又不矜伐。懲勸國常典。何可廢也。因問官吏善否。彬對曰。臣職監軍旅。官吏非所得察也。周問之。薦沈義倫。即以爲樞密副使。三月。五星聚奎。詔諸道舉部內官吏才德

優異者。夏六月朔日。獨秋免諸州水旱戶今年租。河湓人起復

相曾平章事。是歲。將荆西南蕃來朝。開寶元年。帝九年。春二月。立皇

后宋氏。詔舉人關食祿家者。委中書覆試。夏五月。詔諸州恤刑。詔荆蜀民祖父母父母在。子孫不得私財異居。

冬十一月。饗太廟。翼日郊。大赦。

十二月朔日。饗。是歲。大食國來貢。

二年

春。伐北漢。親征。圍太原。不克。夏六月。帝至自太原。

是歲。西南

夷回鶻于

三年春。詔州縣民五千戶。各舉孝悌德行純

茂者一人。

里間。近審連署。治裝齎詣闕。

徵處士王昭素。為國子博士。

夏四月朔日。饗。

秋。省州縣官。增其俸。詔脩前代帝王陵。被盜發

者。冬。伐南漢。滅桂陽。監歲課。

是歲。女真來貢。

四年春二月。克廣

州。得南漢主。張廣南平。

南漢得國。自劉隱事。具五代志。張嗣世而昏。謂羣臣皆自有

家室。顧子孫不盡忠。惟闔無家室。無內顧忠。遂委政。閣人龔澄樞。與才人宮婢。日夜為淫戲。帝令南唐主為書。

諭。張使。稱臣。歸所侵湖南地。張因唐使。驛書答。不遜。唐上其書。乃以潘美為桂州。遣行營都部署。戶從珂。為副。

伐之。時南漢舊將。以讒構誅。成宗室。剪滅盡。又自歲以來。耽宴遊。城壁濠塹多飾。為宮觀。池沼樓櫓。皆毀。兵器

頓腐、美進圍賀州。張遣將王彥柔援之。美伏奇兵南鄉岸以待。彥柔夜泊岸，莫測也。晨登岸，方踞胡牀坐，指揮卒而伏兵卒起擒斬之。梟會示城中，遂破克之。督戰艦聲言順流趨廣州。張遣將屯賀江禦之，而美徑趨韶州。拔桂連，張聞之喜，自寬曰：「韶桂連賀，本湖南地，今北師欲之，吾知其不復府矣。」美攻韶州，張將李承渥將兵十萬禦之。陳蓮花峯下，漢俗故教象爲陣，每象載十餘人，執兵仗戰，刳之陣前。壯軍威，美集勁弩射之，象奔蹏反，蹂承渥軍。軍大敗，遂拔韶。克英雄二州，進廣州北十里。而軍張用宮媼梁鸞真薦其養子郭崇岳以爲將。崇岳無謀勇，唯日祠禱鬼神，守柵塹爲固。美謂諸將曰：「彼編竹木爲柵，火攻之必亂，夾擊之可破也。」遂分遣人宵篝火造其柵，燔之。天大風，煙埃溢起。南漢軍大崩。崇岳歿，張遣使約降，而潛取海船十餘載金寶妃嬪，欲入海。未發，宦者樂範與衛兵盜船走龔澄樞。李托縱火焚府庫宮殿，一夕盡。明日，張出降，軍入城有宦者百餘輩盛飾來請見。美曰：「是祿人多矣。」吾奉詔伐罪，正爲是輩悉斬之。得州六十縣，二百四十。張至汴，帝簿責其反覆及焚府庫罪。張歸罪澄樞托。明日，帝御明德門，斬冬十月澄樞托，釋張罪，授右千牛衛大將軍，封恩赦侯。朔日

十一月郊大赦

是歲三佛齊來貢

五年夏以霖雨放宮女三

百八十人六月

河決濮陽陽武汴決穀熟

詔有習河渠事知疏導為

經久計免重勞者許詣闕若附驛奏

九月朔日饗○是歲高麗占城三佛

齊來貢

六年春三月周鄭王殂秋八月相晉罷

晉獨相十年專掌以

私怨誣論馮瓚李奚機賊致之歟廷臣多忌惡之帝幸

其第會吳越使致海物十瓶置廡下倉卒未及展問之

晉以海物對帝曰海物必佳命啓視皆瓜子金也晉惶

恐謝曰未發書實不知有金帝笑曰受之彼謂國家事

繇汝書生爾會禁販秦隴大木晉遣親吏詣秦隴市屋

材治策聯巨筏下吏竊貨粥之三司使趙玘以聞帝紫

厭怒之矣御史中丞雷德馨劾玘強市人田宅聚財

賄帝怒嫚罵之曰鼎鑪尚有耳汝不聞趙玘吾之社稷

臣乎怒提曳之貶知商州奚瓚希晉意奏德馨釀怨望削

籍流靈武子有鄰意晉之使之也擊登聞鼓訴中書不

法事下御史獄鞠實帝愈益疑晉詔參知政事呂餘慶

薛昂止與晉更知印押班更奏事分其權晉不自安求

罷政許之出爲河陽三城節度使參政餘慶罷餘慶幽州人帝在周更

重厚簡易嘗當國自專餘慶退然爲之後曾忤旨廷臣爭傾之餘慶獨爲申理尋疾免爲尚書左丞無何卒

封弟光義晉王班宰相上門下侍郎居正呂中書侍郎

義倫沈同平章享冬十月葬周恭帝行開寶通禮是歲古城

交趾七年春二月朔日觸丙戌日中有二黑子夏河中饑淮水溢泗州城

河溢安陽壞民居賑之秋九月伐江南是歲占城大食三佛齊來貢

八年夏六月彗出柳歷東壁三月乃滅秋七月朔日觸九月狩近郊詔州縣

令佐察民孝悌力田奇才異行及文武可用者遣詣闕

冬都部署曹彬克昇州得江南主煜江南平煜得國自王父李昇

爲吳相徐溫養子冒姓名徐知誥者也受吳禪僭號佔金陵復姓名自云唐宗室後國號唐卒子景立困於兵

稟周正朔事具五代志宋興景遣使入貢帝平楊州閱
 舟師于迎鑾鎮唐主懼遣子從鎰朝行在乃班師徙都
 豫章卒子煜立事朝廷益恭每出師及嘉會事必遣使
 犒師貢賀以嶺南平而懼表請改江南國請賜詔名又
 貶損制度官號而天子意未厭也遣知制誥李紘諭旨
 令入朝煜恐見畱固稱疾不朝命曹彬爲西南路行營
 都部署潘美爲都監曹翰爲先鋒帥師伐之加吳越王
 俶昇州東南行營招撫制置使初江南池州人樊若水
 舉進士不第謀歸宋乃漁釣采石江乘小舟載絲繩其
 中維南岸疾棹抵北岸凡十數往返得江之廣狹因詣
 汴上書言江南可取請造浮梁以濟師帝然之以爲右
 贊善大夫遣使往荆渚而下或謂江深濶古未有以浮梁濟
 載巨竹紆自荆渚而下或謂江深濶古未有以浮梁濟
 者姍笑之若水請先試於石牌口移置采石不差尺寸
 當是時彬督荆南軍破峽口砦擊池陽下之克當塗蕪
 湖軍采石矣潘美以若水所造浮梁絕江濟如履平地
 軍白鷺州新林港田欽祚克溧水次秦淮馬軍都虞候
 李漢瓊取巨艦實荻葦乘風縱火拔城南水寨又拔其
 關賊遂聞金陵時江南不用兵者久諸老將皆沒新進
 主兵者不知兵顧易言兵聞師命踴躍陳利害故一戰

而毀煜素信浮屠法、出禁中金錢、度人爲僧尼、退朝與后服僧衣、誦佛書拜跪、手足皆成贅悅、宋所遣少有口僧、信重之、稱一佛出世不復以治國守邊爲意、日於後苑引僧及道士、羣誦講、不恤軍、以兵事屬統軍皇甫繼勲、繼勲素貴驕、無效成意、獨欲勸其主速降、未敢言、偏裨有募敢成士、夜縋城擊宋師者、扶其背、囚之、軍書告急、莫得通、宋師駐城下累月、煜猶未知也、一日煜登城望、則宋師柵城外四塞、旌旗蔽野矣、始知爲繼勲所蔽、取殺之、立遣使召神衛軍都虞候朱令贇、以上江兵入援、遣徐鉉詣汴求緩師、鉉入見、言煜以小事大如子事父、陛下師出無名也、帝曰、爾謂父子爲兩家可乎、鉉論辯不已、帝按劍直視之、曰、不須多言、江南亦有何罪、但天下一家、臥榻之側、豈容他人鼾睡耶、鉉惶恐辭歸、朱令贇自湖口入、號十五萬、順流東、戰擢將王明、樹長木洲浦間若帆檣、疑之、逗遛不敢進、而潛與諸軍合勢、大破之、吳越王又破唐常潤州、於是彬遣人諭煜降、曰、毋苦一城生聚爲也、猶不聽、時大師圍金陵、自三月至于八月、久困矣、彬柵守不急攻、城中出微戰、乃擊之、而城中日迫、城且陷、彬忽稱疾不視事、諸將入問疾、彬曰、余之疾非藥不能愈、惟諸君誠心自誓克城、日、不妄殺一

人自愈矣。諸將許諾。其焚香籲天誓不殺。彬即稱愈。明日出視師。又明日城陷。兵不血刃。人頌慕歎。以為三代王者之師也。唐相陳喬入見。煜請處。煜曰。此自歷數。卿何罪。喬出自經處。勤政殿學士鍾倩朝服坐于家。聚族。先是。統軍李雄及子八人具戰。歿而煜以反間殺其南都留守林仁肇。及是。率臣僚詣軍降。彬以賓禮禮之。請入宮治裝。彬從數騎駐宮門外。以須左右。日。煜入或不測。奈何。彬笑曰。煜素懷無斷。既已降。必不能自裁。煜治裝畢出。遂詣汴。得州十九軍三縣。九年。帝十有七年。百有八十。是歲大食三佛齊來貢。春封。

李煜為違命侯。曹彬為樞密使。吳越王錢俶來朝。夏四。

月。祀園丘。赦帝至自西京。

六月。熒惑入南斗。

冬十月。帝崩。

壽五十八。

尊諡。啓運立極英武聖文神德皇帝。廟號太祖。

始太祖既代周有天下。鑒唐五。

代之弊。主威不振。而天子之命。下制於六軍。召親臣。曾。

趙問。保國長世之策。曾曰。陛下慮及此。天地神人之福。

也。本五季所以亂。繇方鎮太重。君弱臣強而已。今欲係世長治。必徐奪方鎮權。盡制其錢穀甲兵。帝躍然曰。已。諭時宿衛將石守信。王審琦。具以翽戴功典。軍曾以爲言。帝曰。諸人吾腹心。吾安之。不吾叛也。曾曰。諸臣碌碌。臣亦豈憂其叛。然其人皆非統御才。脫令軍伍間欲富貴者。萬有一擁爲變。彼何得自繇哉。太祖悟。一日晚朝退。夕矣。召守信等宴宮中。飲甚歡。酒酣。帝喟然歎。諸將前請故。帝慨然曰。我非公等不至此。然爲天子大艱難。何渠若爲節度使之爲樂乎。吾在位。每竟夕未嘗一安枕也。守信等愕然起請故。帝曰。今天命未有定。人心莫

測也。居此位者。公以謂無危乎。守信等皆前頓首曰。陛下何爲出此言。今天命大定。中外臣誰或敢有異心者。何謂危哉。帝曰。極知公等無他腸。藉令麾下欲富貴者。一旦以黃袍加公身。欲自免得乎。皆泣頓首曰。臣等愚不及此。惟陛下哀憐。示可生之塗。帝乃言曰。人生世間。如白駒過隙。所爲樂富貴者。不過欲多積金錢。厚娛樂。使子孫世世無貧乏耳。公等胡不釋去兵權。擇便好田宅市之。爲子孫立永久不可動之業。置歌兒舞女。日夕歡宴。怡天年。朕與公等約。世世爲婚姻。令君臣之間。兩無猜嫌。顧不善乎。皆再拜稽首曰。陛下念臣等及此。所

謂生灰而肉骨也。明日皆稱疾乞解兵。於是各以散官

就第。奉朝請。而所以慰撫賜賚之者甚厚。

已帝悅天雄帥符彥卿欲

復令典兵會屢爭不聽且宣敕會懷之入復爭帝曰朕待彥卿厚不吾負也會叩對曰陛下何以負周世宗帝默然命

尋以方鎮肆虐民被荼毒遣中朝官有才望者

百餘人。領知州。分治大藩。已。又置諸州通判。凡軍民政

務皆統治。事專達。與長吏鈞禮。大州或二員。已。又以常

參官彊幹者。知縣事。親民。而節鎮所領支罷。皆直隸京

師。得自奏事。不屬藩。始藩鎮屯重兵。務厚稅歛。以自贍。

名上供。名送使留州。多自予。而上供者甚少。民租入。若

他場務。率親吏課視。務掊克而輸貢。無幾。上下交病。至

是詔遣使詣諸州。歲監民輸租。納場務課。民始甦。已詔
州置轉運使。諸州度支經費外。悉輸京。毋占留。轉運使
缺。令文臣權知所在場務。節度防禦觀察使。及刺史。皆
不與簽書金穀之籍。於是錢賦權盡歸上矣。始藩鎮擇
州縣健壯卒爲牙兵。厚結之自衛。餘補伍。天子不得調
一兵。至是命諸州縣各選所部兵。諸才力武藝殊絕者
送都下。補禁旅之闕。餘乃畱州。而曠悍之士。畢隸於禁
籍。又立更戍法。分遣禁旅戍邊城。使往來道路習勤苦。
均勞逸。而將不得專兵。帝謂宰臣曰。人命至重。五代諸
侯跋扈。有枉法殺人者。咸置不問。何痛而不德也。自今

諸州決大辟。各上讞。付刑部覆視。已。鳳翔節度使王彥超等。及諸方鎮入朝。皆五代宿將。乘暇擾擅土者。宴後。范帝從容勞之曰。卿等國者舊。而人勞於外。非朕優賢敬老之意也。彥超等論意。前奏乞骸骨。明日。皆進勳秩。罷鎮。奉朝請。於是諸節鎮二百年專擅盤據諸宿弊。盡根株拔矣。初。世宗詔均田。未有定。下詔言度田。蓋欲勤恤下民。而敝愈甚。今當精擇常參官。敏幹慈惠者。詣諸州度之。又詔曰。州縣課民種植。定戶爲五等。第一等種雜木百。每等減二十爲差。桑棗半之。男女十歲以上。種韭一畦。闊十步。長吏以春秋巡視。爲著令。詔又曰。世多

故義倉寢廢。歲小歛。輒失豫備。令諸州於所屬縣各置倉官。所收兩稅石。別稅一斗貯之。備凶歛。給貸。故事。三司諸場院。獻羨餘粟萬石。芻五萬束。以上賞主者。知光化軍張全操言。吏非倍取。尅與安得羨。請蠲之。詔罷獻羨餘。初。世宗詔營國子監。置學舍。未訖工。建隆初。學成。帝親視學。命繪先聖先師像。屢詣學祀焉。自爲孔顏贊。書坐端。餘令文臣分撰贊焉。幸武成王廟。觀兩廡。指白起像曰。起殺已降。不武之甚。胡爲乎於此。命去之。帝他無嗜好。退朝暇。卽觀書。雖軍中手不釋卷。購遺書。不惜千金。謂侍臣曰。方天下亂。士庶奔走失學者。从宜勸學。

興教。卽武臣皆令讀書務學。毋面牆。於是臣庶始寢寢貴文學事矣。初定百官。每五日內殿起居。各以次轉對。其劄子指陳時政得失事關急切者。許非時上章。省州縣官。增其俸。詔曰。吏員猥多。難以求治。俸祿鮮薄。何以責廉。與冗員而重費乎。無寧省官而益俸也。諸州縣以戶口爲率。差減其員。俸月增給五千。詔察民孝弟力田。奇材異行。文武可用者。以聞。毋求備。其守難進之節。不願仕者。勿奪其志。試貢士。詔曰。造士之選。匪樹私恩。世祿之家。嘗敦素業。繼自今。闕食祿之家。得舉者。下中書覆試。著爲令。教坊使衛德仁以老。援同光故事。求領罷。

帝曰。用佗人爲刺史。自莊宗失政。朕豈當效尤。不許。宰相擬上州司馬。帝曰。州佐乃士人所處。資望甚優。亦何可輕授。第當於樂部中遷轉耳。命爲大樂署令。桂陽上銀課。詔曰。古者不貴難得之貨。後代賦及山澤爲侵削。深疚于朕衷。縱未能捐金於山。亦豈忍奪人之利。桂陽監歲所輸銀課。其減以利民。初。周世宗命大臣作刑統。未頒行。詔刻布天盛暑。詔諸州縣獄吏。五日一簡視。灑掃獄戶。洗滌桎械。貧者給食。病者給藥。小罪卽決遣。毋畱歲爲常。寬竊盜死刑。詔曰。王者臨下以簡。必務哀矜。屬世亂離。則糾之以猛。人知耻格。必濟之以寬。竊盜本

非巨蠹。近代立制。重於律文。何痛而不德也。自今竊盜。賊蒲貫足百者。乃死。幸洛陽。詔鳳翔雍輝等州。周文武成康。若秦漢諸帝。凡二十七陵在焉。州縣護視。其被盜發掘者。有司備法服各一襲。具棺槨瘞之。禁興寺。詔曰。古者一夫耕。五人食。然且有受其餒者。今一夫耕之。十人從而食之。天下何得不重困。卒有水旱。亦何繇資生乎。東南俗民游惰失職者。跨村連邑。去而爲僧。朕甚疾焉。節佛寺。已廢於顯德中者。禁毋得擅興。諸庶政。彌綸備具。類如此。始天下分裂。而南漢爲淫暴。爲燒煮剝剔。刀山劍樹之刑。賦歛繁重。帝聞之。太息曰。吾當救此一

方民自王全斌平蜀多殺略多取子女金帛帝深以爲恨及遣曹彬伐江南論之曰江南之事一以委卿本念卿能戢下不爲民疾苦故遣卿切勿暴掠生民務廣威信使自歸毋爲急擊也城陷日慎無殺戮卽困鬪李煜一門切不可加害且以劔授彬曰副將而下不用命者斬之江南平捷至羣臣稱賀帝泣曰寓縣分割民受其禍攻城之際必有橫罹鋒刃者是可哀也命出米十萬賑之初計下太原相曾曰太原當西北二邊太原下則邊患我獨當之是爲敵受兵也請以爲後圖待諸國平卽彈丸黑子之地將安逃乎帝笑曰吾意正然一日帝

以幽薊地圖出示晉。晉閱圖訖。起請曰。圖必出曹翰。帝曰。然。翰可取否。對曰。翰可取。孰可守。帝曰。以翰守之。晉曰。翰死。孰可代。帝默然者久之。曰。卿可謂遠慮矣。因謀者謂漢言。君與周世讐。宜不屈。我與爾無間。何爲困此一方民。若有志中原。宜下太行。決勝負。不然。毋久涸涸爲也。漢主鈞謀報曰。河東土地甲兵。誠不足當中國之十一。然我家世非叛者。區區守此。獨懼劉氏之不血食耳。太祖哀其言。故終鈞之世。不加兵。諸國旣下。必曾饒通負。滌煩苛。賜乏絕。雪冤滯。惠農厚下。振拔人材。一主於懷安已。念山前後十六州。爲契丹有。於大內置藏。曰。

封椿庫。荆湖川廣諸所藉金帛。若歲終會歲用之餘。皆入焉。諭侍臣曰。石晉割幽燕賂契丹。使諸州淪爲異域。朕甚念甚痛之。俟封椿蒲三五百萬。卽遣使往贖。使還爲中國民。不然。當散爲將士功賞。冀必得。終不令吾赤子陷於左衽也。嘗幸西京。次鞏。拜安陵。賜河南民今年田租之半。至洛陽。祭天地南郊。都民垂白者聚觀。咸太息相謂曰。我輩少遭亂離。苦不聊生。不圖今日獲見太平。天子儀衛有泣下者。帝欲留都洛。群臣諫弗聽。晉王光義力言其非便。帝曰。遷河南未已。終當居長安耳。光義問故。帝曰。吾欲西據山河之勝。去冗兵。循周漢故事。

安天下耳。光義曰：在德不在險。力請還汴。帝不得已從之。因嘆曰：不出百年，天下民力殫矣。諸規慮弘遠如此。時天下畧定，惟北漢銀夏燕未下。於延慶環厚靈武，各置帥以備西夏。關南瀛常易棣，各置帥以拒北敵。晉隰昭義西山各置帥以禦太原。帥官不過巡簡，使無慮易制。而恩遇如骨肉。每入朝，必命坐賜宴，款洽之。罷中關市相賦聽恣用，不問其出入。所回易免所過征稅，得便宜制軍。李漢超帥關南，民有訟其強取已女爲妾及貸錢不償者。帝召問曰：汝女可適何如人？對曰：農家。又問：漢超未至關南時，契丹何如？對曰：歲苦侵暴。曰：今復爾。

耶對曰。無之。帝曰。漢超朕貴臣。汝女爲之妾。不庸愈於
農家婦乎。且漢超不在關南。汝身家不自保。於貨財何
有。責其人遣之。而密使諭漢超曰。亟還其女。并所貸。朕
姑貰汝。勿復爾爲也。卽不足於用。宜告朕。何橫放病民
爲耶。漢超感泣。郭進在西山。令峻嚴。帝遣戍西。必諭之
曰。汝輩謹奉法。我猶貸汝。郭進殺汝矣。有軍較自西來。
誣訟進不法事。詔之情得。送進令殺之。至。會有寇進。激
使之曰。汝能訟我。信有膽。今虜至。能奮殺虜乎。汝有功。
貸汝。卽不能成。與走惟汝矣。卒踴躍赴敵。竟破敵。上其
功。帝愈益信厚之。董遵誨者。漢隨州刺史宗本子也。帝

微時客宗本所。遵誨憑父勢。靳侮之。謂帝曰。每見城上
有紫雲如蓋。又夢登高臺。遇黑蛇。約長百餘尺。俄化龍。
騰去。是何祥也。帝不對。與論兵語。屈直視帝。拂衣入。帝
乃辭宗本去。及卽位。以宗本妻在幽州。迎致優賜之。召
遵誨至。謂之曰。卿頗憶曩時紫雲黑蛇之事乎。是何祥
也。遵誨惶恐謝。死罪。授通遠軍使。遵誨至鎮。召諸族酋
長。論朝廷威德。皆感悅。後數月。虜來擾邊。則率兵深入。
俘斬之。夏州以安。遇諸大將。尤恩。方伐蜀時。大雪。帝御
講武殿。服紫貂裘帽。以視事。忽謂左右曰。我被服如此。
體尚覺寒。念西征將士。冒霜雪御敵。何以堪處。卽解裘。

帽遣中使馳全斌軍賜焉。仍諭諸將曰：「不能徧及也。」全斌拜賜感泣。故所向有功。嘗圍太原。都虞候趙延翰率諸班衛士叩頭請先登。帝曰：「汝曹皆朕所與備肘腋。同休戚者也。寧不得太原。何寧忍驅汝曹冒鋒刃。赴必成之地乎？」故自總戎以至於爲帝。士卒畏愛。能得其成力。而當法不貸。王彥昇以擅殺周侍衛韓通。雖佐命終身不授節鉞。內臣李承進故遼事後唐。帝召問莊宗時事。承進曰：「莊宗好畋獵。務姑息。將士每出次近郊。禁衛卒必控馬首。告兒郎輩寒冷。望增賜祿秩。莊宗立隨所欲給之。其所以失天下。本威令不行。賞罰無節之過也。」帝

聞之。相懼。太息曰。二十年來。河戰爭取天下。不能用軍法。約士伍。誠兒戲。朕今撫養士卒。固不吝爵賞。苟犯吾法。惟有劍耳。堂簡川蜀兵。健銳者爲宿衛。號川斑殿直。廩賜優給。與御馬直等。比郊還行賞。以御馬直從。特給賞。川斑直擊登聞鼓。援例請帝怒曰。朕之所與。卽爲恩澤。豈有例耶。斬妄訴者四十人。餘悉配諸軍。廢其斑。帝仁孝。豁達。質任自然。不煩學作而合。新宮成。御正殿坐。令洞開諸門。皆端直。軒豁。太息謂侍臣曰。此如我心。少有邪曲人。皆見之矣。又謂宰相薛居正曰。朕夙夜畏懼。防非窒欲。庶幾以德化人之義。寧罷朝坐便殿。不樂者

以之左右請其故曰屬乘快決一事而誤故中自訟耳
嘗幸玉津園宴群臣醉旁狎明日謂侍臣曰沉湎非令
儀也朕昨此之甚自悔獵近郊逐兔馬蹶墮引佩刀刺
馬殺之已而曰好畋敗德馬何罪遂止不復獵一日於
後苑中彈雀有上謁者稱急事問之帝亟見閱所奏常
事耳怒詰之對曰臣以謂於彈雀猶爲急耳帝大感賜
帛嘗大雨河決焚香禱天曰天災流行願當朕躬勿及
民又謂宰相曰霖雨不止非時政有闕而然耶朕日夜
焦勞罔知所指相曾對曰陛下臨御來憂勤庶務有弊
必去聞善必行苦雨爲災乃臣等失職所致帝曰朕與

卿輩當兢惕交修。當是時。帝以心膂遇曾。時行微行詣曾家。與計畫天下事。每退朝。曾不敢脫衣冠而臥。一日天大雪。且暮矣。曾解衣臥。已聞扣門聲。亟出視。見帝立風雪中。惶恐走迎拜。帝曰。已約晉王矣。已而晉王至。設重裯地坐。堂中熾炭燒肉。曾妻出行酒。帝以姓呼之。江南主以銀五萬兩遺曾。曾人白請無受。帝曰。受之第薄賂其使者可也。既而江南入貢。常數外。加賜白金五萬。如遺曾之數。江南主駭服。以爲上君臣同體如此。又何可得間也。嘗讀二典。太息曰。方堯舜時。四凶之罪止於投竄。何近代法網之密耶。故自開寶來。犯大辟非情理。

深害者。多貸成。謂宰相曰。愚下之人。不分菽粟。可矜也。不可虐也。州縣不能撫養。爲奇暴。朕甚痛之。詔賊吏棄市。獨未嘗貸也。宮中懸蒿簾。緣以青布。御衣服浣濯者。至丹。永寧公主嘗衣貼繡鋪翠襦入宮。帝謂之曰。此與我。汝自今勿復爲此飾矣。主笑曰。此所用翠羽幾何。而重惜爲。帝曰。不然。主家服此。宮闈戚里。必更相效。九京城翠羽價高。人爭捕鬻。傷生必多。汝生長富貴。當念惜福。奈何。造此爲惡業。端乎。主慙謝。或請帝用黃金裝輿輦乘者。帝笑曰。我以四海爲家。今宮殿盡以金銀飾之。力亦可辦。但念爲天下守財。不可妄用耳。苟自以奉養。

爲意天下之人必有受其弊者。亦胡寧忍此也。周主宗訓。俎爲素服發哀。輟朝三日。謚恭帝。葬慶陵側。慶陵者世宗陵也。諸降王就道。遣中使迎勞。里益進。比至。以賓禮禮之。優假秩祿。資及其宗親。賜田宅。使子孫世守。擁護係全。皆以壽考終。劉鋹在國時。多置醢毒。臣下一日帝幸講武池。鋹先至。以卮酒賜之。鋹疑其毒也。捧盃泣曰。臣承祖父基業。拒違朝廷。勞王師致討。罪固當誅。陛下旣待臣以不死。乞全旦夕之命。爲大梁布衣。觀太平之盛。終陛下生成之恩。太祖笑曰。朕推心置人腹。安有是耶。取鋹酒自飲。而別酌賜鋹。鋹大慙謝。吳越王俶未

朝。賜禮賢宅以居。親幸宴之。命與晉王爲昆弟。封其妻
孫氏爲王妃。留兩月而遣辭。賜以黃襖。封識甚固。曰。途
中宜密觀。及啓之。則皆群臣乞留。俟章䟽也。俟甚感懼。
歸視事。命徙坐堂東偏。曰。西北神京在焉。天威不遠。顏
咫尺。俶敢寧居乎。每脩貢。必別於庭。焚香再拜而後遣。
帝頗好微行。或諫其輕出者。帝笑曰。帝王之興。自有天
命。求之不可得。拒之不能止。周世宗見諸將方面大耳。
者輒殺。我終日侍不害也。誠應爲天下主。誰能圖之。不
然。卽深居閉門。何益。而微行愈數。有諫者。輒曰。有天命
者。任自爲之。不汝禁也。初。昭憲太后杜氏生子男五人。

及建國。惟晉王泰王存。太后疾。太祖侍湯藥。不暫離左右。太后疾大漸。謂帝曰。上知今所以得天下乎。帝嗚咽。不能對。已對曰。祖考及皇太后積慶之力也。太后曰。不然。繇周世宗使幼兒主天下。故汝得至此。汝萬歲後。當傳位光義。光義傳光美。光美傳德昭。國有長君。社稷之福也。太祖泣曰。謹受教。時趙曾在侍。后顧謂曾曰。爾同記吾言。不可違也。帝命曾。卽榻前爲誓書。於紙尾署曰。臣曾記藏金匱中。令謹密宮人掌之。帝友愛天至。而晉王自陳橋師出時。實與翊戴功。所與謨諱天下事甚衆。帝數幸其第。恩禮優渥。王有疾。帝親爲炆艾。王諱晷。步高

反

帝亦藝艾自灸曰。吾以分痛也。每對近臣言。晉王龍

行虎步。他日必爲太平天子。福德非吾所及也。卒致國

于晉王而崩。

史稱帝崩之明。文內侍王繼恩以遺詔迎王入踐祚。或曰。非也。帝不豫。王子夜召晉

王人侍。并左右屬後事。人皆不得聞。但遙見燭影下。晉王時離席有遜避狀。帝引斧戮地大聲曰。好爲之。而帝崩。紀載異。因以啓後疑。至謂太祖不得正其終。然太祖友愛禪讓本繇衷。太宗無間隙。而忽爲劉劭朱友珪所爲。理必無之不足深辯也。

論曰。自三代忠質文異尚。而天道周。漢祚鴻博。唐運昌

明。至趙宋而仁厚立國。歷幾于有周。雖運世每下。而天

運之循環者一也。革命之日。朝無改官。市不易肆。削平

僭國。兵不血刃。弔伐之意溢然。諸禮賢任相。務農興學。

慎刑緩賦。恢恢乎有長世係後之規焉。雖其得國。視晉漢周何遠。而獨稱順守矣。然佐命諸將相。視漢唐差省。故風烈微不競云。噫吁。豈非天哉。豈非天哉。非天命孰能以一人兼將相而帝者哉。

太宗真宗帝紀

太宗皇帝。初名匡義。改光義。宣祖第三子也。

杜太后夢神人捧日

以授而生生隆準。龍顏仕周。為供奉官。都知太祖即位。封晉王。嗣統。

開寶九年冬十月。即

位。弟廷美為開封尹。封齊王。先皇帝子德昭。武功勳王。

德芳興元尹。尊皇后為開寶皇后。

改是年為太平興國元年。赦中書

侍郎多遜。

盧

同平章事。樞副昭輔。

楚

為樞密使。召綠邊

禁戢戍卒毋侵撓外境。群臣有論劄許實封奏聞請面

對者立引對無雍詔諸道轉運使察舉州縣官吏能否

等第歲以閏罷河東兵請武池遂幸玉津園是歲遣使者如

遼告哀遼使來二年春進士第及第者百有九人夏

四月葬永昌陵祔太祖樂日大定之舞以孝明皇后王氏配

○是歲河湓開封等入興州江湓泮濮州大水冬十一月朔日饒就勃泥占城


人食黎川雨三年春吳越國王錢俶來朝陳洪進獻漳

林蠻來貢泉州俶納土封淮海國王俶字文德臨安人吳越王元

第九子也襲吳越王宋初貞奉加常數帝亦厚資之賜功臣號命有司造大第

薰風門外連亘數坊儲什物畢具名禮暨宅待客

賜之討江南以為昇州東面招撫制置使李煜貽書曰今日無我明日豈有君一旦天子易地酬勲王亦大愛



一布衣耳。倣不答。以書上。加守太師。九年。倣與妻孫子
 惟濬、孫承祜來朝。太祖遣皇子德昭出迎。勞召對崇德
 殿。賜劍履上殿。書詔不名。命與帝為昆弟。及是。復來朝。
 宴長春殿。命劉銀李煜與又平海師陳洪進來納土。相
 崔仁冀說倣納土。不且禍。倣左右爭言其不可。仁冀曰。
 斯庸得已乎。今去國千里。已在人掌握。非有羽翼。何得
 去。倣乃表其境內州十三。軍一。縣八十六。以獻。帝辭讓
 已而許之。朝退。將吏始知。皆慟哭曰。吾王不歸矣。詔封
 淮海國王。授弟儀信。並觀察使。子惟濬。惟治。並節度使。
 族屬僚佐。各授官有差。君子曰。百川宗海。而燭火不與
 太陽爭明。則分定故也。天方贊宋。知幾者無咎。用壯者
 有悔。議者亦猶然。以三代成社稷。為比。間之。豈不悖哉。

詔職官贓罪。雖赦不得叙。

滑州黃河清

冬。孔子後。宜襲封文。

宣公。十一月。祀天地園丘。赦。

是歲占城高麗夷州蠻來貢

四年春。帝

自將伐北漢。夏四月。攻太原。得其主繼元。北漢平。秋。及

契丹戰高粱河。敗績。詔珣師。帝至自范陽。

北漢得國自劉崇。崇有子

日鈞有女女薛釗而釗成子奴漢祖令鈞養爲子曰繼
恩已女復嫁何子生而何又成亦命養爲子曰繼元皆
冒姓鈞嗣立國小困於兵憂憤成疾卒繼恩立繼恩卒
繼元立至是帝以天下大定欲取太原一封疆命宣徽
南院使潘美爲北路都招討使部諸將伐北漢雲州觀
察使郭進爲太原都部署屯石嶺扼契丹援師契丹使
者來言曰何名而伐漢也帝曰河東途命所當討北朝
不援當和約如故不然惟有戰耳已命沈倫爲東京留
守王仁贍爲大內都部署居守而自將諸軍圍太原漢
求救於契丹契丹師來救進邀擊大敗之以其俘列城
下示漢漢人奪氣繼元降凡得州十軍一縣四十一墜
其城改爲平晉縣以榆次縣爲并州徙太原民居之封
繼元彭城郡公而天下僭竊盡平帝以幽劔本中國地
欲乘勝進取諸將以師疲餉匱不欲行獨曹翰贊之遂
發太原降洙易進攻圍幽州師敗績乃命孟玄喆屯定
州崔彥進屯關南劉廷翰李漢瓊屯真定而還是役也
軍置護軍爲姦利師不得自擅郭進以宿將戰功高又
剛烈爲護軍田銘所窘雉經於以暴卒聞不問諸將
解體又帝自將無
專帥無定畫而敗
皇子武功郡王德昭自殺嘗平北漢

功。廷美進封秦王。潘美等進秩有差。是歲占城山後五

年春。定差役法。分民戶爲九等。上四等克役。下五等免。冬。契丹寇瓦橋關。

帝自將。次關南。禦之。至大名。契丹退。帝至自大名。交州

亂。是歲。回鶻高麗西南蕃蠻來貢。六年春三月。皇子興元尹德芳薨。罷

交州師。見我狄志。夏。相居正卒。居正。浚儀人。氣貌瓌偉。有至性。孝爲相。寬簡。不苟。祭服。月

砂。方奏事。藥發。至殿門。飲水數升。歸。吐氣成烟。焰。卒。帝聞親臨。喪撫之。哀。子惟吉。無行。帝深念之。問。不肖子安

在。比頰改節。否。惟吉懼。面伏。秋。九月。朔。地。不敢起。因遂自勵。爲名人。秋。九月。朔。前相曾。趙。爲司

徒兼侍中。戶尚書。熙載石爲樞密使。冬十一月。祀天地。

園丘。赦。百官上尊號。樞密使昭輔罷。是歲。高昌女真回鶻來貢。遣使如渤海。七

年春。三月。朔。日。饗。夏。樞密直學士僞寶中書舍人贊郭參知

政事。秦王廷美罷歸第。降涪陵縣公。安置房州。相多遜

流崖州。相沈義倫罷。

為工尚書

夏州留後李繼捧獻銀夏綬

宥四州。弟繼遷入于地斤澤以叛。秋七月。封皇子二人

為王。

冬十二月朔日。觸。○是歲淮漢諸水溢。關陝諸州大水。陽穀縣蝗。占城獻馴象。契丹主贊。卒子隆緒

立。八年春正月。樞密使彬

曹罷。

為天平軍節度使。左諫

議大夫琪。

宋

參知政事。夏。宣徽使顯

王

為樞密使。秋。參

政贊罷。

贊開封人。質厚。嘗奏事自言。臣受知遇。不次誓

猶勝姦邪。曹彬為弭德超所誣。方為解

工尚書助。李

參

知政事。冬。封皇子五人為王。相曾罷。

為武勝軍節度使

參政琪

助同平章事。翰學士知開封穆。

李

翰學士都官郎蒙正。

呂翰學士知制誥至李並參知政事是歲河決滑州通澶濮曹衛東南入

于淮穀洛漚澗溢壞官民廬舍溺死者萬計溪雍熙元年帝九春秦王廷美卒房州參政穆卒塞滑州決河作

河歌賜蠲水所及州縣今年租夏乾元文冬十一月祀

天地圖丘赦改元立皇后李氏賜京師酺三日是歲龜

來貢二年夏宴宰相近臣後苑召輔臣三司使翰林樞密

五品以上官三館學士與賞秋楚王元佐廢為庶人冬

錄囚徒狩近郊親射所獲禽饗太廟相琪禹錫罷琪幽

人有文學事太宗晉邸而於相晉親以見疑浮沉使府

三十年周知人情通吏術相晉復召一歲中起員外郎

四遷以尚書入相百執事有求請多面折之以得怨琪

娶高繼沖女廣南轉運使王延範於高氏有嫌任俠好

方術爲卜者所逢云當霸一方遂潛蓄異志知廣州徐
休復密上變告之琪禹錫入對帝侔問延範何如人琪
莫測所以盛言延範強明忠幹可任禹錫助爲言帝意
與交通大疑之不欲暴其狀以好詼諧無大臣體罷守
本官禹錫罷授左驍衛大將是歲江南諸州饑賑之

來三年春參政至罷至真定人方嚴簡重士罕
貢三年春參政至罷登其門以疾罷爲禮侍郎遣將分

遣伐契丹敗績還責將貶官

初三交屯將賀懷浦與子
知雄州介圖好議邊上書

言契丹主少國疑母專政寵倖用事請乘釁取燕帝以
爲然命曹彬爲幽州道行營都部署崔彥進副之出涿
鹿米信爲西北道都部署杜彥圭副之出雄州田重進
爲定州路都部署出飛狐潘美爲雲應朔等州都部署
楊業副之出鴈門彬趨涿州遣先鋒將李繼隆破契丹
兵取固安新城克涿州重進出飛狐南遇契丹戰未決
部將荆嗣出其西暮薄之崖契丹兵投崖下歟已復合
而張嗣請別遣二百人執白幟列平川身以所部五百
騎疾赴之契丹見旗幟連亘疑大軍至而嗣戰疾力懼
而遁重進乘之遂大破擒將笑自西京入與契丹遇寇

州破降之。下朔州。轉攻應雲州。皆克之。當是時。師大振。初。諸將陞辭。帝謂之曰。潘美急先趨雲朔。卿等以十萬衆。聲言取幽州。持重行。毋貪利輕進。虜聞大兵至。必悉衆范陽。慮不顧山後。雲朔可得也。得山後。燕薊從可取矣。及彬等乘勝前捷。至。帝每訝其已速。彬旣次涿州。契丹南京。畱守耶律休哥。壁不出。夜令輕騎掠單弱。晝以精銳張其勢。又設伏林莽間。絕糧道。彬食盡。退師。援餉饋。帝聞之。曰。豈有敵人在前。反退軍。援屬糧者乎。失策甚也。亟遣使止彬。令勿前。急引師。沿白溝河。與米信合。時潘美旣克山後州縣。會重進東下。欲合勢取幽州矣。彬部將。瑑握重兵。不能有攻取。爭請前。彬不得已。乃裹糧。與米信復趨涿州。休哥以輕兵來薄之。伺蓐食。擊離。伍單出者軍。自救不暇。結方陣。塹地而行。時方暑。乏水。泉軍渴。灑淖而飲之。四日至涿州。困而契丹王隆緒與太后。自馳羅口。將大兵趨涿州。彬信復引退。休哥躡之。戰岐溝。敗績。軍亂行。夜渡拒馬河。虜追及乘之。溺歿者甚衆。趨易州。瀕沙河。而饜虜復至。驚潰。卒積威沙河。爲不流。帝聞。令田重進屯定州。潘美還代州。徙雲應朔寰四州吏民。及吐谷渾部族分寘河東京西。美副將楊崇戰陳家谷。歿之。彬彥進信彥圭。以失律貶官。崇追贈。是

役也。事始於賀令圖父子，贊成於樞使顯，而中書不聞。彬宿將名德，而籌畧非所長，又命帥多無統，以故契丹退，封休哥爲宋國王。示平宋，立之，媾中國也。

瀛州部署劉廷讓及契丹

君子館敗績

廷讓軍金海，而非與李敬源合將趨燕。丹耶律休哥聞以兵扼要害，逆戰于君子

館。天盛寒，士不能彀弩，圍數重。廷讓分精兵屬李繼隆，爲後援，而繼隆退保樂壽。廷讓軍盡沒，先是休哥謀殺賀令圖，曰：「我獲罪本國，願自歸南朝，令圖信之，私遣之。」重錦十兩，及廷讓敗，休哥宣言願見雄州賀使君，令圖意其來降，即引數十騎逆之。既見，休哥據胡牀，罵曰：「汝常奸經度邊事，今日送成來耶？」令左右殺其從騎而執之。自是河朔戍兵無鬪志。契丹乘勝長驅，南陷深耶德三州，殺官吏，俘士民，輦金帛而去。帝聞下詔自悔，而釋敗亡將士之罪。綱河北逋租給復三年，蓋一歲中，師三敗，因益愈憚兵，而河朔終宋世不復矣。是歲，劔州饑，壽州大水，濮州蝗，賑之。度使占城高麗來貢。

四

年春，詔申嚴考績，夏恤繫囚。端拱元年

帝十有三年

春耕籍

田赦改元。澶州黃河清。相昉罷。爲尚書右僕射。太保侍中曾。趙參政。

蒙正。呂同平章事。戶侍郎洸。王參知政事。夏作秘閣。秋。

鄧王錢儼卒。儼謙和不忤物信釋氏既納士帝恩遇隆厚從征太原獲繼元帝顧儼曰太原戰苦

甚民被其殃卿保全一方以歸國民不知兵可嘉也改

漢南國王武勝軍節度改南陽國王又改許王徙鄧王

至是詔使賜生辰置幣儼宴使者歡甚暮有大星墜其

寢光燭庭是夕卒年六十追封秦國王謚忠懿神宗時

知杭州趙鼎言昔竇融以河西歸漢光武詔右共風修

理其父祖墳塋祀以太牢今錢氏功德過於融而永及

百年墳廟不治行道嗟傷非所以勸獎忠臣慰民心也

請墳廟在錢塘者以龍山廢沸祠曰刻音院者爲觀在

臨安者付淨土寺歲度僧道士世守視制曰可賜觀幸

名表忠而宋興父子兄弟登制科者惟錢氏爲盛云

國子監契丹陷涿州入祁州。是歲李繼捧賜姓名趙休忠爲定難軍節度使繼遷

爲銀州刺史克洛苑

使交趾高麗來貢。二年夏早親慮囚遣使決諸道獄。

秋彗星出東井。是歲。淳化元年。帝十有春。赦畿內。改

元。受尊。相嘗罷。為西京留守。夏六月。太白晝見。是歲京

師諸路大饑。河陽洪吉江。蘄州大水。賑之。占城高麗交

貢二年。春閏二月。夏。樞副齊賢。張。監鐵使恕。陳。參知政

事。直學士準。元。樞密副使。置諸路提刑。參政。沔。恕罷。相

蒙正罷。蒙正為首相。以寬簡居位。政事多決于沔。沔聰

既而非先。人皆怨之。又素與齊賢怨。卻及二人。知政。沔

不自安。慮僚屬以中書舊事告之。會司諫王禹偁言。宰

相樞密不得於本廳見客。計都堂延接。杜私請。沔喜。即

奏行。司諫謝泌以為如此。是疑大臣以私也。疏駁之。帝

追還前詔。沔遂罷。入見帝。涕泣不願離左右。不計奉。帝

髮類皆白。時帝怒戶部使樊知古。所部不治。怒。知古與

古善。密以告。意令其修舉。知古入自請。帝怒。知古與

坐免。雙支判官宋沆。蒙正妻族也。伏閣請正。太子正

率帝怒貶流官蒙正坐累免為吏尚書三日間三事交
發帝連罷三相有乘間疵毀之者帝曰蒙正有大臣體
可少也毀者慙而止何守僕射尚書李參政齊賢張同

平章事翰學士給事中黃中賈流李參知政事樞密使

顯王罷為崇信軍節度觀察使樞副遜張知樞密院事諫議大夫

仲舒溫準寇同知院事是歲州隄三十二旱虞鄉等七

友直乞師使契丹不許李繼遷表請降以為銀州觀察使賜姓名趙保吉趙保忠叛降契丹三年春

二月京師雨夏京師疫命中使挾置常平倉秋七月太

師魏國公普卒葬趙韓王冬詔諸道轉運使察舉所部

官有治績及貪猥不職者備狀上是歲許汝等入州蝗

閭婆占城高麗四年春正月祀天地園丘以宣祖太祖配赦月

西南蕃來貢卷之五十一

朔日。蜀王。蜀青城亂。相齊賢罷。為尚書左丞。同知密院準。遜。

罷。遜素與準不協。一日晚。準與溫仲舒聯轡歸。有狂民迎馬。會呼萬歲。街使王賓以効準。準自辯云。實與仲舒同行。而遜令賓獨奏。臣因互託罷。宣徽使禹錫。柴知樞密院事。諫議大

夫端。呂參知政事。秋。八月朔。相昉。黃中。沆。仲舒罷。昉沆自有

傳黃中。南皮人。為人端廉。江南平。知昇州。行府署。見一室扁額甚固。發視之。盡金寶也。立表上。不私。為相。慎畏中書事。多不決。帝戒之曰。小心翼翼。君臣皆當然。然已過失。大臣體黃中不能改。以無建明罷。吏尚書

蒙正。呂同平章事。翰林學士。給事中。易簡。蘇給事中。知大

名昌言。趙參知政事。周太后符氏。后。世宗是歲。江浙淮

陝饑。河溢。壞澶州。江溢。陷涪州。賑之。高麗五年春正月。

趙保吉寇靈州。命侍衛馬軍指揮使繼隆。為河西行營

部署討之盜李順陷成都閹繼恩爲兩川招安使討之復成都盜攻陷蜀八州襄王元侃爲開封尹改壽王

知青州淮參知政事幸國子監幸武成王廟

復

國子監

是歲趙保忠爲保吉所襲奔夏州指揮使趙光嗣執以獻保吉入夏州詔削姓名古同麗乞師伐契丹不許李繼遷

遣使來貢

至道元年

帝二

春正月改元赦西川平

初

世大食來貢

亡府庫財悉輸汴蜀地壓民稠耕稼不足給吏於常賦外更置博買務禁商賈不得私市民益困兼并者益糴賤販貴以規利青城民王小波與妻弟李順等聚衆爲亂曰吾疾貧富不均今均之劫富家大姓令自實所有則粟據生齒足用外畢發賑時兩川大饑貧者爭附遂攻青城掠彭山疾縣令齊元振貪殺之剖其腹實以錢旁邑民失職者爭響應旬日間至數萬人無何小波戰歿其黨推李順爲帥攻陷漢彭州進迫成都轉運使樊知古知府郭載奔梓州順據成都稱蜀王遣其黨四出破州縣蜀大震詔宦者王繼恩總兵分路進討之順攻

劔州劔門都監上官正獨疲卒數百勉激以忠義力戰
 守會成都監軍宿翰兵至與合擊賊大敗之斬馘幾盡
 少府監雷有終德驤子也以同知兵馬出討蜀進至廣
 安軍壘瀕江三面樹柵夜陰晦賊奄至鼓譟舉火土人
 恐有終安坐櫺髮賊圖合引奇兵出其後擊之賊驚擾
 沉江成者無算於是順氣沮而閣道無壅先是知梓州
 張雍聞小波起練士卒募強勇為城守輦綿州金帛實
 帑藏督僚佐治戎器伐木為竿銷鍾為鎗諸守械悉備
 順率衆二十萬攻圍之城城中兵纔三千雍悉智力捍禦
 之賊不能下退治攻具城北雍遣兵五百出東門擊賊
 賊赴鬪雍絕成土下城北盡燔其攻具長圍八十日繼
 恩至賊潰去而城全進復綿閬已達劔等州拔成都獲
 順礮鳳翔市而繼恩頓師不進為宴樂不念軍縱所部
 肆掠餘賊復陷州縣勢復張詔張詠知益州而定語具
 詠傳

相蒙正參政易簡罷

蒙正為右僕射

參政端

呂

同

平章事翰林學士洎

張

參知政事同知密院鎔

張

知樞

密院事開寶皇后宋氏崩

不成服以太

秋八月立壽王

元侃為皇太子赦

文武常參官子為父後者賜勳一轉是歲占城涼州吐蕃西南蕃皆

諸蠻來貢封西南蕃龍漢瑋為歸化王

二年春祀天地圜丘赦御史中丞

昌齡

李參知政事討李繼遷師出塞還

時繼遷犯靈武命都指揮李繼

隆為環慶都部署殿前都虞候范廷召副之分道進期抵烏白池援靈武廷召與王超至池與虜遇虜銳甚超持重不戰虜不敢迫而繼隆欲自清岡峽直趨繼遷巢不會師不見虜而還張守恩見虜不擊廷召士困乏終不能有擒參政準罷為給事中是歲秦晉諸州晝夜十二震大有年處州稻再熟三

年

帝二十有二年春

泊罷泊全椒人故江南臣有文藝性險詆而貪江南主煜既歸朝貧甚猶時時

丐索之相準知吏部選泊掌考功為之屬準年少氣銳泊老儒夙夜坐曹視事準出入必冠帶候省門揖而退不交一談準益重焉廷與語泊捷給善持論為準規書準心服焉兄事之薦之帝帝聞其在江南日讒潘佑殺之疑焉會待詔尹熙古吳玠人直皆江東人泊善之帝問佑何以見殺熙古言江南主忿其諫說太直耳帝洗

然遂擢用既入中書奉準愈謹而於帝前面斥相端緘默無訐謀端曰泊有言不迺揣摩陛下意為容耳會帝欲遷靈武既中悔明日泊果疏言之不悅曰泊果中旨端所料已帝嫉準專寵衰泊慮同罷因奏事即發準謫謗帝怒罷準泊亦罷柳邑成疾歿

戶侍郎仲舒

溫

禮侍郎化基

王

參知

政事

仲舒河南人於相蒙正同年生厚善及得政顧收蒙正士論薄之化基真定人慕范滂為人獻澄清

畧柴禹錫有奴受人金陳恕欲因中禹錫帝引因訊化基為御史中丞辯其誣帝感悟以為長者遂大用葬

孝章皇后

葬踰制帝崩為不懷

年五十九上尊諡曰神功聖德文武皇帝廟號太宗是歲大

食占城來貢

帝沉幾睿斷儉勤好讀書重儒以明於治亂之

統初即創崇文院建秘書閣其中以古書遺逸尚多

謂侍臣曰是教化之本也治亂之原也微是何觀詔求

遺書書大集命史館鈔出即書為太平御覽一千卷

諸經史切治道語。爲御屏風。十卷。日盡一卷。以爲常宰。相以勞瘁諫。帝曰。開卷有益。不爲勞也。謂秘書監李至曰。人君當澹然無欲。勿使嗜好形於外。卽奸佞無自入。朕他無嗜好。惟喜讀書。多通知古今成敗。善者從。不善者改。如此而已。王顯爲樞密使。手軍戒三篇。授之曰。卿家世本儒。屬喪亂失學。今典機務。當自力。縱不能博覽第熟此。亦免於面墻。以宰相任總百揆。而諸王幼。詔朝會。宰相斑諸王上。相前謝不敢當。帝曰。相統百官。漢法丞相體絕百僚。藩邸之設。奉朝請而已。又朕諸子幼。欲其知謙損之道。故抑之。毋爲辭。寧謂宰相言。中書政本。

當進賢才。退不肖。博詢公議。爲權衡。世治亂在人。賞當功。罰當罪。卽天下治。謂爲滋喜怒之具。則亂也。又曰。士未達時。見當國者失道。必怏怏于心。及別有位。得獻替自展。乃恣心不繇道。何也。政闕失。必竭忠益盡言。毋顧諱。卽言未盡。當必僉議擇善而從之。朕何敢使人不得自盡也。又謂相曾言。舜戒辟臣無面從。有後言。伊尹耻其君不爲堯舜。卿必念之。蓋重相如此。以翰林爲文學。論思官。飛白書玉堂之署。爲堂額。賜之學士缺。大臣薦張埴。帝曰。必畢士安。埴才藝踐歷。誠不減士安。第行履不及。而任翰學士者。往往以得相。後遵用焉。京朝官考

課日令所司具履歷功過狀。奏引對曰。旣得漸識群臣。且使有政績者樂召對。負瑕累者慙問質也。下詔言。虞考績以三載。漢奏課分九等。諸州道府縣官及縣簿尉。於吏曹給御前印紙曆子。俾所司日書其功過。秩滿用爲殿最考。又詔言。朝臣掌州事外。所爲給印曆者。責善惡無隱。殿最畢。書得滿時行考也。如聞官吏朋黨比周。相容蔽。蠹有巨而不章。勞雖微而必錄。其較析焉。又詔申勅。每選官雖一命以上。必召對便殿。親與語。稱旨。越次賞。送中書審詳履歷。聽進止。尤重守令。詔諸道轉運使。察舉所部有治績者以名聞。召對增秩。其貪猥不職。

者備狀上。汰之分遣近臣巡撫。有可惠民者。便宜行。親
民官。暨否具條上。詔令未便者。附傳聞作戒辭。曰。爾俸
爾祿。民膏民脂。下民易虐。上天難欺。立石於州縣治所。
儆焉。一年旱。帝以爲刑獄冤濫所致。錄繫囚。遣使分道
決獄於諸州。是夕雨。彗出東井。帝避殿減膳。赦是夕彗
滅。已歲旱蝗甚。帝手詔宰相。欲自焚。答天譴。翼日雨。蝗
盡滅。以大理刑部吏舞文巧詆。置審刑院禁中。讞之。嘗
親錄京城囚。至日。近臣以節勞請。帝曰。儻獄訟平允。
杜濫得雪。朕深用爲適。何勞之有。遣京朝官出諸州。就
鞠。臨喻曰。無滋蔓。無畱滯。歲饑。民持挺投券富室。取其

粟坐棄市。帝謂使者曰：「平民也，饑甚，起相挺求餓糧，活旦夕，豈足深罪哉？」事發時，法宜峻，坊亂，今往矣，宜末減。毋令與強盜同科。或有言汴漕運卒多私販鬻者，請禁。帝曰：「幸門如鼠穴，何可塞？篙師舵工，苟無妨公務，即少販鬻，庸何傷？其勿問。」宴邊帥北苑，醉有忿爭失儀者，侍臣請屬吏弗許。翌日，詣請罪。帝曰：「朕昨醉不省也。」釋不問。中書引唐故事，奏內供奉請得繫學士銜。帝曰：「學士官清切，朕嘗恨不得爲，奈何？」授宦寺平。不許。已，王繼恩平蜀還，中書請除宣徽使。帝曰：「宣徽使，執政之漸也，不可固以請。」命學士院議別創宣政使銜，授之。有內侍乞

增俸給十千。嫌少。帝怒曰。朕昔爲供奉官。俸纔止十千。爾顧少之耶。幽之。成左藏。封捨庫。爲內藏庫。詔諸庫藏。變權衡。取羨餘者。成京城外有僧積薪。將自焚。帝惡其惑衆。令配流。謂宰相曰。近諸所建寺觀。猥冗。僅十椽以上。輒請名額。誑閭閻。爲姦欺。詔天下寺觀。非舊著籍者。毋新建。方帝卽位初。藝祖禪讓大德。深結於中心。下詔言。先皇帝創業垂二十年。事制曲防。物有經紀。當謹遵承。以初爲常。不敢踰越。咨爾臣庶。宜體朕心。又詔言。風化之本。孝弟爲先。有不順父母。異居別籍。御史臺糾察。當是時。太祖及秦王子女。詔並稱皇子皇女。示一體。

而武功王德昭長子惟吉纔六歲。留禁中。日侍食。篤恩。後四年。伐北漢。武功從帝微行。軍中嘗夜驚。不知帝所在。諸將洶洶訟謀。立德昭會知帝處而止。帝聞。意不懌。及還汴。从不行太原之賞。德昭以爲言。帝疑其結將佐心也。大怒。直視之曰。待汝自爲之。賞未晚也。德昭退。驚懼以爲上猜之。乃至此。卽自刎。帝聞。驚悔。抱其屍哭。曰。兒癡。乃至此耶。追封魏王。方始開國時。帝及相嘗實與推戴功。秦王廷美弗與也。太祖在位。帝與謨畫天下事。甚夥。秦王弗與聞。又剛愎諫。時與帝相失。本爲太祖世嫡者。德昭昭憲遺命。終歸之德昭子惟吉出閣。凡邸第。

車服賜予。帝命與諸王等亦獨以德昭。已而德昭脇岐王德芳薨。卽致國無所屬。而秦王有次及之勢。頗恣驕。天子弗善也。而廷美意不自安。與相多遜及諸外人陰相結爲固。方太祖時。學士盧多遜於相嘗隙。譖晉傾晉王深構之。開封府推官宋琪出入晉門下。惡之。白太祖出琪護國軍判官。會罷相策太祖孝友。必且立晉王。恐讒遂成。至河陽。上書自訟曰。外人譖臣。議皇弟開封尹皇弟忠孝全德。豈有間。然知臣者君。願賜昭鑒。太祖手封其表藏金匱中。中外莫知也。帝卽位。晉人廢多遜益設形似毀短之。奉朝請數年不見答。鬱鬱不得志。會晉

即舊僚。紫禹錫趙鏐楊守一等密告秦王驕恣疑有變。帝以會預顧命。手詔陰問之。晉大喜。卽自言願備樞軸。以爲變。且自頌預顧命本末。及表白訟事。帝惻然於禁中發金匱得誓書及表讀之。則大感。以爲會密擁護已。壹不之知也。立召入。謂之曰。卿毋以往事介意。人誰無過。朕不待五十。業已知四十九年之非矣。拜司徒兼侍中。封梁公。會旣復相。諷多遜令自退。而多遜固權位。冀後且得間。恐一旦失勢。遂爲會摘齟之也。不肯退。會會廉得多遜交通秦王事。白發之。責授兵尚書。後二日下御史獄。命翰林學士李昉衛尉卿崔仁冀御史滕中正。

等雜治之。多遜具伏言。屢遣守堂官趙白。以機事密告秦王。且云。願宮車晏駕。盡力事大王。秦王亦遣小吏樊德明報多遜。與相唯諾。因遺之弓箭獄具。下百官議。於是相曾等言。廷美多遜爲咀咒顧望。罪大逆當誅。詔削奪多遜官。流崖州。白德明及徒黨斬於市。廷美罷歸私第。其子女落皇子公主之號。已曾又以廷美居西京。非使諷知開封府李符言。廷美不悔過而望。請徙遠颺防他變。詔降封涪陵縣公。徙房州。先是帝計从長。欲以天下傳子孫。而頗以昭獻顧命爲疑。以問曾。曾對曰。太祖已誤陛下。豈容再誤。於是帝遂決。而廷美得罪。第籍令

太宗重昭憲命傳秦王亦且必亂諸樊兄弟先之矣故
非常之原聖人窒焉春秋之義立子以嫡所以大居正
而已亂也。多遜涉經史能文敏給好任數發多奇中官
史館時聞太祖取書史館中預戒吏先白則
取帝所讀書通夕覽明日帝有問應對畢給也遷知制
誥以傾晉得相薛臣章奏必先白然後通又必於閣門
署狀云不敢妄陳利便希恩澤其專恣如此太宗踐祚
晉子承宗知澤州娶燕國長公主詔歸闕成昏未踰月
多遜卽白遣歸任知邕州侯仁寶晉女弟夫也守邕九
年不召仁寶恐成嶺外乃上言交州內擾實天亡之秋但
闕陳狀帝喜驛召之多遜曰交州內擾實天亡之秋但
先召仁寶謀必泄蠻預爲之備不如密令仁寶經度其
事發兵長驅勢萬全帝以爲然以仁寶爲交州水陸轉
運使別命將討之仁寶邑邑以竟成其不能會地至於
此及是流崖州食道傍逾旅有姬頗能言京邑舊事多
遜悅之問姬自何來姬輒蹙曰我本中原士大夫家子
任官今相盧多遜令枉法奉已吾子不從多遜中之危
法盡室竄南荒未周歲骨肉淪沒盡惟老身存耳彼盧

相妬賢怙勢恣行無忌終當且南竄幸未成猶及見之也。多遜慙趣駕去初多遜父億爲河南令服用儉素及多遜貴而侈愀然不樂謂親友曰家世儒素而一旦暴貴吾未知所稅駕矣及多遜傾晉潛然泣曰晉元勳而毀之我蚤成不與其敗幸也多遜不能改及於難始李符旣搆成廷笑罪而多遜貶崖州符密白晉曰朱崖遠而水土頗善春州近然至者輒成不若令處之晉不答無何符坐附弭德超得罪晉欲殺以滅口即以符知春州歲餘卒故天道好還也廷笑旣得罪天子欲爲晉泯其迹使若事不繇晉然以使相鎮河陽帝賦詩贈行賜宴長春殿曾奉詩泣曰陛下賜臣詩臣刻石當與臣朽骨同葬泉下帝爲動容翼日謂宰相曰曾有功國家朕少與同遊今齒髮衰矣不欲煩以政擇善地處之因詩導意昨行朕爲墮淚也宋琪等對曰昨曾至中書爲臣言感激激流涕曰此生餘年無階上答今聞宣諭君臣如終可謂兩全矣已復召三入中書曾練於世事善幹旋樞密使曹彬爲弭德超所詆誣帝頗惑之曾力爲辯雪後事自帝甚慚悔曾對曰陛下以德超才而用之已察彬無罪而雪之益彰盛明何謂悔乎帝爲釋然工侍卽張齊賢爲帝所拔識得相已罷廢曾復召爲帝言齊賢

反特知登密地。識者咸以謂宜稱。今獨以奏對失旨出外。夫言國家大計。非旦夕可效。必久遠乃見。惟陛下幸察。於是齊贇得復召。祖吉以典罷。犯賊。郊大赦。特命無赦。曾曰。吉抵罪固當。然國家卜郊肆青。告休神明。奈何以吉故。繫赦令乎。乃得貸。內侍陳利用。以幻術幸。驕不法。曾按其十罪。請行誅。命配商州。曾力爭如法。帝曰。豈以朕而不能庇一人乎。曾曰。不誅亂天下。法法可借。一豎子。豈足惜哉。竟賜死。曾少習吏事。寡學術。太祖勸以讀書。遂手不釋卷。晚歲朝歸第。必闔門啓篋。發書誦出。輒鏤之。既卒。家人發視。則論語也。嘗自言。上曰。臣有論語一部。以半部佐太祖。平天下。以半部佐陛下。定太平。司宥密。升宰輔。出入三十年。未嘗爲親戚求恩。嘗戒子弟言。吾書生逢時運。在位踰分矣。誼以身許國。爾曹宜各勉。自敕。勿放恣。重吾過。然性猜忌。忌。善迎上意。挾計數。爲趨避。又頗黷貨利。視先代元功。不無少愧焉。薨。諡忠獻。追封韓王。

楚王元佐者。帝長

子也。少聰警。射命中。爲帝所鍾愛。秦王廷美遷房州。力營救不得。爲憤惋失心。得狂疾。帝爲赦天下。冀已疾而

疾彌進不衰。已少間。恣睢爲暴戾。雍熙元年秋九月九日。召諸王宴射苑中。元佐以新瘥不與。諸王宴罷。過元佐。元佐恚曰。若等侍上宴。我不與。是獨棄我也。因發忿。被酒。夜縱火焚其宮。帝念欲廢立未決也。適鄆州判寇準入見。語之故。準曰。事儻得已乎。帝曰。迹元佐所爲。他日必且爲桀紂。安得已。準曰。卽如是。日祀事。上第令帝宮攝行禮。宮僚必盡從。陛下以其間入宮。案驗果有逆。爲天下廢之。可也。帝從之。楚王出。上入宮。得宮中淫刑器甚具。乃廢爲庶人。徙均州。久之。儲位未有定。中外無敢言。準自知青州召入見。帝足創甚。自褰裳示之。且曰。

卿去國。从亦猶然。念朕乎。頓首對曰。臣犬馬何敢忘。願
拘職守。不得至都耳。因請帝立太子。重宗廟。帝曰。朕諸
子孰可者。準曰。主臣陛下爲天下擇君。誠慎誠重。謀及
婦人中官。不可也。謀及近臣。不可也。惟聖慮擇所以副
天下望者。帝俛首从之。屏左右曰。襄王可乎。對曰。知子
莫若父。聖慮旣以爲可。願卽以時定立。襄王爲皇太子。
太子旣廟見。京師人擁道聚觀。喜躍曰。少年天子也。帝
聞。頗不懌。召準謂曰。人心遽屬太子。將置我何地。準再
拜賀曰。此聖德在人心之效。社稷之福也。非然何以得
此。帝悅。入語后嬪。宮中皆前賀。帝乃出。延準飲。極歡而

罷初帝欲相呂端或曰端爲人糊塗帝曰端小事糊塗

大事不糊塗卒命相

端字易直幽州安次人以考功郎使高麗風暴折檣一舟人怖恐端

讀書如在齋閣中帝嘗遣中使即訊使者至端起進使
者曰有詔即訊端神色自若顧從者免冠使者曰何
至此端曰天子遣即訊即爲罪安敢以冠裳對制使耶
即下堂隨問條對諸備度如此及爲相靖簡同列奏對
多異議端嗒然其間帝聞手札諭中書自今軍國事必
端詳酌乃後聞李繼遷數擾邊保安軍獲其母帝召樞
使準與計欲誅之準過朝端從容曰上事上戒君勿言
乎準曰未也端曰邊鄙常事端不必與知若關軍國大
計端備位不可不知也準告之故端曰今何以處之進
曰欲斬之休安軍止門矣端曰安之欲有請也入言於
帝曰昔項羽得太公置俎上欲烹高祖欲分羹以爲舉
大事者不顧其家也況悖逆之人乎陛下今殺之度繼
遷明可擒可矣脫未然徒堅其叛心使得以爲名太宗
曰爲之奈何端曰以臣愚計之宜置干延州養視之以
招來繼遷即不降可因
繫其心帝拊髀稱善

及帝不豫端日從太子問起居

疾大漸。端入禁中。見太子不在侍。疑有變。則以笏書大漸字。令親密吏趣太子亟入侍。時內侍王繼恩忌太子英明業與大臣謀立楚王矣。及帝崩。繼恩以皇后命召端。端知有變。即給繼恩入齋問。簡太宗先賜手詔出反。鍋之閣中。置守而入。皇后曰。宮車已晏駕。立嗣以長。順也。今何如。端曰。先帝豫建太子。正屬之廟社。今安敢有異議。乃奉皇太子至福寧宮。入即位。垂簾見群臣。端平立殿下。不拜。請卷簾升殿審視。已乃帥群臣下下拜。而皇太子恒即位。是爲真宗。

真宗皇帝諱恒。太宗第三子也。

母李賢妃。得異夢。生帝。開封府邸。赤光照室。足



右指有文成天字初名德昌封韓王改名元休至道三

年春三月卽位夏四月尊皇后爲皇太后赦相端呂加

右僕射皇第六人並進封尚書右丞至李禮侍郎沆李

參知政事以青宮恩中外群臣各進秩一等立皇后郭氏禁獻祥瑞參

政若水錢避位去追復涪王延美爲秦王復封兄元佐

爲楚王秋鎮海使彬曹召爲樞密使西川亂廣武卒劉

安使上官正鈐轄馬知節討平之冬十月葬永熙陵追尊母賢妃李爲

皇太后詔轉運使敕長吏勸農是歲進封交趾黎恒爲

授定難軍節度使正月咸平元年春營室北詔求直言避殿減膳

慮獄囚開進士諸科淳化末停貢舉五年夏五月朔旱蠲天下逋

負免開封民田租冬十月朔相端至罷端為太子太保至為武勝軍節

度使兵尚書齊賢參政沆同平章事兵侍郎敏中向參知

政事許綰臣獻著述令兩制銓簡是歲定州雹傷稼賑

之吐蕃酋領來朝獻馬二千匹其州二年春詔侍從舉

升朝官可守大勑者各一人詔御史臺糾百官比周奔

競弗率者早求直言夏樞密使魯公彬薨秋葬曹武惠

王給外任官職田以官莊及遠橫海節使顯王為樞密

使幸國子監還幸崇文殿大閱於東北郊九月朔冬十

一月祀天地園丘以太祖赦契丹入寇帝親征詔行次

頓舍毋取給州縣十二月幸大名是歲江浙廣南荆湖

旱。嵐州春霜害稼。賑之。

沙州蕃族會領。邛部川蠻。西南蕃。古城大食來貢。

三年

春契丹退。二月。帝至自大名。詔從臣舉升。朝官堪邊任

者各一人。顯罷。

顯給事。晉邸得用。在位厚庇。胥吏離觀自固。罷知定州。

宣徽南院

使瑩。

周

北院使繼英。

王

知樞密院事。翰學士旦。

王

同知

院事。

三月朔。日燭。

冬。益州軍亂。平之。

初。神衛卒戍益州。都虞候王均董福將之。御衆

無法。好飲博。兵馬鈐轄符昭壽恣侵虐。士胥怨。以元日

殺之。挺爲亂。益州官吏賀正歲。聞變。知州牛冕轉運使

張迺。絕城走。都巡簡使劉紹榮。前格鬪。叛卒欲奉之。紹

榮。搃弓矢罵曰。我燕人。棄虜歸朝。豈與爾同逆耶。遂通

害。監軍使激王均曰。汝所部爲亂。盍往招。均至。叛卒即

擁均爲主。遂僭號。改元。署官吏反。事聞。命戶部郎雷有

終。爲川峽招討使。石晉等爲巡簡使。討之。上官正楊懷

忠。皆隸焉。盜陷漢州。進攻緜州。不克。趨劍州。知劍州李

士衡。前度賊必至。徙官帑清野。待寇至。逆擊。大敗之。

走。攻蜀州。知蜀州楊懷忠。調民丁中會諸巡簡兵迎。

不受汰冗吏。頒九經于州縣學。十二月太是歲河北饑。

梓州水。賑之。趙休吉復叛契丹入寇鎮定高陽關部署王顯大破之回鶻丹眉流龜茲撫水州發

來貢夏州蕃族訛遇等內附。五年春趙休吉陷靈州。知州裴濟成之秋七月

相敏中罷。故相薛居正孫安上不肖其居第詔無得

產適張齊賢安上訴其事柴遂言敏中求娶已不許故

陰庇安上帝以問敏中敏中言遂娶妻不復議婚監鐵

使王嗣宗素忌之入對帝問敏中求娶柴也有諸對且

無之敏中議娶王承衍女弟密約定未納采耳帝以敏

中前言為面謾罷為十一月祀天地圜丘赦是歲都城

大雨壞廬舍河北饑賑之。沙州來貢六谷首領潘羅支來貢馬給其值六年

夏契丹入寇。執副都部署王繼忠秋八月又相蒙正罷。

為太子太師冬十一月雨水冰有星孛于井鬼。是歲三佛齊大食西涼龍野馬族來貢景德元年

帝七年春正月改元赦。丙申京師地震辛丑震丁未又震皇太后李氏崩。

夏詔轉運使代還日條所經畫事以聞。六月暑甚罷秋役賜暍者藥

相沆薨葬李文靖公。有傳參政士安兵侍郎準同平章事。

樞副繼英為樞密院使詔翰學士舉文武官可任藩臬

者各一人契丹入寇帝親征欽若出判天雄軍契丹攻

威虜順安三。都部署擊敗之斬將攻北平砦攻保州。

敗績契丹主攻定州求平冬十一月詔使安集河北民。

契丹犯澶州將餉帝幸澶州渡河。十二月朔日契丹來輸平。

帝至自澶州是歲江南東西路饑陝濱棣州蝗賑之。潘羅

支集蕃部擊趙保吉敗之保吉死羅支使來獻捷交趾蒲端占城大食龜茲來貢二年春以和

戎赦天下。置國信司。欽若罷。幸國子監。秋。復制科。八月有星

字於冬十月。相士安卒。葬畢。文簡公。十一月。祀天地園

丘。赦。是歲。淮南兩浙荆湖北路饑。京東蝻。閩颶。風壞廬

舍。賑之。歸幣于契丹。契丹來賀。承天節。又使賀明年。三

年春。詔諸路置常平倉。相準罷。為刑參政旦。王同平章

事。尚書左丞欽若。王兵侍郎堯叟。陳知樞密院事。諫議

大夫安仁。趙參知政事。幸崇文殿。冬十月。葬明德皇后。

崩再闕是歲。京東西河北陝西饑。賑之。妙娥族帳內附。交趾亂。詔安撫

趙德明奉表歸款。西涼高四年春正月。帝幸西京。謁諸

陵。賜隱士楊璞繪帛。三月。還都。夏四月。皇后郭氏崩。五月朔。日。饞。

莊穆皇后宜州軍亂

殺知州劉永規劫判官盧成均反
開門使曹利用等將兵討平之

復置諸路提刑官幸崇文院詔翰學士舉常參官可知

大藩者各二人大有年

是歲交州黎龍廷來貢封交趾
王賜名至忠河西六合夏州

沙州大食日城蒲端
西南蕃溪峒蠻來貢

大中祥符元年

帝十有
一年

春得天書

左承天門赦改元作玉清昭應宮天書降泰山冬十月

帝如泰山饗帝園臺明日禪社官作會真宮

百官加恩
賜天下醺

三十一月幸曲阜謁孔子廟幸孔林還宮群臣上尊號

宰相親王進爵臣進秩有差是歲契
丹西涼甘州三佛齊大食西南蕃來貢

二年春幸昭

應宮是歲雄濟鳳三州水雄州蟲兗州霖雨無爲軍大

風昇州火賑之

于闐西涼府西南
蕃羅崑州蠻來貢

三年春出綏撫十六

條領江淮南安撫使

冬陝州黃河清十二月再清

是歲江淮旱陝西

饑疫并洪潤州火賑之

交趾大較李公蘊殺黎至忠使人貢封交趾龍王契丹來乞糴

詔雄州州糴粟

四年春幸華州祀后土汾陰赦

召草澤李漬劉

選鄭隱李寧賜茶藥束帛

宴號州父老於湖城行宮

如西京謁諸陵夏四月還都

相親王以下

進秩有差

詔州置孔子廟上五嶽帝號參政拯罷

知河

南是歲江淮水畿內蝗楚泰州潮害稼京兆旱河北

陝西劔南饑賑之

占城貢獅子

五年

春雨冰河決隸州

秋

八月朔日觸

作

會聖觀

祠五嶽

參政安仁罷

安仁質直純慤與物無競人未嘗見其喜愠為欽若所傾

免為兵

尚書左丞欽若

王

兵侍郎堯叟

陳

為樞密使

侍郎

門使知節

馬

為樞密副使戶侍郎謂

丁

參知政事冬廷

恩殿聖祖降

見異教考

赦上尊號作景靈宮立皇后劉氏是

歲江淮兩浙旱饑賑之

交趾并州西涼府溪峒蠻來貢

六年春禁內臣

出使預公事秋除農器稅

冬十二月朔日鬪是歲戎瀘蠻平龜茲西蕃高州蠻來

貢七年春正月幸亳州謁老子太清宮建應天府爲南

京

故宋州

作鴻慶宮二月還宮赦

相親王進秩

欽若堯叟知節

罷

以知節摘發欽若姦坐忿爭故

兵尚書簡較太尉準爲樞密使冬王

清昭應宮成作元符觀是歲淮南江浙饑除租

交趾李公蘊使

來獻續捷

夏州西涼

八年春謁玉清昭應宮樞使準罷

府高麗女真來貢

爲武勝軍

節度使欽若堯叟並爲樞密使

夏六月朔日鬪是歲坊州大雨河溢陝

西機賜信州道士張正隨號真靜先生高麗東女真注輦回鶻占城角斯囉西蕃來貢

九年春詔

皇子就學資善堂秋詔天下官職田無擾客戶遇災沴

蠲租參政堯叟罷翰學士刑侍郎彭年陳翰學士兵侍

郎曾王給事中諫議大夫知白張並參知政事罷諸營

繕是歲諸路大水隕霜害稼賑之延州蕃部饑邊資穀夏甘西蕃邛部山後

蠻來天禧元年帝十春正月改元詣玉清昭應宮薦獻

大帝寶冊衮服上聖宰相親王以定宗室子授官制

祖寶冊上太廟諡册赦下悉進秩

秋相旦罷以疾請解機務為欽若為左僕射同平章事

參政曾罷為禮侍郎翰學士給事中題李參知政事宜徽使

知節馬知樞密院事冬十二月京城大雪罷工役給貧民粥瘞成者是歲諸路蝗蝻鎮戎軍風雹賑之封交趾李公蘊為南

平罷王三佛齊龜茲來貢二年夏樞使知節罷為彰義軍觀察留後作祥源觀

詔諸州存恤孝弟力田者京師民訛言帽妖至捕為邪人獻案等棄市出北斗魁

立皇子昇主壽益為皇太子更名禎赦百官加恩以李廸兼太子賓客

賜京師輔參政知白罷是歲河北東西饑賑之古城耳州谿峒黎州山後

蠻來貢辰州討下三年春三月朔日觸夏欽若罷坐與妖人通判杭州

使相準寇為中書侍郎同平章事吏尚書謂參知政事

秋得天書收冬十一月祀天地圜丘赦同知密院利用

曹參政謂丁並樞密使是歲河決滑州江浙及利州路

饑賑之富州蠻酋納土却之高麗女真來貢四年春二月帝不豫相僕射

敏中卒葬向文簡公夏四月西南方有兩月重光相準罷為太子太傅京城大

雨水壞廬舍強半

吏侍郎迪同平章事樞密中正任曾王參知

政事減水

八州縣租相謂迪罷謂復留視事詔軍國大

事親決餘

安皇太子同兩府參議行樞密使謂兼太子少師拯兼少傅利

用兼少保

是歲龜五年秋七月朔日觸八是歲京東

西淮浙水賑之

吐蕃喃囉來乾興元年帝二十春正月有六年

改元赦帝崩

上尊諡曰文明武定章帝弘恕有大度始

即位欽天畏相怛然憂民之思華山營室北相端言應

在齊魯分帝曰朕以天下為憂豈直一方耶詔求直言

避殿減膳除天下逋租千餘萬

度支督天下逋欠自五代來相沿未已判官母

實古將奏

司官王欽若聞之一夕勾釋繫囚三千餘

人汰冗吏十九萬五千八百餘人。選曹爲清相。端每入對。帝拱揖不名。呼以官。端姿儀瑰大。宮庭陞峻。令梓人爲納陛。便馬。已知相沈賢。倚毗之間。治道所宜先。論姦邪難辯。皆深慮。翰林學士旦入奏事。退日送之。曰。爲朕致太平者。此人也。夫。置翰林侍讀。學士。設直廬秘閣。召更直。詢訪。修太宗實錄。文符。士李宗諤名上。帝曰。先帝時。宗諤父昉在中書。甚久而宗諤預史事。當爲父隱。何以示後。命別簡。田錫自集賢院知泰州。以星變跡時事。即召對。將行。謂之曰。卿第去。朕即召卿。事當面者。聽乘。赴闕奏。尋召爲諫議大夫。遇舊臣曲有恩。

意樞副楊礪卒。帝以青宮恩，念礪清謹，冒雨臨其柩。礪所居委巷，駕不前，爲步進。相端薨，諸子不肖，質第宅於人。帝聞，立出內庫錢贖歸之。召諸子入見，令內侍省以僦課給其家，仍察其妄費。曹魯公彬疾，帝臨視，問欲言。彬對曰：「太祖英武定天下，猶經營和好。帝曰：「然此事朕當屈節爲天下蒼生，然須執綱紀，存大體，則久遠之利。」彬頓首曰：「幸甚。此社稷之福也。」夏寇邊，經畧使齊賢請募江南丁壯以備邊。帝曰：「必播人心，且是使南方人遠戍于西之鄙也。」寢其奏。已，相沆薨，翰林學士士安以青宮恩參大政，入謝。帝曰：「未也。朕行且相卿。」士安頓首曰：「臣

駕下不足任。三司使寇準兼資忠金。善斷大事。宰相才也。帝曰。聞準剛使氣難任。頓首而對曰。準方正有大節。其素所蓄積。常思忘身殉國。秉道而嫉邪。朝臣罕出其右者。獨不爲流俗所喜耳。今天下民蒙休德。涵養安逸。而西北跳梁。必且爲近憂。如準者。正所宜用也。帝悅曰。當藉卿宿德鎮之不閤月。以本官與準並相。會契丹入寇。準策虜必深入。請帝親征。請駕渡河。幸澶州。北城懾敵。契丹懼。請平準。請邀使稱臣。獻幽州地以和。契丹屈。而南北稱兵。諸具戎狄志中於是按邊要擇守。以李先則知雄州。馬知節知定州。楊延昭知保州。放散河北諸州民。

壯踴農令有司市牛種給之耕罷諸路行營令鎮定爲

一路省部署鈐轄都監使臣而下官二百九十餘員減

河北戍兵十之五緣邊三之一通互市招流亡葺賊池

廣儲蓄河北輯寧士安準之力也士安字仁叟代雲中人少好學事繼母祝

以孝聞祝命之日學必得良師友乃成遂與俱如宋又如鄭與鄭賢士楊堯歸不劉錫等爲友因遂爲鄭人第

進士太平興國中歷監察御史知乾州以母老願降任便養改監汝州稻田份知台州上言吳越所上民課賦

多歸命時有司張侈數爲功今湖海南一宜安輯請以舊著籍爲斷詔從之遷左拾遺兼翼王府記室參軍端

拱中詔王餘各獻所著文帝得士安文大善之以本官知制誥淳化初入爲翰林學士真宗以壽王尹開封召爲

府判官爲皇太子兼右庶子及卽位命權知開封及是相贊帝親征忽遘疾太子晝經天流星出上台北費手

能今大計已定君
士安得以身當星變是矣

瘡追扈于澶淵明年入朝堂疾暴作遽卒帝臨哭廢朝者五日贈太傅中書令謚文簡士安端方清雅有沈識所至以勁正稱居位無黨援仕至宰相四方無田園居第未終器家用已屈帝聞賜白金五千兩賜焉○準華州下邳人字平仲少不修小節愛飛鷹走狗母夫人患之不勝悲舉秤鎚授之足流血繇是始折節從學年十九舉進士時太宗與軒問進士年少者往往罷令就學或教準增年以應準答曰初求事君顧當欺君耶以質對既得第爲鄆州監鐵判官應詔陳利害無諱帝器重之召判吏部東銓當奏事殿中語不合帝怒起入內準輒引帝衣請還坐決事帝意解嘉歎之曰朕之魏徵也淳化中大旱帝延近臣訪政事得天或以天數對準曰洪範陳天人之際如影響今大旱蓋地有不平也帝怒起入內頃之出獨召準問所以不平狀準曰願召二府二府至準言曰頃者祖吉王淮皆得法受賄吉贓以伏誅淮以參政沔之盜主守財至十萬止杖仍復官非不平而何帝問沔沔具服於是切責沔而以準爲可大用卽拜左諫議大夫同知樞密院事會與知院張知遜構而罷出知青州始帝以準畫廢楚王顧厚準旣行時念之已召參大政宜建儲及是得相決親征在軍常專

制獨決事竣前自謝曰使臣一一用詔令從事事豈得速解哉帝笑勞焉還朝眷遇益厚準益恢廓自信居之不疑在中書遇員缺輒補諸舉措自任同列咸不悅嘗除官同列目吏持例簿進準曰宰相所以器百官若用例卽一吏足矣何謂進賢退不肖哉鄧不視而謗慝如此準始貧母養不豐既貴母已亡捫足秤鏹痕輒流涕爲樞密直學士召賜乳母金乳母泣曰太夫人存時家貧求一線作衾縫終不可得豈知有今日哉爲慟哭者終日蓋二相所以當是時宋興四十有餘年矣君相就于成者母之力也

忝和百官奉職吏無殘賊風俗樸素兢兢於所以爲治四方有敗天子畢得聞其視災傷輕重從賑貸故言宋治者以咸平景德間爲極盛參政王欽若者儉人也契丹入寇時驚失措謀惑勸帝幸金陵以避敵以問準準大呼曰爲是謀者可斬也已患其傾仄欲以間出之會

帝以天雄軍爲虜衝。謀置守。準乃言曰。智將不如福將。欽君福祿未艾。可守也。帝曰。善。促草敕。準退。召欽若。諭以帝意。出。敕授之。欽若貽愕。莫知計所出。準大言曰。主上親征。非臣子避難之日。參政爲國大臣。當休戚共之。從中出。以憂國可也。上許。放朝辭矣。酌大白飲之。命曰。上馬杯。欽若懼。飲訖。趣別去。至魏。則虜騎滿野。束手無策。但築塞四門。修齋誦經而已。虜退。準上書。大恨準忠。有以傾之。惟天子亦知其於準郤也。罷其政。置資政殿學士。處之寵焉。一日。會朝罷。準先退。帝目送之。欽若雷因進曰。陛下所爲禮敬準者。豈謂其有澶淵功耶。帝曰。

然欽若曰。澶淵之役。陛下不以爲耻。以爲功。何也。帝愕然。問故。欽若曰。城下之盟。春秋耻之。契丹深入澶淵。不能禦。又賂之。是城下之盟也。中國全盛。陛下明聖而爲城下盟。斯已辱矣。且陛下聞博乎。夫博者。輸錢且盡。罄所有出之。命之曰孤注。陛下寇準之孤注也。繇是帝居恒以中國不競。中自慙爲怏怏。顧準驟衰矣。欽若度帝厭準。且厭兵。乃謬爲大言。進曰。陛下第發兵取幽薊。卽耻可雪也。帝默然久之。曰。河朔生民。始免兵革。朕何忍爲此。可思其次。欽若曰。卽不然。獨封禪泰山。可鎮服四海。誇示外國。然封禪當得天瑞。希世絕倫之事。然後可。

今天瑞安可必得前代蓋有以人力爲之者惟人主深信而崇奉之以明示百官。卽天瑞無異也。帝猶豫以爲疑。會幸秘閣召學士杜鎬。驟問曰。古所謂河出圖洛出書。信有之乎。鎬老儒不測帝意。漫應之曰。此聖人以神道設教耳。帝繇是意決。遂謬爲接天神傳語。得天書布其事於天下。崇奉爲偉觀。藉王旦夙望。以爲天書儀仗使。命從封泰山祀汾陰。俱爲大禮使。而中外阿意附寵之。倫無慮爭奏符瑞獻贊頌爲容矣。欽若言泰山醴泉出。錫山蒼龍見。獻芝草八千本。趙安仁獻五色金玉丹紫芝八千七百餘本。諸州上芝草嘉禾瑞木三春茅等。不可勝數。而月重輪五色雲見嶽頂五星同色含譽星見畢表賀。龍圖閣待制孫奭獨昌言於帝。

曰。臣愚所聞。天何言哉。豈有書耶。帝默然。諫議崔立言。水發徐兗。旱連江淮。無爲烈風。金陵大火。是天之所以戒驕盈也。丁寧明赫。而中外臣工。顧上雲霧草木之異。以爲祥。是何忽昭昭之明戒。而信其瑣瑣者也不省。帝旣封泰山。復祀汾陰。夷上書諫曰。先王卜征五年。歲習其祥。祥習則行。不習則增修於德而改卜。陛下始畢東封。又議西幸。殆非先王五年卜征慎重之意。其不可一也。古圜丘方澤。以郊祀天地。今南北郊是也。汾陰后土。事不經見。漢初唯立五畤以祀天。而后土無祀。故武帝於汾陰祀之。自元成從公卿之議。遂徙汾陰后土於北

郊。今陛下已建北郊。乃舍之。而遠祀汾陰。其不可二也。
西漢都雍。去汾陰至近。今陛下經重關。越險阻。輕棄京
師根本。而慕西漢之虛名。其不可三也。河東唐王業所
自起。而唐又都雍。故明皇以其間祠汾陰。聖朝之興。事
與唐異。而陛下無故祠汾陰。其不可四也。昔周宣王遇
災而懼。故詩人美其中興。稱賢主。比年以來。水旱相繼。
陛下宜側身修德。以答天譴。而下狗姦回。勞民庶以宣
示其侈。其不可五也。夫雷以二月出。以八月入者也。失
時則爲異。今震雷在冬。爲異尤甚。此天意丁寧以戒陛
下。而盤遊不已。失天意。其不可六也。夫民神之主也。是

以聖王先成民而後致力於神。今國家土木之工累年未息。水旱作沴。饑饉荐臻。乃欲勞民事神。神其享之乎。其不可七也。臣聞作善降之百祥。作不善降之百殃。未聞專事簠簋。可邀神福者。已又諫曰。今之諛臣。勸上爲土木禱祠。未始不以褒崇先烈爲辭。以爲孝也。先帝欲北平幽朔。西取繼遷。子孫所當夙夜奉承。以無忘先烈。而未嘗有獻一謀畫一策。以庶幾其效者。乃卑辭厚幣。求和於契丹。蹙國糜爵。姑息於休吉。謂主辱臣死。爲空言。以誣下罔上。爲至計。是陛下以祖宗艱難之業。爲佞臣僥倖之資。此臣之所以長太息也。今山鵲野鹿並歎。

奏簡。秋旱冬雷。具禰國慶以欺上天。則上天不可欺。以
愚下民。則下民不可愚。以惑後世。則後世不可惑。陛下
亦何樂而爲此。國將興。聽於人。國將亡。聽於神。幸陛下
三復於愚臣之言。欽若。狀貌短小。項有附脈。時目爲癭
相。性傾巧。自以爲深達道教。所建明
敢爲矯誕。每封祀制作。緣飾以道德家言。逢帝意而三
司使丁謂尤險狡。蒐講玄典附會之。營宮觀。日役四萬
人。以夜繼晝。繪一壁。給二燭。猶七年乃成。以林特有心
計。使幹財利佐靡用。陳彭年敏給強記。好刑名。姓奸諂
時號九尾狐。與大閹劉承珪比。而爲熒惑。時目爲五鬼。
嗚呼。澶淵之盟。歲以金。繪

爲虜奉。何謂非辱。然是時天子內憚兵。中外大臣具守
和戎爲國是。積衰約之漸。而萊公使隻輪不反之畫。抑
不用也。雖甘心約誓。而視幸金陵幸蜀之議。則遠矣。何

謂國辱也。誠以爲國辱。獨當君臣祇威謙靜。先憂却顧。兢兢於古。克詰張皇之訓。爲後事防。不是之務。顧開天子。以矯誣上天。窮殫國力。示天下以驕泰競也。豈不悖哉。當是時。帝雖有惑志於欽若。謂爲神姦然。中倚王丞相旦。國大事必寄命。寇準雖踈外。亦時時召入位兩府。而李迪王曾之倫咸用。詔兩省置諫官六員。御史臺中丞知雜推直。外置御史六員。不兼領他職務。不出差。凡詔令乖當。官曹涉私措置。刑賞賦歛。犴獄失宜者。並奏論。國有大政急務。若大彈舉。許非時入奏。卽言過當。必曲全。事難顯行者。留中。其諫官屢章䟽。碑益越常例。遷

擢之激揚者。移散秩。務開受盡言。詔禁讀非聖書。及屬
辭浮靡者。禁中外群臣。非休暇。群飲廢職者。禁官吏蠹
政害民。諸轉運使提刑官。不舉察者。詔天下諸州計戶
口多寡。量留上供錢。歲夏秋視市價貴賤。量減增糶糴。
儲蓄足三年已上。充漕運。易新穀儲之。江閩旱。帝聞占
城稻能旱早熟。遣使詣其國求其種。及耕種法。以來教
民種之。知濱州呂夷簡請蠲河北農器稅。帝矍然曰。農
器乃亦有稅乎。已太息曰。務農勸穡。然且懼民競於末
不力本。奈何乎。稅之且何獨河北也。併諸道咸免。定江
淮鹽酒稅。從其薄。有司以失歲課尼之。帝曰。苟便於民。

有問課有違法販茶者。所司請許同居曾告。帝曰。是以利末故。長告許。敗俗也不許。懲前代。內臣橫恣爲非法。諸斑秩賜予。咸有節。內侍江守恩。擅取民田麥。擅杖殺軍士。獄具。命抵法。內臣以公務出使。有干預州縣公事者。命所在官吏立以聞。否者與同罪。敦尚風節。陝州隱士魏野。召不至。命圖所居宅以觀。杭隱士林逋。力學清苦。賜粟帛。作文武官七戒。示官吏。作宗室座右銘。賜諸王作奉天庇民述。示宰相。作欽承寶訓述。示群臣。皆法誠辭。晚歲連歲蝗。大憂之。問學士。廸廸以土木過盛。對命罷諸營造。禁獻瑞物。罷宴樂。督諸路捕蝗。無何。雨青。

州蝗赴海。成積海岸百餘里。初帝欲立劉婕妤爲貴妃。相沆持

不可。冊爲德妃。已欲立爲后。相廸言。妃從出者微。不可

母天下。命學士楊億草制。億不可。改命他學士。卒立后。

天禧末。帝有疾。不視朝事。多決於后。相寇準。李廸以爲

憂。天子亦自意不復與。欲命子監國。內豎周懷政。謁

知之。政故給事東宮。則大喜。出以語相準。請白發一

日準。問請詔太子監國。重社稷。且擇方正大臣。

之。丁謂。惟演。佞人也。不可輔少主。帝然之。準退。令楊

億草表。囑無洩。億弁左右爲之辭。至自起。剪燭跋而準

乃被酒。漏其言。謂因傾準。以爲幸。上疾與內豎通。欲樹

恩太子爲觀。帝怒準罷爲太子太傅。而懷政斥疏懷政陰謀。奉帝爲太上皇。而傳位太子。罷皇后預政。殺丁謂而相準。謂聞之。卽微服乘犢車。詣曹利用所。與其計密。以聞。命曹瑋卽訊懷政服。帝怒甚。欲責及太子。群臣莫敢諫。相廸進曰。陛下惟一子。奈何欲如是。且懷政於外。爲奸謀。太子何自知。且何得以一內豎爲太子累也。帝悟。命誅懷政。而準貶相州。先是。皇后宗人橫於蜀。帝以后故欲舍之。準請必致法。后惡之。與謂比。而傾準。準旣去。謂復發準前所上者。天書。乃巡簡朱能所爲。詔捕能。而能擁衆叛。衆潰。自殺。準復貶道州。準自罷相。三貶。

皆謂所矯托非帝意。歲餘帝問左右曰：「吾目中久不見

寇準，何也？」左右莫敢對。

始準以不信天書見疎外，而京兆都監朱能云：「得天書永興，準

上其事，乃復召將發，有門生勸之曰：「公至河陽，稱病，堅求外上策也。」儻入見，即發，未能天書之詐，次之，最下，則入中書爲宰相爾。

自立劉后時，后有憾於李迪，寇準之

貶也。帝命與小州，謂出傳旨，輒云：「遠小州。」迪言：「向者旨

無遠字，謂忿然不顧他宣敕，增損類自擅。」迪憤悒不堪。

謂人曰：「迪起布衣至宰相，有以報國，死不恨。安能附權

倖，祈苟安乎？」帝疾瘳，二府皆進秩，兼東宮官。帝徇長春

殿宣制，迪奮前自白曰：「東宮官不當增置，臣不敢受命。」

丁謂罔上弄權，私林特錢惟演，而嫉寇準，特子殺人，庇

不治。準無罪罷斥。惟演皇后如屬。令預政。與曹利用。馮拯爲朋黨。臣願與謂俱罷。付御史臺劾治。帝以迪所白發驟甚。言無倫。怒命付御史臺問狀。樞使拯阿附。謂爲言曰。大臣下獄。駭物聽。況下謂本無競。而與迪置對。亦未宜。乃命俱罷。謂出知河南。迪知鄆州。謂入對。請留得聽。留時學士劉筠已草謂迪並罷制。而謂自出傳旨。命更草入中書。視事陽陽如平時。筠不奉詔。更召他學士草之。筠曰。姦人用事。安可一日居此地乎。請外知廬州。而馮拯遂相。自是大權盡歸謂。謂益橫矣。又明年。帝大漸遺言。寇準李迪可託。下謂與太后比。而怨準迪。貶準。

雷州司戶。迪衡州團練副使。以朋黨連坐者甚衆。謂惡
欲必寘之成。屬制草極醜詆。王曾爭其重。謂曰。攝之日。
居停主人勿復言。以準嘗主曾家。危之也。遣中使齎勅。
就賜以錦囊。貯劔。揭馬首。示殺之之意。至鄆州。迪懼。
即自裁。不殊。至道州。準方宴客。中使避。不見。問所以來。
不答。衆惶恐。不知所爲。準神色自若。使人謂之曰。朝廷
若賜準成。願一見敕書。中使詐窮。不得已。出敕書授之。
準即從錄事參軍。借綠衫着之。纔及膝。拜謝。已升階。復
宴。至暮乃罷。或語謂曰。迪準貶成。公如士論何。謂曰。異
時書生記事。不過曰。天下惜之而已。

論曰。方太宗真宗時。天下新脫五代亂離之苦。民思樂
更生。而二帝畏天憫人。禮賢重相。政務於寬簡。傳承爲
家法。國元命賴焉。然天下甫一。諸鷹揚熊羆之士終不
用。循用相晉畫。憚兵也。規幽燕軌。嗣禹迹之職。方闕然。

施于景德。遂以南北彌兵爲大慶。於時廣進士名額。廣
任子恩。歲宴群臣。後苑賞花釣魚。文太平。祥符中。又益
以天書封禪。終宋世文治已汰。而武功爲不競矣。

李王二相謨

李沆。字太初。洛州肥鄉人。少好學。器度弘遠。舉進士甲科。

歷直史館。太宗大器之。以給事中參大政。與李至並命
爲太子傅。命太子見必先拜。真宗卽位。以得相。時宋興
餘四十年。天下旣脫五代兵革之苦。休息於生養。而法
制粗定。忌更張。帝問治道所且先。沆曰。不用浮薄新進
喜事之人。此最爲先。帝問其人。沆曰。如梅詢曾致堯者。

是矣。居嘗言：吾居重位，愧無補國家，惟中外所陳利害，一切報罷，以此少報國耳。或問何也？曰：今朝廷所制法，備具，因勢循行之而可矣。儻更張，卽所傷必多。陸象先所謂庸人自擾之也。儉人苟一時之進，競陳請，豈念生民耶？帝欲冊劉婕妤爲貴妃，夕遣中使諭之。沆對使者，卽引燭焚詔，附奏曰：但遁臣沆以爲不可。議遂寢。駙馬都尉石保吉求使相，帝欲畀之，以謂沆。沆曰：保吉因緣戚里，無勲伐，何得大拜乎？事亦寢。前大臣例有密啓，沆獨無。帝問之。沆對曰：臣待罪宰相，公事公言之，何密啓爲也？夫人臣有密啓者，非讒卽佞，臣竊病之，何敢效尤。

每公退常讀論語。或問之曰。沆爲宰相。如論語中節用而愛人。使民以時。尚未能行。聖人之言。終身誦之可也。初爲相。方西北用兵。帝常盱眙食。御便殿。同列勞勩參政。王旦退。歎曰。時事如此。安得坐見太平。優游於無事耶。沆曰。少有憂勤。足爲警戒。他日四方寧謐。恐人主漸生侈心。更多事可憂耳。又日取四方水旱盜賊及子弟不孝惡逆之事以聞。帝每爲慘怛動容。旦以爲此小事。不足煩上聽。沆曰。不然。人主少年。血氣方剛。當常使知四方艱難。懷憂惕庶幾無邪心。苟日狎宴安。不留意聲色犬馬。則土木甲兵。鴈祠之事作矣。吾老不及見。其參政

他日之憂也。且未以爲然。及沆薨。旦任相。時契丹旣和。西夏納款。王欽若。丁謂等更進用事。而帝果封泰畋祠。汾陰營宮觀。土木爲禱祠。旦欲諫。則業已同之。欲去。則帝遇之厚。益感沆先憂。喟然嘆曰。李文靖真聖人也。寇準與丁謂善。薦謂才於沆。沆不用。準問之。沆曰。顧其爲人。可使之在人上乎。準剛倨。應聲曰。如謂者。相公終能抑之。使在人下乎。沆笑曰。他日後悔。當思吾言。準後爲謂所傾。始伏沆先識。沆性直諒。內行修謹。言無枝葉。識大體。接賓客。常持寡默。人莫能干以私。公退。終日危坐。未嘗跛倚。其自奉甚薄。九厭榮利。罕以世務嬰其心。堂

治第封丘門內。廳事前。僅容旋馬。或言其太隘。沆笑曰。居第當傳子孫。此爲宰相廳。事誠隘。爲太祝奉禮廳。事則已寬矣。堂前藥欄壞。妻戒守舍。故勿葺。以試沆。沆朝夕見。經月終不言。妻問之。沆曰。內典以此世界爲缺陷。安得圓滿如意。人生朝暮不保。豈可以此一動吾念哉。後遇疾。沐浴衣衾臥而逝。天子臨哭之。慟。贈太尉中書令。諡文靖。配享真宗廟庭。沆旣沒。或有薦梅詢可用者。真宗曰。李沆嘗言其非君子。蓋見信如此。

王旦。

字子明。

大名莘人也。

父祐事太祖。爲知制誥。符彥卿鎮大名。頗不治。太祖命祐行察。

之以百口保其無他。且曰。五代之世。多猜忌。殺無辜。故享國不永。願以爲戒。太祖深納之。嘗按獄所。全活數百。

人因得罷歸手二槐于庭曰吾爲人沈默敦重能大
後世必有爲三八者此所以志也

舉進士及第判鄆州以王禹偁薦召試遷右正言知

詔景德中契丹犯邊帝駕幸澶州旦以參知政從雍

王份時畱守京師遇暴疾不任畱事命旦還居守時

寇準方柄用旦曰願宣寇準至臣有所請準至旦曰十

日間未有捷報也當如何帝默然良久曰立皇太子旦

頓首幸甚馳抵京不過家卽宿直禁廷以王命參決令

中人毋得洩內外肅然初不知雍王疾病旦爲守也及

駕還旦子弟及家人郊迎旦聞騶訶聲從後來視之乃

旦也其靜重如此及旣相二邊兵罷不用天子欲遂以

無事理天下。旦守恭和。務慎行祖宗之法。事少所變更。進退賞罰必當。而恒以執綱紀。抑澆競爲急。柄用十八年。爲相者一紀。帝从益信倚。言無不從。祥符中。天下大蝗。帝避殿減膳。有中使於野得成蝗以進。曰。蝗成矣。帝以示大臣。大臣助爲言。請視朝。率百官賀。旦曰。蝗出爲災。災得弭。可幸。不可賀。後數日。兩府方奏事。忽飛蝗蔽天。帝顧旦曰。使百官方賀。而蝗如此。豈不爲天下所傳笑耶。榮王宮火。延前殿。有司請置獄。劾火事。當坐成者百餘人。旦請見。曰。如失火。陛下以罪已詔天下。而臣等皆上章待罪。今歸咎於人。何以示信。且火發雖有迹。而

燔燬已亟。何謂非天譴耶。獄得寢。方東封時。契丹國中
國內耗。請歲給外。更假丐錢幣。西夏亦言民饑求糧百
萬斛。以問旦。旦曰。東封近。車駕將出。諸經費浩繁。二虜
欲以此觀朝廷儉仰耳。帝曰。何以待之。旦曰。獨當以微
物輕之。請於契丹歲給三十萬銀絹外。各借三萬。仍諭
次年額內餘之。敕有司具粟百萬石于京師。詔趙德明
來取。德明得詔。慙且拜曰。朝廷有人。明年詔有司。契丹
所借金幣六萬事微末。今仍依前數與。後不爲比。契丹
亦慙服。馬軍都指揮使張旻嘗被旨揀兵。嚴兵。讙欲爲
變。帝召二府議之。或請捕讙者。或曰。請罷旻。旦曰。若罷

旻則自今帥臣將何以令衆捕謹者。卽都邑震驚。或致
變。非細事也。陛下殆嘗欲任旻樞府。臣未敢奉詔。今用
之。而解其兵柄。卽反側安矣。帝曰。善。旦用人。不以譽望。
必實材。苟賢材。必衆謂宜。而後用。旣用之。則久任。不
遷也。於廷臣多所薦達。而人無知者。

李行簡以將作丞
家居。有賢行。遷太

子中允。使者不知其宅。帝命就中
書問之。人始知行簡爲旦所薦也。

曹瑋自秦州召筦樞

密。命李及代衆以爲守邊。非及長。竟用之。及至州。政簡
緩。州將士心易之。會禁軍有白晝擊婦人釵於市者。及
方坐觀書。命斬之。而觀書自若。秦人厭服。聞者以爲賀。
旦笑曰。此何足異。吾所爲用及者。獨以其重厚能守。

將約束耳。翰學士陳彭年謁旦。辭不見。翌日相敏中以彭年所上文視之。旦瞑目不覽。曰：「是不過興建符瑞圖進取耳。」諫議大夫張師德有時名。兩謁旦。不得見。意爲人所毀惡。亦以告敏中。敏中從容言之。旦曰：「旦所安得有毀人者？」更間不答。已知制誥缺。旦曰：「惜也。」張師德敏中間之。旦曰：「屢於上前言師德名家子。有士行。不意兩及吾門。彼其以狀元及第。榮進素定。但靜守可矣。君復奔競。則無階而入者。當如何？」敏中乃大服。太子諭德來見。稱太子學書有法。旦從容曰：「諭德之職。止是耶？」張士遜轉運江西來見。旦曰：「朝廷權利至矣。士遜遵其言。不

求策利。人服其識體。薛奎發運江淮。辭行。無他語。旦曰。東南民力竭矣。奎退。歎曰。真宰相之言也。旦與人寡言笑。居恒端默。終日及奏事。群臣異同。徐一言而定。歸家。或不去冠帶。入靜室。深念家人。莫敢見。識者曰。此必憂朝廷矣。末年。章奏有不經奏御者。批旨行。同列問之。帝曰。朕論今小事。得專決。故爾。時寇準以同年生。剛旦薦之。復召知樞密。準負氣。惡三司使林特佞邪。沮抑之。帝怒。謂旦曰。準剛忿。如昔。旦曰。準好人懷惠。又欲人畏。威此皆大臣所當避。而準任之。此其所短。然方嚴任大事。上至仁幸寬之。帝曰。卿雖稱其美。彼專談卿短。旦曰。

理之當然。臣在相位久。諸參決闕失必多。準對陛下。保

所隱。益見其忠。此臣所以重準也。帝愈益賢旦。

中書省有事送

密院。違詔格。準以聞。旦被讓堂吏。皆見罰。不踰月。密

院事送中書亦違格吏欣然呈旦令送還院而已

準罷。私遣人從旦求使相。旦驚曰。將相之任。豈可求耶。

吾不受私請也。準大憾之。已而除準武勝軍節使。同平

章事。入謝曰。非陛下知臣。臣安能至此。帝具道旦所以

薦者。準始媿歎。以爲不可及。旦寬重。然慮防至深。嘗兄

景靈宮使。內臣周懷政副之。每見旦。必俟從者至。冠帶

已。乃出。既事輒退。內臣劉承規得幸。病且成。求爲節度

使。帝語旦曰。承規待此以瞑目。旦執不可。曰。他日將有

求爲樞密使者。奈何。其守正如此。旦任事久。人有謗於上者。旦輒引咎。未嘗辯。至人有過失。雖帝盛怒。可辯者。辯之。必得而後已。有日者坐事。誅藉家。得朝上與往還。古問書跪。詔逮治。旦以爲此人情不足罪。且語不及朝廷。何罪。帝怒未怠。明日。旦袖少時所掌就古問之書以進口。臣少賤時嘗有之。必以爲罪。罪并臣付獄。帝曰。事已發。安得已。旦曰。臣爲宰相守法。豈可自爲之。幸於不發。而以罪人爲乎。帝意解。許勿問。旦出至中書。即取所得朝士書。立焚之。已而帝中悔。馳取之。則焚矣。蹠是獲免者甚衆。旦素羸。多疾。

自東封還。益病。連疏求解機務。又面請數矣。帝倚毗益厚。一日獨對滋福殿。帝曰。朕方以大事托卿。而卿欲如此。奈何。因命太子出拜。旦惶恐走避。太子隨拜之。旦曰。太子盛德。必任陛下事。因薦可爲大臣者十餘人。後不

至相位者。惟李及凌策二人而已。然皆爲名臣。尋請益
堅。乃以太尉領玉清昭應宮使。給宰相俸。使者存問。日
常三四至。帝手自和藥賜之。延見延和殿。帝曰。卿疾脫
不諱。天下事當誰付乎。旦曰。知臣莫如君。帝三問。旦強
起。舉笏曰。莫如寇準。帝曰。準剛褊。更思其次。旦曰。他人
臣不知也。先是帝雅昵王欽若。欲相之。旦曰。兩府鈞耳。
欽若遇陛下。典樞密。亦謂遭逢。留之兩府。亦鈞所重。臣
見祖宗廟。未嘗有南人當國者。雖古稱立賢無方。然必
賢士乃可。臣爲宰相。不敢沮抑人。此公議也。帝遂止。及
是欽若相。語人曰。爲王子明。遲我十年作宰相。蓋嘆之。

也。病革。帝幸其第。賜金五十兩。辭不受。遺表勸帝親庶政。進賢士。減焦勞之思。未嘗爲子弟乞恩。卒。帝臨哭之。慟。輟視朝三日。贈太師。魏國公。諡文正。乾興初。配享真宗廟庭。仁宗篆碑額曰。全德元老之碑。旦內行淳備。事寡嫂謹。與弟旭篤恩。家事一無所問。而務以儉約率子弟。使不爲奢。家人未嘗見其喜愠之色。每飲食不精潔。但不食而已。家人嘗試以埃墨投羹中。旦惟啖飯。問何不啖羹。曰。今日偶不喜羹耳。又墨其飯。又卻去。問之曰。今日偶不喜飯。兄子盛欲舉進士。旦曰。吾方以盈滿自懼。奈何復

峻士競進乎。比其歿。子素猶未嘗家。

爲治第辭以先人舊廬而止。有獻玉帶佳者。因其弟以請。旦命試繫之。曰。頗見佳否。曰。繫之安得自見。旦曰。身負重。令觀者稱佳。無已勞乎。亟還之。每賜予家人。寘庭下。輒瞑目歎曰。生民膏血也。後竟以帝命置二姬而衰。祥符中。天書封禪禱祀事。恒爲大禮使。然居恒邑邑。中自嫌也。旣寢疾。遺令削髮披緇以歛云。

論曰。自藝祖以仁厚立國。太宗真宗具守之以文。雖所繇殊路。於德厚一也。故風氣完而碩輔生。李相靖以簡遠。王守以敦篤。庶幾哉。古大臣調劑茹納之風。國威積弱。厘厘以繒幣彌百年勅虜之難。寇相決親征之功。茂



通史上編卷之五十二

明旰郡鄧元錫纂

宋仁宗帝紀

仁宗皇帝初名受益改名禎真宗第六子也

母李宸妃章獻皇后

取養之為已子七年封慶國公進壽春郡王兼中書令進昇王立為皇太子

乾興元年春二

月卽位尊皇后為皇太后赦

百官進秩一等優賞諸軍勅山陵諸費毋賦民宗室

王進封兩府以下進秩

御崇德殿太后垂簾承明殿聽政內侍省

押班雷允恭坐擅移山陵皇堂伏誅謂中正罷秋

七月朔日

饒幾盡

參政曾

王

為中書侍郎同平章事龍圖閣學士夷

簡品

知開封府事宗道

魯

參知政事樞副惟演

錢

為樞

密使冬十月葬永定陵

以天書殉

是歲蘇州水滄州海溢振

之

遣使如契丹告哀告卽位契丹亦遣使來弔祭來賀卽位他歲使如先朝交趾來貢

天聖元年

春立計置司秋拯

馮

龍

拯貌嚴重而內之風節議論多通上意平居自奉侈靡而外示

儉陋以疾

王欽若同平章事故相準卒雷州

初太宗得通天犀帶

二

一自御

一賜準及是準得疾遣人自洛中致之至沐

浴朝服束帶北面再拜呼左右設卧具就榻卒歸葬西

京道荆南公安人皆設祭路旁哭折竹植地掛楮錢踰

月盡生筍因爲祠祀焉後贈中書令來國公謚忠愍準

方正有大節然性豪好宴飲聲樂而終不蓄產寢處一

青幃二十年有破壞葺之或以公孫弘布被事爲誚準

答曰彼詐我誠吾不忍寢處之久而以弊獨棄也以欽

若問知天樵契丹使過之驚曰相公重望何故不在中

書準曰主上以朝廷無事無所事準北門鎖鑰非準不

可爾以丁謂媚貶道州北使至有好宴兩府咸在北使

謂譯者言坐中孰爲無宅起樓臺相公者蓋處士魏野

贈準詩中語也謂失措遣譯者答曰上初卽位遣丞相

嘗撫兩夏非久還矣起貶時溪洞蠻或抄其行李其酋
長聞而責之曰柰何奪賈宰相資趣送還其為夷貊嚮
服如冬置易州交子務是歲其沙二年秋八月幸國子
此州來貢

監謁孔子直講馬龜符等進賚有差幸武成王廟冬十一月祀天地

園丘赦百官上尊號及皇太后尊號賚賜有差立皇后郭氏是歲龜茲二

年夏幸御莊觀刈麥環原州屬寇叛寇邊都監趙士隆死之樞密副知白

張同平章事淮南節使晏為樞密使以太后微時恩是

歲襄州水晉絳陝解州饑賑之龜茲其州于闐來貢環慶蕃部嵬逋等內附

四年夏令天下死罪囚情理可矜及刑名疑者具上讞

詔士有文無行者毋薦送減江淮歲漕米五十萬石除

舒州太湖等九茶場民逋錢十三萬緡冬十月朔日是歲京

師大水京東西漕南河北等路建劔邵武等州軍水賑

之五年春正月率百官上皇太后壽千會慶殿賑京東

流民夏京畿旱決畿內繫囚罷諸營造不急者秋塞滑

州決河冬十一月祀天地圜丘赦是歲陝西旱蝗蠲民

租北州交趾來貢六年春相知白平知白滄州人為相慎名器抑繳倖每以盛滿為戒雖

貴顯清約如寒士卒謚文節樞副士遜張同平章事三月朔夏減三

司歲調上供物是歲免河北水災州軍租其州三佛齊來貢交趾寇

邊七年春樞使利用罷時太后臨朝利用以勲舊自處凡內降恩持不與左右多怨之

方奏對后前以指甲擊帶輕左右指相語曰先帝時大

樞伺敢爾太后聞銜之會利用子從汭被酒衣黃衣令人呼萬歲杖死內侍羅崇勲請併罪利用張士遜王曾力解之乃罷為衛將軍知陝州尋安置房州內侍楊懷

將軍知隨州尋安置房州內侍楊懷敏魯卒

護送至襄陽驛侵迫之利用短經死有參政宗道魯

傳相士遜罷知江寧集賢殿大學士夷簡岳同平章事樞

副諫夏諫議大夫奎薛參知政事復制舉諸科賑契丹

流民分送唐鄧等州夏六月大雷雨王清昭應宮災詔

不復繕修相曾罷知兗州秋罷諸宮觀使八月朔日樞

副堯佐陳工侍郎曙王參知政事詔知州軍歲舉判司

簿尉可縣令者一人是歲河北水遣使賑恤察官吏貪

暴不恤民者龜茲下溪州八年秋復解鹽通商法冬

十一月祀天地圻赦是歲高麗占城九年契丹

緒卒子宗真立契丹使來告部川都蠻來貢

哀使弔祭龜茲沙州來貢帝十春二月

刑尚書士遜

張

同平章事宸妃李氏薨秋

七月太
白晝見樞副

殊

晏

參知政事太內災求直言赦樞副崇勳

楊

為樞密

使是歲京東淮南江東饑賑之

夏德明卒
子元昊立

二年春

二月

彗見東
北長夾

皇太后饗太廟

服袞衣儀天冠皇太妃亞獻
皇后終獻上皇太后尊號

耕

籍田赦

百官上
尊號

皇太后劉崩夏四月追尊母宸妃李為

皇太后

諡章
懿

帝親政相夷簡者竦殊罷工尚書判都省

廸

李

同平章事戶侍郎隨

王

參知政事

六月朔
日蠲

秋以旱

蝗去尊號詔中外直言闕政冬十月葬明肅皇后

于永
定陵

相士遜罷

以上諡冊羣臣入慰士遜過內侍
楊崇勳園飲日中不至罷判河南

門下侍郎

夷簡

呂

同平章事吏侍郎曙

王

樞密使殿學士綬

宋

參

知政事

太白犯

參政奎

薛

罷

判都省

京東饑出內藏絹二

十萬代歲輸廢皇后郭氏

中丞孔道輔司諫范仲淹請補外

是歲五路

蝗四路饑賑之

注輦來貢

景祐元年

帝十有二年

春淮南饑出

內藏絹二十萬代歲輸二月育宗室子宗實于宮中置

崇政殿說書詔麟府州賑蕃漢饑免諸路災傷州軍今

年夏稅夏禁民間錦繡服飾罷西川歲貢錦秋

七月河決澶州

八月有星

樞使曙卒曙簡重有大臣體居重位深

字于張翼

射曾王為樞密使立皇后曹氏

是歲夏元昊反寇環慶交趾獻馴象二還之

二年春置邇英延義二閣相廸罷

知亭州

右僕射門下

侍郎曾

王

同平章事吏侍郎隨

王

戶侍郎諮

李

知樞密

院事禮侍郎齊蔡度盛參知政事簽書密院德用王工

侍郎億韓同知樞密院事冬十一月祀天地圖丘赦錄

代及諸國後詔長吏能導民脩水利闢萊田者賞三年春

復廢后郭氏葬郭皇后較定新樂優給致仕官俸歲時

酒米麪令所在長吏存問秋八月月犯南斗九月災惑犯南斗冬奉德軍留後德用王

知樞密院事是歲虔吉州水賑之夏元昊侵回鶻取瓜

來貢南丹四年夏相夷簡曾參政綬齊罷初夷簡事

州蠻內附薦為相及會復入中書位反居下而夷簡任事久多專
決會不能堪議論多異同力求罷帝疑之問曾曰卿豈
有所不足耶時外傳夷簡納賂曾及之帝問夷簡夷簡
乞置對而曾語非實二人益乞罷時曾與蔡齊善而夷
簡善宋綬惟盛度不得志於二人性猜險每爭論常依
違其間及是帝問度二人儻有私乎度對曰不知也陛

下第問孰可代者則其情得矣帝從之曾薦
樞使隨王

戶侍郎堯佐陳同平章事參政度盛知樞密院事樞副

億韓吏侍郎琳程翰學士承旨中正石參知政事越州

并代沂州地震賑之寶元元年帝十有六年春正月朔日

北求直言相隨堯佐參政億中立罷隨為相無建明更

休而風迹弗及堯佐中立非輔弼木億下急事佛慕唐裴

得象章同平章事龍圖閣學士驤王若谷李參知政事

秋八月熒冬十一月祀天地圜丘赦改元百官上尊號

是歲建州大水賜被溺家錢安化蠻寇宜融州發卻澧

蠻來貢二年夏募民入粟實邊樞密使德用罷言者論其貌類

藝祖不可任罷為武寧軍節度使。真定都部署守贊。夏知樞密院事。省

宮掖浮費。削元昊宮爵。除屬籍。討之。以僭號參政度盛

琳程罷工侍郎。驤知樞密院事。翰學士庠。宋參知政事。

是歲益梓夔利路饑賑之。康定元年。帝十有八年。春。正月朔日。

元昊寇延州。延州地濶砦踈兵寡弱無宿將當夏人出人之衝元昊詐遣人來通款外延州

范雍信之不設備元昊潛師破金明砦攻延州雍失措

獨閉門堅守召副總管劉平石元孫鄆延都監黃德和

廵簡侯政郭遵還自救元孫督騎兵晝夜倍道前至萬

安鎮平發步兵繼進夜至三山口西十里止營與德和

政遵擊賊州城東却之暮賊以輕兵薄我師軍小却黃

德和居陣後率麾下走衆遂潰平遣子宜孫追德和還

抗賊不聽驟馬遁平遣軍較杖劍邀留千餘人韓關三

日保西南山立七柵自固賊夜攻圍之平元孫等皆被

執會大雪解去延得不暇詔殿中侍御史文彥博即河

中訊德和坐腰斬雍貶知安州以平元孫為戰死也

贈官。○是月，出內藏錢八十萬緡市糴陝西邊，改元赦。

許中外臣庶上封事。知制誥韓琦安撫陝西，知越州范

仲淹知永興軍，詔大臣條陝西攻守策上。大風晝暝黑，

樞使醜罷。以不憂邊故。刑尚書殊。晏禮尚書綬。宋知樞密院

事。詔按察官舉才堪將帥者。士遜致仕。士遜寡方畧，無

目之，以見亂致仕。宰相得謝自此始。右僕射夷簡同平章事。召夏守贊還。

尋罷。判澶州。元昊陷安遠砦。兵馬押監王繼元參政若谷

罷。若谷性端重，歷守諸州，多知慮，愷悌愛人，所至見思。

在政府，為帝言朋黨說，與將正人無以自立，以疾請

為吏侍郎，提翰學士綬翼。宋右諫議大夫宗慤。是參知

政事。知密院殊為樞密使同知密院貽永。王衍，杜戡，鄭

樞密副使。元昊寇三川砦。都廵簡楊保吉死之。出內藏絹百萬匹。

糴軍儲。參政綬卒。綬趙州人。孝友清介。言動有常。嘗為帝言臨事尚守當。機貴斷用。謀在密。

帝甚倚之。鑄當十錢。助邊費。慶曆元年。帝十有九年。春。元昊

寇渭州。副總管任福敗死。琦貶知耀州。夏。參政庠戡罷。庠博聞練故事。

議果敢任氣。皆好議論。與夷簡忤。罷。翰學士舉正。王參知政事。詔近臣舉

可河北陝西河東知州通判縣令考秋。七月。元昊寇

麟府州。破寧遠砦。陷豐州。兵馬押監王顯孫吉。知州王餘慶死之。冬。竦罷。

分陝西為四路。各置使。以韓琦王沿范仲淹龐籍領之。十一月。祀天地。

圜丘。赦改元。是歲。湖南蠻來貢。二年春。刺義勇軍。宗慤罷。契

丹來求關南地。夏。知制誥竊往報使。建大名府為北京。

禁銷金服飾。

六月朔日。蠲。

出內藏銀絹三百萬助邊。

大雨雹。

相

吏簡兼判樞密院事。得象兼樞密使。樞使殊加同平章

事。知制誥。再使契丹。增歲幣定和。

具夷狄志。

元昊寇定川

砦。涇原路副都總管葛懷敏戰沒。

掠渭州。置陝西路經畧安撫招討使。

韓琦范仲淹龐籍分領之。○是歲占賊來貢。

三年春。議減天下賦役。元昊

來輸平。相夷簡罷。竦召為樞密使。權御史中丞昌朝。

賈

參知政事。安撫使琦。仲淹為樞密副使。竦罷。同知密院

銜。

杜

為樞密使。夏。

五月朔日。蠲。

大旱。帝親禱于西太一宮。雨。

秋。樞副仲淹。參知政事。召對天章閣。更磨勘考課。任子

法。

冬。大雨雪。河北雨赤雪。○是歲桂陽監徭蠻屢寇邊。交趾安化蠻來貢。

四年春。帝復

御經筵。出奉宸庫銀三萬兩。糴粟濟陝西饑。詔州縣立

學。本道使者選部屬官為教授。不足取鄉里宿學有道業者。行科舉法。夏。幸國子監。

幸武成王廟。參政仲淹出宣撫陝河東。樞副弼撫河北。

樞使殊罷。知穎州。樞使衍同平章事。參政昌朝。賈為樞密

使工侍郎執中。陳參知政事十一月祀天地壇。赦。是歲

封元昊為夏國主。歲賜幣十萬匹。茶三萬觔。宜州蠻叛討之。桂陽蠻降。黎州印部山前山後蠻來貢。五

年春。參政仲淹罷。知別州。樞副弼罷。知鄆州。相衍罷。知兗州。昌

朝同平章事。宣徽南院貽永。王為樞密使給事中。庠參

知政事。旱。詔州縣毋淹繫刑獄。樞副琦罷。知揚州。夏。四月朔日

饒相得象。章罷。章獻垂簾宦者方熾得象官翰林未嘗交一言在中書八年畏遠名勢宗黨親

戚抑不進時范富韓日議政御史孫抗論其無健明求去以使相知陳州參政執中陳同平

章事翰學士育吳參知政事冬罷宰相兼樞密使是歲夏元

吳遣使來賀正旦及乾元節歲為常西南夷施州溪峒蠻來貢六年春三月朔參政

育改樞密副使樞副度丁參知政事是歲湖南得賊人寇交趾邈川首領

喃斯囉西蕃暗檀角安化州蠻來貢七年春詔天下有能言寬恤民力

事者驛置聞早避殿減膳求直言相昌朝參政育罷昌朝

育數爭議不協育請曰臣所辨者職也顧力不勝願罷臣職論者多不直昌朝會旱御史中丞高若訥言大臣

喧爭為不肅故雨不時若於是昌朝判大名育知許州召知大名竦夏為樞密使

樞密直學士彥博文參知政事冬十一月祀天地圜丘

赦貝州亂西蕃磨甃八年春貝州平初逐人王則以歲饑流貝州自

賣爲人奴牧羊後隸宣毅軍爲小較以妖幻誣俗言釋迦佛衰謝彌勒佛持世相與習五龍滿淚等經及諸圖識又則去家時與毋訣刺福字於背以爲記人見者妄傳則背有文隱起成福字爭相與信事之黨衆連德齊諸州約以明年正旦斷澶州浮梁作亂事洩恐捕治遂以冬至日反知州張得一方與官屬待漏盡謁天慶觀忽變作執得一囚之通判董元亨馳還坐廳事賊黨露刃排闥入索庫鑰不屈死殺指揮使馬遂司理王獎僭稱東平王旗幟號令卒稱佛詔知開封明鎬爲體量安撫使討之鎬以貝州城峻不可攻於城南爲地道規城中日攻其北牽制之夏竦忌惡鎬數從中沮撓詔參政文彥博爲宣撫代將鎬爲副使彥博辭請軍事宜得專行無中制許之旣至軍而鎬所穿道適通遂選壯士夜半蹂地道入攻之賊縱火牛前官軍以槍中牛鼻牛還攻賊大潰則開東門遁擒之竦復言所獲非真則檻送京鞠之果則也磔于市改貝州爲恩州張得一以降賊誅元亨夏竦政度罷度祥符人淳質無威儀居一室十遂贈官餘年無姬侍帝嘗問用人資與才孰先度對曰任官惟才承平時資可也世多參政彥博故宜用才時方用兵度以諷與夏竦不合罷

文同平章事。諫議大夫鎬。明參知政事。以貝州功故衛七作

亂伏誅。瀛莫恩冀州饑。民鬻子。賜內庫錢贖還之。幸龍

圖天章閣。夏權三省使鎬。參知政事。竦罷。御史何郯論竦姦邪不可

任。會京師無雲而震者五。免知河南。參政庠。宋為樞密使。同知密院籍。龐

參知政事。河決澶州。參政鎬卒。鎬安丘人。端挺寡言。所至安靜有體。而遇事不苟。數為竦

沮擢。疽發背。卒。謚文烈。秋。發廩賑畿內貧民。出內藏錢帛買粟。濟

河北流民。是歲夏亢旱。民死。于諒祚立。交趾來貢。皇祐元年。帝二十有七年春正月朔

日。饑。二月。彗出虛。秋。相執中。陳罷。知陳州。樞使庠。同平章

事。工侍郎籍。龐樞使若訥。高參知政事。廣源蠻僮智高

反。寇邕州。是歲。二年秋九月。郊祀明堂。合祭皇地祇。奉太祖

太宗真宗配親百官進秩一等自是復命官定樂出

內藏緡錢紬絹下河北糴賑民三年春相庠宋罷河

南權知開封府沆劉參知政事夏禁河北吏飾厨傳交

使客取譽者相彥博罷以老請樞使籍龐同平章事樞

副若訥高樞密使樞副適梁參知政事是歲涇原樊家

四年夏蠻智高圍廣州樞密副使青狄以宣撫荆湖

使經制廣南討之冬十一月太自紀南是歲河北路及鄜

州水賑之五年春廣南平儂氏自唐世為廣源州首

為交人所殺妻改適生智高冒姓因據儻猶州為交人

國招納亡命貢獻中國求內附不許奉金函書以請又

不報智高怒陰謀據廣南數出敝衣給言洞中饑部落

離散來乞糴。知邕州陳瑛信之，不設備。智高一夕，忽縱火焚其居，給衆曰：「平生積聚，今盡矣。」當取邕廣以自王。遂率衆五千攻橫江寨，守將張日新戰死。聞邕州執瑛，司戶孔宗旦罵賊死之。智高遂僭號，改元，置官屬，陷橫貴、藤、梧、康、端、龔、封八州。知封州曹觀、知康州趙師旦皆戰死。圍廣州，知州魏瓘力戰禦之。知英州蘇緘、寇壯勇數千人赴援，扼賊歸路，而轉運使王罕自外募民兵，益修守備，得不陷。事聞，命余靖爲廣西安撫使，孫沔爲廣南東西路安撫使，討之。師無功，而賊移書行營，求邕桂節度使。帝將許之。梁適曰：「若爾，嶺表非朝廷有矣。」樞副狄青請自行，命爲宣撫使，用相籍言，不置副，不遣監軍。詔嶺南諸路軍皆受青節度，而定語具青傳中。夏。

樞副青爲樞密使，樞密直學士沔孫爲樞密副使，相籍

罷。知鄆州有傳使相執中陳參政適梁同平章事。冬十月朔，

十一月祀天地，圜丘赦放天下逋負，禁轉運官進羨餘。

是歲占城來貢。至和元年帝三十有二年春京城疫，貴妃張氏薨，追冊

為溫成皇后樞使貽永。王樞副沔。孫罷判鄭州德用。王

為樞密使改元。夏四月朔日秋給事中戡。程叅知政事相適

罷。適曉暢法令有膽量而多挾智數貪黷怙權不戢參

政沆。劉同平章事。二年春封孔子後為衍聖公。先是孔子

後世襲文宣公太常博士祖無定差衙前法。衙前主運

折耗民多破產知并州韓琦請罷之乃視貲產多寡差

息相執中。陳罷。執中鹽鐵使恕子也凡二人政府退朝

事及監場務官權勢所引者皆奏罷內外肅然時張貴

妃薨追冊為后執中逢帝意奉行御史趙抃歐陽修知

諫院范鎮並糾之會執中嬖妾管小殿學士知永興軍

婢出外舍死臺官論之罷判亳州富為戶侍郎同平

彥博。文為禮尚書殿學士知許州弼。富為戶侍郎同平

章事。修六塔河。是歲契丹主宗真卒。子洪基立。茂州下

郡王犬食西蕃。安化川蠻來貢。嘉祐元年。帝三十四年。春正月。雨水。帝不

豫。輔臣禱祠大慶殿。二月。帝疾瘳。戶侍郎堯臣。王參知

政事。定補蔭選舉法。大雨水。壞太社太稷壇。詔羣臣實封言政闕

失秋。命京東西河北監司。分行水災州軍。賑饑蠲租。出

藏銀絹三十萬。擘出。紫微垣。八月朔日。蠲。樞使青。狄罷。判陳三司使琦。韓為

樞密使。赦改元。德用罷。為景靈宮使。判大名。昌朝。賈為樞密使。相

沆。劉罷。沆長吏事。始以附張貴妃。得進。好任數。刺探權

後。臺諫官用事。朝廷命令無當否。必論駁。必勝而後已。

專務扶人陰私。莫辨之事。為中傷。執政畏其言。進擢尤

速。請行御史遷次之格。滿二歲者與知州。帝從之。會御

史范師道趙并歲滿。沆引格出之。甲丞張昇曰。天子耳

目之官而宰相挾私斥之是自塞翰學士公亮曾參知

其耳目也且極疏沆罪出知應天春、幽州地震、秋、置廣

政事是歲融桂州蠻內附、占城大食西蕃來貢、二年壓死數萬人、

惠倉是歲西南蕃西三年夏相彥博文樞使昌朝罷

彥博以老求罷以使相判河南知諫院陳旭等恐昌朝代相率僚屬言昌朝交通女謁建大策別解客位待宦

官宦官有矯制下密院者韓樞使琦同平章事、兵尚書

釋不治昌朝出判許州樞使琦同平章事兵尚書

庫宋制置使況田為樞密使秋、八月朔、叅政堯臣卒、有

是歲夔州路旱廣濟河溢原武河決賑之安化州蠻來貢、下溪州蠻

內四年春正月朔、罷權茶夏封周後柴氏為崇義公附、

給田奉秋樞密使況罷冬十月給太廟赦加恩、召河南

處士邵雍不至五年春正月朔白虹貫日太白夏置

寬恤民力司。是歲。諸路蝗。澇饑。賑之。交趾與甲峒蠻寇邊都廵簡宋士堯

之。詔中書采端實士登朝。黜辯巧者。冬。叅政庠罷。以侍御史

呂誨論罷判鄭州。參政公亮。曾為樞密使。樞副昇。張并。孫參知

政事。是歲蘇茂州蠻入六年春。相弼。富以母喪去位。

起復。辭不至。夏。六月朔日。歲星晝見。樞使公亮同平章事。工侍

郎昇為樞密使。樞副脩。歐陽參知政事。是歲淮南江浙水。

賑之。占城安化七年春。詔南郊以太祖配。為定制。樞副

槩。趙參知政事。夏。五月大樞副拯。包卒。歲星秋。七月太

詔宗人宗實為皇子。賜名九月。大饗明堂。奉真宗配。赦。

冬。十一月太詔內藏三司出緡錢百萬。助糴常平倉。是

白晝見。歲

占城來貢

八年

帝四十年有二年

春三月帝崩

年五十四上尊謚曰神文聖武明孝皇帝

廟號

方真宗。遼豫時不視事事決于皇后而相丁謂陰

附后逐忠賢中外以為憂大參知曾念太子少非內得

后即不安私於后所親曰太子幼非中宮不能立中宮

無子非太子亦豈能自為尊獨加恩太子則太子安太

子安則劉氏安矣后深納之而太子遂安及帝遺命皇

后權處分軍國事輔太子聽政宰執入殿庭宣學士草

制丁謂欲去權字曾曰皇帝冲年太后臨朝已非國家

美事。權猶足示後奈何乎去之且增減制書有法表

則之地可先亂之耶謂不能奪帝即位生十有三年矣

謂欲自擅不欲同列與聞政。結內侍押班雷允恭密請
太后降手詔云。皇帝幼冲。朔望見羣臣。大事則太后召
輔臣決之。非大事。允恭入傳奏。曾大憂之。曰。兩宮異處。
而柄歸宦官。禍自此矣。正色立朝。不難不竦。已乘取釁
逐謂誅允恭而天下以安。謂以曾相爲山陵使。允恭爲
都監。山陵已定。上發土司天
監邢中和言。山陵上百步有穴。於法宜子孫。允恭素貴
倨。信之。立改穿上穴。乃入白。太后驚曰。此大事。何倉卒
也。允恭曰。法宜子孫。何不可。太后意不然。曰。出與山陵
使議之。允恭出與謂言。謂阿意唯唯。允恭入白。相無異
議。遂命夏守恩領工徒數萬穿之。斥土乃得石。石盡得
水。衆洶洶言不可。寔謂終附允恭。持之。有內侍自陵下
來。還以聞。詔問謂。謂始請遣相。曾行視。曾念以謂允恭
方表裏爲國患。不去。將益深。可緣此去也。請獨對因言
皇堂中盡水。不可寔謂包藏禍心。令允恭擅移皇堂於
絕地。太后怒甚。欲誅謂。召宰相諭曰。謂前傳允恭入奏。

言事皆卿等議故皆報可下今乃知卿等不與獨謂與
宦官通天營先帝陵寢而擅有遷易法如何相至對曰
自先帝登遐政事皆謂允恭同議稱得旨禁中虛實不
可詰賴聖神察其姦謂可斬也任中止曰謂被先帝顧
託雖有罪請如律議功曾曰謂得罪宗廟何功可議馮
拯進曰謂誠有罪然帝新卽位誅大臣駭天下耳目乃
止誅允恭謂責授太子少保分司西京中正罷知鄆州
榜朝堂諭天下而馮拯代爲山陵使會謂托女巫劉德
妙爲神姦事覺貶崖州司戶參軍籍其家學士錢惟演
兄謂當國勢薰灼附之得樞副序樞密題名削寇準姓
名曰逆準不書謂得罪惟演慮及已又擠謂自解爲馮
拯所惡罷知河陽初謂以寇準薦致通顯及同官事之
甚謹寧會食中書羹汙準髮起拂之準笑曰參政國大
臣乃爲長官拂髮耶謂大慙恨讐視之擯準雷州金宋
綬草責詞令用春秋無將漢法不道語綬雖從語指率
以不用也及謂貶綬草詞卽以二語當之朝論快焉謂
崖州道出雷準使人以一蒸羊逆諸境上請見不許
大聖祀南郊謂當量移侍御史何琰引盧多遜無牽復
爲此乃曾既當國請帝及太后御承明殿日聽政又言
不召

上初卽位。宜近師儒。請御崇政殿西閣。召學士日講。道德廣上心。薦拔賢士。擢退邪佞。近習有非望請者。以正議格之。故兩宮安而帝德日就。初真宗旣以呂文穆公語用其從子夷簡。知開封治嚴。辨有聲。因識姓名於屏風。右正言魯宗道論列無畏避。真宗書殿壁曰魯直。又每言。權中丞薛奎。質厚可任也。至是竝大用。故事歲冬至元日。天子先上太后壽。乃受朝。太后辭。相曾進曰。陛下以孝奉母儀。太后以謙全國體。皆盛德。請如太后令。帝不可。率羣臣先上壽。致隆敬如儀。一日太后嘗問唐武后何如主。參政宗道曰。唐罪人也。幾危社稷。太后

默然時有小臣方仲弓者上書請立劉氏七廟太后持
示宰執衆相視未敢對宗道進曰立劉氏七廟當如趙
氏何太后乃擲其書於地而罷幸慈孝寺后欲以大安
輦先帝行宗道曰禮婦人有三從皇帝雖子人主也請
先。后。矍。然。命輦後乘輿四年夏大雨震電忽平地水數
尺方晨朝未入有旨放朝曾附中使奏曰天變異甚乃
臣等變理無狀所致其何敢卽安請召見陳所以備禦
之道王清昭應宮災太后泣對大臣曰先帝竭心力成
此宮以爲德也今一夕俱燼惟小二殿存將何以禰上
意乎司諫范諷抗言曰先帝竭天下財力營此宮今盡

焚始天意不厭宜悉罷以應天。又葺之民何以堪。且又何以祇天戒也。曾夷簡助爲言中丞王曙上疏曰。昔魯桓僖宮災。孔子以爲桓僖親盡當毀者也。遼軍高廟及高園陵便殿災。董仲舒以爲高廟不當居郡國便殿不當居陵旁故也。昭應宮以不應經義而災。願除其地罷祠以應天。於是詔不復營造薄諸守衛者罪。罷諸宮觀使。而曾以曾相罷知青州。晚年太后欲以袞冕謁太廟。叅政殊其以周官后六服對持不可。不聽。朝臣交爭。又不聽。樞副奎質直不文於簾外。大言曰。陛下服袞冕爲當作男兒拜耶。作女兒拜耶。后意沮然。卒服袞冠。儀天。

冠。又太后欲以荆王爲皇太叔。夷簡不可。已又養荆王
子於宮中。夷簡復爭之。太后曰。欲令與皇帝讀書耳。夷
簡曰。皇帝春秋方盛。自當親接儒臣。聞典訓。今與童稚
處。無益。乞早令就邸。太后猶爲許。夷簡曰。臣誠知太后
盛德。休聖躬甚謹。第前代母后多利幼稚。外人不知。竊
藉藉妄意。有以窺太后也。太后矍然。命出宮。當是時太
后保帝躬甚謹。惟帝奉后。帝竭誠盡慎。故慈孝無間。然
前相廼起。知河南朝京師。召入對。后曰。卿曩不欲吾預
國事。過矣。今吾保養天子。至於此。卿謂我何。廼對曰。臣
受先帝厚恩。愚不自知。太后盛德。至於此。罪萬死。太后

悅蓋太后稱制十二年而崩。雖政出房闈而號令嚴明。恩威加於天下。本相曾調劑之其始。宗道奎矯拂之其申。吏簡識事慎微圖回之其終。故全也。太后遺詔尊楊太妃爲皇太后。同皇帝議政。閤門趣百官稱賀。中丞蔡齊曰。臺吏母追班。入白執政曰。上春秋長閱天下之治體熟矣。攬朝綱自斷固當。豈可使母后相踵稱制耶。司諫范仲淹曰。太后母號也。自古無因保育代立。不令一太后崩。又一太后立。天下日藉藉私億陛下不可一日無母后之助也。侍御史龐籍請下閤門取垂簾儀制盡焚之。乃止。而帝始親政。求直言。罷創修寺觀。抑僥倖禮。

賢重相黜。內侍羅崇勲等干外。而中外大悅。時言者多暴揚太后時闕失。而兩府大臣呂夷簡張耆等俱見罷。仲淹乃上言。太后受託先帝。保佑聖躬。終始十年。未見其過。宜掩小故。以全大恩。帝爲詔。中外毋得輒論太后時事。初。太后旣取帝爲己子。中外人閔不敢復言。而司寢默然。處先朝嬪御中。未嘗少自異。帝雖長。壹不自知爲司寢出也。姬疾革。始進位宸妃。薨。太后欲以宮人禮治。器相夷簡奏事。微言及宸妃事。太后矍然。引帝遽入內。有頃出。后獨立簾下。召夷簡謂曰。一宮人死於相公。何預而有言。何也。夷簡對曰。臣待臯宰相。事無內外。皆

當預竊伏知宸妃誕育聖躬。禮不可不從。厚后大怒。變色曰。誰爲相公言此者。相公欲離間吾母子耶。夷簡曰。主臣太后皇上。今母子慈孝如一人。今何可得間。第天下事有固然有必且然。有非意所然而然。今不言他日必有言之者。太后獨不欲爲他日劉氏地乎。欲爲他日地。則禮不可不從。厚。詣發器成服。以后服歛。歛用水銀。喪自西華門出。如此則劉氏安矣。今不成禮。異日天子壯有聞。必追憾。當必有受其禍者。勿謂夷簡今日不言也。太后默然流涕者久之。曰。惟相公之所處之。至是荆王元儼爲帝言。陛下乃李宸妃所生。妃死以非命。帝始

知爲宸妃子。則號慟不食者累日。下詔引咎。上宸妃尊號曰章懿皇后。幸洪福寺祭告。易梓宮。親啓視。妃以水銀故。玉色如生。冠服如皇后。帝乃太息曰。人言其可信哉。待劉氏加厚。已知爲夷簡爭。故大德之召復位。帝在青宮。張姬寵而皇后以明肅命得立。非帝意。故旣立。頗踈。太后崩。市以樞密張耆夏竦。皆朋附太后。罷之。夷簡贊其決。帝退以語后。后曰。夷簡獨不附太后耶。但姦猾不露形迹耳。繇是夷簡亦罷。明日夷簡方押班。忽宣制。唱名。殊不意。大該密令所陰結內侍。閤文應中。誦之。知事繇后也。大憾之。至是復位。而后與楊尚二美人爭恚。

批之。至誤批上頸。帝大怒。問文應。問之。請以爪痕示執政。夷簡欲釋憾。贊廢黜。曰。光武漢明主也。郭后濁以怨懟。故見廢。況傷上玉體乎。於是詔廢后爲淨妃。出居長寧宮中。丞孔道輔諫。官仲淹。宋庠。段以連等十人詣垂拱殿。奏皇后天下母。不宜廢。願賜對。盡所言。帝使內侍諭道輔等至中書。令夷簡喻旨。夷簡具述。后所爲當廢狀。道輔曰。大臣於帝后猶子於父母也。父母不和。可調和。何可從史順父意。出母子。夷簡曰。廢后有漢唐故事。庸何傷。二人對曰。漢唐廢后者。獨光武號賢君。此自其失德。自餘皆昏主。人臣當道君以堯舜。豈可引漢唐失

德爲法耶。夷簡語塞。大恚之。卽奏言。伏閣請對。非太平
美事。黜道輔。知秦州。仲淹知睦州。餘罰金有差。其後仲
淹以吏部郎知開封。夷簡尚在政。進用惟所欲。仲淹上
百官圖。指其次第格之曰。如此爲序遷。如此爲不次如
此。則公如此。則私。凡進退近臣超格者。不當全委之宰
相。夷簡不悅。君子曰。明王不親庶愼。而用人無方。故姚
崇。序郎吏。而玄宗卽視殿屋吏。以資簿進。萊公卻之。以
序遷格相。謂超格者。不宜委中書。非通論矣。會仲淹上
言。雒陽險固。而汴爲四戰地。今太平居汴可也。卽有事
必且居雒陽。當漸廣儲蓄。繕宮室。夷簡弗是也。仲淹乃

爲四論以獻。攻時弊。亟急於是。夷簡泣訴言。仲淹越職言事。離間上君臣。多引用朋黨。落職知饒州。集賢較理。余靖館閣較勘尹洙。歐陽脩皆坐貶。時靖言昔汲黯在庭。斥平津多詐。張昭論將。詆魯蕭粗疎。漢皇吳主兩用之。不廢也。今仲淹以譏刺大臣獲譴。臣恐天下士鉗口結舌。不敢關柄。臣且陛下自親政來。逐言事者屢矣。疏入。謫監州酒稅。尹洙言仲淹忠亮有素。臣與之義兼師友。臣不可以苟免。斥監虔州酒稅。歐陽修貽書責司諫高若訥。不能救。謂其不復知人間有羞耻事。若訥怒。上其書。貶夷陵令。館閣較勘蔡襄作四賢一不肖詩。美仲淹靖洙修而譏若訥。人士傳寫。粥之。契丹使適至。買之去。於幽州館張焉。於是用御史韓縝請。以仲淹朋黨。榜朝堂。戒百官越職言事。而宋世臺諫激諍。始於此。朋黨之禍。亦始此矣。迨寶元康定間。元昊遣使求割地。邀歲幣如契丹判鄆州。

富弼言元昊使至鄆部從儀物如契丹而辭倨此必其
腹心謀臣請自行覘國者也宜出不意斬都門奪其心
朝廷不能用已元昊僭號書聞帝召羣臣議皆曰元昊
小醜亟出師虜之耳司諫吳育以天下久平兵利圯乃
言曰元昊雖稱藩實擅其國自制且已僭大號執不復
能自還今度能制其死命即絕之不然宜援國初封江
南故事稍易其名稱冊之示羈縻可順附無事不報詔
削元昊官爵絕互市搗勝邊募能擒斬者授定難節度
於是元昊齎嬖書納旌節及所授勅書投境上去而發
兵大寇邊詔以夏守贊爲陝西經畧安撫使內侍王守

忠爲都鈐轄討之。知諫院富弼上言。守贊庸人。平時猶不當委任。况艱難之際乎。自唐來。以內臣監軍。致敗者非一。請罷勿遣。不聽。已。邊禍大構。沿邊州郡多奔潰。將士頓而元昊勢愈猖。天子至斥乘輿服御。損宮掖歲用以佐費。出內帑錢八十萬緡於陝。糴軍儲。括畿內京東西淮南馬充戰騎。釋被寇州縣繫囚。及夏稅寬邊氓。知諫院弼以日食應詔言。應天變莫若通下情。請除越職言事之禁。許中外臣庶言闕失。從之。而樞密及宰臣皆見謂不憂邊。罷免。於是知制誥韓琦撫陝西爲言。今延帥范雍。節制無狀。必僨事。今中外臣可任。莫如知越

州范仲淹宜收用。西事方棘。陛下今宵旰焦勞。臣何敢以朋黨自嫌。避形迹不言乎。如異時者。仲淹僨事。臣請伏朋比誤國之誅。會呂夷簡復召當國。念天下以琦仲淹故。咸歸曲於已。而西師方棘。未易辦。乃勸帝倚二人以兩事。西事辦。已不失用賢名。即不辦。得操國典從其後。人不得間適之也。於是召守贊守忠還。以夏竦爲陝西經畧安撫使。琦仲淹爲副使。而二人驩然戮力練軍。城要害以圖功。已琦將任福違節制而敗。師沒于好水。川天子爲廢食。朝議羣咎琦主攻欲深罪。經畧使竦於福衣帶間得琦檄。言罪不在琦。夷簡以爲然。奪一官。徙

秦州元昊與仲淹書議約和仲淹爲書諭令去帝號盡
臣節報累朝厚遇之恩元昊答書詞悖驚仲淹對其使
焚之具以聞朝議以仲淹不當輒通書通書已不當輒
焚以滅迹下卽訊仲淹言臣始聞虜有悔禍之意故以
書誘諭會任福敗虜肆故復書悖慢臣以爲使朝廷見
其書而不能討則辱在朝廷獨臣對官屬焚之若朝廷
初不知者則辱專在臣罪萬死夷簡於中書讀仲淹奏
事太息曰希文無人臣禮矣參政庠以夷簡故蓄憾必
且甘心之也明日帝召問庠遽言仲淹可斬樞副衍爭
之曰仲淹志在招納忠何可深罪夷簡徐進曰衍言是

奪一官知耀州而庠與鄭戩顧俱罷無何安撫使王堯臣言琦仲淹忠義智勇不當置散地惟天子亦以涇原傷病遣使喻仲淹欲徙鎮仲淹謝曰涇原重地臣驚實不足獨任顧事方棘亦何敢違難願與韓琦並駐師涇州許琦兼秦鳳臣兼環慶涇原有警臣與琦合秦鳳環慶之兵犄角之秦鳳環慶有警亦得率涇原之師以從即首尾之形成仍詔龐籍領環慶文彥博領秦乃渭州一武臣足矣於是置陝西五路經畧安撫使而仲淹復用分士爲三屯屯鄜延渭以扼虜招熟羌結之恩信以間虜城大順城渾川招橫山規興靈以制虜形立執制

元昊請和中朝亦憚兵許之和而西事平方事之殷也。契丹乘中國疲於西卽遣使來言關南地以發難帝命相擇報聘者夷簡素不悅富弼因薦之朝議引唐盧杞薦顏真卿使李希烈事爲比爭之弼入對請曰士憂臣辱臣不敢愛其死帝爲動容進樞密直學士以行弼辭曰國家有急義不憚勞何以官爵爲辭不拜遂往至契丹要說以大義契丹主爲氣奪遣還議詔使弼持增幣議及誓書復往命受辭于政府弼既行次樂壽謂其介曰吾出使萬里外而不見國書脫書詞與傳宣者異事敗矣啓視之果異也疾馳還入見曰執政爲此欲陷臣

於死臣不足惜。當如國事何。帝急召夷簡問之。夷簡謝。偶誤。弼口軍國大事。豈容稱誤。參政殊恐爭急。二隙深不解。助夷簡爲言。弼不勝忿。曰。晏殊附夷簡欺陛下。殊。弼婦翁也。帝爲動容。夕宿學士院。易書行。而並好復定。語具戎狄志中。右正言孫甫上疏曰。今中國敝耗。以和戎息兵而紓民。亦庸獨無利乎。然而不勝其害也。往武事不飾。稍有警。卽倉猝莫爲用。比二三年。朝廷信賞必罰。帥臣便宜制置材武。稍稍出矣。今旣和。必且罷弛。如異時害一自元昊拒命。至驚悸而終不敢以偏師窺關中者。懼唵廝囉等之擬其後也。今旣和。彼得專力制諸

蓄恐滋強難制害二往朝廷恃治安之勢法令紀綱恒
易而無備邇更憂危中外惕息以圖更張今旣和必苟
寬將以幸爲恃害三利害之幾恒倚伏惟上深慮其中
當是時相夷簡柄大政最久深計善斷於天下之故諸
控遠抑縱最熟雖痛爲言者所詆帝眷倚終不衰方契
丹求割地時仲淹申苗畫請城雒陽以防敵夷簡從容
言狄畏壯侮怯城雒陽是子囊郢計耳未足以示威且
契丹惟無渡河令渡河雖高城深池何益昔景德之役
非乘輿濟河不克獨宜詔建都大名伐其謀從之延州
之敗將劉平戰沒議者言請罷宦官監軍帝以問夷簡

夷簡恐任怨。乃謬言不必罷第。當擇內臣重厚有智者。以充請詔。內都知押班舉堪任者。以聞。後不稱與同罪。明日。都知押班皆詣帝前叩頭乞。切遣相王曾李昉。皆賢。皆爲夷簡所謾欺。不勝忿。自陳。然召庭詰。常不勝而罷。琦仲淹。嬖三人於夷簡。竝忤而西。北釁作。乃薦琦仲淹。任西師。遣富弼使北。卒以安。帝以爲夷簡終長者。無怨惡心。可信覆。天下亦以爲不念舊惡。能用人也。然是時。令從中必行其忤。恐用責師討好。水川之敗。用無外交。格擅通元昊書。於爲禍。豈有量哉。易曰。乘其墮。義弗克也。其吉則困而反則也。春秋忠恕。大改過。故夷簡。

入中書。竟以功名終。及疾病。帝親翦鬚。賜之手詔曰。古
稱鬚可療疾。今翦以賜卿。疾少間。入朝。詔給扶侍。毋拜。
改司徒同議軍國大事。數日。一至中書。陝西轉運使孫
沔上書言。祖宗朝。未嘗以言責人。自夷簡當國。黜忠言。
屏直道。使天下無感激陳言之士。前出鎮。引不若已者。
自代。以自形其能。欲陛下復從而召之也。今相三年。疾
瘳求退。陛下至親降德音。恨不移疾。朕躬四方傳聞。爲
之泣下。自有宋得君。未有如此其專且久者。不知其何
以爲。陛下報也。若薦賢。自代盡合公議。庶猶可寬天下
萬世之責。苟遂容身不補。前過以柔而易制者。爲腹心。

以姦而可使者爲羽翼。以諂諛爲君子。以庸懦爲長者。而使之居廟廊臺閣之任。是張禹不生於漢。而李林甫復見於今也。夷簡見書不怒。謂人曰。元規藥石之言。恨聞此遲十年耳。蓋深智如此。及卒。帝哭之慟。曰。安得有憂國忘身如夷簡者。贈中書令。先是。琦仲淹以直諫出外。然帝終念之。及撫西師有功。亟召爲樞密副使。琦仲淹五讓。乃就。迨至數月。以仲淹參大政。而用富弼爲副。樞密。歐陽脩。王素。知諫院。余靖爲右正言。先是以樞密使召夏竦於蔡州。脩等上疏言。竦在陝畏懦。元昊嘗榜塞下。得竦會予錢三千。其爲賊所易。忽如此。又敗。無成。

效不可用。用之爲外國輕笑。比竦至國門。論者益急。乃罷竦。命杜衍爲樞密。使蔡襄喜賢。路開衆正。進而慮其難久也。乃言於帝曰。陛下罷竦而用琦。仲淹。天下士大夫賀于朝。咸民歌於路。夫退一邪。進一賢。庸遽能關天下之理亂哉。而天下願之以一邪退。則其類退。一賢進。則其類進。衆邪並進。則海內亂。衆賢並進。則海內治。於爲天下繫至重也。雖然。臣竊憂之。天下之執猶病然。陛下既得良醫而治之矣。有如終信不疑。使醫者誠得盡其技。非徒愈病而康壽因之。令醫雖良。信不專術。不得盡用。猶然無益也。故任諫非難。聽諫爲難。聽諫非難。用

諫爲難。脩等三人忠誠剛正。必能盡言極諫。以憂天下。第恐邪人不利。必將造爲說以禦之。視聽一惑。用舍眩淆。於任任賢。有能終乎。故用諫難也。然度其禦之之說。不過有三。曰。好名。曰。干進。曰。彰君過而已。願陛下詳察其中。當是時。承平乂而兵籍益廣。取士任子。磨勘遷補之法。已汰多。幸恩而官材混淆。吏冗員猥衆。二邊歲幣竭國力。民俗漸侈。而上下困於財。西羌邊經畫。屢屢足守禦。士未嘗更大敵。氣懾不壯。而天下患撫兵。而天子更西北交警。銳意於太平。數開經筵。引琦仲淹召對問。當世事。今條上。且賜手詔敦趣之。仲淹語人曰。上用我。

至矣。事有先後。時積久安。非可以旦夕革也。欲速則不
達。且柰何。帝又開天章閣。召見賜坐。語良久。曰。時難得。
而易失。授筆札。使各疏所欲爲者。于前。仲淹等皇恐避
位。頓首言。天下事重大。非卒易可及。願退具書上。於是
仲淹琦弼各條當世切務以獻。仲淹條十事。一曰明黜
陟。言祖宗朝文武官無磨勘之例。惟政能可旌者以不
次擢。其居職無卓然理効者。雖愈久不遷。故人自勵以
赴功。今文資三年武職五年不限內外不問勞逸。例以
磨勘得遷。其在京百司金穀浩穰爲權勢子弟所據。至
有待闕一二年者。每一員闕則爭覲者數人。其外任京

朝官私居待次。動踰年歲。往往到職之初。已當磨勘。縱無勤效。側得序遷。此則人人因循。不自奮之繇也。請自今二府臣僚有大功善。加爵命爲特恩。否則不許非時進秩。其京朝官臺省館閣而下。有高才異能奇畧嘉謨。爲上信納。及外任善政著聞者。自以特恩改餘須在職三年。始與磨勘。任內有私罪公罪磨勘日。具情理輕重別取進止。則人人自勸。天下興於治矣。其武臣磨勘年限。委樞密院比附文資定奪。聞二曰擢僥倖先王之世。公卿以德任官。不世官。春秋書尹氏譏世官。祖宗朝定任子法。臺省六品諸司五品而上。登朝歷兩任乃得請。

則有限度也。自真宗皇帝以世平與臣下共其慶。大臣茂許任子。遂沿不改。至有任學士以上官二十年則一家兄弟子孫任至二十人。則濫極矣。今百姓貧困。冗官濫料。日不能給。而審官院常患其員充塞。無關可補。請詔自今兩府分兩省官。遇國大慶許任一子弟。御試外餘不任。陳乞其別有勤勞中外。非時賜一子官者。繫特恩。不爲比。諸黜運使及擇邊文臣。並候任三年無關方許。陳乞庶幾爲官擇人之意。三日精貢舉。周禮鄉大夫之職。各教其所治民。三年大比。考其德行道藝而獻其賢能之書于王。其教之有本。其知之有素。故舉無失。

人。今國家以辭賦取士。以墨義取諸科士。皆捨大方而趨小道。雖濟濟盈庭。而求才識學行之士。十無一二也。請立郡縣學。舉造經有道之士。專於教授。使務於興行。其取士之科。取策論而後詩賦。墨義外。更通經旨。務明理義。使人不專於詞華。又外郡解發士。本鄉舉里選之意。必先嚴考。履行然後取其藝業。今惟采詞藻。加用彌封。不見姓字。於鄉里舉選之意。蕩然。夫士脩於家。而壤於天子之庭者。章之。未有不修於家。而能自靖獻於王朝者也。請自今州郡利解。必履行無玷。藝業及等者。方許薦送。其試卷不彌封。庶國家得人。百姓受賜。四曰。擇

官長今刺史縣人卽古之諸侯。一方舒慘。百姓休戚咸繫之。故歷代全盛。惟是爲重。今獨累資考遷。懦弱者多。縱恣以蠹民強訟者。每近名而賊物。而邦本殘矣。請自今二府先選。轉運使提點刑獄。若大藩知州。其次委兩制三司御史。若諸路監司。舉知州通判知州通判各舉堪縣令者。間舉主多者。乃從中選授。庶刺史縣令不至罔濫。五口均公田。臣聞易曰。天地養萬物。聖人養賢以及萬民。言養賢以厚祿。然後可以責其廉。安於職業也。國初承五代亂離。制祿之方。未有定。眞宗皇帝曠然德念。復前代職田恩至渥也。而倉於財用。未盡增。

復夫百官重內而輕外自古患之矣請兩府同計畫外
官職田有不均者均之不給者給之使有退食之休無
交謫之患然後可責其廉而督之善政其不法者可廢
可誅使英俊之流咸樂於外任將來遷擢多得經郡縣
之人悉民隱明治要則致理有本而百姓受賜矣六曰
厚農桑山間聖人之德發於善政天下之治起於農畝
蓋農桑修則衣食足衣食足則愛體膚愛體膚則畏刑
罰而寇盜可息禍亂不生詩人有七月之篇周禮重三
農之本言王業所繇也頃五季割據方自爲國一遇荐
饑糴無所故各務農桑以規富彊父老言兩浙未歸附

時蘇州有營田軍。合四都七八千人專田事。歲防江築堤以捍水患。護耕作。于時民間米石止直錢四百文。則至足也。自皇朝一統。江南不稔。則取之浙右。浙右不稔。則取之淮南。故慢於農政。而江浙圩田河塘之利。隳廢盡矣。今其地米石不下六七百文。甚者加倍。民安得而不用。又京東西路旱涇積淤之地。前詔開決。水患大減。旋復湮塞。請每歲秋勅諸路轉運司。下所屬吏民視土之宜。可開河渠。可築堤堰陂塘。爲旱潦備者。委本州選官計工。歲於十一月間興役半月而罷。具狀聞。如此不已。數年間。水利大興。田盡墾斥。當下無饑歲。上貴無糴。

而東南歲漕可省矣。其勸課農桑之法。宜選官討論古制。取間約易從者。頒賜諸路。責成州郡。此養民之政。富國之本也。七曰脩武備。臣聞古天子建六軍以平邦國。唐初京師置府設衛。亦六軍之義。諸道則開折衝果毅府。三時耕稼。一時習武。自貞觀至于開元。戎臣軍伍。無一人爲逆亂者。則其效也。開元末始罷府兵。募市井之人爲彍騎。無禮義之教。患信之心。驕蹇凶逆。馴至于喪。亾我祖宗。罷諸路使權。聚兵于京師。而衣糧賞賜。豐渥無限度。至於困生靈。虛府庫。未已也。請約唐府兵法。於畿內。并近輔州府。召募強壯。充畿衛士。使三時務農。省

給贍之費。一時教戰習防禦之實。強兵節財之要也。候
京畿近輔召募已成。然後諸道倣此。漸次施行。八曰減
徭役。言天下戶口耗少。供億滋多。宜省縣邑戶少者爲
鎮職官。自宜給以州兵。其不應受役者。悉歸之農。九曰
推恩信。言赦令下有司。不以時施行。廢格上恩。請寘重
法。別遣使按視所當行者。如章十曰。重命令。言法度所
以示信。令法行未幾。旋即釐改。則度何繇信。請自今詔
兩府議法度。經久可行者。刪繁冗。爲制勅。令下必行。弼
條當世之務十餘。及安邊十三策。以進。大都以進。黷退
不肯止。僥倖漸易。監司之不才者。使澄汰。所部吏琦條

七事。曰清政本。曰嚴邊計。曰擢材賢。曰備河北。曰固河東。曰收民心。曰營雒邑。又陳敕弊八事。且言今當以和好爲權宜。戰守爲實務。請繕甲厲兵。定安懷之計。於是詔天下州郡。皆立學。詔更定科舉法。詔興太學。下湖州取教授胡瑗所著者。教規爲令式。詔兩府公選監司。令監司自擇知州知縣。聽罷黜其不任者。詔更定磨勘任子法。立按察官吏法。而琦仲淹弼所言畧施行。三人亦皆以天下爲已任。及相銜同心輔政。日夜謀慮。與太平中外想望其功業。然天子責成歲月求效。而諸賢所陳規模闊大事多所張弛。而明按察損任子。抑僥倖。僥倖。

者皆翕翕訾訾。頌以爲不便。而朋黨之說復昌。於是歐陽修作朋黨論以進。數數爲帝分別言之。而羣小忌嫉愈益甚。仲淹懼不自安。適契丹伐夏。請行邊。於是琦仲淹出宣撫陝西河東。弼宣撫河北。三人者去國而謗乃大肆。通奏院蘇舜欽較理王益柔皆慷慨有大志。能文章。議論無回忌。通奏院有宴會。益柔被酒作傲歌。語狂悖。中丞王拱辰得之。喜以二人皆仲淹所薦。而舜欽衍壻。間可抵也。乃諷御史劾狀攻其事。帝得歌讀之。果大怒。以爲諸人者浮薄。不根。至於此。立遣中使捕諸同飲者。琦請對曰。夜間遣官遶京師。捕館職駭物聽願。下有

司足矣。帝出王益柔傲歌示之。琦曰：「此醉後狂語，何足過。今西陲未寧，天下事何限，諫官釋不論，乃合狀攻一王益柔，此其情何也？」帝意乃稍解，而益柔及舜欽擊治，皆除名，同坐被斥者十餘人。拱辰大喜曰：「吾一網盡矣。」於是詔戒百官朋黨相訐。戒按察使爲苛刻，戒文人肆言怪行者，而諫官錢明逸遂論仲淹、純。更張成法，擾國經所進薦皆朋黨。陳執中復劾衍、彪二人爲阿私。於是衍罷知兗州，仲淹知鄆州，純知郛州。而在朝時所建白，盡沮格不行。樞密琦不能獨留，爲帝言：「陛下用杜衍爲相，方百有二十日而遽罷，仲淹以憂人初附，乞行邊，猶

諉曰有名。至富弼之出。則所損甚大。弼大節難奪。天與
杵忠。昨契丹大兵壓境。命弼使虜。以正辨屈強虜。忘身
正事。古人所難。陛下兩命爲樞密副使。避讓不受。逮趣
令赴上。則不顧毀譽。動思振刷紀綱。爲陛下奠萬世之
業。而近日臣僚務搏擊以快私忿。非國家之福。不報求
外知揚州。歐陽脩時轉運河東。上疏言。臣竊見自古小
人讒害忠賢。其識不遠。欲廣陷良善。不過指爲朋黨。欲
搖動大臣。則必誣以專權。何也。去一善人。而衆善人尚
在。則未爲小人之利。欲盡去之。則善人少。過難爲。一二
求取。惟指以朋黨。則一時可盡。至如大臣已被知遇。特


蒙信任者。則不可以他事動搖。惟專權爲人主所最惡。故必以此傾之。臣料杜衍等四人。各無大過。而一時盡逐。弼與仲淹委任尤深。而忽遭離間。此必有爲朋黨專權之說。惑聖聰者。臣請別白言之。昔年仲淹以忠謹聞於中外。天下賢士爭共彌慕。而其時更歷未深。表著尚淺。姦邪誣以朋黨。猶難辨明。今此數人擢在兩府。察其臨事。可以辨矣。杜衍爲人清慎。而謹守規矩。仲淹則恢廓自信。而不疑。韓琦則純正而質直。富弼則明敏而果銳。四人歸於盡忠。而爲性不同。所見各異。故議事多不相侔。如杜衍欲深罪滕宗諒。仲淹力爭寬之。仲淹謂契

毋必攻河東請急備邊而宮弼以九事力言其不至至如尹洙亦號仲淹之黨及爭城水維事韓琦則是尹洙而非劉滬仲淹則是劉滬而非尹洙此陛下之所知也聞居史相稱笑至秉國議則公言廷爭而無私真得漢史所謂忠臣不私之節而小人讒爲朋黨可謂誣矣臣聞有國之權誠非臣下之所得專也而權必得名位乃可行故專權之臣必貪名位自陛下召琦與仲淹於陝西琦等讓至五六陛下亦五六召之弼三命學士兩命樞密副使每命未嘗不懇懇讓也及陛下堅不許辭乃始受命然猶未敢別有所爲陛下開天章召之賜坐授

以紙筆使各條事衆避讓不敢下筆。又煩聖慈出手詔。指姓名責其條列大事而行之。古君臣道合。遇事輒行。無復推避有之矣。臣方怪觴等蒙陛下堅意委任督責。丁寧如此。而舒緩自疑。作事不果。乃小人巧譖。猶曰專權。豈不誣哉。夫兩路宣撫國朝累遣大臣。況中國之威。近年不振。故元昊叛逆一方。而勞困及於天下。北虜乘釁違盟。而書辭侮慢。至有責祖宗之言。陛下以邊防無備。未可與爭。屈志買和。莫大之辱。觴等見中國累年侵陵之患。感陛下不次進用之恩。請自行邊思雪國耻。沿山傍海。不憚勤勞。欲使武備再修。國威復振。陛下睿哲

聰明有知人之聖臣下能否洞達不遺故於千官百辟之中親得此數人驟加擢用而一旦罷去使羣邪相賀于內而勇相賀于外臣竊爲陛下惜之夫正士在朝羣邪所忌謀臣不用敵國之福也書上罷知滁州會山東盜起帝遣中使行按視還奏盜不足憂杜衍在兗富弼在鄆爲山東人尊愛可憂也帝欲徙二人鎮參政育曰盜誠無足憂小人抵間讖爲危言傾大臣禍之大者也大臣爲國家拊循得民心則國尊安此國大慶願當變置之耶初仲淹弼與育同政府有却至是力保護之育育字春卿建安人卒諡正肅先是國子監直講石介見夏竦罷而諸賢

用大喜曰。此盛德事也。歌訟吾職其可已乎。作慶曆聖德詩頌之。其詩曰。衆賢之進如茅斯拔。大姦之去如距斯脫。大姦指竦也。詩傳播都下。竦恨之切骨。介師孫復見之曰。介禍始此矣。已介遺弼書。青以行伊周之事。語激肆。竦得之喜。使女奴陰習介書。久之成。改伊周曰伊霍。且偽作介爲弼。冀廢立詔。列飛語上聞。帝倚弼仲淹。未有間。以爲無端不信也。及是。滁狂人孔直溫以反誅。搜其家。得介所與書。帝以爲介果與反者通惡之。而弼已疎外。疑大蓄時。介已死。憂竦言介實不死。乃弼遣介走契丹。與結約爲國難。請發棺驗視。詔下其事。知兗州。



漢風。明年春正月。帝方視朝。疾暴作。趣扶入大內。時三皇子皆早夭。雖育宗室子宮中。皆出外邸。未嘗顯然正名之也。中外意洶洶相彥博。呼內都知史志聰問帝所患狀。對曰。中禁秘不敢言。彥博叱之曰。爾曹出入禁闥。乃不令宰相知。天子起居欲何爲耶。自今疾勢增損。必以告。不且行誅。於是與姁謀啓黜天慶殿。因畱宿殿廬。志聰以故事格之。彥博曰。此豈論故事時耶。開封府夜叩宮門上變事。不納。遲明則禁衛卒告都虞候。欲是夕爲亂者也。相沆欲捕治彥博。召都指揮許懷德問都虞候作何狀。可保任否。懷德稱其愿可保。彥博曰。然則卒

有怨誣之耳。請沅判狀尾。斬卒於軍門。先是。弼用朝士李昌言策。自澶州商湖河。穿六塔渠。入橫壠。故道北京。留守賈昌朝素惡弼。欲傾之。陰結內侍武繼隆。令司天監二人言。國家不當穿河於北方。致上體不平。又言。當請皇后同聽政。彥博視而袖之。徐召詰厲。聲曰。天文變異。爾職也。當言國大事於爾曹。何預。而妄言可斬也。司天官怖。失措。謝罪。死。彥博直視者久之。徐少霽曰。吾觀汝。直庸妄人耳。未忍遽法。汝復爲此者。斬矣。叱之去。已乃以狀示同列。同列駭。請深治。彥博曰。治之。卽事彰灼。中宮不自安。旣而遣司天官詣六塔相河道。卽遣上言。

者往。繼隆白不可。彥博曰：彼本何敢妄言有敎之者耳。繼隆矍然不敢對。而其人至六塔，恐得罪，還更言六塔在京東北，非正北，不害。當是時，京師業業，賴彥博而定。帝少間，彥博弼以繼嗣請，許之。會疾瘳而止。無何，彥博請老，而弼以母喪去位。帝乃解。於是相琦獨柄國。公聽金觀與僚佐同心輔政，百官循職效功，重守令，治最著。久其任，詔諸道舉遺逸，德行尤異者，遣詣京師，館太學，試舍人院授官。紹周世宗後，封崇義公，擇才臣循行四方，寬恤民力，籍戶絕入田，官募民耕，以其租爲廣惠倉，賑窮民，以諸路常平倉不

足支凶年。賜中帑錢助糴本。諸道田疇荒不耕者。募士
狹民稠者。徃耕。無收租。裁定令。敕省疑讞。弛茶禁。便東
南之民。議者以爲近三代之仁義。皆琦所建白也。已念
帝春秋高。儲貳未有定。乘間進曰。國有儲貳。國之福也。
自昔禍亂之起。皆緣策不早定之故。願擇宗室賢者爲
宗社計。帝曰。後宮有就館者。姑待之。已又女子生。一日
琦懷漢書。孔光傳以進。曰。成帝中材之主。猶勇自斷。如
是。况陛下仁聖乎。太祖躬沐櫛百戰。以有天下。獨欲爲
天下得人。一旦舉而授之。太宗無難色。則公之盡也。願
陛下以太祖之心爲心。帝猶未有以決也。知諫院范鎮

奮然曰。天下事有大於此者乎。卽䟽言。昔太祖舍其子而立太宗。天下之大公也。真宗養宗室子于宮中。天下之大慮也。願以太祖之心。行真宗故事。拔近屬賢者。優其禮秩。直左右以圖天下。章十九上。待命百餘日。未報。司馬光判并州。聞而繼之。會召入知諫院。入見。請曰。臣判并州時。所上章。願陛下果斷力行。帝爲不記憶者久之。已而曰。得。欲選宗室爲繼嗣乎。此忠臣之言。但人不敢及耳。光曰。臣言此。自謂罪必死。不自意陛下開納。帝莞然曰。此何害。古尚多有之。因令光以所言付中書。光曰。此自當出聖意。臣何人得與。光退詣中書。琦問適。

對上何言。光對曰。所言宗社之大計也。琦喻意不復言。

後十日有旨。令光與御史裏行陳洙定行。已洙屏人語。光曰。日大饗。韓公攝太尉。洙爲監察。公從洙曰。君實近。建言立儲事甚善。恨疏不下。中書欲白發無端。聞君與君實善。幸諦之。是行不足煩公。獨欲達此意耳。其圖回周密如此。後月餘。復疏言。臣向闕說建儲事。蒙幸採納。竊欣

然。謂且卽行矣。今寂未有聞。豈嘗有小人爲陛下言。春秋鼎盛。子孫萬億。何遽爲此不祥之事乎。夫小人無遠慮。而近倖多覬覦。所爲阻陛下大計者。直欲倉猝時。援立所厚善。規寵利耳。唐自文宗以後。立嗣出於中人。而大權盡失。至有定策國老。門生天子之稱。此其禍可勝言哉。願上垂察。帝感悟。下中書。明日相琦持光及呂誨

既以入未及啓帝卽自言曰朕念此久矣卽立儲卿以謂誰可者琦皇恐頓首曰此豈臣等所可與當獨出聖裁帝曰宮中嘗養二子小者純不慧大者可也琦請其各帝曰濮王子宗實琦力贊決乞內批下行帝恐入內宮人或沮撓曰中書行足矣於是命起復濮王子宗正尋下詔立爲皇子而儲定帝天性仁孝喜愠不形以寅儉自敕自開國來天子未嘗親享明堂帝始卽大慶殿爲明堂嚴天地之享遇水旱或密禱禁庭或跪立殿下以爲常嘗大旱親禱晝日炎赫却黃蓋不御夕宿寢殿中夜聞微雷卽白起冠帶露中殿下雨驟至不起衣盡

溼。移刻雨霽。再拜謝。乃升階。嘗以月食幾盡。出宮女後宮。得幸者十人。中二人頗驕恣。通請謁。中丞絳以聞。帝曰。微卿言。朕乃無從知。遂并出焉。作寶岐殿。不以藝花卉。歲藝麥。欲知稼穡之艱難。觀刈麥。問民舍織婦機杼聲。喜賜茶。吊勞焉。或請以玉清宮舊地爲御苑。帝曰。吾奉先帝苑田。猶以爲廣。何以是爲。燕私服澣濯。帷帝衾裯多繒絕。堂中夜覺饑。思燒羊。內豎請降旨索。帝曰。聞禁中每有取索。外因用爲例。今索之。自此每夕宰殺備供應。害物多矣。豈不能忍一夕之饑。而啓無窮之殺乎。左右皆呼萬歲。有感泣者。或獻蛤蜊二十八枚。枚千錢。

曰一下筭費二十八千。吾何堪焉。止勿獻契丹餓流民。
至境上。延議欲勿納。帝曰。皆吾赤子也。詔以唐鄧間田。
給之。令所過續食。北使來言。高麗職貢疎闊。欲加兵。帝。
默然未有應。使者且下殿。召還諭之曰。高麗誠有罪。然。
王子實爲之。百姓何辜。今加兵其國。王子未必能誅。徒。
屠戮百姓。可歸語汝主。願毋遽興兵。朕非有私也。契丹。
爲寢兵。京師疫。太醫進方。需犀角。內出。界之一。通天犀。
也。左右以爲珍。請畱御。帝曰。朕豈貴異物賤百姓哉。西。
北邊以乏糴告。出內庫珠。估錢三十萬緡助之。曰。儲此。
無用。助邊糴。可以紓吾民。左藏月進錢。供宮中好用者。

畢以賜縣官。大辟疑者。令上讞。歲活常千餘人。吏部選人坐失入死罪。命終身不遷。每諭輔臣曰。朕未嘗詈人以死。况敢濫用辟乎。康定元年春正月朔日。蠲司天請移閏以避。帝曰。閏所以正天時。授民事。何可曲避也。知無爲軍茹孝標。獻芝草三百五十本。帝曰。朕以豐年爲瑞。賢臣爲寶。草木蟲魚之異。何有焉。免孝標罪。戒天下勿獻故事。隻日。一御經筵。帝好學。日講讀不廢。謂侍臣曰。朕盛暑未嘗倦。但恐卿等勞耳。學士孫奭上無逸圖。命施于講讀閣。作邇英延義二閣。又詔學士孫奭等。無逸篇于閣屏。王堯臣及第。手賜中庸篇。呂臻及第。賜大學

篇於戴記中特表章二篇以風厲儒臣而濂維道學淵源之漸始此矣。以國家承平久。念欲興禮樂文太平而禮官所定祭天不及地祇。配坐不及祖宗三合三朝之制。樂久廢墜。詔集兩制及太常禮樂官以郊廟所用登歌宮縣審定聲律。按古合今。調諧於中和。使經久可用。以發揚先帝之功德。而羣臣無素業。或守鍾律。或守累黍。各執一察。以自是終莫能緒正之也。親政初。重臺官之選。曰宰相得用臺官。則宰相過失無敢言者矣。詔自今臺官非丞知祿保薦者不仁。宮禁干請。雖報可有執。奏輒中尼不行。拔舉踈遠。不蔽於偏至之說。蘇軾應制。

科。試策攻上闕。語切直。侍臣請黜之。帝曰。以直言求人。而以直棄之。天下其謂何。擢上第。陝右用兵。國繁費自。乘與服御。及六宮宣索。並裁約。而吏祿兵賜。未嘗起損也。或請減官吏俸。帝曰。祿廩以養廉。今王事鞅掌。不能增。忍減之乎。詔致仕官。舊給半俸。而仕宦顯者。或貧不能自給。非所以遇高年。養廉耻也。自今兩省大卿監正。刺史閣門使而上。致仕者。給俸如分司。長吏歲時卽賜之。在位四十二年。惻怛忠厚。終始如一。未嘗妄興一役。妄殺一人。寧屈已棄財於夷狄。而邊人父子子婦得免。於兵革遺制下。深山窮谷。老穉女婦。莫不奔走悲號如。

喪考妣不能自止云。

論曰。易天地之大德曰生。聖人之寶位曰仁。仁也者。以
天地大德。生天民者也。故道莫貴焉。昭陵在御。賢不肯
混進。冗官冗兵之費。耗劇矣。乃刑以不殺爲威。財以不
蓄爲富。兵以不用爲功。羣臣並進。令各自明。而上溫仁
在宥。終並育不烈也。斯謂元德哉。故當其時。殘賊衰少。
決獄省減。善類蒸蒸。布列於中外。而至德孳於人心。有
宋三百餘年之基命賴焉。嗚呼盛矣。

王范二相謨

王文正公會。

字孝先

青州益都人。舉進士第一。以將作監

判丞濟州。歷右正言。知制誥。景德中。國信司致書契丹。稱南朝。契丹爲北朝。曾上言。春秋外夷狄獨舉號。而爵不過子。今獨從其國號可矣。何必對舉南北成兩大乎。帝曰。善。命易書祥符中。天下爭嚮帝意。言符瑞。曾進曰。天瑞存臻。誠國家承平所致。然願推而弗居。今居之異時者。有水旱疾疫之變。亦何以自解乎。帝爲默然。已建玉清昭應宮。復陳五害以諫。命判大理寺。曾請得辟僚屬。爲著令。遷翰林學士。知審官院。舊違制非故失。率坐徙二年。曾請須親被旨乃坐。既而被旨者非故。曾又以失論。帝曰。如卿言。是無復有違制者矣。曾曰。失於故失。

固異不可測也。今誤失。從重論。後有故者。又何以加之。竟得貸。已以右諫議大夫參大政。時宮觀官皆以輔臣爲之使。曾當爲會靈觀使。辭不受。帝不悅。曰。大臣當同心共事。奈何自爲異乎。曾頓首曰。君從諫。謂明臣盡忠。謂義。陛下不知臣。駑下使待罪政府。臣知有義而已。非敢爲異也。王旦退。謂人曰。王君介然。他日德望勲業。吾不及也。吾備位二十年。每進對。意忤。常蹙蹙不自容。王君初被簡用。讓會靈觀使。拂上旨。而進對渾雅。詞直氣和。乃如此。此何可及也。以忤旨。罷知開封。京師民訛言帽妖至。能傷人。曾令民夜開里門。有倡言者。輒捕論。

妖不復興。復參知得相。轉移母后。翼戴天子。之權。姦有社稷功。語具帝紀中。時士習偷。臣僚奏事。畢于澤。求進至流涕。帝以謂曾。曾對曰。陛下抑奔競。崇恬靜。庶得難進易退之人。樞使曹利用。以貴倨於曾。忤曾亦頗以驕蹇誹之。及得罪爲申理。太后曰。卿嘗言利用橫。今解之。何也。曾曰。利用素恃恩而慢。臣折之。然加以大惡。非臣所知也。而利用得寬。太后受冊。將御大安殿。曾執不可。及長寧節。上壽。命張便殿中。而太后姻家左右通請謁者多裁抑。太后滋不悅。以王清昭應宮災。罷知青州。以節使知天雄軍。人樂其政。畫像尸祝焉。景祐初。爲

樞密使。明年以右僕射復相。遷集賢殿學士。封沂國公。
與相夷簡卻而罷。判鄆州。寶元元年。冬有大星墜其寢。
左右驚以告。曾曰。行自知之。後一月卒。年六十二。贈侍中。謚
文正。曾方正持重。平居寡言笑。在朝廷進止有常處。進
見言事。審而中理。內制時。具楊學士億同列。億能文章。
善譏笑。於僚友鮮所不狎侮。每見曾。未嘗不肅斂也。自
奉儉約。雖責顯如寒士。范仲淹嘗言。曾曰。明揚士類。此
宰相之任。明公盛德。所少者此耳。曾曰。執政欲恩歸已。
怨將誰歸。仲淹深服其言。初曾舉進士。繇鄉貢試禮部。
廷對皆第一。或戲之曰。狀元試三場。一生喫着不盡。曾

正色曰。曾平生之志。不在溫飽。人以為相。業所本云。

范文正公仲淹。

字希文。

蘇州吳人也。生二歲而孤。母更適。

長山朱氏。業從其姓久矣。少長。問知其世家。乃感泣辭母去。入長白山。掃一室。從戚同文學。晝夜不怠。冬月憊甚。獨以水沃面。已復學。食不給。晨斷齏為粥。晝三段。日三餐之人。不能堪。繇若也。舉進士。為廣德軍司理參軍。迎母歸養。改集慶軍節度推官。抱獄要日。與太守爭是非。守憑怒。臨之不為比。比去官。無歸貲。止一馬。鬻之。徒步歸。自其少賤時。能立節如此矣。以晏殊薦。秘閣較理。章獻臨朝。歲冬至旦。天子率百官上太后壽。會寧殿。已

御大安殿受朝行之數歲。夫仲淹言。天子奉親於內。自有家人禮。不當與百官同列而朝。損主威。非所以垂法後嗣也。疏上。殊恐失太后意。懼甚。頗諄語。謂其邀名。仲淹正色曰。仲淹辱公薦。每懼不稱。爲知己羞。今不悟。反以忠直得過。殊爲愧屈。已復疏。請后歸政。判河中。徙陳州。論建太一宮。崇福殿。非所以應天。論恩倖。以內降除官。非平明之治。召拜左司諫。太后崩。遺詔。楊太妃爲皇太后。復預政。仲淹力爭。欲抑母后。以成一尊。帝親政。請禁群臣論太后時事。全大德。語具帝紀中。歲蝗旱。江淮京東澤甚。仲淹請遣使循行。未報可。請問曰。宮掖中

半日不食。當何如。帝爲惻然。卽以命仲淹。仲淹至。收賑安撫之。還條救弊十事。且懷太平州。民所食烏昧草。以進。乞宣示大宮戚里。令知民艱難。郭后廢。率諫官御史伏閣爭。不能得。出知睦州。徙蘇州。疏五河導太湖注之海。蘇人賴焉。遷知開封。以忤執政。品夷簡。罷知饒州。久之。元吳友邊新喪師。以龍圖學士經畧陝西。自請領延州。蒐兵選將。非久。邊大飭。戛人相戒曰。今無以延州爲意。今小范老子胸中有數萬甲兵。不比大范老子可欺也。大范目前守雍。旣而與韓琦開府涇。而西師大和。其在邊務持重。不急小功。號令明肅。撫士卒有恩。御將

吏令畏法而愛上所得賜賚皆以朝命賜諸將使自爲
謝居三歲安內屬羌視要地立城堡士勇邊實恩信大
洽乃決策謀取橫山復靈武元昊懼而西事平大者具
戎志中初元昊反誘內屬羌陰爲助仲淹至即行部以
詔書犒諸羌撫循以恩信立條約諸羌質子縱
出入自便羌酋至引入屏人撤衛語無間也羌人親愛
呼爲龍圖老子自是始爲中國用而屯兵得流食內地
省輓饋慶州西北馬舖砦當後橋川口在賊腹欲城之
度賊必爭密遣子純佑與蕃將潛先據其地營攻築具
日晨起忽引兵赴之諸將皆不知所向至衆遠始發號
告其地處既至攻築之用大小畢具也追賊覺以騎三
萬來爭仲淹荼前戒諸將如賊戰而走追必毋過河第
乘城已而賊果走追者不渡獨乘城而河外果有伏賊
失計去而城成即大順城也大順已與琦富弼並召參
既城而白豹金湯皆不敢犯環慶已與琦富弼並召參
大政銳意爲天子興太平爲衆讒沮出爲陝四路宣撫

使知邠州。尋以疾請知鄧州。進給事中。徙荆南。鄧人遮使者請留。許之。徙杭州。遷戶侍郎。徙青州。病甚。求潁州。未至。卒。蓋是時帝已知仲淹忠。思復用之矣。疾賜藥。存問。卒。報朝一日。贈兵尚書。謚文正公。淹內剛外和。性至孝。母在時。方貧。後雖貴。非賓客不重肉。妻子衣食僅給。而好施予。汎愛樂善。有大節。諸富貴貧賤。毀譽欣戚。一不以動其心。在諸生中。紫慨然有志於天下。嘗自誦曰。士當先天下之憂而憂。後天下之樂而樂。其事上遇人一以自信。不擇利害爲趨舍。其有所爲。必盡其方。曰爲之自我者。當如是。其成與否。有不在我者。雖聖人不能

必。故心力一而功成。在延州時。夏竦主攻。議五畧進師。以襲夏。雖韓公亦主之。遣尹洙造延州約。進師。仲淹曰。我師新敗。士氣喪沮。今但見敗形。未覩勝執。吾不敢任也。洙太息曰。公不及韓公矣。韓公云。凡用兵。當置勝負於度外。仲淹曰。大軍一動。萬命所懸。乃置之度外乎。誠仲淹所不及。洙沮去已。兵次好水川。而衄。師還。韓公出撫師。戰亡者父兄妻子數千人。擁馬首。特故衣紙錢哭於前。韓駐馬不忍視。掩泣者久之。仲淹聞而嘆曰。當此時。亦何能置勝負度外也。在政府。選監司。取班簿。視不才者。勾之。樞副姑息之曰。一筆勾易。且然而一家哭矣。

仲淹曰不然且一路哭一家哭何如一路哭耶時巨盜過高郵知軍晁仲約度不能禁禦喻民出金帛牛酒犒之盜不爲暴事聞富弼議欲誅仲約以正法仲淹欲有之爭帝前弼曰盜賊公行守臣旣不能戰又不能守而醵錢遺之此法所必誅聞高郵民疾仲約欲食其肉不可釋也仲淹曰郡縣兵械足戰守遇賊不禦而賂之此法所誅也今高郵無兵械雖義當勉守然情有可原戮之非法意且小民之情醵財而免殺掠理必喜之何謂欲食其肉乎仲約得免死弼退而愠曰今方患法不勅欲勅法而沮之何也仲淹從容曰祖宗來未嘗輕殺臣

下此盛德事。奈何欲輕壞之。弼心猶未然。及河北使還。至國門。爲飛語所中。至謂其遣石介結契丹。未測帝意。所定夜遶牀。徬徨行達旦。乃太息曰。范六丈聖人也。好獎掖後學。勗之成。在睢陽時。有魯人孫生也者。來索遊。贈之錢千緡。明年復來。又贈如初。因問何汲汲於道路。如此將無以遊。故廢學乎。生閔然曰。母老無以養。仲淹曰。吾觀子辭氣。非乞客。二年僕僕所得幾何。今補子學職。月可得三千錢。爲養子能安於學乎。孫生喜曰。幸甚。於是授以春秋。而孫生篤於學。不舍晝夜。仲淹甚愛之。後十年。泰山下有孫明復先生。道成德尊。以春秋授學。

者薦至京。則故索遊孫生也。西師時。關西張子厚載年
十八。慨然以功名自許。上書來謁仲淹。知爲遠器也。王
之成。責之曰。儒者自有名教。何事於兵。手中庸授之。勸
之讀。而載後稱誠明夫子爲賢儒。汾人狄青從軍隸節
下。仲淹遇以國器。手春秋授之曰。熟此可以斷大事。將
不知古今匹夫勇耳。青卒登樞府。爲名臣。及他所獎拔
成名者甚衆。嘗自言幕府辟客。必可爲已師者。可爲已
師。則心嚴憚之事。畏慎不敢苟矣。晚守杭。吳中大饑。婦
孺盈路。發粟及募民存賑。術甚備。而因杭故俗。喜土木
宴遊。不爲廢。監司詰之。仲淹曰。所爲許。宴遊與。迨者誠

欲發有餘之財。令工技服力之人得仰食也。脫禁之無慮數萬人。不食矣。是歲兩浙。惟杭人饑而不流。嘗戒諸子言。吾貧時。與汝母養吾親。汝母躬執爨。而吾親甘旨未嘗充也。今而得厚祿。欲以養親。親不在矣。汝母亦已早世。吾所最恨者。恐獨令若曹享富貴之樂也。吾吳中宗族甚衆。於吾固有親疎。然自吾祖宗視之。則均之子孫。安得不恤其饑寒。救其困厄哉。且祖宗積德數百年。而始發於吾。若獨享富貴。而不恤宗族。異日何以見祖宗於地下。今何顏入家廟乎。於是買姑蘇負郭田數千畝。爲義莊。贍族之貧者。擇族人長而賢者。歲主其出納。

人日食米一升。歲衣纁一疋。嫁娶喪葬各爲之賑贍焉。

以朱氏有長育恩。乞贈朱氏父太常博士。而蔭其諸子。
當十宅。日者云吉。當踵生公卿。遂即其地。奏立蘇鄆學。

晚歲子弟。誦樹園圖爲逸老計。曰。人苟有道義之樂。即

形骸可外。况居室哉。且吾年踰六十。而謀樹第治園。

顧何時當居乎。訖不許。韓魏公嘗言。挺然忠義。奮不顧

身。師魯之所存也。身安而國家可保。明消息盈虛之理。

希文之所存也。立一節。師魯可也。若就大事以濟天下。

其惟希文乎。

子四人。純祐。純仁。純禮。純粹。皆賢。而純仁

師。規約嚴整。生徒憚苦之。純祐尚未冠。入學。先諸生率

循。諸生爲翁然。開府時。純祐曰。與將卒伍。鈎深擿隱。盡


得其才用。故任當才。而功成。純祐重違公左右。不應舉。


以蔭守宮。旋即解去。從之。鄧得疾卒。純禮守遂州。得民

和草場火。守吏怠惕懼譴。純禮曰。草燥則火行。何罪。勅償而已。庫吏盜絲罪抵死。純禮曰。以絲故殺人。吾不忍也。趣買償。元祐中。擢給事中。封駁皆正名分。肅紀綱。關國大體。元符中。擢尚書右丞。爲會布所傾。而罷。純粹沈毅。有幹畧。而忠宣公有子曰正平。正思。正平行甚高。言必援孝經論語。而常官不阿意。蓋世濟其美云。

論曰。自眞宗違豫時。大奸倚幽巖柄國。洵洵矣。迨章獻稱制。而王沂公。危言正色乎其間。卒沈幾翁張之。而靖也。昭陵開天章。趣條對千載一時矣。羣賢彙登。富韓歐文均底乎大臣之節。而范公實倡之。倡者難哉。雖早世未臻于化境。抑可謂社稷臣矣。

百史上編卷之五十二終





DS
734
10
T4
1137

百史上編卷之五十三

明盱郡鄧元錫纂

宋英宗神宗帝紀

英宗皇帝諱曙太宗皇帝曾孫商王元份孫濮安懿王

允讓第十三子也

母仙遊縣君任氏四歲養大內豫王生歸濮邸王薨賜名宗實起復知宗

正寺立為皇子改名

嘉祐八年夏四月即位赦

百官進秩一等帝不豫

尊皇后曰皇太后請皇太后同聽政立皇后高氏以富

躬為樞密使秋七月帝御紫宸殿朝百官

歲星畫見冬十月

葬永昭陵十二月開經筵

是歲于闐西南蕃來貢契丹使來弔祭及賀即位

治

平元年夏五月皇太后歸政冬詔近臣監司舉治行素

著者。備升擢。是歲畿內及二十五州軍水賑之。西蕃內附三

年春。議崇奉漢安懿王典禮。夏。罷議令有司傳求典故。

務合經以聞。秋。樞使弼。富樞副杲。張罷。弼以足疾請判

判許。使相彥博。文為樞密使。減乘輿服御。京師大雨水。詔臣

僚上封。九月。太白。雨。水。十一月。祀天地圜丘。赦三年

春。溫州災。臺諫以濮議評論出補外。濮議寢。見禮儀志。華

數日。亭于畢。如月。逾兩月。冬。詔禮部三歲一貢舉。遂為定制

乃減。秋。九月。朔日。詔政府舉才行士。試館職。帝不豫。立穎王頊為皇太子。

赦。羣臣子為父後者。賜勳一轉。四年春正月。帝崩。年三十六

上尊諡曰憲文肅武。宣孝皇帝。廟號英宗。初。帝以宗人子育宮中。好讀書。絕

嬉游被服儉素類儒者居濮王喪未終制以相琦議起復知宗正命下辭既終罷猶固辭相琦言宗正命下外人皆知必且爲皇子不若遂正名以定之乃下詔立宗實爲皇子而皇子讓愈堅知諫院司馬光言皇子辭不貲之富至三百餘日不受命賢於人遠矣有識聞之皆以爲陛下仁聖能爲天下得人也然臣聞父召無諾君命召不俟駕願以臣子大義責之宜必入皇子乃受命且行戒其人曰謹守吾舍。上有適嗣吾歸矣。乃肩輿赴召。良賤不滿三十人。行李蕭然。圖書數篋而已。仁宗崩。平旦。琦入定遺詔。百官班宣之。令衛士坐甲。諸司幕。

下簾治器。人情帖然。比日午。市肆猶未知也。皇太后同聽政。既卽位之四日。帝晨詣大行前舉哀。忽疾作。大呼嫚罵。左右皆却走。大臣駭愕失措。相琦亟投杖於地。直趨前抱帝入內。人驚散呼之前方。徐來令抱擁入。曰。謹護侍無怠。出戒諸見者曰。今日事。惟內廷諸人見之。毋於外謹傳。傳者死。退就班哭如平日。是日。皇太后於梓宮前。印額爲請命。額血出已。而帝疾益甚。舉措失常度。多嫚罵無忌。顧遇內豎寡恩。於是怨誹作。而謬傳中禁語。文致之爲讒間。兩宮乃隙已。帝疾益少間。聞讒謗中。自疑未釋。晦默若猶疾然。日面壁卧。不受藥。琦率同僚。

捧藥進。帝直視久之。取藥覆琦。衣不顧。琦前跪榻上。拜床下。移時乃退。一日奏事簾前。太后嗚咽流涕。具道帝語言訕嫚狀。恨之。琦曰。病故耳。病已必不然。它日又言之。琦曰。上病行且瘥。即不瘥。大大王長矣。國統固有屬也。后含怒曰。尚欲於舊窠中覓免耶。同列皆驚懼却立。琦不動。曰。太后不宜以他念自苦。太后無血屬。今皇帝自少鞠宮中。恩太后最深。皇后又太后親甥。此天之所以遺太后也。幾不可復得。若聽讒間。懷他端。祇自苦耳。后意不解。參政修進曰。太后事先帝數十年。仁德著於天下。昔溫成之寵。太后處之裕如。今母子之間。顧不能

相忍耶。后意稍和。修復進曰。先帝在位歲久。德澤在人。故一日晏駕。而天下奉戴嗣君。無異同。即不然。太后一婦人。臣等五六書生。爾非遺命。誰當服從者。太后默然。久之而罷。琦念天子以達豫失人情。而衆附太后。慮叵測。一日奏對。以深言動之曰。臣等在外。官家一失調護。則太后事也。太后大愕曰。是何言。我心更切切耳。同列爲縮頸流汗。已帝疾愈益瘥。而禁中傳離間語甚。乃不可聞。雖大臣亦心惑之。獨琦屹立不動。嘗奏事簾前。太后忽問漢昌邑王事云何。琦對曰。漢有兩昌邑王。臣不知所問。太后未有應。卽言曰。此語必有從來。不知太后

從何人所聞之后失措而罷他日太后出一手札送中書。恚甚有爲孀婦作主之語。勅中貴俟報琦報曰。領旨。琦欲借以警上。聽稱山陵事。乞晚臨。後獨對。旣見。造膝言曰。陛下不必驚。臣有一文字進呈。願慎重無泄。陛下今嗣統本先帝太后恩。不可忘。然中非血屬。願加意承奉。帝曰。謹奉教。琦又曰。此文臣不敢畱。幸大內密焚之。若泄間。遂開難合矣。後數日。帝獨召見琦曰。太后待我寡恩。琦曰。自古聖帝明王不少矣。而獨稱舜爲大孝者。豈其餘皆不孝耶。父母慈而子孝。此常事不足道。惟父母不慈而子不失孝。是爲賢耳。陛下但加意承順。當驩

然如初。世父母豈有不慈者乎？於是帝事太后加謹。而兩宮疑間。遂銷秋七月。帝御紫宸殿。見百官會大旱。琦請乘輿出禱雨。慰天下望。帝從之。具素服素仗以出。而人情大安。治平元年夏。帝疾愈日久。太后未還政。琦乃取十餘事。稟上裁。已具白太后。太后每事稱善。琦因白太后求歸政。太后曰。相公不可去。我日在此。甚非得已。當還深宮耳。琦頓首曰。前代母后如馬鄧之賢。鮮不以固吝權位。敗名德者。今太后脫然復辟。誠馬鄧所不及。請卽撤簾。太后曰諾。遂簾撤而政歸一尊。明肅臨朝時。內侍任守忠通請謁。權寵過盛。累遷宣政使。入內都知。

仁宗以未有儲嗣。守忠欲援立昏弱。邀大利。帝卽位。又
交購兩宮。知諫院司馬光呂誨論之力。一日琦坐政事
堂。出空頭敕一道。請同列簽之。參政修簽已。趙鼎有難
色。曰。修修曰。第簽之。韓公必自有說。已召守忠立庭下。
數之曰。汝罪當死。免死。責蘄州安置。取空頭敕填之。卽
押行。恐少緩。或入宮乞哀。生變也。四年。帝有疾。琦入問
起居。進言曰。陛下久不視朝。願早建儲。安社稷。帝領之。
琦立召翰學士張方平入。福寧殿承旨。帝憑几言。言不
可了。方平以筆進請書。乃書曰。立大大王爲皇太子。琦
在側抗言曰。賴王也。適長而賢。請書王名。帝乃疾書之。

方平退草制太子立

帝泣然淚下相彥博退謂琦曰兄上顏色否人生此際雖父子不能

不動心也

無何帝崩帝初政清明親近儒雅日御經筵講治

道每決機務必問大臣祖宗時故事與古誼所宜已裁

決常出人意表屈已畏相虛懷受盡言議濮王尊崇禮

臺臣至劾相琦專權導諛參政修首開邪議陷陛下上

負先帝至言臣與輔臣勢難兩立議激甚而帝謙抑終

薰然不怒也帝勇智不世出可大有爲琦渴心啓沃帝

崩哭之慟曰天平令上在何事不可爲雖疾疾早世而

天下咏歎其德矣

神宗皇帝諱頊英宗長子

母高皇后初封光國公進淮陽郡王進潁王已立爲皇太

子治平四年春正月卽位。赦尊皇太后。曹曰太皇太后。

皇后。高曰皇太后。宰執以下各立皇后向氏參政修歐陽

罷。被詆誣求禮侍郎奎。吳參知政事。命公主行拜舅姑。

禮。英宗嘗謂帝言舊制帝女出降輒升行辟舅姑甚無

謂朕思之爲寤寐不平豈可以富貴故屈人大倫乎會疾不果革。秋八月葬永厚陵。召知江寧府王安石爲

翰林學士相琦罷。判相參政奎。吳升之。陳罷樞副公弼

呂爲樞密使。翰學士方平。張龍圖閣學士抃。趙參知政

事。冬十月樞使弼。富罷。判河詔求直言。是歲夏諒祚來

帝立遼遣使來熙寧元年春。正月甲戌參政槩。趙罷。有

權三司使介。唐參知政事。詔恤刑。河決棗秋七月觀文

殿學士知越州升之。

陳

知樞密院事。詔考宗正籍。推太

祖皇帝孫屬。近行尊者一人。王之世。從獻郊廟。冬出奉

宸庫珠玉。付河北備買馬。十一月。祀天地園丘。赦是歲。

恩冀州河決京師地連震。瀛莫州地震。河東饑。賑之。

于闐

來二年春。前相弼

富

同平章事。翰學士安石。

王

參知政

事。創制置三司條例司。

議新法

參政介卒。遣使行諸路。察

農田水利。賦後脩二股河。置買鹽場于永興軍。

官自鬻罷通商

法從發運使薛向請也。

秋。行均輸法。詔賑恤被水州軍。行青苗法。

出內庫緡錢百萬。糴河北常平粟。呂惠卿為崇政殿說

書。相弼罷。

判毫州

樞使升之。

陳

同平章事。城綏州。

以夏渝盟故。

改皇族授官法置交子務遣官提舉諸路農田水利差

後增宮觀官

是歲古勿峒酋領歸順交趾來貢

三年春使相琦解河北

安撫使領大明府始策進士罷詩賦立試刑法科參政

并罷

有樞副絳韓

參知政事監察御史裏行程顥張戢

罷相公亮罷樞副京

馬

參知政事相升之罷

升之舊名地避僣名

以字行深狡多數善傳會安石用事引以自助升之心知其不可而力爲之用安石德之故使先已相甫得位即陽若不與之者請免制置三司條例司改諸路更成歸中書安石怒侵辱之癘疾會母喪去位

法

置京畿河北京東西路三十

立保甲法參政絳參政

安石同平章事翰學士禮侍郎珪

王

參知政事行免役

法河北陝西旱饑賑之

是歲廣源下溪州蠻內附交趾來貢

四年春鬻廣

惠倉田

爲青苗本

罷詩賦及明經諸科。以經議論策試進士。

夏。陷撫寧堡。夏浚漳河。秋。置洮河安撫司。九月。大饗明

堂。

以英宗配

赦冬。立選人及任子入官試法。立太學生三舍。

法是歲。河北饑。兩浙水。賑之。

高麗來貢。渝州夷叛。平之。

五年春。置邏

卒。察謗時政者。置市易務。立殿前馬步軍校試殿最法。

塞北京。決河。立宗室應舉法。行保馬法。置武學。秋。頒方

田均稅法。觀文殿大學士致仕。歐陽修卒。

少華山崩。禮尚書

升之。

陳

爲樞密使。

是歲龜茲來貢

六年春。復僖祖爲太廟始祖。

置經義局。夏。

四月朔日。饒

樞使彥博罷。

忤安石。以司空判河陽。

立比閭。

族黨法。立和糴。歛散法。置軍器監。秋。立武舉法。置律學。

復收免行錢。開直河。是歲兩浙江淮饑。賑之。陀婆離大食交阯西

角蕃七年春。行方田法。夏旱。罷新法。是日雨。下監安上

門鄭俠獄。復行新法。安石罷。知江寧府參政絳。同平章事。惠

卿。品參知政事。罷制科。大雨水。壞陝平陸二縣三司火。秋立手實法。冬

置三司會計司。以韓絳提舉。十一月祀天地。圜丘赦韶。王為

樞密副使。是歲河北饑。賑之。于闐高麗來貢。武都諸夷內附。八年春。正月

雨水參政京罷。知亳州知江寧安石召復平章事。行保馬

法。遼使來議疆事。遣報聘。割河東地七百里界之。具戎狄志

太白工尚書充。吳為樞密使。升之罷。判陽州五月。秋七月。書見。

太白司徒侍中魏國公琦薨。葬韓忠獻公。絳惠卿罷。絳

許州惠卿知陳州。詔求直言。赦罷手實法。成翰學士判太常

絳。元參知政事。鄜延環慶常潤州饑。賑之。是歲熊本降渝州。僚置南

平軍交趾入。九年春。甬木交趾陷邕州。知州蘇緘死之。秋。罷鬻

祠廟。各相安石罷。知江寧樞使充。參政珪。王同平章事。

殿學士知成都府京。馮知樞密院事。交趾降。事見戎伙志大理占

城來。十年春。詔諸州歲以十一月給老疾貧乏者粟。盡

三月。詔罷知洪州。秋。河決澶州。祀天地園丘。赦改元。是歲

占城注。元豐元年。帝十有春。塞曹村決河。名其埽曰靈平六月朔日

餉。經制瀘州納溪夷。辰州徭各置大理獄。詔詳定郊廟

朝會禮儀。是歲交趾于闐來貢。二年春。日中有黑子。疏汴洛。參政絳罷。

絳所至有威名而無特操仕已顯猶謂遲晚諂事王安石為蔡確所傾知亳州直學士判司農

確蔡參知政事置籍田立水居戶役法水居船戶五戶至十戶為一甲輸賦後太皇太后曹氏崩下知湖州蘇軾獄西南諸蕃來貢三年

春惇參知政事相充罷葬慈聖光獻皇后于永昭陵議大樂

詔致仕翰林學士范鎮秘書監劉几等同議詳定官制秋七月河決澶州九

月大饗明堂罷羣神從祀赦石等進秩是歲高麗于

闕南丹四年春樞使京罷知河羣牧使固孫知樞密院

事惇章罷惇密使客結御史朱服服白之惇父俞彊市民田民遞訴惇繫之開封獄事併聞免知蔡

州翰學士張參知政事河決築河堤封晉程嬰為成

信侯公孫杵臼為忠智侯本國姓所自全也夏人囚其

主秉常。詔五路會兵擊之。議選格。詔內外官司舉官伐

夏師潰。冬十一月朔日饑。是五年夏四月朔日饑。定官制。

同平章事珪。王為尚書左僕射兼門下侍郎確。蔡為尚

書右僕射兼中書侍郎參政惇。章門下侍郎瑛。張中書

侍郎宗孟。蒲尚書左丞安禮。王尚書右丞。是歲夏陷永樂城安化蠻

寇宜州知州王琦死之。溺泥交趾西南龍蕃來貢。六年春正月御大慶殿用新

樂。汴水夏司徒韓公弼薨葬韓文忠公。秋知樞密院固

孫罷。知河陽同知樞密院續。韓知樞密院事宗孟罷。宗孟荒于酒色

自奉養極侈繕府舍過制罷知汝州嘗以書抵蘇軾云學道有得軾答曰有二事相勸曰慈日儉云右丞

安禮。王為尚書左丞吏尚書清臣。李為尚書右丞。秋九月朔

日冬十一月祀帝園丘。罷合祭赦天下。七年春夏人

州三月白夏五月白虹貫日。虹貫日。以孟軻配饗孔子。封荀况楊雄韓

愈為伯並從祀左丞。安禮罷。知江寧府。是歲河東饑河北水

伊洛溢河決元城賑之。夏寇德順軍。巡簡王友死之。夏

貴死之。大食三佛齊西南蕃龍來貢。八年帝十有春正月帝不豫三月立

皇子傭為皇太子。賜名詔皇太后權同處分軍國事。赦

帝崩。年三十八。上尊諡英文烈帝隆準龍顏在頽邸時。

動止有常度。天性孝友。事兩宮侍立終日。雖寒暑不變。

好學問。常日晏忘食。與岐嘉二王讀書東宮。侍講王陶

入勸講。輒相率拜之。始即位。小心謙抑。畏相求言。而日

廟精於三代兩漢之盛。詔歲比不登。春有時雨。安撫轉運使。飭州縣吏。省事勤民。無奪時。罷諸州貢飲食物。賑河北流民。詔州縣獄。歲多瘦死。歲終會其數。上爲殿最。爲著令。察民隱恤孤獨。養老賑乏。諸宮室遊畋之樂。咸斥不御。方方頴。卽時韓維呂公著數數爲帝言。王安石道誼之美。於時無伍也。帝某用之矣。至是卽召入爲翰林學士。比至。令越次進對。問治當何先。安石曰。擇術爲先。帝曰。唐太宗何如。對曰。陛下當法堯舜。何以太宗爲。夫堯舜之道。至簡不煩。至要不迂。至易不難。但未世學者。不能通知其意。以爲高不可及耳。帝喜曰。卿可謂責

於君。朕自視眇然。恐無以副卿者。卿其悉意輔朕。同
濟此道。於是相得其驩。一日帝感唐宗得魏徵。蜀先主
得諸葛亮。喟然嘆想。見其爲人。安石曰。陛下誠能爲堯
舜。必且有皐。夔。稷。卨。出而佐之。誠能爲商。高。宗。必且有
傅。說。何。以。二。子。爲。乎。夫。二。子。有。道。所。羞。稱。者。也。獨。恐。陛
下。擇。術。未。明。推。誠。未。至。雖。皐。夔。稷。卨。傳。說。之。賢。亦。將。爲
小。人。所。蔽。卷。懷。而。去。爾。帝。歔。然。曰。當。爲。卿。戒。之。顧。小。人
難。辨。卽。堯。舜。時。不。能。無。四。凶。安。石。曰。惟。能。辨。四。凶。而。誅
之。所。以。爲。堯。舜。也。嚮。使。四。凶。得。成。其。讒。慝。則。皐。夔。稷。卨。
亦。安。肯。爲。之。輔。哉。自。是。君。臣。獻。替。未。嘗。不。以。堯。舜。相。期。

明年叅大政。帝謂之曰。人皆不知卿。以爲卿但知經術。不必通世務。安石對曰。經術所以經世務也。但後世所謂儒者。大抵皆庸人。故世俗皆以經術爲不可施之世務耳。帝曰。善。問施設何先。安石曰。變風俗。立法度。爲最先。自是相信如一人。帝每謂之曰。須督責朕。使大有爲。又曰。有以助朕。勿惜盡言。又曰。天生俊明。義當與之勳力。若虛捐歲月。是自棄也。曾公亮曰。聖知如此。安石殺身以報。亦其宜也。安石曰。君臣相與。特各致其義。非相爲賜也。爲君當盡君道。爲臣當盡臣道。陛下聖知。臣何敢不自竭。帝改容稱善。安石爲人清彊。自執。博學。謏聞。

於聲色貨利。泊然不入其心。居恒言宋興來。以忠厚立國。而國體失之弱。因仍漢唐累世之陋習。爭於末務。徂於故常。未嘗如古者大有爲之君。親賢友臣。相與討求先王之法。而措之天下也。故紀綱不振。天下之財力日困。西北二虜。歲賂遺以百萬。而國力日屈。居恒憤憤有矯世變俗之意。及帝親用。自以爲不世遇也。則日夜謀謨講畫。以就其平生之所欲爲。然性本偏愎。堅自信。好同惡異。明不融而不自知其蔽也。元年郊兩府以河朔災。辭歲賜金帛。學士司馬光入對。言救災節用。宜自貴近始。可聽也。安石奮然曰。常衮爲相。辭堂饌。時議以爲。

衮自知不能當辭位。不當辭祿。不可聽。且光言獨患國用不足耳。國用所爲不足者。以未知理財故也。誠善理財。匪頒好用。國有常式。獨奈何廢之。光曰。長國家者。不冝以財利爲先。謂善理財。不過頭會箕歛。盡民財耳。安石曰。不然。善理財者。不加賦而上用足。光曰。言過矣。天地所生財貨百物。止有此數。不在民則在官。譬如雨澤。夏澇則秋旱。不加賦而上用足。設法陰奪民利。其害甚於加賦。此桑弘羊欺漢武帝之言。太史公書之。見武帝之不明耳。至其末年。盜賊蜂起。幾至於亂。若武帝不懈禍。昭帝不變法。則漢幾亡。此何以稱哉。爭議不已。王珪

進曰。救災節用。宜自貴者始。司馬光言是也。然所費無幾。恐傷國體。王安言亦是。惟明主裁擇。帝曰。朕意與光同。然姑以不允答之。會富制遂。中衮事責兩府兩府不敢辭。呂惠卿者。儉人。使辟善辨給。

見安石語阿意。又從爲之辭。安石大悅之。因言於帝曰。惠卿之賢。雖前代儒者未易其比。當今學先王之道。能通知其意而可用者。獨惠卿一人。於是創制置三司條例司。以惠卿爲簡詳文字。而章惇曾布並列爲條例官。恐帝意不堅信。乃復言人才難得。亦難知。今使十人理財。其中亦寧無一二人敗。有敗事異論乘之而起。

則事廢矣。堯與羣臣共擇一二人治水。然且不能無失。況所擇而使者非一人乎。要在灼於大計。不爲異論惑可也。帝曰。有一人敗事而遂廢所圖。此天下之所以鮮成事也。於是條例司。日夜議變法爲更張。以民棄本。遂末去農。爲商賈者衆而俗敝也。藉周官泉府。歛布不售。貨滯於用者。待非時而買。則出內藏錢。上供米。令總諸道賦入。通貴賤。近遠而制。其有無名權制。兼并爲均輸。法以京師百物有牙行。宮府所須。責之辦。多陪折也。藉周官市師。陳肆辨物。成賈徵債。本桑弘羊平準置市易司。于京師歛百貨。賒貸取息。名平市價。爲免行錢。市易

以豪右貸民錢取倍稱之息而貧者益困也。藉泉府
國服爲息出廣惠常平所積粟春貸秋償用取息名耕
歛補助抑兼并爲青苗法以後世農政日弛也。藉周官
遂大夫里宰稻人教稼穡稼下地遣使者察農田水利
于天下頒約束行之名勸農盡地力爲農田水利法以
民苦差役供衙前還輸者破產相屬也。藉司徒夫家有
征役而庶人在官者致民賦祿之令民戶高下取免役
助役免役寬剩錢名平力役爲雇役法以後世兵不出
民民困而武備不脩也。藉周官伍兩卒旅軍師賦諸農
牛馬車輦賦諸田立保長正副羣保丁授弓弩教戰陳

爲盜警。寓兵保甲。十戶養馬一匹。責孳息賠償。用出馬爲保甲保馬法。以後世民豪強兼并。名田多而賦寡。累齊民也。藉禹貢任土作貢。周官井牧經賦。以六尺起步分地。丈量參肥瘠。定賦名平賦。調爲方田法。他諸於河北。設措置便糴司。於永興軍。置賣鹽場。於蜀諸州。置權茶場。皆本古單文隻辭名。以爲王政力行之意。以起有宋衰廢貧瘠之弊。爲富強而專之於法。事具土田賦役貨賄諸志中。於文治以進士科試詞賦。浮華壞士習。罷不試。專之於經學。以經義論策取士。而以安石所撰經新義頒行之。爲法程。爲科舉法。立太學三舍法。以造士。

建武學習兵立律學習法律具考試如文科蓋是時二
三年間百務驟更法制更創糾結碎繁如蝟興蟾沸古
二千石州縣長吏天子所與其化理者不聽其以土俗
潤色自以其職行之皆制置條例司畫一條下而諸路
各置提舉官各遣使者操切速之成其奉行不力者立
舉劾又置京城邏卒察謗時政者令顓之於法安石固
自信又好人佞已諸老成端亮持重之士語不合則以
爲是碌碌守法循故事之臣無所用而見門下諸少年
俊慧迎合者以爲才擢以爲腹心耳目親倚之而不知
苟非其人法固不能以自行也於是使者阿安石意州

縣阿使者意。惟舉行為功。民胥怨懟。胥詛咒。而舉朝洵
洵爭新法。帝嗣位初。聞故相鄭公弼賢。自判汝州入覲。
以老。許肩輿至殿門。帝爲御內東門小殿見之。令其子
掖進。且命毋拜。賜坐訪治道。弼知帝果於有爲。對曰。人
主好惡。不可令人窺測。可測則奸人得迎合之。爲左右。
輕重必且懸矣。又曰。人主當如天天之監人。善惡皆所
自取。問邊事。對曰。陛下臨御未久。當布德行惠。願二十
年口不言兵。明年召拜左僕射同平章事。而王安石方
信用。於帝前言災異天數。非人事得失所致。弼在道聞
之。太息曰。人君所畏惟天。若不畏天。何事不可爲。此邪。

臣欲進邪說。故先導上以無所畏。使輔弼諫諍之臣。無所施其力耳。此治亂之機也。不可不速救。卽上書數千言。雜引春秋洪範及古今傳記。人情物理。以明其決不然者。帝手書慰答曰。當置枕席。銘肺腑。終老是戒。旣至。弼具言君子小人之進退。繫世道消長。願勿以同異爲喜怒。喜怒爲用舍。夫小人之情性喜生事。今中外之務漸有更張。願深燭其然。無爲後悔。時弼與曾公亮同平章事。安石與唐介趙抃吳奎參知政事。而安石得君專造政發議。徃徃於同列不共議。卽議不見聽。介數言安石不可任。帝曰。卿謂安石文學不可任。吏事不可任。經

術不可任耶。對曰。安石雖有此三者。然泥古而不知變。故論議迂僻。若使爲政。必多所變更。參政抃言。事有輕重。體有大小。財利於國爲輕。而民心得失爲重。青苗使者。於國體爲小。而禁庭耳目之臣。用捨爲大。今重言財利而輕失民心。崇長青苗使者。而輕棄禁庭耳目。臣恐天下自此不安矣。皆不聽。於是弼求退。章十數上。帝問曰。卿卽去。誰可代者。弼薦文彥博。帝默然良久。曰。王安石何如。弼亦默然。以使相判河南。介以數論上前。不勝憤。疽發背。卒。每行一法。抃拊膺歎。稱苦者數四。出知杭州。惟公亮本薦安石。傾韓琦。諸更張一切陰助之。而韓

絳爲帝言臣見安石所陳非一皆至當可用帝意堅而

大權一歸安石矣

時人傳以釋氏言以爲政府五公時主老病死苦畢具相傳笑爲口實

庶官惟知開封滕甫時入對論事與上唯諾如家人父子爲安石所忌首罷之知制誥錢公輔以爲言亦罷權知開封府鄭獬不肯行新法宣徽使王拱辰以議法不合又皆罷侍御史呂晦言獬拱辰公輔無罪被黜非公議安石曰此三人者臣方愧不能盡暴其情罪使小人知憚不意言者乃爾誨遂疏安石罪力詆之帝以其言已甚手其疏還之誨求去安石亦求去帝謂曾公亮曰誨當出然出誨恐安石不自安安石曰臣以身許國陛下

下處之有義。臣何敢苟以形迹輕爲去就乎。乃出誨知鄧州。是時臺省大臣及常參朝從官。頌言法不便者。章旁午上。帝患之。一日召講官坐戶內。屏左右。語曰。朝廷更一法而舉朝洶洶。豈外間細民誠不便新法耶。王珪謝不知。帝曰。知則言之。司馬光進曰。青苗取息。平民爲之然。且能蠶食下戶。使饑寒流離。况州縣官乎。惠卿曰。法願取則與不願不強也。光曰。愚民知捐債之利。不知還債之害。非獨縣官不強。卽富民亦未嘗強也。第事久乃弊耳。臣聞作法於涼。其弊猶貪。作法於貪。弊將若何。昔太宗平河東。立和糴法。時米千十餘錢。草束八錢。民

樂與爲市。後物貴而和糴不鮮。遂世爲河東患。臣恐異
日之青苗。猶河東之和糴也。惠卿曰。光所言直吏不得
人故耳。誠得人何傷。光曰。此臣所謂有治人無治法也。
帝曰。坐倉糴米何如。坐者皆起曰。不便。上罷之。幸甚。帝
曰。未罷也。光曰。京師有七年之儲。而錢常乏。若坐倉糴
米。則錢益乏。米益陳。奈何。惠卿曰。坐倉得米百萬斛。則
省東南百萬之漕。以其錢供京師。何患無錢。光曰。東南
錢荒而粒米狼戾。今不漕米而責之錢。棄其所有。取其
所無。農末皆病矣。且此皆細事。不足煩明主。明主但當
擇人而任之。有功則賞。有罪則罰。此陛下職也。是時帝

惑安石惠卿言以爲今天下洶洶孫叔敖所謂國之有
是衆之所惡也。光從容曰。臣願陛下詳是非之實。今條
例司所爲。獨王安石韓絳呂惠卿以爲是耳。陛下豈能
獨與三人共爲天下耶。他日讀史。漢張釋之論嗇夫利
口。光曰。孔子稱惡利口之覆邦家。夫利口何至遽覆邦
家哉。彼其人能以是爲非。以非爲是。以賢爲不肖。以不
肖爲賢。人君苟以爲然而信之。邦家之覆不難矣。指惠
卿也。他日以蕭何曹參事進讀。曰。參不變法。得守成之
道。故孝惠高后時。天下晏然。戶口滋殖。帝曰。漢常守何
法。不變可乎。光曰。何獨漢也。使三代之君。常守禹湯文

武之法雖至今存可也。書曰：無作聰明亂舊章。漢武帝用張湯言，取高帝約束紛更之盜賊，半天下。元帝改宣

帝之政，而漢業始衰。繇此言之，祖宗之法不可變也。溫公

終守此呂惠卿進曰：先王之法，有一年一變者，正月始為國是。

和布法象魏是也。有五年一變者，巡狩考制度是也。有

三十年一變者，刑罰世輕世重是也。有百年不變者，父

慈子孝，兄友弟恭是也。光言非是其意，獨諷朝廷建法

定制，且譏臣等為條例司官耳。帝以惠卿言問光。光曰：

布法象魏，布舊法也。何名為變？若然，則四孟月朔屬民

讀法為時變，月變耶？諸侯有變禮易樂者，王巡狩且誅

之王不自變也。刑新國用輕典。刑亂國用重典。刑平國用中典。是爲世輕世重。非變也。且治天下。譬如居室。弊則脩之。非大壞不更造也。大壞而更造。非得良匠美材不成也。二皆無之。臣恐風雨之不自庇也。公卿侍從皆在此。願陛下問之三司使。堂下財用。不才而黜之。可也。不可使兩府侵其事。今爲制置三司條例司。何也。宰相以道佐人主。安用例。苟用例。則胥吏足矣。今爲看詳中書條例司。何也。惠卿語塞。而帝終入安石言。謂祖宗朝多因仍。苟簡之治。不盡善。譬琴瑟不調。必解而更張之。不聽也。使相魏公琦。時安撫陝西。上疏言。臣準散青

苗詔書務在惠顧小民不使兼并乘急要倍稱之息而公家無所利其入甚盛意也。今所下條約自鄉戶一等而下皆立借錢貫陌以差次遞大增鄉戶上等并坊郭有物業者非他卽從來兼并之家也。今多貸之錢錢一千爲二百則是官自放錢取息與初詔絕戾。又鄉村每保須令有物力人爲甲頭雖云不得抑勒而上戶必不願充下戶必不得充官吏防下戶不償則差充甲頭以備代陪勢必不免何謂非抑勒也。陛下勵精求治誠躬節儉以先天下卽國用自裕何必使興利之臣紛紛四出致遠邇之疑乎。帝袖其疏示執政曰琦真忠臣雖在

外不忘王室。朕始謂可以利民。不意乃害民如此。且坊
郭安得青苗。而使者亦強與之。安石勃然曰。苟從所欲。
雖坊郭何害。國服爲息。固周公遺法也。帝終以琦說爲
疑。安石遂稱疾不出。帝諭執政罷青苗法。曾公亮陳升
之欲奉詔而趙抃乃獨言。本建新法者安石。俟其出喻
之。令自罷。則帖然矣。繇是連日不決。而安石求去益力。
學士光草制答之。有士夫沸騰。黎民騷動之語。安石怒。
抗章自辨。帝爲遜辭引過。又令惠卿諭旨。安石乃入見。
言陛下欲以先王之正道。勝天下之流俗。陛下權重制
天下之人。歸陛下。流俗權重。則天下之人歸流俗。所謂

權者與物相爲重輕者也。雖千鈞之物，加損不過銖兩而移。今中外大臣從官臺諫，皆共爲朋比，欲敗先王之正道，以沮陛下之大有爲，而陛下爲之加銖兩之力，則天下之權舉歸于流俗矣。帝喜。安石出，舉國以聽。安石乃手駁琦疏中語，令條例司刻石頒天下，持新法益堅。先是，學士光疏諫曰：「臣竊見陛下日出視朝，繼以經席，將及日中，乃還宮禁覽，閱天下章奏，昏夜炷火，研經史及羣書，雖中宗高宗之不敢荒寧，文王之日昃不遑暇食，臣以爲不能及也。然自踐阼而來，孜孜求治，於今數年，而功業未著，殆求之未得其體要故也。祖宗創業垂

統爲萬世法。內設中書樞密御史臺。三司審官審刑等諸院司外。設轉運使知州知縣等官。以相統御。上下相維。內外相制。此謂紀綱。中書主文樞密主武。百官之長非其人。刑賞之大失其宜。此兩府之責也。錢穀之不充。條例之不審。此三司之事也。陛下苟精選曉知錢穀憂國忘私之人。以爲三司副使判官及諸路轉運使。各久於其任。有功則進。無功則退。取之有道。用之有節。亦何患財用之不足哉。今乃使兩府大臣悉取三司條例別置一局。聚文士數人。與其謀議制置。而三司不預聞。臣恐所改更者。未必勝其舊。而徒取祖宗成法。紛亂之爲。

也。夫天下之事。在縣者當委之縣令。在州郡者當委之州郡守。在一路者當委之轉運使。然後事乃可行。行乃可久。今朝廷每行一事。不委之監司守宰。使爲方畧。責以成效。而別遣使者銜命奔走。旁午於道路。此所謂舛也。夫事之利害。吏之能否。皆非使者所能素知。臨時詢采。必取諸人。使或遇公明忠信之人。猶僅得其一二。或遇私暗奸險之人。則是非倒置。固不若用監司守宰之爲得也。何則。累歲之講求。與一朝之議論。積日之采察。與目前之毀譽。勢固不同也。且庸人之情。策非已出。則媚嫉其成。就使使者規畫曲當。當職之人固已怏怏不

悅於心。拱手熟視而觀其成敗。曰。朝廷自遣專使治之。我何敢與。陛下欲納天下於大治。而使百司上不委其下。下不稟其上。臣竊以爲未得其體也。然此直使者騷動郡縣。爲今日患耳。而臣之所憂。乃在十年之外。夫民之貧富。繇勤惰不同。惰者常乏。故資貸於人。勤者稍充。以無事資貸爲也。今官出錢貸民。歛其息。而使者以多散爲功。必一切抑配。恐不免逋負。必貧富相保。貧無可償。必散之四方。富不能去。必代償所負。春筭秋計。展轉日滋。貧者旣盡。富者亦貧。十年之內。百姓無復有富實者矣。又盡散常平錢穀。專行青苗。他日若思復之。將何

所取具乎富室。旣盡常平。又亡設。加以師旅饑饉。民之
羸者。必委死於溝壑。壯者必聚而爲盜。此事之必至也。
退貽書安石。爲開陳甚苦。而安石不悔。復書言君實所
以見謫者。以爲
侵官生事。征利拒諫。致天下怨謗也。僕則以謂受命於
明主。議法度而修之於朝廷。以授之於有司。不爲侵官。
舉先王之政。以興利除弊。不爲生事。爲天下理財。不爲
征利。闢邪說。難壬人。不爲拒諫。至於怨謗之多。則固前
知其如此也。人習於苟且。非一日。士大夫不恤國事。苟
同俗。以自媚於衆。上欲更化。僕乃不量敵之衆寡。欲出
力助之。則衆何爲而不洶洶。然盤庚之遷。胥怨者民也。
非特世臣大家。而盤庚不爲怨者。故改其度。度義而後
動。不見可悔故也。如君實責我。以在位久。未能助上大
有爲。以膏澤斯民。則僕知罪矣。如曰。今日當一切不事
事。守前所爲而已。時帝甚嚮信光。雖犯顏不忤。命爲樞
密副使。光力辭曰。陛下所爲用臣者。蓋察其枉直。有小

補於國家。若徒以祿位榮之而不聽其言。是以天官私非其人也。臣徒以祿位自榮而不能救生民之患。是竊名器私其身也。不敢抗章至七八傳言新法之害甚具。帝使謂之曰。樞密兵事官各有職。不當以他事爲解。對曰。臣未受命。則猶侍從也。於事無不可言者。會安石起視事。沮之曰。光外託廟上之名。內懷附下之實。所言盡害政之事。所與盡害政之人。光豈不賢。但在高位。則異論之人得倚以爲重耳。昔韓信遣卒拔趙幟。立漢赤幟。趙卒爲氣奪。今用光是與異論者立赤幟也。乃以端明殿學士出知永興軍。

初帝問光近相陳升之外議云。何光對曰。陛下擢用柄臣。臣何敢與。

帝曰第言之。光曰：閩人狡險，楚人輕易，今二相皆閩人，二參政皆楚人，必且援引鄉黨之士，充塞朝廷，臣恐天下之風俗日變矣。昔漢祖論相，以陳平智有餘，難獨任，用王陵佐之。真宗相丁謂，王欽若亦以馬知節參之，凡才智士必得忠直之人從中制此用人法也。帝曰：善。問安石何如？光曰：人言安石姦邪，則毀之已甚，但不曉事，又執拗耳。問呂惠卿，光曰：惠卿儉巧，非端士，使安石負謗中外者，皆此人也。帝曰：惠卿進對明辨，似美才。光曰：江充、李訓若無才，何以動人主？帝爲默然久之。於是學士呂公著爲上言：自古大有爲之君，未有失人心而能治；亦未有脇之以威，勝之以辨而能得人心者也。世所稱賢人君子，無不以新法爲非，而主議者一切以流俗浮論訾之。豈昔皆賢而今遽不肖乎？又極攻呂惠卿姦邪不可用，出知潁州。已用都水宋昌言內侍程昉議浚漳河，袤百六十里，役兵

夫萬人樞密彥博難之曰足財用在安百姓安百姓在
省力役今財用不足役何以興且河不出於東則出於
西爲利害一也今必浚之西過矣安石曰河不繇地中
行則或東或西皆害今治之使行地中則有利無害之
道也會京東河北天大風民震恐帝手詔中書省事安
靜應天變漳河之役妨農功須來歲爲之未晚安石格
詔持不下然迄無成功保甲法行民憂無錢買弓矢兼
戍邊有截指斷腕以避丁者知開封府韓維以聞帝問
安石安石曰未必然然愚民難與慮始卽有之亦不足
怪帝曰民言合而聽之則聖胡寧可無畏安石對曰爲

天下者如止任民情所欲則何必立君爲張官置吏乎。且保甲非直除盜可漸習民於兵且省財惟陛下果斷。帝欲以維爲御史中丞安石曰維善附流俗以非上之所建立出知襄州前參知歐陽修乞致仕安石言修阿韓琦至以爲社稷臣亦附麗邪人留之何爲聽致仕前相弼謂青苗法行則財聚於上人散於下持不行提舉使者趙濟劾弼以大臣格新法除左僕射判汝州弼言新法臣所不解不可復治郡願歸洛養疾安石曰昔繇以方命殛共工以象恭流弼兼此二罪止奪使相何繇沮姦維公著安石所從進脩安石素所敬事者也韓富

國元臣皆醜詆不忌如此。

昔人言安石所著目錄中語皆壻蔡卞修史時潤色成之。

藉安石以詆忠賢然益以見下流不可居而與人當審慎也。

時帝甚倚信安石。安石

諸所言皆施行。所忌惡立竄逐。而彼其悞伎猶以不盡

得行其言爲恨。入見求去位。帝曰。自古君臣如卿與朕

相知者甚鮮。朕未有知自卿入翰林。始聞王政之說。慕

而行之。天下事方有端。奈何乎去。安石固請。帝曰。卿豈

以人嘖有言意。朕中疑耶。如呂誨比卿少正。卯盧杞。朕

不爲惑。豈復有人能惑之者。母困我可也。蓋相信如此。

於是直史館蘇軾具條法弊事上。其略曰。臣聞有國者。

無論行事之是非。先觀衆心之向背。自古及今。未有和

易同衆而不安。剛果自用而不危者也。自非樂禍好亂。
輕意喪志。其敢肆其胷臆。以輕犯人心也哉。祖宗以來。
治財用者。不過三司使。若副判諸官而足矣。今者無故。
又創一司以制置之。使六七少年。日夜講求於內。使者。
四十餘輩。分行營幹於外。造端弘大。民實驚疑。創法新。
奇。吏皆惶惑。賢者求其說而不得。未免於憂。小人以意。
度朝廷。遂以爲謗。謂陛下以萬乘之主而言利。謂執政。
以天子之宰而治財。商賈不行。物議騰涌。陛下亦可以。
察人心之所存矣。且遣使縱橫。已非令典。竟陵王子良。
有言。此輩朝辭禁門。則情態卽異。暮宿州縣。而威福便。

行驅迫郵傳。折辱守宰。公私煩擾。民不聊生。况今所遣使事。少員多人。輕權重。夫人輕而權重。則人多不服。或侮慢以興爭。事少而員多。則無以爲功。必生事以塞責。陛下雖嚴賜約束。不許邀功。然人之常情。惟從其好。今朝廷之意。好動而惡靜。好同而惡異。指趣所在。誰敢不從。臣恐陛下赤子。自此無寧歲矣。至於所行之事。行路皆知其難。何者。天下久平。民物孳息。四方遺利。亦略盡矣。今欲鑿空訪尋水利。凡所擘畫。不問何人。小則隨事酬勞。大則量才錄用。若官司格沮。立行黜降。不以赦原。賞可謂重。罰可謂深。然終不言諸人妄有開陳。官司誤

興功役當得何罪。如此則妄庸輕剽。浮浪姦言。官司雖知其疎。豈得便行抑退。必且追集老少相視可否。若非灼然難行。亦須且爲興役。何則格沮之罪重而誤興之過輕。人多愛身勢必如此。且古陂廢堰。爲側近冒耕。歲月旣深。已同永業。苟欲興復。必盡追收。况又好訟之黨。多怨之人。妄言某處可作陂渠。某處故爲官堰。以規壞所。怨田產者乎。今朝廷本無一事。亦何苦而行此。自古役人必用鄉戶。猶食之必用五穀。衣之必用桑麻。濟川之必用舟楫。行地之必用牛馬也。雖其間或以他物充代。然終非天下所可常行。今欲官賣坊場。以充衙前雇

直雖有長役。更無酬勞。長役所得既微。自此必漸衰散。且法令莫嚴於御軍。軍法莫嚴於逃竄。禁軍三犯大率處死。然逃軍常半天下。不知雇人爲役。與廂軍何異。若有逃者。何以罪之。勢必輕於逃軍。則逃必甚於今日。爲之官長。不亦難乎。自唐楊炎廢租庸調。爲兩稅。取大曆十四年一應賦歛之數。定兩稅之額。是租調與庸兩兼之矣。今兩稅如故。奈何欲復取庸。聖人立法。必慮後世。豈可於兩稅之外。橫出科名哉。異時庸錢不除。差役仍舊。使天下怨毒。推所從來。則必有任其咎者矣。且古以官養民。今以民養官。古給之田而不耕。勸之農而不力。

於是乎有里布屋粟夫家之征。今田旣屬民。民無常業。去爲商賈。正事勢當然。亦何名而因之。至若女戶單丁。所謂天民之窮困者也。苟非戶將絕而未亡。則必家有丁而尚幼。古之王者。首務恤此。陛下富有四海。獨奈何忍不加恤而盡役之乎。青苗放錢。自昔有禁。今立爲成法。每歲常行。雖云不許抑配。而數世之後。暴君汙吏。陛下豈能保之。就使此令決行。終不抑配。計其情願。人戶必孤貧不濟之人家。若自有贏餘。何至與官交易。鞭撻已急。則繼之以逃亡。逃亡之餘。必均之於隣。保固理勢所必至也。且常平爲法。所守者約。而所及者廣。借使萬

家之邑上有千斛之儲。方穀貴時。千斛在市。物價自平。一市之價既平。一邦之食自足。變爲青苗家貸一斛。則千戶之外。誰救其饑。且常平官錢常患其少。若盡數收糴。則借貸無從。若畱充借貸。則所糴無幾。乃知常平青苗。執不兩立。壞彼成此。所喪愈多。虧官害民。雖悔何逮。臣竊計陛下欲考其實。必亦問人人。知陛下方欲力行。必謂此法有利無害。臣頃在陝西。親見刺州縣義勇。怨愁之民。哭聲振野。當時奉使還者。皆言民盡樂爲。希合取容。自古如此。不然。則山東之盜。二世何緣不覺。南詔之敗。明皇何緣不知。今雖未至於斯。亦望陛下審聽而

已。昔漢武之世。財力匱竭。用賈人桑弘羊之說。買賤賣貴。謂之均輸。于時商賈不行。盜賊滋熾。幾至於亂。孝昭既立。學者爭排其說。霍光順民所欲。從而予之。天下歸心。遂以無事。不意今者。此論復興。夫商賈之事。曲折難行。其買也。先期而與錢。其賣也。後期而取直。多方相濟。委曲相通。倍稱之息。繇此而得。今官買是物。必先設官置吏。簿書廩祿。爲費已厚。非良不受。非賄不行。是以官買之價。比民必貴。及其賣也。弊復如前。商賈之利。何緣而得。朝廷不知慮此。乃捐五百萬緡以與之。此錢一出。恐不可復。縱使其間薄有所獲。而征商之額。所損必多。

今有人爲其主牧牛羊者。不告其主。而以一牛易五羊。一牛之失。則隱而不言。五年之獲。則指爲勞績。今壞常平而言青苗之功。虧商稅而取均輸之利。何以異此。陛下洞照如神。此事豈或不曉。必謂已行之事。不欲中變。已用之人。必欲有終。是以遲留歲月。庶幾萬一。臣竊以爲過矣。古之英主。無出漢高。酈生謀撓楚權。欲復六國。高祖趣刻印而善之。及聞留侯之言。罵趣銷印。夫稱善未幾。繼之以罵。刻印銷印。有同兒戲。何嘗累高祖之知人。適以明聖人之無我。陛下以爲可而行之。知其不可而罷之。至聖至明。無以加此。今天下有心者怨。有口者

訪古之君臣相與憂勤以營一代之業者亦何樂於此哉。未復言今進言者不少矣。乃國家所以存亡曆數所以長短亦嘗有以告陛下者乎。夫國家之所以存亡在道德之淺深。而不在于疆弱。曆數之所以長短在風俗之厚薄。而不在于富貧。道德誠深。風俗誠厚。雖貧且弱。不害於長而存。道德誠淺。風俗誠薄。雖彊且富。無救於短而亡。使陛下富如隋。彊如秦。西收靈武。北取燕薊。謂之有功可也。而國之長短則不在此。譬之人有尪羸而壽考。亦有盛壯而暴亡。蓋元氣猶存。則尪羸而無害。及其已耗。則盛壯而愈危。是以善養生者。慎起居。節飲食。

導引關節吐故納新而已。不得已而用藥。則擇其品之上性之良者而用之。庶可久服而無害。不善養生者。薄節慎之功。遲吐納之益。厭上藥而用下品。伐真氣以助彊陽。根本已危。僵仆無日矣。我仁祖之御天下也。持法至寬。用人以叙。專務掩覆過失。未嘗輕改舊章。考其成功。亦曰未至。以用兵則十出而九敗。以府庫則僅足而無餘。徒以德澤在人。風俗知義。是以升遐之日。天下如喪考妣。社稷長遠。終必賴之。則仁宗可謂知本矣。今議者不察。徒見其末年吏多因循。事不振舉。乃欲矯之以苛察。濟之以智能。招來新進勇銳之人。以圖一切速成。

之效轉對者。望以稱旨而趣遷。奏課者求爲優等而速
化。相勝以力。相高以言。多開驟進之門。俾有意外之得。
使天下常調舉。生妄心。耻不若人。何所不至。欲望風俗
之厚。豈可得哉。古者建國。使內外相制。輕重相權。如周
如唐。則外重而內輕。如秦如魏。則外輕而內重。內重之
失。必有姦臣指鹿之患。外重之流。必有大國問鼎之憂。
聖人方盛而慮衰。每先立法以救弊。國家祖賦藉於計
省。重兵聚於京師。以古揆今。於內爲重。惟祖宗所豫圖
而深計。非小臣能億度而周知。然觀其委任臺諫之一
端。亦足窺聖人過防之至計。歷觀秦漢以及五代。諫諍

而死蓋數百人矣。而自建隆以來，未嘗罪一言者。縱有薄責，旋即超陞。許以風聞，無問干犯。言及乘輿，則天子改容。事關廊廟，則宰相待罪。夫臺諫固不必皆賢，所言亦何能皆是。然養其銳氣而借之重權者，豈徒然哉。將以折姦臣之萌，而坊內重之弊也。今法令嚴密，朝廷清明，所謂姦臣萬無此理。然養猶以去鼠，不可以無鼠。而養不捕之貓，畜狗以防姦，不可以無姦。而畜不吠之狗。是以爲國家者，平居必常有忘軀犯顏之士。庶幾臨難，乃有徇義守死之臣。苟平居尚不能一言，則臨難何責其死節。人臣苟皆如此，天下亦曰殆哉。今物論沸騰，怨

讜交至。公議所在亦已可知。而相繼竄投。中外失望。夫
彈劾積威之後。雖庸人亦可奮揚風采。消痿之餘。卽豪
傑不能振起。臣恐自茲以往。習慣成風。盡爲執政私人。
將致人主孤立。紀綱一廢。何事不生。臣天賦至愚。篤於
自信。何議學較貢舉。首違大臣本意。陛下曲賜召對。許
以指陳。臣對曰。陛下天縱文武。不患不明。不患不勤。不
患不斷。患求治太速。進人太銳。聽言太廣耳。陛下領之
曰。卿三言。朕當熟思之。臣之狂愚。陛下容之久矣。容之
於始。必矜赦之於終。恃此而言。所以不懼。臣所懼者。譏
刺旣衆。怨仇實多。必將詆臣以深文。中臣以危法。使陛

下雖欲赦臣而不可得耳。當是時。諸臣僚類虛言訶譴。或乃已甚。惟軾指事陳撻。往往切當。帝大稱善。而安石大惡之。侍御史謝景溫。詆軾罪逮之獄。窮治無所得。出判杭州。及曾公亮老去位。參政絳以西事起。開府延安。卽軍中拜相。而安石獨居中制朝權。下情不復通。知諫院范純仁爲帝言。書曰。怨豈在明。不見是圖。願陛下圖不見之怨。帝曰。何謂不見之怨。對曰。杜牧所謂天下之人不敢言而敢怒是也。帝爲悚然。已復疏言。安石欲求近功。忘其舊學。尚法令。則稱商鞅。言財利。則背孟軻。鄙老成爲因循。棄公論爲流俗。異已者爲不肖。合意者爲

賢人在廷之人。大半趨附。陛下又從而驅之。將何所不至乎。夫道遠者。理尚馴致。事大者。不可速成。人材不可以急求。積弊不可以頓革。願速還言者。退安石。答天下之望。不聽。遂求去。安石使諭之曰。毋輕去。議除知制誥矣。純仁曰。此言何爲至於我哉。言不用。萬鍾非所願也。帝以所上章語激切。特畱中。而純仁盡錄申中書。安石大怒。欲遠貶。帝曰。彼無罪。姑與一善地。命知河中府。侍御史劉摯上疏曰。陛下夙夜勵精。以親庶政。而天下未安且治者。誰致之耶。陛下注意倚之以與太平。而自以太平爲已任。得君專政者是也。二三年間。開闔舉動天

下無一物得安其所者。蓋自青苗之議起。天下方有聚歛之疑。而均輸之法行。均輸之法方擾。忽建河湟之策。而邊鄙之謀動。邊鄙之禍未艾。而助役免役。水利方田。興事創端。難徧以疏舉。輕用名器。賢否混淆。忠厚老成者。擯。俠少僂辨者。用。政府謀議經畫。獨與一二椽屬決之。同列與聞。覆在其後。故胥走乞丐之人。其門如市。今西夏之款未入。反側之兵未安。三邊瘡痍。諸路水旱。正皇上憂勤念治之時。而政事如此。皆大臣誤陛下。而大臣所用者。誤大臣也。疏奏。謫監衡州鹽倉。始安石患衆議洶洶。思有以堅上意者。會帝以二虜爲憂。安石欲因

激之。進言曰：昔齊宣千里畏人，孟軻譏之。陛下獨奈何以萬里畏人乎？誠畏人，獨內修政可也。帝慨然曰：然食哉惟時。卽堯舜以爲先務，所當力行。安石曰：陛下不悖德，允元而難任人，卽任事之臣，誰敢爲陛下推行食時之政者？帝以爲然。於是忤意者斥逐，附合者登進，置宮觀以處耆舊，給之祿，實擯不用。用嫺家謝景溫爲御史。呂惠卿曾布爲崇文殿說書，防察奏對者，又驟用知秀州李定爲御史裏行，判寧州鄧綰爲侍御史，令搏異已者。於是沮格誹謗之法，用元德遺棄忠賢，摧折天下爭希旨獻諛，往往言新法便可行矣。七年歲大旱，自六年

秋七月。至於夏四月不雨。帝避殿減膳。憂形于色。日臨朝而歎。安石進曰。水旱常數。堯湯所不免。不足貽聖慮。但當修人事應之。帝曰。朕所爲恐懼者。以人事未修故耳。今取免役錢太重。人情咨怨。自近臣以至后族。無不言其害者。獨奈何忍之。樞副馬京曰。臣亦聞之。安石恚面詰之曰。士大夫不逞者。以京爲歸。故京獨聞此言。臣未之聞也。本立政以便民。誠便民。卽人言胡愾。學士韓維爲帝言。損膳避殿。乃舉行故事。恐不足以應天。當痛自克責。求直言。帝卽命維草詔行。詔曰。朕涉道日淺。瞻于致治。政失厥中。以干陰陽之和。自冬迄春。早曠爲虐。

四海之內。被災者。廣闊。詔有司。損膳徹樂。冀以消弭。歷日既久。未蒙休應。嗷嗷下民。大命近止。日夜以興。震悸靡寧。永惟厥咎。未知所伏。意者聽納失其理。獄訟非其情。聚歛過其節。忠謹鬱於上達。而阿諛壅蔽。成其私者。衆歟。何嘉氣之久不效也。中外文武臣僚。許實封言朝政闕失。朕將親覽焉。三事大夫。悉心交儆。以成朕志。光州司法參軍鄭俠。故爲安石所獎拔。思盡忠。入京。問所聞。俠以青苗免役保甲。市易數事。與邊鄙用兵對問之。除監安上門時。歲饑旱。風沙霾曠。東北流民。扶攜塞道。羸瘠藍縷。並城民雜麻麥米爲糜食之。猶不給。茹木實。

草根而被鎖械。負瓦揭木。賣以償青苗免役錢。路纍纍不絕。俠卽監門所見。繪爲圖。以閤門不納。遂假稱密急。發馬遞上之。言陛下南征北伐。皆有以勝捷之勢。作圖來上者矣。料無一人以天下憂苦。父母妻子不相保遷移。內頓皇皇不給之狀。爲圖而獻者。臣謹按安上門逐日所見。繪成一圖。百不及一。但經聖眼。亦可流涕。况於千里之外哉。願陛下開倉廩。賑負乏。取有司措克不道之政。一切罷去。冀下召和氣。上應天心。延萬姓垂死之命。陛下觀臣之圖。行臣之言。一日不雨。乞斬臣頭。縣宜懸門。以正欺君之罪。疏奏。帝反覆觀圖。長吁數四。袖入

內是夕寢不能寐。翌日命開封體放免役錢。三司察市
易錢。司農發常平倉諸青苗免役。方田休甲等並罷。凡
十八事。民聞之。懽呼相賀。是日果大雨沾足。輔臣入
賀。帝出。使所進圖狀示之。皆再拜謝。始知所行之繇。羣
姦切齒。遂以使付御史臺。治擅發馬廐罪。呂惠卿鄧綰
相與環帝而泣曰。陛下數年以來。忘寢與食。成此美政。
百姓方被其賜。一旦聞狂夫之言。罷廢殆盡。豈不惜哉。
於是新法一切如故。惟方田斃罷。集賢較理梁燾具疏
言。雨澤不降。至于十月之久。民刻於新法。嗷嗷如焦。京
師爲甚。闕閭細民。罔不失職。智愚相視。以爲旦夕有不

可諱之憂。陛下既惠以德音。又施之行事。一日之間。歡聲四起。而膏澤忽降。是天顧聽陛下之德言。感陛下之德心故也。然法令乖戾。毒於民者實繁。而所變纔萬之一。故天意雨不再施。陛下亦嘗以此爲戒。而夙夜應之乎。論政弊甚悉。疏入。不報。熹鄆州項城人。帝仁孝。事太皇太后甚謹。太皇太后乘間言。祖宗法不宜輕改也。聞民間甚苦青苗助役。宜罷之。以便民。帝曰。此利民。非苦之也。后從容曰。安石誠有才學。然怨之者衆。帝欲保全之。莫若暫出之於外。帝曰。羣臣中惟安石爲國家當事。帝弟岐王顥在側。進曰。太皇之言至言也。不可不思。帝因發怒。

曰。是我敗壞天下耶。汝自爲之。顓泣曰。何至是。皆不樂而罷。久之。太后流涕謂帝曰。安石亂天下。奈何。帝始疑之。及鄭俠疏奏。安石內不自安。求去位。帝勉留。請益堅。乃出知江寧。且行。薦韓絳。呂惠卿以自代。於是絳得相。惠卿參大政。安石所爲法。持之不變。白帝下詔。言終不以吏違法之故。而爲之廢法。已推蜀茶。立手實法。置三司會計司。而毒民愈深。惠卿建言天下民貲產有蓄息巨萬不著籍而公差役顧獨以籍產爲宗。卽兼并者得避。而役錢難均也。於是倣漢告籍錢爲手實法。令民各以田宅資產畜牧自占。凡居錢五當蓄息之錢一。非用器食粟而輒隱落不占者。許諸人自實。以三分之一充賞。豫爲式。令民依式爲狀。縣受而籍之。定高下爲五等。乃約通縣役錢本數。而定其所當輸者。詔從之。於是民家椽木寸土。下至鷄豚咸簡察。

而民愈困。初呂惠卿以從吏安石驟執政。既得相。欲自
不聊生矣。

專以帝夙昔所倚信。獨安石恐復召。欲逆閉其途。因鄭
俠獄。陷其弟安國。又起李士寧獄。傾之。與鄧綰謀。凡可
以中安石者。無不用。安石大怨之。思復用。而惠卿忌韓
絳。軋已。欲逐之。絳度不能難。密請帝復召用安石。帝從
之。蓋安石去國甫閱歲。得復召。倍道進。自江寧七日至
都。則會彗星見。詔求直言。安石猶持天遠人邇之說。以
爲不足畏也。上疏言。晉武帝五年彗出軫。十年宇而在
位二十有八年。與占書不令。禪竈言火而驗。欲禳之。國
僑不聽。鄭不復火。則今庸庸星工之倫哉。竊聞兩宮以

星變爲憂。望以臣等言力開慰。帝曰：聞民間殊苦新法。安石對曰：祁寒暑雨，民猶怨咨，此何庸恤？帝曰：曷若并祁寒暑雨之怨而無之？安石不悅，退引疾卧，堅不起。帝慰勉久之乃起。其黨曰：今不取上素不喜者暴進用，則權輕。將人有窺其間者矣。安石曰：善。帝喜其出所進用，立拔擢。而權愈益專。安石有子曰雱，少警能文章，而性慆悍。陰賊無顧畏。嘗大言斬韓琦、富弼之首于市，則法行其戾如此。至是以惠卿危其父也，與交怨。而鄧綰見安石復相，欲彌縫前附惠卿之迹，承雱意發惠卿姦利事，出知陳州焉。置獄鞠之，雱令呂嘉問及練亨甫密取

綰所列惠卿事。雜他書下制獄窮訊。安石不知也。惠卿因上書訟其事。且言安石盡棄所學。隆尚縱橫。方命矯令。罔上要君。力行於年歲之間。雖古之失志倒行逆施者。壹不至於此。帝以示安石。安石謝無有。歸問雱。雱具言有之。安石乃大驚曰。上疑我殆矣。恚以咎雱。雱慚憤。疽發背而死。安石悲傷。請告不朝謁。綰上書請錄安石子及壻。賜第京師。慰其心。帝以謂安石。安石曰。綰爲國司直。而爲宰臣乞恩澤。傷國體。斥知魏州。相韓絳果而窒。爲惠卿所構。與安石復郤。有庶官坐法免者。安石欲拔拭用之。絳執不可。議帝前未決。絳卽拜求去。帝驚曰。

此小事。何必然。絳對曰。小事尚不伸。况大事乎。出知許州。當是時。安石旣與天下賢士大夫爲敵國。黨獄數起。及是所爲腹心肘腋者。競權利盡叛。卽有存者。念不可保信。治河河決。變法法利弊不行。而南交陷。欽廉至。爲露布言中國作青苗助役之法。窮困生民。今出兵以弔民。念平生所措設。又一無成功。生惟一子。愛有文章。能謀議。又天死。尤悲。不自堪。會司農鬻祠廟於民。應天府宋闕伯微子唐張廵許遠廟在鬻中。簽書判官劉摯謂畱守張方平曰。獨不能爲朝廷一言耶。方平建然託摯爲奏曰。昔闕伯遷商丘。主祀大火。歷世尊爲大祀。爲國

家盛德所乘。微子宋始封之君。又本朝受命建業所因也。唐張巡許遠守孤城死義捍大患當祀。今鬻之小人。規利猥冗褻瀆。何所不至。歲收微利實傷國體。望留此三廟。慰邦人崇奉之心。疏上帝震怒。批牘尾曰。慢神辱國。無甚於斯。於是天下祠廟皆罷鬻。而安石以使相出鎮金陵。乃帝心益鞅鞅。悔恨安石所爲不稱其指意。終已不復召矣。參政充子安持。安石壻也。稱密戚而充心不善其所爲。數爲帝言法不便。惠卿發安石私書有母使上知。毋令齊年知之語。齊年目熈學士京。於已爲同年生。於是帝察充中立無阿附而心賢京。命並登兩府。

京辭不至。充請召司馬光。呂公著、韓維、蘇頌、還及薦孫覺、李常、程顥等數十人。可大用。而王珪、蔡確在政府。沮毀之。竟不用。充字冲卿，建州人。靜重湛深，事兄育甚謹。為吳王宮教授，等輩多與宗室子狎。充最

少，獨以莊見。嚴宗室子相率設講席受經，歐陽修以讒逐，充言修忠直，不宜以說故廢。若以為有黨，請同貶。及為相，務安靜，對家人語才嘗及國事。所言於上，人無知者。後為珪確所忌，請入獄，困之以積憂而病。戒妻子以負國，勿乞恩。

及珪行，帝欲新舊人兩用，指御史大夫

卒，謚正憲。

曰：非司馬光不可矣。時王珪為首相，憂甚，不知計所出。

蔡確曰：上久欲收靈武公能，身任其責，則位可保也。珪乃薦俞允帥慶元事西戎，而光果不召。初議官制，蓋倣唐六典事，無大小，並。中書取旨，門下審覆，尚書奉行。三

省分班奏事。而事壹歸之中書。確以王珪在位久。當爲中書令。乃言於帝曰。三省長官皆位高。而置中書令。恐異時成獨任之弊。宜罷不設。第令左右僕射兼兩省侍郎足矣。帝以爲然。於是王珪爲尚書左僕射兼門下侍郎。確爲尚書右僕射兼中書侍郎。確名次相實。以侍郎筦中書。援唐典中書造令之說。實顧國大政。珪名首相兼門下。獨主出入審覆。權顧輕。雖知爲所賣。勢不得自言。而確權獨隆重矣。始確與御史中丞舒亶爲鷹鷂激烈。數與羅織之獄。縉紳士大夫皆重足而立。及是愈恣睢。然帝亦厭薄之。不加禮。有微失。輒門謝罰金。前相

未有也。熙寧初，祖無擇與安石同知制誥，安石辭人所饋潤筆金，不獲，懸院梁，欲以爲名高，無擇用爲公費。安石恨之，及得政，御史王子韶劾無擇在杭州貪命起獄，詆無所得，以他事謫忠正軍節度副使。安石因言於帝曰：「陛下遣一御史出，即得無擇罪，乃知朝廷於事但不爲，未有爲之而無其效者。」無擇以言語政事爲名，卿被放棄，士論惜之。自是歲起詔獄，慶州饑，知河中范純仁發常平賑貸，使者阿安石意，劾所貸不實，置獄鞫。會秋稔，民謹曰：「公實活我。」我何忍累公。晝夜爭輸還，使者至，無所負，乃言。邪寧有叢塚，以爲民殍，發塚骸籍之，已窮治，則前帥楚建中所封也，仍罷提舉西京留司御史臺呂惠卿，以安石薦參大政，命下日，京師大風雨土，翳席逾丈，監門鄭俠言安石本爲惠卿所誤，至於此，今復援代已苟遂，前非不復爲國家計，乞寢前命，不報。又取唐魏徵姚崇宋璟傳爲一帙，題曰：「正直君子取李林甫盧杞傳爲一帙，題曰：「邪曲小人迹在位臣行事與暗合者類。」爲書獻之。且薦馮京可相，又發惠卿誣罔狀，惠卿銜刺骨，而俠又言禁中有被甲登殿詬罵之異，殆天意當警，疏上。惠卿以爲誚謗，激帝怒，編管汀州。既行，帝

問執政言俠小臣禁中密事及大臣奏對言彼何自聞之惠卿驟對曰此馮京手錄使王安國持示導之使言耳時惠卿與京同政多矛盾又以誚事安石爲安石弟安國所惡故并中之帝詰京京惶恐曰臣與俠素不相識今俠行未遠公追還對轅詔赴臺推勘奉禮郎舒亶最驚忍惠卿立遣追俠搜衣篋得鹽鐵副使王堯臣所贈贖銀三十兩及知班楊忠信所贈韓琦范鎮諸言新法不便奏兩帙以來逮詔獄問狀俠對獄曰俠實不識京獨遣隸吳無主詰簡院投匭判院事丁諷爲無主道京見推語京實未嘗遣安國相告報獨罷旬時遇安國於途安國馬上舉鞭相揖曰賢可謂獨立不懼因隨至所居言往見與家兄書甚善况雖安國言不聽况公乎俠曰不意丞相一旦爲小人誤至於此安國曰何謂爲小人所誤兄自以爲爲臣子當不避四海九州之怨乃盡忠國家俠曰未聞堯舜在上夔契在下而有四海九州之怨者也楊惠信故嘗言新法不便來見俠謂曰御史職在諫爭皆緘默不言公一監門耳乃獨言又數數言是言責在監門而臺中無人也探懷中書授俠曰以此爲正人助京嘗使安國傳語俠實不識京於是庸諸有連者證獄獄成惠卿欲深罪之帝曰俠所言非爲身

也何可深罪徙英州京出知亳州安國放歸田諷堯臣忠信皆得罪初權開封府推官蘇軾論新法甚力安石怒使侍御史謝景溫論軾前丁憂歸蜀時爲商販取利下所過八州逮篙工水師窮治無所得判杭州父之自徐徙湖州上表謝語多指斥爲朝士所患疾而軾自以斥外法不便不得言欲因詩托諷中丞李定御史舒亶擿其語疏言軾自熙寧來作爲文章交通戚里怨謗君父陛下發錢本以業貧民則曰羸得兒童語音好一年強半在城中陛下明法以課試羣吏則曰讀書萬卷不讀律致君堯舜終無術陛下興水利則曰東海若知明主意應教斥鹵變桑田陛下謹鹽禁則曰豈是聞韶解忘味爾來三月食無鹽其他觸物卽事應口出心無非以詆謗爲主逮赴御史臺獄詔定亶與知諫院張璪御史何正臣等雜治之因詩所及連逮當世知名士甚衆欲寘之死帝中內憐之相吳充申救甚力同修起居注王安禮白帝曰自古大度之君不以言語罪人軾以才自奮謂爵祿可立至顧錄錄如此心不能無觖望有之今一旦致於理恐後世謂陛下不能容才帝曰朕固不深譴也行爲卿贊之第去勿漏言軾狂易賈怨於衆恐言者緣以害卿也會皇太后違豫力申救從未減王珪

復舉軾詠檜詩曰、根到九泉無曲處、世間惟有蜚龍知、
陛下飛龍在天而軾云惟蜚龍知、非不臣而何、帝曰、彼
自詠檜耳、何預朕事、軾遂得輕、比置又言駙馬都尉王
誡輩、公爲朋比、固不足論、若司馬光、張方、平范鎮、陳襄
劉摯、皆畧能誦說先王之言、而所懷如此、何得無誅、帝
不從、但貶軾黃州團練副使、本州安置、第轍及誡皆貶
官、張方、平司馬光、范鎮等二十二人、俱罰銅、初確以絳
安石薦、調監察御史爲之使、已知帝厭安石、卽發安石
罪、紕之以賈直、文彦博言、確知帝以濬河爲功、卽劾本附彥
本往行視、是彥博言、確知帝以濬河爲功、卽劾本附彥
博罔上、坐罷、因得知制誥、中丞鄧潤甫、御史上官均、按
獄失實、確以知諫院遣詣臺參治、卽劾二人、庇有罪、罷
而確得中丞、大學生虞蕃、計博士受賂、逮獄下、確治、確
指令連引朝士、自翰學士許將而下皆捕逮、令獄卒與
同寢處、飲食旋溷共一室、苦之、又久繫不問、比得問、無
一事不承、遂劾參政元絳、囑獄出之、代其位、確自知制
誥、御史中丞參大政、皆以起獄奪人位、時帝臨御日久、
士大夫交口唾罵、而確陽陽自得也、

羣臣畏帝威嚴、不敢復進規、獨樞副公著、以青宮恩、召

入爲帝言近數起詔獄有司酷於鍛鍊雖大恩終歸未
減而所傷實多昔于公一郡史耳猶以陰德有報況萬
乘之尊乎願陛下親正士拒壬人必有忍以濟事惟仁
恕以及物于以崇起忠厚保合太和則易所謂自天祐
之吉無不利詩所謂千祿百福子孫萬億者將類而應
也時獄犴寢繁而帝繼嗣未廣故以諷帝嘉納焉帝天
性英毅而兼資仁恕念藝祖欲積纁帛二百萬易胡人
首置內藏乃更景福殿庫名自製詩揭之曰五季失固
穢沔孔熾藝祖肇邦思有懲艾爰設內府幾以募士曾
孫保之敢忘厥志而重慎舉事嘗謂侍臣言漢武帝以

一馬之故。勞師萬里。視人命如草芥。不仁也。人命至重。天地之大德曰生。獨奈何忍之。而相安石。憤宋世苟安積弱。銳然欲攘地闢壤。以爲功。熙寧初。建昌司理王韶。上平戎策。言欲平西夏。當復河湟。西熙河。古蘭鄯地也。乃漢隴西等郡。地可耕而食。民可役而使。而吐蕃唃廝囉一族。今盤據其間。瓜分莫適主。宜可并。請命安撫使招之。令糾合宗黨。絕夏人右臂。安石以爲奇。置洮河安撫司。命韶主之。而洮河之師起。邕州刺史蕭注喜言兵。羨王韶等功。乃上疏言。交趾於唐故內屬。雖奉朝貢。實包禍心。今爲占城所敗。衆不滿數萬。可取也。今不取。後

必爲患。詔卽以注知桂州經畧。注入朝。帝問攻取之策。復以爲難。度支判官沈起慷慨言可取。復以起代注。起一意攻擾。而交趾始貳。梅山峒蠻蘇氏舊不通中國。其地東接潭。南接邵。西接辰。北接鼎澧。章惇招降之。籍其民萬四千八百餘戶。田二十六萬四百餘畝。均定其稅。使歲輸。築武陽開峽土城。置安化縣。隸邵州。已擊南江蠻。置沅州。瀘夷叛。梓藝察訪使熊本擊降之。爲四砦。九保。置南平軍。初王韶首措置洮河時。自詭但用回易息錢。不敢費官本。文彥博曰。凡工師造屋。初必小計。冀人易於動工。及旣作。知不可已。方復增多。願毋動爲大帝。

意却之曰屋壞何得無脩。王安石曰王者善計有成屋
冒中何工師得欺也。韶進計肆欺誕而財費不貲。从之
復河州。宥洮疊三州羗來城附捷至。帝御紫宸殿受朝
賀。解所服玉帶賜安石。進韶端明殿學士而益修邊功。
韶用兵有機權。每出師召諸將授指。卽不復更問。故戰
多克捷。嘗夜卧帳中遇敵矢石及左右呼聲振山谷。侍
者股栗而韶鼻息自如也。人服其膽。鑿空開邊躋政府。
顧以勸兵費財歸曲於朝廷。晚頗以多殺降羗自恨。佞
佛求懺問僧侶言以王事不免殺傷當爲罪否。僧解之
曰加舟行淺水非意殺螺蚌當有何罪。然心不自安。數
問之。最後問一僧。僧曰罪福繇心造。公屢有言豈
猶中不自慊耶。韶爲默然。旣病疽洞見五臟而死。元豐
中夏人幽其王秉常議討之。待制孫固曰舉兵易解禍
難募兵易謀帥難。陛下卽用兵誰當爲陛下任將者。帝

曰。朕已屬李憲。固曰。伐國大事。而使宦官主之。則士大夫孰爲用者。今五路進師。而無大帥。其何以成功。帝默然。公著進曰。問罪之師。先擇帥。旣無其人。曷若已之。固曰。公著言是也。帝不聽。竟命憲以熙河總制。會陝西五路師討之。而高遵裕之師大潰于靈州。憲不見虜而還。先是。鄜延副總管种諤。貫首謀伐夏。得銀宥州。不能守。知延州沈括。請盡城橫山。俯瞰靈夏。使虜不得絕磧爲寇。而功築始銀州。諤上其策於朝。詔給事中徐禧往延綏行視之。禧欲自爲功。以爲銀州雖據明堂川。無定河之會。而故城東南已爲河水所吞。西北又阻天塹。不如

永樂。永樂形勝險阨。宜可城。拈爭以爲永樂。依山無水。泉率有變。不可守。而帝王禱議。詔禱護諸將往城之。命拈移府。並塞總大兵爲援。築十四日而城成。成九日而夏人以數千騎來攻。禱旣去。還救。而夏傾國大至。圍數重。且據其水砦。城乏水而困。饋援並絕。禱及諸將皆敗死。而城陷。夏人耀兵米脂城而還。初。帝遣內侍李舜舉及禱往鄜延。請執政辭。王珪以其見任使也。迎謂曰。朝廷以邊事屬押班及李留後。無西顧憂矣。舜舉愀然曰。四郊多壘。卿大夫之辱也。相公當國。而以邊事屬二內臣。可乎。內臣止當供禁。廷灑掃。豈任將哉。聞者爲代珪

發慙。

舜舉資性安重。與人言未嘗及宮省事。涉書傳能文。蘇神宗嘗手書公忠奉上。恭勤簡身。終始惟一。

以安。以榮。賜之褒焉。永樂圍急。舜舉斷衣襟。作奏畢。遂死之。贈昭信軍節度使。謚忠敏。

自熙寧用

兵。得夏葭蘆。吳保義合米脂。浮圖塞門。僅六堡。而靈州

永樂之役。官軍熟羌義保死者六十萬。帝中夜得報。起

徬徨繞榻行。徹旦不能寐。明日臨朝。慟哭。謂孫固曰。用

卿言。豈有今悔哉。為竟日不食。自是帝知邊臣不可倚。

信深悔咎。無意於西伐。而國既困弊矣。以憂悸致疾。崩。

熙寧初。程淳公顥為御史裏行。帝從容咨訪。顥啓沃誠

至。大要以正心窒欲為本。求賢育才為先。事當辦於早

而成於漸。嘗言人主當防未萌之欲。帝俯首拱手曰。當

爲卿戒之。帝嘗嘆人才難得。對曰。陛下奈何輕天下士。帝曰。朕何敢如是。言之至再。嘗極陳治道。帝傾聽。中人報曰。正午遽求退。至殿門中。人曰。御史不知上未食耶。時嚮信如此。每進對退。必曰。頻求對。欲常常見卿。會王安石信用。引爲條例司官。與共事。顥至。誠開告事款曲。調停。安石初亦嚮信之。已爲從諛者所間。而隙。帝嘗問安石。聖人乎。顥曰。安石博學多聞。有之矣。守約則未。帝問故。對曰。臣不敢遽引。詩言周公之德云。孫碩膚。赤馬几几。周公盛德形容如是之盛。安石何及此。帝爲默然。及安石浸行其說。諸臺省論列甚激。安石欲以

數事於帝前卜去就。議不行。則決去。而帝意以羣議大
鵬。頗欲解散其事。顥知之。掌被旨赴中書議事。安石方
怒言者。厲氣以逆之。顥徐曰。天下事非一家私議。願公
平氣聽之。安石愧屈。已爲言管仲猶能言出令。當如流
水順民心。今參政於不順人心事。持之益惡。何也。凡爲
此者非他。欲成公德美。裨上德政耳。安石曰。此則感賢
誠意。會政者愈激。而御史張戢是日於中書大忤。於是
安石怒以死爭。顥與言者並坐貶。帝一切聽用。而黨遂
分矣。後顥閒居洛。每太息曰。方介甫行法時。並用君子
小人。君子正直。語不合。介甫以爲俗學。不通世務。輒斥

去。小人苟容諂佞。介甫以爲有材。知通變用之。及君子
既去。所用皆小人。爭爲刻薄。故害天下益深。使異時君
子不與之立敵。俟勢久自緩。委曲平章。庶幾有聽從之
理。其爲害當不至如今日之甚也。嘗言新政之行。亦吾
黨爭之太過。以有今日。至塗炭天下。當兩分其罪云。

論曰。予觀宋裕陵之爲君也。兼資仁明武矣。與荆舒交
切。於唐虞三代之盛。蓋千載罕覩也。已次熙寧法。傷之
曰。易有之。卽鹿無虞。惟人于林中。且夫法亦何可獨恃。
以爲理也。程淳公君道十事。炳炳乎九經矣。主虛已以
聽。而中沮。豈非天哉。豈非天哉。及觀邵堯夫步天津橋。

聞杜鵑聲不樂久之則所謂天者益信矣。

韓富二相謨

韓忠獻公琦。

字稚圭。

相州安陽人。諫議大夫國華子也。諫

議賢以純直稱。琦弱冠舉進士高第。判淄州入監左藏

庫。時方貴尚科簽判還。多徑遷顯職。琦滯莞庫處之自

若也。

禁中有宣索多內臣指科請復舊制傳宣合同司

暴廡下綱運物燥濕不時以敗遷右司諫論執政王隨

壞責償琦請罷內臣無遣從之。陳堯佐韓億石中立非輔弼才宜斥大臣如王曾蔡齊

宋綬皆人望可屬庶官如杜衍范仲淹孔道輔之倫衆

以爲公忠正直之臣可擢用也。又言祖宗於賞罰任官

必與兩省大臣公視聽於朝。自章獻臨朝。乃始有內降。故僥倖日滋。請峻防。於是詔禁皇族及諸命婦文冠。非時入內者。其內降得升遷者。皆執奏。時以國用不足。下百司節冗費。而琦言自古以節儉教天下。必帥先以身。今欲省浮費。當自宮掖始。乞命三司行內侍省。并御藥院。內東門司。取先朝及今。賜予支費之目。比附酌中條定制。以聞。前後章七十餘上。王沂公會歎之曰。諫官擇利便苟安。不足言。卽過激爲名高。亦於國無補。如君言。切而不迂。可謂不負職矣。以益利路饑。出安撫。所賑活百萬。夏元昊叛。安撫陝西。與仲淹選將練兵。形立勢制。

而元昊懼納款事具戎狄志以樞副召與仲淹條時事
切要者施用。以興致太平。以讒沮出知鄆州事。具帝紀
中。鄆素多盜。法盜作不獲。以百日爲三限。限滿者抵罪。
盜未得而以捕盜被刑者。滋多。琦令獲他盜者。聽比
析除過。繇是盜多獲。徙定州。定久用戎將。將兵無律
而捕者免刑。因著令。卒惡米陳。並執籌不請。琦聞馳至。
驕琦肅以法。卒十人持米前。謹訴。琦坐定。除出懷中米
一裹。示之曰。琦亦請此。若曹何。又振活饑民數百萬。拜
謹平。立斬訴者十人。一軍股栗。又振活饑民數百萬。拜
武康軍節度。知并州。始潘美患虜寇鈔。令民畢內徙。空
塞下田不耕。琦相度以爲地皆良田。棄不耕。可惜也。請
距北界十里爲禁地。其南募弓箭手居作之。墾田以萬
頃。知相州。嘉祐初。拜樞密使。三年。集賢殿大學士。同平

章事六年遷昭文館大學士監脩國史封儀國公其爲相與羣僚同心一德謨議天下事所汲引多正直有名或忠厚可鎮風俗者而士莫知所從進選飭百司奉法循理稱治平決大策擁立二帝和兩宮於崎嶇危疑中不動聲色措天下於泰山之安諸具帝紀中

夏國有汎使至云以

十事徼朝廷所指莫測也館伴使受命見樞府已詣中書琦曰使人議及十事當何言對曰樞府云第言受命館伴不及邊琦笑曰豈有掌客顧專主飲食不及國事者乎徐料十事所出且具以當辨折者授之及宴語八事中

所料

英宗嗣位加門下侍郎進衛國太后還政進

右僕射神宗卽位進司空兼侍中封魏國公當是時琦

在相位十年執政三世矣以盛滿求去位帝固畱不允

曰。相公欲何之。琦持四方人責琦可退書一束以進。且言臣爲清議不容如此。豈敢安位。帝流涕不許。請益堅。乃除兩鎮節度使。司從兼侍中。判相州。陛辭。帝泣曰。侍中必欲去。今降制矣。琦亦感泣。曾公亮等時方奏事。乞與琦同議。帝召之前。琦曰。日臣備位。天下事當共平章。今藩臣也。不敢。時帝已向用王安石。問卿去誰當可屬國者。琦引二三老成人以對。帝問王安石何如。琦曰。爲翰林學士則有餘。爲宰相則不足。在鎮聞安石更祖宗法。爲揮涕不食者終日。曰。琦舊臣也。義不可以默。疏爭之。安石持益堅。手駁其疏中語。令條例司刻石。頒天下。

琦曉官屬奉行曰。琦郡守也。其敢不如令。薨。

年六十八前一

夕。大星隕。治所櫪馬皆驚。帝聞。發哀苑中。輟朝三日。贈

尚書令。謚忠獻。篆碑額曰。兩朝顧命。定策元勲之碑。徽

宗時。追贈魏郡王。琦天資朴忠。所建措惟義所在。當幾

立斷。初無適莫心。而氣宇深廣。人莫能窺其際。明足以

察人之欺。而受之未嘗見辭色。慶曆中。與范富同兩府。

於帝前論事。爭侃侃不讓。下殿雍雍如也。曰。譬共推車。

要使可行而已。嘉祐中。爲相。於中書簡太祖及三宗手

敕數十通。中闕不完。僅補綴可讀。皆經遠長世之策。編

爲軸以進。帝見之。竦然避坐敬起。如四聖之臨質之也。

同列歎謂琦有不言之教。權開封府推官張洞試進士。進題曰孝慈則忠。帝不懌曰。張洞譏朕。琦曰。洞非有意。今有之。所謂言之者無罪。聞之足以戒。帝爲竦然居位。有國故。咨曾公亮。有禮樂文章。問歐陽修。或問之曰。公德業無愧古人。但文章微不逮耳。琦笑曰。我爲相。歐陽求叔爲翰林學士。天下文章孰大於是。其無我至於此。以獎拔人材爲急務。公論所與。雖意所不悅。亦收用之。故得人爲多。屢薦歐陽修爲兩府。仁宗不用。他日復薦之曰。韓愈唐名賢。使其時得相。不必有廟於唐。而談者至今以爲恨。歐陽修。今之韓愈也。陛下今不用。臣恐後

世論者謂陛下不盡其用矣。修遂登用。蘇軾中制科。英宗欲授以知制誥。琦曰。軾遠大器也。他日自當爲天下用。要在朝廷培養成就之。使天下著信然後用。則人無異辭。今驟用士大夫。未必以爲然。適累之也。乃授直史館。軾聞之曰。韓公可謂愛人以德矣。蘓轍應賢良舉策。辭直。擢知制誥。王安石以爲轍意縱臾宰相。但專攻上身。比之漢谷永。執不肯撰詞。琦從容曰。此人謂宰相不足用。至欲求婁師德郝處俊用之。而猶以谷永擬之乎。命沈遘爲之詞。太宗獵大名郊。賦詩。賈呂朝刻之石。琦留守藏班瑞殿壁中。後韓絳代帥。進之。琦嘆曰。向豈不

知進耶。顧上方銳意四夷。不當更導之耳。孫和甫使虜中。過魏求教。曰。不以爲夷狄而鄙之。幸甚。錢明逸久處禁林。出知秦州。常怏怏不事事。琦聞之。嘆曰。已雖不足。獨不思所部十萬生靈耶。或以定策功。詔之者。必正色曰。此先帝聖斷。皇太后詔贊之力。臣子何與焉。琦處大事。至愼密。不洩。白建儲得請。太尉張昇見之。以不與議爲望。次日於殿上大言曰。此大事不可輕。帝曰。此事與相公議熟。不輕也。退至中書。又詰琦已亟。琦曰。甚入思議。不亟也。昇退。琦微笑曰。幸夫未早令之聞之也。令早與議者敗矣。及太后歸政。富公在樞密。不與聞。旣大驚。

曰。彌備。他事不當預。此大事。韓公亦不能其之耶。或以謂琦。琦曰。此事當如出太后意。何可得宣言於外也。濮議作。臺諫攻中書不已。衆指目歐陽公。諸執政咸避匿自解。琦毅然曰。此中書事。皆共議。何可獨罪歐公。具議始末。榜朝堂。及神宗立。謂琦言近有欲以二大國尊濮王者。儻可行乎。琦曰。先帝遵典禮。不可以爵父陛下。豈可以爵祖。且又當以何親稱也。此黨濮議者必求勝。故爲此。不顧累聖德。措先帝於重不幸耳。帝乃止。議具禮儀

志

方國危疑時。琦屹然山立。不回倚。知無不爲。或問之。

曰。公所爲誠善。萬一有蹉跌。當柰何。琦曰。人臣盡力事。

君當死生以之其成敗天也豈可豫憂其不濟顧輟不
爲哉聞者愧服琦嘗言平生遇大事輒以死自處其不
死者天非所敢冀也琦勲德服天下然聞人小善則曰
琦不及其取人長忘其短而用之至心所許與蓋舉世
不數人嘗論時望諸公云人才器須可周八面入籠入
細乃經綸事業諸公皆一面才也論近世宰相獨許裴
度於本朝特師服王曾又嘗言成大事在膽未嘗以膽
許人居常言大臣當以李固杜喬爲本其弊猶爲胡廣
趙戒若先以趙胡自處弊可知也又言始學行已當如
金玉不受微塵之汚及成德則有受而不害者不然是

無容也。又言處事不可有心。有心則不自然。不自然則擾論進退。曰處去就不可猛而有迹。或問威克厥愛。允濟臨事必以威。何如。曰待威而濟。不若不威而濟之爲尤善也。又恆言人係初易。係晚節難。故晚節尤事事致力。既老。所夕常坐卧一室。有造卧內者。見案上無長物。獨唾壺與論語云。歐陽修常謂人曰。累百歐陽修。何敢望。薛公修以文言大傳爲非。孔子作。又不喜文中子。琦心不謂然。而未嘗與之辨也。獨終身與言。未嘗及易耳。琦姿貌偉特。美鬚髯。骨格清聳。眉目木林秀。圖繪傳天下。人以爲象高山大嶽。蓄洩雲雨。藏匿靈怪。程淳公歎以

爲間氣云

嘗有玉盞行吏誤觸

二每宴客藉以錦日召客宴酒方

神色不動笑謂坐客曰物成敗自有數顧吏曰誤也非故也何罪帥定州時夜作書令一卒秉燭燭燃其鬚以

神麾之而作書如故

少頃回視則易其人

始琦爲學士

矣恐主吏鞭之呼曰勿易渠已解執燭矣

臨邛年甫三十天下稱韓公晚在魏遼使過移牒必書

名曰韓公在也

忠彥以使事至遼遼主問知其貌類

父也命工圖之其見重外國如此鎮大名魏人爲立生

祠判相州州人愛敬如父母有鬪訟傳相勸止日勿撓

吾侍中慶曆中與范公並起任西事天下稱韓范治平

中與富弼並相天下稱富韓云

子五人忠彥相徽宗有謨曾孫肖胄性孝友恩

給先宗族高宗時簽書樞密院事奉使不辱命

富文忠公弼

字彥國

河南人少篤學有大志范仲淹見而

奇之曰王佐才也晏元獻爲相問壻於仲淹仲淹曰公女必妻宦達非仲淹所知必國士則無如河南富生者矣遂妻焉舉茂才異等科累知諫院時方嚴越職言罪之禁弼以日食三朝之變請除之求直言延州民詣闕告邊急帝召弼具得諸將敗亡狀政府以爲開奸民易長上之漸請禁告者帝以問弼弼曰此非陛下意也必大臣惡陛下知四方有敗故云然古有嘉石肺石達疲民民困急不得不訴之上令禁之將西走元昊北走契丹矣帝爲悚然已又言邊事繫國家安危不當專委密

院今兵亟矣。宜使宰相兼中樞。相夷簡曰。如此卽密院。謂臣侵官。弼曰。宰相之職。無不統。何謂侵官。今且以侵官藉口。違難耳。於是相臣並兼樞密使。樞密使具平章銜。以知制誥。糾在京則獄。按政府堂吏。夷簡滋不悅。會契丹以中國困於兵。使來求關南地。於是夷簡薦弼王北虜使。報使契丹定和而還。語具狄志中。始弼受命聞一女卒再受命。聞一男生皆不省。遽行。得家書焚之。曰。徒亂人意。遷翰林學士。固辭曰。歲幣增國之辱也。願方討元昊。未暇與虜角。故臣不敢以死爭。敢受賞乎。命爲樞副。辭愈力。且言。今虜旣通好。議者狃於無事。邊備漸弛。異時者。虜脫敗盟。臣死不足塞責。願

陛下思夷狄輕侮中國之耻。坐薪嘗膽。爲修攘計。以告納帝前而罷。逾月復申前命。遺諭曰。此朝廷特用。非以使遼也。乃受命。是時弼與韓范並命。爲兩府。爲天子倚信。弼亦以社稷爲已任。條當世之務。易諸路監司。不才者。而慎揀其人。使澄汰所部吏。白封建宗室。以藩屏王室。皆國大政。以夏竦爲飛語中之。罷知鄆州。諸具帝紀中。歲餘。讒不驗。加給事中。移青州。河朔水民流。弼賑贍。全活者五十萬人。語具土田志。詔褒勞。加禮侍郎。弼曰。救災守臣職也。辭不受。齊州禁兵事。妖人王則學妖術。將爲亂。或詣弼告之。齊非所部。而弼念變作不可制。適

中貴人張從訓銜命至。弼度其可用。密付以卒。令掩捕平之。自劾擅遣中使罪。帝嘉勞。申前命。又懇辭不受。從知鄭蔡河陽進觀文殿學士。改宣徽南院使。知并州。至和中。召與文彥博竝相。居無何以母喪去位。帝爲罷春燕故事。執改遭喪例起復。帝虛位五起之。固辭曰。起復金革之變禮也。不可施於平世。卒不起。英宗卽位。召爲樞密使。弼以兩宮間阻。力辭曰。制詞取嘉祐中議建儲事推恩。此絲髮之勞。仁宗太后於陛下有天地之恩。尚未聞所以爲報。不亦倒置矣乎。入對言。天子以孝爲大德。皇太后謂臣等言無夫婦人無所告。臣誠不忍聞。以


笏指床曰。非陛下有孝德。何以居此。帝爲俯躬曰。不敢。
一日進除目。忤意。帝怒。擲除目榻下。弼慨然撝笏拾除
目懷之。已進曰。天子亦有怒焉。出大師討四夷。陳斧鉞。
誅大臣是也。除日常事。非足怒。必臣等有大過。惡可怒。
願卽誅。帝引過慰謝。以疾求解政。章二十上。以使相判
河南。弼固辭。言國初不輕以使相授人。仁宗初執政。欲
自爲地。故開此例爲已地。願立法自臣始。神宗卽位。判
汝州。已召相。所陳對皆深慮大猷。其帝紀已安石執政。
弼引疾。判河南。改亳州。坐格新法。除左僕射。判汝州。以
疾請復使相。致仕卒。遺表言陛下卽位之初。邪臣納說。

上誤聰明。浸成禍患。今上自輔臣下及士庶。畏禍規利。浸成敝風。去年永樂之役。兵民死亡數十萬。陝西團保甲勢若星火。此豈諱過恥敗。不思過之時乎。願垂意休息。末言此標也。末耳。若要道在聖人所存。與所用之君子。小人耳。君子與小人處。其勢恒不勝。君子不勝。則奉身以退。樂道無悶。小人不勝。則交結搆扇。干岐萬轍。必勝而後已。小人復勝。必遂肆毒於善良。無所不至。求天下不亂。不可得也。後熙寧紹聖之禍。一一如其言。彌爲人溫良寬厚。汎與語若無所異同。至臨大事。正色慷慨。人莫能屈撓。智識絕人遠甚。而臨事周慮。不萬全不發。

宰相自唐來。禮絕百僚。至尊重。弼及韓公相。雖微官布衣來謁。皆引與爲禮。坐語從容。不厭也。請老時。或謂之曰。公康寧。上意隆厚。盍少畱弼。曰。若待筋力不支。人主厭棄之而後去。豈謂知止足哉。得請。故事。給全俸。弼自司空。俸月百二十千外。皆不受。清心學道。謝客屏事。書坐右云。守口如瓶。防意如城。自防約如此。每早作。入瞻禮家廟。已危坐。竟口。子孫不冠帶。不見。治家嚴整。閨門肅然。忠義之性。老而彌篤。家居一紀。斯湏未嘗忘朝廷。子紹廷。建中靖國間。提舉河東常平。辭曰。熙寧初。先臣以不行青苗法得罪。臣不敢爲此官。論曰。嗚呼。豈偶然也哉。方魏公舉進士高第。甫唱名。日

下五色雲見。光耀天地。韓公生。毋夢旗旌鸞鶴。降自入
天兆之矣。方康定慶曆間。西北二虜並發。天下凜凜。
韓范以忠力定西郵。富公以正議排北虜。民不帖於兵。
嘉祐治平之際。韓公不動聲色。定大策。調兩宮。措天下
於叅山之安。行安而節和。才與誠合也。夫富勁正終老。
彌勁。詩曰。維嶽降神。生甫及申。要之此兩人。真社稷之
輔哉。

面史上編卷之五十三終



通鑑綱目卷之五十四

明肝郡鄧元錫纂

宋哲宗帝紀

哲宗皇帝諱煦神宗第六子也。母朱德妃初封均國公進延安郡王已立為皇

太子元豐八年春三月即位赦羣臣進秩諸軍賜賚有差尊皇太后高

曰太皇太后皇后回曰皇太后德妃朱曰皇太妃太皇

太后同聽政夏罷京城邏卒及免行錢廢濬河司蠲逋

賦左僕射珪卒。珪自執政至為相十六年諛悅保位無匡救時日為三旨宰相以上殿進呈云

取聖旨帝可否訖云領聖旨右僕射確蔡為尚書左僕

射兼門下侍郎知樞密院續韓為右僕射兼中書侍郎

參政惇章知樞密院事。殿學士知陳州光司馬為門下侍

郎。詔中外臣庶直言政闕失。民疾苦。上封聞。殿學士公

著呂為尚書左丞。罷府界三路保甲。罷沅州增修堡砦。

冬十有一月。葬永裕陵。罷方田。罷市易法。罷保馬。罷後

苑作院。罷增直鑄錢監。是歲夏高麗貢遼遣使來弔祭賀即位。元祐

元年春。確蔡罷知陳州門下侍郎光司馬為尚書左僕射。

罷青苗。復常平法。詔詳定役法。左丞公著呂為門下侍

郎。右丞清臣李為尚書左丞。試吏尚書大防呂為尚書

右丞。惇章罷。言者論惇讒賊狼戾罔上蔽明。置訴理所。

許熙寧以來得罪者來訴。罷熙河經制財用司。洛處士程頤徵為崇

政殿說書夏縝韓罷臺臣論貪鄙皇河北諸路旱詔蠲

租門下侍郎公著品為尚書右僕射致仕太師彥博文

平章軍國重事班宰相上殿學士維韓為門下侍郎詔

侍從臺諫官監司各舉縣令一人置春秋博士惠卿放

建州秋設十科舉士法罷青苗法左僕射溫國公光薨

葬司馬文正公大饗明堂以神宗配赦瑛罷以御史劉摯冬

右丞大防呂為中書侍郎試御史中丞摯劉為尚書右

丞是歲夏乘常卒子乾順立占城于闐來貢二年春禁科舉毋專用王氏經

義取士毋得於老莊列子書命題詔察禁俗習奢僭者

夏旱避殿減膳復制科清臣罷清臣辨悟能文章而志在祿利主熙豐法侍之

罷知劉河陽右丞摯劉為尚書左丞。兵尚書存。王為尚書右丞。

同知密院燾。安知樞密院事。秋。七月朔門下侍郎維韓

罷。知登州崇政殿說書頤。程罷。頒元祐敕令式。是歲鬼章子結吼獻

寇洮東。岷州酋叛。將种誼擊執之。交趾于闐西南諸蕃來貢。三年春。復廣惠倉。大雪。

發京西穀五十萬石。損其直紓民。左僕射公著。呂為司

空。同平章軍國重事。以老中書侍郎大防。呂為尚書左

僕射兼門下侍郎。同知密院純仁。范為尚書右僕射兼

中書侍郎殿學士固。孫為門下侍郎。右丞摯。劉為中書

侍郎。右丞存。王為尚書左丞。試御史中丞宗愈。胡為尚

書右丞。冬。罷新創諸堡砦。廢渠陽軍。是歲犬食麻。嚙拔于闐三佛齊西南

蕃阿里骨來貢四年春司空申國公公著薨葬呂正獻公夏分

經義詩賦為兩科試士罷明法科確蔡放新州相純仁

右丞存罷學士戶尚書忠彥韓學士將許為尚書左右

丞秋敕監司守以四善三最課縣令九月大饗明堂赦

冬左丞固孫知樞密院事右丞摯劉為門下侍郎試吏

尚書堯俞傳為中書侍郎是歲夏復通好邈黎五年春

太師彥博致仕同知樞密院趙瞻卒瞻歷州縣有惠政為侍御史爭濮議

爭新法而以忠厚見稱左丞忠彥韓同知樞密院事翰

太師肅惜之謚懿簡蘇為尚書左丞夏知樞密院固孫卒固字和父

學士承旨頌鄭管城人純平不矯亢嘗言人當以聖賢為師一節之士不足學也文言以愛親之心愛君則無不盡傳堯俞

稱其淳德不
言而信云冬罷提舉修河司右丞將許罷知定州是歲夏來

歸永樂倂詔以四若界之京東旱浙西水高麗于闐三佛齊龍蕃阿里骨來貢六年春門下侍

郎摯劉為尚書右僕射兼中書侍郎中丞轍蘇為尚書

右丞夏五月朔出內庫緡錢五十萬備邊秋宗孟罷冬

幸國子監賜祭酒豐稷三品服相摯劉罷知鄆中書侍

郎堯俞傳卒有傳是歲兩浙水夏寇熙河蘭岷鄜七

年夏四月立皇后孟氏左丞頌蘇為尚書右僕射兼中

書侍郎門下侍郎忠彥韓知樞密院事右丞轍蘇為門

下侍郎翰學士百祿范為中書侍郎翰學士燾梁為尚

書左丞中丞雍鄭為尚書右丞冬十月環州地震十一

月祭天地圖仁。是歲于闐高麗占八年春相頌百祿

罷秋殿學士知頴昌純仁。范為右僕射兼中書侍郎九

月太皇太后高氏崩冬大雪振京城凍餒民復章惇呂

惠卿官是歲京東西河南北淮南水民流賑之紹聖元

年帝九春殿學士戶尚書清臣。李為中書侍郎殿學士

兵尚書潤甫。鄧為尚書左丞葬宣仁聖烈皇后。于永厚

朔日相大防罷門下侍郎轍。蘇罷改元。白虹追復蔡確

官惇。章為尚書左僕射兼門下侍郎相純仁。范罷復元

豐免役法復提舉常平官罷十科舉士法殿學士。安

為門下侍郎罷進士試詩賦追奪前宰執尤公著嚴叟

贈諡。貶前宰執。大防摯轍並分司南京。罷廣惠倉。是歲

京師疫。洛水溢。太原地震。河北水。賑之。夏三佛齊西二南蕃來貢。

年春。復保甲法。出內庫錢帛二十萬。助河北賑饑。夏。復

置律學。秋。復大理寺置獄。大饗明堂。赦吏尚書將。許為

尚書左丞。翰學士。下。蔡為尚書右丞。侍郎燾罷。知河南是歲

交趾三佛齊三年春。禁中災。罷春封子似申王。佶端王。宴尚書省災。

秋八月。放前諫大夫祖禹。賀州。安世。英州。廢皇后孟氏。

新太學敕令式。是歲夏人屢入寇于闐大食龜茲西南蕃來貢。四年春。清臣罷。

知河追貶前宰執。光公著。嚴叟等官。復榷茶。罷春秋科。

再貶前宰執。大防。摯轍。燾。純仁。官。安置循新。雷化。永州。

降太師彥博太子少保同知密院布曾知樞密院事吏

尚書將計中書侍郎翰學士卜蔡尚書左丞殿學士履

黃尚書右丞敗前學士軾蘇諫大夫祖禹范安世劉放

領外州軍夏六月朔日冬編管故崇政殿說書願

程于涪州是歲兩浙饑賑之于闐西南羅蕃來元符元

年帝十有夏六月改元銅元祐宰執子孫冬十有一月

祀帝園丘罷合祭赦是歲澶州河溢賑之夏高麗暗征

貢二年春河決內黃口立劉氏為皇后右正言浩羈管

新州履罷知毫置看詳訴理局三年春正月帝十有帝

崩年二十五上尊謚曰欽文帝初即位太皇太后以遺

睿武昭孝皇帝廟號哲宗

詔輔政。下詔言先帝臨御十有九年。修政立事。以澤天下。恩施甚美。而有司奉行失當。成煩擾。或苟且爲具文。其申諭中外。務協心一力。稱先帝惠安元元之意。於是罷廢熙寧中諸苛歛繁役。爲民疾苦者十有四事。斥近侍无狀者十有三人。皆中旨下。宰相王珪等弗預知也。端明殿學士司馬光欲赴闕臨嫌干進。不敢。宗政丞程顥勸之行。乃行。太后素聞光名。未至。遣中使迎問所欲言。光請開言路。榜朝堂。而輔臣造六語云。若陰有所懷。若犯非其分。或搦搖機事。或迎合已行之令。上徼倖希進。下眩惑流俗者。罰無赦。太后命持示光。光曰。此非

求諫。乃拒諫也。人臣惟不言則已。言則入六事矣。具論其沮抑。改意詔行。而下情始通。樞副公著自知楊州召侍讀。未至。太后遣中使迎問欲言。公著曰。先帝本意以寬省民力。而建議者倚法以侵民。民受其殃。願與中正明達之士。詳法紀利弊。擇其中。旣至。言上初卽位。當正始以示天下。務於修德。而修德之要在於務學。學緝熙于光明。而德乃日新。條十事以獻。曰畏天。曰愛民。曰修身。曰講學。曰任賢。曰納諫。曰薄歛。曰去奢。曰省刑。曰無逸。於是光公著並相。故事執政官率數日一集政事堂。事決於其長。同列莫得與。及是宰執日集堂議政。故事三省並建。獨中書取旨。門下尚書止。

奉行而柄臣得爲私。及是事十三省。執政並取旨分行之。仍著令。當是時。天下引領拭目覩寬政。而議者持三年無改於父之道。但毛舉細事塞人言。光居洛久。見民苦新法甚。奮然曰。先帝之法。其善者。雖百世不可改也。若安石惠卿所建立。爲天下害者。改之當如救焚拯溺。庸得泄泄爲乎。况太皇太后以母改子。非子改父。或謂光曰。熙豐舊臣。他日有以父子義聞上者。殆矣。光正色曰。天若祚宋。必無此事。與公著同心輔政。於中書得先帝手詔。具存可覆者。數緡表上之。詔詰青苗之害曰。常平泉穀以御水旱。而盡散至十之七八。當如後事何。且

今貸後償民受笞箠者必衆矣責興利之弊曰大傷郵
細有損國體安南西戎兵敗死傷二十萬手詔曰有司
夫入一虎罪罪不赦今無罪置數十萬人於死地朝廷
不得不任其咎論官制曰所爲更官制者覈吏治也今
施行無緒啓寵四方必貽譏後世矣於是一推元皇帝
本意欲更未暇與已更不定者與民順流罷保甲馬青
苗市易及諸役法罷熙寧河經制財用司天下民懽呼鼓
舞以爲便而天下士亦譁然曰此先帝本意也光以爲
治亂在人邪正分而消長之勢自定每論事必以人
物爲先所進退皆天下以爲當然而不容已者疏河南

處士程頤行義於朝。徵爲崇政殿說書。又言太師致仕。又彥博宿德元老。宜起以爲自輔。詔彥博平章軍國重事。六日一朝。一念齊魯凋弊甚起鮮于仇爲京東轉運使月一赴經筵。謂之曰。今復煩于駿於外。誠非宜。但朝廷欲救東土之民。非于駿不可。安得百于駿。盡布之天下乎。以戶部本舊三司使之任。用李常爲尚書。或言常舊德。非治劇材也。光曰。以舊德掌邦人知朝廷不急于征利。庶聚歛少矣耳。又諸自大天待制以上。歲於郡守中舉轉運使。及提點刑獄。判中舉轉運判官。使人知用監司重愼。毋刻急傷。請升朝官。歲各舉所知經

明行修一人登第日升甲以風厲天下使知朝廷欲人
敦士行不專於文又以人才行各有所長當隨材器使

立十科舉士法一日行義純固可為師表科有官無官人皆可舉

二日節操方正可備獻納科舉有官人三日智勇過人可備

將帥科

舉文武有官人

四日公正聰明可備監司科知州以上資序五

日經術精通可備誹讀科六日學問該博可備顧問科

七日文章典麗可備著作科以上有官無官並舉八日善聽獄訟

盡得情實科九日善治財賦公私俱便科十日練習法

令能斷請讞科俱舉有官人應行制以上歲於十科中舉三

人中書籍記之按籍視所舉試之事有勞效又籍之內

外官闕取嘗試有效者。隨科投職。而皆嚴舉。主連坐之。
令蓋主於舉官更役書河北轉運使杜純條利害甚詳。
光大喜。予書慰答。曰朝廷無河北憂矣。議棄河湟。知河
州孫路繪地圖奏記曰不可棄也。自通遠通熙州僅一
徑而熙北卽夏境。自北開壁百八十里瀕大河城蘭州。
然後可捍虜。若棄之一道危矣。光曰賴以訪君。然持遵
祖宗法度爲國是。欲盡刻新法。意時有偏主。時過適而
未用其中學士軾同知密院純仁議差役利病略相當。
不宜以前議自固。光意拂軾。純仁引義爭。深謝之。而持
之自若。期五日復差。知開封府蔡京。敕畿縣重改差如

期以白。光喜曰。使人人奉法如君。何事不辦。京以得進。無何薨。太皇太后哭之慟。與帝臨其喪。贈太師溫國公。京師人爲罷市相弔。當是時。天子幼冲。德性未有定。崇政殿說書程頤上書太后。言自古人君守成而致盛治者。莫如周成王。本成王之所以成德者。繇周公輔養之。以其道也。周公輔成王。幼而習之所見。必正事。所聞必正言。左右前後皆正人。故習與智長。化與心成。今皇帝睿聖之資。得于天稟。而輔養之道。不可以不豫。所謂輔養。非謂告詔以言。過而後諫也。在涵養薰陶而已。大率一日之中。接賢士大夫之時多。親宦官宮妾之時少。則

可以涵養氣質薰陶德性。乞慎選天下賢德之士。傳勸講讀。罷。留二人直日。一人夜直宿於內。誦讀之暇。游息宴語。以道義相切劘。而人情物態。稼穡艱難。亦時以上聞積久通達。比之常在深宮。爲益大矣。又言臣聞三代之時。人君必有師傅保之官。師道之教訓。傳傳其德義。保保其身體。後世作事無本。知求治而不知正君。知規過而不知養德。傳德義之道固已疎矣。保身體之法。無復聞焉。傳德義者。在乎防見聞之非。節嗜好之過。保身體者。在乎適起居之宜。存畏慎之心。臣欲乞皇帝左右扶侍。祇應宮奄。竝選年四十五已上。厚重小心之人。

以充服用器玩皆質朴。諸華巧靡麗之物。壹不令至前。仍乞擇內臣十人充祗應。候皇帝起居動息。使經筵官必知之。有翦桐之戲。則隨事箴規。違持養之方。則應時諫止。調護聖躬。莫過於此。於爲國本慮至深。願性本矜莊。在經筵。念欲啓上尊德樂道之意。益禮法。自勅翰學士蘇軾以文章高一世。豪侈所狎侮。見願。媼笑之。以謂不近人情者。僞也。相光薨。國方有慶事。禮畢。欲往弔。願不可。曰。子於是日哭。則不歌。或曰。不言歌。則不哭。軾嘻笑曰。君未知禮。此枉死鬼。於是願門人右司諫賈易。右正言朱光庭等。積久不能平。遂劾軾館職策問。爲謗訕。軾遂力詆願。至以爲臣平生疾其姦。

邪末嘗與之言求補外。

易光庭疏入右司諫王觀言軾命辭雖稍失輕重然言語文字

間不足間若悉考同異究嫌疑則兩岐遂分使上大夫有朋黨之名此大患也太后以爲然亦重軾才置不問會帝有疾不出閣願諸宰臣問幸臣曰不知願曰二聖臨朝上不御殿太后不當獨坐日上有疾而宰相不知可爲塞心繇是人臣亦多不悅者於是殿中侍御史呂陶言臺諫當徇

至公不可借事權報私忿左諫議大夫孔文仲給事中

顧臨連章力詆願不宜處經筵而願罷管勾西京國子

監賈易因劾陶黨軾兄弟語侵太師彥博相純仁

至以彥博

至和中建儲詔不可信純仁此小人爲身謀

於是洛黨朔黨蜀黨之號起卒

不可復合

洛黨以願爲首而朱光庭賈易爲輔蜀黨以蘇軾爲首呂陶孔文仲爲輔朔黨以劉摯梁

燾王巖叟劉安世爲首輔之者尤衆惟呂大防秦人熱直無黨范祖禹師事僕射光不立黨尚書右

丞胡宗愈。上君子無黨論。以傾之。右諫議大夫王覲劾宗愈傾仄。不可以執政。太后惡其爲黨也。怒欲罪之。相純仁。大師彥博。司徒公著。入爲解。太后未釋然。純仁曰。朝臣本無黨。但善惡邪正。各以類分。則疑於有黨。昔先臣與韓琦富弼。慶曆中。柄用各舉所知。當時飛語目爲黨。三人相繼補外。造謗者公相慶曰。一網打盡。此前事明驗也。因極言前世朋黨之禍。并錄歐陽修朋黨論以進。然宗愈自若。而覲出知潤州。已。大防與相純仁並命爲尚書左右僕射。大防准廣祖宗家法之美。具疏言。自三代以來。惟本朝百二十年中。外無事。則祖宗家法最

善故也。自古人主事母后。朝見有時。如漢武帝。五日一朝長樂宮。祖宗來事母后。皆朝夕見。前代大長公主用臣妾禮見天子。本朝必先致恭。仁宗以侄事姑禮。見獻穆大長公主。前代宮闈不肅。宮人與廷臣相見。唐入閣圖有昭容位。本朝宮禁嚴密。內外整肅。前代外戚多預政事。致敗亂。本朝母后族止衣租食稅。前代宮室華侈。本朝宮殿止赤白堊爲飾。無綺文。前代人君雖在宮禁。必輿輦出入。祖宗皆步自內庭。出御後殿。前代人主在禁中。冠服簡褻。祖宗來燕居。以禮法服肅恪。前代用刑嚴深。大者誅戮。小者遠竄。本朝臣下有罪。止於罷黜。至

虛已納諫。不好畋獵。不尚翫好。不貴珍異。皆祖宗所以致太平者。陛下不必違法前代。但循行家法足矣。又撫乾興來。足爲典法者四十事。爲上下篇。曰仁祖聖學上之。而相純仁以博大開上意。以忠篤革士風。故元祐中朝多正人。民脫湯火。及於寬政。比隆於嘉祐。然是時熙寧諸用事臣。惠卿。惇。嘉問。絀。蔡京。李足輩。雖外斥。皆惡根於心。不可革。而廷論守宋家法。不欲爲已甚。未有能引繩排根放流屏遠之。俾不得復進也。其徒多中人。依名勢附和者。槩以異已。皆外放。又未能泰然與之更始。解散其事。安其心。而最姦慝如蔡京之倫。又以善迎合。

爲三館之儲。皆含憤蓄怒。伺間隙思逞。而諸賢不悟。各
自爲黨。洗垢索瘢。以相命令。得藉爲口實。釁孽萌起。惜
莫知其防。相純仁憂之。因疏前世朋黨之禍。以進曰。朋
黨之起始。因趨向異同而然。斯已微矣。然同我者謂之
正。異我者疑爲邪。旣惡其異我。則逆耳之言難校。旣喜
其同我。則迎附之奸易合。於是真僞莫知。賢否倒置。國
家之患。率繇于此。熙寧大臣如王安石。初無邪心。獨緣
惡異喜同。遂至黑白不辨。此後事之殷鑑也。孔子曰。舉
直措諸枉。能使枉者直。舉用正直。則可化邪佞爲善人。
又何煩分別黨人。傷仁化哉。會蔡確以失勢久而望知。

漢陽軍吳處厚。撫其遊車蓋亭詩中語。用唐郝處俊上
元諫高宗傳位武后事。以爲指斥太皇語深害。臺諫交
攻之。執政請寘于法。太師文彥博欲貶確嶺嶠。純仁謂
大防曰。此路自乾興來。荆棘七十年。吾輩開之。他日恐
不自免。大防意沮。請詔確具析右正言劉安世等言確
罪狀明著。無事具析。乃大臣曲爲之地。詔安置新州。純
仁入謂太后曰。聖朝寬厚。未嘗以言語文字之過。竄誅
大臣。今舉動宜爲將來法。釁端不可開也。夫以重刑除
惡。如以猛藥治病。豈不立減。爲傷實多。司諫吳安詩及
安世等。遂糾純仁黨確。罷知河南左丞王存。以確所舉

士出知蔡州。右僕射摯性峭直。有節槩。不爲利誘威怵。自初輔政。至爲相。辨白邪正。專以人物處心。與呂大防同政。事多決於大防。惟進退士大夫。勢常執其柄。爲朋讒竒構。遂與大防隙。會邢恕謫監永州酒稅。書抵摯。摯故與恕游。答其書。有永州佳處。第往以俟休復之語。又章惇諸子。故與摯子游。摯亦間與通。於是中丞鄭雍侍御史楊畏。附大防。因論摯牢籠邪人。覲後福。時飛語至。謂休復爲太皇復于明辟。其文致如此。且論王巖叟。梁燾。劉安世。朱光庭等三十二人。爲摯死黨。當斥罷。於是太后召摯。面諭曰。言者謂卿通匪人。爲異日地。卿當一心王室。若章惇者。雖以

宰相處之。未必慊于志也。摯皇恐退。上章自辨。而熹嚴
叟果疏論救之。太后益以爲黨。曰。垂簾初。摯斥排姦邪。
實忠。但二事誠過。遂罷知鄆州。熹罷知穎昌。嚴叟罷知
鄭州。而純仁復召相。人謝太后曰。或謂卿必引用王覲。
彭汝礪。母以爲也。當與大防同心。純仁曰。二人實有士
皇。臣終不敢侑位蔽賢。而大防與終忤。不可合。知樞密
院韓忠彥。與侍郎傅堯俞。右丞許將。時皆稱正人。議政
事不合。各求去。朋黨之說。復起而煽之。御史上官均言。
大臣公忠體國。當務協諧。成和平闇侃之風。使中外之
人。泯然不見異同之迹。此治象也。若悻悻然。動輒抗論。

彼是相非。卽百僚何觀。乞朝廷含茹以全國體。得並留。而大患日蓄。於是熙豐舊臣。知諸人間嚙可抵也。多爲飛語。搖在位。大臣怵其說。思自全。欲稍引用其黨。平夙怨。謂之調停。純仁恕亦頗主其說。中丞蘇轍上疏曰。臣觀周易以君子在內。小人在外。爲天地之常經。小人在內。君子在外。爲陰陽之逆節。故一陽爲復。二陽爲臨。以陽雖未盛。而居中得地。有可進之道也。一陰爲姤。二陰爲遯。以陰雖未壯。而居下方進。有可畏之漸也。若夫居天地之正。得陰陽之和者。惟泰爲然。泰之爲卦。三陽在內。三陰在外。君子既得其位。可以有爲。小人奠伏于外。

安而無怨。故泰人爲言安也。言惟此可以久安也。惟君子得位。陵暴小人。使在外而不安。則勢將必反。故泰之九三曰。無平不陂。無往不復。聖人之戒。可謂深切而詳盡矣。獨未聞以小人在外。憂其不悅。而引之於內。以自遺患者也。畏盜賊之欲得財。而導之於寢室。知虎豹之欲食肉。而開之以垆牧。天下寧有是哉。且君子小人。勢同冰炭。同處必爭。一爭之後。小人必勝。君子必敗。何者。小人貪利。忍耻擊之。難去。君子潔身重義。知道之不行。必引而去之。語曰。一薰一蕕。十年尚猶有臭。言不相容也。昔先皇帝以聰明聖智之資。疾頽靡之俗。將以綱紀。

四方追迹三代。觀其措意。本豈漢唐之君所能髣髴哉。而一時臣佐。不能將順聖德。造作諸法。率皆民心之所不悅。二聖臨御。因民所願欲。取而更之。上下忻慰。當此之際。先朝用事之臣。自知上逆天意。下失民心。徬徨蹢躅。若無所措。二聖慈仁。不加譴責。而宥之於外。亦已厚矣。今政令已孚。事勢大定。而議者惑於浮說。乃欲招而納之。與之其事。以調停其黨。此人若返。豈徒然而已哉。必將戕害正人。漸復舊事。以快私忿。人臣被禍。蓋不足言。所惜者。祖宗朝廷也。自熙寧來。小人執柄二十年矣。建立黨與。布滿中外。一旦失勢。希覬者多。是以創造語。

言。動搖貴近。脅之以禍。誘之以利。而規逞其志。乃不加
察。遽以爲然。豈不過甚矣哉。陛下誠以異同反覆爲憂。
惟當久任忠直明信之士。得四五人。常在要地。使不仁
之人自遠。不當爲流言所惑。使小人一進。有噬臍之悔
也。疏入。太皇太后深以其言爲然。未幾。太皇太后崩。帝
親政。而命亂。帝長稍不惠。以太后垂簾久。滋不悅。而中
入內侍語。頗籍籍。非太后時所爲。而羣小爲飛語。洶洶。
乘其間入之。在位者顧望莫敢發。學士范祖禹慮小人
且乘間起害政也。上疏曰。陛下初攬庶政。延見羣臣。此
國家隆替之本。社稷安危之機。生民休戚之端。君子小

人進退消長之際。而天命人心去就離合之時也。太皇
休祐聖躬。斥奸邪。抑僥倖。九年之間。終始如一。雖德澤
加於天下。而羣小怨恨思逞者。爲不少矣。小人進言。必
將曰。太皇不當改先帝之政。逐先帝之臣。設疑事以離
間聖聽。不可不察也。方陛下初卽位時。諸上書言法不
便者。以數萬。太皇因天下人心之欲改。與陛下共改之。
非以已之私而改也。既改其法。因逐其人。其改之逐之
者。爲其上負先帝。下負兆民。亦因天下所欲逐而逐之
也。初豈有憎惡於其間哉。而怨怒滋多。萋毀必甚。惟陛
下清心察理。辨析是非。深拒邪說。諸有以姦言進者。痛

慙一人以警羣慝。則帖然矣。若稍入其言。則奸言繼進。萬一追報之禮。少有不。至於太皇聖德無損。而陛下孝道所損多矣。時蘇軾方具疏諫。見祖禹疏。遂附名上。曰。經世之文也。不報。忽有詔。詔內侍劉瑗等十人。復入內給事。祖禹又諫曰。陛下親政以來。未聞訪一賢臣。而召先內侍。臣恐四海有以窺陛下也。弗聽。於是羣小排太后。時事競疾力。純仁奏曰。太皇保祐聖躬。功烈誠心。幽明共鑒。議者不恤國是。翕翕訛訛。一何薄也。因以仁宗禁言。明肅垂簾時事。詔上之。曰。望陛下稽倣而行。知樞院韓忠彥以爲言。皆不聽。初。呂大防欲引楊畏爲諫大。

夫范純仁以畏爲不端不可用。大防微哂曰：畏才士而公薄之，豈以嘗有言故耶？蘇轍卽從旁誦所撰彈文，撼之純仁愕然。初未之知也。及是大防以山陵使出國門，畏卽首叛之。上疏言神宗更法立制，欲垂之萬世，今未一傳而罷廢殆盡，乞講求成繼述之道。帝大善之，卽召對。詢以先朝故臣可用者，畏遂列章惇、呂惠卿、李清臣等名以聞。且具言先帝建立法度之意，與王安石學術之美。帝深納之。翰林學士承旨鄧潤甫以母喪闋，入對爲帝言武王能廣文王之聲，成王能嗣武王之道。開帝紹述，卽以爲尚書左丞。門下侍郎蘇轍疏諫曰：先帝設施。

有百代不可改者。元祐以來。上下奉行。未嘗失墜者是也。至於事或失當。何世無之。父作於前。子救於後。前後相濟。此聖人之孝也。漢武帝外事四夷。內興宮室。財用匱竭。修鹽鐵。榷酤。均輸之政。民不堪命。幾至大亂。昭帝委任霍光。罷去煩苛。漢室乃安。光武顯宗。以察爲明。以寬識決事。上下相遁。人懷不安。章帝深鑒其失。代之以寬。後世稱焉。本朝真宗天書。章獻臨御。覽大臣之議。藏之梓宮。英廟濮議。朝廷洶洶者數歲。先帝寢之。遂以安靜。夫以漢昭章之賢。與仁宗神考之聖。豈其薄於孝敬。輕事變易也哉。事從其當。不可易也。陛下若輕變九年已

行之善。擢任累歲不道之人。挾其私忿。而以先帝爲辭。大事去矣。帝覽奏大怒曰。安得以漢武比先帝。轍下殿待罪。羣臣莫敢言。相純仁從容進曰。武帝雄才大畧。史無貶辭。轍以比先帝。非謗也。陛下始親政。當進退大臣以禮。不當訶斥如責奴隸。帝曰。人有恒言曰。秦皇漢武。何謂非謗。純仁曰。轍所論者。事與時也。非人也。帝爲少霽。轍平日與純仁多忤。至是爲力救。轍退。乃謝曰。公佛地中人也。於是對進士策。主元祐者並黜。顯示天下所嚮。而國是遂變矣。用翰林學士曾布言。改元祐九年爲紹聖元年。召章惇爲尚書左僕射。惇既秉國。盡力反元。

神之政。召蔡京爲戶尚書。主改法。林希爲中書舍人。典

變更。貶黜辭。命蔡卞爲國史修撰。重修實錄。亂是非。其實

錄以王安石舊所作者。口口錄者。爲主而文之。卞。安石子壻也。以黃履爲御史丞。張商

英來之。邵等爲正言主。彈射於是。臺諫交章言神宗盛

德大業。而故相光公著。摯大防等。援引朋儔。敢行譏議。

凡詳定局之建明。中書之勘會。戶部之行遣。言官之論

列。詞臣之誥命。無非指摘嗤笑。翦除陛下羽翼於內。擊

逐陛下股肱於外。天下之勢岌岌。今天日清明。誅賞未

正。乞下禁省簡閱。以明示顯罰。下中書。惇卞請發光公

著冢。斲棺暴尸。帝以問許將。將力爭乃止。奪贈諡。卞所

立墓道碑。大防摯。蘇轍。梁燾等。皆貶官有差。自是歲有

遷謫之命。盡罷元祐所舉行更復者。

惇請復行免役法。命置司講議。久而

不決。戶尚書蔡京曰。取熙寧成法行之可矣。何以議爲。遂定差雇兩法。司馬光章惇。邪正畢意。而京再蒞其事。成於反掌如此。初。呂大防居位久。與純仁不相能。而純

真姦人之雄也。

仁兄謂爲邪黨。絀外。至是大防等竄遠州。更赦不徙。純

仁欲上書申理。所新勸沮之。以觸怒遠斥。非高年所宜。

純仁曰。今事勢至此。中外無一人敢爲上訟言者。吾世

臣誼當言。若上心遂回。所繫大矣。卽不然。斥死何憾。因

上書言大防等持心失恕。好惡任情。違老氏好還之戒。

忽孟軻反爾之言。誠不能無過。然朋黨一立。禍孔遂開。

牛李之事。歷數十年不鮮。此天下治亂所係也。願斷自
淵衷。原收大防等昭平明之治。惇大怒。落觀文殿大學
士。知隨州。章惇議遣御史按嶺南。欲盡殺流人。帝以問
許將。將曰。此事惟漢唐有之。祖宗以來未有也。本朝治
道。所以遠過漢唐者。以未嘗輒戮大臣。帝深然之。惇意
不快。於是用中書舍人蹇序辰請編類司馬光等章疏。
及一時所施行文書。摺拾標附。明示取舍。而元祐縉紳
士舉無得脫禍者矣。初神宗遘豫時。岐王顥。嘉王頊。日
入問起居。及大漸。太后命二王母輒入。時蔡確柄國。起
居舍人邢恕爲之謀。以二王太后子。而帝幼。欲援立以

爲功。密語太后姪高公繪。公紀曰。上疾不可諱。延安幼
冲岐嘉皆賢王也。宜早定。公繪曰。君欲禍吾家耶。恕計
不行。乃大懼。顧宣言太皇太后屬意岐王。與王珪吳充
相表裏。賴確擁護而定。潛布其語於朝。及確失勢。望太
后。詆之以自譽。爲言者所糾。竄新州。恕亦坐貶。於是心
憤恨求逞。間道謁確於鄧。與定畫。以無司馬光左驗。難
爲信。乃給光子康。令手書與確。稱確功。旣而恕帥中山。
置酒招高遵裕于士京。屏人語曰。公知元祐間獨不與
先公推恩事乎。士京曰。不知。問有兄弟無。士京曰。有兄
士充。死久矣。恕曰。此乃傳王珪語言之人也。時珪秉國。

意欲立岐王。遣士充傳道言語。於禁中。尊翁叱去之事。遂已。公豈甞知之乎。士京曰。未也。恕曰。此尊翁大節。何得言不知。第言知。官爵可立致也。士京聞信之。於是語流布益蔓。初宣仁爲帝。擇中宮。得孟氏女。賢有德。備六禮。冊立爲皇后。已而帝悅劉婕妤。嬖之。皇后稍益疎。會后女福慶公主疾。后有姊頗知醫。嘗已后危疾。故出入禁中。公主有疾。藥弗效。姊持道家治病符水入。后驚曰。姊豈知中禁嚴。與外間異耶。令左右藏之。俟帝至。具言其故。帝曰。此人常情。無異也。后卽焚符於帝前。於是內侍郝隨。附婕妤。構后爲厭魅。未幾。后養母信尼法端言。

令爲后禱祠。事聞。詔內押班梁從政。管御藥院蘇珪。卽皇城司鞫之。逮宦官宮妾三十人。榜掠備至。肢體毀折。至有斷舌者。以周內其事。獄成。命侍御史董敦逸覆錄之。罪人過廷下。氣息僅屬。無能出聲者。敦逸秉筆疑未下。郝隨等旁以言脅之。敦逸畏禍。乃具奏。當上。詔廢后出居瑤華宮。天下冤之。已。敦逸中悔不自聊。乃發憤上書。言中宮之廢。事雖有因。情有可察。詔下之日。天垂陰霾。是天不欲廢后也。人爲之垂涕。是人不欲廢后。臣嘗閱錄其獄。恐得罪天下後世。書上不省。立劉健。姁爲皇后。右正言鄒浩諫。坐貶官。時惇卞恨宣仁至深。恐

元祐舊臣後復起。欲誣宣仁以廢立。得羅織種誅之塞後禍。以皇后逮事宜。仁恐從中爲間。不可破。遂與郝隨構是獄。附健好爲功。獄成。乃大喜。於是引邢恕爲御史中丞。以自助。恕乃令確子渭上書。訟劉摯。呂大防。梁燾。王巖叟等圖不軌。陷其父置獄。同文館令蔡京。安惇等雜治之。羅織萬端。獄成。奏摯等大逆不道罪。當族。帝乃太息曰。元祐人不可信。乃如是乎。魯摯燾死貶所。詔錮其子孫嶺南。於是惇又言。光摯大防等結主崇慶閣內侍陳衍。張士良謀廢立有端。時衍貶朱厓。士良貶郴州。被逮至。蔡京。安惇雜治之。列鼎鑊刀鋸于前。謂之曰。言

有卽貫匿不言。死矣。士良仰天大哭曰。太皇太后何可
誣。天地神祇何可欺。乞就戮。京等窮治無所得。乃奏衍
疏。隔兩宮。斥隨龍內侍劉瑗等于外。翦人主腹心羽翼。
罪當死。竟殺衍。而惇卞自作詔書。請追廢宣仁聖烈皇
后爲庶人。帝持未下。皇太后方寢。聞之。遽起叩閣謂帝
曰。吾口侍崇慶。天日在上。此語何從出。且帝必如此。亦
何有於我。帝感悟。持惇卞奏立引燭焚之。郝隨以告。明
日。惇卞再具狀請。帝怒曰。卿等不欲朕入英宗廟乎。抵
其奏於地。事得已。而元祐等執再貶竄。太師彥博以阿
附責降太子少保。一日。帝與輔臣語及元祐事。曰。程顥

妄自尊大。在經筵多不遜。於是言者論願與司馬光惡相濟。削籍竄涪州。帝親政九年。知藏懷在政。亂民困而宋因以亡。

論曰。余讀史。次元祐紀。太后臨朝。仁賢在政。乃天子幼而不英也。悲之。曰。是於易爲大過。爲枯楊之梯。過而中。巽而說行。儻猶及拯乎。至三黨交訾。曰。嗟乎。棟橈無輔矣。乃楊不枯而華哉。迨調停之議作。凶然曰。羸之孚也。何可無柅。曰。金柅言貞也。柔不可牽也。况縱豺于場乎。至紹聖。無論矣。

司馬呂文三相謨

司馬文正公光。

字君實

陝西夏縣人也。生七歲。凜然如成

人。羣兒戲於庭。一兒登甕。跌沒甕中。衆皆走棄去。光父急持石前繫破之。水迸出。兒得活。其夙智如此。

池官天章閣待制。當任子及光。光推與二從兄。乃後受

補太廟齋郎。舉進士甲科。

聞喜宴獨不戴花。同列曰。君賜不可違也。乃簪一花。改

將作監主簿。丁母憂未除。丁父憂。執喪累年。毀如禮。久

之以樞副。龐籍薦同知太常禮院。中官麥允言死。詔給

鹵簿。光曰。昔繁纓以朝。孔子猶不可。允言近習。非元勳

大勞。而贈三公。給鹵簿。其爲繁纓也。不亦大乎。故相夏

竦諡文正。光曰。諡之美。至文正而極。竦何人。可當此。皆

執不可。皆得寢。龐籍爲鄆州。徙并州。皆辟光判州事。

感籍知爲之盡。會元昊始臣。河東貧瘠。官苦糴貴。而民疲於轉輸。麟州窟野河西多良田。皆故漢地。公私雜耕。天聖中。禁民田河西虜乃得稍蠶食其地。窺麟州爲河東憂。光白籍言。宜因州中舊兵。益禁廂兵。築堡河西。募民有能耕麟州閑田者。耕窟野河西田者。聽復賦役。將耕者必衆。糴自賤。可漸紓河東之民。又可使州西六十里。終無虜患。籍從之。而麟州將出築堡。敵爭之。訥不戒而訥籍坐罷。鎮知青州。光大慙以爲已負。守闕三上書。乞獨坐。不報。籍初不以此望光。而光深自咎。如此人兩賢之。以直秘閣改開封府推官。交趾貢異獸。曰麟也。光

以爲真僞不可知。卽真也。非自然而至。不足瑞。如僞也。適爲外夷笑。宜却不受。因奏賦以風。從之。擢修起居注。判禮部。日食雲陰不見。言爲災滋甚。不當賀。語具災祥考。判并州。召知諫院人具三劄子上。其一言人君之大德有三。曰仁。曰明。曰武。陛下天性慈惠。謹微接下。子育元元。汎愛群生。雖古先聖王之仁。蔑以過矣。然踐祚垂四十年。而朝廷紀綱。猶有虧缺。閭里窮民。尤有嘆怨。意者將於明武二德。萬分一有不盡與。望廓日月融光。奮乾剛之斷。輔至仁而行。其二論銜臣之道三。曰任官。曰信賞。曰必罰。今國家累日月以進秩。循資塗而授任。日

月積久。則不問其賢愚。而置之高位。資塗相直。則不問其能否。而委之重職。非特如是而已。采名而不采實。誅文而不誅意。夫以名行賞。則天下飾名以求功。以文行罰。則天下巧文以逃罪。陛下誠博選在位之士。使有德行者掌教化。有文學者待顧問。有政術者爲守長。有勇略者爲將帥。有功則增秩加賞。而勿徒。無功則降黜廢棄。而更求能者代之。有罪則誅。如是而朝廷不尊。萬事不治。百姓不安。四夷不服。未之有也。其三言養兵之術。務精不務多。又進五規。曰保業。曰惜時。曰遠謀。曰謹微。曰務寬。帝甚嘉納。而力請建儲安宗社。語具帝紀中。除。

知制誥。辭。改天章待制知諫院。言近朝廷以胥吏謹謹
爲逐御史中丞。以輦官悖慢爲退宰相。以軍人言三司
使爲非犯階級貸之。諸以一夫流言爲變法推恩者甚
衆。皆陵遲之漸不可長。會仁宗崩。光憲臨朝。首疏言明
肅保佑先帝。進賢退姦。有大功於社稷。獨以頗親用外
戚小人。負疵謗至今。太后初攝大政。大臣有忠正如王
曾。清純如張知白。剛正如魯宗道。質直如薛奎者。當信
用。其猥鄙讒諂如馬季良。羅崇勳者。當斥遠。太后嘉納。
已兩宮疑問。光以災異上封言。當陛下得疾初。皇太后
於先帝梓宮前叩頭祈請。願爲之傷。慈受至矣。况也先

帝擢陛下於衆人之中。授以神器。惟以一后數公主屬之。而梓宮在殯。已失太后懽心。長公主數人屏處遠宮。此失人心。致災異之大者。願率先孝德。光治本。太后還政。宮掖有取用。有司白。先奏覆。得旨。乃後供。光以爲當卽下合同司。移所屬立供。已具數奏太后。防矯僞。時曹侂以元舅除使相。而兩府皆遷官。光言。侂得使相。陛下慰太后心而可矣。兩府皆遷何名乎。若以還政爲功。則宿衛將帥。內侍小人。孰無希望。於爲濫滋甚。已劾內都知任守忠離閔罪。安置蘄州。議追尊濮安懿王。首持論當稱皇伯。封大國。隆一尊。衆以爲國是。語具禮儀志。相

琦欲刺陝西民爲義勇爭之力。語具軍制中。初仁宗崩。夏使來弔祭。館伴高宜傲侮其使者。使者辭於朝。光與呂誨請治宜罪。塞其意。不從而西戎犯邊。契丹民有捕魚界河。伐柳白溝南者。朝議以知雄州李中祐爲不材。選將代。光言國家當戎狄順附時。好與之計較末節。及其桀驁。又從而姑息之。故恩威兩失。近西戎啓釁。而高宜不究。此狄不較而中祐得罷。來者必將以宜爲法。以中祐爲戒。邊自此多事矣。請敕邊吏諸疆場細故。獨當徐以文檄往反。有輒以矢刃相加者。罪之。安戎狄心。除龍圖閣學士。判流內銓。改右諫議大夫。神宗卽位。擢翰林

林學士辭。帝曰：古之君子，或學而不文，或文而不學，惟董仲舒、楊雄兼之。卿文學何讓焉？而辭爲尤。對曰：臣不能四六。帝曰：如兩漢制誥可也。又力辭，乃受遷御史中丞。疏君修德之要三：曰仁、明、武。治國之要三：曰官、人、信。賞必罰，且曰：臣昔爲諫官，以此六事獻仁宗。其後獻英宗，今又獻陛下。平生力學所得盡是矣。已論內臣寄資爲非制。論內臣年未五十者不得爲內侍省押班。論中人高居簡姦邪，乞屏遠從之。而內侍王中正使陝還，知涇州劉渙等誚事之得進擢。卿延鈴轄吳舜臣，違失其意，以降黜。又極論皆人所難言。帝嘗手詔問光所言事。

何從知對曰事有無。惟上察。若無有。臣不敢避妄言之誅。必窮所自知。則耳目之路。此塞矣。是時帝甚嚮信光。而王安石爲政。祊行新法。光屢疏諫。於經筵又以講讀諫。又書與安石。反復諫。諸具帝紀中。安石持益堅。乃求去。帝好謂之曰。安石素善卿。卿何疑。光曰。臣誠與安石善。但自執政來。違迕多矣。且臣善安石。孰與呂公著。安石初舉公著爲稷契。後目爲共鯨。豈一人之身。前後頓異乎。亦愛憎之致變耳。以端明殿學士出知永興軍。旣至。監司準新法。分義勇爲四番。番上更戍邊。而選諸軍號勇募間里桀少爲奇兵。佐之。敕民乾糧。餼餼咸風戒。

雖內郡皆修城池樓櫓如邊而遣兵就糧於長安河中
三輔騷然光疏謂永興方歲凶公私殫弊不可以舉事
又一路不被邊諸城池樓櫓非急務宜緩乾糧皺飯令
風造稍久皆腐爛宣撫司令臣皆未敢從脫有變乏興
臣請伏急事之誅於是。一路獨得免頃之移許州不赴
乞判西京留司以歸既歸洛絕口天下事而帝終注信
光曰如光者使常在左右自可無過右丞蒲宗孟詆訾
光以爲天下人才半爲光所壞帝不答張目直視者久
之曰蒲宗孟乃不可司馬光耶如光未論他事但辭樞
副一節朕卽位來一人而已及天子以歲大旱下詔求

直言。光讀詔泣。欲默不能。悉復疏論青苗。免役。市易。邊事。保甲。水利。六事之害甚具。且曰。竊觀陛下英叡之性。希世絕倫。卽位以來。銳精求治。耻爲繼體。守文之常主。高欲慕堯舜三代之隆。下亦不失漢唐之盛。擢俊傑之士。與之共政。言聽計從。所譽者超遷。所貶者抑退。垂拱拱手。以聽其所爲。莫之或問。執政者亦悉心竭力。以副陛下之所欲爲。教焉以周公自任。耻爲碌碌守法循故事之臣。然六年之間。百度紛擾。四民失業。怨憤之大。所不忍聞。災異之徵。尤罕見。豈非執政之臣。所以輔翼者。未得其道歟。所謂未得其道者。在於好人同己。惡人

異已而已矣。陛下授之以威福之柄。使制作新法。以利天下。是宜與衆共之。棄短取長。以求盡善。而獨任胸臆。惡人攻難。羣臣有與之同者。則用不次。與之異者。則禍辱隨之。人情孰肯棄福而就禍。去榮而取辱者。於是天下之躁於富貴者。翕然向之。勸陛下益加委信。順從其言。嚴斷刑罰。以絕異議。而比年以來。中外任事權之臣。無慮皆其私人。懷忠直守廉耻之士。皆播斥廢棄。或罹罪譴。無所容立。至於臺諫之官。天子所寄耳目以規朝政之得失。糾大臣之專恣者。亦皆聽其自擇。違忤立逐。必得其佞諛諂媚之尤者。而後用之。其奉使詢訪利

害於四方。又皆稟其意指。憑其氣勢。以驅迫州縣。州縣
之吏。承迎奉順之。不暇而何敢與之爲異。陛下見其文
書爛然。州縣守宰咸以爲便。詢謀僉同。莫大乎是。而不
問皆宰臣一人之私議已也。又令使者督責州縣。奉
不力者。輒以沮格免罷。皆不理赦。又潛遣邏卒聽市
之謗議者。執而刑之。是以賢士大夫憤懣鬱結。仰屋
竊歎。而不敢言。四方萬姓。饑寒憔悴。怨嗟號泣。而無所
告。如此而望百度之咸正。四民之樂業。頌聲興嘉。瑞洽
不遠哉。今天下北盡塞垣。東被滄海。南踰江淮。西及
邛蜀。自去歲秋冬。雨雪絕少。井泉溪澗。往往而竭。二麥

無收秋種未入中戶之家大抵之食採木實草根以延
朝夕而當此之時州縣之吏督迫青苗助役錢鞭笞縲
絏惟恐不及臣恐鳥窮則啄獸窮則攫羸者轉死溝壑
壯者不嘯聚山澤將何之哉今天下口祈心禱惟冀陛
下之覺悟速更弊政以蘇疲民如望上天之膏澤日復
一日及今改之猶可及救過是而民力屈竭一旦渙然
乃始勞心安集殆無及矣臣在冗散朝政小小得失固
不敢言坐視百姓苦新法如此將爲朝廷憂又不忍不
言自今歲來衰病日增恐溘先朝露是以冒死爲陛下
言之儻陛下猶忽棄而不之信則天也臣不敢復有言

矣。光歸洛十五年，爲天下所傾嚮，頌目以爲真宰相。雖田夫野老，亦號爲司馬相公。婦人孺子，亦知爲君實也。神宗崩，赴闕，臨衛士望見，咸以手加額曰：「此司馬相公也。」所至民遮道觀，馬至不得行。光懼而歸洛。蘇軾日登州入朝，民知其與光善也，所至擁其馬首大呼曰：「寄謝司馬相公。」願無歸洛。相天子活百姓，卒起相元祐，更宿弊與民順流，諸具帝紀中。時兩宮虛已以聽，光亦慨然知無不爲，以其身殉社稷，體爲羸瘠，賓客舉諸葛亮食少事煩，語戒之。光曰：「死生命也，吾何知爲之？」益力追屬疾，青苗免役將官之法猶在，而西戎議未決。太息曰：

四害未除。死不瞑目矣。折簡與呂公著曰。光以身付醫。以家事付愚子。惟國事未有所托。今屬公。公必勉之。病稍間。詔免朝。許乘肩輿。三日一赴省。光不敢當。曰。不見君。不可以視事。詔肩輿至內東門。令子康扶入對小殿。命母拜。光惶恐入對。延和殿再拜。及疾革。諄諄語如夢中。不復自覺。皆國家大事。壹未嘗及其私。卒年六十八。皇太后爲哀慟。卽日與帝臨其喪。祔賻有加禮。賜碑額曰忠精粹德之碑。京師爲罷市。鬻衣以致奠。巷哭以過。車旣歸陝。送葬者如哭私親。嶺南封州父老亦相率致祭。自京師至四方皆畫像祀祠之。飲食必祝子康孝。以

居器寢塊得腹疾。亟召醫民爭趣醫行。曰。百姓受司馬相公恩厚深。今其子病。必速行醫。至而康疾已不可爲矣。光孝友忠信。恭儉正直。出天性。居處有法。動作有禮。自少至老。未嘗妄語。於財利紛華。如惡惡臭。誠心自然。天下敬信之。嘗自言。吾無過人者。但平生所爲。未嘗有不可對人言者耳。兄旦年八十。事之如父。保之如嬰兒。不事生產。居第僅蔽風雨。有田三頃。器夫人質以爲葬具。挾洛間化其德。有不善。曰。君實得無知之乎。其好學。至不知饑渴飲食。於學無不通。惟不喜釋老。曰。其微言不能出吾書。乃其誕。吾不信也。卧齋閣。忽蹶然起。公服。

執手版危坐。或問之曰。屬以天下安危爲念。敢不敬乎。
如光操履行誼。與王安石畧同。已。安石專國而慢。光數
爭不聽。引去。天下益信光。而安石負訾議遂深。已。遂爲
薰蕕。安石卒。光旣秉國。病在告簡。呂公著曰。介甫無他。
但執拗耳。贈恤宜從厚。其德厚如此。紹聖初。惇下柄國。
奪贈謚卅碑。蔡京自書。姦黨爲大碑。頒郡縣。令監司長吏聽皆刻石。長安石工安民當鐫石。辭曰。
民愚人。固不知立碑之意。但如司馬相公海內稱其正直。今謂之奸邪。民不忍刻也。府官怒。欲罪之。民泣口被役。不敢辭。乞免鐫安民二字。
于石恐得罪後世。聞者愧之。靖康初。還贈謚封。建炎中。
配享哲宗廟廷。

呂正獻公公著。

字晦叔。

壽州人。相申公夷簡子也。幼嗜學。

忘寢食判潁州歐陽公爲守引爲友王安石事之安
石博學善辭辯人不能難公著獨以精識約服之安石
嘗言每疵吝不自勝見晦叔卽豁然而反所謂能使人
意消者也判吏部南曹仁宗獎其退恬賜五品服除崇
文院簡討進知制誥辭不拜改天章閣待制兼侍讀公
著於經傳同異訓話得失皆粗陳其略不深論惟治亂
安危之統必反覆言之帝改容俯聽英宗親政加龍圖
閣直學士簡潁王府宮僚與韓維並啓沃爲多神宗立
爲翰林學士知通進銀臺司中丞光以論事罷還經惺
公著封還敕曰光以舉職而罷是使有言責者不得盡

其言也。詔直付閣門。公著又言。制命不繇門下。則封駁之職。因臣而廢。願理臣罪。以正法。帝諭之曰。所爲徒光者。賴勸講。非以言事也。公著請不已。竟辭銀臺之命。知貢舉。言天下臨軒策士。用詩賦。非舉賢求治之意。請發策。咨治道。從之。爲著令。已安石專。公著於帝前間適之。又斥呂惠卿爲佞人。出知潁州。語具帝紀中。元豐末。起知河陽。過闕入見。帝以青宮恩。語深洽。公著前謝病。不任治郡。乞在京宮祠。曰。願得拾遺闕也。帝大喜。召入翰林爲學士。已爲樞密副使。始公著與學士光並卧洛。至是公著獨起。人以二公出處爲優劣。程御史顥曰。呂公世臣。又青宮舊臣。帝嘗縱言。不得不歸見上。司馬公諍臣。不得不退處也。帝嘗縱言。

及釋老公著曰堯舜知此道乎。帝曰堯舜豈不知公著曰堯舜雖知此而惟以知人安民爲難所以爲堯舜也。又嘗言唐太宗能以權智御臣下而治也。公著對曰不然。貞觀之治以能屈已從諫耳。帝又言漢武雖以汲黯爲戇然不冠不見。後見絀猶以二千石祿終其身可謂容賢。公著曰不然。武帝之於汲黯言不用諫不聽僅能不殺耳。時天子臨御久羣臣憚威嚴莫能敢進規至是始與公著相唯諾竦然敬納之。諫復肉刑諫西師諫詔獄語具帝紀中。出安撫定州徙揚州哲宗立以侍讀還朝與司馬公光並相光薨獨當國諸調劑事具上紀中。

已請老拜司空平章國重事。卒年七十有二。贈太師。申國公。謚正獻。公著自少講學。卽以治心養性爲本。寡嗜欲。薄滋味。平居無疾言遽色。無窘步惰容。無嬉笑俚近語。於聲利淡然無好也。暑不揮扇。寒不附爐。簡重清靜。益天性而充之以學。智慮深敏。遇事善決。苟便於國。不以私利動其心。與人交。一出於誠意。平生未嘗較曲直。聞謗未嘗辨。見士大夫以人物爲意者。必問其所知。與所聞。參互考實。以達於上。而避遠聲迹。不以知人自處也。每議政。必博采衆善。以爲善。至所當守。則毅然不可奪。族子嘉問。蔭入官。竊從祖公弼論駁新法草。示安石。

得進。或言嘉問敗壞家法。惜也。公著不答。一客迎意言。

公於人何所不容。况族黨乎。又不答。既罷。子弟問二客。

之言何如。終不答。蓋沈遜如此。

孫本中。字居仁。紹興中。至中書舍人。擢直學士。

院端亮不

阿秦檜免。

文潞公彥博。

字寬夫。

汾州介休人。爲人寬簡。有弘度。而沉

幾能斷。第進士累。侍御史元昊犯邊。邊將平戰沒。監軍

黃德和擁兵不救。誣平降虜以解罪。賂平奴證之。往卽

訊得實。德和有與援謀。翻其獄。獄成而德御史至。彥博

曰。朝廷慮獄不就。故遣君。今具矣。事弗平。彥博受其咎。

而德和受誅。西方用兵。偏軫有臨。陳先退。望敵不進者。

大將守著令皆申覆。彥博言將權不專，法不肅，敗道也。請申軍法肅軍。遷天章閣待制、轉運使、進樞密直學士。知秦州，改知益州。歲饑，米騰踴立，發官粟令就諸城門相近院館十八處減價糴，榜通衢招之。米價立減，益卒素驕，易爲變。彥博嘗擊毬鈴轄廨中，外喧甚，乃卒長杖卒不伏也。呼入問狀，令引出與杖，又不伏，呼入斬之。竟歸。嘗夜宴，寒從卒譟拆馬房屋爲薪。彥博曰：「天寒又房且壞，欲改造，拆與之竟飲而罷。」明日誅其魁，召拜樞副參大政。出平貝妖賊，還得相。帝爲言搢紳奔競者多也，非裁抑無以端士習。彥博曰：「不若稍旌進恬退守道。」

之人則競躁者耻矣。帝問其人。以張瓌韓維王安石對。帝嘉納。白汰諸路冗兵。減兵廩糧三萬石。爲侍御史唐介所詆。而罷。居久之。與富弼並相。言於帝曰。介頃言臣事雖風聞。然甚中。臣病其爲人謹直。幸還之。介以得召。會帝得暴疾。而儲貳未建。賴彥博靜鎮之。而安語具。帝紀中。尋請老。以使相判河南。封潞國公。累徙鎮。遷尚書左僕射。判太原。英宗立。入覲。帝以定策功勞慰之。彥博避謝。不敢當召。爲樞密使。熙寧初。王安石創新法。彥博爲帝言祖宗法。何必皆不可行。但有偏而不舉之處。宜博采衆論。以靜重爲先。安石奮然排其說。御史張商英

撫樞密事。搖之。驗無實。商英坐貶。而安石議分審官院。
東主文西主武。奪其權。彥博曰。如此則臣無從與武臣
接。卽有事。何自知其才而任之。又論市易司賣果實。損
國體力。引去。出知大名。尋以太師致仕。元祐初。相光薦
起平章軍國重事。頃之。復致仕。黨禍作。降太子少保。卒。
年九十一。復太師。謚忠烈。彥博逮事四朝。任將相五十年。而
接物謙下。尊德樂善。如不及。在洛。與洛人邵雍程顥兄
弟賓接。如布衣。元祐初。契丹使人聘。蘇軾充館伴。使。
人朝。見彥博殿門外。爲却立。改容曰。此潞公耶。問其年。
曰。八十餘矣。曰。何壯也。軾曰。使者見其容。未聞其語。其

綜理庶務。雖精練少年。不如其貫穿古今。雖專門名家。不逮也。使者拱手曰。天下異人。既歸洛。西羌酋有名馬。因邊吏請餽。其爲外夷所敬服如此。

論曰。昔蘇學士軾論司馬公之德。至感人心。動天意。而約之以兩言。曰。誠曰一。充斯言也。於終條理乎幾矣。豈榮貌哉。正獻精識。將之以沈深。潞公弘大。又應機果確。乃紹聖崇寧間。兒焰熾然。卽金石流鑠焉。謂天人可罔也。然黨碑石工弗鐫也。碑毀而彗滅也。夫是亦何可得罔矣。

通史上編卷之五十五

明盱眙鄧元錫纂

宋徽欽帝紀

徽宗皇帝諱佖神宗第十一子也。

母貴儀陳氏初封寧國公哲宗立封遂寧

郡王進封端王

哲宗崩無嗣議立後皇太后向氏哭召宰臣曰

國家不幸大行皇帝無嗣事當以時定章惇時爲首相抗聲曰於禮律當立帝母弟簡王似太后曰老婦無子諸王皆神宗子皆庶也何必然其長君乎申王長然有目疾於次端王佖當立惇勃然曰端王輕佻不可君天下語未畢曾公覲太后意已定端王入立屏後矣欲自

為功。叱惇曰。惇退。皇太后宣諭甚當。端王當立。蔡卞許

將助為言。以即位。皇太后權同處分軍國事。赦百官進秩一等

尊皇后劉為元符皇后。尊母陳為皇太妃。兄似弟侯似

僖。各進封立。皇后王氏。殿學士履黃為尚書右丞。癸四

明門上侍郎忠彥。韓為尚書右僕射兼中書侍郎。禮

尚書清臣。李為門下侍郎。前宰執純仁等復官。復先帝

廢后孟氏為元祐皇后。卞罷。恕放均州。卞京第安石子壻也。托紹述中

善類皆密疏建白。請親札付外行之。童惇雖巨姦。然輕

率不思而卞深阻。寡言笑。每論政。惇毅然主持。卞嘿不

在其術中。追復前宰執文彥博。珪。光。公著。大防。摯等三
十三人官。秋七月。皇太后歸政。八月。薨。永泰陵。惇罷。知

州貶武昌
右僕射忠彥為尚書左僕射兼門下侍郎知

密院布為右僕射兼中書侍郎罷平準務提舉太乙宮

燾安知樞密院事左丞履罷為太乙宮使禮尚書純禮范為

尚書左丞是歲葉遜川夏國高麗來貢遼遣使弔祭賀即位建中靖國元年春

正月太皇太后向氏崩遺詔尊故太妃陳為皇太后高

平公范純仁卒有傳惇貶雷州司戶叅軍夏五月葬欽聖

憲肅向皇后欽慈陳皇后於永裕陵右丞純禮罷知穎昌知密

院燾罷知河南同知密院之奇蔣知樞密院事吏尚書佃

陸為尚書右丞中書侍郎清臣罷知大名右丞佃陸為尚

書左丞吏尚書益溫為尚書右丞冬十有一月祀天地

卷之十一

圜丘赦改明年元。是歲遼主洪基卒。孫延禧立。河東地震。京畿蝗。江淮湖南福建旱。崇

寧元年。帝二年。春。相思彥罷。知大名。前宰執光彥博等四十

四人復奪官。右丞佃罷。知惠州。左丞將許為門下侍郎。右

丞益溫為中書侍郎。翰林學士承旨京蔡為尚書左丞。吏

尚書挺之。趙尚書右丞布罷。知潤州。京為尚書右僕射。兼中

書侍焚元祐法。罷春秋博士。置郡縣安濟坊。養民貧病者。右

丞挺之。趙尚書左丞翰學士商英。張尚書右丞籍元祐

及元符末。相侍從而下百二十人為姦黨。刻石端禮門。

冬之奇罷。知揚州。罷元祐皇后位號。復居瑤華宮中。太乙

宮使卞蔡知樞密院事。置西南兩京宗正。及敦宗院。分

崇寧非祖免親者是歲太原等十一郡地震京畿大二年春京東河北淮南蝗江淮福建熙河潭柘柳州

蘇秦觀黃廷堅等文集左丞挺之為中書侍郎右丞商

英為尚書左丞戶尚書居厚吳尚書右丞毀程頤出身

文字令監司覺察所著書置諸路茶場更鹽鈔法是歲

貢三年春鑄九鼎詔天下坑冶金銀輸內藏置文繡院

大內災夏復鄣鄆州論功進察京司空封嘉園公執政轉三官圖熙寧元豐

功臣於顯謨閣以王安石配享孔子重定姦黨籍刻石

朝堂復方田中書侍郎挺之趙為門下侍郎右丞居厚

吳為中書侍郎學士承旨康國張尚書左丞刑尚書洵

為中書侍郎學士承旨康國張尚書左丞刑尚書洵

武。鄧復翼祖尚書右丞。立九廟宣祖十一月幸太學官論定

六幸辟離司業以下賜資有差詔取士祀帝園丘赦。是

諸路蝗京畿大雨水黎四年春。十罷。知河左丞康國知

峒蠻內附占城來貢南府

樞密院事令州縣倣尚書六曹分六案鑄當二夾錫鐵

錢。門下侍郎挺之趙為尚書右僕射兼中書侍郎尋罷

為中太秋用新樂赦蘇瑚秀三州水賑之是歲復銀川

兵圖宣威賊殺知鄧州高永年五年春彗星出西中書

侍郎居厚吳為門下侍郎同知密院達劉為中書侍郎

詔求直言以太白書見毀元祐黨人碑赦復謫者仕籍

京罷為中太挺之為尚書右僕射夏罷辟舉復元豐選

法各達罷

知亳州。○是歲黎峒蠻貢。晏開等內附。蒲甘來貢。

大觀元年帝七年春

正月改元赦京復尚書左僕射兼門下侍郎

置議禮局於尚書省

門下侍郎吳居厚罷為太乙宮使

相挺之罷

挺之以曾布薦為中丞擊元祐正人無遺力以蔡京

薦得相與爭權相

右丞洵武

鄧為中書侍郎戶尚書子

詆罷為祔神觀使

笑

梁

為尚書左丞吏尚書諤

宋

為尚書右丞

比後次相登免不盡

書秋大饗明堂赦核民籍丁口收落失實者十一月朔

日蠲京率羣臣以不盡分賀以開邊功進京官

○是歲

沿州夷內附于

二年春封皇弟二人子七人為王河東

闡夏國來貢

北盜起以復洮州賜京玉帶加童貫官皇后王氏崩

冬葬靖和皇后刑州河溢壞民舍賑之

夏于闐人貢安化渝州蠻內附

三年春京罷

為中太乙宮使

中書門下侍郎執中為特進尚書

左僕射

是歲播州揚文貴納土以其地置遵義軍瀘州夷內附以其地為純磁州夏閣婆占城來貢

四年春彗出奎婁赦商英為尚書右僕射兼中書侍郎

立皇后鄭氏

秋九月朔日饗

祀帝園丘赦改明年元

夏來貢南丹蠻內附

政和元年

帝十有一年

春商英罷

商英佞佛稱有覺章博經制夔州商着道士服長揖

就坐與停語隨機折之落落出其上博大喜延為上客

歸薦諸王安石擢監祭御史元祐初為呂公著所抑不得進

哲宗親政召為右正言商英憾元祐大臣力攻之

語險激至比宣仁為呂武眾畏其口御史取商英所作

元祐嘉禾頌及司馬光祭文斥其反覆罷知亳州及是

京久盜柄中外怨疾商英能立同異人更彌為賢以得

相時久旱彗長竟天是夕滅明日雨帝大喜書商

霖二字賜之商英小變京收以悅眾尋罷知河南貫使

遼以李良嗣來謀伐遼

是歲夏交吐來貢

二年春京復太師致

仕夏復三日至都堂議事改太尉冠武階止三公三

孤官改侍中為左輔。中書令為右弼。左右僕射為太宰。

少宰。冬十月得玉圭。十一月日南至受圭大慶殿赦京。

進魯國公。執中為少傅。執政皆進秩行給地牧馬法。是歲蜀夷

置亨高麗來貢三年。春追封王安石舒王。配享孔子廟。元符太后

劉暴崩。三月朔日夏作寶和殿。作玉清和陽宮。頒五禮新

儀。頒新樂。冬十一月祀帝園丘。赦。是歲賜方士王老志號洞微先生遣使行

天下訪道教仙經。江東旱溫封磁三州火。四年。春置道階夏祭地方澤以太

祖配赦。作延福宮。冬。詔廣南市舶司歲貢珍珠犀角象齒導河大伾。是歲以廣

西溪峒地置龍光二州。五年春正月立子桓為皇太子。赦闔貫領

六路邊。夏作葆真宮。秋。七月朔作明堂。大伾三山橋成。

是歲女真完顏阿骨打稱帝國號金瀘南晏州夷反轉
運使趙通等討平之高麗遣子弟入學賜方士王仔晉
號通妙先生平江府常熟秀州水六年春上清寶籙宮成會道士大內

京正公相位總三省事秋詣玉清和陽宮上玉皇上帝

宮觀冬十一月祀帝國丘赦是歲茂州夷內附賜方士林

麗占城大食真臘大理來貢七年春道錄院冊帝為秋九月大饗明

京五日一赴都堂治事天神降坤寧殿閣貫領樞密院事作萬

歲山是歲熙河環慶涇原地震于闐來貢重和元年帝十有八年春受定命寶

赦使浮海如金約攻遼夏五月朔日饗以林靈素為通

元冲妙秋九月饗明堂詔置內作神霄九鼎冬置道官

先生等道職改元赦是歲掖庭大火江淮荆浙梓宣和元年

帝十有九年兼門下春深為太宰兼中書侍郎改元

夏四月朔貫擊朔方敗績以捷聞論功行賞大秋貫為

太傅九月饗明堂十一月祀園丘赦是歲京西饑淮東

二年夏祭地方澤京致仕九月大饗明堂復遣使如金

議攻遼冬十月朔建德軍妖賊反貫為江淮荆浙黼為

少保太宰兼門下盜陷建德歙州將郭師陷杭州使趙

約死之是歲淮三年春盜陷婺衢州守臣彭汝陷處

州夏盜平睦州境梓桐幫源諸谿洞地幽險有漆楮竹

以左道惑眾因民不忍聚貧乏名誅朱勔起為亂置官

吏將帥以鬼神扇誅之時承平久人不識金革歛手聽

命不旬日眾至數萬陷睦歙州掠桐廬富陽諸縣進逼

聞淮南發運使陳邁來乞師帝始驚以童貫爲宣撫使
譚稹爲制置使率禁旅十五萬討之貫至吳知民困花
石之擾作手詔罪已罷諸應奉造作局及花石綱運而
民悅臘以破平時淮南盜宋江亦以朝政亂率其徒三
十六人橫行河朔間掠十郡官吏得貧弱不殺賙之知
海州張叔夜募死士伏近城出輕兵誘之戰方合潛遣
人焚其舟賊聞之走復置應奉司相黼及內侍秋黑皆
伏兵乘之江乃降

見禁中

元豐末有物夜見寢殿上而神宗崩元符末又

推倒聲形彷彿如龜長丈餘黑氣蒙之不了了氣所及
腥血四灑又或變人形或爲驢晝夜出無時多在掖庭
及內殿中人狎見亦不大怖也已洛陽府畿內忽有物
如人或如犬色正黑不辯眉目始夜則掠小兒食之後
雖自晝入人家爲患有力者夜執鎗自衛亦有托以作
過者父之乃息都城中酒保朱氏女忽生髭長六七寸
疏秀甚美特詔爲道士又有賣青果男子孕而誕子犬
都城東門外鬻菜夫至宣德門忽釋荷擔向門戟手置
云太祖皇帝神宗皇帝使我來道宜速改也捕下開封
獄閱一夕方醒則茫然不知向所云爲何也斃之獄中

貫為太師。九月，饗明堂。河決清河埽。冬，十二月朔，日封

十二人為王。括民田東南西路。遣宦者李彥。是歲諸路蝗，水壞天成聖功橋。

四年春，金人來約夾攻遼。夏，貫伐遼，敗績。冬，擊燕山師。

潰。十一月，祀圜丘，赦金入燕，來獻捷。是歲金破遼中京，遼主出奔。五

年，使輸平于金。許歲幣四十萬，加燕京代租錢百萬。論復燕雲功，黼為太

傅。總三省，居中。太保攸少師，貫封徐豫國公。五月，祭地。

方澤。張穀以平州來附，命知平州。秋，八月朔，日饗。九月，饗明

堂。冬，十月，雨水。金陷平州。張穀走燕山，縊。函首送之金。是歲

金主阿骨打索弟吳乞買立，金遣使來賀正旦。秦鳳旱，河南京東淮南饑，賑之。六年夏，賦諸路

免夫錢。冬，白時中為特進太宰。兼門下侍郎。邦彥李為少宰。

兼中書侍郎。饗明堂。罷應奉司。置講議財利司。京東河東陝西地大震。兩

河京東西浙西水環慶邠寧涇七年。帝二十有六。年春。雨水。京

原民流。夏。高麗于闐羅。毀來貢。致仕。貫為廣陽郡王。熙河河東路地震。九月。饗明堂。遼亡。有狐升御

榻而十一月。祀帝園丘。赦金分道入寇。貫逃歸。金圍太

原。太常少卿傅察使金。不屈死之。金犯中山。罷諸路花石綱。及內外製

造局。詔罪已。求直言。罷道官。罷大晟府。行幸局。詔內禪

皇太子桓。即位。桓帝長子。母恭顯王皇后。初封京兆郡王。進定王。尊帝為教主。

道君太上皇帝。尊皇后為道君太上皇后。赦立皇后朱

氏。靖康元年春正月。求直言。金陷濬州。梁方平。師潰。濟河道

君皇帝出居亳。黼安置永州。賜李彥死。並籍家。放朱勳。

歸田。黼至雍丘、盜殺之、留守綱。為尚書右丞。白時中罷。邦彥

太宰。兼門下侍郎、邦昌為少宰。兼中書侍郎、金犯京師。攻門。何澧戰死、

邦昌副康王使金軍。罷右丞綱。謝金道。君皇帝如鎮江。

兩河制置使种師道。率師入援。梁師成。賜死。右丞綱充

京。城防禦使。金退。京師解嚴。赦邦昌為太宰。兼門下侍郎、敏

中。白少宰。兼中書侍郎、同知密院師道罷。秦州知金陷隆德府。

張確、通判趙伯臻死之、梁方平伏誅。邦昌罷。為中太乙官使、徐處仁為太

宰。兼門下侍郎、太上皇帝還京師。帝朝龍德宮。立子諶為皇

太子。貫安置郴州。以同知樞密院事師道出宣撫兩河。

尋罷。右丞綱代將援太原。慧出、紫垣、京安置儋州。攸雷州。貫

吉陽軍。子孫竄遠州京死潭州。貫良嗣伏誅。蔡攸及弟

脩朱勔並賜死。左丞綱罷。提舉洞霄宮遣使繇海道使金議

和。罷西南勤王兵。冬。金陷真定。都鈐轄劉陷汾州。知州

戰兵馬都監割三鎮界金。雨木金陷平陽。陷威勝。隆德

澤州。同知樞密院种師道卒。宣撫折彥質師潰。金濟河。

犯京師。軍青城。梟為尚書左僕射。兼中書侍郎。金陷懷

州。守霍安國林淵鈐轄張金攻宣化門。遣間使命康王

為天下兵馬大元帥。領諸道兵入衛。甲寅。大風。大雨雪。

連日夜。乙卯。金焚南薰門。統制何慶言陳克禮京城陷。

日赤如大無光。夜有辛酉。帝如青城。十二月癸亥。帝至

自青城括金帛遣使割兩河地以和二年春帝再如青

城

郭若水自經金軍太學生徐揆死之

二月上皇與太后皇后皇太子並

入青城金人立張邦昌

稱楚帝

二帝及太后太子宗室並

北狩初徽宗嗣位群臣請皇太后同聽政太后以長君

辭王泣拜移時乃許時二惇二卞比而與國政屏忠良

天下側目太后召韓忠彥爲門下侍郎

忠彥入對陳四事曰廣仁恩曰

開言路曰去疑似曰戒用兵太后嘉納

召龔夬爲殿中侍御史陳瓘鄒浩

爲左右正言中丞安惇沮之曰鄒浩當元符立后時疏

指斥得過今復用其無乃彰先帝之失乎太后曰立后

大事中丞不言浩獨言正人所難何爲乎不可惇懼而

退。陳瓘進曰。陛下欲開言路。取浩既往之善。惇乃騁私。臆惑主聽。宜明示好惡。出判潭州。筠州推官崔鷗應詔言。臣聞毀譽者。天下之公器。非一人好惡。所可得而私也。故責授朱厓軍司戶司馬光。左右以爲姦。而天下之人。頌言之曰忠。今相章惇。左右以爲忠。而天下之人。訟言之曰姦。夫乘抵巇以固權寵。謂之姦可也。苞苴蒲門。私譖踵路。陰交不達。密結禁廷。以求利。謂之姦可也。以奇技淫巧。蕩上心。以倡優女色。敗君德。操國家刑賞之柄。報恩讎。謂之姦可也。蒙蔽主聰。排擯正士。微言者坐以刺譏。直諫者名之指斥。杜天下之口。便其私。謂之姦可也。

可也。凡此數者，光有之乎？惇有之乎？夫小人兇忍，根乎天性。譬則蛇虺見物，必怒；有觸輒發。天下無事，不過讒賊忠良，破碎善類而止。積釁成禍，以至于緩急危疑之際，必且有反覆賣國、跋扈不臣之心。比年以來，諫官不論得失，御史不糾姦邪，門下不駁詔勅，喑默如此。陛下雖有堯舜之聰明，將於何而聞之？夫四月盛陽之月也，而逆陰于陽，謫見于天，於譴告明甚。惟陛下畏天威嚴，民命昭邪正之辯。侍御史龔夬言：昔丁謂當國，號爲恣睢。然當時所誣傷者，獨寇準、李迪二人而止。及惇秉政，則故老元輔、侍從臺省之臣，天下所謂賢者，一日之

間有滿巖海有宋而來未之有也。下懷姦深阻外示沈默中懷螫毒。凡惇所爲。下實發之。望譴黜以昭威斷。於是臺諫陳師錫。陳瓘。任伯雨。黃庭堅等。文章論劾惇。分司池州。下放潭州。瓘復言。惇在紹聖中。置看詳元祐訴理局。看詳官安惇。蹇序辰。於先朝言語不順者。加釘足。剥皮斬頸。拔舌之刑。其慘毒如此。請正刑辟以示天下。惇序辰除名。復元祐宰執司馬光。呂公著。范純仁等官。徙蘇軾等內郡。許劉摯。梁燾歸葬。錄子孫。復哲宗廢后孟氏爲元祐皇后。迎居禁中。時惇下旣去。而翰林學士蔡京。愿。隱。未著時。莫能指也。侍御史陳師錫。以爲京下。

同惡而京好大喜功。日夜結內侍戚里。規大用。此禍幾
所伏。御史龔夬言。京治文及甫獄。上詆誣宣仁。下歸過
先帝。必欲族滅無辜。以逞其志。其時諸案牘章疏具在。
誠按之。其煅煉附會之迹者可得也。請覆按。未報。會御
史中丞豐稷自河南召。京迎謂之曰。天子自外服召公。
爲中執法。必有高論佐國家。可得聞乎。稷正色曰。行自
知之。是日條列京罪狀最悉。京出知永興軍。削林希官。
蓋僅數閱月。蠲逋負。復流人。諸忠正名賢業収用。而公
論甫定。會太后崩。韓忠彥與曾布並相。布爲帝言。元祐
紹聖兩均有失宜。消釋朋黨。明大中。帝深然之。改明年

爲建中靖國元年給事中任伯雨入對言。國不可以有黨。然自古未聞君子小人雜然並進。而可以致治者。蓋君子難進而易退。小人反是。二者並用。終歸於君子盡去。小人獨留而後已。唐德宗以此致播遷之禍。建中乃其紀號。不可不戒。不聽。繇是邪正雜用。而國論始搖。布旣相。弟翰林學士肇引嫌出知陳州。謂之曰。兄方得君。當引用正人。翊正道。杜惇卞復起之萌。而數月來所謂端人正士。繼迹去朝。今用以爲侍從臺諫者。往往皆前日事惇卞得志者也。一旦勢異。必且首引之爲固位計矣。縱惇卞不復用。一蔡京自足兼二人。兄必戒之。布

不能用。元年春正月朔。有赤氣起東北。亘西南。中函白氣。白氣散。復有黑氣。衡侵之。左正言任伯雨曰。陛下嗣位之初。正歲之初。而赤氣起於暮夜之陰。日爲陽。夜爲陰。朝廷爲陽。宮禁爲陰。中國爲陽。夷狄爲陰。君子爲陽。小人爲陰。此小人謀君子。下干上。邪干正。而夷狄竊發之證也。天心仁愛。以災異相警告。願進忠紂。邪嚴名分。謹邊備。以消復大異。已又言。章惇迷國罔上。毒流縉紳。方先帝上賓時。輒逞異志。向使其言得行。將寘陛下與皇太后於何地。貸而不誅。國法廢矣。臣昨充館伴。聞北使言。去歲遼主方食。聞中國黜惇。放箸而起。稱善者再。

四。謂南朝真錯用此人已。又問。柰何獨行遣。如是以此觀之。如惇者。不獨所謂國人皆曰可殺。雖蠻貊之邦。亦以爲可殺也。會臺諫陳瓘。陳次升等力爲言。乃貶雷州。初蘇轍謫雷州。勅不許占官舍。僦民屋以居。惇又以爲強奪民居。下州追民寃治。以僦券明甚而止。至是惇至雷州。問舍。民曰。前蘇公來。爲章丞相幾破我家。今不可得也。惇慙亟去。後徙睦州死。時相布復進紹述之說。而中丞趙挺之復排擊元祐諸臣。以爲功。左司諫江公望爲上言。元祐人才皆出於嘉祐熙豐培養之餘。重以紹聖竄逐之慘。今存者眇矣。神考之與諸臣。非嘗有射鉤斬祛之隙也。先帝信仇人之言而黜之。使天下騷然。不得盡繼述之美。陛下若立元祐爲名刮擗。

之則必有元豐紹聖爲之對。有對則有爭。有爭則有讐。而黨論復作。陛下改元詔旨。思端好惡以示人。本中和以立政。皇天后土實聞斯言。今渝之如皇天后土何不省。已遂改明年爲崇寧元年。風天下一主於熙寧。而國是大變矣。童貫者閹人也。爲供奉官。工巧媚。先事逢意。欲以故幸。令訪書畫珍奇於三吳。留屢月。蔡京放居杭。與之游。不舍晝夜。貫附語言奏薦之。太學博士范致虛與左階道錄徐知常善。薦京才可相。知常出入宮禁。爲游聲。繇是宦官宮妾。小大交譽京。帝信之。會相忠彥與曾布交惡。布引京自助。召爲翰林學士承旨。起居郎鄧

洵武入對言陛下神宗皇帝子相忠彥則韓琦子也神宗行新法利天下琦嘗論其非今忠彥更神考之法是忠彥能繼述父志而陛下不能也必繼述非相蔡京不可矣於是忠彥以觀文殿學士知大名而召京爲尚書左丞進右僕射制下日賜坐延和殿命之曰朕欲述父兄之志卿何以助朕京頓首願盡死於是首發布私子壻陳佑甫以從官逐之遂柄國托紹述之名今天子必從已用熙寧條例司故事即都省置講議司自爲提舉官講議熙豐已行法度及神宗欲爲而未暇者引其黨爲僚屬謨議之取政事大者如宗室冗官國用商旅山

澤賦調諸事。令分曹主之事。三人於是舉熙寧元豐諸興利法。益掇克爲峻深。焚元祐法籍。元祐中宰執司馬光文彥博呂公著呂大防劉摯范純仁韓忠彥等待制而上。蘇軾范祖禹孔文仲朱光庭等餘官。程頤秦觀張來內臣張士良武臣王獻可等百二十人。目爲姦黨。請御書刻石端禮門。而籍元符末上書人。分邪正等黜陟之。復廢元祐皇后竄豐稷陳瓘等于遠州。詔黨人子弟毋得至闕下。覺察所著書毀之。尋自書姦黨碑。頒郡縣立石。於是京囊括四方之財。實中都。誇富強。復榷茶法。更鹽鈔法。鑄當十大錢。已又鑄夾錫鐵錢。詔天下坑冶。

金悉輸內藏置京西北路交子。收天下利權畢自予而
民生困瘁商賈流離。邊儲枵然不恤也。於是京師帑藏
乃盈溢。京乃言。今泉幣所積。廩五千鉅萬有奇。和足以
廣樂富足以備禮。此熙豐法行之效。豐豫之極。當制作
以文太平而動以周官。惟王不會之說。藉口每及前朝。
惜財省費者。姍笑以爲陋。土木營造。卒欲度前規而侈
後觀。帝大悅。命方士魏漢津定樂。破先儒累黍之說。用
夏禹身爲度之文。取
帝指三節三寸爲鑄九鼎二十四鍾。置禮局。討論古今
度。定黃鐘之律。

郊廟宮室車輅服章。若冠昏喪祭沿革之儀制。脩物采。
備器數。頒五禮新儀行之。詔作辟雍於都城南。爲學制。

峻嚴禁史學。專之於經義。令取士繇太學。置三舍法。以積分升上舍。乃入官。州郡解發禮部考試。訖罷。置書畫筭學。置東西南北輔郡拱大畿。於是圖熙寧元豐功臣於顯謨閣。封王安石爲舒王。配享孔子。位次孟軻子。雋。臨川伯從祀孔子廟庭。以童貫監洮西軍。復湟州。招誘蕃落入貢。謬以爲內附。遣林億。種遼使。撻激怒以啟釁。欲威四夷而佳兵。置蘇杭應奉。置花石綱。東南煩費劇焉。京以爲天下花石佳者在蘇杭。遣所善朱勗致一二奇卉以暉帝。帝大悅之。於是置綱運使。勗領其事。搜剔巖藪。斷山輦石。在江湖不測之淵。百方取之。不得不止。士庶家一木一石堪把坑。用黃封表識之。護視不謹。輒重譴。已徹屋發墻出之。程督慘刻。值役者中家而下。無慮皆破產。彌子女以供。在道捕縛商船。凌轢州縣。截

抑漕運莫敢
誰何之也

京執政五年。天下憤怒。彗出西方。長竟天。

帝頗心動。避殿損膳。中書侍郎劉達請碎元祐黨人碑。

寬上書邪籍之禁。從之。

夜半救毀碑。京翌日見之。厲聲曰。石可毀。名不可滅也。

尋

以太白晝見。京罷免。京令其黨言於帝曰。京所改者法。

皆稟上旨。非私。所建立皆學較禮樂。居養安濟等法。何

所逆天。而致威譴如是。且是非所爲。紹述之意也。得復

召侍郎達以專恣反覆。罷知亳州。又三年。京出知杭州。

又三年。復召爲太師。賜第京師。子攸脩皆大學士。儵尚

帝女。家人廝養。亦都顯官。媵妾封夫人。當是時。帝惑方

士言。而道士王老志王仔昔之徒。用作延福宮。宮五室。

宦豎五人分作之。爭以侈麗高廣相誇尚。中殿閣亭臺相望。鑿池爲海。疏泉爲湖。鶴莊鹿砦。文禽奇獸。孔翠諸柵。蹄尾動數千。嘉花名卉。怪石巖壑。幽勝若天成。於北河鑿大坏三山兩河。創天成聖功二橋。調役夫數十萬。而方士林靈素爲帝言。天子者神霄玉清玉帝長子降生者也。蔡京卽左元仙伯。王黼卽文華使。作明堂。作玉清陽和宮。作上清寶籙宮。皆中通禁署。以便齋醮禱祠之事。於是道籙院上章冊。帝爲教主。主道君皇帝立道學。置道階。求道教仙經于天下。作宮觀徧天下。又造言天神降。造天書雲篆。而神姦謾誕之妖作矣。語具異教考。

初帝以嗣子爲憂。道士劉混康以法錄符水入禁中。言京師西北隅。協堪輿家言。儻因形勢稍增之。使高。當有多男之祥。命爲數仞岡阜。而後宮就館者漸多。帝喜。乃益營。又於寶籙宮。築山曰萬歲山。成命之曰良嶽。已以金芝產萬壽峯。更名壽嶽。窮侈麗不厭。

山周十餘里。中最高一峰。九十

步。上有亭曰介分。山東有萼綠華堂。紫石巖。棲真。登之屬山南。則兩峰並峙。有鴈池。雖離亭。山西有藥寮。西莊巢雲亭。自龍淵。濯龍峽。蟠秀練光亭。又西有萬松嶺。半嶺有樓曰倚翠。上下設兩關。關下有平地。鑿大沼。沼中作浮陽亭。雪浪亭。西流爲鳳池。半山北。俯景龍江。引江上流注山間。西行爲漱瓊軒。北岸有勝釣庵。躡雲亭。飛吟亭。支流別爲山莊。爲回溪。又於南山外。時蔡攸寵於爲小山。橫亘二里。曰芙蓉城。皆窮極巧妙。時蔡攸寵於帝。見無時與王黼預宮中秘戲。侍曲宴。着短衫窄袴。塗

抹青紅。雜倡優侏儒中。妻宋氏出入禁掖。子行領殿中
監。寵信傾其父。嘗言於帝曰。人主以四海爲家。太平爲
娛。歲月何幾。而自勞苦爲。於是帝益放意於逸游聲色
之樂。而京攸父子權利乃相軋。一日攸詣京。京方與門
客語。聞攸至。使避之。攸
甫入。遽起握父手。作診視狀曰。大人脈勢舒緩。體中得
無有不適乎。京曰。無之。攸曰。宜自愛。禁中方有公事。卽
辭去。客竊窺見。以問京。京悵惘曰。君顧不解耶。此兒欲
以吾爲有疾罷。吾政事耳。居數日。果以太師魯國公致
仕。朝帝亦寢寢厭薄京所爲。屢罷屢起。且擇京不合者
爲執政扼之。而京頑頓無耻。乞哀于澤。無忌顧。甘心之
矣。蓋再召柄國者二十年。時宰執趙挺之。張商英。鄭居
中。劉正夫。張康國之倫。皆以諂附京得進。獨何執中謹

事京無可否。朱諤林攄。余深薛昂終死傍附之。餘競權

利。相與望弗償。相傾構往往也。

一日康國朝退。暴得疾。仰天吐舌。昇至待漏院。

卒或疑中壽云。

而內侍梁師成童貫李彥。怙權寵用事。師成官

太尉。宰臣黼至以父事之。雖京亦諂附焉。貫太師封楚

國公。彥括民田于京東西路。前執政冠帶執笏迎馬首。

彥坐自如。一邑租錢增至十數萬緡。而天子時時爲微

行。沉於酒。繇中便門過飲師成家。已復飲黼第。酒困甚。

至不能言。夜漏盡五刻。乃開龍德宮複道小門入。是夜

諸班禁從。爲嚴衛達旦。翼日醒不能興。輟朝。蓋沉湎至

於此。廟齋卽方軫上書言京社稷之賊。懷不道塞陞

下耳目荒其心。下獄流嶺南。右正言陳禾劾貫經臣怙
寵弄權狀。讀未終。帝拂衣起。禾引帝衣畢其說。衣裾落。
帝曰。正言碎朕衣矣。禾言陛下不惜碎衣。臣豈惜碎首。
報陛下此曹。今日受富貴之樂。陛下他日受危亡之禍。
帝感動慰籍之。內侍請易衣。帝却之曰。留旌直臣翼日。
賈等相率前訴。謂國家極治安得此不祥語。謫監信州
酒。秘書省正字曹輔言。陛下厭居法宮。乘小輦出入阡
陌。翱翔郊坰之外。極游樂忘反。道途流聞。始猶疑惑。邇
習爲固然。臣竊不意陛下當宗廟社稷付託之重。而玩
安忽危。至於此也。夫君之與民。本以人合。合則爲腹心。

離則爲楚越。在於斯湏。甚可畏也。蚩蚩之民。萬有一包藏禍心。當乘輿之不戒。雖神靈擁護。而威重則已損矣。又況有臣子之所不忍言者乎。有旨赴都堂問狀。參政余深詰以出位。輔曰。大官不言。故小官言之。官有小大。愛君之心。無小大一也。黼陽顧同官問之曰。既中言盤遊事。豈有之乎。皆應以不知。輔曰。茲事雖里巷小人畢知之。相公當國。獨不知耶。誠不知焉。用彼相。編管郴州。輔字戴德。南劍州沙將人。當是時。女直已蹙遼。僭號稱大金矣。遼燕人馬植。故仕遼爲光祿卿。行污不齒。聞貫以大閹使遼。至盧溝。則夜見其侍史。自言有滅燕之策。貫與語。大奇。

之載與俱歸。易姓名曰李良嗣。薦諸朝。良嗣獻策言。女直恨遼人刺骨。而天祚失道。國必亡。本朝若自登萊浮海。詣女直。與結約夾攻遼。遼可圖也。帝悅之。蔡京故治王安石言。以中國失雲燕爲大辱。與王黼力主其事。於是遣武義大夫馬政使女直。結好。金報聘。遣良嗣以右文殿脩撰。賜國姓。名市馬。實約夾攻遼。請石晉故所棄地以爲分。朝散郎宋昭上書言。遼不可攻。金不可隣。隣之必爲中國患。兩國之誓曰。敗盟者禍及九族。九廟祖宗之靈實臨之。陛下以孝理天下。其忍忘列聖之靈乎。今承平日久。民不識兵。而兵端自我始。陛下以仁覆天

下其忍置河北之民於塗炭之中。使肝腦塗地乎。乞斬
黼貫良嗣以已難。編管海外。金報命如約。熙河將趙隆
有武力。貫欲籍以圖功。撫其背謂之曰。若與我共此封
拜可得也。隆曰。隆武夫。豈敢干一時功賞。敗祖宗二百
年盟好乎。今啟釁。恐異時萬死莫贖也。貫默然。樞密鄭
居中於政府。面質京曰。公不爲國守盟約。而輕造此端。
何也。京曰。上厭歲幣五十萬故耳。居中曰。公豈不聞漢
世和戎用兵之費乎。今啓釁。卽異時百萬生靈。肝腦塗
地。將何以居之。京亦默然。惟帝亦以爲睦寇初平。憚用
兵。悔之也。獨王黼欲攘以爲功。爲帝言。中國與遼盟雖

久實敵國也。何損於信。今不取。則燕雲故地爲金有。將
於何復之。於是詔童貫爲河東北宣撫使。蔡攸爲副使。
勒兵十五萬以應金。都統制种師道曰。師直爲壯。曲爲
老。今日之舉。如盜入鄰家。不能救。又乘之。分其室也。曲
甚矣。盍已諸。貫不聽。遼使來言曰。女真之叛本朝。亦南
朝之所惡也。今射一時之利。棄百年之好。結豺狼之鄰。
基他日之禍。竊爲大國不取也。救災恤鄰。古今通義。惟
大國圖之。貫不能對。會遼將郭藥師率所部以涿易二
州來降。詔授恩州觀察使。導攻燕。而師敗于白溝。貫顧
勅統制師道。陰助虜。戰不力。以爲鮮。貫遣劉延慶將兵
十萬出雄州渡白

滿師亂次。濟藥師曰：「今大軍跋隊行而不設備，有如敵設伏掩擊，殆必危者也不聽。」至良鄉而敗。延慶遂壁不敢前。藥師曰：「燕留守兵，度不滿萬人。今悉師來矣。」燕內虛，願得奇兵五千人從間道襲之。城可得也。延慶曰：「善。」藥師因請延慶子光世，簡師爲後繼，許之。於是藥師帥所部夜半發，盧溝倍道進。質明先登，奪迎春門入。而先世渝約不敢前。藥師勢孤，縋城下走而免。於是遼將分兵斷鑲道，得漢卒二人，繫帳中。傳令曰：「吾師三倍漢軍，可克也。明舉火，則分左右翼而精兵衝其中，必殲之。乃逸其一人還言之。」延慶以爲信，卽自燒營遁。士卒相蹂踐者百餘里，自厭豐所造新樣弓刀械器幾盡。當是時，中國承平久，天下耗弊業枵然，有外強中乾狀。而將怯士頓，師伐遼輒餽。藥師還，進安義軍承宣使。然亦知中國不足恃，中懷悔誤降矣。雖京亦私內憂之。張翥者，福州儒生也，與京善。造京京厚遇之。張外館令子弟從受學。翥欲發危機動之一

日呼諸生前。命學走。諸生拱揖曰。日聞先生勅諸生言。徐動莊。今教之走。何也。覺張目大罵曰。天下爲若翁所敗壞。亂且作。不以此時學走。寧當從俱死乎。持大挺逐之。諸生四走匿。以爲張先生患狂易。病妄語也。以謂京京聞之心動。夜持酒造之。問病。實咨計。覺曰。今天下洶洶。燕薊又接兵。宗社危旦夕耳。宜亟引舊德老成置左右。圖上心。羅天下忠義之士。有曰。外。庶猶可及。救不者。殆矣。京大動。問其人。以楊時對。時河南程氏高第弟子也。學成德尊。爲天下所注嚮。又京省人。會路允迪自高麗還。言高麗國主。問龜山先生安在。乃召爲秘書郎。時

至人對言。古君臣警戒。在於無虞。今大難蓄矣。而一不之虞。願爲宣和會計錄。周知天下財用出入之數。又言。熙寧元祐分二黨。禍至今未殄。願條祖宗之法。著爲綱目。宜於今者舉行之。當損益者損益之。元祐熙豐姑置勿問。以趨於中。又疏言。燕雲之師。宜退守內地。省轉輸。募邊民爲弩手。殺常勝軍之勢。又言。京都居四達之衢。無高山巨浸以爲阻。宜亟脩戰禦備。時不能用。童貫以伐燕再不勝而懼。則密遣使如金。求如約夾攻燕。金許之。分道疾進。攻居庸關。關墜。遂克燕。而中國師失期不出。於是遼五京悉爲金有。而中國一戰未嘗勝。尺土未

有得也。今乃遣騎送趙良嗣還自燕。且獻俘。先是約克
燕日。割石晉故所賂契丹地爲分。而平營灤三州。非晉
賂。乃劉仁恭獻後唐求援者也。至是朝議欲得之。遣良
嗣往請。而金人見中國師無紀數。敗輕之。欲背約。謂良
嗣曰。營平灤。吾要害地。吾欲作邊鎮。何可得也。今獨與
若燕薊景檀涿易凡六州。燕京亦本兵方攻得之。其租
稅當輸之本朝。宋必欲營平灤。卽燕薊不與矣。良嗣曰。
往所約者。山前後十七州。今云然。如信義何。且租稅地
產當隨地。豈有與其地不與其租稅者。粘沒喝曰。地自
我得之。當歸我。今以與若國。所謂取諸懷而與之者也。

於租稅何有。大國熟計。如不許。則涿易吾土也。請速追
涿易之師。無久留我疆。良嗣還報命。而中國憚兵一聽
之不復。以負約爲責。而以銀絹代租稅。往報命。金終顧
吝燕。又知中國不足忌。厚有要。王黼欲功速成。盡許之。
要增歲幣。則許遼舊歲幣四十萬。要增租稅。又增燕京
代稅錢百萬。要歸叛人。則許簿送諸叛人。永釋餉。又許
二十萬石饋之。於是金意滿。乃遣使以誓書及燕六州
歸。而天子諭復燕薊功。京黼攸皆進位。貫爵徐豫二國
公。已。援神宗詔。復全燕地者。胙土錫爵。貫進廣陽郡王。
時燕職官富民。金帛子女。皆爲金人所驅掠。而北獨空。

城。於是悉河北河東山東之力以餉軍。又徧率天下府州縣各科免夫錢佐焉。海內困弊轉運使呂頤浩言。今開邊雖悉力竭財。懼後終難繼。且條燕山河北危急者五事以上。帝怒奪一官。初粘沒喝欲渝燕雲之約。金主曰。海上之盟自我許之。何可忘也。我死汝自爲之。會金主卒。其國所謂完顏太祖者也。弟吳乞買嗣。而張穀以平州來歸。欲嫁禍。王黼復勸帝納之。金以納叛人來責。又面穀首界之。當是時。金使數往返中國。諸山川道途險易。迂直阨塞。及朝廷虛實治亂。業盡得其要領。粘幹喝與幹離不者。勸金主必南伐。毋後時。於是粘沒喝帥

諸將自雲中趨太原。幹離不撻懶帥諸將自平州入燕山。時童貫爲金人所紿。云許割蔚應飛狐靈丘往受地。聞粘沒喝自雲中南下。則遣使好逆之。使至軍。責庭參畢前議割地事。粘沒喝曰。爾尚欲此諸要塞膏美地耶。地信美。然不可得也。今山前山後皆我有。未論第別割數城來贖罪可也。使還以告。貫謾言曰。金初立國。何敢爾。未之信。勸爲備。不應。而粘沒喝遣使持嫚書來責渝盟曰。必速割河東河北地。以大河爲界。用存宋宗社。乃報國也。貫聞之。膽落不知所爲。卽以赴闕稟議爲名。欲還汴。時貫以郡王兼太尉宣撫使督師矣。太原守張孝

純止之曰。金渝盟。王當會諸路將士力捍之。太原險可
守也。王一去。則人心搖。是以河東與金也。河東失。河北
亦未易保。願少留。貫艷然曰。貫受命宜撫。非守土也。必
留貫。置帥臣何爲。遂宵遁。孝純歎曰。平生童太師作許
大威望。卒有變。乃奉頭鼠竄。何面目復見天子乎。先是
郭藥師以殺張穀而懼。曰。金人欲得穀。卽與穀。脫令欲
藥師。藥師能自保乎。於是諸降將士皆解體。而藥師專
制一路兵。朝論頗疑之。以太尉召入朝。辭不至。帝令童
貫行邊。陰察其去就。藥師迎拜帳下。父事之。貫大喜。歸
爲帝言。藥師必可倚。蔡攸亦從中力主之。至是遂以燕

叛降金。燕州縣盡陷。天子乃大恐。始下詔罪已。求直言。
太學生陳東上書曰。今日之事。蔡京壞亂於前。梁師成
陰賊於內。李彥結仇於西北。朱勔聚怨於東南。王黼童
貫。又從而開隙於燕。此六賊者。異名而同罪。惟肆諸市
朝。謝天下。邇英殿說書楊時言。今事勢如積薪。已然當
自奮勵。以作遠近之氣。若示以怯懦不振之形。則大事
去矣。諸要害地。當嚴爲守備。近邊州軍。宜堅壁清野。勿
戰。使目困而擊之。敵攻城邑。遣援兵外襲。令腹背受敵。
使無邇都鄙。若因仍不圖。敵得深入。薄都城。殆而已矣。
且言今日事。以收人心爲先。人心不附。雖高城深池。堅

甲利兵不足守也。免夫之役，毒被海內。京城工作東南
花石，其害尤甚。欲致人和，必先去此三者。於是罷花石
綱及內外製造局，罷道宮及行幸諸局，而金師深入矣。
時天子溺宴安之日久，忠賢入黨，籍禁錮，國無君子。公
卿皆京黼所引用，並邪佞庸瑣，獨謾誕爲侈驕。左右嬖
汰，聞師命，卽震懾奪氣，欲南避。一籌未能展，於是詔皇
太子爲開封府牧，欲藉以委難。太常卿李綱與給事中
吳敏善，夜過之，曰：「聞建牧，非將委太子以畱守乎？」敏曰：「
然。綱曰：『今敵勢昌，非正位號不足以有定。尹牧無益也。』
敏曰：『監國可乎？』綱曰：『肅宗靈武之事，不建號，唐不再興。」

而建號之議。不出於明皇。後世惜之。公曷不入爲上言。
此宗社大計也。翼日敏以聞。帝卽召綱入。綱刺臂血上
書力言之。於是傳位于太子。太子卽位爲欽宗。尊帝爲
太上道君皇帝。后爲太上皇后。以李邦彥爲太宰。竄王
黼。永州道殺之。賜李彥死籍其家。命蔡攸爲行宮使。奉
上皇東幸亳以避敵。而天子居守金濟河。宰執請南幸。
襄鄧以紓難。兵侍郎綱以行營參謀官請對。曰。信如是
宗社危矣。道君皇帝以宗社委陛下。庸得而棄之。太宰
曰。時中曰。都城單弱如此。何可守。綱曰。盡天下城池深
堅。寧復有如都城者。都城不可守。孰爲可守。且宗廟社

稷百官萬姓咸在今捨此安歸惟勵將士撫民
守待勤王策之上也語未卒內侍巡城還言城樓
具城東濠淺不可守帝顧綱曰卿試往觀朕於此俟卿
綱循視訖亟還請曰城堅且高諸樓櫓誠未備然守得
其道卽不具無損壕池惟樊家岡而下以禁地毋開鑿
誠淺狹然精兵强弩據之保無虞也帝問誰可將者綱
言朝廷平日以高爵厚祿養大臣者固將以用之也時
中邦彥等雖書生未知兵然籍其位號撫將士以抗敵
其職也時中勃然曰綱自料能將兵否綱奮曰陛下不
以臣庸懦使治兵臣其敢違難乃以綱爲右丞兼親征

行營使已帝入時中邦彥語欲決幸襄樊而命綱畱守。綱力陳不可。且言唐明皇聞潼關失守。卽幸蜀。使宗廟朝廷碎於賊手。累年僅乃復之。此殷監也。陛下初卽位。中外欣戴。四方勤王兵不日雲集。虜深入可坐得廟勝之策。苟六飛朝發。京師夕亂。雖臣等百十人畱守何益。願爲社稷故自勉。內侍奏中宮已行。帝色變。降御榻泣曰。朕不能畱矣。綱泣拜以死邀之。帝意稍定。俾中使追中宮還。因諭綱曰。今爲卿畱。今治兵禦敵之事一委卿。毋疎虞可也。綱惶恐受命。是夕。綱宿尚書省。詰旦朝。則道路洶洶。太廟主已出。寓太常寺矣。至祈曦門。禁衛已

擐甲乘輿已駕六宮襍被升車矣。綱惶懼厲聲謂禁衛士曰。汝等願守宗社乎。願從幸乎。皆呼曰。願死守綱。拉殿帥王從濫入見曰。陛下昨許臣留。今戒行何也。今六軍父母妻子皆在城。孰肯捨之去者。萬有一中道散亡。歸孰與爲衛。且虜騎已逼。彼知乘輿去未遠。以健馬疾追。何以待之。帝感悟。命輟行。宣勅諭六軍皆拜呼萬歲。已綱治守戰之具。日集而分遣使督諸道兵入勤王。癸酉。幹離不軍抵汴城。據牟駝岡而軍。相邦彥力請割地爲和以紓難。金帥亦謬以議和。緩四方勤王。弛中國防禦。索其心許。遣親王宰相詣軍前更誓書。結好和可得。

也。於是耶彥贊和議益力。帝求大臣可使者。綱請行。帝不許。曰：卿性剛，往且有激，不可命。左丞稅往。綱爭之曰：虜方銳，吾大兵未集，固不可不款以和。然所爲和者，得策則全安，不然禍愈甚，無益也。稅柔懦，恐誤國。因反覆言祖宗土地尺寸不可妄與人。許金幣過適，後不可繼。且北狄婪稅，往必張聲勢，厚要求。覘國俯仰，儻有求輒得，彼必肆無憚矣。願陛下熟察。而李稅竟遣至金師。幹離不者南向坐。稅北面膝行前。惶怖失所言。幹離不謂之曰：汝京城破在頃刻，吾所爲歟？兵不攻者，徒以少帝故欲存趙氏宗社耳。今議和須犒師金五百萬，銀五千。

萬兩牛馬百萬頭。幣百萬匹。尊國主爲伯父。割中山太原河間三鎮地以和。遣宰相親王爲質。送大軍渡河。幾可得耳。枕唯唯退。與金使來索賂。邦彥等勸帝悉從之。李綱言。金所需金幣。竭天下力。然且不能足。況都城乎。太原河間山山號三鎮。實十餘郡地。塘濶險阻皆在。割之何以立國。又保塞軍翼順僖三祖陵寢在焉。何可棄也。至遣質。卽宰相當往。親王不當往。不若遣辯士前與之議。所爲可不可者。遲留數日。大兵雲合。戰則尅。卽不戰而與盟。亦且憚中國而和。和可久矣。李邦彥曰。都城破在旦夕。何有於三鎮。况金幣乎。綱不能奪。因求去。帝

慰諭之曰。卿第出治兵。此事當徐圖之。綱退而誓書成。日輸金幣金師矣。會涇原秦鳳帥种師道以其師入援。師道素以忠義勇略聞天下。帝喜。開安上門。命李綱迎勞。時師道老被病。召入見。命母拜。命肩輿入朝。師道入再拜。問敵情。對曰。女真不知兵。豈有孤軍深入人境而能善其歸者。帝曰。業講和矣。對曰。臣以軍旅事陛下。和非所敢知。命周知宣撫使。統四方勤王兵。方金使在廷。桀驁甚。望見師道拜謁。稍如禮。帝顧笑曰。彼爲卿故也。師道請緩給金幣千金。伺情歸。扼而殲諸河。邦彥不從。而金肆。李綱言金悖甚。非決戰不可。且敵兵號六萬。吾

勤王師集城下已二十萬。彼孤軍入重地。猶虎豹自投
穽中。一日縱敵。數世之憂也。今獨宜扼河津。絕敵餉道。
分兵復畿北諸邑。而重兵堅壁勿與戰。俟食盡力疲。然
後以一檄取誓書。復三鎮。縱其北歸。半渡而擊之。蔑不
勝也。帝然之。而姚平仲者。違師道節制。往劫寨而魴。懼
誅。亡去。幹離不使來責違約。邢彥於上前語使人曰。上
事乃大臣李綱。與姚平仲所爲耳。非朝廷意也。議欲罷
師道。縛綱與虜以解難。於是太學生陳東與諸生千餘。
詣闕上書。言綱奮不顧身。以其身任天下之難。所謂社
稷之臣也。時中邢彥等庸謬媚嫉。誠社稷之賊。今罷綱。

正墮金人計中。乞復召。而誅邦彥等。會邦彥入朝。衆數其罪。而罵欲毆之。邦彥疾驅免。吳敏傳命諭諸生令退。爲軍民所擁。不得行。昇登聞鼓。搥壞之。喧呼動地。殿帥王宗漣恐生變。奏帝勉從之。帝乃遣耿南仲號於衆曰。已得旨宣綱矣。內侍朱拱之宣綱。後衆鬪而磔之。并殺內侍數十人。於是綱復爲尚書右丞。充京城四壁防禦使。旣而都人言。願望見种少保。詔師道入城。彈壓。師道乘車至。衆褰簾視之曰。果我公也。相與聲喏而散。明日。王時雍請致太學生于獄。禁伏闕上書。吳敏曰。是速亂也。但用宿儒爲諸生素信服者爲之師靖矣。於是用邇

英說書時爲祭酒而定。先是蔡懋主城守禁不得輒施矢石。士憤懣。是日綱治兵宿咸豐門。令殺敵者賞衆踴躍奮起。夜發霹靂砲以擊虜。虜大驚。翌日薄城。挽神臂弩射却之。有告梁方平欲爲賊內應者。綱召至帳中。執付御史臺推治。諸內侍之守城者皆罷誅。浮浪不逞者數人。金度不能下。撤圍去。而京師解嚴。綱師道請亟發兵。躍敵阨而熾。諸河不聽。而三鎮爲朝廷守。金攻之不下。祭酒時言。河朔國家重地。三鎮又河朔要藩也。自周世宗至我太祖太宗百戰而得之。一旦棄之。使敵騎馳驅吾腹心之地。此大患也。今三鎮爲國固守。願亟發

兵救之。三鎮拒其勸。重兵躡其後。虜可破也。議者以墜
言。徼禍沮之時。爭曰。今金人駐磁相。破大名。虜掠無厭。
極。肅王初與約及河而反。今挾與俱壯。此背盟之大者。
中國乃欲專守和議以待之。不已謬乎。夫越數千里而
犯人國都。勤王之師四集。故懼而自歸。非愛我而不攻
明矣。今乃割三鎮十州之地與之。以助寇自攻。何也。今
宜以肅王爲問。以敗盟爲責。徼其憊擊之。詔出師。士踴
躍受命。抵邢趙。又得命中罷知密院綱爭復遣。而將士
解體矣。於是治開邊誤國罪。貶蔡京童貫朱勔官。各安
置遠州。祭酒時原本禍所從始。上書言。蔡京用事二十

餘年蠹國害民幾危社稷。中外切齒而論其罪者。曾莫知其本。夫京以繼述神宗爲名。實挾王安石之遺言。圖身利。則今日之禍。實安石有以啟之。安石挾管商之術。飾大藝以文姦言。亂祖宗法度。當時司馬光已言其爲害。當見於數十年之後矣。今日之事。若合符契。京者爲邪說。以塗學者耳目。而敗壞其心術者。不可縷數。其釋鳧鷖守成之詩。謂以道守成者。役使群衆。泰而不爲奢。宰制萬物。費而不爲侈。而深訾仁祖爲天下守財爲非是。啓人主侈心。其後京輕賈妄用。競於侈靡。王黼以應奉花石。竭天下財力。實安石啓之也。望追奪王爵。明詔。

中外毀孔廟配享之像。便邪說淫詞不得作。詔罷安石配享而諫議大夫馮獬力主王氏力詆時。以熙寧元豐間士無異論。爲太學極盛。猶頌言王安石之爲功。於是右正言崔鶚發憤上疏曰。熙豐間王安石除異己之賢。著三經說以取士。天下靡然雷同。陵夷至於大亂。此無異論之明效。蔡京又立學較之法。馭士如卒伍。有一異論累及學官。苛錮多士。至於此。而獬猶以爲太學之盛。欺罔不已甚乎。仁宗英宗選敦樸敢言之士以遺子孫。安石日爲流俗。一切逐去。司馬光復起而用之。元祐之治天下安於泰山。及蔡京得志。引其私人倡紹述。紹述

者名紹述神考實本祖安石也。紹述同風俗而天下同
於欺罔。紹述一道德而天下一於諂佞。紹述理財而公
私殫竭。紹述造士而人才頽靡。紹述開邊而塞塵犯天
闕矣。京操述大類王莽而朋黨之衆過之。乞斬之以謝
天下。詔竄京儋州。道死。天下以不正典刑爲憾。而童貫
趙良嗣蔡攸脩朱勔皆伏誅。當虜退時。京攸貫黼從上
皇南幸。朝議遣發運使聶山卽圖之。右丞綱爭以爲令
得此數人必震驚太上。憂仕乃陛下。令爲數人者所覺。
挾上皇益東求劔南一道。其何以處之。不若先迎請太
上回鑾而徐去此數人。未晚也。山乃不果遣上。皇還次。

南都爲數人所逢。構相羊不肯前。宣言欲如亳焚脩。因
遂如西京而往往以改革政事爲志。下手札詰問。且曰。
必召敏若綱來。以內禪本二人所定畫也。帝憂之。計不
知所出。綱奏曰。上皇所爲欲臣及敏來者。非他。不過欲
知朝廷動息耳。敏不可去左右。臣請行。帝初不許。綱力
請而行。比至引對。綱具言。皇帝聖孝。日思慕效。晨昏共
養。乞早還都。意惻怛有動。上皇泣數行下。因問卿須何
以去國。對曰。臣昨任左史。以狂妄論列水災。蒙恩寬斧
鉞之誅。當時所言。亦謂天地之變。以類應。正爲今日攻
圍之兆。上皇問災變應車而驗信乎。綱曰。譬猶一身疾

在五臟必發於氣色。形於脈息。善醫者知之。觀變於陰陽。以善其消復。聖人御世。其道亦猶是也。道君意稍和。乃詢虜人攻圍及都城守禦次第。綱一一具言之。得少寬已。語漸洽。上皇乃稍詰近朝廷所爲改革政令之意。綱從容對曰。皇上仁孝。抑畏得上札詰問。往往憂懼廢寢食。竊譬之家長出而家遇寇。家子弟不得不從權措處。勢難一一稟命而行。不稟命亦何能無一二違誤。在爲家長者。唯當以保家宅田園故。重慰勞之。不當苛問其細小。今皇帝受命適大敵入寇。爲宗社計。豈容不小有變更。今宗社無虞。四方寧謐。臣謂宜曠然有以慰其

心諸瑣瑣置勿問可也。上皇感悟。出玉帶金魚袋以賜。綱還復命而耿南仲議奉迎儀。請先屏從行左右近侍。帝乃前。綱頓首言。如此則疑阻生矣。南仲謬爲愛上。豫防執不可。綱曰。天下之理。誠與明。疑與暗而已。誠則明。明則愈誠。自誠明推之。可以爲堯舜。疑則暗。暗則愈疑。自疑闇推之。其患有不可勝言者。南仲當以堯舜之道輔陛下。然其人闇而多疑。言不足深采。已上皇至都而父子驩然。愉愉泄泄。本綱燮調豫順之力也。當是時。虜退。上皇還京師。耿南仲等顧恬嬉爲忤媚於平居不異。臺諫日指摘京黼之黨以塞責。噂沓無虛咎。諸防邊禦

寇之策。顧廢不講。爲國忠謨遠慮。請脩邊實者。覆姍笑以爲狂。綱進知樞密院事。爲帝言。虜以天時熱而歸。亦暫耳。未少有創懲。臣竊意其冬必南也。條秋防禦敵之畧甚具。南仲深心媚之。會太原圖未解。宣撫种師道以病請罷。奉祠中丞許翰言。師道名將。沉毅有謀。爲山西士卒所衆服。不可輕解其兵柄。帝謂其老病難用也。翰曰。秦始皇老王翦而用李信。兵辱於楚。漢宣帝老趙充國卒用之。成金城之功。自呂望以來。用老將成功者。難以一二數。今師道雖老可用。也不聽。南仲請棄三鎮。綱不可。南仲曰。必援大原。非綱不可以爲河東北宣撫使。

代師進將綱辭曰臣書生實不知兵向在圍城爲陛下
任兵事臣也今爲大帥實不任敢辭帝不許退連疏
辭又不允或謂之曰公知朝廷所以遣之意乎非爲邊
欲絲此去公則都人無辭公堅卧不起使讒者得益行
其說禍且不測中丞翰書杜郵二字遺之綱不得已起
受命帝手書裴度傳以賜綱入謝言今朝著翕翕訛訛
媚嫉成風其何以效功因錄裴度論元稹魏弘簡疏上
之濱行帝勞之曰卿暫爲朕巡邊行卽還綱對曰臣行
恐無復還理臣以愚直不容於朝旣行朝議無阻難無
謗讟饌饋無不足進而死敵臣之願萬一溫撓間之臣

自度不能爲。當引去。惟陛下哀憐。全君臣始終之義。帝爲感動。錫宴勞而遣。綱行至河陽。練士卒。脩戰車。期兵集。大舉而南。仲等忽降詔。罷諸召募兵。綱疏言。秋高馬肥。敵必深入。防秋兵盡集。然且恐不支。又兩河日急。未有一人一騎副其求者。奈何。兵甫集。又散遣乎。且臣以軍法勒諸路起兵。而政府以片紙罷之。臣恐他時號召無復應者矣。疏上不報。而手詔趣綱赴太原。綱乃遣解潛屯威德軍。劉豁屯遼州。相可求張思正屯汾州。皆去太原五驛。約三道並進。而諸將皆承御畫。得專達進退。自如。思正等與灝夜襲婁室軍。乃大敗。言者遂論綱主

戰喪師費財罪罷知楊州尋落職安置建昌軍於是金
幹離不粘沒喝復分道南侵中丞呂好問請亟集滄滑
邢相之戍遏其衝列勤王之師于畿輔衛京邑不省金
陷真定攻中山而耿南仲唐恪等獨恇懼請割地好問
率臺諫劾之貶知袁州詔南仲如幹離不軍聶昌如粘
沒喝軍且割地昌爲絳民所殺南仲至衛州怯不前名
謁康王奔相州副南仲在東宮官十年謂當得柄用而
吳敏李綱越次位已上心不平則深心
沮之高宗立落職奉祠言者不已帝曰南仲
誤國天下共知朕嘗欲手刃之放嶺南道死而金將幹
離不自真定兼行至汴都屯劉家寺粘沒喝自河陽至
屯青城時天下援兵爲唐恪耿南仲罷遣無至者城中

唯衛士及弓箭手七萬人。皆募市傭以充。乃募死士以
蠟書間行。出召兵。拜康王構爲天下兵馬大元帥。令帥
諸道師入援。南仲恪猶以和爲解。獨開封尹何杲稍果
悍。中無計慮。獨引蘇軾議東遷失計。觀上爲堅守。南道
都總管張叔夜將三萬人。昌圍轉戰至。帝御南薰門。見
之。叔夜言。唐自天寶後。屢失屢復者。以天子在外。於號
召四方易也。虜勅甚願暫詣襄陽。規幸雍。帝習見春和
以城守獲全。又見金人薄城下。恐出亡不免。默然者久。
之。詔叔夜將兵入都城。而城陷。於是二帝北。宋南而汴
不復都。方金攻圍時。執政孫傳何杲信衛士郭京言。能
施六甲六丁法。可生擒金帥。掃蕩之法。用七千

七百七十七人。無間技擊能否。但擇年命合丁甲者將之。禧丁甲神力足抗敵。所得皆市井游惰。旬日而足。朝廷深信。命以官。賜金帛。或謂傳自古未聞。以丁甲法成功者不可聽。卽聽。始少付之兵。俟有功乃任。今專倚之。懼必爲國家羞。傳叱之言以爲自古大將成戰功。未有不繇丁甲去而得者。獨秘不露耳。汝何知。於是京師妄人爭募衆。稱六丁力士。稱北斗神兵。稱天闕大將。以應京。京懼。情得浮與。相唯諾。而宣言非危急吾不出。大率本世主信道教。人習倚鬼神爲姦欺。而然也。會天大雨雪。連日夜不止。帝徒跣禱。雪彌甚。士不能鼓弩。何棗起郭京出師。徙期者再三。不得已。乃令守禦人盡下。云作法忘竊視。啟宣化門。以出。京與張叔夜坐城樓上。以觀金分四翼。譟而前。我兵走京。白叔夜曰。非自下作法不可矣。因下城。引餘衆南逸。走襄陽。誅死。統制何慶言陳克禮中書舍人高振力戰死。而城陷。帝慟哭曰。不用种師道言。至於此。以前金師退時。師道請邀擊扼之。河爲衆沮故也。金旣入城。患中國獨懼怯失守。非百戰所克也。懼都人悉力巷戰。猶宣言許和。邀上皇出郊。帝曰。上皇驚憂成疾。必欲行。朕當親往。遂如青城。勸之降表。留二日。金粘沒喝以爲是机上肉不足慮。不如聽還。括金

帛厭乃後執之也。帝還宮，朝士及太學生走迎，掩面哭。日宰相誤我父子，觀者流涕。金遣使來索金千萬，鉞帛二千萬，鉞帛三千萬匹。於是大括金銀遺金，以陳過庭折彥質等爲割地使。如河東，金人度金帛盡不可復，乃邀帝再至營。帝有難色，何桌李若水勸之行。宣贊舍人吳革白桌言：「天文帝座傾，車駕出必墮，桌不聽。」命孫傳輔太子監國，而與桌若水如青城，留不遣。桌慙不食死。金逼帝易服，若水抱持哭不屈死。金吳乞買得降表，廢帝及上皇爲庶人，報至，粘沒喝令翰林學士承旨吳开吏尚書莫儔入議立異姓，而邀上皇如軍。衛將范瑗劫上皇與太后御犢車出宮，鄆王楷及諸妃公主駙馬若六宮有位號者皆從。金懼諸王諸宗至有留者，且遺患督開封尹徐秉哲致之。秉哲令坊巷五家爲保，毋藏匿得三千餘人，綴衣袂，令相聯屬無脫。如金軍，孫傳留太子不遣，宣贊舍人吳革欲以所募士微服衛太子，潰圍出。傳欲匿之民間，別求狀類太子者，併宦者數人殺之。緇金人謀五日不定，而開儔督脇急，瑗劫太子皇后共車出，如金軍。士庶走隨太子哭，太子亦哭，呼百姓救我哭聲震天。孫傳從死。革遇害已，議立異姓，衆相視莫敢發。相時雍私於開儔，問之，二人微言敵意在張邦昌時。

齊本館直適尚書負外郎宋齊愈自金軍至衆問之齊
愈取片紙書張邦昌三字示之時雍乃決以邦昌入議
狀閉百官尚書省環之兵諭之衆唯唯時雍旨署狀衆
從之獨簽書密院張叔夜不署狀太常寺王簿張浚開
封士曹趙鼎司門員外郎胡寅皆逃入太學中不署名
而御史馬伸奮與御史吳給中丞秦檜其爲議願復立
趙氏後且言邦昌傾危不可立金人怒執叔夜檜北去
而以冊寶命邦昌爲帝國號楚邦昌入尚書省北向拜
舞受冊寶升文德殿設位御席西受賀閣門傳令勿拜
時雍率百官遽拜邦昌東向拱立受是日風霾日無光
百官慘沮邦昌亦變色唯時雍開儔璫等欣然以爲有
佐命功於是將離不遂脇上皇太后與親王皇孫駙馬
公主妃嬪及康王母帝賢妃王夫人邢氏孫滑州去粘
沒喝以帝后太子妃嬪宗室及張叔夜陳過庭司馬札
秦檜等踪鄭州去叔夜扼吭死邦昌率百官還辭二帝
於南薰門有慟哭什絕者凡法駕鹵簿皇后以下車輅
鹵簿冠服禮器法物太樂坊樂器祭器八寶九鼎圭璧
渾天儀鉅人刻漏古器景靈宮供器太清樓秘閣三館
書天下府州縣圖及官吏內人內侍伎藝工匠優倡之
屬盡北府庫畢空帝自雲中至燕始見上皇于燕相抱

泣。金遷霅郡。霅郡者。右溪國也。去燕北千里。上皇夜詔宣贊舍人。惟勛曰。我夢四日金出。此中原爭立之象。不知中原民尚遂象戴康王否。念欲致一音。康王卿能爲朕冒險艱行乎。勛許諾。因解御衣絹半臂。親書領中口。便可即真來救父母。又諭勛曰。見康王第言有清中原之策。當當悉舉。行勿以我爲念。又言藝祖有誓約藏太廟。戒毋殺大臣。與言事官違者不祥。夫人邢氏聞勛南。亦脫所御金環。使內侍持付勛曰。幸爲我自大王願如此。環得早相見也。勛間關抵行在。則康王卽位南京矣。以御衣進。王覽之。悲慟已。赴上京。金主吳乞買封上皇昏德公。淵聖重昏侯。徙韓州。給田十五頃。令種蒔。自給。紹興五年夏四月。上皇崩。五國城是爲徽宗。三十一年。淵聖崩。爲欽宗。自太祖建隆元年庚申至欽宗靖康二年丁未。享國凡百六十有七年。

論曰。予考觀宋祖宗在御。皆守終仁儉爲家法也。卽哲徽眊矣。乃魑虐於夏癸殷受。猶然殊科。宜足延世而不延也。傷之曰。悲夫。主不武。不明。御臣御小人。御夷狄之

柄失抵此夫詩稱戎狄是膺書稱克詰張皇陟禹之迹
方夫豈隄兵以固國也而守和戎爲國是書難壬人禮
放流屏遠易鼎折足覆餗者刑劇夫豈不懷以匡國也
而妨賢病國之奸居散地出守以爲外小人周漢重冢
司貴相尊尊貴貴元首股肱之義依隆古而來宋興韓
富歐文以忠賢定傾保大非所謂社稷之固邦家之基
也與哉而時號正人賢士者不輸猷念相從激肆爲彈
射也斯已絞矣國有大事不務審處而先抗論不求濟
事而先潔名卒之黨禍作主聽惑一蹶而莫之興也豈
不悲哉

